

THOMÆ  
CAMPANELLÆ

STYLENS. ORD. PRÆDIC.

MEDICINALIVM.

JVXTA PROPRIA PRINCIPIA;  
*Libri septem.*

OPVS NON SOLVM MEDICIS, SED  
OMNIBVS NATVRÆ ET PRIVATE VA-  
letudinis studiosis vtilissimum.



LUGDVNI.

Ex Officina IOANNIS PILLEHOTTE,  
Sumptibus IOANNIS CASSIN, & FRANCISCI PLAIGNARD.

M. DC. XXXV.

CVM PRIVILEGIO REGIS.

*Joseph Tallonak Physici Collegii Aconariensis.*



STATIONERY AND PRINTING

JOHN A. PROCTOR & SONS



STATIONERY AND PRINTING

JOHN A. PROCTOR & SONS

STATIONERY AND PRINTING





ODOARDO FARNESIO  
PARMENSIVM PLACENTINORVMQVE  
PRINCIPI

atque

S. R. E. PERPETVO VEXILLIFERO  
IACOBVS GAFFARELLVS  
S. P.

**S**ÆPIVS mecum ipse perpe-  
di, SERENISSIME PRIN-  
CEPS, quales post egregiam  
illam, quam de me tuis haud  
semel fecisti, cum disertissimo  
ab Epistolis tuis Gaufrido,  
mentionem tibi gratias haberem. Cumque di-  
gnæ satis vix à me vllæ comperirentur, hæc NO-  
VA incomparabilis Campanellæ MEDICINA,  
quam infinitis propè laboribus edendam curavi,  
se se tandem obtulit: quam veluti munus præ-  
stantissimum SERENITATI tuæ offerrem, &  
cuius forsitan erga te efficiam dignitate, quod  
meis nunquam præstare viribus valuisssem. Hanc  
igitur meæ in te habeas qualecunque sit gratitu-  
dinis, & obseruantiae testimonium. Tibi liqui-



dem offerendam eam esse duxi, qui non minori facilitate litteras didicisti, quam Arma; tuorum, profectò, sequutus vestigia maiorum, quibus adeo familiaris ille nexus extitit, ut omnes in sui cultum, & admirationem conuerterint. Cum enim ex ratione sapientia nascatur, eaque in actione & contemplatione versetur, utramque ita complexi sunt, ut instituta vtriusque comparatione haud facile discerni posset, maiorésne Philosophi, an viri Politici, & ad arma nati extiterint. Testis est immortalis ille nominis Alexander Farnesius, cuius egregia facinora nulla unquam ætas, nulla mortalium delebit obliuio. Is siquidem fuit, ad quem doctrina, & eruditione præstantes viri, velut agmine facto, vnde quaque confluebant: quos tanta complectebatur humanitate, tanto amore, tanta denique beneuolentia, ut se illis arctè obstringi apertè ingenuèque fateretur. Quid de illius in bello præclaris gestis referam? Nonne celebranda æternam illa Naupacti victoria, quam de Turcarum tyranno, Christi nominis hoste terribilissimo, diuinis reportauit spirantibus auris, inuictum illius animum deprædicat? In illa quidem expugnatis Turcicis classibus, fuis militibus, deletis copiis fortissimum adeo se præbuit, ut nihil suo sæculo clarius, nihilque præstantius à quouam, non Italiæ solum, sed à quouis alio Christiani orbis Principe factum fuisse sciamus. Is similiter ille fuit, qui tunc temporis inimicorum Eccle-

siæ



fiæ natus esse videbatur ad ruinam. Testes sunt  
munitissimæ vrbes, totque Arces in Belgio suis  
ab eorum manibus armis ereptæ, Gaudauum,  
Auenarga, Valencena, Teneramunda, Dun-  
chercha, Tornacum, Nauportus, Dismun-  
da, Grauia, Carpena, Zuthpenum, Niuel-  
la, Cortracum, Axella, Dauentria, Cambresium,  
Lilla, Brugæ, Duacum, Antuerpiæ, Breda, ferè-  
que totus, vt verbo dicam, status Belgicus, quem  
& funesta Hæreticorum face, & furia labantem,  
ac penè prostratum erexit, eumque legitimo Prin-  
cipi, ac Ecclesiæ cultui restituit. Quodque mi-  
rum est, tanta prauos, (vt refert illius immortalis  
Herois rerum gestarum Historicus) cum celerita-  
te profligauit Hæreticos, vt more fulminis, quod  
prius tenuit quàm tonuit, vno eodémque mo-  
mento acciderit, absiderit, abscesserit. Habes igitur,  
SERENISSIME PRINCEPS, quos glorio-  
sè domi excelsæ imiteris tuæ, & non ab extra-  
neis, sed à tuis ipsis Prudentiæ, Humanitatis, For-  
titudinis, Doctrinæ, Magnanimitatis, & Gloriæ,  
omniùmque denique virtutum, quæ foelicissimæ  
familix tuæ abundè nascuntur exempla petas, in  
quæ continuò defixus ad eorum æmulationem a-  
nimum tuum inuictissimum alta sublimiaque co-  
gitantem in dies magis accendi videmus. Habe-  
bit & posteritas tuo, & maiorum munere ad soli-  
dæ veræque laudis exemplum, quod domi, foris-  
que foeliciter imitetur & discat; vt nequaquam  
ambi



ambitioso rerum inanium titulo, verum factis illustribus, non adumbratae, sed certissimae gloriae fructus perquirat. Tua verò tuorum exemplis firmata generositas ea est, fortunatissime Princeps, ut constantissimum etiam Heroum te omnes agnoscant, & praedicent. Singulari namque, insignique pietate, atque prudentia ditionem tuam sic gubernas, regisque, ut ad maximum foelicitatis culmen prouectus, vna in te magnanimitas, atque clementia regnare, resque ipsae in summo aridentis fortunae fastigio positae esse videantur. Deum precor Optimum Max. SERENISIME PRINCEPS, ut iis diu, multumque fruaris felicitatibus, meque habeas aeternum addictum atque deuinctum, cui reuera sum.

Dabam Venetiis 23. Septembris 1635.

IACO





I A C O B V S  
G A F F A R E L L V S  
L E C T O R I  
S,



*Ntequam ultra progrediaris,  
Humanissime Lector, noua-  
que per amœna spatieris Medi-  
cina pomaria, in quibus, fateor,  
non molliculorum Rhetorices flo-  
rum, sed suauissimos hauries ve-  
re philosophiæ fructuum odores: opera pretium esse  
duxi, tibi vndenam hunc habuerim Codicem, paucis  
exponere. Scias ergo, dum Venetiis nuper in contuber-  
nio Nobilissimi, atque Excellentissimi viri Gaspa-  
ris Thuillerij Regis Christianissimi à Consiliis, ibi-  
démque Legati, commorarer, ab eodem Amico Ger-  
mano Comite, à quo libellum etiam acceperam, de  
Philosophia Gentilium non retinenda, mihi datum  
fuisse legendum: cùmque dignus planè visus esset ab  
omnibus ut ederetur in lucem, eundem enixe rogavi,  
ut in communem litteratorum omnium utilitatem  
eadem in vrbe Venetâ, quæ diu litteratorum nutritrix  
† fuit.*



fuit, atque parens, typis committeretur publicis, variisque illum ad id impulsi rationibus, quibus cum haud difficulter assensisset, statim ambo Bibliopolam conuenimus, qui cum tanta molis opus esse cerneret (grandioribus siquidem, iisdemque perelegantioribus exscriptum erat characteribus) vix per integrum annum illud, ob Chalcographorum inopiam, quibus nunc laborat Italia, minime perficere posse respondit. Quod cum animaduertissem, decreui tandem mecum illud deferre in Galliam, in quam ab Eminentiſſimo Cardinali Duce Richelij modo sum accersitus, ut Codicum illorum MSS. Hebraicorum & Syro-Chaldaicorum ingentem numerum, quem tantquam tristissimas heu! reliquias, ab incendio atque miserrima Mantuae depredatione seruaueram, in sua instructissima Bibliotheca reponerem. Dum igitur Lutetiam peto Ioannes Caffin Bibliopola Lugdunensis, qui mihi hunc iam antea datum fuisse librum acceperat, illum se se libenter edendum obtulit. Ne vero te terreat, Humanissime Lector, quod abstrusiora in illo Medicina praecepta tractantur à Monacho Theologo, idest, à professione artis Medicina viro penitus alieno; alterius siquidem professionis ab ea de qua scripserunt, innumeros fere connumerant antiquorum monumenta Magistros: quos tamen erudite scripsisse scimus. Testis est Celsus ille perfloridus, professione Grammaticus. Testis & Dioscorides non Medicus, sed Miles, quorum tamen amborum extat exquisitissimi de re Medica commentarii. Testis &

Aratus,



*Aratus, qui cū nil minus quā Astronomiam pro-*  
*fiteretur, opus tamen aureum Astronomicum ater-*  
*nitati consecrauit. Testis denique Columella, Cato,*  
*Varrōque, qui mirā plane sedulitate immortales at-*  
*que reuera nunquam intermorituros de Agricultura*  
*scetus posteris reliquerunt, licet Agricola illorum ne-*  
*mo unquam extitisset. Ideoque ne mireris, optime*  
*Lector, si Theologus de Medicina differuerit, scri-*  
*pseritque, cū nequicquam ita alienam sit à propo-*  
*sito Theologiam cum Medicina coniungere. Illa siqui-*  
*dem immortalem Animam, hæc mortale Corpus con-*  
*templatur. Vnde nec fallit profectò, nec fallitur Mar-*  
*silius Ficinus, cū feliciter asserit Medicinam tracta-*  
*tum iri, si Medici Sacerdotes forent atque Theologi.*  
*Hippocrates etiam, Medicorum ille Genius, & Prin-*  
*ceps, fateri non veretur inter Medicos primas Æs-*  
*culapij tenere Sacerdotes. Et vt breuiter me expe-*  
*diam, nihil suscipit Campanella, quod à maioribus*  
*iam susceptum non fuerit. Tutò namque progredi li-*  
*cet, cū eadem in via qua insistimus, similia virtu-*  
*tum exempla nobis occurrant quā maxima. Sic*  
*Robertus Eboracensis Anglus Dominicanus Theo-*  
*logus exactè, summāque cum cura abdita secretioris*  
*Medicine Theoremata ita est perscrutatus, vt do-*  
*ctissimis quibusque Medicis admirationem mouerit*  
*singularem. Monachus item alius Eboracensi coæta-*  
*neus, Raymundum indigetò illum, cognomento Lul-*  
*lium, penitioris licet diuinioribus Theologiamysteriis*  
*intentus, doctiorum tamen libris Arabum Medi-*



corum, quorum linguam probè norat, operam interdum dabat. Ipse ille fuit, qui futuris saculis Medicina scientiam, à sacris Theologia principiis non adco esse disitam manifestè significauit, quique de Medicina scripsit tum speculatiua, ut vocant, cum operatiua. Unde Symphorianus Campegius doctissimum illum appellat Medicum, ac etiam apud peritissimos quosque Medicos, atque Philosophos summis laudibus effertur illius nomen. Monachus item alter, Constantinus scilicet, Ordinis sancti Benedicti, natione Afer, in solitudinibus ut plurimum vitam degens, ubi tunc temporis scientia recludebantur tanquam ab urbibus exules, multa adeo ad Medicinam spectantia scripsit, ut qui eruditus Isaaci Hebraei Medici lucubrationes perlegerit, quale Constantinus inter Doctores mereatur Medicos nomen percipiet facile. Huic Aegidium iunge Monachum, eiusdem Ordinis, diuersa licet natione, quippe qui Graecus erat, quique de Pulsibus scripsit, & de Vrinarum iudiciis. Callistum adde, atque Neophytum ambo Monachos, quorum similiter ille de Pulsibus, & Antidotis, Oleis, Emplastris atque Vnguentis: hic verò de Simplicium scripsit, seu Herbarum collectione. His demum Monachos iunge sequentes, quos egregia posteris Iatrica consignasse volumina scimus, Theophanem introductorium in Medicinam; Richardum Kunetium Carmelitam, de virtutibus Herbarum; Ioannem de Indagine Germanum Ordinis Carthusianorum de Pestilentia; Gulielmum



*Holmum Anglum Franciscanum, de simplicibus  
 Medicinis; Ranutium Episcopum Arusiensem, Re-  
 gimen contra Pestilentiam, & Epidemiam; Maxi-  
 mum Planudem, vel Planudum, vel Planudium (sic  
 enim variis in Codicibus legitur nomen doctissimi  
 huius Monachi Constantinopolitani, ut in Cata-  
 logo nostro librorum MSS. qui sunt in Bibliothecis  
 Venetis annotauimus) de Vrinarum cognitione.  
 Ceteros transeo Monachos, omnes Theologo-Medi-  
 cos, ut Albertum Magnum Ratisponensem Episco-  
 pum; Albertum alium, Beyr nomine, Carmelitam;  
 Basilium Valentinum; Ioanicium; Ioannem Gani-  
 uetum Franciscanum, & alios, qui utilissimis ar-  
 tem scriptis nobilitarunt Medicina. Ut tandem  
 aequal lance perpendas, benignissime Lector, eos om-  
 nes non immerito sequi Campanellam nostrum, cuius  
 novos hos dubio procul appellabis conatus, cum ij no-  
 uis omnino sint fulti principiis, habeantque fere in-  
 numera (procul iactantia dictis) quae Medicorum  
 mentis aciem effugerant. Nihil de praclaro illius in-  
 genio, summaque duco doctrina dicendum. Singula-  
 res siquidem, quas maximi viri dotes sunt demirati  
 nostrates Galli, dulcissima quamprimum illius gau-  
 debunt praesentia. Audio namque illum Roma disces-  
 sisse, Galliasque petere. Faxit Deus Opt. Max. ut  
 tanti Solis aliquando lumine fruatur Regio nostra.  
 Tu vero, Lector Humanissime, dum Munusculum ab  
 iisdem Medicina pomariis decerptum tibi paramus,  
 versionem scilicet e lingua Syro-Chaldaica in Lati-*



*nam, Codicis cuiusdam MS. eorum quos superius  
commemorato Emin. Card. Duci Richelij, compara-  
uimus, cuius Titulus est ספר התטעאה חרופים sepher,  
hachatahghaah, harophim, id est Liber errorum  
Medicorum; hac noua Campanella frueret Medi-  
cina, eique pro tanto beneficio Reip. litterariae colla-  
to, gratias age. Dabam Lugduni 4. Kalendas  
Nouemb. M. DC. XXXV.*

INDEX





I N D E X  
CAPITVM ET  
ARTICVLORVM  
IN HOC MEDICINALIVM  
OPERE CONTENTORVM.

LIBRI PRIMI PROOEMIUM.



*Vid sit ars Medica, & quot indiget scientiis.*

*De hominis ex quatuor partibus compositione, harumque mixta vir-*  
*litate.*

*De mentis essentialione, affectibus, vitiis, moribusque, & medela.*

*De spiritus constitutione, functionibus, & lationibus.*

*De cognitione spiritus functionibusque.*

*De motibus spiritus functionibus.*

*De humorum constitutione, usu, speciebus, noxa generatim.*

*De humorum originibus, & constitutione.*

*De visibus humorum speciatim.*

*De solidarum partium multiplici distinctione, & usu, & triplicibus organis.*

*pag. 17*

*De organis cognoscitiua.*

*De organis appetitiuis, & quod anima sentiens, appetens, & irascens, non sunt*  
*temperies cerebri, cordis, & iecoris; nec distincta loco; nec spiritus plures, sed*  
*substantia vnus.*

*De appetitiuis sine organo.*

*De potestatiuis.*

*De executoriis organis.*

*De facultatibus organorum tribus, earumque distinctione.*

*pag. 1 Caput I.*

*Artic. I.*

*pag. 2 Ca. II. A. I.*

*pag. 3 Cap. III.*

*pag. 7 Art. I. Art. II.*

*pag. 8 Art. III.*

*pag. 9 Cap. IV.*

*pag. 11 Art. I. Art. II.*

*pag. 14 Art. III.*

*pag. 16 Cap. V.*

*Art. I.*

*pag. 18 Art. II.*

*Art. III.*

*pag. 21*

*pag. 23 Art. IV.*

*pag. 27 Art. V.*

*pag. 32 Art. VI.*

*pag. 33 Art. VII.*

Libri secundi.

*De vita, senio, & morte naturali.*

*De preseruatua medicina, ex ingestione alimentorum, ex appetitu, & tempore*  
*qualitate,*

*De alimentis ex qualitibus.*

*pag. 35 Ca. I. Art. I.*

*Cap. II.*

*pag. 37 Art. I.*

*pag. 38 Art. II.*

*De*



# I N D E X

Art. III.	De alimentis eiusdem secundum substantiam.	pag. 40
C. III. Art. I.	De medicina praeservatiua ex egestionem, & primo per inferiora.	pag. 48
Art. II.	In egestionibus solidis & humidis quot sint Medico consideranda.	pag. 49
Art. III.	De praeservatiua ex egestionem per superiora.	pag. 52
Art. IV.	De somno.	pag. 55
Art. V.	De seminis egestionem.	pag. 55
C. IV. A. I.	De medicina praeservatiua ex circumstantibus, & primum ex celo, aëre, & aquis.	pag. 57
C. V. Art. I.	De Musica.	pag. 60
C. VI. Art. I.	De exercitio.	pag. 61
Art. II.	De vestibus.	pag. 64
Art. III.	De retardando insigniter senio, & de reiuuuescentia.	pag. 66
Art. IV.	De conseruatione per generationem.	pag. 71

## Libri tertij.

C. I Art. I.	<b>Q</b> ua ratione curatiua Medicina contrariatur morbo, ac causas & sedes morborum idcirco considerandas esse.	pag. 75
C. II. Art. I.	Qua ratione, & qua causarum genera, in morbis considerantur.	pag. 78
Art. II.	De causis morborum, & forma morbi, & effectibus cognoscendis.	pag. 81
C. III. Art. I.	De morborum sedibus ex symptomatibus, & effectibus cognoscendis generatim.	pag. 82.
Art. II.	De symptomatibus speciatim. pag. 83. De dolore. ibid. De sudore. 84. De tumore. ibid. De alui & oris emissionibus. 85. De tremore & rigore. ibid. De febre symptomatica.	pag. 86
Art. III.	De obstructione.	pag. 90
Art. IV.	De relaxatione.	pag. 92
Art. V.	De inflammatione, & febre.	ibidem
Art. VI.	De putredine.	pag. 96
Art. VII.	De ulceratione.	pag. 98
Art. VIII.	De infrigidatione.	pag. 103
Art. IX.	De ariditate.	ibidem
Art. X.	De immobilitate.	ibidem
Art. XI.	De inflatione, & peste.	pag. 104
Art. XII.	De forma morborum spiritus animalis, & mentis per accedens. pag. 106. De morbis cognoscitiui. 108. De morbis appetitiui.	pag. 110.
Cap. V.	De applicatione medicinae & cruditate, & coctione.	pag. 111

## Libri quarti.

Ca. I. Art. I.	<b>D</b> e crisiibus.	
Art. II.	Epilogus, & correctio iatromathematica Hermetis, & Galeni.	p. 115
C. II. Pa. I.	Quibus morbis crises, & qua conueniant, & quando ex proximis causis.	p. 116
Art. I. Art. II.	De crisiibus salutaribus, & exitiabilibus, & mediis.	p. 119
Art. III.	De signis communibus praecedentibus quamcumque crisin, & de duplici crisi, scilicet per abscessum, & excretionem.	p. 120



## Capitulum & Articulorum.

De abcessuum criticorum signis, & locis, & differentiis, & visibus.

Critica excretio in quibus, & quando, & quomplex.

De crisi per sanguinem.

De crisi per sudorem.

Ex urinis iudicia. Et primo de urina essentia, & qualitate, iuxta aetates & temperamenta. Cap. II.

Ex colore albo, & consistentie qualitate.

De colore nigro, & consistentia, & qualitate.

De colore liuido, &c.

De rubea, & rufa, & sua consistentie qualitatibus.

De viridi iudicium.

De pallida & citrina iudicium.

De subrubra & vinoso iudicium.

Ex consistentia, & contentis in urina, iudicium.

De hypostasi urina iudicium.

De urina mulierum, & bestiarum.

De crisi per urinas.

De crisi per alui deiectiones.

De crisi per vomitum.

De crisi per sputa.

An sint alie crises: & de die, & hora futura crisis, praemonenda.

p. 121 Art. IV.

p. 122 C. II. P. II.

ibidem Art. I. Ar. II.

p. 124 Art. III.

Cap. II.

p. 16 Pars III.

p. 127 Art. I. Ar. II.

ibid. Art. III.

p. 128 Art. IV.

ibid. Art. V.

p. 129 Art. VI.

ibid. Art. VII.

p. 130 Art. VIII.

ibidem Art. IX.

p. 131 Art. X.

p. 133 Art. XI.

p. 134 Art. XII.

ibid. Cap. II.

p. 137 Pars IV.

p. 138 Art. I. Ar. II.

p. 140 Art. III.

Art. IV.

## De pulsibus.

**P**ulsus esse actum vitalem spiritus animalis, & actionem ad vitam conservatio- Cap. III.  
nem & refecionem, non temperiei viscerum, neque incorporea facultati, Pars I.

& cur variatur ad spiritus varietatem: non autem sistitur ad eius, vel mentis Art. I.  
voluntatem. p. 141

De usu pulsationis, & partium eius in corde & arteriis. Item de modo, & causis, Art. II.  
& ortu ex capite, & concausis, varietate, & instrumentis, & activo principio.

pag. 144

Plures esse utilitates dilatationis, & compressionis, quam Medicis ponuntur: nec Art. III.  
potiores esse, quae ipsis videntur potiores, sed e contra. p. 150

Principia doctrinalia agnoscendi pulsus in Medico, & agrotis; & quomodo co- Cap. III.  
gnoscantur partes pulsus, & quoties. p. 151 Pars II.

Differentias pulsuum non modo sex, quae Medicis ponuntur, sed usque novem, & Art. I.  
plures numerari, nec inutiliter; & quid indicem summam singula in nostro do- Art. II.  
gmate. p. 153

De pulsuum mediocritatibus in sano, & in agrotis simpliciter, & secundum unum Art. III.  
quemque hominem, & de speciebus varietatis a diversis speciebus, & causis par-  
tialibus: unde notitia locupletatur omnis pulsationis. p. 154. a sexu. 155. a tempera-  
mento. ibid. ab aetatibus. ibid. ab anni temporibus. ibid. a quiete, & exercitio.  
15. a balnearum usu. ibid. a cibo & inedia. ibid. a vino. 157. a passionibus animi.  
ibidem.

Ratio cognoscendi sensualiter omnes pulsus differentias, & complendi per discurs- Art. IV.  
sum quae minus patent. ibid.



# J N D E X

Cap. III.	De passionibus formalibus pulsus tribus, & primo de rhythmo, & eius cognoscendi ratione.	p. 162
Pa. III. A. I.		
Art. II.	De ordine, & de ordinatione, equalitate, & inequalitate: rationes & divisiones.	p. 162
Art. III.	De inequalitate plurali diuifio, & definitio.	ibid.
Art. IV.	De inequali singulari in vno digito.	p. 163
Art. V.	De inequali singulari in pluribus partibus arteria sub pluribus digitis.	ibid.
	De inequali, & situ arteria.	p. 166
Art. VI.	De complicatis inequalibus.	ibid.
	De undoso, & vermiculante, & cat. speciebus.	ibid.

## De causis primariis pulsus.

Cap. III.	<b>C</b> ausas pulsus primarias tres Medicis videri tantum: & quomodo combinentur.	p. 167
Pars IV.		
Art. I. ac. II.	Sex causas differentiarum pulsus esse agnoscendas, nec de tribus Medicos sufficienter, nec rationabiliter loquutos esse.	p. 169
Art. III.	De pulsuum differentiis simplicibus, quatenus ab agente spiritu eduntur sensatissimae rationes in nostro dogmate panduntur.	p. 171
Art. IV.	De eisdem ex instrumentalibus causis.	p. 175
Art. V.	De eisdem ex formali causa, varietate & usu.	p. 176
Art. VI.	De eisdem ex causa materiali, quae & inaequales miscet.	p. 177
Art. VII.	Ex praedictis causis inequalitates oriri, praesertim materiali in sanis, & aegris, & qua ratione.	p. 178
Art. VIII.	Medicos nec veras, nec sufficientes inequalitatis pluralis pulsuum causas afferre.	p. 179
Art. IX.	Quid recte, quid perperam de inequalitate singulari tradiderunt Medici. Et ratio vera.	p. 180
Art. X.	Examen causarum pulsuum complicatarum Medicis, & quas nos tradimus.	p. 182

## De prognostico ex pulsibus.

Cap. III.	<b>D</b> iuinationem ex pulsu, & voce, & respiratione fieri posse de ingenio, viribus, & aegritudine, & affectibus moralibus, & aegritudinalibus, & quomodo.	p. 183
P. V. Art. I.		
Art. II.	Confirmatio causarum pulsuum, & prognos ex dolore, & morbis analogis, & pharmacis.	p. 186
Art. III.	Quid significant singula differentiae, & rhythmus in nostro dogmate prognosticantibus.	p. 187
Art. IV.	Quid significant inequalitates plures singulares, ordinatae, deordinatae, simplices, & mixtae in prognosticis.	p. 191
C 3. P. 4. A. I.	De pulsibus omnium februm generatim, & qua fiant ratione.	p. 192
Art. II.	Quae passiones morbosae quos edant pulsus generatim.	p. 194
Art. III.	De pulsibus inflammatione varia affectis.	p. 195
Art. IV.	De pulsibus morborum a destillatione, & obstructione.	p. 196
Art. V.	Ex pharmaco pulsus confirmantes dogma.	p. 197
		De



# Capitulum & Articulorum.

De pulsibus à putredine.	p.198 Art.VI.
De pulsibus ab inflatione.	ibid. Art.VII.
In affectibus cordis qui pulsus. Et correctio Medicorum.	p.199 Art.III.
De praesagio crisis ex pulsibus.	p.200 C.3.P.7.A.1.
De respiratione.	201 C.IV.A.I.
De praesagio ex somno, & vigilia.	p.205 Ca.V.A.I.
De praesagio ex motibus arbitrariis.	p.206 C.VI.A.I.
De minutione motus.	p.207 C.VI.A.III
De priuatione motus.	p.208 Art.IV.
De vitiatu motu.	p.209 Art.V.
Argumenta prognostici ex decubitu.	p.210
Prognosis ex toto, & partibus secundum predicamenta.	p.211 C.VII.A.I
Argumenta à calore.	p.212 Art.II.
Argumenta à frigidityte.	ibid. Art.III.
Argumenta ab humiditate, & siccitate.	p.213 Art.IV.
Argumenta prognosticorum à colore.	ibid. Art.V.
Argumenta ab hypochondriis.	p.214 Art.VI.
Argumenta prognostici à facie, & aspectu.	p.215 Art.VII.
Argumenta ex lingua passionibus.	p.216 Art.VIII.
Argumenta vitæ, & mortis, & mutationum à cognoscitiui accidenti morbosis. Cap VIII.	Art. I.
216 ab omnibus sensibus. ibid. à tactu. 218. à tactu. ibid. à gustu. ibid. ab audi-	
tu. ibid.	
A passionibus memorie, rationis, imaginatiue.	p.219 Art.II.
Prognosis mutationum, & vitæ, & mortis ex appetitiui accidentibus in aegrotis. Cap. IX.	Art. I.
222. ex fame & siti. 223	ibid. Art.II.
Ex nutritione, & innutitione.	p.224 Art.III.
A voluptate & dolore.	p.226 Art.IV.
A cottionibus, & cruditatibus.	ibid. Cap.X.
Compendium cuiuscunque prognostici.	

## Libri quinti.

**Q**ualitates medicaminum simplicium duas actiuas calorem, & frigus: & duas passiuas producere; scilicet humiditatem, & siccitatem: atque has non agere, nisi mixtura: sed agi. Et quomodo aliter in Medicina considerantur ista, hoc est solum ab effectu in corpore humano; & aliter in re, & de actiuorum gradibus, & cur multa medicamenta. Cap. I. Art. I.

Calorem differre à se subiecti gratia, robore, ac copia: & qui calor cui operationi à Medicamento deseruit. idem de frigore, & passiuis qualitatibus, & quomodo res calide quinque de causis frigescenti corpus humanum. Similiter, & planeta, & omne calefaciens esse actu calidum: nec recte de calore, & frigore in potentia, & in actu, Medicos loquutos esse, nec Aristotelicos. Art. II. p.286 226

Virutes occultas medicamentorum, quæ ab elementis corporaliter non insunt, ex primalitatibus oriri: & sympathiam, & antipathiam rerum ad sidera, & mundi plagas, & ad certos humores, & membra corporis humani, nec à demone, & sidere, Art. III.



- sed in rerum formis, & qualitatibus instrumentis, & vasis primalitatum. Et quid Platonici, & alij non attigerunt.* p.240
- Cap II.** *Inquirendas esse medicinalium simplicium virtutes proficias noxiâsq; ex decem rerum categoriis generaliter. Ac speciatim traduntur quinque regulae, quibus qualibet res suo quoque membro, aut humori apta est, vel inepta, per sympathiam, & antipathiam.* p.246
- Art. II.** *Notitia mirabilis omnium medicinarum in suo gradu, calefactionis, frigefactionis, exsiccationis, humectationis, euacuationis, & aliarum operationum, ex sapore & odore.* p.249
- Art. III.** *De comparatione medicinalium in calefactione, & frigefactione, & ceteris operationibus argumentum ex colore, & consuetudine, & transparentia, & opacitate, & passionibus.* p.257
- Art. IV.** *Ex passione, & passibilitate argumentum de caliditate, & frigiditate medicinalium, & comparatio.* p.259
- Art. V.** *Item de natura medicinalium ex locis, & temporibus argumentum.* p.260
- Cap. III.** *Ex rerum generibus uniuscuiusque sideri attributarum, & hominum eisdem correspondentium itidem philosophandum esse Medico pro medicinis, & corporibus medicandis. Et primo quae stella, qui homines, quae partes hominis. Qui morbi, quae animalia, quae planta, quae mineralia, qui lapides: qui colores, odores, supores: Qui cometae, & eclipses, & aëris constitutiones tribuantur maleficis: & primo Saturno.* p.261
- Art. II.** *De eisdem ordinibus, Marti secundo malefico, attributis.* p.264
- Cap IV.** *De ordinibus beneficarum: sed prius quaritur, an benefica habeant causalitatem, an solam indicationem super morbos.* p.266
- Art. I.** *De ordinibus rerum ad Iovem, beneficum maiorem, spectantibus.* p.267
- Art. II.** *De ordinibus rerum ad Venerem, beneficam minorem, spectantibus.* p.268
- Cap. V.** *De luminarium ordinibus, causarum nempe vniuersalium, & an sint utrumque luminare nobis tantum, an & alias ad stellas, & de munere utriusque luminaris.* p.271
- Art. II.** *De solarium ordinibus.* p.272
- Art. III.** *De lunaribus rebus, & hominibus, & morbis, & membris, & medelis, & indicationibus, & temporibus.* p.274
- Art. IV.** *De rerum generibus Mercurio tributarum, & decretorum propriorum, & mistorum.* p.278
- Cap. VI.** *De mistura causarum, & causationum caelestium in unoquoque effectu, & decretorum, & operationum in rebus, & rerum partibus, & medicinis, & medicabilibus.* p.280
- Cap. VII.** *De multiplici applicatione, & usu medicinalium interius, & exterius generatim.*
- Art. I.** p.282
- Art. II.** *Enumerantur medicinales res capiti conferentes, vel ad temperiem roborandam, vel ducendum medicinas ad caput, vel euacuandum humores è capite, aliae alios, & simplices, & compositae.* p.283
- Art. III.** *Conferentia pectori roboratione, euacuatione, & adductione.* p.284
- Art. IV.** *Quae conferunt similiter cordi.* p.285
- Art. V.** *De medicinis stomacho tripliciter, ut supra.* p.285
- Art. VI.** *De conferentibus hepati, eisdem modis.* p.286



# Capitum & Articulorum.

De medelis ad lienem similiter.	<i>ibid.</i> Art. VII.
De medicinis etiam tripliciter ad renes.	p. 187 Art. VIII.
De medicinis ad matricem similiter.	<i>ibid.</i> Art. IX.
Ad pulmonem quedam.	p. 188 Art. X.
De roboratiuis, euacuatiuis, & ductiuis ad iuncturas.	<i>ibid.</i> Art. XI.
De medicinis exterius applicandis, simplicibus, & compositis specialim, & de multiplici operatione, & compositione ipsarum, & modo	Cap. VIII.
De interius applicandurum medicinarum preparatione, compositione, operatione, & usu, & modis decem secundum Medici intentiores.	<i>ibid.</i> Art. I.
Quotuplex medicina euacuans; & primo de euacuantibus internè, ubi prius de suppositoriis.	p. 189 Art. II.
Secundo de clysteribus internè applicandis ad euacuationem.	p. 191 Art. I.
De supernè purgantibus, id est de vomitoriis.	p. 193 Art. II.
De pracedentibus purgatiuam; & primo de minoratiua, & quibus conueniat, & quotuplex.	p. 194 Art. III.
De syruporum usu, compositione, & ratione.	p. 195 Art. IV.
De multipliciter purgante medicina, & ratione sue compositionis, & purgationis, & temporibus opportunis.	p. 196 Art. V.
De euacuatione per venarum sectiones secundum tempora & usus, & rationes.	p. 197 Art. VI.
p. 300	Art. VII.
De purgatione per medicinas, iuxta regionis, & temperiei ingenium, & usum, uaria.	Art. VII.
De medicinis transnaturalibus.	p. 301
	p. 303 Cap. X.

## Libri sexti.

### De morbis spiritus.

<b>N</b> on esse à spiritu per se morbos ullos, sed ab obiectis, vel subiectis.	p. 305 Cap. I.
De morborum ab obiectis appetitus medicina.	<i>ibid.</i> Art. I.
De morborum cognoscitui non organici ab obiectis medela.	p. 307 Art. II.
De morbis potestatiui ab obiectis sine organorum affectu, eorumque medela.	p. 312 Art. III.
Remedium contra morbos à sonis. <i>ibid.</i> Contra affectiones morbosas, & c.	p. 313
Contra diminutionem ab obiectis.	p. 314
Contra tremores ab obiectis, & undecumque motum spiritus ludentium.	<i>ibid.</i> Art. IV.
Remedia contra dolores omnes, ex spiritus dispositione ab obiectis immutata, ortos, 315. Medela contra dolorem à crassis vaporibus, 316. Contra dolorem ab acutis. <i>ibid.</i> De doloribus medendis, qui fiunt in spiritu à calore.	Art. V.
Contra dolores à frigore medela.	p. 317
Quibus rebus leditur, & curatur lux natia spiritus.	p. 318 Art. VI.
De latione omnium conditionum spiritus simul: ac de peste.	<i>ibid.</i> Cap. II.
Opiniones de essentia, & causis pestis.	p. 320 Pa. I. Ar. I.
De medela praeseruante, & curante pestem à contagio retinentium rerum.	<i>ibid.</i> Art. II.
Contra pestem ab aqua, & aëre, praeseruatiua.	p. 323 Art. III.
	p. 324 Art. IV.



Art. V.	Curatio ciuitatis, post silentia iam affecta.	p. 329
Art. VI.	Curatio indiuiduorum, peste affectorum. p. 327. Notabilia.	p. 329
C. 3. P. 1. A. 1.	De spiritus morbis à subiectis causis.	p. 330
Art. II.	De morbis appetitiui à subiectis causis: & medela. 330. De cura doloris ab ebrietate. 331. De cura doloris spiritus ex vapore ventriculi. 332. De cura doloris vertiginosi. ibid. De spiritus doloribus in capite ab humoribus multipliciter. 333. De cura singulorum enumeratorum dolorum: & primo qui ex flatu. 335. Cura doloris ex plenitudine. ibid. Cura doloris acris, seu biliiosi. ibid. Cura obnisi, seu pituitosi doloris. 338. Cura cephalae, & hemicrania. ibid.	
Cap. III.	De cura morborum cognoscitiui in spiritu, ex subiectis ortorum causis.	p. 337
Pars II.	Varie sententiae de morbis, & delirijs anima à subiectis: & reprobatio. 337. Propria sententia de lesionibus spiritualibus, & delirijs à subiectis rebus. 340. Causa singulorum deliriorum, & passionum à bile atra, & vino, & calore, & alijs accidentibus. 343. Medela furiae irascibilis. 345. Medela insaniae torpida. 346. Medela insaniae tristis, seu ab aera bile. 346. Medela contra phrenitica deliria.	p. 348
Cap. III.	De medendis potestatiui in spiritu à subiectis humoribus, nec sine instrumentorum consensu aliquando.	p. 350
Art. II.	Medicatio lassitudinis potestatiui. p. 351. Medicatio incubi.	ibid.
Art. III.	De syncope multigena, eiusque medela. 352. Medela syncopes ex diminutione spiritus. p. 354. Cura syncopes ex defectione spirituum.	p. 355
Cap. IV.	De lesionum potestatiui à subiectis, & primo organo, multiplicitate, & symptomatibus, & cura.	p. 356
Art. I.	De his, quae accidunt, eorumque causis in lethargo, caro, catalepsi, comate, apoplexia, epilepsia.	p. 356
Art. II.	Medicorum sententia de causis predictorum morborum.	p. 357
Art. III.	Examen sententiae Medicorum.	p. 358
Art. IV.	Propria sententia de causis predictorum morborum.	p. 359
Art. V.	De epilepsiae causis, & cura, iuxta proprium dogma speciatim. p. 360. Curatio.	p. 362
Art. VI.	De apoplexiae causis, & cura.	p. 363
Art. VII.	De catalepsi causis, & cura.	p. 365
Art. VIII.	De caro, eiusque cura speciatim.	p. 366
Art. IX.	De lethargo, eiusque cura speciatim.	p. 367
Art. X.	De comate speciatim, eiusque cura. p. 368. De somno & vigilia appendix.	p. 369
Cap. V.	De morbis organicis à destillatione potestatem operatiuam ledentibus, aut impedientibus.	p. 370
Art. I.	De catarrho, podagra, gonagra, ischiade, arthritide, chiroagra, paralyfi, & conuulsionibus, eorumque causis generatim.	ibid.
Art. II.	De catarrho, eiusque veris causis, disputatio speciatim, & curatio.	p. 372
Art. III.	De paralyfi, & eius cura speciatim.	p. 375
Art. IV.	De conuulsione speciatim.	p. 377
Art. V.	De coxendiculi dolore, seu ischiade, vulgo sciatica; & simul de podagra, & ceteris articularibus morbis, & curatione.	p. 379
Cap. VI.	De morbis organorum cognoscitiuae primalitatis.	p. 385
Art. I.	De morbis oculorum, & causis & numero generatim.	p. 386



# Capitulum & Articulorum.

De cecitate nocturna, & diurna: ipsarumque cura.

De visus duplicitate.

De pupilla dilatatione, & diminutione.

De coloratione oculorum.

De subobscuritate oculorum.

De suffusione, eiusque cura.

De ungula, eiusque cura.

De phlyctanis, earumque cura.

De ulceribus oculi, & ipsorum cura.

De cicatricibus oculi, & c.

De suggillationibus oculorum: & cura.

De pure intra corneam.

De ophthalmia, eiusque cura.

De aglyope, eiusque cura.

De contagiis oculorum.

De morbis aurium generatim.

De aurium doloribus, & cura.

De sonitu auris.

De surdis, & surdasistris.

De ulceribus aurium, & parotidibus.

De morbis olfactus.

De narium obstructione, & cura.

De faecorum, & ozanarum cura.

De quibusdam morbis narium dicere nil oportere.

De sanguinis profluvio ex naribus.

De amputati nasi instauratione.

De morbis organi gustus.

De obstructione, & fallacia gustus.

De asperitatis cura.

De inflammationis linguae cura.

De balbutientis linguae cura.

De excoriatione, & pustulis linguae.

Cur de ceteris morbis oris & partium dicere conveniat.

De stupore dentium.

De dolore dentium, & cura.

De nigore, mobilitate mutationeque dentium, atque cura.

De fatore oris.

Aphtharum medela.

De tonsillarum inflammatione, & ulceratione, & cura.

De columella inflammatione, & relaxatione.

De angina.

De morbis potestatiui organici, impediētibus operationem cognoscitini, id est vocem; & communicantibus cri-

cem; & eiusque cura.

De respirationis difficultatibus.

De pulmonia, eiusque cura.

ibid. Art. II.

ibid. Art. III.

ibid. Art. IV.

p. 389 Art. V.

p. 390 Art. VI.

p. 391 Art. VII.

p. 392 Art. VIII.

p. 393 Art. IX.

p. 394 Art. X.

ibid. Art. XI.

ibid. Art. XII.

p. 395 Art. XIII.

p. 396 Art. XIV.

ibid. Art. XV.

p. 397 Art. XVI.

ibid. Cap. VII.

ibid. Art. I.

p. 398 Art. II.

p. 399 Art. III.

p. 401 Art. IV.

ibid. Cap. VIII.

ibid. Art. I.

p. 402 Art. II.

p. 403 Art. III.

ibid. Art. IV.

p. 404 Art. V.

p. 405 Cap. IX.

ibid. Art. I.

ibid. Art. II.

ibid. Art. III.

p. 406 Art. IV.

ibid. Art. V.

ibid. Cap. X.

ibid. Art. I.

p. 407 Art. II.

ibid. Art. III.

p. 408 Art. IV.

p. 409 Art. V.

ibid. Art. VI.

p. 410 Art. VII.

p. 411 Art. VIII.

ibid. Cap. XI.

p. 412

ibid. Art. I.

p. 413 Art. II.

p. 416 Art. III.

De



# I N D E X

Art. IV.	De spūitione cruenta.	p. 417
Art. V.	De phibisi, eiusque cura.	p. 410
Art. VI.	De pleuritide curanda.	p. 423
Art. VII.	De purulentia.	p. 425
Art. VIII.	De palpitacione cordis.	p. 427
Cap. XII.	De morbis organicis appetitui.	p. 430
Art. I.	De inappetentia, eiusque curatione.	p. 431
Art. II.	De excessu famis, atque siti.	p. 432
Art. III.	De appetitus depravatione.	p. 435
Art. IV.	De ventriculi subuersione, nausea, vomitu, singultu, eorumque cura.	p. 438
Art. V.	De dolore stomachi cardialgico, & cardiaco.	p. 442
Art. VI.	De inflatione ventriculi.	p. 443
Art. VII.	De inflammatione ventriculi.	p. 444
Art. VIII.	De triplici cruditate ventriculi ingestorum.	p. 446
Art. IX.	De immodica supernè, infernèque simul euacuacione; quam choleram vocant, & bi- fluxus vocari potest.	p. 448
Art. X.	De diarrhœa.	p. 450
Art. XI.	De lienteria & cœliaca.	p. 451
Cap. XIII.	De morbis intestinorum mistis affectibus, operibusque appetitui organicè subser- uientium.	p. 453
Art. I.	De dysenteria, eiusque cura,	ibid.
Art. II.	De tenesmo.	p. 456
Art. III.	De colicis passionibus, & cura.	p. 459
Art. IV.	De voluulo, eiusque cura.	p. 460
Art. V.	De lumbricis.	p. 462
Cap. XIV.	De morbis ani.	p. 466
Art. I.	De ani procidentia, eiusque cura.	ibid.
Art. II.	De rimis ani.	p. 467
Art. III.	De hemorrhoidibus, earumque cura.	p. 468
Cap. XV.	De venarum mesaraicarum morbis.	p. 470
Art. I.	De mesaraicarum obstructione.	ibid.
Art. II.	De inflammatione, & scirrho mesenterij.	p. 471
Cap. XVI.	De morbis organi secunda operationis interiori principij appetitui, id est iecoris san- guificationi, deseruienti.	ibid.
Art. I.	De iecoris inflammatione.	p. 472
Art. II.	De iecoris obstructione, & cura.	p. 474
Art. III.	De iecoris scirrho, & cura.	p. 475
Art. IV.	De intemperie hepatica, & cachexia.	p. 478
Art. V.	De hydropè eiusque cura.	p. 483
Art. VI.	De icteritia flaua, eiusque cura. 489.	p. 489
Ca. XVII.	De morbis viscerum deseruientium appetitui principij mistis actionibus, & primo de lienis affectibus.	p. 491
Art. I.	De icteritia nigra.	ibid.
Art. II.	De lienis inflammatione, & cura.	p. 494
Art. III.	De lienis scirrho, & cura.	ibid.
C. XVIII.	De renum affectionibus.	p. 495



# Capitum & Articulorum.

- De diabete, eiusque cura.  
 De renum inflammatione.  
 De cruenta urina, & morbis ipsam efficientibus.  
 De renum calculo, eiusque cura.  
 De vesica morbis.  
 De calculo vesica, eiusque cura.  
 De ardore urinae.  
 De urinae stillicidio, stranguria, & missione inuoluntaria.  
 De urinae difficultate, & suppressione.  
 De rupturis, & ulceribus vesicae, & carunculis, & scabie.  
 De vesicae inflammatione.  
 De morbis organorum appetitiuorum, generationi seruientium, & prius de morbis  
 pudendi.  
 De pudendi ulceratione, & inflammatione.  
 De hernia.  
 De priapismo, eiusque cura.  
 De gonorrhoea, seu seminis profluvio.  
 De impotentia ad venerem.  
 De femine pudendi morbis.  
 De muliebri ad coitum impotentia.  
 De sterilitate.  
 De mensium suppressione.  
 De mensium redundantia.  
 De fluore muliebri.  
 De uteri strangulatione.  
 De procidentia uteri.  
 De uteri inflatione.  
 De uteri ulceratione.  
 De uteri inflammatione.  
 De mola.  
 De partus difficultate.  
 De secunda derelicta.  
 De instrumento nutritionis speciei, eiusque morbis, hoc est, de mammillis.  
 De lactis defectu.  
 De lactis redundantia.  
 De lactis induratione.  
 De mamillarum inflammatione.  
 De morbis exterioribus, cutem spectantibus.  
 De causis & occasionibus morborum externorum.  
 De morbis maculosis in cute.  
 De impetigine, pruritu, scabie.  
 De vitiligine, lepra Iudaica, Arabica, Graeca, Gallica. § 55. Curatio vitiliginis. § 60. Art. III.  
 Curatio lepra Iudeorum. § 61. Curatio lepra Arabica. § 63. Curatio lepra Graecorum. ibid. Curatio lepra Gallica. § 64  
 De capillorum defluvio, & alopecia, & ophiassi, & porriginis, & pediculacione, & achoribus. § 68. Curatio pediculacionis. § 70. Curatio achorum. ibid.  
 De

p. 496 Art. I.  
 p. 499 Art. II.  
 p. 501 Art. III.  
 p. 503 Art. IV.  
 p. 506 Cap. XIX.  
 ibid. Art. I.  
 p. 507 Art. II.  
 ibid. Art. III.  
 p. 509 Art. IV.  
 p. 511 Art. V.  
 p. 513 Art. VI.  
 p. 514  
 ibid. Art. I.  
 p. 515 Art. II.  
 p. 518 Art. III.  
 p. 520 Art. IV.  
 p. 522 Art. V.  
 p. 524 Cap. XXI.  
 ibid. Art. I.  
 p. 525 Art. II.  
 p. 529 Art. III.  
 p. 533 Art. IV.  
 p. 534 Art. V.  
 p. 537 Art. VI.  
 p. 540 Art. VII.  
 p. 542 Art. VIII.  
 p. 543 Art. IX.  
 ibid. Art. X.  
 p. 544 Art. XI.  
 p. 545 Art. XII.  
 p. 547 Art. XIII.  
 p. 548 Ca. XXII.  
 ibid. Art. I.  
 p. 549 Art. II.  
 p. 550 Art. III.  
 p. 551 Art. IV.  
 ibid. C. XXIII.  
 p. 552 Art. I.  
 p. 553  
 p. 553 Art. II.  
 p. 564  
 ibid.  
 de



# I N D E X

C.XXIII. De tumoribus eorumque speciebus.

P.II.A.I. De oedemate, & scirrho.

p.578  
ibid.

## De tumoribus dolorificis.

Art.II. **D**E phlegmone. 573. De erysipellate. ibid. De herpete. 574. De carbunculo. ibid.  
De bubone. 575. De apostemate. ibid. De fistula. 576.

## De tumoribus malignis.

Art.III. **D**E cancro. 577. De scrofulis. 578. De gangrena, & sphacelismo. p.579  
C.XXIII. De tuberculis generatim. p.480

Pars III. De callo, & de clauo. 581. De verruca. ibid. De formica. 582. De furunculo, ter-

Art.I. mintho, panaritio. p.582

## De pustulis.

C.23. P.3. **D**E exanthematibus. p.582  
A.I. A. II. De aliis pustulis. p.584

C.23. P.4. De ulceribus.

Cap.IV. **D**E illatis potestatis munitio lesionibus. p.568  
Art.I. De vulnere. ibid. Diuisio curabilem, & incurabilem. ibid. An quæ Medi-  
cis ponuntur incurabilia sint. p.587

Art.II. De curatione vulnerum ex metallo, & ligno, &c. p.588

Art. III. De contusione. p.590

Art.IV. De vulnere ab animalibus, præsertim venenatis. ibid. De rabidi canis morfu. 591.  
De morfu tarantularum. 592. De cura vulnerum portentosa. ibid.

Art.V. De fractura. p.593

Art.VI. De luxatione. p.594

## Libri septimi.

### De febribus.

Ca.I. Ar.I. **D**E quidditate febris, & diuisione, ex Medicorum sententia. p.595  
Art.II. Examen definitionis febris à Medicis data: & quæ sit vera eius quidditas.  
p.598.

Art.III. Febrem diuidi in topicam, & vniuersalem: neque vniuersalem fieri corde affecto,  
sed spiritu communi. p.601

Ca.II.A.I. Febrem non esse morbum, sed remedium; & fieri breuem, longam, continuam, re-  
mittentem, & intermittente, ex periculi quantitate, natura & viribus feruentis  
spiritus: & qualiter ex parte lidenis humoris, & læsæ rei, & læsionis loco fiunt fe-  
bres omnes, & ab omnibus humoribus omnes, & regulæ de his vniuersales. p.603.

Art.II. De febrilium periodorum, & errorum causis, & typis, & rationibus. p.609

Art. III. Medicorum opinio & reprobatio. 612. Propria opinio de typis februm. &c. p.614

Art. IV. Quibus argumentis, qui humores in quavis febre peccent, omisso typo incerto, co-  
gnoscere Medicus valeat; & unde februm differentia. p.616

Art.V. Tempora accessionum febrilium proportionari februm diuturnitati, & breuitati in  
suis durationibus: & quibus de causis utraque tempora producantur breuiantur-  
que. p.620.

Dee



## Capitulum & Articulorum.

- De febribus speciatim secundum causas, quas habent in spiritu, aut humido, aut solo. Cap. III. p. 623
- De febribus spiritalibus speciatim. *ibid.* De ratione febrium spiritalium a primitiuitatibus. *ibid.* De spiritali febre ex tristitia & timore. 615. De ratione febris spiritalis a principiis actiuis corporis uis spiritus. 628. De ratione febris spiritalis a vexata spiritus motione & corporeitate per corporeas causas. p. 629
- Curatio febrium spiritalium. p. 632 Art. II.
- De continua febre in soliditatem inuecta, & de hectica, & tabida, earumque differentis, & diuisionibus, & causis, & rationibus, secundum Medicorum dogma, & nostrum. Ca. 4. A. 3. p. 635
- De curatione hectici habitus, & hectica febris, & tabida. p. 643 Art. II.
- De febribus humoralibus, earumque differentiis generatim. p. 648 Ca. 5. A. 1.
- Continuarum humoralium febrium signa singillatim, & causarum ratio, & primo desynocha. 649. De causis signis, & ratione. *ibid.* De lypyria signis, & ratione. p. 650 Art. II.
- Illatio, quod ex omnibus humoribus sunt febres continuæ humores omnes, & de curatione earum singillatim, quarum symptomata nunc premisimus. p. 651. Curatio synochi. *ibid.* Curatio causi. 652. Curatio febris crudæ. p. 654 Art. III.
- De febribus continuis ex latione partis, & earum cura. p. 655 Art. IV.
- De remittentium & intermittentium febrium humoralium causis, & ratione generatim. C. 6. Art. I. p. 656
- Signa, & cura remittentium generatim. p. 659 Art. II.
- De signis & causis febrium intermittentium, & remittentium speciatim, & primo de quotidiana. 661. De signis, & causis tertianæ speciatim. Art. III. p. 663
- De quartana signis, & causis speciatim. p. 665
- De curatione cuiuscunque febris humoralis, intermittens, & remittens, generatim. C. 7. Art. I. p. 667
- De cura quotidiana speciatim. p. 670 Art. II.
- De cura tertianarum. p. 673 Art. III.
- De tertianis, illegitimis vocatis. p. 675
- De quartanarum intermittentium cura speciatim. p. 676 Art. IV.
- De quintana, septana & nonana, & ceteris. p. 680 Cap. 8.
- De compositis, & confusis febribus. p. 681 Cap. 9.
- De confusis. ibid. Art. I.
- Quæ febrium complicationes probari debeant secundum experimentum, & philosophiam. p. 681 Art. II.
- Responsio ad argumenta Medicorum, in 1. art. posita. p. 688
- Febrem pestilentem confirmare quidquid de febribus, & typis earum contra Medicos locuti sumus. Cap. X. p. 689



---

*SVMMMA PRIVILEGII A  
Christianissimo Galliarum Rege concessi.*

**L**UDOVICI XIII. Gallia & Nauarra Regis auctoritate sancitum est, & patentibus eius litteris cautum, ne quis in Regno ipsius aliisve locis eius ditioni subiectis intra nouem proximos annos, à die impressionis primæ inchoandos ac numerandos, excudat, vendat, excudendum vendendumque quouis modo & ratione curet, Librum qui inscribitur *Thomæ Campanella Stylenfis Ordinis Prædicatorum Medicinalium, libri septem, iuxta propria principia*; præter IOANNEM CAFFIN & FRANCISCVM PLAIGNARD, Bibliopolas, aut illos quibus ipsimet concesserint. Prohibitum insuper eadem auctoritate Regia omnibus eius subditis eundem Librum extra Regni sui limites imprimendum curare, vel quempiam vbicumque fuerit ad id agendum impellere ac instigare, sine consensu dictorum CAFFIN & PLAIGNARD, sub pœna confiscationis Librorum, aliisve pœnis originali diplomate contra delinquentes expressis. Datum Parisiis vigesima sexta die Februarij 1635.

*Sic signatum.*

*De mandato Regis.*

Victon

Senault.

*Et in margine, licentia imprimendi.*

THOMÆ





# THOMÆ CAMPANELLÆ

ORDINIS PRÆDIC.

MEDICINALIVM

LIBER PRIMVS,

*iuxta propria principia.*

Prooemium.

*Quid sit Ars Medica, & quot  
indiget scientiis.*



QVONIAM Medica ars est quædam <sup>Medicina</sup> <sup>quidditas,</sup> <sup>subiectum</sup> <sup>& finis.</sup> magica praxis, in hominem quatenus infirmabilem, ideoque suum subiectum, operans, pro fine habens sanitatem: necesse est Medicum nosse totum hominem, singulasque eius partes, causasque omnes circumstantes, à <sup>Quibus</sup> <sup>scientiis in-</sup> <sup>diget.</sup> quibus communiter, & peculiariter iuuatur, læditurque. Ergo cælum, stel-

las, vires aëris, & aquarum, & terrarum qualitates, & potestatem in hominem, ut anni tempora, & ætates hominum, & consuetudines, & temperaturas, & habitationum proprietatem: & elementata; eorum vires, & qualitates; etsi non simpliciter ut sunt in se in entium serie, & ideatione, saltem ut quid sunt ad hominem, videlicet quid faciunt & quid patiuntur ab ipso, & in singulis eius partibus: ergo sympathias, & antipathias cum homine, eiusque partibus tam per se, quam per accidens: Est enim Medicus in hominis composi-

A

tionem



tionem curanda, sicut Legislatores in Republica, & Oeconomi in familia. Et quoniam medicari sumus Reipublicæ, & familiæ, nunc indiuiduorum curam suscipimus, sicut per Ethicam olim in animo, sic nunc per præsentem artem in corpore.

*De hominis ex quatuor partibus compositione,  
harumque mutua utilitate.*

## CAPVT I.

## ARTIC. I.

*Homo ex  
mente, spiri-  
tu, humido  
& solido  
constat.*

Componitur autem homo totus ex solido, humido, spiritu, & mente; quæ sibi est propria: cæteræ enim partes etiam brutis conueniunt: ideoque cum corpore non nascitur sicut aliæ partes, nec moritur; sed aduenit post corporis perfectam fabricam: nec nisi in perfecto, & solido, & humido, & spiritu bene concinnatis habitare potest vitaliter: nil mirum si cum sit immortalis, præfatarum partium aliqua deficiente abscedit, ut in quæstionibus phys. contra Medicos veteres demonstrauiamus.

1 Soliditas ex condensatione; condensatio ex vnione multa: ideò solidum vnitum adeò ut non possit plus vniri, tactui renititur. Humiditas verò ex maiori expansione, & minori vnione, quæ non constat, ideoque nec tactui resistit. Spiritualitas ex maxima rarefactione, & minima vnione, ideoque & fugit, nedum cedit, nisi vnione affectiua, non corporea, qualis in solidis, se roborat ad vim, impedimentaque repellendum. Mentale autem ex his metaphoricè, ex primalitatibus realiter consistit.

*Mens sequi-  
tur prædicta-  
rum partium  
vniuersus,  
aut vsus, de-  
fectum tota-  
lem.*

2 Mutuis utilitatibus partes quatuor istæ continentur in vnum; ideoque non possunt simul stare, quin dissoluatur compositum vbi vna deest: excepta mente, sine qua in utero plures dies quasi animal viuit: hæc enim abstractior, minusque consensionis cum physicis habet rebus. Vnde philosophi inferiores partes spernunt, superiori consisi in suis studiis, & alienationibus. Vtrum autem possit mens ita separari in ecstasi, ut remaneat homo, at absque mente, in quæst. phys. & in 5. Theolog. & in 15. etiam considerauiamus.

3 Solidæ partes indigent humidis, ut harum crassioribus partibus



partibus alantur, & ne arescant, & rumpantur, & ut ad motum vngantur; Humidæ solidis, ut ab his contineantur ut in vasis. Spiritus verò humidis, ut earum subtili portione nutriantur: solidis ut retineantur ne euolent. Sed humor indiget spiritu, ab eo ut generetur ex cibo exprimendo succum, caleat, & moueatur, solidum verò ut sustentetur & moueatur quorsum est opus: tandem Mens indiget spiritu, ut per eum moueat studiosè corpus, & accipiat physicarum rerum scientias. Ipsa enim ab obiectis corporeis moueri nequit, nisi mediante spiritu; ex cuius delirio, & sobrietate aliisque passionibus palam est, ipsam impediri vel expediri ad operationes suas. Spiritus autem indiget mente, quatenus humanus est, ut perfectior sit in primalitatibus, & in suis operibus doctior, & in corporis regimine rationabilior. Quatenus autem animalis est, non indiget: immò secum pugnat, bona propria præ mentis bonis diuinioribus curans magis. Quoties ergo hæ partes inuicem has mutuas utilitates non præbent, fit ægritudo, quæ est ad dissolutionem compositionis, hoc est, ad mortem, præparatio: & contra hanc valet Ars Medica.

*Quem usum  
quæ parti  
cuique præ  
stat.*

*Partialis de  
fectus mentis  
usum par  
tium est æ  
gritudo.*

*De Mentis essentiatiōe, affectibus, vitiis,  
moribusque, & medelis.*

CAPVT II.

ARTIC. I.

**M**ENS non componitur, sed essentiatur ex volitiuo, intellectuino, & potestatiuo puris: quæ non possunt dissolui propter coinexistentiam, & identitatem realem. Formaliter enim modò distinguuntur, ut probatum est in nostra Metaph. & Theolog. nec habent contrarium, à quo corrumpantur, aut disponantur ad mortem. Propterea Medicus physicus in mentem per se non operatur, sed in corpus, & humores, & spiritum, per quem ipsa, dum est vnita corpori, exercet suas operationes: & idèd circa impeditionem, & expeditionem instrumentorum, per quæ mens operatur, Medicina exercetur modo. Vnde medicina, & stellæ, & elementa per accidens dicuntur in mentem valere humanam, & indirectè.

*Mens triplici  
de causa im  
mortalis.*

*Propterea  
non subditur  
medicina  
corporali, nisi  
per accidens,  
& indirectè.*

*Corol. D. Th.  
in 3. cont.  
Geni.*

1 2 Mors autem mentis est separatio à Deo, sicut mors corporis,



*Peccata  
mortalia a-  
nima agritu-  
dines, &  
mors ad 2.  
mortem pra-  
uia.*

poris, est separatio ab anima; & peccata mortalia, [quæ non fiunt, nisi ubi accesserit volituum, non autem à potestatiuo, & intellectu solis: Non enim quia possum à Deo separari, aut quia scio, pecco, sed quia volo] sunt ægriitudines mentis, & mors prima, nam secunda erit totalis æterna separatio in inferno.

*Nec Medicus,  
nec mens ipsa  
post lapsum po-  
test morbus a-  
nima mederi  
nisi præpara-  
tione imper-  
fecta.*

3 Medicus autem harum infirmitatum non potest esse, qui corporales medelas tractat: nec ipsa mens potest sibi mederi, dum spontè omisso peccato, operi bono se mancipat, nisi præparando, ut ad Deum ut vitam naturalem redeat, non ut supranaturalem; nisi ut misericorditer acceptatur, & eleuatur: neque enim maculas, & reatum per physicam abstergit medicinam. Possunt enim res physicæ sordidare volentem, sicut oleum, quod deinde non potest de se purgare sordes; ergo aliquid diuinius requiritur, sicut anima est res diuina; & hæc est participium diuinitatis, id est gratia Dei, sine qua non tollitur peccatum, licet possit reatus relaxari. Medicinam ad vitam naturalem in Ethicis, ad supernaturalem in Theologicis dedimus.

*Nulla sa-  
piensia na-  
turalis ma-  
gicæque pur-  
gat mentis  
infirmis etes,  
nisi diuina  
physica su-  
peraddita: ut.*

4 Frustra igitur Porphyrius, & Magi veteres morbos animæ curare conati sunt per Magiam physicam: & qui diabolicam addiderunt decepti sunt ab angelis malis: solus enim Deus purgationem peccatorum facit; nec sacrificia pecudum ad hoc valent, nisi ex deuotione, & fide in Deum, & Dei instituto. Caro autem Christi secundum magiam sanctorum purgat nos, quatenus diuinitati vnita, & instrumentaliter, & sicuti oleum maculas olei per se non abradit: sed vnitum calce, & cinere, abstersiuis, in sapone bene abstergit; cuius rationem in Physicis diximus, & in Theologicis.

*Analogia in-  
ter virtu-  
tem, & sani-  
tatem; & in-  
ter visum,  
& morbum. &  
utrum mor-  
bus à vitio  
feri queat.*

5 Quoniam id est vita in anima, quod sanitas in corpore: sanitas autem est vitæ fruitio, aut conseruatio: morbus ad mortem præparatio. Virtus ergo est ad vitam æternam iter: peccatum ad mortem æternam: quærendum est utrum morbus animæ, morbos corporis pariat.

*Quia culpa  
morbos pa-  
riunt per ac-  
cidens, &  
quæritur.*

6 Peccatum vel est contra finem, vel contra media. Contra finem dum ponit se ipsum pro fine quod est superbia; vel aliud extra se, ut diuitias, gloriam, dominationem, pulchritudinem, aut salutem corporis, & voluptatem: nam hæc licet sint in corpore, non tamen sunt animæ, nisi per copulam.

In his



In his non videtur anima parere corpori morbos, nisi dum nimis in his, quæ sunt extra se, & corpus, studet, corporisque salutem negligit. Propter gloriam enim laboribus, & vulneribus ipsum obiciunt. Cùm autem corporis saluti, & pulchritudini dedicat, non est ægritudinis causa: nisi ignoranter putet prodesse nunquam laborare, aut aliquid vnde marcescit corpus: in cunctis tamen mortem sibi æternam parat, ac proinde corpori, vt sacra Theologia rationabiliter docet. Si peccatum est contra media, videlicet contra affectiones, & operationes, & obiecta; vtendo illis minus, aut plus, quam confert fini, palam est quòd infirmitates producit.

7 Sunt autem volutiui affectiones amor, & odium, quæ dum obiecta sunt præsentia, sunt voluptas, & dolor: dum absunt, desiderium, & abominatio. Obiecta sunt summum bonum, & summum malum: videlicet vita æterna, & mors æterna, & media bona, & mala, vt ipsamet mens, & corpus, vt vxor, & filij, & res familiaris, & Respublica, & honor, & venus, & cibus, & amici, & proximi: Horum omnium & amor, & odium, est virtus & sanitas, dum regulantur erga summum bonum: ægritudo verò vitiũque dum exorbitant. Sanctitas est erga finem, sanitas & medela: circa se, & natos & vxorem charitas: erga parentes, pietas: erga Rempublicam, iustitia: erga rem familiarem, liberalitas: erga acquisitionem eius, solertia: erga amicos aliõsque homines, beneuolentia, & beneficentia, gratitudo, æqualitas, mansuetudo: erga ipsorum bona, benignitas, & æmulatio. In conuersatione hilaritas, veracitas: erga alimentum, & venerem sobrietas, & castitas: erga honores, magnanimitas. De quibus omnibus aliisq; morbis, medelisq; dictum est in secunda parte Philosophiæ realis, & in Theologia nostra.

8 Intellectui sunt scientia, & ignorantia : credulitas, & incredulitas : sagacitas, & stupiditas : memoria, & obliuio : acumen, & obrusitas : dicere, & occultare : decipere, & docere : animaduertere, & inanimaduertentia : ordinare, & inordinare.

Primum par prudentia curat, medicaturque per notitiam rerum diuinarum, physicarum, metaphysicarum, & moralium.

Secundum fides, & historiographia bene examinata. Ter-



tium, quia est in sensibus corporatis, medicina physica etiam curat & exercitatio Quartum & medicina, & ars memorandi per locos, & res exteriores, quæ magis imprimunt. Quintum Logica, & Mathematica multum iuvant. Sextum Grammatica, Rhetorica, & Poëtica Septimum veracitas, & iustitia. Octauum vigilantia, & disciplina. Nonum, quod est perplexitas, & præuolatio in ratiocinando, & deliberando, curat propriè Logica & Consilium. Decimum, delirium scilicet, furorem; quoniam non fit, nisi copula spiritus animalis, huius curatio mox sedabit. Horum obiecta sunt verum, & falsum.

*Idem in po-  
testatiui  
morbis, salute  
remediis.*

9 Potestatiui sunt debilitas, & ferocitas: promptitudo, & lentor: velocitas, & tarditas: rigiditas, & mollitia: obstinatio, & instabilitas: audacia, & timor: pudor, & impudentia: præsumptio, & desperatio: diffidentia, & paruipensio: ira, & pauor: crudelitas, & misericordia: aggressio, & fuga: impatience, & actiuitas: facere, & deficere: motus, & quies: imperare, & subiici: committere, & omittere: acedia, & pernicitas: agere, & pati: labor, & ocium. Horum obiecta sunt possibile, & impossibile: facile, & difficile. Primum regulat, & medicatur strenuitas. II. alacritas. III. opportunitas. IV. attēperatio. V. perseuerantia. VI. fortitudo, verecundia. VII. spes. VIII. fiducia, & confidentia. IX. mansuetudo, & mititas. X. clementia. XI. etiam fortitudo XII. tolerantia. XIII. solertia mechanica, & artificia. XIV. exercitia. XV. sublimitas, & obedientia. XVI. sedulitas, & tempestiuitas. XVII. robur & resistentia. XVIII. exercitium.

*Passionē pri-  
malitatum  
entis, salubre  
nonentis  
morboſa de-  
physicis, &  
moralibus.*

10 Verum enim verò quoniam mens finita est: non ex potentia, sapientia, & amore tantum constituitur; sed etiam ex impotentia, insipientia, & disamore: idcirco aliæ sunt passionēs ex nimio participio primalitatum non-entis; aliæ ex entis, & in illis est culpa physica, sed moralis dum non quantum, & quomodo ad finem consequendum opus est exercentur. Si ergo debilitas est physica culpa, & ægritudo, similiter tarditas, mollities, & huiusmodi: tamen robustitas, velocitas, & vigor; quoniam participium entis denotant, sunt sanitates: at non in homine, nisi cum mensura ad illum consequendum, & qui naturaliter habent illam mensuram, ut qui sunt strenui, & fortes quantum est opus: peccant quando

non



non vtuntur, sicuti opus est: qui autem non habent, peccant si non curant habere, & actus suos ad finem virtuosè dirigere. Nam etsi non possit ex vi caloris, iracundus fieri mansuetus, tamen cum per intellectum sciat esse vitium iracundiam, debet velle eius correctionem, & se corrigere, vel corrigenti obtemperare; qui vritur lege pro Reipublicæ medicina. Habemus autem in communi quod priuatim deest. Sunt etiam medicinæ corporales adhibendæ, sicuti contra calorem libidinis S. Franciscus adhibebat niuē pudendis partibus. Vitium ergo morale nullum est, nisi accesserit voluntas consentiens. Physica autem vitia sunt in potestatiuo, & intellectiui: regulam & medelam nouit intellectus vel per se, vel ex finis ratione: vel à philosophia, vel à lege humana, vel diuina. Voluntas illam appetit: potestas illam capeffit.

11 Aliud est vitium, aliud morbus, vt Ptolemæus notat, in corpore. Vitium enim semel inflictum, aut innatum durat <sup>Distinctionem  
ter vitium,  
& morbum  
physicum.</sup> semper, nec dolores affert post primum, vt claudicatio, gibbositas, cæcitas. Morbus verò non durat, & dolorem affert incessanter, vt febris, apostema, catarrhus. Sic est in anima vitium durans, nec displicentiam faciens: morbus est omnis actus peccaminosus, qui transit actu, & remanet solum reatu. Vitiis & morbis animæ per Ethicam, Politicam, Oeconomicam, & Theologiam occurrimus. Nunc Corporis per artem præsentem.

12 Omne vitium, & morbus animæ redundat in corpus in præsentī vita, vel in altera post resurrectionem, vt Theologia docet: sed in præsentī vita ea solū quæ corporis curam impediunt, non quæ corporis amore contrahuntur, nisi nimium adsit: vt qui plurimum voluptatis in venereo actu captat, vires effundit. Et hæc mens per se non cupit, sed ex vnione spiritus animalis.

*De Spiritus constitutione, functionibus,  
& lesionibus.*

CAPVT III.

ARTIC. I.

1 Constituitur Spiritus ex potestatiuo, cognoscitiuo, & volitiuo inferioris ordinis, nec puris, sed corporatis;

nam



*Essentia  
spiritus ani-  
malis eius  
mortalita-  
tem indicat.  
ergo & vi-  
tiorum &  
morborum  
capax, &  
quomodo.*

nam ex tenuissimo corpore, lucido, & calido, mobili, potente, sentiente, & appetente essentiat; idcirco mortalis est, quoniam primalitates à corpulentia possunt sciungi: similiter calor potest extinguere, & tenuitas incrassari, motus cohiberi, & lux fœdari. Quoties igitur aliquid horum inest ex parte, vitium est: quoties accidit ex parte, morbus; quoties omnino, mors; quæ facillima est, vbi omnia simul: sicuti si ex vapore carbonis crasso incrassetur eius tenuitas, & motus, ex eorum nigrore fuscatur luciditas; & prior sensus desinit esse; & calor in aliam temperiem transit per alium essendi modum, & motionis peruersionem: tunc mens ab eo obiecta scientiarum non ampliùs habet, nec motiones corpus: & perit cohabitatio.

2 Ex vnitissima materia, quæ ex hoc est dura, densa, spissa, crassa, siccaque: si quid expandatur vi actiua, fit lenta: deinde mollis: deinde viscosa: deinde lubrica: mox fluida: mox liquida: deinde vaporosa: deinde tenuis, & è conuerso: omnes autem partes corporis, aliqua, vna, vel pluribus harum dispositionum constant: spiritus enim tenuitate maxima stat: durities enim in osse: lentor in cartilagine: tenacitas in nervo: mollities in carne: viscositas in tendonibus: lubricitas in atrabili: fluor in sanguine: liquor in fero: vapor in flatu: tenuitas in spiritu: magis patent. Media extremis participant suis.

### De Cognitione Spiritus functionibusque.

#### ARTIC. II.

*Triplex fun-  
ctio spiritus.*

1 **F**unctiones Spiritus sunt cognitio sensibilibus, & motio corporis, & calefactio: & quicquid motione fit, calefactioneque.

2 Cognitio fit in passione, dum in tenuitate facile passibili mouetur, aut in luce fœdatur, clarificaturque, & in motu impeditur iuuare: fit etiam iudicio per primalitates, dum de inferentibus obiectis passionibus hæc, mox iudicat per eas: sicut enim afficitur, sic iudicat: vt calidum iudicat per id à quo calefit. Dum autem passionibus illatæ sunt vehementes, alienant spiritum à sua parum natura, vel penitus, id est corrumpunt;



rumpunt; & iudicium animale non sequitur; sed aliud, quod nostrum non est, sed illius entis in quod mutamur.

3 Sunt autem cognitiones exteriores, tactus, gustus, olfactus, auditus, & visus, quæ ex spiritus implantati passionibus originem habent.

4 Remansio autem earum in spiritu, est memoria, recolectio, reminiscencia. Fit etiam discursus, dum ex notis ignota cognoscit; & imaginatio, dum nouas notiones ex dictis fabricatur. Fides autem, dum alterius sensui consentit; de quibus dictum est in Phys.

5 Ex his notionibus sequuntur affectiones, prout benè, vel malè mouentur, hoc est seruat, vel destruitur, ex toto, vel ex parte; Amor, odium, voluptas, dolor, desiderium, auersio, gaudium, mœror, risus, lacrymatio: & omnes mentis affectus, & notiones, sunt spiritui communes, vel participabiles, similiter illæ, quæ in potestati uo mentis.

6 Eundem esse spiritum animale, vitalem, & naturalem probauimus; nec tres sedes habere caput, cor, iecur; sed vnâ caput: cæteras esse officinas, uti ventriculum, cor, epar; aut vias, & funes, ut nervos fibrasque: caputque esse neruorum, ossium, venarum, & arteriarum principium, licet alibi plus dilatentur, & crassescant ob vsus varios. Vide quæst. phys.

7 Liber spiritus dicitur, qui habitat in cerebro, & per neruosum genus inambulans, foras, introque, vigilias faciens, somnūque, & alienationes: & hic iudicat de cunctis obiectis, nec animal nisi hoc animasticè. Spiritus implantatus dicitur, qui in fibris carnis, corij, sanguinis, &c. detinetur: qui passione urgente mouetur, sentitque operaturque: nec eius sensus semper spiritui libero communicatur, ut patet in dormientis, aut aliud attendentis, punctura, & passione.

*de spū libero, & implantato.*

*De Motu Spiritus functionibus.*

ARTIC. III.

**M**Otio autem fit impulsione, retractione, & vertigine, quæ ex eis componitur. Impellit autem vis caloris facile tenuitatem Spiritus, quorsum affectio vna prædictarum fert, ex aliqua notionum prædictarum nascens, & eo si-

*Omnis motus à spiritus vi ut potest statim est: incipit. n. ab obiecto illata*

B mul



*passio in potestati, ex passione iudicat ex obiecto cognitionis: ex cognitione eritur affectio erga vel contra obiectum, ex affectione rursus potestatiuum caloris mouet: iudicium dirigis motum: affectio propendit in obiectum, ad quod est motio.*

*Laesio caloris & tenuitatis & instrumenti motum laedunt.*

*Triplex motus in corpore, naturalis, arbitriarius, ac medius.*

mul corpus torpidum fert. Patet autem quod mouet spiritus manum contra hostem, quo ipsum vindictæ amor fert. Amor autem vindictæ ex notitia hostilitatis nascitur. Notitia autem ex obiecto non fit, sed specificatur: non enim lapis causar sui cognitionem ipse non cognoscens, sed mouet ratione spiritum, ut aduertat, & iudicet: iudicium autem inest, quia potest hoc anima. Quapropter læsio potestatiui, aut cognoscitiui, aut appetitiui lædit motionem causaliter: lædit autem essentialiter læsio executiui principalis, ut si tenitas, & calor lædantur, & vis motiua spiritus, quæ est potestatiui ad extra respicientis; aut læsio instrumenti; ut si neruus, per quem spiritus impetum faciens inambulat. Spiritus enim intra neruos & fibras retinetur, & intra cerebrum eorum principium: unde excurrentes sensum, vigiliam, & motum dat corpori: rediens verò somnum, & quietem, & insensibilitatem.

2 Sunt autem motus alij arbitrarij, qui fiunt, & cessant ad animi arbitrium: ut ambulatio, cursus, membrorum motio: quæ durat quantum est opus ad finem quo fit. Alij dicuntur naturales, ut pulsatio venarum, coctio ciborum, digestio, egestio, nutritio, & huiusmodi, qui non possunt sisti, vbi cœperint, quoniam necessarij sunt naturæ: nec à spiritu libero fiunt, sed stimulo sanguine, aut fuliginibus. Alij medij, ut respiratio, quæ potest arbitrio sisti parum, sed non multum, & omnino: quoniam non est nutritioni immediate, sed accensionis caloris in corde, necessarius. Fortè nec potest, quoniam urget stimulus aëris introducti, aut vacuitatis appetentis aëre impleri. Vtrum omnes fiant stimulo, & quot sint functiones spiritus, postea. Spiritus ergo prius patitur, vel imaginatur ex passionibus præuiis: deinde iudicat de obiecto, passiones inferente: tertio afficitur benè, vel malè erga obiectum: & tandem mouet se atque statuat ad consequendum, vel fugandum obiectum; vel fugiendum declinandumque.



De Humorū constitutione, usu, speciebus,  
noxa generatim.

CAPVT IV.

ARTIC. I.

**H**VMores plures, atque fluores in homine sunt: sed vnus modo princeps, qui seruit, vt substantia nutritionis solidarum partium, & spirituum, compaginans vtrumque, vt medium necessarium; videlicet sanguis; cuius ex cibo continua est generatio, sicuti ex sanguine spiritus, quia volatilis est præ cunctis partibus, incessanter alitur, vt flamma lucernæ ex oleo; corpus solidum etiam alitur ex crassioribus non ita velociter, etsi indefinenter; quoniam indefinenter etiam à calore egrediente per poros, idcirco factos, minuitur.

*Vnus humor princeps, ex quo spiritus & solidum alitur.*

2 Alij humores sunt sanguinis excrementa, & comites auxiliarij; aut nec comites, sed aliundè fiunt. Nec vllus habet sanguinis vsum, hoc est corporis, & spirituum nutritionem, sed partium modò, in quibus locantur, aut seruiunt morui corporis, aut transmissioni sanguinis: vt atra bilis stimulat ad famem, & ad contemplationem, & est duplex, altera con-

*Alij humores vsum sanguinis non habent, potius autem sunt excrementa.*

*videtur sal. lib. n. ad. Fl. cap. 10. cert. lib. p. de gener. animal. c. 10. pituita appell. excrementum.*

3 Siquidem atra bilis, quæ & melancholia dicitur, est sæx sanguinis atra crassaque, & quasi sedimentum adustionis, & concoctionis, quod anima expurgando sanguinem in lienem sequestrat, sicut in vase impuro & in cloaca.

*Quid atra bilis, & eius vsum.*

4 Cholera verò, quæ & flaua bilis, est spuma coctionis pertenuis, & facile accendibilis, & sequestratur in vesicam sub epate, exinde in intestinum expellenda, stimulat spiritum ad purgandum excrementum, & ad iram.

*Cholera ac eius vsum.*

5 Vrina verò est quasi sanguinis serum, & ex aqueis cibi partibus fit: utilisque est, vt sanguis, qui crassior est, possit ex iccore per venas transmandari, quo peracto vsum ad renes vnà cum cineribus cocturæ sanguinis, perducitur, & stillatur in vesicam, inde expellenda: cineres verò nutriunt renes, vt bilis atra lienem, & flaua fel; non autem alias partes.

*De vrina eiusque vsum.*

6 Phlegma est sanguis ipse, non bene coctus, ita vt rubescat abscessu partium mobilium; & cum sanguine reperitur.

*Phlegma.*

7 Semen verò est sanguis amplius coctus, & elaboratus in vasis spermaticis, & albescens, eo calore, qui exhalare nequit:

*Semen.*



ideoque mordax & pruriens ad libidinem : nec generatur nisi perfecto robore hominis : nutriuntur ex eo testiculi, nerui, & partes albæ corporis.

*Medulla.*

8 Medulla est pinguior pars sanguinis, & tenuior, secum afferens atomas partes duriusculas, ossa ingrediens, ut ex eis alantur.

*De rore & eius usu.*

9 Pars feri misti pinguedine cum sanguine ex venis per medias exudans fibras retinet carnes, & nervos, & ossa, quasi rore perfusos, madidósque, ut sint ad motum prompti, & non arescant, & rumpantur : quemadmodum mobilibus machinis ligneis, & ferreis apponimus sebum, & oleum : carnes cum fibrosæ sint indigent ne arescant, utque nutriantur, & spiritus non terantur. Et fit talis humor ex sanguine, vel cum sanguine, vel potius ex vaporibus exeuntibus ab intestinis, & aliis visceribus : qui cohibiti exire vertuntur in rorem. Manifestum est autem, quod ex putridis geniti rebus vapores per carnes transpirantes putredinem olent : alij aliud.

*De rore pericardij.*

10 Vapor autem ex corde exhalans, à pericardio cohibitus, in aquam vertitur circa cor retentam, ne sua perenni motione cor arescat, & cinerescat.

*De humoribus in capite generatis, & eorum usu, ac noxa.*

11 Humores quoque in capite generantur ex vaporibus coërcitis, sicuti ex fumo in ollæ operculo fit aqua stillans, & in laquearibus balneorum. Vapores autem ex toto corpore in caput ascendunt : maximè autem ex ventriculo : & per nares ex aëre crasso spirantibus austris : & horum non modicus, aut nullus est usus. Oportet enim cerebri cavitates non exicari, ut mollem tenuissimo spiritui habitationem præbeant, commodamque ; non autem multum, ne impediant habitationem, & obstruant nervorum ex cerebro deductorum vias, & spinæ, & sensoriorum : idcirco per aures, & nares vertit talia excrementa spiritus. Plurimi tamen descendunt in pectus, causantque morbos : ubi plusquam pulmonis, & arteriæ, & musculorum lenitioni opus est distillat. Qui autem inter corium, & carnes, & inter musculos, & nervos, & ossa distillantur, ungunt statuam ad motum, ut sit agilis, & vasa non rumpantur : at cum plus iusto, morbos ex distillatione pariunt. Humores isti sub pituitæ nomine comprehenduntur.

*De sputo.*

12 Vapores verò in concauum oris delati, in humorem vertuntur : qui agitated à respiratione, & motu linguæ fit ampullo



ampullosus ; idque est sputum , linguæ morui , & gustationi commodum, vt in Phys. dictum est.

13 Quapropter non vnius generis sunt humores : neque sunt omnes ex cibo liquefacto , sed alij ex vapore ; & qui ex cibo alij excrementitij , alij substantiales , vt dictum est , diuersosque habent vsus; quorum læsio est ægritudo.

*Corollar.*

14 Fiunt alij fluores in ventriculo ex vaporibus ventriculi, qui admixti fluoribus ex cibi reliquiis, & crassitie ortis efficiunt fluores varios; quos vno nomine phlegma dicunt Medici : sed profectò phlegma est crudus sanguis ; hi sunt alterius substantiæ : alij vitrum referunt liquefactum, alij aquam crassam & dulcem, alij fassam, alij acetosam.

*De pituita ventriculi multiplici.*

15 Multiformis etiam bilis generatio : alia enim flaua , alia rubra , alia crocea ; vt videas imperitè Medicos quatuor humores quatuor elementis tribuisse : cum innumeri humores substantia, generatione, & vsu, & colore, & sapore, & consistencia, differentes sint : vt non nisi violenter trahant quatuor humores ad quatuor elementa : cum omnes sint calidi à calore geniti ex materia magis minùsve crassa, magis minùsque robusto, citiùs aut diutiùs agente.

*De bilis multiplici. Non quatuor sunt, sed plures humores specie differenti.*

16 Hos enim probauimus ab vno calore variis viribus agente, ex dissimilaribus materiebus, in locis variis varios gigni humores : omnes calidos secundum magis, & minus : dicique alios frigidos, & siccos aliorum respectu, non essentialiter. Atra enim bilis crassior est, ideòque sicca dicitur, cum tamen fluat : frigida verò, quia minus in ea caloris : & tamen Galenus, & Aristot. ponunt melancholiam frigidam, & calidam, & tenuem, & crassam : & omnes huiusmodi humores. Dicunt siccam ab effectu bilem flauam, cum tamen tenuior, ergo humidior : alioquin crassior esset nigra bili, si sicciore ; aut saltem crassior sanguine. Humiditas est materiæ expansio : & ideo non habet proprios terminos, & facile suscipit alienos. Vnde Arist. 2. de gen. 1. 9 & seq. omne tenue, molle & vduum, & liquidum, est humidum. Siccitas verò est materiæ constrictio, ideòque terminos habet constantes : nec cedit in profundum, quia non potest amplius stringi, vniùsque. Itaque crassum, durum, cōgelatum, ar dum sunt sicca secundum magis ac minus. Medicus autem loquitur de his secundum nos, non secundum naturam, cui aer humidior aquis. De his in quæst. Phys.



oui albuminis in consistentia aliquando densior, aliquando fluidior: habetque indicationem non minus atque vrina scientibus artem; de qua posterius.

*De vñsibus Humorū speciatiū.*

ARTIC. III.

- De vñs san-*  
*guinū.* 1 **F**Vñctio sanguinis generalis est nutritio omnium corporis partium: in omnes enim aptus est verti, cum ad eas per venas distribuitur, & calore particularium nutritibilium iis assimilatur; quod cum non fit, pessimus est animali.
- De vñs cho-*  
*lera.* 2 Vñsus cholerae est ad expulsionem excrementorum priorum stimulatio. Item ad iram ciendam vñtis est: ideoque in paruulis minor ira.
- De vñs atra-*  
*bilis.* 3 Atrae bilis vñsus est stimulus ad famem; & cum opus est timorem excitat, vt animal sibi caueat. Ad contemplationem si modica, est apta, non quia ipsa est sciens, & prophetans, & meditans, aut huiusmodi rerum causa; vt male Aristoteles & Galenus, & alij imaginantur; propterea quod atrabiliosos sapientiae, & prophetiae aptos, & sibyllas, & huiusmodi, obferuarunt: quomodo enim res stupida sapientiam pariat? Sed quoniam vbi est bilis atra indicium est caloris adurentis; qui spiritus tenues producit, aptos passioni praecedenti notiones. Ligna enim vbi vñta bene fuerint, flammulam tenuem reddunt; vbi minus, fumosam, crassam, magnam. De his in libro de sensu rerum. Prodest tamen fuligo ad reuocandum spiritum ab externis negotiis ad interna; & sic per accidens aliquando est contemplationis causa. Sed si fuerit multa obnubilat spiritum, & terret; & discursum intercipit, notiones quæ turbat; & ignorantissimi sunt huiusmodi homines, quales Aethiopes, & qui sub tropicis degunt: viribus quoque exhausti, acuti ad sentiendum, non ad iudicandum. E contra Boreales crasso, multoque spiritu praediti, sunt stupidi ad sentiendum, laboriosi ad quaeritandum, non satis apti ad iudicium nisi mechanicum: viribusque validi. Medij optimi, quoniam minus fuliginis, & multa his spiritus tenuitas, & puritas. Aliorum humorum vñsus ex dictis patent.



*De solidarum partium multiplici distinctione, & usu,  
& triplicibus organis.*

## CAPVT V.

## ARTIC. I.

1 **S**olida portio hominis vnitissima mole constans, quæ <sup>*Distinctio*</sup> commune nomen cor; oris sibi applicauit, & appropri- <sup>*solidarum*</sup> uis estque vas & organum aliarum: potest & in speciales par- <sup>*partium.*</sup> tes, & in integrales distingui. Primo modo in ossa, neruos, cartilagines, membranas, carnem, adipem, venas, & arterias, & viscera; quarum alia carnosæ, alia membranosa, alia mista. Ossium usus est sustentare totam statuat, vt basis in- <sup>*usus solidarum*</sup> tranea artium, & defendere. Neruorum colligare, & viam <sup>*rum specia-*</sup> spiritibus dar, & retinere. Membranarum ambire intus, & extra: nam & corium membranosi est generis. Carnis adimplere omnes inter se partes, & tueri, & stramentum esse ne lædantur ad inuicem, & rebus ab externis. Ad his vngere ad motum: & blandum operimentum præbere vitalibus. Venarum, & arteriarum sanguinem per totum corpus distribuere ad nutritionem. Viscera verò ad nutriendum dicantur. Oesophagus ad hauriendum. Ventriculus ad coquendum. Intestina ad destillandum, & ad sequestrandum proficuum ab inutuli. Iecur ad sanguinem ex utili producendum. Fel, & lien, & renes ad fæces attrahendum tanquam in deorsum, ne cum sanguine simul ferantur ad nutriendum: ac simul depræuent ipsum, & nutritibiles partes. Vesica ad vrinam emittendam, & continendam: donec multa congregetur, nec continuo mingere sit opus. Intestinum inferius ad fæces primas tenendas, & expellendas. Cor ad attenuandum sanguinem in spiritus alimoniam, & corporis nutritionis vitalitatem. Pulmo ad retinendum, & vt follis excitandum, & fouendum calorem cordis; & spiritus generationem ampliandam, iuuandamque.

2 Secundo modo potest, vel in compositionis partes distinguere primas, vel in organa, quatenus est organicum. Primo secatur in viscera, & statuat. Statua diuiditur in caput, vbi est spiritus habitatio; & collum, quod connectit caput busto siue trunco; & pectus habitaculum cordis, & humores: brachia, & manus, instrumenta operationum externarum; & in ventrem



inferiorem carentem costis, habitaculum intestinorum; & in coxendices, crura, & pedes, instrumenta motus, & bases statuar.

Secundo iterum secatur in organa cognitiuæ virtutis, in organa appetitiuæ: & in organa potestatiuæ.

### De Organis cognoscitiuæ.

#### ARTIC. II.

*De sensatio-  
ne interiori.*

*Cerebrum  
habitaculum  
est sentientis  
spiritus: Nec  
eius tempe-  
ries est ani-  
ma sentiens,  
vt Galeno  
placet: sed  
sentienti ac-  
commodum.*

**O**rgana cognoscitiuæ sunt lingua, nares, oculi, aures: per quas partes specialia obiecta anima cognoscens apprehendit: sensus enim tactus non habet organum speciale, sed toto est in corpore, quoniam totum eo indiget. Cerebrum est organum sentientis spiritus tanquam habitatio: non tanquam sensibilia, aut cognoscibilia tenens, aut parans obiecta. Fiunt tamen in eo sensationes interiores vt imaginatio, ratiocinatio, memoratio, iudicium, & aliæ operationes: de quibus in Phys. Sed horum nullo pacto est organum, sed sedes commoda cerebrum. Læsiō autem cerebri has functiones non lædit, nisi lædatur spiritus etiam inhabitans; sed impedit. Dum enim eius afflictioni medetur, spiritus impeditur à suis functionibus; quod etiam accidit illi, si lædatur vterus in hysteriis mulieribus: aut alia pars valde, ad quam iuuandam spiritum oporteat accurrere: & in hoc grauiter errant Medici vulgares.

*De exteriori  
sensatione,  
senseritque  
horumque  
usu.*

**2** Vt autem possit spiritus memorari, & imaginari, & intelligere, & iudicare de his quæ vitæ prosunt, aut nocent, oportuit vias habere ex cerebro ad exteriora obiecta admit-tenda, cum quibus viuit, & exinde iudicanda: propterea quot à rebus in nos obiecta venire possunt vtilia cognitu, tot organa seu potius vias, sibi parauit extrinsecus. Et quoniam aut aduenit ex rebus in nos lux colorata ipsarum colore, & per consequens figurata, & quantificata: Aut aëris motus à rebus impressus: Aut vapor spontè exhalans, calore innato ad suam vniuersitatem reducēte incessanter: Aut substantia tenuis vna cum crassa comminuta: Aut actiua vis calor, & frigus: Propterea ad lucem, & illuminata admittenda factus est oculus: ad motum, auris: ad vaporem, nasus: ad sub-

stantiam



stantiam agentem simul cum mole, lingua: ad vires actiuas tactus, qui non est organum speciale: sed corpus totum tangit, & sentit calorem, & frigus per se: tenuitatem, & crassitatem, & ipsorum media, & asseclas; videlicet, lentorem, molliem, viscositatem, lubricositatem, fluorem, liquorem, & vaporem, grauitatem, & leuitatem per accidens: & sensato discursu quodam, quoniam totum corpus tactione indiget: licet alibi plus, alibi minus: nullibi tamen nihil. Nec enim pilus, & os non sentit, vt putat Aristoteles, & aliquando Galenus: sed non communicat sensationem suam cum spiritus vniuersitate; sicut dormientis manus puncta sentit implantato sensu: sed non communicat spiritui libero intra cerebrum regresso, suam passionem: nec proinde menti, vt ostendimus in lib. de sensu rerum.

Omnis sensus fit actione & passione propria: ergo tactione: non enim fit actio, & passio nisi per contactum. Omnis ergo sensus est aliqualis tactus, vt in Phys.

3 Omne organum habet potentiam principalem, & liberam ab organo in spiritu, qui ex cerebro fertur in ipsum. Vnde abeunte spiritu, vel distracto, vel dormiente, apertus oculus non videt; nec auris audit. Habet etiam potentiam instrumentalem, quæ in substantia, & fabrica instrumentali consistit, & habet obiectum, cuius gratia fabricatur, sic & non aliter organum: & ad quod refertur.

*Tria requiruntur ad sensationem, ad sensationem, & apperceptionem: scil. vis, instrumentum, & obiectum. Vis non est*

4 Propterea oculus ex membrana succingente, & egressa, vt marsupij fundus, sub frontis cavitates, in globumque acta transparentem, velut cornu; quatenus lucem admitteret; effectus est, sortitusque humorem aqueum intra corneam, vbi lux multiplicetur, ac simul illustrata obiecta. In quo aqueo pendet ex interiori medio corneæ membrana vicia perforata, quæ dilatatur ac stringitur neruulo quodam ad plus, minusque lucis accipiendum. Et in centro stat crystallinus humor concretus, lentis formam habens: in quo recipitur obiectum. Post crystallinum vitreus humor fluidior implet dimidium interius membranæ: quo fluore ibi preparato quasi alimento totus nutritur oculus. Ab initio cerebri nerui optici decussatim ad vtrosque oculos exeunt, ferentes spiritum: qui videt in crystallo res à luce, quæ omnium colore tingitur, ac proinde figura, delatas, dum lux spiritus luce tincta affi-

*forma instrumenti, sed in spiritali. De visorij fabrica & partium ipsius usu.*



citur, fitque illi similis: non enim fit sensus nisi per assimilationem: qua facta per potentiam receptiuam sentit, & iudicat sensitiva de obiecto: sicuti manus sentit calorem quando calida fit, similis scilicet calefacienti.

*De auditorij fabrica, partibus, & usu.*

5 Auris ex cartilagine extra tempora porrecta, & in cochleæ formam acta, ut aërem motum percipiat: qui quatenus fit, dicitur motus: quatenus sentitur, dicitur sonus; & vox effigiata est. In cuius centro est tympanum implantato aëre plenum: ad quem per neruulos auditorios, ex cerebro deductos, spiritus cerebri egreditur ad percipiendum sonum, quem aër motus in tympano facit per malleolum extrinsecus ad hunc usum pendulum: ex quo sonitu temporis successu discit sonantem rem. Infantes enim sonum campanæ à sono hominis, & fluuij, non discernunt, nisi post tempora. In spiritu ergo potestas auditiva princeps; in auribus forma instrumentalis, seu aditus.

*Deo olfactorij fabrica, partibus, & usu.*

6 Nasus ex osse, in radice inchoatur: ex cartilagine completur triangulari, cum duobus foraminibus; ut vaporem ex rebus exhalantem, qui quatenus sentitur, dicitur odor, percipiat: proptereaque habet in principio osseam spongiam, depurando odori aptam: & in superiori ad frontem habet cauitatem aëre plenam & liquore, ut ibi multiplicetur odoris qualitas. Odoratorij nerui ab initio cerebri spiritum deferunt eousque; qui vapores affectus assimilatione tenuitatis cum tenuitate, & caloris, cum calore, sentit subinde naturam vaporis, & rei unde euaporauit: & si bene afficitur, iudicat bonam suæ instaurationi: si malè, noxiam; est enim nasus probator ad linguam.

*De gustatorij usu, &c.*

7 Lingua verò ex spongiosa constat carne, & subcallosa, ut intra sui poros admittat vires intrinsecas rerum agentes simul cum mole imminuta, admissa intra poros. Tactus enim percipit etiam absque mole; & id quod percipitur ut sic, dicitur sapor: per se autem est rei natiuus calor cum sua mole simul agens. Spiritus autem, qui de cerebro per neruulos in linguam descendit: agnoscit an substantia admista sit nutritioni utilis, an noxia; ex hoc, quod à suo sapore seruetur, aut vexatur. Potentia principalis ergo in spiritu, instrumentalis in lingua: obiectum sapor. Modus agendi est per intrusionem vis, & molis: ac propterea in minutias agitur, & sputo

quæ



quæ humida non sunt, humectantur, vt possint intrudi, & gustari.

8 Lingua autem non solum sentiendi est organum, sed etiam manifestandi quod sentimus, dum verberat figuratque expiratum aërem, instar eorum quæ annuncianda sunt, vt in Physiologia docuimus.

9 Videat ergo Medicus quid, in quo organo lædit morbus. *Admonitio.*

*De Organis appetitoriis, & quòd anima sentiens, appetens, & irascens non sunt temperies cerebri, cordis, & iecoris nec distinctæ loco, nec spiritus plures, sed substantia vnus.*

ARTIC. III.

1 IN eodem spiritu animali, in quo sunt sensationes, fiunt *Eadem vis potest, sentit & appetit: non tres, vt Galeno ponuntur.*  
 1 appetitiones: neque enim appetit aliquid, qui non sentit illud esse sibi bonum, neque odit qui noxium sibi esse non sentit. Quapropter in Physiologia damnauimus Galenum appetitoriam animam ponentem in iecore, sensitiuam verò in cerebro; & potestatiuam in corde, spiritusque similiter distinguentem. Nam, quod peius est, ex temperiebus cerebri, & cordis, & iecoris facit tres animas, nullo quidem pacto faciendas. Ex insensatis enim elementis temperatis non fit sentiens, & appetens anima, sed remissio, & diminutio ipsorum, & vnitio. Quod nec admittendum, dum contraria sunt, & ad inuicem pugnant. Præterea animæ operationes extenduntur longè extra materiam per totum corpus, & foras: temperies autem suum subiectum in quo est, non excedit. Sed nec diuisio ista facienda erat; quoniam non appetit quod non sentit: nec operatur potestatiuè, nec irascitur, quod non sentit irritantem causam, quæ aliquando est sola displicentia. Siquidem non quia nos verberat homo, irascimur, nec vliscimur contra patrem, aut medicum secantem vulnera, sed contra eundem si nos contemnat, & vilipendat, vel solo spūto ex contemptu lædat. Quapropter ea em videtur esse sentiens, & appetens, & irascens anima. Nec subiecto differt: alioquin esset velut si quod ego sentio, tu non sentiens appeteres, & quod neque sentit, nec appetit

*Eadem vis potest, sentit & appetit: non tres, vt Galeno ponuntur.*

*Vis in spiritu, non in viscerum temperie est animalica, nec tres, sed vna est anima.*



De appetitu  
no, attracti  
uo, partibus  
et usu.

4 Primum attractiuum est ventriculus. Eius appetitio est fames, & esuries, sicuti oculi sensus vocantur visus. Vis esuritiua est in spiritu implantato, & libero ad ventriculum descendente; quod palam fit dum manducamus: nam ad plures cibos, & fortiores accurrit multus, ut ad visum difficile visibilis ex utroque oculo, & aciebus in vnum accurrit oculum spiritus; ad pauciores, & exiles modicus. Potentia autem instrumentalis est in fabrica ventriculi, & substantia spiritus implantati: siquidem constat ex ore descendere canalem, quem vocant œsophagum, sub septum transversum: ibique dilatari, quasi in caldariam, infernè gibbosam, supernè planam, quam vocant ventriculum. Vbi cibus primò coquitur, iecoris calore accumbentis: exinde per aliud foramen transit ad duodenum, & ieiunum, & ileon, & colon, & cæcum, & tandem ad rectum intestinum: quæ omnia sunt vnum, differens gracilitate, & crassitie; rectitudine, & sinuositate; totumque componitur fibris rectis, quibus trahit obliquis, quibus retinet; transversis, quibus stringit, & transmandat.

Quæ ratione fit famis.

Cum ergo ex vapore continuo exhalet substantia innata vi caloris ad suam tendentis vniuersitatem: & perfecta nutritione euacuentur partes, venæ attrahunt vacui ratione, & vi appetitiua nutrimentum, quod sese restaurent. Omnes autem venæ sugunt ex ventriculo, & mesaraicæ ipsæ ex intestinis ventriculo continuis. In ventriculo autem fit constrictio, multoque magis cum in vacuum ipsum lien eructat acidum humorem pungentem; tunc spiritus implantatus, ut amoliatur constrictio, & punctio, sui destructiuam, appetit repleri re, quæ attrahentibus, & sibi profit, & hoc est fames.

Quid sit famis.

5 Fames ergo est appetitus repletionis, sequens sensum suctionis, & constrictionis passionem: ergo est appetitus solidi alimenti, non ergo est sensus in ventriculo famis, sed affectio sequens sensum, & passionem; ut patet ex doctrina primalitatum. Galenus verò dicit esse sensum suctionis, magis improprie: etenim quia nondum propalata erat doctrina de primalitatibus, non viderunt veteres, quod sicuti sensus, ita & appetitus dantur organa, & quod appetitus non est sensus, sed affectus sequens sensum.

De obiecto famis.

6 Obiectum famis est solidum nutrimentum, non dico calidum,



idum, & siccum, vt Aristoteles, nam & frigidi fructus appetuntur, & humidum mel, & lac: sed dicimus vtilius esse calidum solidum, quam frigidum, calidum dicimus temperatè: vnde didicimus cibos coquere, vt naturæ subueniamus.

7 Sitis verò est appetitus humidi alimenti; nec dico frigidi, *De siti.* vt Aristoteles; cuius non nisi per accidens est vsus, per se noxa, cum Græci, & Romani, & Iaponenses calido potu vtantur, qui est melior ad coquendum cibum, & transportandum, & sequestrandum impuritates, & expellendum excrementa; & voluptuosior, quanto brodium calidum frigido, vt in quæst. Physic. ostendimus. Constat etiam pueros simul cibum, & potum calidum accipere dum lac sugunt secundum naturam; & de hoc in secundo lib. dicemus.

8 Sitis autem non est aliud organum, sicut putat antiquitas, *Idem sitis & famis organum contra Platonem.* pulmonem faciens receptaculum porus: nam manifestè per œsophagum descendit in ventriculum, vbi ad coquendum solidum, & transportandum, est vtilis. Pulmonem autem suffocaret: Attrahit tamen pulmo aliquid succi flatulenti ad sui humectationem.

9 Fit autem sitis post esum: quando calor ad cibum congregatus, assat cibum siccum, & tunc ad cocturam appetitus humidi sequitur; non frigidi, nisi vbi plus iusto calidi ex aromatibus fuerint cibi. Ergo sitis non habet aliud organum à fame; sed aliam potentiam organicam: ibi enim spiritus implantatus constrictionis impatiens appetit repletionem: nam etiam calor quasi refrigerat, dum robur caloris conuertit in copiam; vt dicemus in lib. quinto.

10 Est etiam in venis appetitus alimenti, sed simul sicci, & humidi, non sicci, neque humidi solius, id est, chyli; & ided sugunt vbi vacuantur; in iecore etiam, cuius gratiā trahunt venæ mesaraicæ, & ad ventriculum deductæ. Præterea in liene est appetitus melancholici succi, in felle cholericici, in renibus cinerosi succi, in vesica serosi: & omne viscus appetit, & attrahit ad se vt alimentum, quod sibi est simile, nutriuntur enim ex huiusmodi excrementis. Præterea in omni portiuncula corporis est fames, seu appetitus conuenientis sibi particulæ alimenti: & trahit speciale obiectum. Sed hoc manifestius est in ventriculo, iecore, felle, renibus, vesica, corde, & pulmone. Conueniunt tamen pulmo, cor, & iecur, quoniam sanguinis



sunt organa appetendi. Sed iecur imperfecti, cor, & caro perfecti: pulmo plusquam perfecti.

*De ratione  
organorum  
expulsiua-  
rum, & nu-  
mero, & vi.*

11 Quemadmodum in omni membro, & particula est fames proprii alimenti, & tactus proprii sensibilis, ita & vis expulsiua & superflui, & noxij. Cum enim aut sanguine, aut alio succo exsaturata fuerit particula, quod superest, tanquam onerosum, transfert, expellitque ad alias particulas appetentes, donec ad extremas vsque, vnde fit exhalatio, & transpiratio per poros, perueniat. Similiter etiam noxium, quod alimento semper additum reperitur, expellit in sequentes partes, donec perueniat ad cutim, & per poros egrediatur, vt sudor, & fuligo ostendunt manifestè. Vnde omnis alimenti particula traducitur expulsionem emittentis, attractione esurientis, & transmissi optione, ad suum simile facilè tendentis.

*Triplici vi  
omnis ali-  
menti excre-  
mentique  
iier.*

*Duo expul-  
soria com-  
munia cras-  
sorum, &  
humidorum  
excremento-  
rum.*

12 Verum organa expulsiua communia duo esse videntur; anus, & vesicæ collum: illud sicci, istud humidi: cum enim sentit intestinum rectum facibus se grauari, stimulatur ad expulsionem; rectas fibras contrahit, & transuersas dilatat antrorsum, donec ad os ani, vbi est musculus rotundus, perueniat: quo dilatato exterius, & stricto interius exprimuntur fæces. Idem facit vesica, quæ non modò sanguine, sed etiam ramentis lotio delatis nutritur, dum vrina grauatur per fibras eiusdem generis contracta exprimendo in veretri canalem, superfluum, aut noxium succum: quo sanguis per corpus est transmissus, & vesica deinde enutrita; sicut renes ex cinere: fel ex cholera: lien ex atra bili, propterea enim vna via porus & cibi; sed non vna excrementorum vtriusque.

*Sensoriis  
etiam expul-  
soria adna-  
ta.*

13 Sunt etiam organa expulsiua in sensoriis: nares enim mucosores expellunt: oculi adustos humores: aures cariem chole-ricam: os superfluitates ex pulmone, & cerebro ad ipsum deriuatas, aut ex ventriculo.

*De pulmonis  
organo, &  
vsa.*

14 Videtur & pulmo esse attractiuus, & aërem appetere quo impleatur vacuitas eius, & cordis calor intrudatur in sanguinem ad spiritus producendos, & retinendos, ne euolent ad cognata: quod quia non facit phthisicus statim, hoc non potente pulmone, quasi loquendo moritur. Est etiam vis sanguificatiua in iecore, quod instrumentum aptum est huic functioni: propterea fistulosum, rubrum, calidum conuertens chylum sui obiectum, coctione peculiari iecoraria, in sanguinem. Cuius spu-



mam in fel:æcem in lienem sequestrat: sanguinem superfluum sibi. Quod per venam portam ex mesaraicis accipit imperfectum, emittit per cauam perfectum ad cor, & statuam, ramis cauæ multis impletis. In corde verò spiritifica vis diastole, & systole capit emittitque sanguinem, & aërem; quibus arteriæ complentur, vt in 3. lib. loquendo de pulsibus, palam fiet.

15 Darur tandem appetitus generationis, vocatus libido. Eius organa præparatoria seminis, quo amplificatur natura, vt viuatur in suo simili specifico, quoniam non potest in indiuiduo, sunt venæ spermaticæ: testiculi autem sunt organa propinquiora, in eis enim sensus veneris, & appetitus perficitur. Vbi semen absoluitur, ingenitus spiritus multus à calore in angusto loco mordet, cupitque proinde exitum: per verpam tamen expletur; quæ & appetitionis huiusmodi vsum habet multum. Spongiosa est vt spiritu repleri possit, & indurari, quo promineus facta, in vas seminare possit occultum. Etenim quoniam non modò appetitus expellendi semen superfluum, vt obiectum in genitalibus inest, sed etiam vasis in quod fiat vtiliter expulsio, ordinata ad speciei conseruationem, hoc est, fœminæ; consequens est, vt duplex sit appetitus in hoc organo, videlicet seminationis, & eius, in quo seminatur. Propterea nos posuimus sensum veneris specialem, quoniam speciale habet & obiectum exterius. Nunc autem correctius dicimus appetitum ibi esse vt in suo organo, sensum autem concomitanter, & vt causam. In omni enim organo realiter omnis primalitas, non autem formaliter inest.

*De generatōis organū, vñ, & partibus.*

### De Potestatoriis.

#### ARTIC. V.

1 Neodem spiritu, in quo sensus, & appetitus, præineat & potestas. Neque enim sentiat aut appetat, nisi possit sentire, aut appetere: quapropter prius de potestatiuo agendum erat. Sed quoniam ignotum fuit antiquis discrimen primalitatum, & organorum ratio; ex sensoriis nobis magis præcognitis declaranda fuerunt. Est quidem potestas in spiritu non organica, quæ potest esse animal, & viuere, & iubere, & velle, & sentire, & habet, vt ad extra refertur, comprehensionem proportionalem.

*Ratio dicendi.*

*Analogia inter potestates, sensationes.*



& appeti-  
tiones, & ip-  
forum orga-  
na.

nalem sensationi, & appetitioni, & confirmationem analogam discursui: quoniam transit de posse ad posse, sicut ille à noto, ad ignotum. Item habet victoriam siue euictionem similem intellectioni, & impetui: subiicit enim sibi per hanc obiectum, sicut per intellectionem intimè cognoscitur, & per impetum inuaditur ad fruitionem. Tandem habet similem iudicio, & deliberationi determinationem, qua viribus suis, & obiecti ponderatis, determinat: id est, terminum ponit vtriusque potentiae ad aggressionem necessarium: nullum enim aggredimur obiectum, nisi pensatis viribus nostris, & illius. Similem autem imaginationi, & velleitati habet potestatum pensiculationem, quæ numerat, ponderat, mensurat quæ sunt, & quæ non sunt; vnde spiritus se Regem facit, & Papam, & omnia: potest enim hoc absque organo, sed non organicè: sicut ideamus multa organo, sed infinita sine organo per vim imaginantem mirificentissimam facultatum.

Ratio na-  
meri potesta-  
teriorum.

2 Organicæ autem potestates ad certa quædam obiecta respiciunt per organicas facultates attingibilia. Tot ergo organa potestatoria, quot potestati subiectibilia vtiliter sunt ad vitam intrinsecus tuendam. Subiiciuntur autem vitali potestati res pertinentes ad essendum, aut ad existendum, aut ad operandum operatione interna essentiali, aut existentiali: nam quæ ad externa spectat, actio est, pertinens ad executium principium omnium primalitatum extrorsus relatarum.

3 Sunt quædam organa simplicia potestatiui, vitam intus seruantia, & facientia in solido: hæc autem sunt sustentatiuum, colligatiuum, & contentiuum, munitiui, & offensiuum.

De sustenta-  
tiui.

4 Sustentatiui organa sunt ossa, basis super qua innititur tota moles statux, & fulcitur, neruat, & sustentatur, vt resistat malis. Omnia ossa originem habent ex capite, & per vertebra triginta distinguuntur vsque ad coccygem, vt possit flecti, & eleuari corpus ad munia. Ossium horum series vocatur spina, propter sui processus ad munimen & colligantiam; cuius media vertebra, cui præcedentes, & subsequentes connectuntur, vt amplectentes, & non amplexæ, videtur centrum omnium motionum, & origo, & magisterium; non autem motuæ virtutis, cuius origo in capite; sed instrumentalitatis motionum. Ex spina ad collum egrediuntur scapulæ, & collum, & manuum ossa: sicut ex osse sacro ad coccygem ossa coxendicum, & cru-

rum,



rum, & pedum, totam statuam sustentantia. Eorum potestas libera est in spiritu: non enim stat statua abeunte spiritu, ut patet in cadauere: instrumentalis verò in duritie, & ossium vni-tione, qua tenentur erecta, nec cedunt pondere: obiectum enim est pondus in terram vergentis molis: secundum ea quæ in Metaph. docuimus.

5 Colligatiui organa sunt nerui, ex cerebro extenso in multa fila distincto arefactoque geniti, ut per eos foratos, quorum foramen non bene Vesalius inspexit, nisi in opticis, & spinali medulla, eorumque poros spiritus inambulet, præbens sensum motumque statux: at principaliter totum colligant per septem coniugationes à dextris, & sinistris capitis exeuntes. Similiter etiam ex vertebribus spinæ eius ex medulla, quæ cerebrum deriuatum est, deducti, ad colligandam statuam: ita quod ossa à se inuicem dissilire non possunt. Sunt etiam tendones viscosi colligantes ossa, & musculos; in quibus expanduntur in fila recta, transuersa, & obliqua: maxime autem in planis musculis. Eorum potestas libera est in spiritu inambulante, instrumentalis in filis, & viscositate innodante. Obiectum est Dissociabile: quod enim potest dissociari, per ligamina tenetur.

*De colligatorio.*

6 Contentoria organa virtutis contentiuæ sunt vasa: quorum alia habent spiritum liberum, ut cerebrum, & nerui, quorum vis contentiua libera non est in spiritu, nisi quatenus vnit se, & vasa curat, sed instrumentalis, qua se continet ne euolet: & substantia mollis, vnita, non dans per poros exitum vllum diffusibili spiritui. Est vis contentiua spiritus implantatus in fibris totius corporis, & sanguinis, & carnis, & musculorum. Item tota statua continet viscera ambita. Viscera continent etiam, nempe ventriculus cibum: intestina chylum, & fæces; iecur, sanguinem imperfectum: venæ & arteriæ, defæcatum: cor, sanguinem spiritalem: pulmo, aërem attractum: fel, bilem: lien, melancholiam: renes, fæculentum serum: vesica, vrinam; corium, carnes, & omnia membra inclusa. Sunt quæ continent, & traducunt causa nutritionis. Consistit vis contentiua tenuium in vnitione singularum partium non admittente porositate. Crassorum verò in vnitione densa ambiente, non autem excludente poros: nam cancellata fenestra retinet etiam captiuos. Obiectum autem est Diffundibile, qualis spiritus & humores; aut labile deorsum, qualia viscera intra peritonæum.

*De contentorio.*



7 Munitiui instrumenta sunt caro, quæ subternitur nervis, arteriis, venis, & ossibus instar straminis, ne inter se collisa conterantur, & ab externis duris rebus, mollitie sua cedens, excipiendo ictum, defendat. Carni superponitur extremum munimen corium, quasi paries terra plenus in civitatibus præliaturis. Et omnia munimenta angularia fieri melius fuit, aut rotunda: circulus enim ex angulis constat continuatis, ut illata mala facile propulset. Facta sunt plana quædam ad alium potiore usum; aut vallosa, quod est fragilissimum munimentorum. Potestas resistitiua, seu defensiua est in spiritu vrente: instrumentalis in lentore viscoso, & cedente, ad frustrandos ictus robustioris obiecti: nam si non reperirentur talia, essent forsan ossea, aut lapidea munimenta, qualia cancrorum, & limacum.

Musculi etiam muniuntur quadam membranula: & interioris capitis, & pectoris, & abdominis partes membrana ex cerebro deducta, quæ una est, ex locis variis varia nomina sortita. Obiectum munitiorum est Nocivum. Quidquid enim nocere potest, quamvis inimicum non sit, per illa cauetur, ut aer, aqua, vapor, baculus, lapis, pili, squammæ, plumæ, & alia exteriora appensa, sunt etiam munitoria organa, ut in Physic. docuimus.

*De pugnatorio.*

8 Offensivum autem, seu pugnativum, habet facultatem in spiritu impetente principalem: sed instrumentalem in organo; quod est ungula, dens præsertim exertus, rostrum, conu. In homine autem ungula, & dens modici valoris ad pugnandum. Sed in mente impressit Deus potestatiui usum, ut cæterorum entium offensivis uti queat: quæ per artem, & ignem suo applicat usui. Instrumentalis vis est in duritie acuminata: quæ possit penetrare obiectum inimicum: & eius unionem frangere, ac proinde vitam. Obiectum est hostile: defendimus enim nos à Nocivo, sed ab hostili non modo defendimus, sed ipsum offendimus; quatenus expugnandi, & perdendi nos vim habet. Sunt plures usus dentium, & ungularum, ut in Physic. at quatenus potestatoria hæc dicta sint.

*De calefactorio.*

9 Vis calefactiva est ubicunque calor: sicut tactus in sensibus, & attractus in appetitibus communiter. Non enim oportuit organum speciale horum esse, quoniam omnis particula eisdem indiget. At si esset aliquod speciale, illud esset cor, added potestatorium priscis visum, ut in eo ponerent imperiosam irascibi



irascibilem animam. Aristoteles verò etiam principium motus totius corporis, & sanguificationis, & sensuum, & venarum, & arteriarum, & neruorum originem, & mentem : quæ omnia ridicula sunt. Manifestè enim operi mechanico destinatur cor: attrahendi quippe sanguinem à venis per dilatationem, & attenuandi, & immittendi in arterias, & in pulmonem per constrictionem, & retinendi sanguinem in duobus fontibus, quibus ingreditur, & egreditur: ne cum deest spiritus, desit spiritus refectio. Videtur quidem potestatiui sedes, quoniam in eo generatur spiritus, qui corpus mouet, & calor accenditur vi follium pulmonis: non tamen est sedes, sed officina, vt in Phys. & appetitoriis congregentur, annumeratur. Pulmo tamen speciale est organum in hoc, cuius obiectum aër: finis cordis feruor, & spirituum refectio: opus verò inspiratio, & exspiratio. De his in 4. lib. cum de pulsibus.

10 Transmutatorium instrumentum non datur speciale, sed in omni parte est vt tactus, quæ nutrimentum in se transmutat postremo; licet prius præparetur per multa vasa iam dicta in operibus apperentis animæ. Faciunt hoc per calorem: calor autem sui effusione, & motu per sequestrationem fæcum, & tenuitatum ab his, quæ aptæ sunt tali membro. Sed non sufficit sola sequestratio facta artificiosa, vt ignis moderatur à coquo, per loca, & organa apta: nisi fortè iuxta Anaxagoræ, & Democriti opinionem; cui aliæ atomæ particulæ aliis similibus sunt nutrimento. Sed requiritur etiam transmutatio in nostro dogmate: licet ex symbolis porior sit: nam aliæ carnem; aliæ ossa; aliæ neruum, commodè nutriunt. In his omnibus est vis attractiua, & transmutatiua, peculiaris autem transmutationis peculiaris. In vtero enim vis formatiua; in testibus seminatiua; in ventriculo concoctiua; in iecore sanguificatiua.

11 Inest omnibus vasis à calore sic attemperato, & à formæ fabricæ ipsorum, & à spiritu inexistente: Non enim in cithara vis pugnandi, sed harmoniæ, & in hac non sine citharista. Est specialis potestas in mandibula inferiori amouendi se à superiori, & redeundi, & macerandi cibum, & in brutis valet etiam pro manu. Item in collo eleuandi, humiliandi, retinendi, & circumgyrandi caput per vertebrarum artificium. In lingua imperandi, mouendi, glutiendi, & in omni organo sua potestas.

Sed animaduertendum: quoniam sunt omnes primalitates *Admonitio.*  
in omni



in omni sensorio, appetitorio, & potestatorio : sicuti & in se ipsis coinſunt mutuo in inuicem, & materialiter. Distinguuntur autem formaliter, & niſi diſtinguas quid à propter quid, confundes materiale cum formali, ſicut in genitalibus formaliter appetitiui eſt vis; ſed materialiter poteſtas cōeundi eſt ſimul vel impotentia: & eſt ſenſus veneris, & obieſti. Sed non propter ſe, ſed propter appetitiuam. Quod benè notabis: ſic enim nec ſanguificandi poteſtas eſt propter poteſtatem in iecore, ſed propter nutritionem vegetantis appetentiſque animæ, vt ſic.

*Condi-  
tiones  
proprie po-  
teſtatorio-  
rum ad u-  
ſum.*

12 Omne contentiuum eſt denſius vbique ſui, ac per conſe-  
quens vnitiuſ contento: cumque ſit minus vnitum, læditur vis  
contentiua. Omne ſuſtentans duriuſ, ac vnitiuſ ſuſtentato;  
ſed non vbique ſui. Omne colligans, tenaciuſ, ac coniunctiuſ  
colligato. Omne muniens, aut lædens, reſiſtentiuſ munito, ac  
læſo fortiuſ. Quibus deficientibus perditur vis contentiua, ſu-  
ſtentariua, ligariua, reſiſtitiua, pugnariua, ac functiones.

*Vnde facul-  
tatum ratio  
ſcrutanda.*

13 Sed aliud eſt quod faciunt vt res; aliud vt organa pote-  
ſtatis, & alia potentia patiendi receptiua, & perditiva: alia agen-  
di, alia reſiſtendi; & miſcetur in cunctis. Et omnes ſunt in om-  
nibus ab vnitate, & numero: per quos aliam habent poteſta-  
tem à materia: aliam à figura: aliam à fabrica: aliam à calore:  
aliam à primalitate: aliam à corporeitate: aliam à denſo, & ra-  
ro: aliam à ſpiritu; ex calore, tenuitate, & primalitatibus con-  
ſtituto: aliam à mente, quæ ipſum informat. Notet Medicus,  
vt ſciat quid, in qua ægritudine, lædatur,

### *De Executoriis organis.*

#### A R T I C. V I.

*Operationes  
ad extrà in-  
diuiſa.  
Quid qua  
primalitas  
habet in ope-  
ratione.*

1 **A**T quoniam omnis actio poteſtatis exercetur per mo-  
tum, & cum ad extrà feruntur facultates ſimul efferun-  
tur: interiora enim opera diſtinſta, exteriora vnita: propterea  
executiuum dicimus principium, quod poteſtas mouet, ſenſi-  
tiua vis dirigit, appetitus propendit. Ideoque arbitrariorum eſt  
actuum; cuius organa duo ſunt, alterum tractans corpora, al-  
terum ferens ad commoditatem, videlicet, Manus, & pedes.

*De primo  
executorio.*

2 Pedes ſunt instrumenta delatiui principij operoſi; quæ fa-  
cultas principalis in ſpiritu per neruoſum genus impetum fa-  
ciens.





# MEDICINALIVM

## LIBER SECVNDVS.

QVI EST DE MEDICINA

præseruatiua naturali.

*De vita, senio, & morte naturali.*

CAPVT I.

ARTIC. I.

1 **G**RITVDO medium est inter vitam, & mortem.

2 **V**ita est solidarum, humidarum, & spiritualium partium consensio, mutuis officiis, vñbusque contenta in animali esse, per calorem innatum. Qui omnibus proportionaliter inest partibus, nutritionem, & purgationem faciens, maxime autem in spiritu, qui sic facere nouit. Vnde alij vitam esse caloris natui permanentiam docent; mortem verò eiusdem perditionem, quod effectiuè verum est.

*Arist. sic vitam definit: non sibi tamen constas. Vide q. phys.*

Viuerè itidem est esse: viuerè sic, est esse sic.

3 Non potest immortalis mens corpus totum in consensione, & officiis continere perpetuis temporibus absque participio diuinæ virtutis, quod peccans amisit: ideòque mors naturalis facta est homini: ideòque addita est etiam violenta ab aliis accidentibus.

*Chr. senium & mors facta est naturalis.*

4 Mors naturalis fit ex ægritudine naturali: quæ est senectus, cum videlicet calor natuius depastus fuerit proprium subiectum, in tenuitatem conuertens, & ad exteriora euolauit; sicut ignis candelæ ceram, aut oleum attenuat, euolatque. Et hæc mors est cum voluptate, vel absque dolore. Contra naturam verò cum extinguitur, & peruertitur illato morbo, aut vi.

*Mors naturalis citra dolorem.*

5 Licet calor natuius amore acquisito in corporis constitutione, semper corpus amet, alar, augeatque, & foueat: tamen amore innato semper ad solem vnde trahit originem, eleuat: &

*Contra Medicum: qui non posse à calore innato*



*certis con-  
sumi putat.*

solida pars ad terram ponderat : sic mens ad Deum innato : ad corpus acquisito propendit.

*De senectute  
contra Arist.*

6 Senectus non fit induratione pulmonis, & bronchiorum, quibus ultra calor non possit refrigerari, ideoque adurit corpus, ut putat Aristoteles: sed hæc potius senectute indurantur, & calor minuitur tunc, non augetur: usus enim pulmonis, est accendere calorem, ut folles, & purgare; non autem minuere, ut in Phys. probauimus.

*Ratio sens.  
scendi.*

7 Senectus fit augmento continuo caloris, qui continuo plurimus exhalat; cum tenuitate tandem copiosiori, quam partes, quæ ex cibo in corpus aggenerantur, relinquitque partes corporis duriores, ineptas, ut eis copuletur nouus cibi succus: sicuti parieti antiquo non bene cohæret noua calx; iecurque durum non bene, & æquales in partes, fundit succos, sed adurit. Hinc sequitur etiam caloris paucitas in copia, & tandem debilitas in robore, qui calor digerere minus valet, partesque exteriores, quasi rimosæ fiunt: per quas & frigus occidens, & calor attrahens calorem, ingreditur. Vnde plus sentiunt senes frigus, quam pueri: & Æthiopes in nostra regione, quam indigenæ. Puerorum autem carnes succi plenæ, ut noui parietes, non sinunt ingredi frigus. Item minor calor aëri non calido cognatior. Vnde pisces in aqua viuunt, modico calore præditi, non autem homo; & hac ratione pueri vestibis tot non egent, quot senes.

*Hoc Medici  
distinguere  
non norunt  
de calore in  
copia & ro-  
bore.*

8 Pueris minus caloris in robore inest, sed plus in copia: unde plus in corpus de cibo, quam de corpore in aërem vertit, ideò alimentis mollibus, & multis indigent; solidis enim grauantur, quos non potest eorum calor fundere. Senes plus caloris in robore habent, sed minus in copia; ideò durior cibus illis conuenit, & medicus. Decrepitis verò etiam mollis, quibus & robur consumprum est. Iuuenes robore, & copia abundant, ideoque solido, & multo retinent vitam. In medijs ætatibus, & dispositionibus consimilibus, media ratione, & consimiliter aluntur.

*Si Medicus  
prescriptam  
vitam pu-  
tat, non me-  
dicabitur.*

9 Vtrum terminus vitæ à conditore Deo præscriptus sit, quem ultra citràque abiri nequeat: Theologus inquirat; non Medicus, qui causas physicas considerat, & cohibet, & moderatur per artem à Deo traditam, non ut inutilem, alioquin frustraretur arte, secundum quas causas produci, & breuiari vitam, experimur.



ciens. Instrumentalis in figura pedis instar basis ad sustentandum : & distincti, articulatique ad promouendum. Componitur ergo organum huiusmodi motionis, ossibus saltem duobus : qui faciunt articuli iuncturas, complectentibus se mutuo processibus, & cavitatibus intensis, & desuper extensistendonibus viscosis vtrumque compaginantibus; & musculis, compositis ex nervoso, carnoso, & membranoso genere, quibus dilatatis ossa inflectuntur, & constrictis expanduntur, & eriguntur : sic enim totius statuæ etiam fit motus. Et cum sint 98. articuli, id est quindecim in singulis manibus & pedibus, qui faciunt 60. & octo in genibus, coxendicibus, & cubitis, & humeris : & 30. in vertebriis spinæ ex capite ad coccygem. Non tamen faciunt organa executorij peculiariora, nisi ex parte : quatenus omnes articuli vnius pedis vsque ad femur faciunt vnum organum totale. Obiectum pedis est locus à quo, & ad quem : potius autem commodum, & incommodum. Motus enim arbitrarius est, quo sedtemur vtilia : fugiamus noxia.

Numeri  
officium.

3 Secundum organum operatorium principale est manus vsque ad brachium, & humerum. Eius obiectum est omne contractibile siue factibile per artem : aut seruienti potestatiua, vt arma, & militiæ, domificatio, & nauificatio : siue cognoscitiua, vt scriptura, pictura : siue appetitiua, vt ornatus, coquina, panificatio, thalamus, lectus. Vis eius libera est in spiritu organica in articulorum digitorum distinctione, & forma. In qua re luceat vis tractatiua, prensatiua, retentiua, expulsiua, impulsua. Talibus enim modis quælibet tractat corpora ad omnes vsus : primus tamen vsus est vtilia capere, noxia amouere.

De secundæ  
executoriæ.Quintuplex  
facultas  
manus.

*De Facultatibus organorum tribus, earumque distinctione.*

## ARTIC. VII.

1 Sicut etiam in visceribus cunctis vires tres, scilicet, attractiua, retentiua, & expulsiua; sed quibusdam videntur vna res, tres operationes habens : eadem enim vis membri trahit proficua sibi, retinetque; fæces verò vel superfluitates expellit. Sed cum in ipsa manu aliter pellamus, aliter trahamus, & aliter retineamus corpora per operantem spiritum, stringentem digitos, & dilatantem, & impetum facientem : dicendum

Ex vñbus  
& alijs.

E vide



videtur esse vnam rem istarum operationum potentem: sed tres facultates, seu potentias distinctas non realiter, sed formaliter. Aliud enim est posse retinere, & posse trahere, & posse expellere: vnde viscera, præsertim intestina, & muscoli componuntur ex fibris rectis, transuersis, & obliquis; & dum rectas trahit, & transuersas ampliat, fit attractio; dum rectas tendit, & transuersas stringit, fit expulsio: per obliquas autem fit retentio. Sunt ergo ex organis distinctiones, & potentia quatenus organica, non principales, sunt plures. Videmus etiam posse aliquos cibum attrahere, sed non retinere: & posse lædi functionem illam absque hac. Igitur detur distinctio trium facultatum, saltem doctrinæ gratia: sicut datur dilatationis, & restrictionis etiam in corde per huiusmodi fibras. In fibris autem spiritus inhabitat. Organicè ergo, & realiter distinguuntur, non radicaliter, & principaliter.

### *Appendix.*

*Ex actibus  
externis  
organis.*

**O**rgana intrinseca, distinctaque, indicant de interioribus, coniunctisque. Nam alia sunt cognoscitiui, vt astrolabium, auricularium, scriptura, pictura, campana, horologium. Alia appetitiui, vt coquina, sartago, olla, laniena: pistrinum, pharmacopœa: trapezum: cithara, distillatorium. Alia potestatiui, vt naui, aratrum, ligo, lancea, gladius, clypeus, lorica, domus. Alia executiui, vt currus equestris, forceps, acus. Sunt etiam organa animata distincta: equus enim, bos, accipiter, canis potestatiui sunt. Ateyon, coruus, gallus cognoscitiui: ille pluuiam: iste maris statum: hic solis, & temporis mutationem annunciant. Appetitiui sunt pecudes, porci, cerui, & alia cibo, aut voluptati dicata. Nec quia idem organum deseruit duobus, dedicatur etiam duobus secundum idem ex natura, vt bos esui, & labori rustico; sed secundum diuersa, minùs autem in naturalibus: alioquin idem vas esset ad pugnam, & ad cibum; sed tamen confunduntur materialiter per coinexistentiam primalitatum, vt dictum est. Sed de his vide Metaph. & prospice præmedicinæ, & formalium læsionum notione distincta.

*Finis primi libri Medicinalium.*



dúmque præparat. Ars tamen, vt iuuet nutritiuas vires, addidit cocturam ab igne. Cum enim in ventriculo vtrumque alimentum coquatur, & in ore conteratur: Ars naturæ æmula coctione, & incisione ciborum, gladio, & olla, imitans dentem, & ventrem, excogitauit; sicuti molendino molares, &c.

2 Cibi crassioris substantiæ vtilius coquuntur per artem, quam tenuioris, & in frigida regione, & tempore, quam in calidis: non quidem vt calorem ventriculo addant, cum in frigidis sit ventriculus calidior; sed vt consumatur durities, fluor, & nimius cibi succus, qui in frigidis abundat, & à cibo crudo augetur. Vnde Lombardi in Italia carnibus, & leguminibus, & fructibus, & acetariis coctis vtuntur. Calabria autem fructus, & acetaria, non nisi vbi infirmantur, coquunt, assantque igne. Quapropter omnes cibos præparare per ignem non vbique conuenit: nec quibuslibet, neque ob easdem causas. Aliquando enim vt tollatur succi exuberantia; aliquando, vt calor natiuus iuuetur: aliquando, vt substantia cibi relaxetur, vt, facilius in ventriculo postea mutetur; præparantur: quibus cessantibus vix exigitur præparatio, nisi quæ per dentes.

*Quamobrem,  
Et vbi, &  
qui cibi igne  
præparandi.*

3 Prius calidum humidumque sumes, ne frigidum siccumque præsumptum obstruat ostiola suctionis, in prandio, & coena. Acetosa verò in principio valent; vt si obstructa fuerint aperiantur, & appetentis frenum frangatur. Vnde cholericis & siccis à principio acetaria non petunt, vtpote quibus pituita ostiola non obstruat: sed in medio coenæ, vt quos cibus replet, acetum aperiat poros. His tamen comestio talis sit nimia, atque nocet; non enim tanto indigent alimento, ad quantum prouocant sese. Qui autem frigidas ficos à principio sumunt, non peccant: quoniam obstructiue substantiæ ficos non sunt. Cerasa verò acetosa, & fraga sunt insuper aperitiua; frigus tamen à principio validum nocet.

*Ordo inges-  
tionum.*

4 Non est igitur fames appetitus calidi, & sicci, sed repletio: nis: quæ inanitionem, sensumque suctionis sequitur. Repleri autem conuenienti appetimus, nec calido semper, & omni, & vbi-que, sed longè minùs frigidò: pueri enim calido humidòque lacte vescuntur. Fructus quoque frigidos appetimus, aut non calidos igne.

*Contra Ari-  
stot. de fame  
& siti. Vidi-  
q. phys. 491.*

5 Sed nec sitis appetitus est humidì, & frigidi: sed humidì tantum, vt cibos ingestos humore penetrante, & calore, facile co-

quat,



*Frigidus  
potus potius  
medicinalis  
quam natu-  
ralis: calidus  
naturalior  
& voluptuo-  
sior.*

*Probatur ex  
usu & ra-  
tione.*

*Sitis defini-  
tio secunda.*

*Regula de  
siti.*

quat, & in fluores redigat; non vrat, ineptosque reddat penetrationi ad nutritionem; nec denset frigefactione, ac proinde reddat ineptos. Appetitamen frigidum humorem, vbi intemperies calida præest in ventriculo; aut assumpti cibi nimis calidi fuerint affati, & pipere, & cynamomo, & sale conditi: tunc enim vt calorem accidentalem reprimamus, frigidus potus requiritur. Ast vbi non præcedit intemperies, nec extraneus feruor, calidus melior etiam per ignem. Iuuat enim magis natium calorem, sicuti & cibus calidus: & coctioni, & translationi, & purgationi aptior. Ideoque Romanis priscis, & Græcis, teste Plauto, & Athenæo, & S. Chrysostomo, deliciosior fuit potus calidus: vti & hoc tempore Chinesibus populis. Ego quoque expertus sum plus voluptatis in potu calido per artem, quàm in frigido, post modicum tempus: quemadmodum in brodio carnis calido, plusquam in frigido: & in cibis. Qui frugaliter non viuunt, & piper, & sal addunt, & huiusmodi, & natura sicci sunt, cholericique, potumque frigidum commenti sunt; quorum ars non iuuat naturam: vt quæ, vt nutrire queat, calefacit potum, & cibum: sed defendit ab ingestis sponte malis. Sitis ergo appetitus est humidi alimenti, calidi, vel frigidi, vel sicut regio, & natura fert; ad cibi cocturam, transmissionem, purgationem, & distillationem. Qui autem sitiunt ante cibum, intemperie laborant.

Sitis non est accersenda voluptuosis succis, & pulueribus, sed cibo tantum ingesto simplici, cum non sui gratia, sed cibi humor requiratur; ne distillationes sequantur. Nec nimius sit potus, nec post comestionem plenior, sed in comestione: ne deinde sitientes digestionem retardemus. Conuenit tamen frigidus magis post comestionem; calidus in comestione: antè nullus, sanis; sed cibi coctio ab accurrente spiritu ipsam ciet: solet enim, tanquam peritus coquus, plus ignis pluri cibo, minus minori adhibere.

### *De Alimentis eiusdem secundum substantiam.*

#### ARTIC. III.

**H**omo non est elementum, sed elementatum, ideoque Hex elementis præpotentibus non nutritur, sed potius ea nutrit



10 Quoniam vita hominis mortalis constat ex vita, & morte. *Vita nostra constat ex vita & morte incessabiliter.*  
 Continuo enim alia particulæ corporis, & spiritus recedunt in aërem, & in hac nostra moriuntur vita: & alia generantur ex cibo, ut nostram viuant, refarciantque vitam. Quapropter esus, & potus sunt naturales medicinæ indiuidui, sicut coitus est medicina speciei, ne intereat. Fames autem & sitis non sunt morbi, ut quidam putant, nisi sint immodicæ, ut fames canina, aut nullæ: sicut inappetentia: sed sunt amor & desiderium medicinæ, sicut & venerea cupido in specie.

11 Medicinam naturalem artificialis imitatur.

12 Medicina naturalis præseruatiua magis: Artificialis, sanatiua magis; quamquam in vtraque vterque vsus.

*De Præseruatiua medicina, ex ingestione alimentorum, ex appetitu, & tempore, & qualitate.*

CAPVT II.

ARTIC. I.

1 **C**onseruatur vita compositi rerum reficientium ingestione, in utilium egestionem, & circumstantium utilitatem: non enim est perfecte vita, ut mentis, & Angeli: qui ciborum vsu non indiget. *Vita indiuidui ex tribus conseruatur generatim.*

2 Non est ingerendus cibus, nisi præcesserit fames in corpore sano. Fames fit suctione iecoris, & venarum ex ventriculo: quæ ubi plenæ sunt non fugunt, quia non indigent. Calor autem occupatus in succorum translatione, ac imutatione in partes nutritiles, vel omittit indigestos, ut cibos novos coquat: vel novos crudos finit: vel vtrique dispersit munerem, non ita validus est. Hinc cruditates, & repletiones, & morbi; qui ex his oriuntur. *Regula obseruatiua ingestionis.*

3 Pueris, & senibus frequens; & exilis cibus. Iuuenibus, & viris horæ nouem inter prandium, & cœnam conueniunt plus minù ve pro ætate, complexionem, & exercitio.

4 Ne prouoces famem, si corpus non indiget cibo, per acetosa, & vomitionem. Satis enim est natura ad prouocandum per humorem acidum, ex liene in vacuum ventriculum immissum; & per excrementorum eiectionem. Quæ ubi bellè, ac plenè non fit, procuranda prius est quam fames, per deambulationem: & si pituita abundat obstruens suctionis ostiola, per acetosa, & abster



absterfua, incidentia, & educentia. Expertus sum enim aliquando fale, aliquando aceto, aliquando agresta vitis, vbi aliquo tempore fale, & acidis, vſus non fueram, pituitaque creuerat, purgari quaſi pharmaco forti pituitam, & corpus torum leuari, & famem reſtitui.

*Hac pertinet  
ad curatio-  
nem morbo-  
rum.*

5 Cū corpus indiget reſeſtione, nec eſurit, famem prouocabis, vt dictum eſt, non tamen cibabis dum præliatur ſpiritus contra cauſas morboſas, niſi vbi nulla intermiſſio fit prælij, nec rationabiliter expectatur; tunc enim cibum leuem, qui minùs impediatur, ſpiritu propinabis, & liquidum.

*Reg. 5.  
Gal.  
Caſſ.*

6 Non ſemper eſt recedendum à menſa cum aliqua fame, & vacuitate, vt quidam volunt; nec cum aliqua ſarierate, & repletionem potiori, vt aliis videtur regulariter: ſed iuuenes, & creſcentes paulò pleniori cibo poſt deuictam famem vtantur; ſenes verò, & decreſcentes, paulò tenuiori, & cum aliqua remanente appetentia. Item prandium famem valdè ſaturet: cœna exiliter, præſertim in pituitoiſis corporibus. Nam ſi ſiccis cholericiſque cœna plenior, haud ita nocet.

*Reg. 6.*

7 In hyeme ventres robuſtiores, calidiores, & aquoſiores: prohibet enim frigus calorem egredi, & vapores, qui cohibiti in humores vertuntur. Quapropter tunc cibus plenior, & potus modicus conuenit. In æſtate econtrà ventres imbecilliores, frigidiores, hoc eſt minus calidi, educto calore ab æſtu, & vapore per poros plurimo erumpente. Idcirco cibus exilior, ſed nutritioni commodior, excrementorum expers, conuenit: potus verò plenior; non tamen frigidus, qui exiguum calorem ventriculi extinguat. Vnde ſub cane appetunt ventriculi vinum generoſum: & experientiâ teſtimonium Heſiodi, & Plinij comprobatur. Media tempora, media ratione ſe habent.

*Reg. 7.  
Coroll.  
Cogita.*

*Reg. 8.*

8 Item dies, & æſtas diſtributioni: nox & hyems concoctioni ciborum aptior eſt.

### De Alimentis ex qualitatibus.

#### ARTIC. II.

*Vnde Ariſt.  
coſtione &  
comminutio-  
nem alimen-  
ti didicit.*

1 **N**atura neque calidum, neque frigidū potum dedit hominibus: ſed talem in qualibet regione, qualē illius regionis temperaturæ ferunt humanæ. Solis infantibus lac calidum fluidūque



nutrit, cum omne præpotentius in se conuertat minus potens; & non econtra. Vnde medicinas purgatiuas ex rebus, quas in se homo non potest transmutare, sed ipsæ possunt ad se trahere, quod ipsis simile est in homine, conficiunt: ergo cibus hominis elementatus est, sibi que natura consimilis, vt carnes animalium, & plantarum. Sunt enim plantæ immota animalia. Hinc panem ex plantarum seminibus conficimus; potum ex succis, vel ex aqua dulci, quæ non est fluor terræni elementi, veluti sal-sus, & lapideus; sed vapor concretus: blando calore, qualis inest elementatis, præditus: in Phys. q. probatur. Scythis autem lac & sanguis cedit in potum, quod transmissioni, & distributioni esset ineptum, nisi serum aquosum multum contineret. In cunctis tamen regionibus potus, & cibus conueniens incolis suis nascitur; vbi enim, & qualis morbus, ibi, & talis medicina, Deo providente, reperitur.

*Contra Peri-  
pat. & Me-  
dicos, qui ex  
elementis  
nutriunt.  
Nos ex ele-  
mentatis  
nobisque  
proximis.*

2 In mediis regionibus panis triticeus, & aqua pura videntur esse basis alimentorum; quidquid enim solidi additur, vt caro, & legumina, & fructus horarij ad panem superponitur, & cum pane manducatur: quidquid humidi ad aquam, & cum aqua. Vinum enim aliique liquores pro basi aquam habent: cum enim per distillationem bis expresseris ex vinoliquorem, quem aquam ardentem, aut vitæ, vocant; subsidet aqua pura, absque vini odore saporeue.

*Panis &  
aqua basis  
vtriusque  
alimentis.*

3 In solido cibo insunt particule dissimilares: aliæ videlicet ossibus persimiles, nutritioni ossium aptæ: aliæ carnis: aliæ ner-  
ui: aliæ cartilaginis: aliæ sanguinis: aliæ spiritus: separantur-  
que à calore nativo, & alterantur, ac disponuntur; ac multa tandem similitudine, ad partes nutritiles trahuntur; & confe-  
runt sese. Quod etiam in rebus, quæ extra nos dissoluuntur à sole, & igne non valido, passim experimur: aliis videlicet ad terram, aliis ad aërem, aliis ad liquidas res propendentibus. At plus inest nutrimenti illius speciei, quam præfert primùm. Vnde licet ex carne vitula omnes corporis nostri partes nutrian-  
tur: plus tamen nutritur caro, vt ex ceraso & vua nutritur san-  
guis; ex pulmone & ficu, pulmo; & ex leguminibus ossa; ex iecore, & pepone iecur: ex ouis pineis que, semen: ex malis in-  
sanis atra bilis: ex sinapi cholera: ex cucurbita pituita: ex rori-  
bus humor. Quapropter quoniam in tritico est pinguedo quæ-  
dam, & ossæa, & carnea particula, & spiritus; nec qualitas cor-

*Qua partes  
panis nutri-  
corpora par-  
tes nutriunt.*



poris nostri excedit, videtur cibus ex eo opportunus: non tamen solo, quoniam abundè non omnibus partibus corporis, quod opus est, suppeditat: idcirco fit additio, & quoniam corpus non semper æquè valet in toto, vel in partibus.

*Viri aqua,  
& quo nutriat.*

4 In liquido nutrimento puro partes modò spiritales, & sanguinis, aliique humores nutrimentum inueniunt; non autem solida, caro, ossum, nervus. Si enim puram aquam igne in alembico corripias, subsidebit solidum nihil. Quapropter solos spiritus & roridos humores, & sanguinis serum, nutrit aqua.

*De vino &  
partibus eo  
nutribilibus.*

In vino autem sanguinis etiam crassa pars, nedum aqua spiritusque: Item caro, & os, & nervus alimentum inuenit: idcirco vinosi homines, modicum absument cibum: abstemij multum. Aqua igitur conuenit iis, qui varios, & solidos, & aromaticos habent cibos, calidasque incolunt regiones. Vinum verò iis, qui simplices, & exilis substantiæ odorisque expertes, & in frigidis regionibus, & temperaturis.

*Et quibus  
aqua, &  
quibus uinum  
conferi.*

Item quibus venter est raræ texturæ vinum, quibus densa, qualis inest gallinis, & auibus, quæ etiam lapillos fundunt, ob caloris vim & munitionem, & elabendi prioribus tenuifacis negatum exitum; aqua salubrior.

*Quibus  
prodest uinum.*

5 Vinum tanquam medicina infirmis datum est; deinde quoniam pauci non infirmi factum est omnium potus. Confortat stomachum, auget sanguinem, & spiritum, subitoque reficit, & hilaritatem conciliat: propterea moerentibus vel naturâ, ut melancholicis, vel ex accidenti infortunio conuenit, teste Salomone, & Platone. Item senibus, & phlegmaticis. Aliis enim ad hilaritatem excitandam, ut in Telemacho: aliis ad lassitudinem tollendam, ut in Vlyssæ post naufragium: aliis ad stomachum roborandum, ut in Timotheo: aliis ad phlegma coquendum, ut ultramontanis. Sanguineis verò cholericiisque noxium est vinum: quippe quos ad intempestiuas lætities, & furores agit.

*Quibus secundum aetatem.*

6 Pueris vinum obest, quoniam vincit blandum ipsorum calorem, instar pharmaci purgatiui, & ad senium accelerat, & humiditates auget, & spiritus blandos concitat, ut in paruis cellis eorum nil rimosis vix contineri queat. Sanguineum verò peruertit, fumositatibus replet: vnde vsque ad 18. annos prohibet Plato vinum, sed alia minus verâ ratione, aut minus explicata; ne scilicet addatur calidum calido, postmodum concedit,

*Contra  
Plat. & Medicos de usu  
vini.*



sed aqua dilutum vsque ad 40. quasi in 18. incipiat minui calor, cum tamen auctior fiat. Sed forte dandum est tunc, quoniam calor natiuus, & spiritus animalis, à vino potius augetur, quàm vincatur, vt in pueris: vel succedens vitæ labor id suadet, & ratio nutriendi partes nouas, & seminis additi refectio. Heremitistamen salubrior aqua; quos infirmitas, aut labor, aut seminatio ad vinum non vocat. Vnde plurimam viuunt ætatem supra cæteros homines. Quibus autem vinum datur, additur aqua, ne quod pueris minuitur, eueniat istis. Cum autem cæperit elabi calor per rimas senij, tunc vinum purum conuenit, vt spiritus elabentes reficiat, & sanguinem, & hilaritatem reuocet, senio, & fuligine, & decremento pereuntem, & iam arefcentes artus, quemadmodum ignis ferrum molliat, rejuuenescereque cogat. Si autem vinum lacte miscebis, etiam pueritiam conciliabis. Ventres ergo sub canicula destituti calore vinum appetunt purum, quale senes ob easdem causas, & ne inualidi sint ad cibum: quo non vixgente accidente, aqua conuenit æstu laborantibus; correctæ tamen vino, vel aceto, ne lassitudinem ingerat. Memento sæpe corpus senis rimosum ob continuum præuium elapsum caloris, & tenuitatis, qualis vetusdomus; pueri spissum, qualis recens.

7 Curandum est, ne vinum superet vapore spiritum, & calore, & copia stomachum, sed superetur. Sic enim semper optime, & salubriter potamus. Vbi enim superat, præsertim duplici victoria, fit ebrietas: vnde cogimur vomere, ne moriamur. Et tunc vinum est medicina purgatiua cholere, atræ bilis ex parte, & pituitæ, quæ est in stomacho. Idcirco semel in anno est procuranda ebrietas, non autem frequenter, vt vltromontanis mos est: sicut nec alia pharmaca, nisi vbi opus est; alioquin vires minuit, & temperiem peruertit, & vinosam facit soliditatem, & appetentem vini; sicut città affecti carbonum, calcis, & similium. Vinum igitur generosum aqua temperabis, nec interdium vteris, nisi aqua: imbecillum verò purum hauries, sed pro viribus, & ætate, & anni tempore.

8 Vini bonitatem sapor, odor, color, grati commendant; ingrati vitium, eodem ordine communicant.

9 Vinum bonum partes frigidas calefacit, humiditas exiccat, abstergitque, siccas emolliat: calidas frigefacit, vel educendo calorem nimium apertis poris, vel addito fluore, robur diluendo,

*De ebrietate  
diuisus ma-  
ne & vili-  
tatibus.*

*Vini boni  
conditiones,  
& mali  
Effectus vi-  
ni generosi.*



non copiam, cætera vina non item prorsus.

*Inglumis  
cum ebrietas  
se compara-  
tur.*

10 Solidi alimenti repletio nimia peior est, atque humidi inebriantis: panis autem pessima: exuperari enim ventris calore haud potest; carnum tamen præsertim pennatarum nimium noxia.

*Reuertitur  
ad cibum.*

11 Ingenij robore, non autem corporis, valentibus modicus panis depuratus, & carnes volucrum, & vina tenuia in vase myrrhino cum foliis auri conueniunt, præsertim ociosis: corporis verò, communior panis, legumina, & carnes bubulæ, porcinae, & caballinae, præsertim exercitatis. Mediocribus tandem mediocriter; utque regio, ætas, usus, & tempus exquirunt. Exilibus enim cibis robustos nutrire, validisque imbecilles, malum æquè ac iuuenes lacte, & infantes carne.

*Hipp. lib. 2.  
alimento.  
com. 4.*

*De condi-  
mentis ac  
primo de sale.*

12 Pingue alimentum sale, macrum sale, & oleo condire rationabiliter consueuimus; sal enim suis aculeis ubi crassitiem laxat humiditatem superfluum educit, putredinem perimit, venenosam portionem corrigit, agglutinationi tandem prodest: primo enim penetrat, & humorem educit: deinde exiecat, ut in salitis carnibus experimur. Vnde etsi cum fluore carnis, aquæ etiam salis pars educitur, immanet tamen calor eius siccæque particulæ, quas miscendo aquam si eduxeris rancescit caro, quæ immanentibus seruabatur. Aperit etiam sal ostiola appetitus, & saporem cibi demissum augeat, gratificatque. At ubi nimius est tegit cibi saporem, soliusque salis sentimus, discerpimur aculeis & sitimus. Quas ob res nec cibis saporosis, quorum calor nostrum superat, sal apponere iuuat.

*De oleo.*

13 Oleum verò lenit cibum, ut possit pertransire, & vasa, ut facilius sit via, & fibras ut motus attractionis, & transmissionis præsertim crassarum fæcum perficiatur tam in vasibus, quàm in extremis partibus corij, & carnis: utque vngatur os, neruus, vena, & fibræ ad motum, ad laborem, ad nutritionemque hauriendam. Vnde pingua corpora plus salis, & minus olei; sicca verò è contra, requirunt. Item plus æquo additum dilatat fibras valdè, & virtutem retentiuam debilitat. Idcirco vomitum prouocat, & supernatans nauscam eadem causa.

*De tritico.*

14 Triticum non ex terra nimis pulla, neque palustri, neque stercoreata, & per artificium germinante, neque putrida; sed ex aliquanto argillosa, subalba, robusta, & sana secundum naturam potius enatum, seruat iuuentutem, & vitam, & salutem;

illud



illud verò ad senium & putredinem properat. Nec sit annum, sed eiusdem anni, vel bimum: nec fracescens, sed viuudum, & boni odoris, in vasis seruatum sanis, bonique odoris.

Olera itidem, & legumina sponte nascentia absque sterco-  
rum, & putredinis ope, campestri apotiùs, quàm hortalicis, com-  
mendantur eadem ratione. Idem de fructibus conice, & con-  
similibus.

*De oleis  
& legumini-  
bus.*

15 Carnes iuuenum animalium iuventutem conciliant: se-  
niorum verò senium. Nimis tenellulorum statim à natiuitate,  
debilitatem: luxuriosorum, vt columbarum, & porcorum, lu-  
xuriam: astutorum, vulpium astutiam, leporum timiditatem,  
& sic de singulis, vt in libro de sensu rerum docuimus.

*De carnibus.*

16 Quapropter venenosorum carnes si non occidunt, sed  
paulatim modicè que sumuntur, faciunt etiam venenosum cor-  
pus, quod nutriunt, ita, vt non timeat à venenatis; & à non ve-  
nenatis sit timendum; nec fabula est narratio de puella nutrita  
veneno: haud tamen putem diutinam istorum esse vitam, cum  
à propria sint alienati natura.

*Corollarium  
denutritionis  
ex venenosis.*

17 Quoniam passionēs eiusmodi in spiritu, & fibris spiritu  
plenis, & vbi habitat, seruantur magis: idcirco esus cerebro-  
rum, & cordium, & testiculorum hosce affectus communicat  
magis. Pelles quoque luporum, & fides ex ipsorum intestinis,  
tensæ pulsæque dirumpunt fides, & pelles ouinat in tympano  
aptatas. Mortui quoque serpentes à fraxini hostili vmbra re-  
cedunt miris modis; vt intelligas non modò calorem, frigus, &  
siccitatem, & fluorem carniū, & putredinem, & sanitatem  
nobis manducatione communicari; sed etiam affectus, & iu-  
uentam, nedum causari. Sapienter diuinus Moyse non mo-  
dò venenosas vetat carnes; sed etiam spontè morientium. Item  
carnes porcorum, & coruini generis, & rapacis tam volatilis,  
quàm terrestris. Item genus mollium piscium, & absque  
squammis, & ex putredine nascentium anguillarum; pros-  
piciens corporum saluti, & morum dispositioni. Agunt enim ci-  
bi ad mores, & docilitatem dispositiue, etiam S. Thomæ testi-  
monio. At in Calabria, vbi lepra non est, & caro porcina soli-  
dior, hæc lex medicinalis prodest. Est tamen non continuò  
edenda, nec sola. Idem de aliis ab eo vestitis discerne.

*De ciborum  
delectu ex  
secreta phi-  
losophia.*

18 Stulti huius sæculi viri ditiores carnes occisi animalis post  
triduum, & quattriduum, & amplius, ed quòd sic laxiores, &



*A in enitio.* molliores redduntur, manducant. Illa enim relaxatio est putrefactionis inchoatio, ut foetor earum etiam indicat. Non desunt modi alij salubres mollificandarum carniū. At si iuenculæ sunt, ad quid pridem occiduntur?

*Ex ciborum* 19 Pedes animalium nostros facile nutriunt pedes; iccora, *symbolo viliat.* iccur; caro carnem: medulla ossum, caput. Igitur cum membra nostra minutione laborant, consimilibus visceris cum excrecentia: oppositis minus bellè nutrientibus. Qui hæc introspicit, magiam naturalem callet.

*De fructuum* 20 Fructus horarum suo quoque tempore vtilis esse hominibus regionis in qua nascuntur: magis autem ubi sponte, providentia divina admonet: ve e enim flores, ut poros, qui tunc nobis aperiuntur in toto corpore, foveant odorati pullulant. Maio cerasa, & fraga sanguini tunc florent congrua sunt. Iunio, ac Iulio ficus molles, & pepones mox aquosi, & cucurbitæ, ad reficiendos, qui æstu exiccantur humores; & nutritioni, cum calor intraneus imbecillis est, apti comperiuntur. In autumno ubi corpus aridum post feruorem reperitur, & mæsti spiritus fuligine, & bili atra, dat Deus vnam, quæ mollificat corpus, lactificatque spiritus, & humorem refarcit. Subsequuntur mala granata eidem vsui; sed minus succi plena, quoniam incipit imber corpora humectare. Mox sorba, castaneæ, myrtus, & solidi fructus, quoniam corpora abundant humore iam hyeme adueniente: deinde mala citria, mespila difficilioris digestionis; quoniam ventér calidus, & humore plenus: proptereaque etiam prouisum est, ut fructus exiccati ad id temporis seruentur; cum humor, & calor abundant. Incipiunt mala aurantia etiam maturescere, & simul florere, quoniam in toto anno vtilia sunt. Hyeme, ad phlegma incidendum, & euacuandum, ostiolaque appetitionis aperiendum. Æstate, ad calorem excitandum, & retinendum. Item ad cholerae purgationem, & putredinis peremptionem. Seruantur oleæ, & caseus ad stomachi robur, & cibi demersionem. Et si quis ritè intueatur, ubique temporis à natura in animalibus, & plantis cibum, & medelam habet salutarem, nisi velit abuti donis. Nec quibus aurantia desunt, incusent ij naturam regionis: nam acetum eorum loco habent. Ut enim sua aliis communicent, & cognitio veritatum, & amicitia communicetur: prouisum est per navigationem, & commercia indigentis eiusmodi. Item habent alij quid proportionale



portionale ei, quo carent, si socordes, & ignari ad quæritandum non fuerint, ut quibus deest Rhabarbarum, non deest centaurea, & Rhaponticum: & quibus vinum, ceruisia, & ubi venena, & morbi, sub eodem cælo antidota, & remedia inuenies.

21 Noxiorum ciborum nocet quantitas maior, & qualitas: *De quantitate, & ordine esculentorum.* proficuum indebita quantitas, & ordo. Nec enim multus panis, & multus fructus ingesti profunt: nam aut vomitum, &

fluxum alui prouocant non deuicti: aut cruditates ingenerant. Similiter mespila, & sorba principio sumpta obstruunt aluum facibus; in fine aperiunt deprimendo quod præcessit: cuiusque solo humore, & vapore præuio solutioni præparantur. Ficus, & fraga à principio: poma, pyra, persica, in fine. Similiter caseum, oleas, & huiusmodi quæ stringunt, & comprimunt cibum, & vapores ad caput eleuari prohibent. In medio etiam vteris, ut principalis cibus, qui panis est, & caro vel ferculum de leguminibus, auidius eorum mistione transglutiantur.

22 Cibus, qui bene sapit, licet noxius ex parte existimeretur, *Admonitio. Hipp. lib. 2. aph. 23.* præponendus est, ubi sanum nutris, aut conualescentem; cibo proficuo secundum rationem, si non bene sapit: natura enim non omnibus melius. In morbo autem frequentius rationem desiderio antepones; quod tamen ex accidenti, id est, non ex usu. *De Aqua.*

23 Aqua commendatur, quæ odorem, & saporem aqueum purum modò habet, & quæ ex topheo, & argilla transierit distillatur; aut per lapides & arenas fluens attenuatur: soli exposita orientali: & facile frigescit, atque calefit. Indicium enim tenuis est substantiæ. Quæ insipidissima est, qualis in fonte placentia Stylenfis, ingrata est palato, forsitan & coctioni, ut aiunt; non tamen distributioni, unde cum vino melior. Salsa autem grauis: noxiaque. Non enim ex vapore densato fit, sed fluore adustæ rei, ut vrina. Alij quoque sapores, quos ex radicibus arborum, aut metallorum venis, aut terræ passionibus contrahit, vel noxij sunt, vel curatiuæ medicinæ, non præseruariuæ, de qua sermo est rarsens, conueniunt. Idem de odoribus dicemus, & feruore fontium. Palustres quoque aquas, & stagnantes, quas motus non perficit, & crassas, quæ diu additum frigus aut calorem retinent, declinabis, & quæ lippasæ sunt, & per sordidas terras fluunt, & solem non vident. Item cisternarum aquas, quæ ex vaporibus in aëre sunt, licet tenuibus: namque impuri sunt, cum

ex omni



ex omnibus rebus etiam foetidis eleuentur, & ex mineris, & putrescentibus terris palustribus, & corporibus, quorum etiam saporē quandoque referunt, nedum maris falsedinem, quos ad iuga Appennini nostrates ex mari egressos in aquas salvas concrescere viderunt, & gustauerunt. Proptereaque nec aestiuarum pluuiarum fuliginosarum aquas in cisternis recipies, nec autumnales, aliasque, nisi per arenam multam excolatas, nec niuis, & glaciis liquores.

*Correctio  
aqua.*

24 Aquas corrigite excolatio, & coctura, & aceti, aut vini modici iniectio, aut aromaticæ rei.

*De aere.*

25 Quoniam odor, & aer nutriunt spiritum, seligendus est aer tenuis, & purus, qualis est siccis terris, à blando calore cæli educitur; vel crassiusculus, & purus, medicatusque sale: qualis est mari. Qui enim est palustribus humidisque terris, à calore nimio elicitur, crassus, impurusque est: est siccis verò tenuis; sed fuliginosus, at minus noxius. Ergo temperiem cæli respicies, & soli qualitatem, ut inferius dicemus. Elige etiam lucidum. Odores quoque eos, qui nec caloris vi, nec vaporis crassitie vincant spiritum, sed vincantur. Vnde per æstatem minus placent aromatici, qui per hyemem placet: quoniam spiritus multus, & potens crassusque, hos vincit hyeme; æstate pusillus ob transpirationem vincitur. Est enim odor vapor validus: inualidus enim non sentitur. Aer verò intra telluris circulum vaporosum, potius vapor quam aer censeretur debet; ergo crassior superiori aëre, quò nostro aëre crassior est aqua.

*De Medicina præseruatiua ex egestione, & primò per inferiora.*

### CAPVT III.

### ARTIC. I.

*Quos foramina excernuntis expellendis à natura fabricata.*

Q Uoniam cibus, potus, aerque, ex quibus nutritur homo, non tori in hominis substantiam conuertuntur; sed illæ eorum modò partes, quæ corporis iam dictis partibus conueniunt: cæteras verò, ut inutiles egeri, excernique foras oportuit; Idcirco nouem foramina magna in corpore Autor naturæ fabrefecit; septem in capite, quæ etiam sensoria sunt, duo in extrema, imaque parte: ex quibus vrina, & stercus, portiones cibique fæces crassæ, primæque excernuntur. Per os verò &

nares



nares pituita, & concretorum vaporum è ventriculo in caput eleuatorum, fæces, & quæ relinquuntur ex alimento spiritus egeruntur. Per aures vero adustiores excretiones: per oculos aquosiores. Ex toto tamen corpore inuisibilibus forato poris, superfluous calor, & fuligines, & sudor, feri superflui pars, excluduntur. Itémque artenuatæ substantiæ partes à calore aucto, ad cælestia euolare innato desiderio cognationis, efferuntur; non autem extrusione violenta crassiorum, vt Democriticis dicere congruit: nec à calore tantum extraneo artenuatæ elabuntur, vt dicunt alij; sic enim positus homo in loco minùs calido absque cibo viueret semper: quoniam ab externo calore non consumitur, quia non adest grandis: nec à natiuo; quia, vt aiunt, proprium subiectum non consumit. Equidem, inquam, consumit perficitque tenuissimum reddens, quale sibi conuenit, vt petat cælum.

*Inuisibilem  
foram. usus.*

2 Ex eodem cibo, & potu, & aëre non easdem partes omne animal, neque omnis homo, in suâ substantiam immutat. Excrementa enim equorum, & bouum, alia ex eisdem cibis: similiter canis, & hominis cibatorum eadem carne, & aqua: similiter duorum hominum. Vnde & excrementum hominis est adhuc gallinis, & porcis nutrimentum: & quod færent multa, quæ nobis bene olent: ergo non iudicabis ex excrementis, nisi excernentis hominis temperiem noueris. Sic enim, an quod sibi conuenit naturâ ex cibo attraxerit, nec ne, intelliges.

*Bene nota, ex  
eodem non  
idem trahi,  
nec eici idem  
à duobus.*

*In egestionibus solidis & humidis quot sint  
Medico consideranda.*

## ARTIC. II.

1 **I**ndicia sumes excrementorum alui in quantitate, consistentia, odore, colore, & temperie excretionis; nec defuerunt qui & saporem experiuntur, vt Hipp.

*De quanti-  
tatis excre-  
mento, ù soli-  
diorū ratione,  
& regulis.*

2 Si posset cibus reperiri totus in substantiam aliti conuertibilis, nulla excrementi esset quantitas. Vnde fœtus in utero ex sanguine defæcato per umbilicum nutritus, stercora non facit, sed vrinam solam ex sero sanguinis; licet quid grumosum Arist. in eius intestinis deprehenderit. Igitur impuris vtentes cibis, plus excernunt; purioribus verò minus: vt plurimum tamen ter-



alia pars cibi, vel paulò plus debet esse stercus; & tertia, aut plusculum, transmutatur: reliqua pars in alia excrementa, ut in cholera, puitam, serum, atrā bilem, fuligines, &c. Qui autem plus egerunt, quàm ingerunt, reliquias præteritorum ciborum, & humores corporis euacuant, & colliquatam substantiam: morbosique sunt valdè; nisi ex unico semel accidenti fiat: natura noxios humores & priscas cruditates cibi alicuius occasione stimulantis, euacuante (uti mihi vnus cæpæ aut aurantij stimulo, non semel contigit) ubi materiæ turgent. Item cum minima pars excrementitia est, aut vis expulsiua laborat: aut calor magnus cibum assat, aut diutina fames tenet.

*De consisten-  
tia regnula.*

3 Consistentia fluida post pueritiam mala: indicat enim aut cruditates, aut humores vnà cum stercore eici: aut venas mesaraicas non valuisse succum attrahere; vel quia debiles, vel quia obstructæ, vel quia plenæ, aut saturæ. In pueritia verò ubi calor blandus, & cum aquosum sumitur nutrimentum, non mala. Dura autem nimij caloris est index; vel febrilis, vel naturalis. Quo imminuto propè senectam mollescit venter quibus obduruerat: auctoque è contra obdurefcit, uti & post infantiam.

*De odore re-  
gula.*

4 Quemadmodum mediocris consistentia, ita & fætor sanis inest, qualis nempe solet excrementorum. Quæ plurimum fæcent, cruditatem indigestam indicant si grauiter: si acutè, calorem indicant nimium. Si morticinum olent, colliquationem substantiæ, ut in hæcticis.

*De colore re-  
gula.*

5 Color sit subcroceus sanis, vel æreus. Albidus infantibus congruit. Croceus choleris: subniger atrabiliosis: spumofus lienteriam, cerebrique distillationem patientibus. Per accidens tamen ex cibo fit, ut sanguineus, aut niger sit, sanguinem manducantibus.

*De tempore.*

6 Hæsterni alimenti hodierna sint sanis excrementa. Qui enim eodem die excernunt crudum eiciunt, nec priùs proficuas attrahunt partes, vimque nutritiuam ægram habent. Qui tertium post diem, aut parum oderunt, vel optatissimum; aut expulsoria ægrotant: aut duri sunt aluo. Qui quarto, & quinto, deterius habent; aut studio nimio spiritum occuparunt. Semel in die egere bonum sobriis: bis autem pleniori vrentibus alimento. Meliusque ante prandium, quàm post. Salsum & subamarum stercus est: alioquin est cruditas, aut alius humor, non sequestratio coctæ impuræ partis. Et cum ardet anus, bilem: cum pungitur,

melan-



melancholiam : cùm lenitur, pituitam : cum frigesit, indigestionem : cùm calefit, perfectionem indigestionis indicat ; nisi inebriati fuerint. Cum nihil polluitur, siccitatem : cum nimis, fluorem.

8° Vrinarum eadem fere disciplina. Si plus quàm bibit mingat quis, humores euacuat, aut cibi simul aquositatem multi, & potus. Qui nimium, excandescit. Qui quantum bibit, sanus est : sufficit enim qui ex cibo fit humor pro rare resarciendo, addita parte potus modica.

9 Consistentia alba, tenuis, & perspicua, vehementis calor est index, præsertim absque sedimento. Oleaginosa verò, aut renum pinguedinem, aut solidæ substantiæ colliquationem, vt in hæcticis, nunciat. Crassa, nigraque pessima, calorem inualidum ad corrigendum, & sequestrandum indicat. Turbida & crassa indigestionis signum ; si tamen subsidant faeces in matula paulò post, victoriam caloris digerentis prænunciant. Albæ & turbidæ, lac bibisse probant : aut cibi immaturitatem ; aut phlegmaticam complexionem, & puerilem. Senum enim alba perspicua : iuuenum, suberocea, palearis : puerorum alba, turbida : cùm id non seruetur, ægritudo, aut alia inest causa, vt in lib. 5.

10 De coloribus vt suprâ. Sanus color est suberoceus à coctura, non à bile, vt quidam putant ; & consistentia mediocris, quæ citò sedimentum demittat. Tempus vt suprâ. Non te decipiat, qui moris ingestis sanguineam vrinam emittit : & alij aliter aliis cibis alteratam.

11 Curandum est, vt secundum naturam sanorum iam dictam fiant egestioniones : & prouocandæ vbi desunt, ambulatione, labore, liquidis cibis. Nec retinendæ vbi adest voluntas : plurimum enim nocent, sicut & crepitus detentio. Non tamen premenda fortiter aluus, ne disruptio aliqua fiat, aut interpestiua deiectio ; inuitanda tamen cogitatu, & spectaculo cloacæ : asini enim mingunt, & cacant, vbi locum solitum offenderint.

Timor etiam introrsus agens spiritum deiectioni aptat. Frigidæ potus laxat fibras : similiter pedum frigefactio. Item medicatus cibus aut potus, & clysteres, aut suppositoria vrentia, vt sal, & caseus ; qui etiam inuitat inclusos lumbricos, quemadmodum, & mel, & alia eiusmodi, ac simul excrementa educunt partim sic, partim spiritus irritatione, partim fibrarum laxatione.



ne; haud tamen assuefacienda est aliis clysteribus, & huiusmodi irritamentis, ne oblita natura; nisi sic irritata, fæces nō emittat.

*De praeservatione ex egestionem per superiora.*

ARTIC. III.

*De vomitu  
noxio utili-  
que.*

**Q**ui per os stercus emittit, mortiferis tenetur morbis intestinorum, vel obstructorum, vel conuulsorum; idcirco in ventriculum refundentium violenter. At pituitam natantem, & bilem, aliisque tenues humores ita egerere, sanum: praesertim si sponte, aut leui irritamento, & facile ferunt. Etenim qualia oportet, & quomodo, purgantur.

*De vomitu  
procurato.*

**Q**uotidie ante prandium iniecta pluma, aut digitis, aut oleo euomere pituitosis haud malum, modo: ressum angustumque pectus, & ceruicem gracilem oblongamque non habeant, & faciles sint ad vomitum absque ruptionis periculo. Ita tamen assuefieri non laudo, ubi expectata fames, non secus ac accersita non deest: cæteris ergo minus prodest, nisi stomacho urgente.

*De spu.*

**Q**ui nimis spuunt, exercitio indigent, & alimenti ex parte subtractione. Haud tamen à spuendo cohibendi sunt, ne excrementa in stomachum, aut pulmonem perniciosè recondantur.

*Fluores ca-  
piris quor-  
sum purgan-  
di.*

**H**umores, & viscositates, quæ ex elatis in cerebrum vaporibus densatis fiunt, ut per nares, & aures, & infundibulum, purgantur, curandum est; ne in pulmonem illabentes grauent ipsum, aut vlcerent: vel musculos pectoris intercostales dilationi, & constrictioni reddant ineptos. Quapropter fumis, odoribus, & planctu, & masticatione irritantium, & sternutatione eos expelles, ubi natura segnis, debilisque fuerit: sulphure pectus, thure, & mastice caput stimulas. Vfus tabacci in puluerem acti, vel fumum solet cerebrum labefactare: si continuò.

*Qua profine,  
quaque ob-  
sint serua-  
tioni.*

**O**mnia cruda pectoris purgationi, atque capiti nocent: praesertim cardui, & crassioris substantiæ res, & capræ, & allia, & porri ex parte: quæ tamen cocta, praesertim mellita, pectus, & renes purgant, & urinam cient. Fumis balneorum auris sordes extrahendæ, & fumo aceti calidi purificati.

*Expurgandi,  
per cutem.*

**E**x toto tamen corpore fuligines, superfluosque humores exudare, aut transpirare vi innata optandum, exercitioque curandum, laboribus leuibus, ante prandium, cœnamque; non tamen multis, ne substantia corporis minuatur, incendaturue, & spiritus exhalet. Neque post, ne digestio impediatur à coctione, ad motionem reuocato spiritu. De morbis ex otio, & afflictione

nascenti



nascentibus, quos intermedia virtus exercitij corrigit, in secunda parte philosophiæ realis iam docuimus. Nec à cibo extemplo dormiendum, nisi labor præcesserit nimius: sed standum paulisper, aut mouendum, donec spiritu ad interiora reuocato, exteriora quiescant.

7 Frigus frictionibus expelles calorem ad exteriora expandendo, & oleo aromatico, non tamen post cibum. Calorem quoque nimium leuiter fricando pannis frigida substantiæ abrasdes: similiter torporem, & fuligines, & humores illum efficientes, attenuabis: profunt & balnea, & cucurbitulæ.

*De usu frictionum.*

8 Balnea frigida robustis, sanisque: tepida, purgatione indigentibus, & non valida. Aqua dulcis, & olea aperitiua obstructæ cuti, siccisque valde temperiebus: salsa & vinum, & succus myrtinus, & eiusmodi, nimis apertæ cuti & mollioribus.

*Quæ balnea quæque olea quibus profunt.*

9 Quibus mos est quotannis pharmaco purgare superfluitates, & sudoribus balnearum poros aperire, non satis proficiuus ad sanitatem tuendam reperitur: cum videamus eos, qui naturalibus purgationibus contenti sunt, vitam longiorem viuere, sobrietate vtentes. Igitur eorum, qui pleniori cibo peccant, est adhibere artificiales purgationes; quæ periculo non quidem vacent, cum humores perturbent, naturam accusent, nec quod, nec quantum, nec quâ euacuandum est euacuent.

*Purgatio per artem officina omissa quæ per naturam.*

10 Si quis humoribus abundet fœcibusque, fructibus lubricis, ficibus, scilicet, vniquæ emolliat alium, vt humores irritati ex peripheria ad centrum delati, deorsum emittantur. Hyeme verò sal, aut cæpa, aut acetum, & quæ post diutinam ab his abstinentiam, pituitam incidunt, purgantque, vniquæ humores cæteros accersunt. Sanguinis exuberantiæ venæ sectio tollit vere: choleram vomitu æstate: atram bilem autumnus vna medicata demittit, roscidæque.

*Quibus cibis purgatio emenda, & quæ secundum anni tempora.*

11 Vllis temporibus limonum succus & aurantiorum cum faccharo non prodest.

*De acidorum usu.*

12 Corporis pinguedinem rosis potus: stilla spiritus vitrioli: labor, cibus siccus, modicusque, & coitus, attenuant.

*De pinguedine minuenda.*

13 Fuligines & superfluitates, quas exudar, transpiratque, & in pilos vertit, masculus: menstruis per vuluam purgationibus expurgat fœmina; quas balneis & herbis calidis, acutisque prouocare deficientes, salubriter licebit: Exercitium tamen vtrique sexui vtiliorem fert opem.

*De menstruationis utilitate in feminis.*



*Et in mari-  
bus.*

14 Solent masculis per anum venis, ex liene, & capite contritis, similiter fieri purgationes: profunt inexercitatis, & non sobriis. Nec nisi exercitium capeissentibus, & sobrietatem, absque periculo adimuntur.

*De cancrio  
per arteria*

15 Decimum foramen ars naturalibus nouem pro cauterio in vlnis, aut cruribus, aut coxendicibus, aut in occipite, addit: at non nisi edacibus, vel ociosis: quibus per exercitium, & sobrietatem melius consultum foret. Alia autem ratio illorum est, qui morbi ficæ causæ curationem hanc adiungunt, vt in curatiua arte docebimus.

*De verni ie-  
iunij utili-  
tate contra  
Euchysum.*

16 Semel in hebdomada cœnam omittere, vt excrementa prorsus egerantur, salubre, præsertim hyeme, & vere: quando saluberrima sunt ieiunia, aduentu solis humores etiam arborum turgefaciente.

*De modera-  
mine cibo-  
rum & va-  
riatione.*

17 Vulgatum verbum est, hominis sanitatem seruari, si tres quasque comestiones ita partiatur, vt vna plenior, secunda mediocris, tertia tenuis sit; sic enim absoluendæ nutritioni, & purgationi non accedit impedimentum. Deinde reditur ad idem. Item diximus primò carnes, secundò legumina, tertiò herbas in prandio adhibendum, odoratis herbusculis, & aromatibus aditis. Sed melius cœnam, & prandium, & tempora, & complexionem, & ætates à principio distinximus secundum artem.

*Ante & post  
prandium  
quæ pro sa-  
lutefacien-  
da.*

18 Præterea mane surgens dentes lauando fricabis, excretionem ciebis, oculos, & aures, & nares absterges, & irritabis: faciem, manusque lauabis aqua pura, etiam in hyeme. Vino dētes, nares, & oculos abstergere tunc valde prodest. Et purgata aluo, caput pedes, ne spiritum à purgatione reuoces, sed fuligines, crassosque vapores eiicienti naturæ opem feras. Ideoque cum est opus, cuti quoque fricationem adhibe; dehinc passus centum ambulabis si exercitio animi, non corporis, es operam daturus. Ab assumpto cibo non nisi dentes extergeas, ne calorem à coctione remoueas, & manus: leuiter solum si sorduerint, stabisque paulisper, aut ambulabis: poteris quid iocundum legere, antequam ex coctione fumi in caput ascendant.



De Somno.

ARTIC. IV.

1 **S**I somnum vnus coctionis gratia constituisset Autor naturæ, paulò post assumptum cibum semper esset dormiendum: at cùm etiam quieti postquam à labore imminutus est spiritus, itémque refectioni datus sit: non est à prandio dormiendum, donec fiat coctio: sed vel nihil, vel modicum, vt vapores eleuatos euincat: ne dum refectioni, & quieti vacat, opus coctionis intermitrat. Vnde etiam propterea febricitanti nocet, quod dum refectioni, & quieti se dedicat, præliū contra morificas causas, aut nihil, aut ægrè initur. Item quoniam somnus coctioni, vigilia distributioni, & expulsionī aptior; & in omni coctione, præsertim febrili; inest sequestratio expulsioque: propterea etiam somnus, præsertim multus, à prandio, & in febre vitandus: & quia noctu debitus decesset.

*Triplex somni usus, & nūm à prandio dormiendum.*

2 Vbi autem dies longissimi sunt in æstate, à prandio dormiendum; maxime autem subpolaribus hominibus: & semper quibus cœna nulla, & dies vnus sex lunationes habet: cæteris pro rata diei, & indigentia. Proficit autem naturam imitari, ne dum diei das somnum, nocti des vigiliam, quando non potes, quæ diei sunt operari: & hæc est vera causa, nam coctioni prodest, & non febrī, quia est expellendi conatus.

*Distinctio regionum pro somno.*

De Seminis egestionē.

ARTIC. V.

1 **S**eminatio quamuis speciei causa conseruandæ constituta sit, stramen indiuiduo quoque seminanti prodest ad salutem, quando fit ex natura. Omnis enim causa dum causat naturaliter, inuatur causatione.

*Seminare etiam indiuiduo prodest.*

2 Quoniam semen ex puro sanguine in spermaticis concocto venis, atque in testiculis absoluto; spiritibusque repleto, fit, nequaquam superfluum excrementum existimari debet, sed pars vtilissima, atque optima, in speciei destinata conseruationem; quæ omnes hominis partes confusas imperfectasque habeat, veluti arboris semen, quod fructum, propterea quod illo fruimur.

*Contra Aristot. cui semen excrementum.*

appe



appellauimus. Excrementa enim impuritates sunt, dejectionesque. Vnde menstruus sanguis nec semen videri potest. Nec semen vtiliter semper excernitur, quemadmodum stercus, & menstruum: siquidem & spiritus cum illo emittuntur, & viscositas, ex qua nervosum alitur genus.

*Ratio ac  
tempus semi-  
nandi mas-  
culorum.*

3 Pueri vsque ad 20. annum seminationi non assuescant: est enim speciei, indiuiduoque antea inutilis: aut enim non generant ex non bene crasso, viscosoque, sed aquoso semine; vel foetum imbecillum, aut faeminas generant. Ipsi quoque non augentur mole viribusque; nam quod augmento debetur, datur proli, fiuntque breuioris vitae: plantae citò fructum edentes, citò intereunt, vt frumenti, & hordei planta statim seminans, statim interit. Aurantij verò diu viuunt, quae in 20. fructificant anno: mediae arbores in medio sunt. Idem in animalibus saepe experimur; saeciora enim & foecundiora, breuis sunt vitae.

*Tempus fae-  
minarum.*

4 Foemina quoniam breuioris est vitae, prius destinatur proli, vnde Platoni videtur 18. anno; mas 36. coniugio aptus: nobis autem foemina 19. mas 29. sed pro natura regionis. Sub tropicis enim quadragesimo senescunt: & octauo generant. Alij quidem aliter. Temperiem quoque consulas oportet.

*Vsui puero-  
rum & se-  
num ut va-  
let.*

5 Decrepitis senibus coitus omninò vetatur; est enim noxius indiuiduo imbecillo, nec aptus speciei. In pueris non potest extrahi bonum, in senibus educitur omne bonum. In non decrepitis verò aliquando, aut tertio quoque mense laudatur exoneratio. In vtrisque tamen puerorum, & puellarum casta citra coitum cubatio, & conuersatio vtilis ad senectutem retardandam; horum enim vapore, & mollitiae ipsorum durities alitur, reficiturque spiritus. Veneris lætitia, sed pura absque peccato, multis praeualet medicinis.

*Absque pec-  
cato.*

*Cui aetati  
coitus prod-  
est.*

6 Coitus virili aetati conuenit bene nutritae. Coniugatis ter in hebdomada. Non coniugatis semel in mense, minus enim stimulantur. Religio tamen vetat non coniugatis semper, vt vel nubant si vruntur, vel contineant se, si religioni manciantur. Natura tamen hisce vel in somniis educit superfluum, vel cum vrina, vel in alimentum conuertit ex consuetudine. Religio quoque ieiunio, & abstinentia libidinosorum ciborum, & conuersationis muliebris, nobis consuluit.

*De tempori-  
bus anni ad  
coitum.*

7 Hyeme vtilis est coitus, quoniam humores abundant: vere necessarius, quoniam florent, & arbores, & bruta, idcirco ad

semina



seminationem instigantur. Æstate nocet, humoribus, spiritibusque euanescentibus. Autumno noxius, quoniam spiritus euanuere. In mediis temporibus mediam sequere temperaturam, & educationem insuper consule.

8 Prima seminatio indigentibus valet, secunda prodest, tertia nocet, quarta lethalis; sed pro virium, & temperiei, & educationis, & ætatis ratione de his coniecturabis. Regula enim quod *Numerus seminationis.*

9 Febricitantibus, & articularum morbo affectis, cunctisque *Quibus infirmitas prodest, & quibus nocet.* infirmitatibus proportionaliter nocet coitus: nisi ægritudo ex diuturna seminis retentione, qualis est vteri strangulatio, & priapismus, & satyriasis, fiat. Consulit etiam virginibus dæmonoplexia affectis connubium Hippocrates & Plato: quod salubre dicimus, vbi dæmon humoribus ex corrupto semine genitis ad vexationem vitur, quod illis ignotum fuit Christianæ Theologiæ ex certibus.

*De Medicinâ præseruatiua ex circumstantibus, & primum ex calo, aëre, & aquis.*

## CAPVT IV.

## ARTIC. I.

1 Cælum, nec ita frigidum, vt subpolaribus, eiúsque propinquis regionibus; nec ita calidū, quale sub tropicis, & conterminis; saluti, ac diuturnitati vitæ hominis secundum naturam, præ cunctis animalibus temperatissimi, eligendum est. *Qualitas media calis præfata, & nimis extrema.*

2 Fœlix æstimatur æquinoctialis plaga, vbi dies noctibus, & lux vmbra, calor frigori, æquantur semper; nisi tellus obstet; quod cæteris non nisi vere, & autumno, quando vbique temperata efficit tempora, contingit: montes tamen, & lacus hanc cæli temperiem variant. *Optima sub æquatore, contra Arist. & Virg. & cat. dogmata.*

3 Extra tropicum tertium, quartum, quintum, & sextum clima, pro temperie laudantur; & his vita longior, vt sub æquatore: breuissima enim adustorum Nigrorum, quorum spiritus, & vires sol exhaurit, & fuliginibus replet, & ariditate senili: aliosque alimentum subtrahendo pygmæos facit; sub polis etiam calorem extinguit, non eripit frigus; & membris expansionem negat, & formationem interiorem etiam impedit: vnde bestiis similes corpore; ingenioque sunt, vt pygmæi. *Quæ climata eligenda. Causa malignæ sub polis, & tropicu.*



*Sub quibus stellis aer bonus malusque.* 4 Elige cælum, cuius stellæ horizontales, & verticales de natura Iouis & Veneris sint, atque Solis, qui hominis temperaturæ fauent. Saturnus enim, & Mars, stellæque illis cognatæ, obsunt; obsunt etiam vtilibus nobis animalibus, & plantis: profunt verò inutilibus & hostilibus, id est, serpentibus, lupis, tygribus, lolio, cicutæ, coruis, &c. Vide nostram Astrologiam. Luna & Mercurius communes sunt pro configuratione, & situ.

*De indiuidui natura conseruatio, ut cui calo, & cui anni tempore, & cui regioni, congruat: & cui discors sit scias.* 5 Considerabis cæli in tua genesi constitutionem, & aphas; ut intelligas quibus iuuatur, quibusque tua læ sit temperies. Animalia enim, & plantæ lapidesque antipathiam & sympathiam habent cum sideribus, & cum homine, cui talia fauent, aut aduersantur sidera. Idem de temporibus conijce: æstas enim Marti, ac Soli: hyems Saturno, ac Lunæ; vel Ioui, ac Veneri: Autumnus Mercurio, Saturnoque; conueniunt. Similiter temperaturæ hominum, & aliarum rerum. Morbi quoque alij, aliis temporibus, & sideribus conferunt: exque eorum mixtura miscere decreta.

*Electio temporis, ut M. Alb. ait, vitur astris, non seruit astis, & necessaria est m. d. c. & phys. rebus.* 6 Sicut plantandis, colligendisque fructibus eligis tempora congruentia; cunctis similiter actionibus si scias uti, non seruire astris, eliges ex his præcipue, quæ ad corporalem pertinent conseruationem. Progressus, & fines rerum in principiis latent, sicut calefactio in calefaciente: principia autem ex tota rerum serie, & vniuersitate; non enim agunt particulares causæ, nisi cum vniuersalibus; cum quibus feliciter, & sine quibus infelice procedit effectus. Igitur cæli, & mundi constitutionem in exordiis rerum, actionum, & morborum spectes, oportet.

*De aere bono & malo, & suis temperamentis.* 7 Aer purus, tenuis, lucidus, & temperatus, commendatur; impurus, crassus, obscurus, nimis frigidus, aut nimis calidus, damnatur. Frigidus tamen melior, vbi purus, lucidusque, & tenuis: cuiusmodi in montanis regionibus. Nubilus nocet prorsus, & fuliginosus. At fumus rosmarini, vel iuniperi, ex ramusculo adusto, prope cubilo cum vadis dormitum; nocturnas umbras & catarrhos eniendat, sensus viuificat. Idem facit vinum naribus & oculis mano applicatum.

*Quis aer, quibus rebus, quo a calore sit bonus malusque.* 8 Quoniam aer noster est vapor veriùs quàm aer, regionem è qua educitur, & vires educentis solis in eo considerabis, quemadmodum superior indicauit sermo. Montosa ergo laudatur, dum tamen a paludibus elati vapores ad eam non integri ferantur. Scopulosa etiam in mari placet, nisi fluuius, aut cloaca sordibus



in ipsum exonerentur. Tophus & arena lapillosa, salubres. Fuge paludes, atram tellurem, putridamque : & vbi cadauera human-  
tur. In ciuitate etiam vicos, vbi coria, & tinctura, & sordidæ artes  
tractantur.

9 Domum ædificabis iuxta exemplar datum in Oeconomicis *De habita-*  
nostris, ciuitatēque, vt in Politicis; & villam. Æstate ædes, *et in salu-*  
fenestras ad boream: hyeme ad austrum: in mediis temporibus ad *oribus & in-*  
medias plagas mundi habitabis: vel portatilem ciuitatem, quem- *salubribus,*  
admodum Æthiopes, habitabis; & aues, quæ sole accedente, ad *etrumque*  
boreales, & montosas regiones: recedente verò ad australes, & *partibus &*  
maritimas migrant, sed pro regionis natura. E contra verò sit ci- *quibus.*  
tra æquatorem, vt eueniat idem. Ædes prope solum rebus liqui-  
dis, & bestiis assignabis: prope cælum siccis & aui-  
bus: medias tibi & familiæ. Domos etiam duas habere iuuat consimiliter.  
Subterraneas, & obscuras, & vdas omninò declinabis: præsertim  
vbi solum quondam exustum fuerat. Vapores enim emittit fœ-  
tidus, crassus, fuliginosus, calidusque, qui spiritus temperiem, te-  
nuitatem, & lucem peruertunt, grauant, fœdantque; vti & car-  
bones faciunt: & vapor pluuiæ super adustam cadentis terram,  
etiam ex solis æstiuis viribus, vt de peste agentes monstrabimus.

10 Aërem crassum corrigit ignis, & sonus campanarum, & *Correctio*  
rumores: Fœtidum ignis, & accensa odoramenta, & ligna aro- *aeris.*  
matica, & sulphur, & acetum, nisi habeat vnde incessanter refi-  
ciatur. Tunc enim oportet, aut telluris cremare superficiem, aut  
dare aquis stagnantibus cursum; aliasve tollere causas.

11 Australis aer calidus, crassusque aggrauat caput, sensus ob- *Quid à bo-*  
tundit, soluit ventrem, laxat artus, cutem aperit: borealis verò *reali, & quid*  
acuit sensus, serenat caput, stringit pectus, & cutem, roborat *ab australi*  
vires. *constitutione*  
*corporibus.*

12 Aquæ bibitæ ad ingestionem, in lauacro ad egestionem, *Ab aquis.*  
spectant: in applicationibus ad circumstantia. Priores puræ: se-  
cundæ prope puræ: tertriæ medicatæ, meliores. Aqua enim ma-  
rina, & sulphurea bonum aërem reddunt, & cutem non obdu-  
rant, nec nimis aperiunt. Vnde aer Puteolanus est saluberrimus.  
Caput etiam purgat, pectusque. Ciuitas, & domus prope fluuios  
ædificatæ (cuiusmodi est Lugdunum) pessimæ, nisi sit aqua ve-  
lociter currens, & super lapides, & arenas Prodest tamen impor-  
tandis, exportandisque rebus vtilibus, & hominibus. Infantes  
balneo herbis odoratis, constrictiuisque medicato, & vino, & ma-  
rina,



*De balneis.* rina, interdum lauabis tepida, vt ossa, cutis, & nerui, roborentur. Tepor enim est vehiculum, alioquin obest. Propterea ad robur priscae nationes, frigida etiam immersione utebantur. Viros autem frigida decet, & marina: Similiter senes, vt rimae obducantur. Dulces aquae cute obstructis conueniunt, & hecticis.

*Regula pro cutis cura.* 14 Cutem obstruere malum, fuliginum, & excrementosi roris expurgationi impedimentum. Aperire nimis etiam malum: quoniam vires efferuntur, & introitus noxio aëri paratur. Non ita tamen in odorato Arabiae cælo & similibus.

*De potu post lassitudinem.* 15 Post labores, & lassitudinem, nisi aliquanta pausa quiescere intercedat, nec frigidam bibes, nec in frigidam intrabis: nec aquam, aut auram; multoque minus in foetidam, ne pereas. Natiuitati tamen assuesce.

*De vnguentis.* 16 Balneis & vnguentis prisca ætas sese oblectauit: qui mos obsoleuit iam, & pro medicamento solummodo seruatur: haud negem tamen prodesse balneum, & oleum confortans artus, quale myrtinum, non nimis excalescens, præsertim ita affricatum, vt vinctuositas in cute non remaneat: calidiusculum hyeme, vt nardinum: frigidiusculum æstate, vt myrtinum conueniunt.

### De Musica.

#### ARTIC. II.

*Cui sonus & qui iuuat, & cui nocet.* **M**usica quoque ad Medicinam spectat. Sonus enim delectat spiritum, quatenus ipsum medio aëre mouet inuitatque ad motum, propriam nimirum, qua seruatur, operationem: proptereaque soni nimis acuti, quoniam ipsum diuidunt; aut nimis graues, magnique, quales bombardarum, displicent: quoniam obrundunt, impelluntque in cavitates capitis, verberantque. Mediocres placent, nec omnes, nisi consonantes sibi, hoc est, ad sui mensuram editi: omnes enim in natura consoni sunt, sed non nobis. Quia igitur acuti attenuant spiritum; grauesque agitant; sequiturque eius attenuatio, ventilatio, roboratio, & expurgatio: proficua ergo valde est Musica naturæ. Spiritus enim sic perfectus operatur melius in toto corpore. Vnde cum saltare volumus, sonos adhibemus, quibus motus spiritus moueat corpus: proptereaque non potest saltari, vt aiunt, *Spagnoletta, cum sonatur gagliarda.*



2 Moribus quoque prodest valdè Musica, obestque valdè. *Musica ad mores quid possit.* Afficit enim spiritum, à quo corpus totum mouetur, & mens obiecta percipit. Quapropter infantes à lacrymis, & furiosis desiderijs sono capti mutantes affectum retrahuntur, & exhilarantur. Item spiritus sono allectus in caput coit, dormitque. Ebrios, & furiosos cantu Pythagorici sanarunt. Spiritus enim infans, inconcinnisque commotos motibus ad motus musicos reducebant. Fumum, & fuliginem vini musico motu excutiebant, spiritum ventilando purgandóque. In Apulia certi quidam soni stupidos à tarantulæ morfu excitant ad saltandum ita, quod venenum labore hoc exudant, curantque. Est Musica mollis ex parum grauib, parum acutis confecta sonis, quæ homines ad pietatem mouet, vt Romana. Est alia acuta, titillans ad luxuriam, vt Sicula. Est alia asperior, vt tubæ: vel inflatior, vt tympani, ad iram, & bellum ciens. Alia blandior, & valdè effœminans animum, vt Neapolitana plerumque: pastoralisque sonus somno aptus; vigiliæ bellicus. Quapropter Medicus non ignoret, qui soni, quos motus in spiritu, ad quas bonas operationes, excitent, vt medicinales sint.

3 Cum distortis curuatisque motibus afficeris, nec studio *Regula cura in Musica.* philosophiæ vales te applicare, adhibe Musicam, quæ sedet motus hosce. Post studium anxietas inuestigationis præteritæ in te perseverat: ergo post meditationem sufficientem adhibe alium hilarem sonum. Alio ad nuntias, alio ad bellum, alio ad somnum, alio ad vigiliam te inuitabis: nisi res ipsæ te ad inuitandum præpotentes sint: neque enim omnes, neque in omnibus egent Musica: lasciui enim ad venerem re, non sono: pudici, & leueri re, & sono cientur. Sic de cæteris.

De Exercitio.

ARTIC. III.

1 **S** It tibi Musica pro inuitatione ad opera, & omissiones vtilis, *Exercitium animi & corporis capessendum.* non autem pro exercitio, nisi his, qui ex ea viuunt arte. Tu autem exercebis animum, & corpus vicissim vtiliter: vt vtriusque sanitas simul procuretur: ne Medico corporis, aut animæ in igeas, idest, consultore.

2 Exercitium corporis valet ad roborandum calorem natu-  
H 3 tium,



De exercitio  
corporis to-  
tius & par-  
tium, eiusque  
usu.

tiuum; ad extrudendum superfluitates per cutem, & alia fora-  
mina: ad digestionem alimenti, & distributionem: ad roboran-  
dum neruos; & membra omnia; & spiritum expandendum in  
omnibus, omnesque obstructions expediendas. Non igitur  
sit minimum, nec vnus modò membri, nec nimium, quod mo-  
ueat excrementa, & non extrudat. Membra enim quasi con-  
tusa, & grauata à modico exercitio propterea remanent, à mul-  
to verò aliquando rumpuntur. Semper tamen spiritus immi-  
nuuntur, artus diffiliunt ab invicem, substantiâ in tenuitatem  
actâ priuantur, & ad trahendum alimentum debilitantur: pori  
iniuriis patent. Si autem vnum membrum exercueris, vt futo-  
res brachia; cursores crura, tunc illud modò membrum robo-  
ratur: cæteraque illi minus bene cohærendo imbecilla rema-  
nent. Ercum aliquod non exercetur, trahit ad se aliorum om-  
nes humores, & morbos. Vnde Neapolitani curru, equoque qua-  
si semper vecti podagra vsque laborant, & ad coitum actiuum  
non satis valent, vt Hip. de Scythis monet. Vtile exercitium ergo  
est ludus pilæ, & gladij, & lanceæ: sed vtilior pila, quæ & vtram-  
que manum exercet, & crura, & spinam. Vtilissimus illorum,  
qui per circulos in consequentia positos, mirificè interuolant;  
& qui saltus, quos vocant mortales, in spectaculis agunt;  
& funambuli.

Lib. de  
aer. ag. &  
loc.  
lanceæ.

De animi  
solius exer-  
cicio corpo-  
ribus non u-  
tili: nisi oris  
amendetur  
labor.

3 Monachis autem, qui animo exercentur, proficiuus labor in  
horto; & cantus, quo ad Dei laudes excitantur. Nam expuunt  
plurimas superfluitates, & spiritum per corpus extendunt, & cu-  
tem ad sudorem, & fulgines expellendos. Disputationes, le-  
ctiones, & altercationes virtuosæ profunt ad idem, vt notauit  
Plutarchus. Ita quod simul spirituale, ac corporale exinde ha-  
bent emolumentum. Vnde non vtiliter à cantu Iesuitæ abstin-  
nent.

Ex animi  
ociositate  
male.

4 Quemadmodum corporis exercitium modicum, aut nimium,  
aut vnus membri modò, non probatur; sic etiam animi. Qui  
enim non exercent animum, ignorantes sunt etiam in rebus quæ  
profunt corpori: & sunt præda sophistarum & hæreticorum:  
timent vbi non est timor: sperant vbi non sperandum; desper-  
ant in modicis; insaniunt in imaginationibus. Vincuntur ira,  
odio, concupiscentia, auaritia, ebrietate, socordia. Et ex his ad  
corporis morbos deuenitur facillime, & subitaneas altera-  
tiones.

5 Qui



5 Qui modicum exercent animum, videntur sibi scioli, & nullius consilio indigere, & in mala cadunt incurabiliora. *De morbis ex modico animi exercitio.*

6 Qui nimium in omnibus atterunt spiritum, & corpus ægum reddunt: cui quippe nutritiones, & purgationes defunt: quemadmodum autores obstinati, & philosophantes in quo non valent. *Ex animi otiositate morbi.*

7 Qui in vna parte animæ exercentur, in alia languent, vt fortitudini prorsus vacantes, quæ est potestatiui, fiunt indocti in intellectu. *Ex nimio.*

Qui etiam volituum modo exerceat, vt aulici, amoribus, & conuersationi ciuili dediti, molles fiunt, & indocti. In volituo exerciti, Heremitarum passionibus animi frangant, sed indocti sunt, nisi intellectuum etiam excolant. Quapropter qui simul sanctitati, virtutibusque moralibus, atque sapientiæ sese dedicant, vt Dominicani, optimi sunt. Non enim zelantur non secundum scientiam: neque sciunt absque zelo virtutum: exercent etiam corpus, dum voce, quæ totum aliquo pacto iuuat, exercentur. *Quas ob causas omnes partes & facultates animi exercentur.*

Video tamen inter eos, qui sapientiæ student, falli plurimum, qui soli Theologiæ, aut Mathematicæ soli, aut Physiologiæ soli operam dant: in cæteris enim doctrinis languent: putantque per vnam se omnes scire, & de omnibus indicare, & commendare: sicque præsumptione, & fallacia replentur: & prauitates in illud intellectui quasi membrum sequestrant, sicuti valida corporis membra in inuolidum suos morbos exonerant.

8 Qui tamen exercent animum, non corpus, præda sunt potentum, latronum, pyratum, & medicorum, & pharmacopolarum: sicuti corpus sine animo, sophistarum, hæresiarcharum & circulatorum. Idcirco Romani, teste Salustio, ingenium nunquam sine corpore exercebant. *Exerendum esse animum & corpus.*

9 Ocium, mulierum præsertim, totam pessundat Remp. præterquam enim quod eas loquaces, lasciuas, procaces facit, & prauorum cupidus ciborum, & negotiorum, reddit corpus imbecillum, & exiguum, & prolis incapax, aut inualide generatiuum: *De mulierum enim morbis prauitatem, ac publicè sententiam.*

facile pallidas, excrementis non purgatas: idcirco pilosas, vinctuofas, sordidas, nec viuido sanguine floridas, quales exercitatus insunt. Quapropter fucis venenosis sese pingunt, expilant, excoctant: in capitis & dentium dolores, & nigredines, hinc incidunt: superaddunt fucos, ac morbos sibi, ac foetui: ytque videantur proceræ sandalia adhibent ligni, & suberis cortice præalta, & graui, quorum gestatio est culpa, ac poena simul. Nec

nisi.



nisi inhærentes seruis sese mouere possunt. Hinc excrementa retinentur magis, & facies deformantur, ac morbi augentur. Vt ergo proceræ fiant, ac formosæ, ab infantia ad senium corpore, animoque exercendæ sunt. Quapropter felices fœminæ Calabria: quibus labor fucum, & sandalia vtiliter aufert. Fœliciores etiam Belgæ: quibus formam, & proceritatem maiorem maius exercitium conciliat. Infelices è contra Parthenopææ, suis ancillis ob ocium fœdiores, infirmiores, deformiores. Ocium lucem veneream peperit.

### De Vestibus.

#### ARTIC. IV.

*De calcetum usu.*

**C**Alcei vtilitati, non oneri sint fœminis, ac masculis: non digito altiores, ne articulos pedum impediunt à motu: nec nimis calidi, strictique, qui humores, & podagram accersant: bene tamen compacti, ne aquam admittant. Plani sint infernè, sicut natura pedes facit, vt sint bases statuarum; ridiculi, & casui expositi sunt, qui tuberatos subter, gerunt. Infantes autem puerique capite edibusque nudentur, vt roborentur.

*Quæ ratione vestiendum: & ordine secundum naturam.*

**2** Vestibus naturam imitabere, quæ arbores ac fructus, & oua, interiùs membrana tenui, in medio medullata, exteriùs duro vestit cortice. Vnde camisiam, diploidem, & sagum commentifumus. Nescio tamen cur hoc tempore delicatum sericum exteriùs, crassum pannum interiùs quidam coaptant, ostentationi potius, quàm vtilitati seruientes: nisi velint cuticulam supraposiram cuti in hominis corio extrinsecus imitari: sicut frondes, & pilos villis cæsurisque pannorum, auro, & pallio, quod detur illis, dum non sint oneri vestes, sed vtilitati; & interiora suis non defraudentur vsibus. Rideas ergo colare modernum in crustatum sic nocenter, vt caput circumuoluere non sinat; & pallij gestamen in æstate, cùm onus, & cruciatus à feruore infert.

*Ab anni temporibus, & regionibus, & corporum temperamenti ratio vestium.*

**3** Vestes carni vicinas æstate sericas lineasque, & cannabeas, laudamus: sicut & semper in corporibus siccis timentibus hæcticam. Bombycinas, & laneas, delicatas tamen hyeme, sicuti fortè semper in pituitosis, frigidis, & lue affectis venerea. Exteriores vestes crassiores cupimus hyeme, ab aqua, & frigore nos tuentes:



tuentes : æstate exiliores ab æstu : mediis temporibus medio-  
cres. Noctem hyemi, diem æstati parem facies. Hæc autem om-  
nia pro regionis natura : hyems enim sub tropicis nostræ est si-  
milis æstati, vbi incolas etiam nudat æstas.

4 Utile est tamen Militibus, & Monachis, & Mercatoribus, & Exceptio ex  
professione. labores, & regiones passim mutantibus, omni vestium generi,  
atque ciborum assuefactos esse: ne mutatio obfit.

5 Biretum necundè vacuum, cuiusmodi vtuntur Veneti, Græ- De bireto.  
cique, conuenit capitibus frigidis: vacuum desuper, cuiusmodi  
est Italicus, Gallicus, & Hispanicus pileus, prodest calidis;  
vt vapores egredientes è cute, in cutim non remeant, excalefa-  
ciantque: quos tamen Calabrorum biretum circulo vacuo ex-  
pansum ad latera recipit. Prodest in omnibus expansus lembus  
contra solem, & pluiam: & ad inaccessam metiendam subito  
distantiam.

6 Biretum eò vtilius, quò leuius. Natura enim pilos leuissi-  
mum tegmen capiti, ne sensum, aut motum impediunt, appo-  
suit; quos calidis in regionibus, si artificiato vteris bireto, rades: in  
frigidis autè auge, exicca, & purga: in mediis mediocriter vtere.

7 Cùm natura nihil ex solo ornatu absque vtilitate insuper  
condiderit: mirum quòd mammillas & barbam maribus Quæstio de  
mammis, &  
barba mas-  
culorum. villo  
absque vsu dederit: non ad distinctionem sexus, cùm per geni-  
talia distinguantur à fœminis: & in America mares sint perpe-  
tuò imberbes: & apud nos dum adolescentia durat: cur eos per  
barbam non distinguit, & cur per mammas se confundit? Qui  
dicunt mammas ad defensionem cordis datas, imperfectè lo-  
quuntur: brutis enim animantibus non insunt: & sufficit car-  
positas earum pectori. Cur autem papillæ instar nauorum ex-  
terius appositæ sunt: cùm nec ad significandum, nec ad vsum  
proficiunt. An quia omnis fœtus prius est fœmina completa, & po-  
stea exponit genitale, si calor augetur; vt in Phys. de quibus ibi.  
Barbam ergo vbi creuerit, sicut vngues, circumcide. Natura e-  
nim in homine multa relinquit arte corrigenda, sciens rationem,  
vbi adoleuerit, conditorem posse æmulari: vnde pro regionum, Natura arti  
multa com-  
mittit.  
& religionis, & legum conditione in barbis significationem &  
vsum ponit homo. Quapropter alij religiosi in rasura eius, ab-  
dicationem superfluum: alij in nutritione, sui dispicientiam  
significant; alij venerationem, & maiestatem: Medicus autem  
vlus spectet ad salutem.



## De retardando insigniter senio; &amp; de reiuuuescentia.

## CAPVT V.

## ARTIC. I.

*Quæstio de  
vita produ-  
cenda.*

*Historia  
Arabis.*

*In iecore, non  
in pulmone  
retinenda iu-  
uentuti.*

**V**trum autem Medicina possit senectutis aduentum insigniter retardare, aut seni iuuentam restituere, vtilissima, diuinâque est quæstio: ex dictis enim pro præseruatiua Medicina, liquet aliquantam fieri posse retardationem: ingestiones, egestioness, & circumstantia vtiliter curando. Vtrum insigniter, versatur in quæstione. Dubitauimus enim in libro de sensu rerum, an iuuenis queat se in iuuentute seruare; vt Arabs quidam Medicus, 70. annos natus, vix 40. ex habitu corporis referens; iactabat se pharmaco in iuuenta seruatum; quod post septem quosque annos sibi applicabat. Audiui, non vidi.

Equidem, inquam, ex senij descriptione patet. Eiusmodi Medicina esse debet, quæ jecur in teneritudine conseruet, quo æquales similaresque in partes fundat cibum; cuiusmodi est in pueris; ne partes nutritiles deterius, & durius solidum, & res accipiant eo, quo constant, aut quod extrudunt. Carnes quoque, cæterasque solidas partes emolliat; vt tantum nutrimentum accipiant, quantum est decrementum; & rimulæ senij, per quas exhalat transpiratio multa, obducantur, vel ex parte. His ita rectificatis, nil requiritur amplius; spiritus enim ex sanguine puro, & similari plurimus, purusque fit: Pulmo enim ex defæcato in corde alitur sanguine, nec duritiem contrahit insignem, cum crassas non hauriat particulas; nec deficienter: & fumositatem in aquas spissata continuò madeat. Neque eius vsus est cordis refrigeratio, sed accensio caloris, ne deficiat spirituum resectio, & arterialis sanguis. Manifestè autem in iecore durities, & lapilli, senium indicant. Pulmo autem purgandus est sordibus ex cerebro illapsis; & si quid emolliendus, propterea emolliendus est, vt facilius cordis calorem augeat, ventilet, intradat; purget, retineat, & ad sanguinis defæcationem spirituumque generationem. Senium autem fit non caloris aucta copia, sed robore. Lætitia mentis cum victoria passionum in tardando senio omnibus præfertur medicinis: hæc ubi defunt, iucundis rebus, & philosophia, conciliabis. Tristitia enim ex subiecto cunctis venenis præualeat. Contra res festiue sine philosophia, & spe in Deum, hanc hilaritatem fere nihil adiungunt.

*Tristitia &  
tristitia  
pharmacis  
& venenis  
potiores.*



3 Conseruari autem iuuentam, rescique indicant aquilæ cer- *Conseruari  
& instaurari  
posse iuuen-  
tam. Arg. i.*  
uique: qui à serpentibus percussi, quos & manducant, totam  
temperiem per validam veneni naturam alterant, mutantque;  
exteriorque perfusi aqua, quod noxium est expellunt. Chalybs  
quoque antimonio, vel arsenico iniecto dum liquefcit, reuertitur  
ad mollioris ferri naturam. Præterea lue venerea afflicti adhi-  
bent extrinsecus vnctiones potentes temperamentum mutare, &  
occidere vaporem noxium luis prauæ. Intrinsecus verò syrupos,  
& pharmaca, noxios humores, & carunculas, trahentia ad inte-  
stina; ac sic expellendos: & iecur mundificantia, & mollientia, vt  
melius sanguificare queat. Vnde sic mutati videntur quasi ad  
puerilem teneritudinem reddi: & pinguescere, qui macilenti, &  
sicci esse consueuerant: & nouum induere habitum, atque tem-  
peramentum. Igitur pharmacum nostrum purgationem intus,  
& de foris vnctiones. Itémque per 40. dies sumptionem virtuo-  
sæ potionis ex floribus rosmarini, & sacchari, & olei, & herba-  
rum, sub fimo simul maceratarum, cum exsudationibus, & nu-  
tritionibus optimæ temperiei, aliaque huiusmodi continens, ra-  
tionabile est, quod subscribimus, Recipe.

4 Sole intrante in Arietem, & Luna in primam, vel secundam *Pharmacò  
ad iuuen-  
tam.*  
crescentem quartam, & benigna Veneris, præsertim matutinæ,  
emergentis ex radiis, vel etiam Iouis configuratione: Recipe  
radicum angelicæ lotarum libras duas; florum rosæ marinæ li-  
bras quatuor; mentæ Romanæ latifoliæ libras quatuor; saccha-  
ri optimi libras sex. Pone in vase terreo nouo, bene pice obtura-  
to, quod sub fimo equino abscondes diebus 90. id est, vsque ad  
introitum in Cancrum, vel ante, si vas absconderis in præceden-  
ti lunationis synodo benignis sub astris ante ingressum in Arie-  
tem: Deinde liquorem, qui ex prædictis simplicibus proueniet,  
pone ad aërem serenum per 60. aliosque dies: quibus transactis te  
humoribus prauis pharmaco benigno purgabis secundum artem.  
Deinde per 40. dies fumes de prædicta compositione tribus ho-  
ris ferè ante prandium; ita partita, vt sufficiat vicibus 40. post-  
que lentum exercitium, & hilare comedere carnes salubrium  
animalium iuuenum, vt pullorum, vitulorum, perdicum: & vi-  
no vttere optimo lymphatòque: postmodum vnge totum corpus  
sequenti vnctione. R. florum genistæ lib. ij. olei veteris purgatis-  
simi lib. vj. & pone in altero vase terreo, vt suprà eodem tempo-  
re Martij Sole in Arietem. Deinde post 90. dies in Iunio, extra-



he è vase : transeatque per pannum lineum calidum liquor ille, vt exeat humiditas : mox impone mediam libram cataputæ ; ac serua, &c. Cùm ergo compleueris prædictæ compositionis sumptiones per dies 40. vnge te hoc oleo per dies nouem. In decimo totum similiter ablues aqua vitæ. Idem potes post septennium repetere, ac deinceps in cæteris septenariis, vt caro, & jecur rejuuenescant absque villo periculo.

*Quæst. an  
puerorum  
sanguis &  
caro concit  
liet inuen  
tam.*

Quærit tamen quis non inaniter, an quia temperies trahenda est ad iuuentam, proprium sit pharmacum alimentum ex sanguine & carnibus infantium humanæ speciei, quas nec natiuus noster calor laborat valdè, vt in aliti substantiam inuertat ; nec minuitur ob symbolum, & facile trahitur, sicut in cæteris cibis, ad suam ipsarum temperiem, si continetur : eoque magis ob symbolum exhalantibus nostris carnibus, succedunt illæ pueriles, quibus repuerascimus. Hoc magi veteres docuisse videntur : & diabolus naturæ rerum peritissimus suadet lâmiis alimentum ex sanguine, & carnibus infantum : quorum annos etiam se potare, & manducare, & propriis annis addere forsan suadentur. At contrâ. Si verum esset, tunc Reges Peruani & Mexicani, qui infantium eorumque castratorum corporibus alebantur, longissimam vitam, ac iuuenilem vixissent ; quod tamen historiæ ipsozum non affirmant. Præterea qui solis ouis, ac lacte nutrentur, vt Monachi Carthusiani, diutius viuerent. Sunt enim hæc infantium alimenta, facileque conuertibilia : Sed respondes ; conuertibilia quidem, sed in suam potiùs naturam. Nam ex ouo gallinæ pullus gallinaceus fit etiam incubante columba, aut sub fimo, & calida arena : & lac ouis in ouiculæ naturam transit : magis igitur lac in humanam.

*Resolutio.  
Etiam si bene nutrit  
caro puerilis, &  
haud tamen  
dat annos,  
quos mulier  
si pollicen  
tur.*

Concedamus ergo hoc alimentum prodesse : quibus horror cibis propriæ speciei, & religio, non plus mali, ac macilentæ ; & nausæ facit, quam cibis vtilitatis. Haud tamen valere ad mutandos annos, vt diabolici somniant. Ex eodem enim cibo aliti alius plures, alius pauciores viuunt pro suæ naturæ viribus : nec ad insignem, quam quærimus, adolescentiam, nisi validiori mutetur pharmaco temperies. Quod theriaca imitatur, vt

*Non sufficit  
in ceruis, &  
iectoris &  
carnium e-  
mollitio ad  
retardandum  
senium, nisi*

in ceruis, & in rabido cane commorsis. Non enim ferrum trahit, alteratque ferrum magnes viuidiore, consimilis tamen naturæ. Hinc video non sufficere iectoris, & carnis mollitionem, vt paulò ante dicebamus ; sed etiam à corruptela præseruationem :



rem: qualis per sal, myrrham, myrobalanos, & aurum, in corpore, & animi lætitiā & victoriā supra passiones corporis, & spiritus confertur; sed hæc ad retardandum senium: illa vero ad reiuuēscendum, valent.

*addas pra-  
formationem  
à corruptela,  
quibus pro-  
curatur.*

Vti helleboro, vel gallinis helleboro nutritis, valet ad noxios humores seniles extrahendos, & molliendas carnes, vt antimonio chalybem: sed in ratione vsus periculum est, nisi scias ceruos imitari.

6 An verò iuuentam etiā renouare, nedum retardare quis possit, quærentibus facillè respondetur: quod si potest totum solidum renouari hominis, id etiā fiet. Renouari autem posse concedunt, qui non easdem esse carnes, & ossa iuuenis atque senis putant. Continuo enim aliis partibus abscedentibus aliæ accedunt: ita vt tandem sint prorsus aliæ: sicut in fluuio aqua, & in candela flammula. Sed fortè hoc verum non est, nisi post multos annos; sit enim continuo partialis mutatio, non autem totalis. Sicut etiā in Republica continuo alij moriuntur, alij nascuntur: at non nisi post centum annos sunt penitus omnes, & singuli, non iidem. In fluuio autem subito. At neque fortè post multos annos ossa renouantur: alij nec humidum radicale renouant: alij nihil posse in veritatem naturæ humanæ mutari volunt: & hi decipiuntur, nisi in dogmate Anaxagoræ, & Democriti.

*An iuuenta  
renouari  
possit.*

Præterea cum particula nasi herilis amputati resecti ex brachio mancipij per Calabram magiam, post aliquos annos, putrescente, ac moriente mancipio, putrescere, ac mori visa sit: consequens est vt vix caro renouari posse existimetur tota, nedum nisi multis post annis.

Præterea vir Tarentinus alius in Italia, & Roienſis alius, & Saguntina Monacha in Hispania, aliique, quos ex historia colligit Delrius; in senectâ prorsus reiuuēscere visos deletis rugis, & restituto nitore, viribus, & dentibus iuuenilibus; nequaquam in toto temperamento, & soliditate mutati penitus sunt simul: sed credo paulatim ex aliqua viuendi causali ratione. Neque enim ipsi id procurauerunt. Faciunt tamen argumentum, quod homo reiuuēscere queat.

7 Hoc autem valido pharmaco fieri puto. Si enim rabidi summa canis, & serpentis, potest hominem quasi prorsus mutare, ac vincere in deterius: poterit id & in melius medicina. Lignum



enim succo petrifico ita lapidescit intrinsecus, vt non nisi oculis à lapide discernatur. Consimiléque quid aurum potabile in nobis efficere dicitur; vt myrrha, & sal, & myrobalani. Item pali, super quos fabricant Veneti, in salios vertuntur scopulos: & nuces virides saccharo confectantur mirificè, sic, vt in aliam migrasse temperiem, & naturam videantur. Et omnes fructus sic à Ianuensibus immutantur. Et ne putes in alteram oportere vitam transiri, frumentum viuum in lolium viuum considera: & persica mala ex venenosis salubria reddita mutato solo.

Hoc tamen pharmacum non fit subito vincens; interficit enim: sed paulatim vincens vincatur. Nam sanati à peste quasi victores rarissimi pestis contagio victi sunt. Item Rex Mithridates assuetus venena modice manducare, ac vincere; quando vinci à venenis voluit, non potuit: ideoque ensen adhibuit. Soliditatis igitur non substantia prorsus, sed temperies est immutanda in iuuenilem iuxta superius enarrata. Quibus autem persuasa non est conuersio: sed putant omnes mutationes esse transpositiones; aliter philosophentur.

Qui parietem veterem instar recentis emollire nouit, is temperiem solidarum partium immutabit. Non sine causa medicata olea, ac penetrata in supradicto quæuntur pharmaco. Est ferme æquè difficilis talis mutatio, atque argenti in aurum conuersio in communi philosophia: In antiqua verò atque auri ex argento extractio, vel è contra: ac simul pro extracto argento aliarum aurearum particularum aggregatio. Hoc autem facile est, si infantis caro sit aurum, senis vero sit ferrum, additum illi auro; & si illud aurum exhalauit, & successit ferrum, aut in ferrum conuersum est, longe difficilior erit reiuuenescencia.

Qui autem parietem ne obdurescat, nec nimis laxescat, nec minuatur, scit seruare, aut carnes à putredine; is senium retardabit.

Bibere in myrrhinis: manducare in aureis vasis prodest diurnitati: condimenta etiam sunt medicamenta.



## De conseruatione per generationem.

## CAPVT VI.

## ARTIC. I.

1 **Q**uoniam quidem rarissimi ex ferro, aut ære aurum faciunt, & hi quodam casu, nam repetere non nouerunt: si militer rarissimi iuuenescunt, aut non magis senescunt tandem: Quoniam deficit vita indidit, curanda speciei. propterea ad conseruationem speciei transeamus oportet.

2 Proles generosa robore ac ingenio fit ex vtero mulieris proceræ, pulchræ, optimo corporis habitu, & sanitate gaudentis: Quor requiruntur ad generis in prolem in coniugio. imaginationibus generosis, & virtutum exercitio, ac corporis, assuetæ: & inspectione pulchrarum figurarum: copulatæ viro animo accorpore sano, virtutibus, ac exercitio assuetis; si coeant quando stellæ configurantur optimè, & in fine digestionis, & cum animus bonis imaginibus est affectus, nec prauè perturbatus; sicut docuimus in ciuitate solis: & per harum conditionum defectum deficit prolis generositas.

3 Nec macrum calidum macræ, calidæ siccæque copulabis, ne Ex macra & macro qua proles, & quæ in insignibus coniugibus. proles gracilis, vitiata corpore, & animo, hæticæ subdita nascatur. Nec corpulentum pituitosumque pingui fœminæ corpulentæque, ne vel nihil nascatur, vel stupida, vilis corpore, & animo, proles oriatur. Fœcunditas autem, & bona proles, est in copula macri cum pingui parente. Alter enim viuacitatem, & robur spiritus, & corporis præbet, alter substantiæ solidæ abundantiam: fitque quasi ex ære & plumbo metallum utroque validius. Haud tamen si nimis dissident generabunt. Neque enim Ethiops cum Moscouita prolificant copulati: sicut Italus cum Germana; & homo ex simia generat, non ex asina.

4 Vas fœmineum potius esto magnum, vt proles sit procera: Nanus enim ex grandi muliere non nanos facit.

5 Impeditur ergo, vel deprauatur generatio, vel ex dissidio Impeditio- nis & deprauationis gentitura, qua sint causa. seminum magno, vel ex nimia similitudine, qua alterum in alterum parum agit: vel deest vel moles, vel viuacitas; aut ex paucitate seminis alterutrius, aut ex intemperie, & ægitudine, aut ex nimia fluiditate, qualis est in puerili: aut ex nimia crassitie: aut nimio feruore, qui spiritum elabi facit: aut defectu caloris, qui spiritum facere, & sanguinem attrahere ex matricis cornibus nequit; aut ex vteri angustia, aut obstructione venarum ad matricis cornua deductarum, aut ex sordibus in vtero repertis proptereaque



proptereaque desinentibus menstruis prolificus plerumque coitus.

6 Fœtus matri similis nascitur, quando semen maternum, aut spiritus, aut imaginatio præualet: unde etiam masculi matri similes nascuntur, & foeminae patri, quando paternum præualet: sed ergo mas nascitur, ubi calor genitalium validus est, ut possit ea propellere foras: ubi inualidus, foemina; cuius genitalia sunt omnino masculinis similia, solo situ, & positione differentia, ut inuersa, & educta: opinor etiam maritum vxoris imaginatione affectum generare masculum vxori similem, & è contra: non tamen semper. Inuenimus autem non raro homines masculos matri, & foeminas patri persimiles: consanguineis autem, cum neuter præualet parens: sed usque ad quartam generationem auis, & proavis, & atavis similes nasci Plutarchus obseruauit, ex consimili in his transfuso semine, non autem ulterius. Quando verò tollitur omnino parentum similitudo ex noua temperie mixture seminum, & cælo, & nutrimento; tunc extraneis, & distantissimis oriuntur similes. Indicant autem idem semen cælum, & actionem consimilium esse causam natiuitatis geminorum. Quorum faciem, & magnitudinem, & mores, & professionem, vitam & mortem, consimillimam sæpè obseruauimus; & historiarum etiam sacrarum asserunt de fratribus Cosma, & Damiano: & de Medardo, & Gildardo; & de Geruasio, & Protasio; non tamen de Iacob, & Esau. Vidimus & nos fratres geminos alterum mori, alterum viuere, nec consimiles: quoniam non omnino eadem est materies, nec ex eadem seminis iaculatione concipiuntur. Solent enim in his, qui diu à coitu abstinuerunt, prior iaculatio esse fluida, & quasi brodium: secunda crassa, viscosaque, & è contra in his, qui non diu.

*Cursus uul-  
na non com-  
cipiunt.*

7 Vulvæ frigiditati per calefacientes vapores, & cibos, & per infrigidantes caliditati: obstructioni per aperitiuos, & acutos: sordibus per mundificatiuos: humiditati per exiccatiuos, confules. Sic etiam veretro applicabis pharmaca, & testibus: quorum est absoluerè semen. Idcirco eis sectis, aut morbo affectis, totus masculine habitus mutatur, & frigescit, ut nec pilos producere queant, nec vocem masculam amplius. Bruta idem patiuntur: ut intelligas robur tolli, ubi officina roboris, & spirituum communicandorum defecerit: omne enim vas toti corpori confert quod suum.



8 Verum est quod ex dextro testiculo, & in dextra vteri parte mas concipitur; propterea quod calidiores sunt sinistris. Haud tamen nascetur mas, nisi tantus sit calor, qui genitalia extrudat. *Iterum de maris & facmina cura.* Propterea non est in hac sola dextrorsum cura immorandum, volentibus producere mares, sed calores, & masculi cibi, aer, & aqua masculina, quærenda.

9 Omne potens, actiuusque, respectu minus potentis, minusque actiuus, in sua specie mas est. *Pythagorica regula, quod in omni natura datur mas & facmina.*

10 Ex eisdem causis cum exorbitauerint monstra fiunt: ex paucitate enim seminis, vel vuluæ angustia, nani, vel membro aliquo carentes, fiunt. Ex multitudine gemini, aut trigemini, aut vnus cum duobus capitibus. Ex frigiditate mola non organizata. Ex dissidio seminum secundum speciem semibestiarum, vt ex simia & muliere. Secundum climata, & temperiem, vt ex Æthiope, & Polona quid similiter non in membris, sed in colore, & formatione. Et quando mistio facit temperiem caninam, & porcine ex dissidio quid simile porco, aut cani nascitur: siue à cælo, siue ex pugna seminum fiat exorbitantia. *De monstrorum causis, &c.*

11 Item ab imaginatione, & affectu in coitu, & post. Mulier enim inspectans Æthiopem, genuit alba nigrum: & ludens cum simia filium simiæ in facie, & gesticulationibus; & alia affecta crucifixi Christi cogitatione in Germania pridem genuit filium cum stigmatibus, & corona crucifixi. Et filia Regis Scotiæ coiens cum diabolo formam monstrosam induto, illam in foetu expressit. Quia semen furto sublatum à diabolo talem in spiritu affectionem habuit. Nec fabulæ istæ, cum à doctissimis sint experimento comprehensæ, & nuper in superiori Calabria patentissimum præbuerit experimentum. Viator allectus ad coitum à diabolo in mulieris pulchræ forma, quo peracto in via Terræ nouæ euauit diabolus, obstupuitque rusticus; & narrauit Principi, & multis. Igitur spiritus, qui est in semine fabricat corpus iuxta exemplar affectionis inditæ: alioquin nec parentes exprimerentur. Ex quo colligitur veritas syllogismi physiognomici, ex fabrica affectiones, & propensiones concludentis.

12 Post coitum etiam vehementes affectiones exprimuntur in foetu, communicante cum spiritu, & sanguine, colligatōque cum matre. Vnde pauore nimio affecta prægnans genuit filium pauidum oculis contortis, fronte retracta, & tremore perpetuo illum pauorem exprimentibus. Vnde verum est, quod validum



dum desiderium in foetu desideratae rei stigma producit: vt in Physiologicis docuimus. Ex his, exque ibi dictis, & in Astrologia, caetera nosces. Nec stellae bestialem formam ante fueri, nisi temperamentum seminum ad illam mutant, aptentque. Vide.

13 Quoniam in se moriens homo viuit in filio sibi simillimo, vel meliori, praestat philosophis, & sacerdotibus sapientiae, & meditationibus deditis, spiritu debilibus proptereaque nec similes, nec meliores, sed deteriores plerumque producentibus, ( quoniam spiritum a capite, cum sint cogitationibus occupati, nullum vel exilem emittunt: qui sapientiae affectum, & similitudinem paternam producere idcirco nequit, & multum ex testiculis crassum effundunt, vt in filiis Salomonis, Socratis, Ciceronis, Telesij, & aliorum sapientum rudibus experimur plerumque ) abstinere ab vxoribus: & non nisi menstruo, aut trimenstruo vti propter medicinam coitu: aut viuacem, & succi plenam coactos ducere, virginemque. Caeteris vero robore, & ingenio, solis contemplationibus non occupato, pollentibus, qui ex capite etiam emittunt, totosque se actu in venereo fortiter transfundunt: vnde similes, & praestantiores gignere pro recipientis, & constellationum constitutione generant, generationem, praefatis sub regulis, alibi prolixius explicatis, assignabimus.

Quibus committenda, & quibus non committenda generatio.

*Finis secundi Libri.*

MEDI



# MEDICINALIVM LIBER TERTIVS.

IN QVO DE CVRATIVA

artificiali generatim.

*Qua ratione curatiua Medicina contrariatur morbo; ac causas,  
& sedes morborum idcirco considerandas esse.*

CAPVT I.

ARTIC. I.



**Q**UENIAMODVM in Medicina præser- *Alij contra-*  
uatiua, similia similibus seruantur per se: *ria contra-*  
contrariis verò per accidens, & extrin- *riis: alij si-*  
secus: vt calor natiuus per circumstans *milibus cu-*  
frigus non insuperabile: sic in Medicina *rant, qui di-*  
curatiua nunc contraria contrariis cu- *stinguere*  
rantur per se: vt repletio per inanitionem; *nesciunt de*  
intemperies calida per frigidam res: *Medic. cu-*  
per accidens verò, etiam similibus. Vene- *ratia, &*  
*præseruati-*

num enim viperæ extrahimus, viperæ capite eius applicato vul- *Ideo Para-*  
neri: & choleram rhabarbaro ei consimili trahimus in ventri- *celsi & Ga-*  
culum exinde purgandam, & inflammationem adusti cruris *lenisti de-*  
aqua tepida, quæ poros aperiat egredi que inditam flammulam *seiscunt.*  
efficiat, quam frigida internaret, & roboraret. Huius principij  
in cunctis memento.

2. Est enim vbi simile & contrarium ad contrarium extrahendum miscetur: si quidem sapone, ex oleo, cinere & calce confecto, maculas olei ex panno extrahimus, oleo inuitante oleum, & alliciente: cinere, & calce simul expellentibus. Quare maculas vini sapone, ex calce, vinoque confecto, educes, si hanc nota magiam. Sic ergo in pharmacis purgatiuis adhibemus ea,

*Qua ratione  
in pharmacis  
contrariis &  
simil. simul  
vrentur, &  
conseruantur.*



naturæ: & ex his prognosticatur iuxta communium etiam causarum adiumenta, & contradictionem: unde c. iricos dies Luminaribus assignant.

*Qua ratione, & quæ causarum genera, in morbis considerantur.*

## CAPVT II.

## ARTIC. I.

**Q**Uoniam morborum corporis causas inquirimus, quos morbis animi similes esse diximus: consequens est, ut quemadmodum amor, timor, & cæteræ passiones, quando regulatæ non sunt, ad bonum verum consequendum, vitia sunt, morbiq;: quando verò regulantur, virtutes: quin immo non sunt virtutes, sed virtuosæ, cum virtus non sit ipsa regulata passio, sed regula passionis: Sic & in corpore sanitas est eius symmetria, & consonantia omnium partium in mutuis officiis; non autem partes, quæ potius sanæ dicendæ sunt. Igitur & causæ sanitatis cum exorbitauerunt à natura indiuidui in excessum, & defectum, in substantia, in quantitate, & qualitate, & in actione, & passione, & tempore, & loco, & cæteris categoriis, sunt causæ morborum. Egestio igitur, & ingestio, & circûstantia exorbitatâ faciunt morbos.

*Divisio causarum in genera & species.*

**2** Genera causarum sex sunt; dicebamus in Metaphys. Agens, materia, forma, idea, finis, & perfectio. Et harum aliæ propriæ, aliæ communes: quarum omnium, aliæ proximæ, aliæ remotæ. Iterum aliæ concausæ reperiuntur sub iisdem generibus propriarum, & communes; ut causæ instrumentales, occasiones, & commaterialitates. Has omnes in morbis vide.

*Non datur in Medicina causa finalis morborum.*

**3** Causam finalem morbi Medicus non considerat: quoniam cum morbus sit præter naturam enormitas in indiuiduo: naturæque indiuidualis pro fine non habeat, quæ extra suam intentionem, & contra se sunt; consequens est, ut morbi nullus sit finis in Physica. Est tamen in Theologia puniatio peccati; & alia Dei iudicia. Quæ Medicus si consideraret, suum officium non faceret. Vnde Mathematicus non considerat causam finalem trianguli; sed quæ vtitur triangulo intelligens causa.

*Quomodo vtitur Medicus idea.*

**4** Causam quoque idealem Medicus non considerat in suo fonte. Enormitas enim non habet ideam fortasse, nisi quatenus ens: nec si haberet, esset physici hominis consideratio: considerat



derat tamen similitudines ideales in communi natura: & his valdè indiget: Neque enim intelliget, quo modo à cibo hectica recrudesceat, nisi per similitudinem, & ideam feruoris calcis, à superiniecta aqua: & distillationis morbos, à pluuiarum ratione discit.

5. Causam materiale[m], seu potius sedem, in qua fit morbus, *Materialis in qua, & de qua valdè consideranda Medico.* valdè considerat, vt corpus hominis, & hanc corporis partem, vt cerebrum, aut ventriculum. Item ex qua, vt vapores crassos è cibo eleuatos considerat. Sic etiam remotam materiam, vt cibos; remotiorem, vt elementa, & eorum affectiones, vt ex quibus, & quali terra ortus sit cibus iste: & circumstantem aërem, aquam, & cælum, quatenus materialiter concurrunt. Materiam tamen remotissimam informem non considerat, nisi vt calidam, frigidam, crassam.

6. Causam actiuam etiam considerat, vt calorem, & frigus; tam simplicem, quàm compositam, vt spiritum, cicutam, foli: & remotas, & proximas, non tamen remotissimas supernaturales; multos enim morbos immittit Deus, vt Ægyptiis: & credo hos omnes per ministerium malorum Angelorum, vt in Iob declarat Scriptura, & in ea, quæ fluxum sanguinis 18. annis pati.

Vnde Chrysostomus & Augustinus omnia mala malorum Angelorum ministerio nobis infligi autumant, bonaque bonorum. Sunt etiam manifestæ maleficarum læsiones, & morbi in corporibus humanis: quos Paracelsus doctè agnoscit in scholis Galeni occultos esse: sed impie à diabolis, & maleficis medicinas eorum queritat, cum & physicè, & theologicè à contrariis Angelis bonis, & à Deo potius querendæ sint, & per Theologiam curandæ, non per Medicinam, nisi vbi diabolus naturalibus rebus, vt agnoscitur ad vexandum. Vt cum melancholia, aut cholera concurrit, aut herbis venenosis; tunc harum expulsiōe, & contrariariorum adhibitiōe, simul & per religionem curabis. Vnde Galenus morbos non vulgares ad religionem quoque (præsertim Christianam), remittit. Agnoscit quoque Ptolemaeus morbos quosdam curari medicina, vbi Iupiter respicit diram constellationem: quosdam religione, vbi Venus, quæ id non præstat, nisi fortè dispositiōe; sed significat, vt in Astrologicis pro Theologia enuclea vimus; & Dæmonoplexiam vtroque curat modo. Maleficia autem maleficiis tollere, & superstitione, vetamur.

7. Causam morborum formalem non solum essentia ipsorum, sed:



*Causa formalis consideratio multiplex.*

sed etiam generationis formam, modumque, maximè considerat Medicus; ut cum ait febrem esse conuersionem caloris natiui in igneum. Verum cum formæ sint innominatæ in particulis, aliquando ponitur eius effectus loco formæ: ut cum dico podagram esse læsionem, vel dolorem pedum: læsio enim, & dolor efficiuntur à morbo: sed forma, & podagra est fluor ex capite in articulos pedum illabens, motum tollens, & dolorem faciens. Et cum morbus sit accidens, semper ponitur eius subiectum loco formalis differentię. Genus autem formam communiter exprimens, vix vnquam proprium ponitur; sed commune est vitiis morbisque intrinsecis & extrinsecis animi, & corporis. Similiter dolor, & fluor, inflammatio, alixque causæ formales, vel formalium loco positæ, siue formaliter, siue causaliter. Causam perfectionis itidem comprehendens. Aliquando enim morbus imperfectus, & mitior; aliquando crudelior, perfectusque. Idcirco ab effectu eius indicatur ut plurimum.

*Per omnes causas quę morbi sunt desinentes, autem ponitur causa finalis, ille non est verus morbus.*

Non est autem bonus Medicus, qui non omnes causas morborum assignat, neque per omnes definit: immo & effectus in definitionibus ponet, ut magis natura morbi in indiuiduo inno-

Cæteris artificibus hoc periculosum non est uti Medico. Quapropter si dixeris, febrem esse caloris natiui accensionem, nihil doces ferè; nam & ira etiam accendit calorem natiuum, & Sol æstiuus in nobis, & in plantis. Si autem addideris in animali, & homine; hoc etiam ab aliis causis factum, non est febris. Si addis in venis & spiritu; non exprimis naturam febris. Tandem addens, ad putrefactum humorem coquendum & expellendum; tunc attingis naturam: quia causam materialem, in qua fit accensio, & propter quam, apposuisti. Sed ex hoc agnosces, in lib. 7. quod febris non est verè morbus, quando de naturæ intentione est. At tunc demum satisfacisti, cum dolores & rigores, cæterosque effectus comprehenderis, & totius accensionem. Et hoc verum est in communi. Sed in febre huius indiuidui curanda, oportet non modò accensionem, sed accensionis modum, & tempora, & circuitus, & moras, & quibus in vasis, & propter quem humorem, aut fuliginem, aliudve excrementum: & quid fuit in causa retentionis humoris prauis; & quæ causa prauitatis præcessit: & quid impedit, aut lædit: quibusque causationibus, & instrumentis, & cognitionibus. Has autem res similitudinibus idealibus in rerum natura declarabis, ut similitudine belli ciuilis, & ignis accensi,



accensi, & conuerſionum pluuiialium: non vna. Quælibet enim res & rei modus, ſuam habet in natura: & melius declarat vicini-  
or, quàm remotior, vt in *Logicis*.

*De Cauſis morborum, & forma morbi, & effectibus  
cognoſcendis.*

ARTIC. II.

**C**auſas morborum innascentium actiuas, & materiales co-  
gnoscimus. Primò in formalibus: Omnis enim cauſa ſi-  
militudinem ſuam in forma effectus ſui facit: qualitates autem  
cauſarum, & quantitates ex effectus quantitate, & qualitate; vt  
podagræ cauſam ex tumore, & motus impedimento, ſcimus eſſe  
fluorem ex capite deſtillantem. Ex acumine verò doloris, &  
exili duratione, ſcimus eſſe acutos tenuēſque, & acres fluores.  
Ex hoc deinde ciborum acrimoniam, & capitis calorem venamur  
priores cauſas.

*Qua via in-  
ueſtigatur  
actiua &  
materialis  
cauſa.*

**2** Sunt autem cauſæ formales 13. videlicet, deſtillatione, obſtru-  
ctio, inflammatio, refrigeratio, inflatio, putrefactio, vlceratio  
mor, ariditas, immobilitas, tremor, relaxatio, paſſio ſpiritus: quæ  
plerumque miſcentur.

*Formalita-  
tes phyſica  
13.*

Morborum verò illatorum, qui pertinent ad Chirurgum, cau-  
ſas formales inuenio contuſionem, vulnus, quod incifione, aut  
perforatione fit; luxationem, fractionem. Horum facile ſcimus  
cauſas, quas nec Medicina curat, niſi qui ſuperſtitioſè enſem  
medicinis afficiunt: aſſeruntque ſic vulnera eo illata enſe ſanari,  
de quibus alibi. Illorum verò cauſas tollere oportet, de quibus  
iterum.

*Chirurgia  
quatuor.*

**3** Deinde tales cauſas ex effectibus iterum cognoſcimus. Co-  
lores enim, & odores, conſiſtentia, qualitates vrinarum, & ſter-  
corum, anhelitus, & ſudorum, & excretionum, peccantes indi-  
cant humores, & virtutis naturalis inſuper ad eos vincendum,  
quantitatem. Nec modo agentes tantum cauſas, ſed etiam defi-  
cientes inquirimus. Morbi enim cum ſint præter naturam, de-  
fectus cauſarum potius præiaciunt, quam robur.

*Quomodo ex  
paſſionibus  
effectuum  
quingue  
agnoscuntur  
morborum  
cauſe enu-  
ſantes & de-  
ficiētes.*

**4** Igitur ſi deſtillationis cauſam in vrinæ cruditate, & ſterco-  
rum, inuenimus eſſe fumos craſſos in ventriculo genitos: non  
modò cauſam materialem ſcimus eſſe cibi craſſitiem: ſed acti-

*Exemplum.*



uæ loco ponimus ventriculi ad coquendum debilitatem : quam vel innatam venamur , vel ab impropotione ad tantum cibum , vel à coitu dissipante vires ; vel aliis causis.

Ex præceden-  
tibus cau-  
sis & occa-  
sionibus, ite-  
dem morbo-  
rum causa  
propria in-  
uestiganda.

5 Quapropter tandem venabimur causas ex præcedentibus cibis, potibus, & exercitiis, otiis, excrementorum retentionibus, aliisque accidentibus, & viuendi ratione , & temperamento corporis, & ex obiectis sensuum & appetitionum, & ex cælo, & constitutione, erecta figura in puncto decubitus , vt ex lunatione præcedenti, & eclipsi , & cometa si præcesserint : ex quarta anni , & anni dominio , & concordia prædictorum cum apheticis locis genituræ ægrotantis ; & dominis directionum , & progressuum, & ingressu planetarum ad illos, vt in Astrologicis non superstitionis, sed physici, docemur. Sic enim & communes, & proprias sciemus causas morbi : quæ si concordant , effectum illustrem , & ingentem producunt : si discordant , modicum, & umbratilem : pro rata tamen vincentium plus minus.

Documen-  
tum.

Apprimè  
notandum.

6 Medicus iudicat de causis non secundum naturam , sed secundum nos. Cichoream à calore genitam dicit frigidam , quia iecur refrigerat : sic de singulis.

*De Morborum sedibus ex symptomatibus , & effectibus  
cognoscendis generatim.*

CAPVT III.

ARTIC. I.

Duo indi-  
cant sedem  
morbi.

Læso fun-  
ctionis spiri-  
talis, aut  
humoralis,  
aut organi  
solidi indicat  
sedem morbi,  
spiritum, aut  
humorem,  
aut solidum  
si per essen-  
tiam, non per  
consensum.

1 Sedem morbi symptomata, & effectus indicant.

2 Præcipue autem læsio functionis : si enim operationes animales læduntur, in spiritu animali morbum indicant , siue functiones illæ sint potestatiui , quas nimius motus, aut nimia ira deprauat : & omnis exorbitantia passionum in primo libro narratarum : Siue cognoscitiui, vt cum imaginatio, aut memoria, aut credulitas, aut discursus , aut sensus non rectè suum officium faciunt : Aut appetitiui, vt amantium passionem exorbitantes indicant : qui etiam se ipsos interimunt ; & furere alij : mentem enim sedem morbi physici non esse diximus. Hæc autem indicant morbum in spiritu , cum ab obiectis talium passionum fiunt ; non autem cum per consensum : læso enim cerebro , etiam læditur spiritus ab humore prauo ; sed sedes morbi est cerebrum : quo purgato morbus , & spiritus etiam sanatur.

Nunc



Nunc autem morborum sedes per essentiam quærimus. Si verò læduntur functiones humorum, quæ sunt nutrire, emollire, vngere membra ad motum, & alia à principio narrata; tunc facile in humoribus intra, vel extra venas, aut in visceribus, fontibus, & vasis eorum, morbum intelliges. At cum solidi corporis officia deprauantur; tunc in sede corporis morbum inuenies: in eaque corporis parte, in qua est deprauatio; vt in podagra manifestum est pedem esse sedem: quoniam ipse pes ambulare non potest: in peripneumonia pulmonē, qui difficilè respirat: in asthma musculos intercostales, qui difficilè eleuantur. Et sic de cæteris explorabis organa appetitoria, sensoria, & potestatoria, percurrendo an rectè suum exequantur munus. Potest quidem non læso organo functio lædi, vel expediri, vt in somno functio manus, & in vteri affectu functio linguæ: quoniam non lingua, sed spiritus, qui linguam mouet, alibi impeditur: quod non accideret, si potentia esset forma organi, vt Aristoteli ponitur. Non enim pateretur functio, nisi organo læso. Hoc nota, vt organum non semper morbi sedem facias.

*Qua non læso organo lædi quæritur functio organi.*

### De symptomatibus speciatim.

#### ARTIC. II.

**S**ymptomata autem consignantia, sunt, quæ morbum concomitantur in sua sede, vel in vicina. Hæc autem clariora sunt in solido. Nam vbi dolor, & sudor, aut alia excretio, ibi morbi sedes. Vomitus, fluxus alui, tremor, rigor, sanguinis eiectio: mentis alienatio, tumor membri, & febris in eo: vociferatio, desiderium rerum in consuetarum, & alia huiusmodi, quæ in morbi declaratione fiunt, clara symptomata sunt, sedem morbi, & qualitatem, indicantia.

*Vbi symptoma, ibi morbus.*

#### De dolore.

**D**E dolore nihil dubitandum, quin propriè morbi sedem ostendat: non enim dolor podagræ, nisi in pede; nec strangulationis vteri, nisi in vtero: nec asthmatis, nisi in pectore; nec cardialgiæ, nisi in ventriculo, licet aliæ partes condoleant. Dolor autem est affectus sequens sensum præsentis mali, vt di-

*Vbi dolor, ibi sedes morbi.*



*Quid dolor,  
quod volu-  
ptas.*

ctum est in Phys. sicut voluptas est affectio sequens sensum præ-  
fensis boni. Malum autem est, quod destruit substantiam, aut  
qualitatem, aut quantitatem, aut ordinem, aut symmetriam, in  
quo fit: sicut voluptas conseruat. Quapropter non sola conti-  
nui solutio facit dolorem, cum non sola sit malum: est enim  
malum compressio spiritus in membro inclusi, & luxatio mem-  
bri ordinem deturbans, & spiritum afficiens compressione, &  
torsione. Item intemperies frigoris nimij, nimijve caloris; & in-  
crassatio; & attenuatio nimia; & quidquid à vitali compositum  
suo modo aufert, aut impedit, dolorem causat. Per accidens  
tamen dolor solet esse medela; vt cum amara medicina extra-  
hens choleram, qua transít qualitatem mutat; aut sectio venæ  
afficit dolore, soluens continuum, vt exeat sanguis morbosus;  
sic & voluptas, licet sit sensus boni: vbi tamen bonum illud ex  
malo admisto, causa per accidens est mali; & affectio sequitur  
mali. Anima quoque saucia amore deferentis amasiam dolet,  
quoniam tali bono priuatur: sanatur tamen à tali morbo, quod  
in tali bono, cuius sensus affectio est, illa impura voluptas in-  
erat.

*Quot modis  
fit dolor.*

*Si non dolet  
ubi est cau-  
sæ doloris, abest  
spiritus.*

Si autem dolor non sentitur in affecto membro, signum est  
spiritum inde abcessisse.

### De Sudore.

*De sudore  
symptomati-  
co indicante  
sedem morbi.*

**D**E sudore, qui est excrementosi roris in cutem eiectio, talis  
ratio datur. Cum enim morbus in membro aliquo est,  
spiritus eò accurrit, vt auxilietur, & tunc aucto calore, moru-  
que ros ibi inhaerens exprimitur. Manifestè enim cum caput  
dolet, exudat. Similiter crus, & manus læsa. At quidem in-  
flammatiò quædam præcedit sudorem. Cum autem quis toto  
fudat corpore, toto quoque febricitat. Hæc de sudore comi-  
tante. Nam sequens morbi affectionem, est sequens effectus  
criticus, indicans naturæ victoriam, non symptoma morbi.

### De Tumore.

*Tumor sym-  
ptom. & cri-  
ticus index  
qui.*

**T**umor eadem ratione fit; quoniam humores prauis super-  
fluique in membro affecto congesti, augent illud, faciunt-  
que apostema, per partem laxiorem exire contendens. Vnde  
capitis



capitis purgatio fit per apostema ponè aures : pectoris in axillas; abdominis in inguina. Sed hi tumores ad effectum criticum pertinent verius : ad symptoma verò, quæ comitantur, vt in pede tumor podagræ; papulæ in pestilentiali febre : tubercula in morbo puerili, in toto humoris prauæ abundantiam indicans; quæ tamen pars morbi computatur.

*De Alui, & oris emissionibus.*

**A**lui fluxum, & vomitum non subito indicare in intestinis, & in ventriculo morbum, oportere, febres ostendunt : in quarum exordio spiritus ad interiora reuocatus viscerum educit ingestiones. Timor etiam hoc facit absque morbo, & reuocatione fugientis ad inferiora. Sed si purgentur quæ morbifica sunt, tunc symptoma esse dices. Solet enim bilis abundantia, aut alterius humoris peste affecti turgentisque facta spiritus auocatione effluere. Cum autem ventriculus afficitur, eius symptoma est cibi adhuc crudi eiection, difficilisque retentio, & inappetentia. Cum viscera, chyli educatio antequam à iecore exugatur : & sanguinæ guttæ, ex viscerum corrosione; & alii modi, quæ sapiens Medicus perscrutabitur, ex consensu, & per essentiam.

*Vomitûs & eiectionis quædo, quid, & ubi significant morbum.*

*De Tremore, & Rigore.*

**T**remor, & rigor, spiritus fugam, timentis cum humore aliquo malo in principio pugnare : siue corrosionem, & acrimoniam in membro, indicat, à qua fugiat. Idcirco membrum destitutum à mouente spiritu se in suo motu, & officio continere non valens, partim attollitur : partim deprimitur; quod est tremere. Rigor verò sensus frigoris est, & tamen nullum ibi frigus, vt fingit Galenus ex elementorum congerie; & Hipp. ex insectanti pituita; sed sola caloris absentia per abscessum spiritus, sensum frigoris facit; quemadmodum in timore, quem gelidum vocant poëtæ, experimur; vbi sola fuga spiritus in parte derelicta frigoris sensum facit : minor enim calor, & eius absentia, frigus apparet : vt in Phys. Vbi autem tremor, & rigor : ibi esse humorem lædentem, aut pungentem oportet. Manifestum est enim in quartana acrem humorem exuberantem in

*Quid significet tremor & rigor. Qui fiant.*

*Quid tremor.*

*Quid rigor.*

*Hipp. in lib. de Spiritu.*



venis, & ad musculos effugientis, talem efficere rigorem ab humeris ad renes. Sublato autem vapore accensus hæc facit humor. Deinde sequitur inflammatio, accenso spiritu capeffente pugnam; & pulsationes ex paruis, raris, tardisque fiunt magnæ, crebræ & veloces; quibus attenuetur sanguis, & humor prauus; expellaturque simul. Horror autem fit cum acer per cutem educitur humor, vt bilis.

### De Febre symptomatica.

*Illatio necessaria, quod febris symptomatica sit. vid. lib. 1.*

**Q** Vapropter febris omnis symptoma videtur esse, nõ morbus. Est enim inflammatio spiritus contra morbum, propter hunc finem, scilicet expellendi noxijs humoris, vaporis, & excrementi. Morbus autem finalem non habet causam, vt superius dicebamus. Febris ergo symptoma, non morbus est: nisi fortè hectica; de quibus infra. Et sicut coctura morbificæ causæ, vt humoris in apostemate, non est morbus: sic febris in venis; sed bellum.

*Febris nequaquam indicat in morbo.*

2. Omnis febris videtur Galeno morbum cordis annunciare. Iidem perperam. Nam quæ in inguinis apostemate fit, in toto incipit, vbi opus est accenso feruore ad coquendos humores peccantes. Et hoc manifestum est in multis passionibus solius animi.

*Quid sit, & quid indicet suspirium.*

3. Nec suspiria cor læsum indicant; sed spiritum cogitantem aliquid attentè, cuius causa intermittit pulmonis motionem, ad quam reuocatus malo illius, reficit subitò respirationes intermissas: quod est suspirium, symptoma indicans tam spiritus in cogitando, admirando, aliudque faciendo, quam corporis functiones, labores, seu anxietatem.

*De febri communi & topica.*

4. Febres sunt symptomata in vasis, vbi communiter in corpore grassantur. Vasa enim ad totum corpus pertinent. Accensione vero membrorum sunt febres particulares, ibi morbificam causam indicantes.

*Symptom. morborum qui in spiritu.*

Quia autem morbi fiunt in spiritu, habent pro symptomatibus suspiria, vociferationes, spiritus immanes, verba peregrina, alienationem, eiusdem rei rememorationem, stupores, & læsiones alias functionum spiritualium: quales in furore, ac Dæmonoplexia contingunt.



## De effectibus.

## ARTIC. III.

**E**ffectus morborum, qui cum passione non sunt, sed ex eis suboriuntur, indicant sedem morbi: croceus enim color in icteritia pallida, indicat in vesica fellea obstructionem. Niger in liene. Rubores iecoris inflammationes. Arenula in vrina renum morbum. Adeps eorum inflammationem, si non fueret: si fueret, corporis colliquationem, & cat. quæ in vrinis, stercoribus, & spuitionibus considerari solent. Vnde etiam eiectiones fiunt, ibi morbus. Neque enim si spuat sanguinem, subito pulmonem læsum iudicabis, nisi sanguis sit spumofus, & spirituosus, & rubicundus valde: qualis in pulmone; & cum pectoris nisu excreetur. Sunt etiam in vnguibus indicia sanguinis deprauati, quando ibi transparet magis; & in labiorum collapsu spiritum mouentem musculos abire intelligimus. In ordine seruato vires seruari. Item ex macie faciei, ex linguæ colore, & crassitie humoris naturam, & propè locum; aliæque signa, de quibus particularis fiet sermo, habemus. Neque insomnia excludimus, & eas animi passiones, quas talis humoris, & temperamenti sequi per Physiologiam agnouimus. Atrabiliosi enim solitudinem amant: fastidio habent omnia: extranea vident, horrendæque: diuinant: furunt: terrentur. Quas passiones in ægrotante, atræ bilis abundantiam significare planum est. Facies acuta, pallens, subnigra idem contestatur. Cholerici, amarulenti, iracundi, pugnaces, impatientes, acuti, mordaces, vultu subflauo, macilenti, impetuosius. Quæ in ægroto pariter flauam bilem abundare admonent. Eius sedem fel, & venas ergo purgabis.

*Sedis morbi  
signum ex  
colore.*

*Ex spuro.  
In vnguibus  
& labiis.*

*Signum atrabiliosorum.*

*Signa cholericosorum.*

Pituitosi spuunt, excreant, torpent, ociantur, tædio tenentur summo, corpulentia; albidi sunt, vntuosi, sordidi; quæ abundantiam pituitæ in morbo annunciant: & febres symptomata aliter in aliis humoribus accenduntur, ex quibus peccantes humores, & sedem facile inuestigamus, vt infra.

*Signa pituitosorum.*

Sanguinei hilares, iusti, temperati, benigni, rubicundi: sed cum irascuntur seruant iram ob sanguinis abundantiam: sani, volupciosi: non tamen faceti, quod est melancholicorum acuminis ad fugiendas internas fuliginum pugnas. Horum non est infirmitas

*Signa sanguineorum.*



mitas. Sanguis enim excrementum non est : sed cum nimis abundauerit ebullit , & rumpit venas : & sanantur phleboto- mia , & frigida potu. Tamen ex his intellige , quomodo cætera excrementa mista sanguine , vel inuicem afficiunt ægrotantem. Aliarum temperierum priscis innominatarum , signa ex his per- pende.

*De Morborum formis.*

CAPVT IV.

ARTIC. I.

*Medicina sive  
morbifica  
causa con-  
traria, sed  
verò morbo-  
rum amica.*

**C**Um igitur morbi causam, sedemque inueneris : tunc me-  
dicinam applicabis contrariam per se , aut per accidens,  
morbificæ causæ: hoc est eius expulsionem peremptiuam, & im-  
peditiuam : sedis verò amicam, fotiuam, roboratiuam, instaura-  
tiuam , vt in primo capitulo.

*Cur de cau-  
sa formali  
generationis  
& generationis  
morborum*

Quoniam vero non nisi concocta medicari, cruda autem non  
mouere , nisi vbi materiæ turgent : iubet Hippocrates; quod non  
nisi in morbis, qui ex humore, & superfluitate peccante accidunt,  
intelligimus : nullas enim coctiones in vulneribus & fractioni-  
bus expectamus , & in huiusmodi multis. Natura autem  
causas præfatas, vt attenuatas vincat, pellatque: propterea  
de morborum, generationisque eorum forma , iterum dicamus.  
Et primò.

*De Destillatione.*

ARTIC. II.

*vsus destil-  
lationis na-  
turalis: &  
noxæ præ-  
ternaturalis.*

**F**orma morborum ex destillatione ita est. Cùm in ventricu-  
lo fumi, vaporésque crassi fiunt ex copia ciborum, & insuf-  
ficientia coquentis virtutis eleuati, in caput, quasi in hominis ce-  
lum, feruntur : ibique loci angustia concreescunt, sicuti vapores  
in aëre, & in ollæ operculo : sicque deorsum labi in humores re-  
dactos necesse est : Eisque vtitur fluoribus natura ad vngendum  
musculos, articulos, neruos, membranas, & ossa totius statuæ , ad  
motum faciliè edendum ; & ne ab inuicem affricatione lædan-  
tur. At vbi copiosiores, & crassiores, quàm hisce functionibus est  
opus , generantur : tunc functiones per obstructionem, & com-  
pressionem interlapsu factas lædunt, & ibi morbos, vbi hoc acci-  
dit, efficiunt. Siquidem inter neruos, qui ex capite ortum habent,  
fluores



fluores eiusmodi delati spasmos faciunt vel linguæ, si in nervos eius, vel brachij, vel maxillæ: ibique læditur sensus, & motus, qui per inambulante[m] fiebat spiritum occlusa via: siue humor fila, ex quibus nervi componuntur, interlabatur, siue per filorum medium; nam & sic stringit vias spiritus. Cum autem non penitus obstruit, paralysem facit in membris s[ed] iritu modico illapso, non potentis penitus erigere, moueréque membrum, ac sic fit tremor; dum pondus solidi deorsum, & vis spiritus sursum, aut aliò attollit.

*Morbi in  
nervis ex de-  
stillatione.*

Fit & in spina, & in nervis ab ea exortis spasmus & paralytis: sed vbi totaliter, vocatur apoplexia, vt suo in loco patebit.

2 Si autem destillet humor crassus in guttur, facit raucedinem, & vbi acutus est, insimul anginam enecantem. Si in pulmonem, peripneumoniam; vt vbi falsus est etiam, corroditque pulmonem, elicitque sanguinem, phthisim. Si in musculos intercostales, impedit pectoris motiones, quod est asthma. Et vbi corrodit, pleuritidem; quæ solet catarrho admisceri. Fit etiam catarrhus destillatione in collum: & vbi nimia suffocat: propterea non modò ex cibo, sed ex aere crasso, intra caput condensato in fluores, nascitur: & vbi in caput, & cutem nimius morbus vulso, castrone, in ventriculum verò hienteriam, & in appetentiam.

*In gula &  
pectore.*

3 Sin verò intra cutem, & nervos, & ossa, & musculos fluit, articulos impediendo, vel manuum, quod est chiragra: vel coxendicum, quod sciatica vulgo; at rectius ischias: vel genuum, quod gonagra: vel pedum, quod podagra. Ecce ex vna causa, quot morbos. Qui erunt acuti, aut obtusi magis, vel minus pro qualitate humoris, dulcis, falsi, tenuis, crassi, acris, &c. in capite etenim coquitur etiam. Durat autem pro quantitate humoris, & euaporationis.

*In articulis*

4 In his membrum læsum confortabis, caput & ventriculum, vbi causa, corriges: at quæ ingeruntur prius considera, ne forte sint horum materia.

*Cura.*

Causam quoque materialem subtrahes originariam: quæ enim in membro congesta est, coctione, & purgatione eger: alibi alia. Hyssopus enim pulmoni, & mel; pedi viola, & rosmarinus confert. Educitur autem humor in sua specie, vel in tenuitatem redactus. Væ autem vbi partes crassiores induratae perseverant.

5 Omnes morbi ex destillatione perficiuntur obstructione:  
M igitur



igitur destillatio ubi exoritur, morbosa: secus enim vngit partem ad functiones quamque suas, ut dictum est.

### De Obstructione.

#### ARTIC. III.

Duplex ob-  
structio.

Ictericia fla-  
ua ex obstru-  
ctione fellis.

Nigra ex  
lienis.

Ex reni  
obstructione  
color & ru-  
bra urina  
In vesica  
urinaria fit  
alba: obstru-  
it etiam ca-  
runcula can-  
dem.

Ex iccoris  
obstructione.

Ex mesari-  
orum ve-  
narum obstr.

**O**bstrectio autem non modo influente humore aduenticio fit, sed etiam crassitie sui nutrimenti, aut excrementi in membro quouis. Igitur dictis obstructionibus adde, quod si via bilis flauæ ad fel obstruitur, & talis humoris crassitie mista crassiusculis: tunc cum sanguine per corpus ex venis spargitur: vnde totus homo fit croceus, qualis est bilis: vocaturque propterea morbus regius; auro enim teguntur croceo Reges; & ictericia flaua.

**2** Si obstruitur via atræ bilis in lienem, eadem ratione mista sanguini, corpus tetrum, squalidumque redditur, vocaturque ictericia nigra eiusmodi morbus.

**3** Lienis tumentis alius morbus est, cum venæ eius ad ventri-  
intestinum, vnde expurgantur, obstruuntur; & tunc creantur non valdè.

**4** In renibus quoque cinis, & viscositas solito maior, obstru-  
ctionem pororum, per quos vrina colatur, facit; vnde renum do-  
lores. Quæ etiam si induratur, lapidescit: hinc solemus arenu-  
las rubras sanguine renum mingere: cum enim albæ fuerint, in  
vesicæ fundo ex subsidentia feri ingenerantur: & cum gran-  
diusculæ sunt, obstruunt etiam meatum ex vesica in veretrum,  
difficultatemque mingendi ingenerant: quam etiam si caruncu-  
la ibidem creuerit, fieri scimus. Corrosiuis, & aperitiuis pharma-  
cis curandum.

**5** Fit etiam in iccore obstructio peior ex sanguineo chylo, in-  
durescente robore iccorarij caloris: & tunc praua fit nutritio  
& inflammatio, & deprauatio sanguinis, quæ in cutem vsque  
diffunditur rubescentem, vlcerosamque exinde redditam.

**6** Ostiola etiam mesaraicarum venarum sugentium chylum  
in intestinis oppilari viscositatibus frigidis solent. Vnde iccur  
tenuiorem solum trahit insufficientem nutritioni in status verti-  
bilem: vnde macies, punctiones, aliæque mala.

**7** Pessimum autem est intestinorum viæ obstructio, qualis in  
colico



colico dolore, & in voluulo. Vnde etiam per os stercus egeritur.

*Ex obstructione intestinalium.*

8 Ostiola quoque ventriculi oppilata appetitum tollunt: non enim suctionis sensus ex venis in ventriculo tunc protenditur: concoctio etiam mala fit, quoniam vix euaporant fumi, & succi tenues non transeunt: ex crassis deinde viscositatibus fiunt prauus appetitus, & citra, & putrefactiones, & vermes in fundo: de quibus omnibus speciatim deinde ratiocinabimur.

*In ventriculo.*  
*In lib. 6.*

9 Cor obstrui haud posse credo absque morte: neque enim fons, quo recipit sanguinem, neque alius, quo emittit, oppilatur, quin spirituum cesset paulò post generatio, & vita.

*Cor non obstruitur absque morte, ut neque pulmo.*

10 Nec pulmo absque respirationis cessatione vel ex parte, si enim ex toto, mors sequitur: qualis in igne fornacis non infusflato. In peripneumonia autem mediocriter accipitur, ut dictum est.

11 Venas, arteriasque posse obstrui, nisi capillares, credo, quæ connutriti membri læsionem, & macredinem faciunt.

*Venarum quarum obstructio.*  
*Quæ cerebri obstructiones.*

12 Quid obstructiones cerebri faciant, ex destillatione sciimus: & apoplexiam, & epilepsiam, & lethargum inde celebramus: cæcitas, surditas, inodoratio ex neruorum à cerebro deductorum obstructione, ne transeat spiritus sentiens, etiam

*Obstructio cutis pessima.*

13 Infelicitissima totius cutis obstructio. Fulgines enim, & excrementosi humores partes tenues disponunt ad colliquationem aucto ibi calore contra illos; & sic hæctici fiunt multi; de quibus infra. Palliditas, & deformitas etiam sequitur cutis, & coloris; & cum cruperint, vlcera & serpigines.

14 In mulieribus vero vteri obstructio dira: siue seminis, siue sanguinis menstrui concreti fiat crassitie. Quæ nisi expurgentur, deliquia, deliria, furores pariunt.

*Vteri obstructio.*

15 Medicinas adhibebis, quæ vasa obstructa deforis, & intus vngant, ut expandantur, & transitum humoris facile patiantur: intus verò aperituias viarum, ut borraginem, petroselinum; ac simul incisinas, ac corrosiuas humoris crassi, ut acetosarum rerum portiunculam, & mellis, & huiusmodi. Adde etiam subtiliatiuas, ut intenuitatem redactus exhalet. Quod si fieri nequit, ut in chiragra, quando calcinosas in concretiones indurescit, difficillima est curationis etiam per oleorum puritates, quas quintas essentias vocant. Quodlibet tamen membrum proprias eiusdem generis sibi vendicat medicinas.

*Cura generatim.*



## De Relaxatione.

## ARTIC. IV.

Qui morbi  
ex relaxa-  
tione.

**R**elaxatio contraria est obstructioni, cum videlicet aded  
Apertæ sunt præfatæ viæ, vt nec quantum oportet retineri  
queant excrementa, nec transitus nutrimenti non præpropere  
fiant. Sic quasi sanguinem quidam facile sudant: alij vrinam non  
retinent, aliis menstruus sanguis continuò effluit: alij appetunt,  
canino more, semper impleri. Aperiuntur autem viæ nimio  
calore, & humiditate, & fibrarum extensione ab iis, vel solutio-  
ne continui.

2 Horum medicina est per subamaras, stipticas, viscosas, cras-  
sasque res, vt suo in loco.

3 Et absque inflammatione, quæ natura in obstructione ad  
tollendas causas obstruentes fit. At vbi adest inflammatio in re-  
laxatione, pessimum: indicat enim vires morbo cessisse penitus:  
nec excrementa, nec nutrimentum amplius tenere posse. Vnde  
etiam vulgo periculosi fluxus alui cum febre existimantur; qua  
vita quoque cessat.

## De Inflammatione, &amp; febre.

## ARTIC. V.

Quot modis  
fit inflam-  
matio.

**I**nflamatio autem fit aut solius caloris augmento ex addi-  
tione, vt qui ad solem, aut ignem laborant, incalescunt.

2 Aut motione calorem excitante, & augente, vt exercitio ni-  
mio vacantes, etiam sub recto frigido: nam & ferula à sole calc-  
fit: & à confricatione.

3 Aut irritatione; sicut niue frigefacta manus, ad cuius frigus  
pellendum concurret calor: similiter in percussione membri, &  
compunctione: accurrit enim spiritus calidus, vt malum amo-  
liatur: quod etiam in vlceribus experimur.

4 Aut additione rei accidentalis, vt ventriculus vino repletus  
generoso.

5 Aut angustia loci, vt cum multus sanguis in venis ebullit.

6 Aut inanitione, aut cum cibus deest; & sanguis, & soliditas  
vruntur.



7 Aut spiritu bellum parante aduersus noxias res, siue externas, vt in iracundia: siue internas, vt in febribus.

2 Est autem febristriplex. Ephemera, quæ accenditur principaliter in spiritu, quia ibi est causa, contra quam pugnare debet. Alia dicitur putrida, quia putrescentibus humoribus ad hos pellendos calor inflammatur primo, & causaliter, licet per consensum in toto composito fiat febris. Tertia hectica, quæ in toto solido grassatur principaliter. Nam quæ in parte aliqua sit, vt in apostemate inguinis, hectica non est, sed putrida topica dici potest.

*Triplex inflammatio febrilis.*

3 Diariam facit potens subitaque causa, vt ira, attentio nimia, ob caloris vnionem ad vindictam, aut ad considerationem in spiritibus. Item inedia: accenditur enim spiritus, vt pascatur: quæ si durat, facit hecticam, pascendo solidum. Item vigilia ob laborem. Item somnus grandis, quia excrementa non pelluntur. Item tristitia, quia demittit functiones, corpori debitas, vnde fulgines non pulsæ, & actus intermissi reuocant spiritum ad subito pellendum, & reficiendum: idcirco incalescit. Valdè quoque crassus aer, aut frigidus valdè, aut calidus, aut infectus, spiritum deprauat, obligatque feruori. Causa hæc in tenui spiritu parum durat, idcirco in 24. horis plus feruore discutitur diario, & per contrarias applicationes curatur: vt inedia per escam: vigilia per somnum: attentio per relaxationem studij.

*Causa diariam inflammationem.*

4 E contra difficile curatur hectica, quæ causam accensionis, & sedem primam in soliditate habet, vel à reliquiis longarum febrium, quæ habitum relinquunt in excalfactis partibus solidis, aut cutis obstructionem, vnde cogitur calor ibi accendi, & augeri, & habituari; aut pulmonis vlcus: qui non belle, vt prius, calorem cordis expurgat, augetque: ideoque per arterias pusillus dispergitur, qui coctionem sanguinis venalis absolvere non valeat, nec expellere excrementa. Hinc accensio & simul solidi colliquatio suboritur, vt, cum de putrefactione erit sermo, patebit.

*De hectici inflammationis causis.*

Puto etiam iecoris inflammationem diurnam esse aliquando causam, quæ tenuem sanguinem facit, præcalidumque; qui intemperiem calidam nutritis partibus afferat: aut ab incendiis, vigiliis, & attentionibus nimis: excandescit enim spiritus, & in solidum, vt carens cibo, & excrementis abundans; inflama-



tur. Vnde duræ sunt tactui arteriæ, pulsus parui, crebri, & veloces, defectu spiritus, quem instaurare cupit: sic enim paruulum ignem insufflamus accendere volentes. Vrinæ autem tenues ex nimio calore paruaque substantia: & oleaginosæ fœtidæque ex colliquato solido.

*Triplex he-  
ctica.*

§ Est tamen triplex hectica. Prima, quæ pascitur humore communi. Secunda, quæ humore, quo solidum est conspersum. Tertia, quæ humore, quo est constitutum: sicut ignis lucernæ primò oleum consumit, secundò elychnio ebibitum, tertio humorem, quo elychnium constat natura sua. Vltimam nemo curabit. Secunda ex parte curabilis. Prima facillè curatur cibis humidis, & substantialibus, & aëre, frigidis: hilaritate, quiete, cutis apertione per balnea parum tepida, dehinc frigida, & per res humori innato consimiles, vt oua recentia, lac, pineos, pèrque oppositas res morbi causis.

*Putridarum  
inflammationum cau-  
sa & species.*

6 Dico autem hecticam perpetuam esse incessantemque, licet ob caloris exilitatem plurimum lateat: post cibum patet, quoniam materia, in qua accendatur adest, vt calcis calor iniectæ in aqua. Vnde patet in hectica potius ad spiritus utcunque fieri pulsationes, & nutrimenti gratia, quàm ad expellendum causas morbi in toto solido existentes.

*Contra Iou-  
bert. Gale-  
nista ex ac-  
censio humo-  
re putrido  
faciunt fe-  
brem.*

*Nos ex ac-  
censione spi-  
ritus contra  
humorem  
prauum.*

7 In putridis autem sic dictis, quoniam in putrefacto aliquo humore accendi putant sponte accendibili, vnde quidam omni febris iuxta dogma, sed perperam, subiicit bilem tenuem incendibilem. Nos intermissiones inuenimus, quando spontè si ritum accendi putamus contra humorem putrescentem: fierique in humore illo exinde accensionem, dum spiritus ipsum coquit, vt expellat: & propterea non continuari, quoniam pars humoris valida expulsa est: & spiritus hoc intermedio fœdere ad curam corporis regreditur. Crescente autem reliquo humore iterum spiritus feruet contra eum repetitis vicibus, donec totum extrudat. At vbi humor magnus est, prauisque qualitatibus intra vasa sanguinem, & cor, & vitalia afficiens, laborat continuò contra eum spiritus, donec vel ex parte adeò ipsum vincat, exque vasis extrudat, quòd à muniis necessariis impediri non possit: & sic fit intermissio, quæ periculum vitæ indicat præteruisse.

*De consi-  
nuiis.*

§ Si autem non potest ita vincere, præsertim in capillaribus venis clausum maligna affectione, vbi externa frigent, interna æstuant, præliatur donec perimat, aut perimatur: & in hac pugna accidunt



accidūt crīses sēpe vincentis, aut succūbentis indicia. Quales sūt sanguinis eruptiones, fluxus alui, & oris vomitus, sudores magni, &c. quę alleuiant vexationē cum profectū; & si sine profectu, indicant spiritum succubuisse relaxatis potestatiui, & cognitiui, & appetitui facultatibus, prostratisque; quę si durant, non prostratē sanitatem annunciant, & victoriam.

9 Quapropter omnem ob humorem exorbitantem fieri accensionem putamus, & cōtinuam, & quotidianam, & tertianam, & quartanam, & quinānam, & sextanam, & quadragenam, & annuam. Antipater enim poēta singulis annis eodem vertente die, febri eadem corripiebatur: & qui se verberare solent in sancta septimana, pruritus sentiunt singulis annis eodem tempore, quo non carent, nisi verberati iterum stillent sanguinem.

Ut plurimū tamen intermittentes extra vasa; & quotidianam a crudo sanguine, & pituita fieri non negem. Hęc enim crassa materia cibo reficitur, accersitque ad pugnam. Neque enim tota ex fibris venarum strictis egreditur. Indicat hoc incocta vrina crassaque sine sedimento: & pulsus plenus, non arens, sed humectus, & obtusus, & magnus.

Tertianā verò à bile flaua, quę tenuis est, facilēque & difficile reficitur, non nisi tertio quoque die: quod vniues, croceę, spumosa: pulsus acutus, ardens, celer, crebēque, docent.

Quartanam ex nigra bile, & fœcibus occasionem habere, quę non facilē, nisi post quartam diem reficitur ex sua minera. Quod pulsus magnus, asper, puncturis multis, expansus, creber, non ita celer, cum vrinis tenuibus, lucidis sui ordinis indicant. Sic in aliis rarioribus circuitibus.

10 Sed cum plurima est flaua bilis, quōtidie prouocat ad praelium; si causę materialis fomenta habet ex cibis, & corporis habitu, & animi passionibus; sed vno die est minoris afflictionis: & tunc Medici duplicem esse tertianam dicunt; nam altera pharmaco expulsa, altera remanet: & quoniam aliis horis reuertuntur. Sed argumentum nullum: possunt enim esse duo humores in diuersis vasorum partibus: quorum alter hodie, alter cras laceffit: & vnum modò purgari. Sed quę maior ratio, quę hic, & non ille; ipsi non dicunt. Ergo potius est idem humor, qui hac die anticipat horam, & à pharmaco ex parte purgatus, non potest quōtidie refici ad irritandum. Sic de duabus quartanis dicito.



dicito. Quas etiam ex flaua bile fieri raro concedimus: sicuti tertianam à melancholia. Humores autem inualidi, & tardè putrescentes, tardiores regressus habent. Annuos vero à temporis consimilitudine, & humoris, fieri; vt dicemus in morfu tarantulæ.

11 Cum accessiones anticipat, & paroxysmi augentur, potentior morbum, id est materiam eius indicant: cum postponunt, & minuuntur, spiritum.

Regula

Cura

12 His febribus missio sanguinis cum humore, & purgans pharmacum attractione, & pulsione conuenit; & cibus humidus facilis nutritionis, morboque contrarius, & non nisi in fine febris: quoniam pugna non impeditur; vnde frigus obest, nisi vbi non pugnat, sed inflammatio est à solo calore, vt in superioribus dictum est. Igitur pura inflammatio, seu febris sola frigida resanatur. Si autem est inflammatio ad pellendum aliquod malum, frigus obest, quasi qui ligat manus militantis. Sic etiam in febribus partialibus apostematum iuuabis calorem feruentem contra morbosum excrementum, & huic concoctiuas adhibebis res, & quæ vel in flatum, vel in pus illam vertant. Et tunc facto vulnere extrahes, & cessabit febris. Cautionem tamen appones, quæ vel diuertatur, vel purgetur prorsus: quæ enim relinquuntur in morbis materiæ, recidiuas facere consueuerunt.

### De Putredine.

#### ARTIC. VI.

1 **Q**uoniam & senium est putrefactio, & causæ morbosæ non videntur Medicis febrem facere, nisi putrescât, & cor lædant: quorum vtrumque falsum: sufficit enim nocumentum, & impedimentum functionis; ad quod demoliendum spiritus separet solitæ calefactionis, & motionis augmento, vbicumque opus est. Patet in apostemate, & obstructione, quæ fit in pede, vbi feruor ante cordis læsionem incipit, & non in corde: propter eaque de putrefactione generatim dicere oportet.

2 Non fit putrefactio educatione caloris natiui ab ambiente, vt putat Aristoteles, quandoquidem cortices mali aurantij, & herbarum in sole feruente, educuntque calorem innatum, & tenuitatem non putrescunt, sed indurantur & roborantur, & tandem putrescunt. In vmbra verò subterranei carceris putrescunt & colliquefcunt, & quasi vnguentum fiunt: neque relaxata materia

Citra putrefactionem  
non in corde  
potest febris  
oriri.

Aristot. in 4.  
Met. perpe-  
ram d. q. n.  
putrefactione  
fieri essentia-

adsci



adscititio immutatâque, vt aliis videri potest, non à natiuo. Etenim carnes in igne assantur, non putrescunt: in vmbra verò, vbi calor adscititius nullus, vel modicus, putrescunt: & homo in æstiuo feruore non putrescit; sed si anima abest.

*liter per educationem natiui caloris ab ambientis calore.*

3 Quapropter putrefactio, vel fit calore natiuo suum subiectum macerante, & relaxante ob sui augmentum: ideoque lapidis non putrescit, quia à proprio calore liquari nequit: neque ignis, quoniam totus liquefactus est, inque tenuitatem redactus: vel est non purgati subiecti ab immanente rapido excremento: vel immanente tenuitate dispositi ad consimilem passionem corruptela. Palam est enim quod aer sub fossis, & aquæ stagnantes putrescunt: quoniam quæ ab eis particulæ per motum, & calorem cæli segregari solent, non segregantur, sed remanent, disponuntque cæteras ad sui passionem. Sicut calor blandus in profunda clausus materia densa, liquefacit ipsam, quoniam quæ generantur tenuitates non exhalant, sed disponunt crassas etiam ad sui passionem, hoc est, ad attenuationem, ad quam peruenire non potentes ad liquefactionem solummodo reducuntur. In aperto autem eadē materia non liquefcit, sed induratur: quoniā partes tenuiores exeunt, non immanent. Sic carnes animatæ non putrescunt: quoniā anima expellit fuligines, & tenuitates, & in sua natura seruat remanētes. Mortuæ verò putrescunt, quoniā blandus qui remanet calor, agit in subiectū paulatim auctus, nec potest educere tenuitates & superfluitates, sed crassas illarum ope; omnesque simul atterit, disiungitque. Vnde postmodum vapores foetidi, id est, crassi ex crassa, & tenui materiaeducti exhalant. Vbi autem assantur calore nimio, aut sale iniecto, non putrescunt, quoniam tenuitates educuntur, & remanens crassities durior fit, non mollescit. Quapropter cadauera exiccatorum hominum inedia, & studio assuetorum, minus putrescunt. Quaproptereductio caloris natiui non est putrefactio, sed occasio aliquando, non semper: cum videlicet educitur robustus calor, & blandus, remanētque non potens subiectum expurgare paulatim auctus, dissecat, disiungit in particulas, & macerat illud ad iumento non exeuntis tenuitatis, aut fluoris. Vnde etiam lana putrescit in madido cubiculo, paruo calore sic retento ad macerandum. Nec adscitus putrefacit, sed auget innatum, vt possit in subiectum exerceri si inualidus est, & ipse ad educendum. Diximus enim igne, & sole, & sale multa non corrumpi, sed indurari: rancescunt autem falsa modico sale fluorem expellere non valente,

*Neque calore fit adscititio materiam relaxante.*

*Putrefactio est à caloris natiui augmento subiecti relaxatio.*

*Aer purissimus non putrescit calore suo, sed missi vaporis copula caloreque.*



& crassiores indurare partes.

*Major non  
est exiccatio  
& incinera-  
tio, sed putre-  
factio, nisi  
vocalibus  
abutamur.*

*Galenista.*

4 Aliud autem putrefactionis genus est eorum, quæ siccescunt, & incinerantur igne, estque post putrefactionem alicubi succedens mutatio. Cum enim putrent, & liquore fluunt res mediæ inter ignem, & lapidem; paulatim exsiccantur, sicuti res etiam quæ non putrent, & non fluunt. Succedit igitur mutatio mutationi, nisi vocabula confundendo marcorem vtrumque ponas cum his, quæ paruum ignem à maiori absorptum marcescere, & mori dicunt: senium autem utroque modo fieri.

*Conclusio  
quid non sola  
putrefactio  
ciet febrem,  
sed omnis la-  
sio.*

5 Febres igitur fieri, ubi quid obstruens impediatur, aut euaporans spiritum afficit: & non ubi modò putrescit, licet & hic fiat; palam est in morbo venereo affectis, quorum carnes marcescunt, seu putrescunt, & vlceras puris plena sunt: nec tamen febricitant, sicuti illi, quorum fuligines retentæ, aut obstructio ante putredinem materialis causæ febrem ciet. Si quis autem cogitet febrem fieri tantum, ubi intra vasa putrescunt humores, hoc est intra venas, arteriasque; catarrhus ipsum redarguit, sola cutis & capitis implectione crassi vaporis factus, febrem mouens. E contra bilis, obstructa follis vesica, per venas delata croceum facit nutritum luncum bilioso corpus: nec tamen febrem facit periodis recur- rentem. Putrescit etiam pars solida in hecticis absque febre, quæ putredinem expellat: sed quæ iuuat ut fiat.

*Videtur pu-  
trefactio fieri  
citra febr-  
em aliquando.*

*Responsio ad  
dubium.*

6 Sed forsitan febris est in omni impedimento, obstructione, tumore, vaporacione, saltem topica; ut patet in ea, quæ fit in solo vlcere, aut apostemate & podagra. Sed recursus fiunt, ubi causa impediens vincitur ex parte; & mox reficitur, ut suis in locis dicemus, & in multis patet. Vniuersalis autem non fit, nisi spiritu affecto, ut in pestilentia experimur; aut sanguine, ex quo, & ubi reficitur spiritus immediatè, sicut nec bellum vniuersale gerit ciuitas, nisi læso Rege, & iuribus eius, & Domino, & his, quæ magnopere, & immediatè ad ipsum pertinent. Vbi autem læditur domus, aut ciuis vnus, fit rixa, & duellum, & particulares rumores.

*Febris topica  
& communis  
vnde.*

### De Vlceratione.

### ARTIC. VII.

*Quid vlcus,  
& qui sit.*

Vlcus est ruptio solidi, vnde sanguis, & humores sciant: propterea vlcus non est ossis, sed fractio; est autem carnis, cutis, & neruosi generis: intestina enim vlcerantur. Fit autem

vel



vel externæ corrosivæ rei affricatione ; vel internæ eruptione.

Quæ affricantur si aculeata sunt, ardentia, & corrosiva ulcerant, ut allium, & capra, spina, quæ potius vulnerant. Vulnus enim non qualitate, sed quantitate secantis, & forantis rei applicatione infertur. Allium autem qualitate id præstat: quamvis Democrito idem sit, & ab aculeis affricatorum grandibus vel exiguis fiat.

*Non sola figura, sed qualitas diffusiva ulcerat.*

Quod non concedimus, cum videamus venena, & vaporem venereum non modò in applicationis loco perforare, sed etiam augeri per corpus totum, quod augmentum exigui aculei non habent, sed qualitas convertens corpus quod corripit, in naturam eius, unde emanavit, hoc operatur. Sic granum terram in plantam, & spicam vertit: & spuma canis rabidi etiam corpus, & spiritum hominis demorsi paulatim caninum facit.

*Probatum ex conversione.*

1 Mollificatiuis, & tepidis rebus ulcera illata colluntur. Aperiantur enim cutim, in quam immissa est qualitas, & calorem non exire in fluorem applicatum faciunt.

*Secunda pro-  
basio.*

3 Sunt de genere illatorum ulcerum ea, quæ in pulmone phrasicorum à descendente pituita salsa, corrosiva: nec curantur, quoniam pulmo non reficitur, cum ex spuma sanguinis originalis fiat; sicut nec neruus, qui ex albo semine, & continna non admittit consolidationem.

*De ulcere  
pulmonis.*

4 In dysenteria ulcerantur intestina corrosivorum transitu, & difficile curantur; quoniam continuus impedit transitus, & nervorum genus seminale alitur sanguine, qui modicus est. Propter eaque fibræ retinere haud queunt. Unde excrementa non facile immanent, & cum transeunt, augent ulcera, quæ viscosis cibis, carnibus, & calore viscosarum rerum umbilico applicatarum aliquando sanantur: sic & peritonæum ubi rumpitur, & intestina usque ad inguen, & ad scrotum delabuntur.

*De intestina-  
rum ulceri-  
bus.*

5 Ulcerantur renes la illis aculeatis, ibi genitis, & cinere. Latitantiis, & aperitiuis, lenitiuisque curantur. Similiter ubi semen retentum corrumpitur proprio ardore, vel vapore externo post calefactionem multam, solet collum penis ulcerare, diròsque facere dolores. Aperitiuis, lenitiuis, & causæ expulsiuis sanantur.

*De renum  
ulceribus.*

6 Quæ autem in cute accidunt, eruptione fiunt, vel superflui tantum, ut cum abundans sanguis erumpens ulcerat nasum aut excrementi tantum, ut cum humor catarrhi in labia, & nares expellitur. Aut superflui, & excrementosi simul, ut cum in erysi-

*De cutis ul-  
ceribus.*



pelate sanguis & bilis putrescens, vel vaporans, exeunt simul: vel in faciem, vel in crus, aut alibi: vlcérantque cutem.

*De febris cum  
viceribus tu-  
dicium.*

7 Has autem eruptiones febris superuenire melius est, quam è contraindicant enim bellantem spiritum vicisse, & causas morbi in cutem extrusisse: febris enim bellum est, vt diximus. At si febris eis superueniat, causam esse minimam indicat, quæ remansit, vt laceat etiam ad bellum, nec faciliè vincatur. Quapropter in peste correptis si papulæ exeunt, & febris iterum accendatur, malum. In apostematibus etiam vbi pus erumpit, cessat topica febris, & communis victore spiritu. At si nō cessat, aliam causam febris esse indicat, vel eandem non omninò expulsam. Conuulsioni autem, & obstructioni bonum est superuenire febrem; quoniam spiritus pugnam contra morbum intentat: qui sic obstructionis causam attenuat, minuit, pellitque, non autem eruptioni, sed è contra: Intrinsicari enim tales causas malum, vt patet in his, qui erysipelas, aut scabiem, aut tumores, non erumpentes, patiuntur.

*Ratio vlcera-  
mentis.*

8 Omne excrementum per aliquod foramen naturale, quæ decem enumerauimus, erumpit. Vnde cutis tota fuliginum eruptione perforata poris deprehenditur. Cum vero abundat excrementum, ita vt non sufficiant ordinaria purgationis foramina, frunt alia, quæ vlcera dicuntur. Manifestū est enim quod vbi cutis premittitur, cōteriturque; nec sanguis pressus erūpit; tunc eo cōcurrit multus, & alij humores, quos spiritus loci extrudere non valens accenditur, & feruet. Potens enim est calor se ipsum in subiecta materia augere; & quia sentit malum vniri, mouere, vrgere, pellere; tunc auctus macerat sanguinem illorum, & humores vnā cum excrementis; & in spiritum tandem vertit: qui tenuis ardēnsque foramen facit. Sicut enim ex tali occasione fiunt superflui, & excrementi concursu apostemata: sic etiam fiunt, vbi abundant humores, & superfluitates, quæ tandem in partes corporis laxiores, & rariores confluunt, vt sub aures, sub axillas, & inguina; alias alibi, vbi conualescunt.

*De causa  
morbillorum*

9 Est tempus puerorum, in quo exuberat sanguis, ardēnsque intra vasa non tenetur, & exudat in cutim, maculasque rubras facit, & febrem, quæ emissio sanguine, & frigidorum applicatione, cum prius totum exudauerit, sanantur.

10 Solent etiam in septennio, & quando ipsorum apheta læditur primum, in toto corpore multus humor erumpere, & spiritum:

ad



ad expulsiōem prouocare, & per totam cutem pustulas gignere albas, serofas: qui & oculi corneam aliquando obnubilat ita, vt cæci fiant: sed absterfuiis mundatur. Et si non expellitur in cutim totus, occidit aliquando tenellos. In maiusculis non fit nisi albissimis, & mollibus: propterea nec in alia ætate grandiori. Calor prodest, & eruptio perfecta.

11 Scabies quoque febribus superuenire solet, & contagio fieri ex falso humore corrupto abundante; qui vaporem corrosiuum generat ex rore infecto. Hic cutim forat & serpit; & extra vas actum sanguinem, & humorem in pus vertit: & tubercula facit. Curatur extinctione vaporis illius per sulphur, & purgatione iecoris, & ardoris qui in eo, & in sanguine.

12 Lepra etiam vlceratio est, quæ ex vaporibus, & humoribus deterioribus fit, innominatisque; neque atrabilis in cutem exiens sufficit, cum multi atrabiliosi careant illa; neque bilis flaua, neque mistio ob eandem causam, sed forte mista, & cum falsescunt, & amarescunt sufficiunt: difficilisque sunt curationis ob radiationem, & tenacitatem eorum. Sunt autem variæ species, de quibus alibi; optantque remedia cutem renouantia, & fortia.

13 Sic etiam apostemata alia curantur, quæ sola superfluitate, aut simplici excremento tument: alia non curantur, vt cancer, qui corrodit carnes, & nervos: etenim multa incorporantur viscositate vtriusque bilis, & cinere, & fuligine: oportetque temperiem totam renouare, vt in morbo formiculae pedes depascente. Scrophulae etiam ad lepræ speciem pertinent. Sic qui pilorum radices putrefacit, vel rodit salax humor.

14 Indicat recens lues venerea ita hosce fieri, quæ ex vapore fetido mēstruatæ mulieris in certam nouam intemperiem acto, ortum habet. Inficit sanguinem, & hinc soliditatem ita, vt marcescant extra vasa: & vlcerent. Sudoribus multis, & caloribus, & purificationibus intēperies curanda venit, vt suo dicetur loco.

15 Violentior autem pestis vlceratio, quæ infect per inspiratum aërem spiritu, in humores amplificatur, & soliditatē, & febrem commouet: & per loca apostematū cum excremento-  
sus mox humor auctus. Qui si intus retineatur, sua qualitate sanguinē, & spiritum deprauat perimitque; hoc enim est perimere, in aliud mutare. Multi autē generis sunt pestes, morbiq; contagiosi; qui ex vapore, & tactu cōmunicato fiunt. Vtq; calor calefacit: sic  
N 3 pestilens



pestilens res peste afficit, etiam vestes, & parietes, vt de lepra etiā testatur Moyses sanctus; de quibus suo loco. Omnis huiusmodi prauitas sui amplificationem, & generationem habet in consimili, non secus ac canis rabidi, & tarantulæ venenum, & sinapis semen, & calor, & frigus ex primis qualitatibus sic modificatis, & ex primalitatibus sic corporatis: quod symparhia, & antiparhia eorum docet mirificè, vt diximus in Metaphys. & 4. de sensu rerum.

De ulceribus  
podicis.

16 Ad viscera etiam mariscæ pertinent; cum in podice humor atrabiliosus, hæmorrhoidales per venas ex capite adustus illabens, ac tumescens, aliquando sola vlcera erumpens gignit: aliquando etiam ad instar mororum, fluore sanguineo tetro confecta, indeque excrecente. Quas sericeo filo fortiter excerptas secare vbicunque sint oportet; (Nam & in naribus enascuntur, & vbicunque copiosus erumpit, crassus concrescensque sanguis) & igne vrere, vt areseat cutis, nec accersat humores, sitque inepta excrementi: deinde exiccantium, & obstruentium decoctorum in vino fumis, & fluoribus solidare, v.g. cupressi fructuum, & corricibus glandium, & granatorum, & aluminis, & vitrioli; sed prius expurgato corpore per extractiua pharmaca sanguineæ fæcis, ne abundans exitumque non habens, deprauet totum. Idcirco vnam relinquere Hippocrates consuluit. Vtilisque probatur sanguinis ex podicis ostio fluxus menstruus pigris hominibus, mulierum similibus: quibus & cauteria, & fistulæ admittuntur, sed non absque periculo, ne caro intrus vicina paulatim ex descendente tabe putrescat, fiatque instar spongiæ puris plenæ, musculósque consumat vsque ad ossa. Secabis ferro; vtilius igne vres: & incarnatiuis curabis vnguentis. Sic cineres, calx, pili, arboribus superfluum succorum plenis vtilius ad radices adhibentur, quàm cauterium clauo adacto, licet non sic periculose, vt hominibus.

Ulceres ab  
igno.

et frigore.

17 Tandem ignis vlcera facit: tepido humore calorem extrahente, & poros conceptis flammulis aperiente sananda. Mox pomis non vnctuosis, nec acribus, acerosiue, sed dulcibus, pulposisque applicatis. Frigus quoque vlcerat multum: quia calorem, spiritum, & humorem fugat, extinguit gelatve: & sic partes solidas vitrificat, arefacitque: quod facit calor easdem res redigendo in tenuitates, & educendo, solidasque incinerando. Vtrisque eadē remedia, sed alia valēt ratione. Tumores ex prædictis nosti.



De Infrigidatione.

ARTIC. VIII.

**R**efrigerationem puram sanat calefactio, at si totum in corpore grassatur valida, sicut in 40. martyribus in lacum gelidum immisiss, non statim balneo tepido curetur, ne frigus per antiperistaltim ad vitalia perimenda feratur, sed per partes & in partibus. Sic etiam ubi vnum inuasit membrum Curantur etiam qui subterraneis carceribus frigidis tenentur, sole, & cibis, potibusque calidis: nec quippiam ab extremo in extremum ductum sanari putabis.

*Morbis ex  
infrigidatio-  
ne qui cau-  
randus.*

De Ariditate.

ARTIC. IX.

**A**riditatem inedia, & calor facit, & ventus multus. Curat exterius oleum, dulceque vnguentum, & balneum; intrinsecus verò vinum cibique multi humidi, & digestibiles, & pingues, brodiâque.

*Vnde aridi-  
tas, & cura.*

De Immobilitate.

ARTIC. X.

**I**mmobilitas non videtur formalis causa morbi: sed effectus obstructionis, ut in locali patet pedis, & manus immobilitate impedita, aut secta via mouenti spiritui. Et in vniuersali, quando via communis, & principium viarum impeditur: ut in apoplexia: ubi spinalis medullæ pori, per quos ad nervos spiritus mouens discurrit, occluduntur: aut cerebrū in epilepsia: vel impediti spiritus alibi, est indicium; motus enim ab eo sic in somno immobile iacet corpus, spiritu mouente ad interiora collecto: & in deliquiis, ubi in ca. ut aufugit, & corpus sine motu relinquit: & in strangulatione vteri, cum illuc confluxerit opem laturus destruendo corpus. Igitur vel organi, vel piritus impeditio, aut defectus, facit immobilitatem. Quam vel organi expeditione, vel spiritus, vel reuocatione per odores, & fætores, & frigida, curamus, attrahendo ad voluptatem, vel ad pugnam. Vapor lædens spiritum ad auxilium capitis cōcurrentem in Agnauæ antro immobilitat corpus. Frigida ipsum foras reuocat ad auxilium contra frigus, & sic motum restituit. De cæteris per hæc iudicabis.

*Causæ cu-  
a immobili-  
tatis.*



De tremore dictum est in symptom.

*Stuporis.* 2. Immobilitatem aliquando comitatur stupiditas, & insensibilitas. Idem enim spiritus dat motum, sensumque; quo absente, aut perempto, vterque abest totaliter: ex parte, si ex parte. In chira-gra enim motus digitorum abest, sed non sensus. Item quoniam inter cutem & nervos humor nervos premens fertur, & organum impedit, non autem spiritum inambulanti inter nervi fibras: idcirco sensus adest, non autem motus, licet adsit mouens; quoniam organum ineptum. Sed ubi nervus obstructus est, abest vterque, quoniam spiritus abest. Veruntamen qui in fibris carnis spiritus inest, & sensibilitas retinet sensum, alioquin non nutriretur: sed quia vniuersitati spirituum non continuatur, videtur abesse, non secus ac pilis. Vbi autem & caro aruerit, & fibræ evanescentes, nullus adest sensus, nisi qui communis est cadaueribus. Sufficiat autem hic nosse, quod sensus animalis, spiritu absente, abest.

*De Inflatione, & peste.*

ARTIC. XI.

*Morbi ex flatu exteriori.*

**I**Nflatio causa formalis multorum est morborum. Eius materia est flatus: qui vel ab extrinseco, & sic fiunt tumores, & grauedo capitis, obtusio sensuum, & cutis fastidium: præsertim cum contra ventum australem & crassas vaporaciones currimus, equitamusque. Implet enim caput, & sensuum meatus, & cutis poros obstruit, verberatque. Eius remedium est magno igne circumdari, ut conceptus vapor attenuatus evanescat, & si iudaueris, bonum quoque. Acutis odoribus sternutationem prouocare, etiam bonum, & brodio condito aromatibus, bonisque cibis, & vinis generosis impleri, non autem phlebotomia, nec alui artificiosa euacuatio utilis.

*Cura.*

*Ex flatu exteriori pestilenti.*  
*Cura.*

Quæ etiam inutilia sunt, noxiæque, si inflans vapor pestilens est, qualis qui ex paludibus, aut cadaueribus, aut combustis, deindeque madefactis ex rebus exhalat. Eius remedium est aromata, & vina generosa, & pingua bene condita brodia, quæ spiritus lucidos, tenuesque generent, calidos, validosque contra vaporem noxium, & carnes optimæ, & odores acuti gratique. Pestilentem quoque aërem corrigimus sonis, & rumoribus grauib; aërem attenuantibus rumpentibusque crassum, ut ignibus multis



multis ex arbusculis odoratis accensis, & suffumigiis thuris, roris-  
marini, myrti, lauri, thymi, & huiusmodi.

3 Fit etiam pestis vapore crasso spiritus tenuitatem incrassante *Quo statu,*  
grauanteque, & foedante per impuritatem & vincentem per ca- *& qua via*  
lorem nimium, quod & foetores, & vapor ex carbonibus statim *& ratione fit*  
efficiunt, sic occidentes spiritum grauando, foedandoque lu-  
cem, & vires alterando, qui sanguinem mox inficit, ipsumque  
purgare non potest, nec munia solita obire. Et sic qualitate pe-  
stifera humores, & soliditas tandem afficiuntur, omnes-  
que contagiosi morbi à spiritu per vaporem infectum incipiunt,  
interdum etiam simul ab humore. Nec purgandi sunt pharma-  
co, nisi humores etiam iam deprauati sint prius, aut spiritum  
corrigere.

4 Inflationes autem, quæ fiunt apum, & serpentum morfu, à *Inflatio à*  
veneni acumine oriuntur; quod permeat, & couertit in se rorem *morfu vene-*  
carnis, & sanguinem, & intenuitatem agit; qua tumefacit, inflat- *natorum.*  
que. Medeberis per extractionem veneni, & præclusionem viæ  
ad vitalia, & confortatione vitalium; vt ligamine, & theriaca.

5 Aut inflatio est ab intrinsecis causis, quarum potissima est, *A flatu in-*  
quæ ex chylo, & facibus fit vaporantibus; quæ si non excerna- *teriori qui,*  
tur per os, aut anu periculosa est: occidit enim aliquando conuol- *& quomodo*  
uendo intestina, & spiritum premendo, qui in fibris; & excre- *fiunt morbi.*  
menta, & vias impediendo.

6 Alia est, quæ ventrem implet, tumefacitque, sed non sola: *De flatu hy-*  
Aqua enim multa cooperatur. Vnde hydrops dicitur; quem Me- *dropis.*  
dici ex debilitate iecoris, non potentis cibum in sanguinem ver-  
tere, fieri putant, & calidas adhibent medicinas. Nos autem ex  
nimio calore iecoris fieri putamus; qui non in sanguinem cras-  
sum: sed in aërem, & in aquam fundit chylum sui vehementia:  
alioquin non aërem, & ventum, sed crudum, crassumque san-  
guinem efficeret: quem phlegma ipsi vocant, iuxta ea, quæ in  
Physicis de calore blado, & robusto, in materias dissimilares cras-  
sas, aut fluidas agente dicebamus. Manifestum est autem, quo-  
niam cibi crassi hydropicis conferunt, quippe qui non ita fa-  
cile funduntur in fluores, & sitis magna, & ariditas cutis, & he-  
atica insequens à calore eius originem confirmant. Curabimus  
autem epar aperiendo, vt flammæ euomat. Antimonium in de-  
speratis proficit valde.

7 Horum genus morbi est, quod Neapolitani flatum vocant, *De flatu re-*  
*centiorum,*  
qui



pungit costarum regionem, & ventrem vtrumque, quasi stylo acuto. Discutitur sudore, & labore, & aromatibus ab intus. Hunc fieri ex rore, qui inter musculos existit in vapores verso, exire non valentes. Idcirco pigrorum est, & niuosum bibentium vinum, & quorum mesaraicæ obstruuntur venæ, ita, vt non nisi tenuem succum trahât in flatum vertibilem. Comestio piscium, & ventosorum leguminum auget flatum hunc. Conferunt arida, & odorata, & quæ vaporem & rorem non sat nutriunt, magis tamen exercitatio, & calidus potus.

*De forma morborum spiritus animalis, & mentis per accidens.*

## ARTIC. XII.

*Primalitatū  
privatio  
mors: deprauatio, morbus.*

*Morbi primalitatum deprauata rum à subiecto organo, aut ab obiecto, & quando ab ipsa facultate.*

*Quando etiam subiectum forsiter deprauatur non cognoscitur morbus ab agrote.*

*Cura*

**P**Assiones animales morbificas in primo libro diximus esse vel potestatiui, vel cognitiui, vel volitiui: quæ vel sunt priuationes, vt cū nō potest, vel non scit, vel non appetit omnino: vel sunt deprauationes, vt cū prauè potest, prauè sentit, prauè appetit. Primo modo sunt mors. Animal enim nō appetēs benè, aut noxiè mortuum est in spiritu animali, etsi sentiat, appetatque naturali appetitu: vt cadauer fieri vermes, saltem secundum partem, quæ in vermes mutatur, & deorsum ire, quatenus corpus est. Secundo modo sunt morbi, & fiunt vel ab organis, vel ab obiectis: nunquam obiectiue à mente, nec à spiritu animali, nisi eius corporatio sit deprauata. Appetit enim frigidum febricitans: & citam patiens appetit carbones: & hoc quatenus organo hæret spiritus, qui tamen secundum se appetit non appetere ista, vt etiam Dauid desiderat mente desiderare, corpore, & spiritu animali iustitias Dei.

**2** Quando sensus, & appetitus oriens à subiecto, & organo validus est, factusque naturalis, vnicus fit, victis primalitatibus à corpulentia. Non enim furiosus videns solem duplicem, duplicem dissentit suo sensui, sicut sanus. Neque morsus à rabido cane in fine auersatur caninas res, sicuti à principio; sed appetit eas. Quapropter curabimus morbos istos curando corpora. Si autem obiecta faciunt morbos, vt cum homo videns mulierem amat, & laxat amoris frænum, & imaginationi sic, vt nil cogitet, nec amet præter illam: tunc curandus est per opposita obiecta, & huius auersionem, vel fruitionem, vt Rinaldus indignatione; & Antiochus fruitione Stratonicæ curati sunt.



## De Morbis potestatiui.

1 Potestatiui morbosas passiones, quæ ab obiectis & organis, præter morales hortationes, rhetoricasque, & organorum physicam curam, aliter non mouebis. Quæ verò à subiecto qui est ipse spiritus, has considerabis, vnde sint. Debilitas enim est ab exiguitate spiritus, vel naturali, vel ab inedia, vel labore, vel vigilia, vel consideratione nimia, vel à frigore, quæ statim per oppositas res curatur: videlicet, esca, somno, &c. & spirituum augmento: quod vino generoso, & odoribus, & brodiis subito præstatur.

*Debilitas potestatiui ex quibus*

2 Ferociam autem ex spiritus copia, & calore nasci intellige, & per disciplinam, & subtractionem vini, & odorum, & ciborum multi nutrimenti, minues. Sic & luxuriam, & promptitudinem, & velocitatem, & audaciam, obstinationem; & imprudentiam, & præsumptionem, & crudelitatem, & iram: adde frigida, & verbera, & consuetudines oppositas.

*Ferocia.*

3 Considera proximas causas: nam velocitas à tenuitate spiritus: audacia à robore, & copia; & sic applica medelas varias.

4 Qui validi sunt, promptique ad aggrediendum, & non ad resistendum, vt Galli; spiritus copia abundant, caloréque: qui statim euanescebat ob tenuitatem mistam, & vasa raræ texturæ. Qui non audent item, sed resistunt, vt Hispani, spiritu tennes sunt, fuliginosóque, ideo timido; sed duris vasis, ex quibus haud euanesceat. Illos vino, nasturtio, & rebus roborantibus in pugna curabis, & præmunies induratione membrorum per styptica, & confortantia. Istos his ante aggressionem calefacies, & roborabis vino, thure &c. Timiditatem ab obiecto Cæsar efficaci oratione, & spe in audaciam vertit. A natura verò, & subiecto, impediendo periculi considerationem vino, & roborando vires ardenti nasturtio. Cyrus erexit.

*Resistit in audaciam crescens. Curn.*

5 Nota: qui spiritu multo puro, non nimis tenui, nec valdè crasso donati sunt, viribus ingenioque pollent, vt Dauid, Cæsar, &c. Qui multo impuro, calido valdè, viribus, non ingenio, vt Ajax, sunt crudeles, iracundi, difficilè suadentur, aut sedantur, vt Attila. Qui tenui impuro multi sensus, prauæ ratiocinationis, timidi, & viribus inualidi, vt habitantes sub tropicis. Qui tenui puro, sine fuligine, sapientissimi: sed imbecilles, melancholici; quos per opposita curabis.

*De animi qualitatibus sensibilibus ex affectibus*



## De Morbis Cognoscitui.

*Cura organorum cognoscitui.*

*Ex seqq. la-  
tentes mor-  
bos Medicus  
agnoscat, &  
naturam  
agrotantium,  
&c.*

*Cura sentien-  
tis spiritus  
tenuis nimis.*

*Antiphron  
relo Aristo-  
teli.*

*Cura crassi-  
nimis.*

*Oblitiosi.*

*Thucyd.  
narrat posse  
affectis sic  
evenisse.*

**C**ognoscitui passiones organicas curabis organa instaurando, ubi possunt. Nervos obstructos, per quos sentientes spiritus ad organa, fertur, acutis & attenuantibus aperies rebus, quæ humorē, & sordes obstructes excutiant, non indurent, quod in opticis & auditorijs difficile. Interiorem membranæ externæ partem absterfuis, ut in oculi cataracta. Exteriorem abrasiuus, ut cum pustulis cornea suffunditur. Humores oculi exorbitantes specillis, lucem, deferentem obiecta, attemperantibus corrigimus. Sonos surdastris cornu. In gustu, & olfactu acetosa poros aperiunt. Duritiem tactus mollicantia iuvant.

**2** At si spiritus sustinens afficitur, ut res aliter atque sunt sentiat: si hoc fit ex præcedenti imaginatione, qua nimis imaginatum in quovis obiecto videt, illam corrige: & dispositionem, si ex dispositione. Tenuissimi enim spiritus, imminutique minimas res vident, quas nos non videmus, quoniam ab illis non patimur. Sic quispiam propriam in aëre imaginem cernebat; & cum vident parum rei, quasi totum vident ob subitaneum iudicium de parte ad totum: sæpèque falluntur, ut cum parvam in pariete lineam cernentes, putant se videre serpentem; & in obscuro distortas facies, & monstra. Corriguntur ratione, & cibis plurimum, & lucidum gignentibus spiritum.

**3** Qui crasso plurimoque spiritu abundant, non sentiunt res parvas; quippe à quibus moveri non possunt. Sunt rudes, crassarum rerum sapientes, quos vix curabis attenuatiuis, & mundificatiuis. Retinent memoria multa sensilia, & robustè mouentia obiecta. Sunt autem obliuiosi intellectum, & modicè mouentium; quæ in crasso impressionem exilem faciunt.

**4** Est etiam obliuio tenuissimorum calidorum: evanescit enim spiritus tenuis, antequam successori passiones suas communicet, vnum facto. Frigidus aër, crassusque, & cibi consimiles his conveniunt. Senes idcirco obliuiosi, & puelli. Illi, tenuitate, & negotiorum pluralitate, quæ motiones motuosas impediunt: isti, crassitie, & vaporibus novis delentibus impressiones: sicut omnium rerum obliuiosi, qui vni multum intendunt, sicuti amatores, non nisi amasia recordantes; Philosophi, Philosophiæ; & cum prævalet affectio, insaniunt. Aversione sanantur. Sed cum passio est corporalis ingens, spiritus non communicat successori alias præter illam. Vnde post diram ægritudinem, nec literas, nec artes suas,



suas, nec proprium nomen meminerunt penitus. Qui non curantur reuisione studiorum præteritorum, nisi non sit totalis obliuio: quæ etiam passione transacta curatur.

5 Qui pharmaco memoratiuo succurrunt, aut cerebri molli-  
tiem, aut duritiem emendant, quæ spiritum habitantem, aut nimis obtundebat, aut acuebat: spiritus quoque dispositioni, & robori succurrunt. Quapropter non idem pharmacum omnibus prodest, quia obliuio non vna ex causa: nec acumen, & obtusitas.

*Pharmacum memoria.*

6 Creduli nimis sunt, qui cuiusq; dictis admirandis afficiuntur, nec expeditum habent discursum ad examen; quia vel spiritus crassus, & fumosus, vt in Tartaris: vel fuliginibus im-  
peditus, vt Nigris sub tropicis; aut carnositatibus & prauis cellarum cerebri formationibus, vt subpolaribus. Horum alij vltra sensilia non norunt. Epicurus autem ex dogmate, non ex praua natura solis corporibus fidem præstat.

*De variis passionibus nationum in spiritu sentiente. Occurrit obiectioni.*

7 Superbi, suiq; amantes, crasso, calidoque spiritu sibi solis credunt. Sûnt quos tædet vltra ratiocinari; ideo aliorum ratiocinio credunt; & quidam, quoniã est vtile sic. Quos prudentia sanabis.

*Ex spiritus dispositionib. mores sequitur, non autem tollitur corrigendi libertas in mente. Morbi discursum laedentes.*

8 Causæ discursus præpedientes impediunt & imaginatio-  
nem, quæ fit discursus sed quæ fit obiectorum motionibus, priscis, exercitatis, & confusis casu, & humoribus, & corporis affectibus excitantibus, sicut in somno & vigilia contingit aliquando ita fortiter, vt verum esse affirmemus: non secus ac in somno accidit ex impedito discursu, qui contradiceret. Vnde quidam se gallum, quidam vnam, quidam peponem tabidum esse imaginantur, & affirmant: alij aliud. Quidam nec manducare volebāt, affirmantes se mortuos esse, donec Medicus quoque fingens se mortuum, coram ægris manducans, persuasit etiam mortuis manducandum. Industria, & auersio obiectorum hos curat, & cibi passioni contrarij; & nouæ aliæ incussæ passiones, vt sanata affectione corporeitatis, & primalitatis simul conualescant.

9 Imperiti cellis distinctis in cerebro distinctas functiones partuntur, & curant partes capitis, cum non nisi in spiritu ista sint, & vasa per accidens attingant, vt in Phys. & aliquando fiant ex solis obiectis, aliquando in mente spiritum secum rapiente, vt in ecstasi. Forſan & in his noctambulis, qui oculis clausis multa operantur, corpore instar vigilantium: nisi aeris sentientis culpa cum spiritu ducantur.

*Peripatetici Latini in solido, non in spiritu functiones reponunt.*

*Non laeditur imaginatio, ut putat Galenus, non la-*

10 Omnis imaginatio falsa discursu fit defectu saltem circa illud  
O 3 imagi



imaginatum. Nec Medici saluo discursu fieri amplius affirmet.

*De morbis Appetitiui.*

*Triplex peccatum appetitiui. De primo in defectu.*  
**A**ppetitiui morbus est in magis, vel minus, vel prauè; & sapissime organicè. Minus, vel nihil appetit ventriculus, vbi infirmitate aliqua, aut studio impeditur ibi, aut alibi spiritus appetens, vt in sensorijs quoque diximus; aut si ostiola obturata sunt, quæ acetosis aperientur. Aut si fibræ relaxatæ, & spiritus foras allectus, vt in æstate, aromatica, stiptica vinula, confortantia intus, & foris applicabis: alia ideo contusa ne vincant, sed vincantur, & olentes herbas.

*De secundo excessiuo.*  
**2** Si multum abundat calor in venis, & fibris, fit canina fames subito vorans, digerens, transmittensque, vertibilis in hecticam, nisi lacte, piscibus, carnibus multis, & brodiis cum lacte, demptis aromatibus, & sale, sedetur in aëre frigido, humidoque, & balneis. Ego epar linteis lacte madidis, & guttis cadentibus supernè id passus, mihi medebar; omnibus proiectis vestibis laneis, & straminibus.

*De tertio frano.*  
**3** Prauè appetit cum contraria saluti, vt febricitans frigidam: & putrida stomacho carbones, calcem: & quidem contraria morbosus causis, dum morbus non præualeat. Nota; & concede. Cum præualeat, similia. Nota; nec concede.

*De singulorum partium appetitu.*  
**4** Anus & vesica appetunt sine affectu, vbi falsis humoribus stimulantur, vt in lienteria. Eos purga brodiis aperitiuorum calidis. Non appetunt, vbi quid obstruit, aut indurantur excrementa. Prauè appetunt, si retinere nequeunt, & cruda emittunt, de quibus prius diximus.

*De veneris multo, & nullo.*  
**5** Appetitum coitus multum disciplinis, cibis paucis, & acetosis corrige: non ventosis. Nullum contrariis, seminibus ventosis, humidis, & salis modico.

**6** Qui maleficio ligantur, religione soluantur.

**7** Qui frigidi à natura, & Martem, & Venerem à Saturno in foemininis afflictos habent, vt Astrologi dicunt, difficile curantur: nisi benefica respiciat: sed eisdem pharmacis validioribus:

*Alii tamen lupi & canis vespa curari. Arist. non re esse huius affectus causam humorem pruriem in ano facit.*  
**8** Qui appetunt contra generationem actum generationis cum masculis, & feris: ratione, vlu, & religione curantur.

**9** Qui muliebria pati, quamuis effoeminatos habeat planetas, iisdem corrigitur humor pruriens in ano positus Aristoteli fortè non est, nisi ex abusu cōfricationis: potest hyrudine etiā extrahi.



10 Appetitus prauos, ab obiectis auersio, & ratio, & vsus eunt.

11 Medelas contra cupidinem præter moralem & religionem, inuenimus labores, nouas passiones, bellum, excrementa, & foeditates amasæ; pericula, & mala quæ ab illa Ouidius plura docet. Odia contrarijs modo dictis curamus. Vide 4. de sensu rerum.

Qui non poterat erigere mentulam ad coitum, nisi verberetur ab amasia, teste Pico contra Astrologos, assignantes Veneri à Marte verberatæ, ipse verò consuetudini inter pueros de stupro mutuo sic paciscentes, mirandum est: nam alij pueri eiusdem cum illo sodalitatis idem passi essent. Nec stellæ faciunt quid, nisi indendo qualitates, vel modum qualitatis ad talem propensionem. Princeps Venusiæ musica clarissimus nostro tempore cacare non poterat, nisi verberatus à seruo ad id adscito. Hoc potest metui dari cogenti spiritum ad interiora. Sed illud è contra. Me-tuentes enim non erigunt, sed demittunt pudendum. Verbera ergo erant quasi blanditiæ, non ad incutiendum timorem, sed eliciendum amorem. De his suo loco speciatim.

*De applicatione medicinae, & cruditate, & coctione.*

CAPUT V.

1 POSTquam de morborum formis generatim dictum est, nunc de applicatione medicamentorum generatim quoque dicendum: nam de medicamentis dictum, non mouebis cruda.

*Ocasio inquirendi coctiones.*

2 Dicimus crudum quicquid ad sequentem existentiam non est maturum, seu perfectum à calore, vt panis crudus donec in furno coquatur ad panis cocti existentiam. Dicitur idem panis in ventriculo crudus, donec in chylum transformetur: chylus quoque dicitur crudus, antequam coquatur iterum in iecore, vt ad sanguinis transeat existentiam. Coquitur quarto in venis, vt exudet in carnes. In carnibus etiam coquitur, dum in illas transformatur; & tamen carnes nostræ sunt crudæ ad cibanda alia animalia, quæ tamen ex cocto pane, & assatis carnibus fiebant in nobis. Igitur sicut materia non transfertur ad aliam existentiam non cocta, sic neque nos.

*Quid est crudum, & quid coctio.*

3 Est autem coctio vel assatio, vel frixio, vel elixatio, vel composita ex his. Assatio fit in aëre, ab igne penetrante, educente partes fluidas in vapores, & crassas compenetrante, laxante, & molliente ad optatam existentiam. Non enim assatæ, sed combustæ.

*De coctionis speciebus. Assatio.*



bustæ dicuntur carnes à coquo, cum transeunt illam existentiam, qua sunt comedi aptæ. Quapropter omnis coctio fit à calore instrumentaliter, & ab intellectu aliquo principaliter, qui naturæ operibus præest, vt in Metaphys. Lento igne assari melius: ne humor extimus attenuatus exhalans relinquat duras,

*Frixio.* imperuias calori: & vt suo succo disponatur ad emolliitionē. Frixio est mollis corporis in oleo, aut alia re pingui coctio. Oleum penetrat, exsiccatque fluiditatem & ad se rapit, & propriam dat.

*Elixatio.* Vnde duriora frixa elixatis. Elixatio est coctio eorundem corporum in aqua, aut in aqueis: quæ penetrat cum calore, laxat partes crassas, & fluidas elabi non sinit, sed sibi incorporat: & cum multipere fit, tota essentia in brodium eliquat, ferè absque sapore suo relictis quæ elixantur. Nec aqua nisi alembico forsan separari potest.

*Media coctio* Media est cum utroque modo, vt pomum coctum à sole maturatur: dum scilicet partes educit assando, & remanentes suo

*In quogrado est maturitas nobis & natura.* succo interno elixando ad maturitatem suæ naturæ. Nobis enim matura sunt, cum comedi possunt, vt pyra syluestria non nisi fracescant. Appia verò longè ante. Pepones autem in medio.

*Coctiones naturales alimentis.* 4 Omnes coctiones in corpore nostro elixatione fiunt, & partium assationis habent; dicunturque digestiones, quia in aliam existentiam geruntur, & alia in vasa ex coctione, quæ ingeruntur proficua. Sic etiam innascuntur morborum causæ in nobis: putrescunt, quod est quædam coctio; & maturantur ad expulsionem: quapropter nisi coquantur prius, & macerentur ad aliam existentiam, non possunt foras, & in alia vasa ferri.

*Coctiones morborum.* 5 Tu igitur signa coctionis in sequestrationibus vrinæ, & aliis respice; & tunc pharmacū purgans applicabis: sicut in apostemate, nisi coctum fuerit & in pus versum, non secabis: sed præbebis cibos suppurationi aptos, & mollificantes medelas ad idem. At vbi materia suppuranda, est multa, & turget, ad exitum agitans se: tunc licet aperire, & minuere sponte egredientem partem, & cæterarum cocturam expectare.

Sic, cum turget vino ebrius, non expectabis vini coctionem in stomacho, sed mouebis ad vomitum. Sic in febribus, vbi materia turgida prouocat ante coctionem, qua natura monstrat viam mouebis: non enim potest natura totam sustinere, idcirco eiicit.

6 Habito respectu ad peccantis causæ qualitatem, quantitatem, naturam, applicabis pharmaca contraria per se, vel per acci-



cidens ad purgandum per superiora humores tenues, per inferiora crassos, & per alia foramina vicinas partes & pertinentes ad illa.

Sic in passionibus animi est per analogiam coctio expectanda plerumque, ut in maximo æstu iræ non applices medicinam contrariam; sed ubi sedata, admittit. Est & turgentia aliquando deprimenda, ut suo in loco speciatim dicitur.



# MEDICINALIVM LIBER QVARTVS.

IN QVO DE OBSERVATIO-

nibus Medicis, ad Curam, & Prognosticum  
spectantibus.

## De Crisibus.

CAPVT I.

ARTIC. I.



**I**N obseruationibus primo se offert Cris-  
sis: quæ est iudicium, seu sententia in li-  
te versante inter morbum, & naturam;  
ex alteratione facta ad salutem, aut ad  
mortem, quando tempus congregiendi  
magis inuitat.

*Quidditas  
crisis.*

**2** Primò siquidem natura nititur se-  
parare noxios humores à locis vitæ in  
locos viles, minusque periculosos: vel  
eos in proficuos vertere. Secundò expellit foras. Tertiò sequitur  
alteratio ad bonum; nam ad malum non fit, nisi in pestilentialibus,  
vbi plurimum adhuc malitiæ remanet ad nocendum; exque tur-  
gentia illius prior egressa est.

*Tres nature  
actus præce-  
dentes crism.*

**3** Tempus decertandi licet sit continuum; tamen illud proprium,  
in

*Tempus cri-  
sis est arti-*



*culus alte-  
rationum à  
caelestibus  
adiutorum.*

in quo humores à natura alterantur. Alterari autem à stellis, & præcipue à Luminaribus, nulli dubium est, contuenti aërem, aquas, & plantas, & animalia in quatuor anni quartis, & in quatuor diei, & in quatuor mensis vario modo affici. Ergo spiritus cum sit aëreus, & humores aquei, quando cientur magis operantur: veluti cum cithara pulsatur, mouentur ad choreas; & sicuti tubâ, ad bellum.

*Morbi chro-  
nici Solis mo-  
tum, eiusque  
articulos se-  
quuntur.*

4 Morbi chronici sequuntur motum Solis, & tunc iudicio pentuntur, cum Sol ad propriam diametrum & quadrata attingit, ut patet in hecticis, hydropicis, quartanariis. Cum vero ad sextiles, & trinos aspectus, fiunt quidem aliquæ motiones indicatiuæ eorum affectuum, qui sequuntur in diametris. Solent tamen anticipari, & postponi, prout planetæ obuiantes fauent, aut obstant; & in melius, si benefici: in peius, si malefici occurrerint. Quod etiam in cursu totius vitæ fit. Nam & morbus est modus vitæ partialis, ut in Astrologicorum 4.

*Acuti morbi  
Luna motus,  
& quadra-  
torum arti-  
culos sequi-  
tur.*

5 In morbis verò acutis quartas Lunæ, non prout à Solis synodo incipiunt, sed à loco, in quo morbi in principio Luna reperitur, obseruamus per septimanas, vsquequo ad idem punctum in 27. dies, & horas 8. reuertatur. Et quia Medicis non erat nota Lunæ ratio; propterea dixerunt criticos esse 7. 11. 14. 20. 27. & cum sunt in 14. eundem numerum replicant, ut tertij septenarij etiâ sit initiu: alioquin vigesimus esset 21. & non cõcordarent cū Lunæ cursu. Tu verò vide in ephemeride locum Lunæ in puncto decubitus, & expecta crisim non in septimo, nisi Luna sit in medio motu, sed paulò ante, vel post, si velox, vel tarda. Inspice tertio quo puncto veniet ad 90. gradus: qui est quadratus; & tunc prognostica crisim bonam, si benefica aspiciet; malam, si malefica; si plura, misce decretum, ut in Astrologic. diximus; & cum venit ad gradus 180. & cum ad 270. & sic de cæteris.

*Peracuti  
medias qua-  
draturas,  
iuxta mate-  
ria tenuita-  
tem.*

6 In peracutis currunt crises per medias septimanas, quoniam morbifica causa tenuis validaque qualibet cæli mutatione mouetur; naturæque spiritus hostili periculo quauis occasione occurrat. Ideò sunt 8. in mense; hoc est 4. 7. 11. 14. 17. 20. 24. 27. bis repetendo intermedios, & septimanarum, ut in acutis, & quartorum sic. 1. 2. 3. 4. 4. 5. 6. 7. 8. 9. 10. 11. 11. 12. 13. 14. Et iterum quia incipit tertiam septimanam, dicitur 14. 15. 16. 17. 17. 18. 19. 20. At 20. non repetitur, quoniam non est medius septimanarum, neque quartarum, sed dicimus 21. 22. 23. 24. 24.

*Numeratio  
critica.*



25.26.27. Vbi sanè, nisi imperitissimus sit Medicus, intelligit has replicationes fieri, vt concors sit numerus motui lunari: qui autem vtitur ephemeride, non indiget his numeris dierum, sed graduum Lunæ in Zodiaco. Et miror quomodo Picus, & alij hos dies numeris abstractis, & non potius & propinquius Luminari-  
*Picus nume-  
ros criticos  
perperam cõ-  
putat.*

7 In perperacutis, qui ad summum in 14. terminantur: cum Lu-  
*Perperacutis  
omnes muta-  
tionem sen-  
tiunt luna-  
rem, & per  
semifexiles  
numerant  
dies.*

na in diametrum peruenit; numeratio fit de tertio in tertium cum replicatione semper: quoniam non attenditur in his dimi-  
*Fallacem nu-  
merum die-  
rum motus  
lunaris cor-  
rigit.*

dium quadrati, neque quadratum, sed omnis Lunæ mutatio fa-  
*Correßio*

cit in tenuissima materia mutationem. Fit autem mutatio ista  
*Notamen.*

in quolibet tertio de signo in signum. Et licet sint 39. gradus  
*Correßio*

dando 13. Lunæ in die: tamen medius motus est 36. ferè, & re-  
*Notamen.*

plicatio efficit, vt in tertio fiat iudicium. Nam in quinto perue-  
*Correßio*

nit ad 60. qui est sextilis aspectus: ergo in quolibet semifextili est  
*Notamen.*

mutatio in perperacutis: & iam nuper inuentum est, hunc aspe-  
*Correßio*

ctum etiam in natiuitatibus valere: sed in motionibus aëris nil  
*Notamen.*

dubitamus. Et quoniam Luna 30. quoque ferè die cum Sole  
*Correßio*

coniungitur; etiam vbi iungitur 30. gradus, quos Sol maritus in  
*Notamen.*

30. diebus peragit: ipsa aliquid nouitatis producit: propterea  
*Correßio*

tutius respicies gradus in ephemerid. quàm in dierum numeris:  
*Notamen.*

vidi enim in die bonam crisim, quoniam Luna aucta erat nume-  
*Correßio*

ris: & in 8. quoniam imminuta stellæ occurrentes etiam tardant,  
*Notamen.*

& minuunt, meliorant & deteriorant.

8 Quapropter nec verum, quod intermediij aspectus sunt certi  
*Correßio*

indices perfectorum, nisi vbi post semiquadratum, aut semifex-  
*Notamen.*

tilem, non obuiat stella alterius generis.

9 Illud certum in mutationibus aëris experior: quod quando  
*Correßio*

Luna in aliquo aspectu Solis alteram stellam aspicit, quoties Lu-  
*Notamen.*

na ad alium aspectum peruenit, siue illius stellæ, siue Solis, facit  
*Correßio*

eundem effectum si ab illa stella aspicitur, nec potest impediri,  
*Notamen.*

nisi per alias constitutiones, & configurationes, longè validiores.

Idem dic in crisibus.

Epilogus, & correctio Iatromathematica Hermetis, & Galeni.

ARTIC. II.

1 Quidquid Hermes, & Galenus in Iatromathem loquuntur  
*Prolixus ser-  
mo Galeni,  
& Hermetis*

de Lunæ positu in aliquo signorum 12. ad vnam pertinet  
*Correßio*

regulam

P 2



unica regu-  
la concludi-  
tur.

a oppos.

b coniunct.

c quadrat.

regulam, videlicet: quod Luna à h affecta, <sup>a</sup> 8. <sup>b</sup> ☉. ☐. & antisicio, patietur æger in membro dominantis signi infirmitates saturninas longas: sique Luna aucta numero, & motu sit, celerius occidentes, cum perueniet ad suam diametrum vel ☐. nisi benefica occurrerit, à qua auxilia juxta naturam beneficę expectes, vt pro viribus & situ eius ad mundum, ad Solem, ad augem, ad signum in quo est. Similiter si vexatur à ☿. martiales morbi erunt, vt pro natura signi, & valetudo, aut mors in criticis diebus, vel in occurribus maleficarum, & beneficarum; sicut dictum est.

Correctio re-  
gula.

2 Hæc tamen non sufficiunt, nisi eclipses addas, & cometas, fauentes, & nocentes, & natiuitatis figuram, & vbi in ea sint maficæ, & beneficæ scias. Etenim & illi loci iuuant, & nocent, neque video mortem, nisi consentiat natiuitas cum figura decubitus in malum. Transitus enim nocet augendo, & ponendo in actu decreta natiuitatis, non autem adducendo decreta nisi vmbratilia, & nulla, si radix non consensit, vt diximus in Astrologia physica; at semper incertitudo comitatur.

Cur simul  
decumbentes,  
non pariter  
moriuntur.

3 Propterea decumbentium in eodem puncto, alter conualefcit, alter moritur: nō quia ille iuuenis, iste senex modo, vt Galenus docet: sed quoniam constellatio natiuitatis alia. Constellationem natiuitatis vincit constitutio generalis; occurfus enim h in radice indicans frigidus morbos: si in æstate per directionem ponitur in actu, erit debilis. E contra in hyeme. Et pestilentie constitutio, & bellica vincit eam, quæ est in natiuitate: & constitutio Regni constitutionem Regis, cum aliquo tamen modamine, si minus concordant: sed in moralibus nil valet Astrologismus.

*Quibus morbis crises, & quæ conueniant, & quando  
ex proximis causis.*

## CAPVT II. PARS I. ARTIC. I.

Nisi morbus  
sit magnus,  
& natura  
fortis nō da-  
tur crisis.

1 **R** Vrsus de crisis siue perfectis, quæ ad sanitatē, vel mortem; siue imperfectis, quæ ad morbi minorationem, aut roborationem terminantur, secundum proximas causas, & particulares resumendo dicimus, non omnes morbos, nisi magnos, qui naturam ad certamen irritare, cogereque periculosum valeant. Neque ubique magnos: nisi vbi natura valida sit ad propulsandum hostem: quæ enim languida est, magno morbo ita succum-

bit



bit, vt nulla pugna, sed statim mors sequatur: vel pugna imperfecta, & specimen quoddam pugnae: ac subito læsio appareat. Ideo senum rara crisis, præsertim per excretionem; iuuenum frequens vsque ad 35. annos.

2. Propterea vix illis, quibus acutè ægrotantibus incipit sudor, aut pustula, aut vomitus, aut alui deiectio, & statim intro vertuntur: sicut & suppuratis, qui non excreant: aut incipiunt excreare; at mox intro recurrit excreatio. Similiter est ac in pulsibus myuris deficientibus, respirationibus refractis, quas spiritus absoluere nequit, sic neque ciectiones criticas perficere. Sed deterius vix, vbi nec congregari audeat, nec datur.

3. Morborum alij longi, vt qui post 40. dies iudicantur: Alij medij, qui post tres hebdomadas, acta secunda quadratura lunari: Alij dicuntur acuti, qui in diametro, hoc est 14. die, vel ad 20. non ultra protenduntur.

Alij sunt peracuti, & hi die 7. in prima quadratura habent periodum. Alij perperacuti seu acutissimi, qui in 4. die, vel ante quacunque accersente causa ad vltimum conflictum properant: propterea crises, alia longis, alia mediis, alia acutis, peracutis, & acutissimis.

4. Et quamuis apud Medicos peracuti, & acutissimi, meliores videantur ad crism, quoniam modico tempore natura onus est bajulatura, & dum vigent vires, est dimicatura; nihilominus cum in his pugnandi necessitas urgentior sit, pericula quoque grauiora insunt non raro.

5. Quicunque morbi minus temporis concedunt naturæ ad præparandum se, & discernendum proficuum à noxio, vt hoc expellat criticè, illud retineat, & seipsam non pessundet: cogunt eas ante coctiones humorum hostilium, aut vaporum, vel aliarum causarum morbificarum aggrediente bellum, finem belli: quo tempore crises aut exitiales, aut minus bonæ existimantur Medicis, non prorsus ineptè; licet causas ignorent.

Propterea enim lethales sunt, quoniam simul quod ad vitam utile erat vnà cum noxio expellitur, & ipse spiritus consequens dissipatur, & minuitur, & vasa affliguntur; si tota materia noxia non excernitur, impar iunetur imminutus spiritus ad reliquiarum collectionem, coctionem, & expulsionem: quibus & augendi se, datur spatium. Manifestum est enim in ciborum excrementis non coctis adeò, vt succus bonus prius ad iecur & fæx deorsum



ducatur, vbi cum naturæ dispendio liquida emittuntur. Similiter in apostematibus, si antequam suppurentur, incidantur: sanguis enim bonus educitur, & spiritus qui in eo coquendo operabatur: & vasorum sequitur dolor, & inflammatio interdum, & insequentis sanguinis contaminatio ad nouas vomicas, & putredines: sic & in omni crisi ante putredinem.

*Tria vero periculum faciunt, vehementia lædentis, principalitas læsa partis, negatio remedij.*

6 At quidem neque temporis diuturnitas, neque breuitas periculum mortiferum per se adducunt: sed vehementia lædentis causæ, & pars læsa, & remedij negatio. Cum enim causa est multa, & potens, statim interimit, vt in apoplexia, vbi crassus humor obstruit viam spiritui ipsūque suffocat. Vehemens enim hic dicimus, quidquid fortiter potest effectum malum inducere. Vnde & ebrietas, quæ replet cerebrum, & vias spirituum, somno mortem adiungit, non potente spiritu copiam vaporum digerere: dicitur causa vehemens.

Læsa autem pars incurabiliter sunt viscera, in quibus generatur succus ad vitam corporis, & vapor ad vitam spiritus, & continet vtriusque societatem, vt pulmo, jecur, cor, ventriculus, intestina. Renes enim, vesica, felle & lien, tanquam vasa morbifica causarum, ne lædant vitalia, sunt secundò, & per accidens mortis, & vitæ causa, dum læduntur; cerebri verò, quatenus est sedes spiritus, qua rupta, aut infecta, habitator abscedit, aut inficitur. Cæterorum membrorum læsio non adducet mortem, nisi ad viscera fiat communicatio: vbi sanè pulmonis morbus, quamuis sit longus, est tamen lethalis, sic & aliorum vasorum.

*Exemplo in spiritu.*

Cum autem læditur spiritus, non sequitur mors, nisi totaliter extinguatur solus, & subito. Vt euenit in læticia magna; quando foras influens seipso suffocatur, ac simul dispergitur foras, nec illi conceditur locus, aut tempus ad medendum, quod & in apoplexia accidit: potest enim facillè refici; pulmo autem minimè, etsi tempus refectioni detur.

Sic etiam est in summis doloribus, & ebrietatibus, & venenationibus, & suffocationibus à carbone. Non enim, occlusa via, datur locus, aut tempus pugnandi.

*Ætates morbi Eclipsis bonæ in fine ætatis morbi.*

7 Habet quidem omnis sanabilis morbus quatuor ætates proportionatas inuicem in breuitate, & longitudine: Infantiam, id est principium: adolescentiam, id est, augmentum: virilitatem, id est, statum: senectutem, id est, finem. Et his crises bonæ fiunt in statu, quoniam incipit coctio apparere: seu potius in fine augmenti:

tunc



tunc enim natura sequestrauit, & potens, & prudens est ad emissiones. Morbi autem lethales nec statum, nec declinationem habent: sed interficiunt vel à principio, si natura nil resistere queat, ut in prænarratis morbis palam est; vel in augmento pugnet, si congressa est natura: & tunc solent apparere crises, & statim cessare cum morte, vel augeri symptomata mala ex eo, quod natura impotens reperta est ad victoriam: & tunc apparent signa crudelitatis, non coctionis. Vnde peritiores Medici distinguere solent <sup>Aetates ex parte naturæ.</sup> ætates morbi, alias ex parte naturæ, secundum quam principium est nulla coctio: augmentum est rudimentum coctionis: status <sup>Et ex parte morbi.</sup> apprensus coctio: declinatio victoria contra morbum. Alias ex parte morbi, quæ in primas conflictationes, & in symptomata sequentia grauiora, & istorum vigorem formatum: & in mortem, seu liberationem.

*De Crisibus salutaribus, & exitiis, & medijs.*

ARTIC. II.

1 Crises salutare perpetuò fideles sunt. Primò quæ habent signa perfectæ coctionis in excrementis. Secundò, si sunt in statu morbi. Tertiò, si in die decretorio, præsertim prænunciato ab indicatorio præcedenti. Quartò, si excretiones conueniunt morbo; ut si pituitosæ, in pituitoso morbo: biliosæ, in bilioso. Quintò, si loco morbi; nam dextra ex nare, iecur: ex sinistra, lien expurgat sanguinem; sic de cæteris. Sextò, si subsequitur sanitas, aut melioratio in ægroto. Septimò, si facillè fert. Melioratio est in colore, in sensu, motu, & appetitu, & pulsu, & respiratione. <sup>Septem signa perfectæ salubris crisis.</sup>

2 Crises exitiales è contra, si absque coctionis signis: in die non critico, nec præindicato: in principio, & augmento; & non in fine augmenti: si morbo, & loco morbi non conueniunt: nec sequitur sanitas, nec melioratio: sed deterioratio, & difficilè fert ægrotus: & sunt maiores, quam ferre possit; aut minores, quam prodesse possint. <sup>Septemque exitiales.</sup>

3 Mediocriter se habent, quæ ex parte priores, ex parte posteriores conditiones tenent; quorum maxime sunt conuenientia criticarum ejectionum cum morbo: & melioratio in primalitatibus, & operationibus animalis: & coctio. <sup>Signa mediocris.</sup>

4 Accidit etiam absque coctione, & melioratione emissio virulenta. <sup>Quamuis bonum excret.</sup>



*ni virulenta non tamen signum sanitatis, nisi non plura remanserint, & virtus preualeat.* rulentorum sæpè repetita, quæ quidem si non fieret moretur æger: quia tamen præter rationem fit, non sanatur, sed recidiuam incurrit. Est etiam ubi moritur. Quoniam non modò prauitas egreditur, sed & virtus in concoctis: vel tantæ sunt prauitates, ut vna propter turgentiam, quia in vasis non poterat teneri, expulsa, quæ remanent sufficiunt ad occidendum. Est etiam ubi vis contentiua relaxata fiat contentorum eductio; quod etiam in morientibus, & mortuis accidit.

Quapropter valdè notanda sunt signa bona, & mala, & mista: semper tamen bonum est excerni prauos humores; etsi non omnino profit, ut dictum est. Non enim moritur, quia vomuit virulenta, ut imperiti dicunt; sed quia remanserunt adhuc plura intus virulenta potèntiora, quàmuis expulsiua potèstatiui, cuius res est vita.

*De signis communibus præcedentibus quamcunque Crisim; & de duplici Crisi, scilicet per abscessum, & excretionem.*

### ARTIC. III.

*Signa præcedentia crisi.* **N** Vlla fit crisis, nisi in morbo acuto, magnòque, cum virtute naturæ valida, ut possint ad inuicem conflictari. Nec nisi præcedentibus magnis turbationibus, quales sunt ad bellum præparationes; ut pulsus inæquales, inordinati; difficilis respiratio, deliria, vigilia, somni graues, vertigines, dolores capitis, colli, stomachi, hypochondriorum, & aliorum membrorum: sensuum vitia, phantasmata, tinnitus aurium, splendores varij ante oculos, lacrymæ inuoluntariæ: agitatio labiorum, obliuio, rigor, anticipatio paroxysmorum, sitis, æstus, inquietatio, clamor, ex lecto exilicio; aliæque multa signa pro morbi natura, & futurarum emissionum.

*Quinquæ certitudines crisis.* **2** Certificant, & accelerant crisim caliditas humorum, acumen morbi, tempus calidum, & æstus ingens, & signa coctionis. In dubio & tarditate ponunt his contraria.

*Crisis per abscessum quæ, & quod duplex.* **3** Siquidem aliæ crises fiunt per abscessum morbificarum causarum in partes ignobiliores ex nobilioribus, quarum conseruationi plus inuigilat natura. Vnde ex visceribus ad crura, ad manus, ad inguina humores mittuntur, & fiunt interdum tumores, & apostemata; sicuti ex pectore ad axillas & brachia; & in capite sub aures egressus fiunt, & in nares. Item ad cutim scabies, ulcera, papulæ, pustulæ, morbilli, variolæ, serpigines, scrofulæ & similia, etiam extra cutim capitis, præcipuè in pueris.

Porrò



Rarò est etiam quod febris catarrhalis non emittit in labia, & nares humiditatem acrem ex capite; & hæc omnia habent rationem crisis per abscessum: imitatur enim natura seipsam, quæ dum sanguinem absoluit, fæces emittit in lienem, spumam in cystin fellis, cineres in renes, serum in vesicam, fuligines in cutim ad pilorum procreationem vtiliter. In morbificis autem nulla abscessionum vtilitas præter mali expulsionem.

4 Aliæ vero crises fiunt per excretionem foras, quales sunt *Qua per excretionem.* alui deiectiones, vrinæ, sudores, sputa, san guinis eruptiones per nares, vel hæmorrhoides, aut menstruationes per sanguinis profluuium, & per insensilem transpirationem: lacrymæ, caries aurium, & per omnia cauteria, vt dictum est prius in Physic. qui *Physiologus perfectus Medicus.* enim naturalia perfectè nouit, is subito Medicus est natura, & semper.

*De Abscessuum criticorū signis, & locis, & differentiis, & vñibus.*

ARTIC. IV.

1 Cvm morbus est acutus, & ad sunt signa securitatis, id est, *Signa securitatis quinquæ.* ratio bona, quies bona in nocte, & ad oblata promptitudo, & vacuitas caloris, & pulsus validus: nec tamen insunt signa inclinationis, humorum excretiones, in vrinis, & deiectionibus, & hæmorrhagia, etiam si morbus producit, abscessum expectare licet. Sunt tamē humores calidi, & tenues, præsertim ætate, & in iuuenib. ad excretionē faciliores: crudi, crassi, & frigidi, præsertim in senib. & hyeme ad abscessus faciliores: misti ad vtrumque.

2 At signa salutis si non adsunt, succumbet æger: propterea vrina tenuis & alba, cum bonis signis salutaribus, abscessum: cum malis, mortem, aut morbi longitudinem, & periculum ostendit. *Abque signis salutis non valet. Exemplum.* Item morbi prorogatio, & febris cum signis salutaribus, abscessum dabit.

3 Abscessus ad inferiora fiunt, vbi dolor, vel inflammatio in præcordiis: ad superiora, vbi mollia, & sine dolore præcordia sunt; sed respiratio parum affligitur, & mox sedatur. *Quia ad inferiora, & qui ad superiora fiunt abscessus.*

4 Fiunt post aures abscessus, cum, prædictis stantibus, apparet subito difficultas respirandi mox cessans: quam grauitas capitis, & somnus, & surditas sequatur. *Quando sub aures.*

Ad inguina & inferiores partes, si dolor sub præcordiis, vel tensio, vel inflammatio, vel grauitas sine ca itis læsione. *Quando ad inguina.*

5 Salutares abscessus fiunt, in decretorijs diebus, in locis longè *Qua saluantes.* à visce



à visceribus, & locis affectis, colore rubro, aut albo, aut flauo, copia non excedente morbi causas: neque deficiēte; figura foras se expromente, acuminata, in turbinem gracilescēte, ad expulsionem apta, decliui, & nō bifida. Ex passione æqualiter maturescētes, & durantes, & suppurantes, non se retrahentes absque certa ratione euacuationis à natura vel arte; & molliores cum signis coctionis.

*Qui exitiales abcessus*

6 Exitiales in totum contrarij prædictis, præsertim colore nigro & rubro, & non sequente melioratione, vt dictum est prius.

7 Iuxta hæc iudica de papulis, morbillis, variolis, scabie & cæteris.

*Critica excretio in quibus, & quando, & quotuplex.*

CAPVT II. PARS II. ARTIC. I.

*Quinque conditiones excretionis.*

1 **E**Xcretiones ergo fiunt in iuuenibus, & tempore calido, magis in acutis morbis, & turgentia humorum calidorum, tenuium: quorum motus si est ad exteriora, fit crisis per sanguinis eruptionem, aut sudorem: aut si ad interiora, per vrinam, alui defectionem, hæmorrhoidum, menstruorumve fluxum, aut vomitum.

*De Crisi per sanguinem.*

ARTIC. II.

*Sanguis præ abundantiā naturaliter erumpit.*

*Vitiatus quatuor ex causis erumpit critica.*

*Phlebotomia crisis vices habet.*

1 **P**ropriæ est abundantibus sanguine etiam optimo eruptio sanguinis per nares ad vasa exoneranda, & spiritum ventilandum dilatandumque intra venas, vbi erat coactus. Cum autem sanguis insuper vitiatus fuerit, in tenuitatem, & bilem flauam reductus, aut nimis adustus, prauisque succis admixtus, ex quo febres ardentes, continuæ, & intermittentes tertianæ, & interdum quartanæ, sed cum multo spiritu fiunt. Itemque vbi inflammationes in visceribus acciderint, præsertim jecoris, lienis, stomachi, diaphragmatis, & pleuræ, & membranarum cerebri, & huiusmodi; per eruptionem criticam solet emendare se, & calorem, & humores prauos emittere: vnde & Medici phlebotomiam didicere.

*Si quatuor adfuerint conditiones certior sanguinis*

Eoque magis expectanda est crisis in iuuenibus vsque ad 35. annum, & in ætate, & robustis, & in principio morbi vsque ad 7. nam procedente tempore pus è naribus, & in senioribus. Et si

transoar



transcat 20. dies, vel ætas grauior, abscessus aderit.

2 Præter signa communia crisis per sanguinem, & aliis quæ de-  
super fiunt, quæ sunt vigilæ, & deliria, dolores capitis, & tensio  
partium, & grauitas circa nares, & tinnitus aurium, surditates,  
dolor pulsatilis, non acer, & venarum, nedum arteriarum pulsa-  
tio prompta, & dolor colli, aut ceruicis, & temporum & visus he-  
betudo, & fuligo oris, motus in oculis, & caligo. Adduntur tan-  
quam propria, hypochondrij tensio sine dolore, & inflammatio-  
ne, per quod sanguis ascendit; sublonga, tumens; si tamen in dex-  
tro, vel sinistro hypochondrio, ac simul repentina difficultas spi-  
randi ob transitum sanguinis sursum, & visio spectrorum rubro-  
rum, & lacrymatio inuoluntaria, & rubedo faciei tumida, non  
sicca, qualis fit ex cerebri inflammatione, & pulmonis: & pulsus  
altus, plenus, & vehemens: oculus rubicundus: & solet furere &  
diffilire æger, & nares scalpere, quo facto statim erumpit sanguis  
vel sponte.

nea crisis: si  
desint, ab-  
cessus fiet.  
Signa crisis  
sanguinea,  
& per superio-  
ria com-  
munia cat-  
ris sunt 15.  
propria uerò  
sunt alia 10.

3 In mulieribus ægrotantibus; per menses, quod nosces inter-  
rogando, an suppressi sint, & quo tempore euenire solent, & qui-  
bus signis. Aliis enim grauitas insignis tensioque, & dolor in lum-  
bis: aliis in abdomine, aliis in vtero, aliis in cruribus, aliis lassitu-  
dinaria præit affectio, cum præfatis signis: quibus existentibus in-  
vexaris febre acuta, & præfatis morbis, nec signis aliarum vacua-  
tionum per sudores, alui dejectionem & vrinam existentibus, sta-  
tim intelliges crisin per menses adfuturam: præsertim si & car-  
dialgia adsit, & ardor circa spinam in vena caua.

Signa crisis  
per men-  
struorum  
fluxum sunt  
inquirenda;  
sex positiua,  
& unum de-  
fectiuum.

4 Quæ omnia signa ad sunt eodem planè modo, masculis per  
hemorrhoidas purgari solitis: & nunc in similibus infirmitatibus  
suppressas. Fiunt & per vomitum boni sine febre sanguinis  
exitus, prauum cum febre.

Eadem per  
hemorrhoi-  
das, notabis

5 Salubres sunt eruptiones sanguinis, si quas salutiferis crisis  
notas assignauimus fortiuntur, præsertim si morbo conueniant:  
in frigidis enim noxiæ, & in copia: multitudo enim debilitat vi-  
res, exsiccatur jecur, & ad hydropem parat: paucitas non iuuat.  
Cætera patent.

Signa salu-  
bris crisis per  
sanguinem:  
& noxiæ.

Verum hoc Medici notarunt, quod absque signis coctionis in  
vrinis, crisis sanguinis est bona, si cætera adsint signa bonitatis:  
quoniam sanguis est substantia nutritionis: & ipso expurgato, ex-  
cremēta deinde bona fiunt. Non autem necesse est coqui, ut ex-  
purgentur. Quod enim erumpit, exonerat venas prauitatibus,

Crisis san-  
guinea cum  
bona etiam  
absque co-  
ctionis signis.



tum in qualitate, tum in quantitate.

*Confirmatio  
dogmatis su-  
pra dicti.*

*Indicia certa  
bonitatis  
duo.*

*Signa crisis  
exitialis op-  
posita dicti-  
o in super  
alia duo.*

*Cur gutta  
sanguinis ni-  
gri pessima,  
praesertim  
cum sudore  
frigido.*

Quapropter rectè diximus, omnem mali expulsionem esse bonam, quamvis adhuc mali plus remaneat. Sanguinis tamen larga eruptio vix vnquam relinquit malum, nisi sit extra venas.

Tolerantia, & melioratio subsequens erunt indicia certa.

Exitiales sunt cōtrarias notas ferentes. Adde, si deiectiones nigrae sequuntur, & arefactae: quoniam sanguis abest; & si conuulsiones. Sanguis enim vnit spiritum cum corpore: vinculo autem perduto ita soluitur. Similiter vitiatio. Vnde stillae sanguinis è naribus modicae cum malis signis, pessimae sunt: praesertim nigrae, & assatae. Indicant enim spiritum combussisse sanguinem, & exhalasse plurimum: & qui remansit, non posse corpulentas faeces educere: propterea in acutis certissimam mortem praenunciant: in mitioribus morbis longitudinem; nisi sint indices futurae crisis. quod ex aliis signis crismus internosces.

Nihil autem pejus stillicidio assato cum sudore frigido, extincti indicium spiritus, & caloris elapsi & insequentis humnris: si autem spiritus adest, & fluat largiter, liberat à quartana, & malis ex melancholia nascentibus, & laeticiam, & leuitatem, & sitis sedationem affert.

### De Crisi per sudorem.

#### ARTIC. III.

*Analogia  
sudoris ad  
urinam:  
quid vtrum-  
que.*

**Q**uemadmodum vrina est humida pars alimenti, quae solidum in venas deduxit, indeque sequestratur cum cineribus per renes in vesicam ad excretionem: ita sudor est humida illa pars alimenti, quae deduxit extra venas ad nutritionem statuae solidiusculas partes: quo peracto officio in cutim per poros excernitur, vel resoluta in flatum, vbi multa non est, nec crassa, & calor educens robustus est, & pori non multum ampli; quales sub axillis, vbi contingit sudatio, quando in aliis partibus est transpiratio; vel in fluores permanens consistentia excernitur: & quidem semper secum fert solidiusculas partes, & crassiores mistos humores.

*Quis sudor  
cuius tempo-  
ris index  
est, cuius  
passionis.*

Proptereaque ex quibus sudor manat vinctuosus, indusia linteae sordida pinguedine maculans: ij pituitosi sunt, & pigri, & pediculis obnoxij. Ex quibus verò e: it camisas nigredine afficiens; hi calidiores iusto, & fuliginoso sanguine abundant, spiritu tenui, & melancholici. Ex quibus rubens humor, & copio



& copiosus camifias rubore afficiens, sanguinei sunt, & exercitati copia sanguinis turgent. Haud tamen sanguinem citra miraculum exudant, sed tenuitates tinctas modico rubore.

Quibus sudor flauus, cholericus sunt, biliosique. Si autem sudor foetidus, prauas coctiones indicat; vti & excrementa: & si olet morticinum, ad hecticas trahit.

Quibus bene olet natura, sani sunt: vt Magno Alexandro; quod & mihi in axillis euenit: nec pediculos generat: neque camifias sordidat ob temperamenti dignitatem.

2 Omnis accensio siue febrilis, siue inflammationis viscerum, aut cuiuscunque partis, si fiat ab humoribus, & non à sola sic-  
*Sudor & transpiratio, qui differtur, & per hos febres resolutionem facere peccantium humorum.*  
 citate exalta, resoluitur per transpirationem, & sudorem criticum. Quapropter in singulis paroxysmis cum declinauerint, sudor, paulo ante vapor ardens.

3 In morbis acutis cum videris pulsum altum, magnum, vndosum, madidum, mollem, & præter rationem aluum, & vrinam sup-  
*Signa crisis per sudorem.*  
 primi, adueniente rigore, sudorem criticum expecta: qui causas morificas foras educit: præsertim si præ accensione simul æger delirat, & partes corporis omnes colorantur, incalescunt, & madescunt, & etiam quod per aluum non excernitur, tenue est, calidumque, & acre, & transiens per poros mordicat spiritum: qui aufugiens morbum, delirat, riget, & se vnit: factio-  
 que cum eo etiam impetu, expellit.

4 Vnde salutiferæ crises per sudorem fiunt copiosum, calidum, ex toto corpore erumpentem, causam morbi olentem: ad quem  
*Signa propria bonæ crisis per sudorem communia multa supradicta.*  
 sequitur quies, melioratio, & febris cessatio, aut saltem imminutio: & pulsus maiores in dilatatione, quam in compressione, cum cæteris bonis signis, & crisis aliis, quæ simul accidere solent.

5 Exitiales verò omnes sudores pauci, frigidi, non ex toto corpore, præsertim qui ex capite, thorace, clauiculis, in morbis acutis, ex quibus etiam multi, & frigidi exitiales: indicant enim copiam humorum inuictam; in mitioribus verò morbis longitudinem, & pericula.

Notabis ergo, quoniam paucitas in acutis signum est modicæ virtutis: partialitas partis nobilis inflammationem indicat: multitudo copiam peccantium humorum, aut retentricis debilitatem, aut humorum colliquationem vnà cum soliditate. Frigiditas crassitiam humorum, non vincibilium (aiunt Medici) dicerem, extensionem caloris expellentis, vel paucitatem, & resolutionem dum pellit.  
*Existialis, si contraria.*  
*Cur multitudo frigida, sicut & paucitas mala.*  
*Quid indicat paucitas, quid partialitas, quid multitudo, quid frigiditas sudorum.*



*Animadver-  
sio contra  
Aristot. in  
problem.*

*Argumen-  
tum primum  
cont. Arist.  
Arg. 2.*

*Quando su-  
dor mortis  
est nuncius  
census.*

*Quando in  
icttero sudor  
saluber, &  
quando exi-  
stialis.*

Caue ab Aristotelis imperitia ; qui sudores sanitatem pro-  
pterea facere dixit in febribus, quoniam sudor est aqueus: qui  
cutim refrigerat, ac proinde extinguit calorem. Hoc si verum es-  
set, ad quid sudor, cum frigida aqua melius id præstaret? Experti  
sumus in affectis lue venerea, & morsis à tarantula: quoniam su-  
dor secum extrahit causas morbigicas, & venenosas. Ergo.

6 In omni mala crisi cum signis malis sudor comitans, præfer-  
tim si partialis, & frigidus, est certus mortis nuncius: & spiritus,  
& radicalis humidi, rorisque eductio: præsertim post prauas eua-  
cuationes ab arte, vel à natura.

7 Sic etiam morbus regius in acutis succedens ad cutim ex  
bilis expulsionem, præsertim post 7. diem, vel ante, si signa co-  
ctionis præcesserint, criticus est, & salutaris: malus autem ex  
fellis obstructione, debilitatione, & iecoris inflammatione, &  
scirrho: quod ex dextri hypochondrij tumore, & dolore, & in-  
flammatione, atque urinarum croceo colore pannum tingen-  
tium, nosces. Quæ signa in critico ictero desunt.

*Ex Urinis judicia. Et primò de Urinæ essentia, & qualitate,  
juxta atates, & temperamenta.*

## CAPVT II. PARS III. ARTIC. I.

*Quidditas  
urina.*

1 **U**Rina est pars humida nutrimenti deferuiens coctioni, &  
transmissioni solidioris ad partes solidas per venam cauâ:  
quo peracto officio superfluitas aquositatis colatur cum cineribus  
per renes, ad vesicam sequestratur, mox excernenda: ergo ex co-  
ctione, & cineribus falsescit: quapropter indicationem habet super  
caloris naturalis actiones, id est cocturâ, sequestrationem, & vires.

*Quarum  
atque qua-  
litatis, & qua  
urina.*

2 Idcirco urina senum alba, subtilis, transparentis; magis autem  
decrepitorum; quoniam calor ipsorum robore magnus coquit  
sanguinem cum adustione, inæqualémque reddit, & nigrum: se-  
rum verò tenue album, sicut in destillatis aquis. Infantum verò  
instar seri alba, opaca, & crassiuscula: quoniam calor iecoris blan-  
dus fundit æquè totum cibum, & non prius partes molles: neque  
ergo attenuat serum; reddit tamen album, quoniam blandus ca-  
lor non exhalat; non tamen transparentis, quoniam non separât,  
nisi faeces crassas, quas nec adurit, ut patet in Phys. Puerorum ad-  
huc crassa, & alba est, sed iuuenum crocei, & rubei coloris, sed  
nō clari sicut senum, nec opaca, ut puerorum, sed mediocris: quo-  
niam



niam auctus calor sequestrat aliquas partes, & remanentes colorat mediocriter, dum albedinis parte spoliatur: sed in sanguineis rubras reddit crassasque: in cholericis rubras tenuésque, quia maior calor. In phlegmaticis alba opaca, similis pueris. In melancholicis alba clara, similis senum.

3 Igitur in puero vrina in venis indicat febrim, vrina senis he-  
cticam: in sene vrina pueri debilitatem caloris, & catarrhos: vrina iuuenis, optimam temperiem; qualis inest in temperatis, quorum vrina palearis, & mediocris consistentiæ.

Quid significat cum atriis ritum non seruat.

inueni

*Ex colore albo, & consistentiæ qualitate iudicium.*

ARTIC. II.

1 VRina alba, tenuis, multa in corpore sano, multam potationem significat; ex qua ante cocturam partes aqueæ trans-  
eunt, vt superfluxe, ad vesicam.

Quid in sanis alba tenuis, multa.

2 Alba tenuis, transparens, multa & mediocris in nō sanis, significat, aut oppilationem splenis, aut renum, aut viæ vrinæ; idcirco colatur sicut aqua per tophum, & sola tenuitas egreditur: vel significat hydropem, si ictēritia, & calor præcessit: quoniam jecur inflammatum adurit nutrimentum, & in aquam vertit: aut phthisis principium, aut caloris defectum in copia, non in robore: idcirco mala est in febribus.

Quid in non sanis.

3 Alba, spissa, seu crassa & multa, significat cruditatem, & digestiue imbecillitatem, aut phlegmaticos humores, & morbos, qui ex eis, & morbi incepti durationem. Sed in fine morbi post tenues vrinas crassa sequens alba, morbi finem pandit.

Alba crassa, multa.

4 Alba, saniosa, aut fursurea, aut purulenta, aut arenosa, aut spermatica, aut pinguis, aut glebosa, aut cum nebula niuea, vlcerum, & calculi, & seminis corrupti, aut liquefacti adipis, indices. Quæ patent.

Alba sordida.

Mortem significat alba, crassa, oleaginosa aut spumosa in acutis.

Alba crassa, oleaginosa.

*De colore nigro, & consistentia, & qualitate.*

ARTIC. III.

1 VRina nigra, aut significat admistionem saniosi & menstrui sanguinis, aut vlcera in renibus: & bona est, si educit mala ista.

Quid nigra. intelligitur de menstruo



*Et sanioso, qui expul- tricie vir- tute separa- tu, & tenui- tatis absces- su liuescit, etiam in- grumum al- ions. Galen in l. de sem.* 2. Aut mitionem atræ bilis, & impotentiam sequestrandi: er- go vel mortem, vel iëteritiam nigram: & hæ crassæ sunt semper. Aut extinctionem caloris nativi, qui dum incendit sanguinem, ipse simul euanescit, & fuligines remanēt cum sero. Et talis vrina semper tenuis est, & mortem denunciat, nisi sit in quartana, quæ atram bilem expellit, & quidem maxime si est pauca, lucida, cum viriditate præcedente. & peius si fœtida, vinctuosa, oleaginosa, & in febribus acutis, & non criticè.

## De colore liuido, &amp;c.

## ARTIC. IV.

*Quid liuida in quibus morbis.* 1. Liuida porro mortem semper significat, quando tota liuet, non ex mistura, sed constitutione, in morbis acutis, & phthisi, & hectica, & phrenitide, & pleuritide, multoque magis, si pauca & oleaginosa, & fœtens. 2. Quando liuet solus circulus in superficie, epilepsiam indicat: si non tota, in tumore ventris hydropisim. Cum granulis liuidis malū in pulmone, aut pectore. Cum frustis, arthriticum dolorem; & quando est spissa, minus mala. Aut enim renū & pectinis mor- bum: aut menstruorum, aut fluxum ventris, aut hepatis dolorem. Inspice contenta. Liur enim fit ex media accensione inter cho- leram, & melancholiam.

## De rubea, &amp; rufa, &amp; suæ consistentiæ qualitatibus.

## ARTIC. V.

*Rubra bona ex coctione, nisi ubi non naturaliter.* 1. Vrina rufa fit ex bona coctione in naturaliter sanguineis: sed in pueris, senibus, & mulieribus indicat febrem. Non enim rubescat nisi aucto calore. Idem in phlegmaticis. *Ex mitione.* 2. Vbi rubedo fit mitione sanguinis in vijs vrinæ; hoc ex vlce- re, aut ruptione venæ fit, aut hæmorrhoid. *Quando mor- ralis.* 3. Vbi vero ex membri sanguinei dissolutione, aut ex impoten- tia sequestrandi serum à sanguine, mortem significat: præsertim si rubra sit, pauca, subtilis & cum nigra hypostasi, & turbida: & hoc semper in acutis febribus, & hydrop. In spasmo, epilep. apoplex. phthisi, paralyti, peripneum. dysent. colica. *Quando de- sirium.* 4. Rubea spumosa, aut desuper alba subtilis, alienationem signi- ficat, præsertim in dolore capitis. Item cum nebula.



- 5 Vbi fuerit sine hypostafi, aut cum hypostafi nigra, vel quasi pilosa, turbida, vinctuosa, lethalis est: aut mala. *Item quando mortalis.*
- 6 Simplex rubea, sicut rosa, febrem ephemeram sed continuata quotidianam indicat. Vbi autem miscentur contenta, & dolores, & febres, iudica iuxta consignificationem, & partium consanguinearum affectus. *Rosea. De iudicio misurarum.*

*De viridi iudicium.*

ARTIC. VI.

- 1 **V**iridis vrina crudam choleram fortè nunciat, cum virides res coctæ fiant crocæ: ergo eius abundantiam, & indigestionem, ergo in omni febre acuta mortem: quoniam non potest natura tantæ copię hostilis humoris resistere. *Quid viridis, cur in acutis mortem.*
- 2 Indicat mortem viridis pauca: quoniam natura nequit expellere multam. Sed quando multa in dolore capitis, causam expulsam ostendit, & salutem. Et si habet circulum viridem in super in phrenitide, lethalis. *Vbi bona.*
- 3 Indicat viridis venenum ab assumpto cibo, vbi dolet stomachus. Crassa viridis stranguriam. *Vbi venenum.*

*De pallida, & citrina iudicium.*

ARTIC. VII.

- 1 **V**rina pallida, & mediocriter spissa, est propria exeuntis pueritiam, & viri phlegmatici sani: & bonum signum in his: in aliis verò indicat phlegma acetosum accidentale; & morbos, qui ex eo, & indigestionem. Sed si spumosa, & liuens supernè cum oleaginitate, & cineritia, modicæque, phthisim, & fluxum alui, quo veniente mors adest. Rubrum tamen circulum habens, & nubem magnam in fundo, dolorem hepatis, & dextrilateris, & apostema cum dolore capitis. *Pallida & citrina quorum propria, & quorum morbosa.*
- 2 Citrina etiam, & subcitrina pituitosorum, sana; & cum circulo citrino non consistentia mediocris, sed tenuis multæque, constipationem, & dolorem hepatis; & in sene, & muliere quotidianam: & incensa tertianam, ex vitellina. Non autem in adolescentibus, quibus est naturalis in ætate Veneris.
- 3 In acutæ principio cruditatem, & morbi durationem indicat citrina tenuis: sed post rubra phrenitim. In declinatione vero salutem, quia calor mitigans operatur, ut in pituitosis. Et *Quando, quid.*

R cum



cum est virgulata, & fenestrata, lienis, aut articulorum morbos ex multitudine.

*De subrubra, & vinosa iudicium.*

ARTIC. VIII.

*Subrubra  
vinosa ubi,  
quid.*

1 **V**Rina colorem jecoris habens, & vini rubri subnigri passionem hepatis, aut pulmonis, aut renum, seu apostema; prout plus vni, quam alteri morbo sui coloris similis est: & propterea etiam vlcera, & rupturas venarum significat, & in causone crism à sanguine.

*Eiusdem  
spuma.*

2 Et cum habet spumam croceam, potius in icore significat obstructionem, & ictcritiam, & hydropisim ex nimio calore, pessimaque est in acutis ante septimum diem: postea enim indicat à bello Naturæ victoriam: ante verò potentiam morbi; peius autem si prius rubra fuit: accensio enim creuit, & vssit.

*Ex Consistentia, & Contentis in Urina, iudicium.*

ARTIC. IX.

*Crassa clara  
rescens quid  
significat:  
subtilis clara  
rescens.*

*Quid illa, &  
ista persene  
rans.*

*Quatuor u-  
rina circuli  
quid, & su-  
per quibus  
paribus cor-  
poris, quid  
circulorum  
colores.*

1 **V**Rina exiens crassa, & mox clarescens, significat naturam perfecisse digestionem, sed non sequestrationem: subtilis vero crassescens, non perfecisse digestionem, sed ex parte beneque. Si perseverat subtilis, cruditatem notat, nō inceptam coqui: si perseverat crassa, commistionem humorum non coctorum.

2 Sunt in vrina quasi quatuor circuli, supremus aqueus: secundus cholericus: tertius sanguineus: quartus atrabiliosus: cum non servant hunc ordinem varias, & longas infirmitates significant.

3 Circulus supremus super caput significat: cæteri super inferiores partes gradatim, & quilibet ex suo colore. Albus malum ex phlegmate, niger ex adustione, & melanchol. croceus ex bile: rubeus ex sanguine. Linidus extinctionem, & epilepsiam in suis locis, sicuti de coloribus diximus.

*Quid am-  
pulla, &  
granula.*

4 Ampullæ & granula, ex quibus constat spuma, semper ventositatem non separatam, ergo & indigestum humorem significant, & morbos ex inflatione. De quibus in 3. lib. Aliquando nimiam attenuationem alimenti ex calore nimio: & propterea si nigra, adustionem, & atram bilem: si crocea ictcritiam, & hydropem, &c. ut de coloribus dictum est: præcipuè nephriticum do-

lorem;



lorem, & hepatis inflammationem, & rheumata in capite. Ven-  
rus enim sursum petit: sed pro situ in vrina.

5 Nebula ex suo colore ostendit, & situ: si alba, nigra, crocea, *Nubecula.*  
&c. si supernè, si infernè. Sed liuens purulenta, hecticam.

6 Sanies semper apostema rumpi in eo membro, in quo dolor *Sanies.*  
præcessit: at sine difficultate exiens, in renibus.

7 Sanguis in vrina, vel menstruum, vel venæ ruptionem in *Sanguis.*  
membro, vbi dolor; & post passionem splenis, criticus est; vbi  
perseuerat, malus; quia plagam insanabilem.

8 Sperma cum passione gonorrhæam: sine, abundantiam *Sperma.*  
feminis, & coitus intermissionem; aut præcessisse paulo ante; vel  
nocturnam illusionem.

9 Cinis resolutionem renum, aut splenis malum, aut aposte- *Cinis.*  
matis sanguinei rupturam, aut menstrui retentionem, aut nun-  
cium, aut reliquias, pro loco doloris, & situ, in febrem phlegm.  
transitum ad melanch.

10 Atoma quasi puncta, significant destillationem pro situ. In *Atoma quid,*  
fundo enim ad pedes & genua: in medio ad pectus, & manus.

11 Squamæ, & furfur sine febre scabiem corporis cum dolore, *Squama &*  
vel vlcus vesicæ: cum febre, hecticam significant. *furfur.*

12 Pili consistentes in vrina hecticam tertiam: euanescente *Pili.*  
motu oppilationem à crassis humoribus: pingues sine febre, re-  
num dissolutionem: rubri, renum caliditatem.

13 Vrina pinguis sicut brodium, sine febre pinguedinis renum, *Pinguedo*  
vesicæ, & lumborum solutionem significat. At cum febre, totius *qua, & quid.*  
corporis liquefactionem. Et si stillas pingues habet, est prima spe-  
cies hecticæ. Si in tota superficie est adeps, sicut tela aranæ, est  
species secunda. Si verò tota oleaginosa, & carunculis, & neruulis  
quasi mista, est tertia species. Dissoluitur enim soliditas. Et in  
omni febre acuta, si pauca, oleaginosa, mortem significat; & si in  
quarto apparet, in septimo mortem expecta. Similiter in colica,  
& hydrope.

*De hypostasi vrinæ iudicium.*

ARTIC. X.

**Q**uoniam hypostasis est crassities sequestrans se à partibus *Hypostasi in*  
liquidis vrinæ, indicat virtutem concoctiuam, & separa- *vrina, &*  
tiuam, & expulsiuam super alimento. Et est superfluitas vltimæ *fluiditas in*  
stercore pro-  
coctu



portionali-  
ser, non sa-  
nam prorsus  
indicano.

cocturæ, quæ in corporibus perfectè sanis, & frugaliter viuen-  
tibus ex cibis facile digestilibus, nulla reperitur: totum enim  
abit nutrimentum in substantiam nutriti: & fæces crassæ per  
aluum: cæteræ in lienem, & fel: cinis in renes: fuligines in pi-  
llos: aliæ sordiculæ in sudores, & transpirationem. Ergo ubi hy-  
postasis, indicat plus alimenti debito sumi, vel non benè absolui  
coctiones omnes. Sic enim si fæces alui liquorem habent, indi-  
cant incoctionem chyli, vel non attraxisse mesaraicas totum: er-  
go crassities in vrina è contra.

Quantitas  
sedimenti  
quid.

2 Qui multum comedunt, plus sedimenti habent: qui minus,  
parum: qui mediocriter, mediocre: qui verò non edunt, & fe-  
bricitant, si multam hypostasim habent, eorum substantia colli-  
quescit, vt in hectisis, & acutis febribus.

Salubre sedi-  
mentũ quin-  
que conditio-  
nes habet.  
Quid, in quo  
loco macula  
significatio.

3 Hypostasis salubris est alba, lævis, pyramidalis, in fundo ma-  
culæ vnita, qua mota subito ascendit, & quieta reuertitur.

4 Alia est nebulosa, quia supernatat, & indicat flatum, & ma-  
lum in capite. Alia pendens in medio, & indicat minorem fla-  
tum, ac in capite. Alia quæ sedet in fundo, & perfectam coctio-  
nem significat, si est alba, vnita, lævis, æqualis. Si enim disjunc-  
ta, & in fundo, cruditatem, & flatum simul notat, & non per-  
fectam cocturam. Si pendet, similiter; sed tandem victoriam. At  
quando per crassitiem est in fundo, & non leuatur, & quasi res  
non pertinens ad vrinam: tunc vel est aliquid extraneum, vt are-  
nula; vel indicat naturæ desperationem ad ipsos humores co-  
quendos: propterea que extræ aquam coctionis dimittit.

Totalis se-  
questratio  
incoctæ pessi-  
mum.

Quis color  
vrina quid  
significat.

5 Hypostasis nigra vbique, præsertim in vrina nigra, mortem,  
indicat per incendium, & extinctionem caloris, similiter liuens:  
alba bona; rubra & subrubra longam ægritudinem, sed sanabi-  
lem: citrina, & pallida febres ex cholera benè terminabiles, licet  
longas si pendet. Viridis autem peior, quoniam incensionem san-  
guinis, & humorum indicat.

Mistio in v-  
rinis præter  
liquorem co-  
ctis in ea  
respondens.

6 De hypostasi granulosa, squamosa, furfurea, pilosa, cineritia,  
farinosa, iudica, sicut dictum est de contentis in ea. Arenosa ve-  
ro, rubra calculum in renibus nimio calore ex fæcibus gigni. Alba  
in vesicæ fundo concrefcere, quæ etiam solent ex sola febris fie-  
ri, & ea cessante euanesce.



De urina bestiarum, & mulierum.

ARTIC. XI.

1 **V**Rina muliebris est crassa, & alba, ut in pueris, & minus splendet; & cum spuma rotunda, & mota non turbatur: mascula verò splendidior, & mota subito turbatur. Attamen in senibus est crudior, & liuidior, quam in mulieribus, sed magis in foemina sene.

*Distinctio  
sexus ab urina  
signatus.*

2 Sed lucida, & pura cum nube pendente, & granulis ascendentibus, & descendantibus est mulieris praegnantis usque ad sextum mensem. Conceptum autem indicant granula pingua in fundo si mox gelantur. Rufa & subrufa rotunda, masculum: lata, alba, liuida, foeminam. Post sextum mensem sunt turbidiores, ut brodium pedis vituli. In fine adest rubedo etiam, qua pars menstrui maior miscetur.

*Et faeces.*

3 Vrina asini, sicut butyrum turbidum subalbum.

*Vrina bestiarum.*

Subiugaliū consimilis est; sed tendit ad colorem citrinum, & medieras matulae superior clara, inferior turbida.

Ouium albae, tenues, aquosae, subcitrinae cum sedimento quasi oleo, vel amurca.

Hominis quanto plus approximatur, eo spissior apparet, quo plus elongatur, eo rarior; quod non accidit in aliis bestiarum urinis.

*Signum distinguens ab humana.*

Appendix.

1 **N**Otandum maxime est, quod omnis vrina non naturalis. *Quomodo cognoscitur vrina non naturalis.*  
In aegroto (quod ex colore opposito eius complexionis, & sanitati consuetae intelliges) quando modica est, indicat mortem, vel periculum grande; ex colore enim, & contentis indicat morbi naturam, ex modicitate impotentiam naturae ad pellendum morbum, & ad functiones in cibi transmutatione, & perfectione alimentacionis.

*Quid significat ex quantitate, colore, contentis.*

2 Vbi autem plurima est vrina talis, si non ex colliquatione solidi oritur, (quod ex foetore, & oleaginositate cognoscitur) tunc indicat crism, & naturae praepotentiam ad pellendum simul, quod diu non potuerat, sicut in suspirio facit, compensans priores respiraciones per vnam. Vbi verò est mediocris, mediocriter indicat ex hac quantitate. Sed ex aliis signis; ut supra.

*Multitudo ubi indicium crisis.*



## De Crisi per urinas.

## ARTIC. XII.

Qui morbi  
per urinam  
inducantur.

Signa crisis  
per urinam  
sex.

Quando sa-  
lutaris, quā  
do noxia.  
Multitudo  
semper criti-  
ca, non sem-  
per bona.

Signa bona.

**I** Ebres, & morbi jecoris, & vasorum sanguinem continen-  
tium, & expurgantium, per urinas iudicantur: cuius crisis  
signa sunt carentia signorum crislum aliarum, & gracilitas circa  
pecten, & inflatio quasi vesicæ, & acrimonia, vel pruritus in vasis  
vrinariis, & alibi suppressio insolita.

**2** Signa coctionis, & cruditatis in vrinis indicant naturæ vires,  
& debilitates: & tunc salutaris, quando similes sanis: malæ,  
quando dissimiles. Sed copia vrinarum paulatim crescens exce-  
dens potum, & tincta, mistaque humoribus peccantibus, est criti-  
tica: & cum bonis signis bona: cum malis mala. Videlicet liuida  
ex se indicat caloris natiui albificantis extinctionem; sed cum  
melancholico humore multo crisim bonam: si in die critico, con-  
gruens humori, & copia, & qualitate alleuans, & conferens; salu-  
tem, aut meliorationem: mala è contra, vt ex dictis patet. Sic de  
cæteris.

## De Crisi per alui deiectiones.

## PARS IV.

## ARTIC. I.

Qui morbi  
per fluxum  
alui indi-  
cantur.

Prima indi-  
catio deie-  
ctionum quæ,  
& qualis,  
& in quibus

**A** Bdominis morbi, atque viscerum omnium, excepto corde,  
& pulmone, & quicumque fiunt ex crassis humoribus, & de  
peripheria ad centrum incumbentibus, per alui fluxiones iudica-  
ri vt plurimum consueuerunt.

**2** Deiectiones alui, etiam duplicem habent indicati- nem: al-  
teram à seipsis, quatenus sunt signa naturæ coquentis benè, vel  
malè: vel non potentis coquere; & sic considerantur communi-  
ter in sanis, & ægrotis, de quibus diximus in 2. & 3. lib. quod de-  
bent respondere ætati, complexionì, ciborum quantitati, & qua-  
litati, & tempori coctionis, & de ipsorum consistentia, & colore.  
Scimus enim infantes liquidas excernere, albidasque, ueros lu-  
bricas, subcroceas; adolescentes molles, subrufas: viros triticeas  
colore, & lentas: sènes duras, & liuentes. Præterea cholericos  
flauas, & siccas, modicas: atrabiliosos sicciore, pauciores, subni-  
gras: pituitosos viscosas, subalbas: sanguineos plurimas, grossas, se  
continentes, quasi corollas, submolles.

Regula deie-  
ctionum 4-

**3** Quando ergo ita se habent, vt solent sanis, in ægritudine,  
morbi tolerantiam & salubritatem pollicentur, quando vero e  
contr a



contra, trāseunt in conditionem illorum, quos imitantur. Et si ab extremo ad extremum, pessimum fiet indicium, vt cum puer senis egestionem eijcit, ad hecticam, aut ad vehementissimum viscerum incendium transit. Senex vero pueri excrementa habens, & cruditatem indicat, & digestiue facultatis debilitatem; quæ tenue à crasso non potest separare: non autem robur facultatis puerilis, quæ fundit æqualiter totum ingestum, sicut in 2. lib. dicebamus.

Si autem fiat transitus ad vicinum, morbus mitior est; vt si infans pueri, & puer infantis excrementa egerit. Præterea si sanguineus atrabiliosus effert deiectiones, abundantiā caloris assantis sanguinem & excrementa, laborat. Si pituitosi, defectu. Ided remediis eget contra pituitam. Accidit aliquando præter ægritudinem iuueni liquida excernere ex ciborum mollissimorum qualitate, vt si ficus, aut lac ederit, vel ex multitudine quam coquere non potest & in hoc graucolentes, & sinceræ sunt deiectiones: in illo non malè olent præter consuetum.

3 Alteram indicationem habent deiectiones, quam criticam dicimus: vbi nimirum non purè, sed cum humoribus, qui ex venis & visceribus in intestina decumbunt: prodeunt, quod faciunt aliquando attractione assumpti pharmaci potentioris ad attrahendum sibi similes in ventrem, quàm conuerti in eos: aut repercussione exteriori in cute incipiente. Videmus enim eos, qui humidū locū subterraneum non consuetum intrauerint, & permanserint per aliquot dies, aut qui nudant pedes & corpus, statim alui fluxum pati: humor enim per poros attractus impellit humores subcutaneos, & isti alios vsque ad viscera & intestina: quæ stimulatæ emollitæque excernunt solita excrementa, & insuper humores multos.

Idem accidit tabidis, quorum carnes putrescentes colliquantur, & ad intestina fluunt, & non per poros extra cutim, vt accidit tabescentibus ab inflammatione.

Aliquando verò idem fit ex impetu naturæ sequestrantis noxios humores ab utilibus, & ad ventrem impellentis: qui cum facibus deiciuntur. Et iste motus familiaris est criticis deiectionibus.

4 Signa crisis huiusmodi sunt intestinorum tormina præcedentia, mordicatio, crepitus grossi, murmur præcordiorū, & suspensio, extuberantia, & turbatio ventris: Adde, grauitas genum, & lum-

groyum, &  
sanorum.  
Admonitio  
exceptionis.

Secunda indicatio ex deiectionibus.  
Cur humores deiectionibus admiscantur.  
Prima causa.  
Secunda.

Tertia.

Quarta.  
Signa crisis  
per aluum.



*Diffinitio.* & lumborum dolor cum his: licet mordicatio sit propria excretionum falfarum, biliofarum, acrium, melancholicarum: ructus, flatus, crepitus, tensio, murmur, propria pituitosarum, & frigidarum.

*Bona sequestratio saluberrima crisis index tres ob causas.* 5 Deiectiones criticæ salubres sunt omnino, quando à natura sequestrante, pellenteque humores malos, sequestratos à bonis, fiunt: tunc enim neque vile cum noxio excernitur, neque spiritus cū illis effertur, neque remanet pars noxiorum ad recidiuam, vel vexationem spiritus remanentis; facta enim erat sequestratio eius, quod eiiciendum, & quod retinendum. Quapropter neque copiosior est, neque minor quam profit. Idcirco signis cocturæ apparentibus, & in morbi statu, & decretorio die, iuuante cælo, sit necessario optima excretio quorumcunque humorum, siue biliosorum, siue pituitosorum, siue æruginosorum, nigrorum, porraceorum, & cuiuscunque generis: & sequitur salus, vel melioratio; & ægri facile ferunt.

*Noxia crisis, & infidelis causa opposita cruditas.* 6 At quando fiunt excretiones absque signis coctionis, quamuis sit bonum eis naturam exonerari, haud tamen fideles sunt: necessario enim remansit ipsorum pars vexatura, quæ non erat tota per coctionem segregata: & si virtus est languida, mortem affert: si robusta, morbi longitudinem. Propterea quo deteriores deiectiones, quove magis contrariæ naturalibus, eò exitiales; nam vel exurguntia exeunt, vel à debili virtute non potente malum expellere totum, vel retentiuæ collapsa; ut euenit morientibus.

*Superflua euacuatio quid faciat.* Et cum coeperit fluxio boni cum malo: facta hac via, humores viles egredi consuefcunt, & partes corporis vnà euocatæ, vel colliquatæ cum eis, siue ab incendio, quod raro fit: siue à calore non potente tenuitatem educere per cutim, quæ disponit cæteras partes ad liquefactionem, non secus ac in cadaueribus accidit, vnde olent morticinium. Propterea importunæ euacuationes tabem, prædicta ratione, vel hydropem, exsiccato iecore, parant: quæ vero modicæ sunt, partem morbi relinquunt. Deterrimæ autem sunt deiectiones bonæ, quales sanis in ægrotis, quoniam non excernitur humor malus, sed excrementum solum

*Cur bona, mala.* salutare: præterea quando morbo non conueniunt: si enim pituita laborans, egerit biliosa, non prodest.

*Primum collarium.* 7 Igitur pingues, cadauerosæ, pessimæ, præsertim viscidæ, spurmosæ, & paucæ: quoniam ex cerebro fit defluxus liquefcente.

Item virides, æruginosæ, quæ incendiū, & absorptionē notant.

Item



Item immodicæ, & modicæ, quæ cum cœperint desistunt expultricis imbecillitate.

Item nimis aquosæ, inscio ægro, nec delirante, egressæ.

Item nigræ, & cruentæ, ex perusta, & ulcerante bile, nuntiantes iccoris, & splenis malum. Cætera patent, quoniam & ad urinas habent analogiam. Sûntque eiusdem malitiæ semper, nisi ubi criticæ fiunt.

8 In morbis grauibus, & pestilentibus abscessus ad intestina si fiunt criticè, boni sunt: propterea Hipp. in peste eos, qui in dysenteriam, aut tenesmos, aut alui fluxus, & turbationes, inciderunt, euasisse scribit: quoniam, &c. non autem si non criticè.

*De Crisi per vomitum.*

ARTIC. II.

1 **Q** Vicunque morbi fiunt à biliosis, & tenuibus, & calidis, supra petentibus humoribus, vel supra septum transuersum morbi omnes, & præsertim in ætate, vomitu iudicari habent.

2 Signa crisis per vomitum præter communia sunt hæc propria; morsus oris ventriculi, nausea, fastidiûmque, dolor acer, & vertigo capitis, oculorum caligo obuersans, sputum aquosum spõte multum affluens, labri inferioris agitatio. Etenim humores prauis à venis, & visceribus in ventriculum pulsati mordicant; præsertim acres, biliosique: nam pituitosi potius nauseam, laxando fibras, efficiunt.

Ex his vapores in caput elati offuscant spiritum, & turbant, & oculis caliginem faciunt: & dolor sequitur ex spiritus, & membranarum cerebri læsione, acer. Saliuam & motum labij facit communicatio cum membrana ventriculi, sed etiam à cerebro stillatio, quæ omni in commotione ipsius adest.

Addit Hippoc. quod si rigor affuerit, & iliorum frigiditas, citius voment, & cum præsertim ederint, & biberint. etenim spiritus sese retrahens rigorem facit in membris, & in se vnionem ad expellendum. Alimenta verò addunt turbationem, & grauedinem, & irritationem stomacho; propterea multum, atque fluidum.

3 Est quidem salubris vomitus omnibus sanis ventriculo oneratis, similiter & prauè nutritis, & ad infirmitates præfatas opportunis, quod facile consequetur, agitatione naus, aut pèduli in fune:



*Iuuantis ad  
vomendum  
ex morbo.*

ne: tunc enim humores turbantur, & spiritus, vt potest, eos, quos noxios excitatos contra se sentit, pellit ad stomachum, præsertim tenues & mucosos; vnde vomuntur.

Procurant etiam vomitum multo vino, & oleo, & raphani decoctione, vt dictum est. Sed de criticis vomitibus in morbis est sermo noster, qui tamen naturales imitantur.

*Quando sa-  
luber.*

4 Omnis vomitus post signa coctionis conueniens naturæ morbi in qualitate, & quantitate, leuans, aut sanans, saluber est, quamuis vomat æruginosa, flaua, porracea, virulenta, viridia, diuersicoloria: propter causas dictas paulò ante, & à principio de crìsibus.

*Quando non  
saluber.*

Horum autem excretio in omni morbo absque coctione mala, præsertim si modica, & virulenta, aut plus quam oportet vires dissoluens, aut morbo non conueniens: & quæ non confert, sed potius lædit, quamuis conueniat: mala etenim humorum prauitatem multam remansisse, & naturam ad expulsionem languidam, & concoctricem, & retentricem collapsas, vt patet in his, qui cibum vomunt.

*Vomitus  
contra na-  
turam vo-  
mitibus, ma-  
lus.*

Vomere quæ debent per aluum eijci stercora, semper lethale: nimiam intestinorum affectionem denunciens. Et omnis vomitio non critica in morbis vehementibus, exitialis: in mitioribus producit morbum. Cætera vt supra.

*Documen-  
tum ex non  
conuenienti.*

Etiamsi subleuer, & videatur sanare omnis excretio, si morbo non conuenit, neque coctione fit, non ei fidendum: recidiva enim, & malum subsequetur cum putabitur adesse sanitas.

### De Crìsi per sputa.

#### ARTIC. III.

*Quid sputa.  
Quos iudi-  
cant morbos.*

1 QVæ ex pectore excernuntur, quamuis à capite, vel aliunde remanent, sunt sputa vocata Medicis, quæ iudicant omnes morbos in membris respirationis supra septum, atque in capite genitos: manifestum est enim vapores condensatos in cerebro, verti in fluores: qui descendunt in pulmonem, vt madefactus, ictibus aëris non vlceretur, neque cōtinua agitatione exsiccetur. In pulmone autem nouas existentias, quales in excretionibus videmus, accipere à calore, & mo uicidem clarum est. At non dissimiles in capite, vt mucores, & lacrymæ eclarant, & caries aurium.

*Argumen-  
tum à mu-  
core & la-  
cryma.  
A catarrho.*

Hoc autem confirmat catarrhi ratio, qui subitò fit atque caput humiditates ab extra per percussione[m] contraxerit, & cogens frigus, & fumosos vapores. Humiditas autem ingrediens per

poros,



poros, fluores in poris contentos ad centrum agit, sicuti in alui deiectionibus consimiliter dicebamus: & horum mistura, & coctura diuersa genera sputorum creat in capite, & in pectore, præter illud continuum, quo lingua madet.

2 Sputa igitur sunt & viscosa, fluida, spumosa, & læuia: alba, flaua, liuida, viridia: cruenta, purulenta: dulcia, salsa, insipida: rotunda, plana, granulosa: graueolentia, non olentia: magna, parua, copiosa, praua; difficile, aut facile excreta. Quæ differentiarum varias habent indicationes.

*Differentia  
sputorum.*

3 Salutaria sunt sputa in morbis, si qualia sanis, videlicet alba, læuia, insipida, æqualia, non nimis tenuia, aut crassa, quæ promptè & facile excernuntur; atque sequitur leuitas, & fastidij cessatio.

*Salubria sputa  
signa 10.*

Hæc autem non fiunt in ægrotis, nisi coctione incepta. Albedo enim calorem blādum notat, & impermitionem bilis, quæ est in flauis & viridibus, exaffationibus, quæ in nigris, & liuidis, quibus & caloris extinctio aliquando notatur, & sanguinis, quæ perpetuo mala: indicat enim vel pulmonis, vel venarum erosionem, aut ruptionem. Læuitas similiter impermitionem dicit partium duriuscularū, qualis in catarrhi scretibus. Æqualitas idem in partibus dicit. Insuperitas proba est: salsedo enim rodit. Amaritudo similiter ulcerat. Dulcedo pituitam crudam indicat: sed hic sapor minus periculi habet. Tenuitas paucitatem caloris coquentis indicat. Crassities robur caloris, & substantiam difficilem eiectionis: & morbi longitudinem, & suffocationis, & obstructionis periculum. Promptitudo exeundi ad facultatis vigorem, & excrementi obediētiā propter æqualitatem, & viscositatis carentiam spectat, & vasorum munditiam.

*Signorum  
dilectionum ratio.*

4 In pleuriticis, & peripneumonicis, si à principio non expuant, peius est atque si expuant, etiam tenue. Nam principium coctionis indicat. Lubricum verò, & crassiusculum maiorem coctionem. At etiam si excreentur in principio status discolores, flauæ, & sanguinæ spuitiones, si facilis est emissio, & sequitur melioratio, dolorem, tussim, & febrem tollens: indicat causam morbi simul exire, quæ venas, aut pulmonem, aut pleuram rosit, atque inflammat. At si non sequitur melioratio, indicat plus prauitatis remanere ad perniciem.

*Melius spuare, quam non, & quando.*

5 Rotunda, salsa, flaua, biliosa, granulosa sputa, etiam in sanis suspecta sunt: quoniam rotunditas indicat multum calorem, & coctionem spurī apti ad ulcerandum, & resistendum excretioni.

*Quæ sputa mala, & cur.*



Salsedo rodit, sicut & bilis: grana crassiuscula, ad instar cicerum, diuerfas consistentias, & duritiem cum mollitie indicat: quarum altera semper residet grauans pulmonem. Quando ergo ista sunt in ægris, præsentem morbum pleuræ, aut pulmonis; quando in sanis, futurum prænunciant: maximè autem viridia, & biliosa, & difficilis respiratio, & stercus.

*Quando bona ipsorum ferantur, & quando mala.* 6 Præterea purulenta, flaua, æruginosa, nigra, quando criticè exerceantur, & exonerant ægrotū, bona. Vbi absque signis bonæ crisis, & præsertim cum difficultate, nec leuant; pessima.

*Appendix.* Etiam bona sputa per se in morbis, quando non educunt causas morbificas, & quando pauca, prauè iudicant.

*Fætida quid.* 7 Fætida sputa, exitialia. Indicant tabem, quæ sequitur pulmonis vlcera.

*Præuatio expulcionis suppurationem intra septum, tabem, & phthisim ferat.* 8 Quorum tumores, & apostemata intra septum suppurant, nisi pus expuatur, tabem quoque seu phthisim inducunt. Etenim putrescit iterum pus, & rodit pulmonem, & eius membranam. Qui verò habent validam expultricem, & membranam pulmonis non ad eò densam, intra 40. dies expuentes multum pus criticè, liberantur: alioquin in phthisim incidunt. Phthisicus autem

*Quando liberantur.* tandiu viuit, quamdiu expuit: suppresso sputo aluus humescit, colliquatione ad centrum fluente. Crura tumescunt, quoniam

*Phthisicum sputum, & afflicti qui, & quid.* excerni per transpirationem in his potest nihil. Vngues deficiente carne, & calore; curuantur, & liuescunt. Genæ ob thoracis febriculam rubent. Oculi caui fiunt. Pustulæ & sudores non à facultate expulsua, sed à calore febrili putredinali fiunt, exuberante humore prauo.

*An sint alia crises: & de die, & hora futura crises, prædicenda.*

#### ARTIC. IV.

*Multiplex crisis cuiusque incommodi sunt à natura, seu ab arte.* 1 Sunt & aliæ crises, quandocunque causa peccans educitur, vt in stragulatione vteri, & priapismo, & gonorrhæa seminis putrescentis emissio: & in apostematibus, puris: & in ebrio, vini: & in venenato, veneni vomitus. Nihil autem differt, num ab arte, vel à natura fiant: Medicus enim naturæ adiutor.

*Mista crisis.* 2 Sunt & mistæ crises, quæ & mista signa habent: & cum sanguis erumpit, & sudor, vtriusque signa præcedunt. De quibus prius.

*Tempus.* 3 Tempus cresium nosces ab essentia morbi, longi, breuis, meridiocris.



diocris. Item à statu, & augmento. In his enim fieri solet, & cum signa crisis apparuerint, expecta eius perfectionem sequenti quaternario, vel septenario, iuxta morbi naturam.

4 Hora erit tempus accessionis, vel in principio, vel in augmento; tunc enim mors, aut salus.

Inspece Lunæ applicationes, & defluxus; similiter & aphetarum, si cupis nullatenus falli; ægri vires, ætatem, & tempus anni, & præcedentia.

Appendix.

Potestatiui, cuius est vita, cognoscitur vis sublata, aut minuta, aut viciata ex operationibus; & primo ex pulsu.



# DE PULSIBVS.

*PULSUM ESSE ACTVM VITALEM spiritus animalis, & actionem ad vitæ conseruationem, & refectionem, non temperiei viscerum, neque incorporea facultatis, & cur variatur ad spiritus varietatem: non autem sistitur ad eius, vel mentis voluntatem.*

CAPVT III. PARS I. ARTIC. I.

**D**ilatari, ac comprimi vicissim incessanter pulmonem, cor, arterias, & cerebrum in animali, compertissimum est, Medicisque omnibus confessum: huiusque morus deperditione totali vitam perire itidem certum est, non autem organa prædicta. Ergo non accidentarius est animali quatenus viuens, sed eius vitæ substantialis, corpori autem organico accidens est, non autem in ratione finis.

2. At nulla actio, neque passio substantialis esse potest; cum illa in externum indatur subiectum, hæc verò ab externo indatur agente. Ergo cū vita sit interna entitas, & substantia cuique propria

*Vnde probatur pulsus esse actum essentialem, non accidentarium in animali.*

*Quod pulsio radicaliter non sit actio in spi-*



ritu, licet  
qua commu-  
nicatur alte-  
ri sit actio,  
& passio.

non sit ab alio, non est motus iste actio, neque passio. Præterea enim actio est effusio similitudinis in patiens; passioque eiusdem receptio. Eoque cum similitudo iam impressa est, cessat actio, passioque. Igitur cum non cesset pulsatio in prædictis organis, non erit radicaliter saltem actio, ergo non editur ab agente causa, sed operante opus, quod sibi est vita, sicuti Sol semper se mouet: cui si aliquid affigatur, & illi communicabitur motus, qui in Sole est actio & operatio: in affixo verò corpore esset passio.

Pulsus vi-  
salem mo-  
tum actum-  
que spiritus  
esse vitalis,  
ipseque ab-  
esse per di pul-  
sum, & mox  
putrescere  
corpus, ex si-  
militudine  
molendini.

3 Cor ergo, & cerebrum, & arteriæ, & pulmo patiuntur, non agunt, ab aliqua causa, cuius vita est perennis motus. Ista autem causa est spiritus, natura cælestis igneusque, cuius est semper moueri, sicut forsan telluris quiescere: ac si motu priuatur, perit. Cor autem & pulmo, & arteria cerebrumque, manent, cessante motu, donec ab aliis causis putrescant, & corrumpantur. Ergo non actus ipsoꝝ iste motus, sed passio cōseruatiua. Et quemadmodum abeunte habitatore, & rectore molendini, cessat actus, motusque eius, molendinumque videtur esse cadauer, & facile putret dissoluiturque: sic corpus abeunte spiritu cessat vitalis pulsatio, & putrescit.

\*Nec tempe-  
riem visce-  
rum esse pri-  
mam, ut pu-  
tat Galen  
lib. de placit.  
nec enim im-  
mota moue-  
re, & stupi-  
da res sensi-  
re, & iners  
industriose  
operari  
queat.

4 Quapropter, sicut probatum est in Physicis, temperies cerebri non dat motum nervis, neque sibi; sed spiritus natura mobilis inambulans per nervos & in cerebro habitans, vtrumque facit: neque cordis temperies est anima, quæ cordi, & arteriis det motum, ut videtur Galeno, sed recipit motum à re mobili viuente: nec temperies iccoris est anima vegetalis, sed organi forma: anima autem spiritus est, ut ens iccore. Stupidi hominis est, vel præstigiis capti, dare temperiei diuinam quandam entitatem, quæ est anima: cum temperies sit modus, missionis elementorum, & stupida, immotaque res: vnde nec sensum, nec motum arbitrarium & solertem, quibus Galeno, & Aristot. elementa carent, participare, aut acquirere queat, nisi à causa diuiniore iterum dotetur.

Temperies  
est forma  
missionis su-  
periorum ele-  
mentorum,  
non res sensi-  
na, quæ sit  
anima.  
Spiritus vi-  
talis natura  
mobilis, re-  
mota, calidus,  
sensibilis,  
appetitiuus,  
potestatiuus

Spiritus vitæ mouet quatenus est validus, mouet se quatenus cœnuls: non enim crassa entia agitari quodsumlibet tam citò possunt: mouet res alias corpulentas, dum proprium motum illis communicat. Hic est spiritus vitæ, & motabilis dictus à Moyse, teste S. Ambr. & quia mouet prout appetit, & quomodo opus est: ergo appetitiui principij, & cognoscitiui est particeps: & quia hoc habet, quia potest habere; & facit, quia potest facere, ergo & potestatiui particeps est: ergo à prima potestate, prima sapientia, & primo amore



amore habet, vt sit, & operetur: sicuti omnia entia à Deo sapiēte, potente, amante, & operante, sunt, & operantur, vt docet S. Thom. & nos in Metaphys. abunde. Quapropter infeliciter Medici, & Philosophi omnes, exclusa prima causa, philosophantur: nec dū rationē reddere potuerūt, qua animal mouet se, & cor, & arterias.

Vnde alij facultates occultas his elementis, necunde organis alligarunt, quæ ex elementis prouenire non possunt. Aristoteles cum animam totam in corde posuisset, tamen cor dilatari ebullitione sanguinis ritu aquæ in caldario feruentis, constringique instanti frigore aeris putauit: quem motum & arteriæ coniunctæ sequantur. At rem tam necessariam, summa arte fabricatā, excutāque accidentario, stupidōque euentui committens, vanus est Democritus, & Medici veteres aeri intranti, qui implendo dilatat, & dum expellitur decidentibus organis compressionem, ne fiat vacuum post se relinquit: cum tamen apertum sit motum pulmonis, & cordis in diastole, & systole inuicem non correspondere, neque abeunte anima, saluis corde, & pulmone, fieri hosce motus. Alij aliud commenti sunt: & omnes concludunt, quia replentur, dilatari; & quia exinaniantur, comprimi, cum veritas contra se habeat.

6 Experimur enim pulmonem non dilatari, nisi velimus, posseque eius sisti motum imperio voluntatis: quia tamen sequitur iactura in spiritibus, non diu. Pulsus quoque immutari mille modis, vt Medici confitentur, non modò ab intemperie, & obstructione, quæ organi præstant impedimentum: sed ab amore, anxietate, cogitatione, timore: omnibusque passionibus cognoscentis animæ; vt palam sit non à stupida facultate, sed bene cognoscente fieri: neque enim vita committenda erat iusane temperiei.

7 Profecto neque si vis incorporea à corde per arterias, & à cerebro per venas curreret, obstructione fieret immobilitas: neque de luce Solis ratio obiectam nubem non transcurrentis, Galeno vallet: lux enim non est animastica res, contrario carens, & penetrans omnia; sed opacitati obuiæ inimica. Penetrat tamen omnia solida non opaca. At facultas illa Galenica si quasi lux est, auit, non transibit per nervos opacos, durasque: quos si penetrat, penetrabit & humorem aqueum transpiciuosum: quo perfusus nervus obstruitur. Vt satis patet corporeum spiritum mouere nervos, & arterias, tenui transitu obstrui possit: poros apertis nervis inesse in Phys. quæst. probauimus.

At quo

à primi entis participio.  
Idem Aug.  
Greg. Nyss.  
Lact. Athan.  
Bas. Thom.  
Et omnes Patres de spiritibus vita loquentes.  
Coroll. in Philosophos a. hos.  
Gal lib. de placit. & de puls. Arist.  
lib. de re publica quam iudicet de puls. philosophantur.  
Consutatio.  
Hierophon.  
Archim.  
Erasistrat.  
apud Gal.  
Consutatio.

Opinio.  
Consutatur.  
Ratio prima.  
Pulsus mutatur pene affectibus animæ sicuti.  
Occurrit Galen.



*Quæst. cur  
æque simul  
omnes arte-  
ria pulsant.  
R. negatur  
assumptum.*

8 At quomodo tam subito, ac simul omnes arteriæ, & æqualiter? Nego, etiam ipforum testimonio, alioquin non darentur pulsus myuri, & inæquales collectitij, & sensus Medicorum falleretur, cum aliter in aliis arteriis motus fieri probet. Spiritus continuatus est per omnes arterias, & sibi cōsimillimus, ita quod subito motus communicatur conspiratione naturali, sicuti mota parte vna chordæ tota mouetur & celerius. Sed profecto pro exigentia aliter alibi fit pulsatio, vt mox comperiemus, & prout affectus est spiritus, & organa.

*Quæst. cur  
ad voluntatis  
imperium  
non sistitur  
pulsus, si fiat  
ab anima  
sentiente.  
Respons.*

9 Sed cur ad voluntatis imperium non sistitur motus pulsationis, sicuti tibiæ, & pulmonis? Quoniam non possumus velle voluntate innata, neque possumus non cogitare, aut non velle, aut non posse. Sic neque velle non viuere. At cum motus sit vitæ spiritus, & pulsus sit vitæ resectio, vt mox ostendimus: non possumus imperare ne fiat: cum præsertim instrumenta immota nec obediunt nisi motori soluto, separatōque. Respirationem in modico sistimus, quoniam non est ita necessaria ad vitam immediatè, atque pulsatio: quæ per modum naturæ ob id potius exercetur, vt ait S. Thomas, etiam ab anima.

*De usu pulsationis, & partium eius in corde, & arteriis. Item de modo, & causis, & ortu ex capite, & concausis, varietate, & instrumentis, & actiuo principio.*

## ARTIC. II.

*Vita animalis est mortalis, & mors vitalis: cuius usus destinatur pulsus ad resectionem: respiratio ad retentionem.  
Respiratio-  
nis usus.*

**Q**Uoniam vita animalis mortalis est, constituitur ex vita, & morte, sicuti lux lucernæ, & fons, cuius alia pars effluit, alia succedit incessanter: idcirco præcis venis, & oleo desinente, perit fons, & lucernæ igniculus: sic & spiritus, qui corpus inhabitat seruâtque in vita, ipse viuens continuo elabatur ad suam vniuersitatem, sicuti aqua fontis ad mare, & ignis candelæ in cælum: oportet ergo illum continuo refici, ne officium animale destruat. Itēque retineri, ne elabatur. Vtrumque autem præstat respiratio, & pulsatio sibi analoga. Aer enim per pulmonem in cor illabens de propria substantia spiritum reficit, ac simul cordis calorem introagit, retinetque ne elabatur: sed in sanguinem intrusus vertat illum in spiritus. Non secus ac follis in ignem sumendo calorem sponte ad cognatum cælum elabentem intra carbonem cogit ita, vt in flammam spirituales eos vertat.



vertat, ac nutriatur, & viuat in officina ferraria ad opus ferrarij. Similiter opifex summus in animalium opificio tale excogitauit artificium.

Quapropter præstigijs priscorum capti putarunt aërem utilem esse ad refrigerandum calorem, ne auctus opificium destruat. Non enim ita imprudens rerum opifex fuit, nec natura, & artificij apparatus concedunt, calorem tam grandem insertum in animali, qui continua refrigeratione, & minutione opus habeat, præsertim in loco non suo, sed detentione, & augmento, ne elabatur ad suum, nec deficiat.

*Quod aër non spiratur ad refrigerandum calorem.*

Similiter neque cor dilatatur ad capiendum refrigerium, quasi indigens aëris frigore, & non ipso aëre, vt Galenus aliquando fingit, & multo peius Aristoteles: qui & à cerebro aliam illi refrigerationem præstat: sed ad recipiendum ex vena caua sanguinem ad sui, & spirituum nutrimentum, & per arteriam venalem ex pulmone aërem, qui mistus sanguini spiritum efficiat, caloremque in sanguinem intrudat; ex eius crassa cor, ex tenui spiritus nutriuntur. Hoc autem facit spiritus fibras rectas dilatando, & longas contrahendo; obliquis enim tenet. Comprimitur enim, vt sanguinem ex dextro ventriculo per venam arterialem ad sui nutrimentum benefactoris immitat, impellatque, & simul spiritus arteriis, & sanguinem impertiat, & fuliginosas sanguinis partes expellat simul in pulmonem foras. Propterea in dilatatione clauduntur ostiola arteriarum, & venæ arterialis: apertuntur verò ostiola venæ cauæ, & arteriæ venalis. In compressione vero clauduntur. At valuulæ venæ arterialis, & arteriæ magnæ, vt trahant à corde, aperiuntur, vt videtur Auicennæ; quod Galenistæ negant, volentes cor eodem tempore cum arteriis dilatari, & eodem comprimi, quoniam in viuorum sectione id deprehenditur. At quomodo potest in arterias aliquid cor immittere, si & ipsæ non trahunt dilatatione, sed comprimuntur & expelluntur? Respondent: suscipiunt, non trahunt; & quamuis valuule clausæ sint, per rimulas, & poros suscipiunt tenuem sanguinem, & spiritum, quem in ox dilatatione in se expandunt, cum cor dilatatur.

*Vt dilatationis, & constrictionis cordis.*

*Controversia inter Arist. & Gal.*

At ista sententia dura. Verum si experientia suffragatur, dicendum quod arteriæ dilatantur vna cum corde, vt simul suscipiant aërem, & influentem sanguinem ex cordis abbreviatione exuberantem: cum verò comprimuntur, parum, aut nihil recipiunt:

T neque



neque enim fingi potest, quod potius ianuis clausis, quàm apertis, & cum expellunt quàm cum trahunt, recipiunt. Forte nec oportuit eas comprimi cum cor dilatatur, ne forte quod in cor egerunt aëris, multitudinis attractioni incommodaret.

2 Arteriæ verò cum dilatantur recipiunt aërem subsequenter vacuitatem, & sanguinem, ac simul spiritum ventilant, augentque, & calorem, & fibrasaperiunt, per quas fuligines, & excrementa eiiciunt: cum verò comprimantur, easdem fuligines foras egerunt, compressione fortiori, & spiritum, & sanguinem venis adnatis suum impartiuntur attenuatum, ut foueatur, & digeratur sanguis venarum, & spiritus in eis fiat, & crassities ad nutritionem ipsarum, & carnis difformiter elaboretur.

*Septem utilitates dilatationis.*

Quapropter dilatationis usus est multiplex: videlicet attractio sanguinis, aëris ex corde per orificia. Secunda, à venis per fibras. Tertia, ex aëre circumfusò per eas, quæ corio adhærent arteriales fibrarum rimulæ, tunc laxatæ. Quarta, ventilatio inexistens spiritus. Quinta, accretio. Sexta, fuliginum impactio ad rimulas aliorumque excrementorum. Septima, calefactio adnatarum partium.

*Compressio. utilitas quid, & quomplex.*

*Utilitas communis utriusque.*

Compressio verò præstat. Primò fuliginum expressionem. Secundò, impactionem caloris. Tertio, & spiritus. Quartò, & sanguinis spiritualis erga venas. Quintò, & adnatas partes.

Ab utrisque fit attenuatio sanguinis, dum comprimitur, & dilatatur, extenditur, contrectatur, perficitur. Vnde spiritus nutriuntur.

*Conclusio contra Galenum.*

Quapropter invalida est assertio, quod tota summa respirationis & pulsus sit refrigeratio caloris natiui, cum potius sit defensio, accensioque caloris natiui, & multiplicatio, & viuificatio. Omnis enim res propria operatione seruatur. Cætera vero ex hoc sequuntur. Ut enim possit sufficere sibi spiritus, & omnibus partibus fouendis & gubernandis, necesse fuit plurimum incessanter fieri, & sub aëre calido, & sub frigido, & in arteriis ab aëre distantibus.

*Causa efficiens, & adiuvans motus cordis, & arteriarum.*

3 Ergo motus arteriarum, & cordis, sunt à vacui insecutione, & sanguinis, & aëris influxu, tanquam à causa iuvante, non per se mouente: sed à spiritu tanquam à per se mouente instrumenta tam apte sibi fabricata.

*Ex capite oritur pulsus. Ratio 1.*

Ergo quia caput est sedes spirituum princeps, & ossium, & nervorum, & arteriarum, & venarum origo: omniumque alba-



rum, & exanguium partium; vt tenetur etiam Galenus fateri si  
 stat in his, quæ in libro de semine scripsit, vt in nostris quæstio-  
 nibus ostendimus: erit etiam origo omnium moruum: ergo &  
 pulsus. Vnde Galeno cerebrum pulsare videtur, sed non ad  
 rhythmum cordis, non quia alia animæ substantia mouet cor,  
 alia cerebrum, vt ipsi putant; sed quoniam in corde sanguinis  
 elaboratio, & officina spirituum exercetur, & alio mouendi mo-  
 do opus habet. In cerebro verò spiritus animalis aëre nutritur  
 ex sanguine arteriali in retiformi communicata à corde sua offi-  
 cina. Et propterea alium motum habet, cum sanguinem iam  
 elaboratum quasi ex culina susceperet: & motus cerebri est ra-  
 rior, quoniam spiritus mouetur absque mechanico opere, vel  
 minori atque in corde: maiori autem, quatenus motus est suus  
 actus viralis: ergo bene commisimus mobili agenti motum, &  
 alium in aliis officinis pro necessitate.

*Cur aliter  
 pulsat ce-  
 rebrum aë-  
 que cor.*

Ipsi quoque Medici fatentur aliquando celerius cor, aliquan-  
 do celerius arteriam pulsare, quod posita altera ad cor manu, al-  
 tera ad arteriam probant.

Et cum Galenus contra Pelopem, & S. Ioannem Chryso-  
 disputat non oriri ex capite arterias, earumque motus: quoniam  
 filo arteria intercepta non pulsatur, qua in caput respicit, & cra-  
 siores sunt in corde arteriæ, quàm in capite. Nos respondimus  
 in quæstionibus Phys. abundè: arteria enim aspera grossior in  
 capite, ceteræ in corde, vbi immixtæ dilatantur ad sanguinis sus-  
 ceptionem, sicuti fluuij dilatantur vbi aliis miscentur magis,  
 quàm in sua origine.

*Primū argu-  
 pro Galeno.*

*Respons.  
 ad 1.*

Arteria autem non pulsatur filo intercepta, quoniam spiritus à  
 spiritu, & sanguine, quo in cor continuabatur, diuiditur, & re-  
 fugit ad cerebrum suam sedem: non quia à facultate cordis  
 incorporea, à qua diuidi non potest. Spiritus autem influentis  
 sanguinis gratia pulsatur vt dictum est. Sunt ergo pulsus ab arte-  
 riis, & corde instrumentaliter, à sanguine occasionaliter, & sine  
 quo non: à spiritu actiue: & in spiritu operatiue.

*Respons. ad 1.*

Ratio de calamo in arteriam immisso, per quem transit spiri-  
 tus, non tamen pulsatur infra ligaturam, vnde in tunicis faculta-  
 tem communicari à corde opinatur Galenus; non conuincit:  
 spiritus enim per vas non suum transiens cessat ab opere, quod  
 per vas exequabatur rei nouitate, & dissidio percussus.

*Respons. ad 3.*

At quidem & in fibris spiritum implantatum, & in toto cor-  
 pore



pore putamus, sed vinculatum; sicut remiges in triremi: eum verò, qui perambulât arterias, neruôsque, solutum; sicuti nau-  
tæ, & milites in eadem triremi: esse tamen consensum in om-  
nibus.

*Iterum pro-  
batur quod  
pulsus ex ca-  
pite oritur.  
2. & 3.*

Præterea à capite oriri vim motiuam pulmonis, & arteriarum ipsemet Galenus probat: dum animalia in sacrificiis mactata exempto corde vociferari restatur, & Telesius Romani viri in anatome visum esse cor incineratum; quod longè ante articu-  
lum mortis ita affectum fuisse oportet, viuente homine.

Item in epilepsia, apoplexia, cæterisque capitis morbis, statim pulsus minuitur, & immutatur.

Item in speculatione, cogitatione, mœrore, amore, cæterisque animalis spiritus cerebrum habitantis affectionibus statim im-  
mutari percipimus: vt dubium non sit à capite ortum ducere vim pulsatilem, sicuti & arterias.

*Opinio Ga-  
leni, de discre-  
pantia mo-  
tus cerebri,  
& arteria-  
rum non pro-  
batur.  
Commoditas  
nostri do-  
gmatæ.*

4 Cum ergo Galenus caput rariores edere pulsus credit atque cor, & dilatatione expellere, compressionéque attrahere: arterias è contra dilatatione attrahere, compressionéque expellere: non satis introspexisse etiam suis affectis videtur; cum alij aliter opi-  
nentur, variumque Galenum in hoc inueniant.

Nos autem vtrumque acceptamus absque positionis incom-  
modo: spiritus enim natura mobilis semper seipsum mouet vbi-  
que, vt i Sol: at in cerebro aliter motum hunc communicat, aliter in corde, aliter in pulmone, prout opus esse sentit, & instrumenta ferunt, & sanguinis admistio, aliarumque rerum.

*Ratio va-  
rietatis pul-  
sationum in  
vasis variis.*

In cerebro rarior motus, quia agit in tenuem aërem, & sangui-  
nem attenuatum in pulmone, prout est opus arbitrariè: in corde  
celerius, & fortius vrgente necessitate attractionis sanguinis, &  
aëris, & accendendi calorem, & reficiendi sese. In arteriis fimi-  
liter, prout vsus influentis aëris & sanguinis postulat. Sed dilata-  
tione in arteriis exprimere fuligines, nedum in capite, & nos o-  
stendimus. Si enim per intermedias fibras eiiciendæ sunt, cum in  
cōpressioné potius stringantur, non est ratio, qua eiici sic possunt:  
sed in dilatatione, quando aperiuntur. Sed quoniam tunc nimis  
solummodo impinguntur, quod cœpit dilatio, perficit compres-  
sio; sic enim stercora aperiendo prius anum, deinde exprimendo  
per compressionem eiicimus: & omnis emissio fit dilatatione pri-  
us ad intra, & expressione postmodum ad extra.

*De expressio-  
ne fuliginum  
incipiens ex  
dilatatione,  
& perfecta  
in compressio-  
ne.*

A corde ergo habent occasionem arteriæ & materiam, in quam  
sic



sic pulsant: ut autem pulsant simpliciter, habent à vi motiua spiritus cerebrum inhabitantis, & ad inferiores officinas sese effundentis, & sic operantis, prout opus est ad varios vitæ actus, & instrumentorum fabricatio fert, & ratio.

5 Illud autem restat reprobandum, quod Medicorum quidam aiunt, in pulsibus ex affectionibus animalis varietates euenire post consensum à corde, non per essentiam: at si cor non sentit Galenus in lib. de placit. quomodo consentit? ergo nec condolebit non dolens, nec congaudebit non gaudens, considerabit considerans, quæ assertio contradictionem implicat.

*Dogma Medicorum, quod in affectionibus sensitiua pulsus variatur non per se, sed ex consensu, reprobatur.*

Præterea cum cor intentum suo labori assiduo, sicut ferrarius, aut molendinarius, aut aliquis operosus artifex, non poterit statim ac spiritus in capite aliquid timet, aut contemplatur, aut cogitat absque magna concussione facta in nervulis à capite in cor deductis, affici, & pulsus mutare in arteriis, quemadmodum experimur. Intus enim maius prohibet extraneum minusque. Non enim coquus dum herus contemplatur aliquid in cubiculo, aut loquitur, eius affici sermone potest, & loquela præsertim mentali. Natura autem, ut Plato, cumque secutus Galenus ait, separavit collo à capite cor, & sequestravit in pericardion, ne eius negotiatio capitis animæ incommodaret, sicuti cordi ne mens. Quamobrem fateantur vim motiuam à capite oportet.

Præterea hoc neminem non cogat, quod læso cerebro, aut spiritu, statim mutatur pulsus, non autem semper læso corde, ut infra testantur Medici: ergo spiritus per absentiam à corde pulsus est, & cordis ex consensu.

6 Vtrum autem motus hi sint propter quiesces, disputant temere. Cum enim natura spiritus sit mobilis, illæ quiesces, quæ in systole, & diastole fiunt modicæ, aut nullæ aliquando; non sunt spiritus gratia, sed instrumentorum, & nutritionis, & ut dicitur tempus expulsionis, & attractorum complexui.

*Nec motus arter. est propter quiesces. nec quiesces gratia spiritus, sed instrumentorum.*

7 Quæritur etiam, an tempus idem sit dilatationis, & constrictionis. Puto responderi minime posse: sed pro usu variari. Spiritui melior dilatio, quæ est simul quædam fruitio: sed suæ refectioni æquæ bona, sed fortè melior constrictionis: si enim sanguis non comprimitur, vicissim non attenuatur. Sed hæc infra patebunt cum cæteris visibus supra declaratis.

*Idem est spiritui tempus dilatationis, & constrictionis.*

8 Præsupponimus tandem eosdem spiritus esse animales, vitales, & naturales, ut in Phys. probauimus, sed in diuersis officinis

*Idem est spiritui animalis, vitalis, & naturalis.*



vitalis, &  
naturalis.

Calor ingens  
solaris, ani-  
malis, na-  
turalis, & in-  
fluens eius-  
dem essentia

diuersa officia sortiri, sicut eadem in domo mulier est textrix, & coqua, & cubicularia, & ianitrix: vel sicuti remiges, & milites, & nauæ in triremi, eiusdem sunt naturæ. Manifestum est enim quoniam sensu, & appetitu benè cognoscente fiunt concoctiones, sequestrationes, seminationes, pulsationes, motusque alij, vt in suo loco probauimus, & in Apologia contra Galenistas, omnesque partes albas, & exangues à cerebro originem habere. Item solem esse ignis fontem, nec dari calorem cælestem ab elementari diuersum, nec ab animali natiuo, nec ab influente, vt Medici imperiti faciunt: sed omnes calores conuenire in essentia, differre subiectis, & subiectorum dispositionibus, vt in Phys. probatum est: & omnes calores etiam cœlestes destruere animal, si eius symmetriam excedunt: seruare, si commensurantur.

*Plures esse utilitates dilatationis, & compressionis, quàm Medicis ponuntur: nec potiores esse, quæ ipsis videntur potiores, sed è contra.*

### ARTIC. III.

Tres utilitates dilatationis pulsus apud Medicos.

**Q**uoniam igitur pulsus pulsantis spiritus vim, & negotiationem annunciat, ac simul instrumentorum modum & qualitatem, differentia pulsuum consideranda sunt, vt de vita præfagire possimus, & differentiarum causas, & significationes. Ex his enim etiam amplius elucescet, an fiant pulsus quemadmodum nobis, an quemadmodum Medicis fieri videntur.

Constrictio-  
nis una, vel  
due.

2. Posuerunt Medici tres esse utilitates dilatationis: videlicet refrigerationem, quæ omnium maxima: ventilationem, quæ magna: & attractionem aëris ad generandos spiritus, quæ infima. Constrictionis verò vnicam, fuliginum expulsionem: addunt tamen alij sanguinis, & spiritus communicationem.

Sex dilata-  
tionis in ne-  
stro dogmate.

Nos autem diximus sex esse utilitates dilatationis. Primò, spirituum conseruationem in suo esse. Secundò, eorum generationem ex sanguine & aëre. Tertiò, attractionem sanguinis, & aëris à corde, & ab ambiente aëre, & à venis adnatis. Quartò, apertionem fibrarum, vt excrementa expurgentur, & spirituosus sanguis communicetur. Quintò, calefactionem adnatarum partium ex calore, & motu pulsantis. Sextò, auxilium cordi vicarium, dum spiritus, aut respiratio illi deest, aut aliquid mali in eo continetur.



At quoniam spiritus constat ex calore, tenuitate, luciditate, & participio primalitatum, quæ sunt sensus, potestas, appetitusque, dilatatio his omnibus prodest. Calor enim dilatatione crescit, & viuificatur: tenuitas rarefit, & perficitur, & exoneratur: lux purificatur, quoniam volitantes fuligines & sordes separantur, nec spiritum fedant. Sensus, & motus, & appetitus, & vis meliorantur ex augmento, & purificatione, & dictis causis per accidens: melior enim sensus in tenui, quam in crasso.

Quapropter diminuta est positio Medicorum de vîsibus, & naturæ insuper aduersa. Non enim refrigerari appetit calidus spiritus, sed calore augeri, & per dilatationem augetur copia caloris: robur tamen expanditur, ita vt non possit fibras vrere, & adnatas partes: nec ipse extingui suffocatione: manifestum est enim quod respirant, & pulsant magis in aëre calido, & in balneis. Vnde frigus non captant. Similiter refrigerati spiritus plus pulsant, & spirant. Item arteriæ profundæ, ad quas aër frigidus non accedit: vt videas refrigerationis vsum, esse nullum, ne dum non principalem, sed per dilatationem copiam caloris augere: per compressionem verò robur. Ne enim arteriæ vrantur, & cor, sanguis, & humiditas sunt in causa, & dilatio opportuna.

Compressionis verò vtilitates non vnâ illam dicimus expulsionem excrementorum, cum potius sit expulsionis perfectio, non expulsio à compressione: sed addimus iure optimo: Secundò augmentum roboris in calore spiritus: & Tertiò, iuuamen cordis, in quod pensum aliquod soluit. Quartò, expressionem sanguinis, & spiritus ad venas, & adnatas partes, quibus absoluitur earum nutritio, & viuificatio. Quintò, addo attenuationem, quæ enim crassiuscula attenuare volumus, comprimimus, & dissipamus, & confricamus. Hæc autem melius ex differentiis patèbunt. Natura spiritus est circulo moueri, vt & solis vnde oritur: sed in corpore terreno, prout ad vitam necessum est. In se autem non coactus dilatatione, & vnione promit, quod circulo non potest.

Principia doctrinalia agnoscendi pulsum in Medico, & aegrotos: & quomodo cognoscantur partes pulsus, & quoties.

CAP. VI. III. PARS II. ARTIC. I.

Principia Medicorum sunt in dignotione pulsuum: Primo extremæ pulpæ digitorum, quibus arteria in carpo, vel in oculorum



*ventilis dilata-  
tionis in pulpa di-  
gitorum.*

oculorum angulis, vel vbicunque apparentes sunt: maxime autem si prominent extra carnem, vt mihi in dextro tempore; sentiunt non solum ictum arteriæ, sed etiam dilatationem in longum, & latum, & altū: quod & oculis cernere est, nedum attactu.

*Qui contracti-  
onis.*

Secundò, contractio sentitur etiam ex recessu arteriæ intrantis in ventriculos digitorum, & tempore quousque reuertatur ad iciendum: nam & pulpæ molles insequuntur, & in reuersione obuix fiunt. Vnde in pulsu vehementi & tardo facilior sensatio.

*Finis &  
exordium  
ratione sen-  
sata.*

Tertiò, finis contractionis, & initium distentionis non sentitur, nisi ratione, quod palam est: cum enim recesserit non mouet, nec cum accedit, donec tangat.

*Qui quietis.  
An quies in-  
ter accessum  
& recessum.*

Quartò, internam quietem in fine contractionis tactus non sentit, quoniam abest tangens: externam sentit, quoniam post ictum non subito reuertitur absque aliqua morula ad sui contractionem. Arbitror tamen non necessario quietem interponi oportere in fine reuersionis, vt putat Aristoteles; quoniam nec in circulo interponitur: nec circulus est, nisi angulorum sese consequentium ordinata continuitas, vt in Phys.

*Applicatio  
digitorum  
triplex.  
Situs manus  
agri qui.  
Admonitio.*

2 Item applicatio manus ad pulsantem arteriam est ex arte consideranda: alia enim comprimens vsque spatium totum, in quo arteria mouetur: alia suspensa, quæ solum adiacet arteriæ: alia media, quæ vsque ad medium profundatur spatij. Manus quoque, quam tangunt, eleuant, ne sit compressa, nec pensilis, tremensque, nec tensis digitis, & brachio, ne arteria indurescat: nec nimis incuruatis, ne pellis corrugata tollat emersionem: nec moueat se, vel digitos, quia tollit propriam motionem arterialis motionis. Item non sit prona, nec supina: prona enim longitudinem, & latitudinem auget: supina profundior, & tardior ostendit. Tu verò variabis, prout hoc, aut illud nosse cupis, & sedens, & quietus tange.

*Qualitates  
manus Me-  
dici quæ.*

3 Oportet Medicum manum mollem esse, sensitiuam, gracilem potius quam carnosam, nec à temperamento recedere, alioquin calidum pro frigido, durum pro molli, magnum pro paruo, & contra, percipiet. Melior autem est qui non robustis viribus, nec obtusa carne, mercurialis, venereusque est. Caue à saturnino, & martiali: ex sua enim intemperie prauè iudicat. Item à lunari, & phlegmatico; quoniam stupido sensu vix percipit grauior affectus. Melior est qui ad debilitatem vergit, quàm qui ad robur, ad percipiendum pulsum differentias.

*Differen*



*Differentias pulsuum non modò sex, quæ Medicis ponuntur, sed usque nouem, & plures numerari, nec inutiliter; & quid indicent summam singulæ in nostro dogmate.*

## ARTIC. II.

**P**ulsus differentiarum simplices sex sũt apud Galeni sectatores, *Sex differentia pulsuum ex Galeno.* videlicet magnus, celer, creber, vehemens, durus: quibus respondent oppositæ, paruus, tardus, rarus, debilis, mollis: & intermedij mediocres dicuntur: accipiuntque eas, primam à quantitate: secundam à qualitate motus, vt aiunt: tertiam à qualitate temporis quietis: quartam à qualitate virtutis mouentis: quintam ab instrumento: sed Auicenna, non immeritò, addit plenum, *Additur sexta prima Auicenna.* & vacuum, nam & Galenistæ turgentem, & strepentem agnoscunt; ergo & plenum, & vacuum. Et hoc necessarium Medicis pro humorum, & sanguinis copia inuestiganda. Et licet plerumque difficile; cum potest, præsertim in gracilibus, non est spernendus, vt in mea arteria extante.

Addere oportet calidum, & frigidum; quæ licet differentiarum *Cur additur octaua.* motus non sint, sunt tamen mouentis. Spiritus enim ardens in febribus plerumque biliosis pulsus quasi fili ferrei igniti, & adurentis cutem. Vnde lauari aliquando frigida coactus sum. Spiritus enim, qui per fibras efflat, se talem ostendit, & tales reddit arterias. In ephemeris vero, & phlegmaticis febribus non ardet pulsus: sed blandus, tepidusque est humidusque, quasi fouens turgentem. Quapropter & humidum, & siccum addere oportet *Cur nona.* ad notiones. Et licet hoc in omni parte experiri possimus: tamen in pulsu magis cum spiritus exhalat in distentione, suamque passionem notificet, oportet. Et profectò magis ad pulsus pertinet hæc, quàm durities, & mollities, quæ est solius arteriæ; licet & hæc necessaria.

Profecto spiritus robur nos à vehementia cognoscimus; copiam à magnitudine; actiuitatem à celeritate, seu à tempore motus: sollicitudinem à crebritate, hoc est à numero motionum: affectionem à calore: humorum abundantiam à plenitudine: arteriæ dispositionem à duritie: qualitatem humorum passiuam ab humiditate, & siccitate, quæ in tactu relinquitur, non quæ ab arteria sentitur. Sic & ab oppositis, vt infra. Vtinam agnoscere *Quid desideratur in indicitiis.* possimus etiam, purus nescit spiritus, an fuliginosus; lucidus, an



obscurus; crassus, an tenuis, ex pulsu! Sed tamen discursu ex pulsu etiam ista cognosci, vel inuitis Medicis ostendemus.

*De pulsum mediocritatibus in sanis, & in ægrotis simpliciter,  
& secundum unumquemque hominem, & de speciebus  
varietatis à diuersis speciebus, & causis partia-  
libus: unde notitia locupletatur  
omnis pulsationis.*

### ARTIC. III.

*Mediocrita-  
tes pulsum  
Medicis in-  
nominata.*

**I** Nter prædictas pulsum differentias mediant mediocritates. Non enim dicimus magnum, & paruum absolute ad omnia mediocria, sed ad pulsum humanum, qui est idea aliorum, ad cuius accessum, & recessum cæteri mensurantur. Mediocritas denominata est Medicis, sed doctrinæ causa. Qui est inter vehementem, & debilem, vocetur fortis: inter magnum, & paruum adæquatus: inter celerem, & tardum, tempestiuus; sit enim congruit tempori: inter crebrum, & rarum, numerosus, ut congruit numero mutato ex carminibus. Inter calidum, & frigidum, tepidus: inter durum, & mollem, lentus: inter madidum, & aridum, vaporosus. Inter vacuum, & turgidum, coæquatus, seu plenus: quoniam cavitati arteriæ coæquantur spiritus, sanguisque interius.

*Idea pulsum  
unde perci-  
pienda.*

**2** Sed quoniam idea pulsum mediocris est ignota, ab eo consideranda est, qui inter homines temperatissimus est, & sanissimus. Is enim habebit has omnes mediocritates. Quapropter Galenus Platonius non ineptè iubet Medicis exquirendum talem hominem assuescendumque in tactu pulsum illius; ut ex accessu, & recessu ab eius metro, possint de aliorum temperatura, & pulsum differentiis dignoscere: hocque præcipuè in sanis.

*consultatio  
ad pulsum  
discretionem.*

**3** Verum cum non omnibus sit eadem pulsum regula, cum ægrotauerint non est de pulsum ægrotorum iudicandum ex mentura illius temperatissimi tantum, quo videamus quantum à sanitate distent: sed ab ea mensura, quam dum sani sunt, ipsi habent. Idcirco expedit eorum, quorum curam gerunt, pulsum sanitatis tempore experiri. At quia hoc non ita possibile est, ex communibus iudicare licebit per experimenta antiquissima nobis: si quæ enim enormitates pulsum communibus non com-

*prehensæ*



prehensæ occurrunt, fallunt quidem Medicum, qui soli pulsui innititur, non autem alia signa prospicientem.

*Appendix.*

Communitatum variarum hos habemus à veteribus de pulsibus aphorismos, cum additionibus nostri dogmatis.

*A Sexu.*

1 **V**iri mulieribus habent ut plurimum pulsus multo maiores, multo vehementiores: paulo autem tardiores, & rariores. Potest addi duriores, calidiores, pauloque arentiores, ut postea ostendemus.

*A Temperamento.*

2 **C**alido præditi temperamento pulsum habent multo maiorem, crebriorem, calidiorem, arentiorem; non autem vehementiorem. Sicci gracilesque addunt maiorem, multo rariorem, paulò vehementiorem, durum. Adde ardentem.

*Ab Ætatibus.*

3 **P**uerorum pulsus magnus, celerrimus, creberrimus: medijs, idest fortis. Adde vaporosus, tepens, & plenus. Iuuenum maximus, vehementissimus. Adde tempestiuus, numerosus, mordax, vaporosus, coadæquatus. Senum minimus, tardissimus, rarissimus, debilissimus cum rhythmî inæqualitate. Adde arens, mordax, durus, vacuus.

*Ab Anni temporibus.*

4 **V**ere medio, in omnibus generibus pulsus sunt moderati, idest, æquati, tempestiui, numerosi. Æstate parui, celeres, crebri, languidi. Adde arentes, calidi, vacui. Autumno diuersi, inæquales, languidi. Adde vacui. Hyeme parui, tardi, rari, languidi. Adde pleni, humidi, & verus magni. In principijs, & medijs horum temporum mediant hi pulsus, extremorum naturam participando. Item in regione frigida similes sunt hibernis: in calida æstivis: in temperata vernalibus; in sicca autumnalibus.



*A Quiete, & exercitio.*

- » 5 **S** Omnis, dum incipit, minores, tardiores, rariores, debiliores facit pulsus. Adde frigidiores, inaniores, & constrictiores.
- » In processu confecto iam alimento, maiores, tardiores, rariores, vehementiores. Adde calidiores, pleniores, dilatatiores.
- » Quod si plus satis perseveret somnus, iterum in debilitatem, & paruitatem recidunt; retinent tamen tarditatem, & raritatem.
- » Adde quoniam somnus ægitudinalis, & spiritus pugnat intus.
- » Qui ex somno expergiscuntur, subito pulsus habent magnos, celeres, crebros, vehementes cum quadam vibratione: sed mox ad mediocritatem redeunt.
- » Exercitia à principio si moderata sunt, faciunt pulsus magnos, celeres, crebros, vehementes. Adde madidos, calidos, plenos.
- » Multa, quæ vires excedunt, faciunt paruos, celeres, creberrimos, debiles. Adde vacuos, aridos. Supra modum autem immodica, paruos valdè, tardos, raros, debiles. Adde vacuos, aridos.
- » Si autem ad resolutionem facultatis peruentum sit, fiunt illi, qui proprii sunt virtutis resolutæ, idest deficientes, vermiculantes, formicantes, de quibus infra.

*A Balnearum usu.*

- » 6 **B** Alnea calida, moderata, pulsus faciunt magnos, celeres, crebros, vehementes. Adde tepentes, roscidos.
- » Immodica paruos, celeres, crebros, debiles.
- » Immodicissima, tardos, creberrimos, debiles.
- » Balnea frigida tardos, paruos, raros, debiliores: Aut magnos, moderatos, vehementes, idest: tempestiuos, numerosos, fortes.
- » Hoc cum non penetrat nimis.

*A Cibo, & inedia.*

- » 7 **C**ibus copiosus aggrauans facultatem, facit inæquales pulsus, & inordinatos.
- » Moderatus verò magnos, celeres, crebros, vehementes.
- » Parcus sicut moderatus, sed paulo minus, nec diu.



*A Vino.*

8 **V**inum, & ceruisia idem facit, quod cibus in pulsum mutatione: sed citius, & minus durabiliter. Plus etiam celeritatem auget, & magnitudinem, quam vehementiam, & crebritatem.

*A Passionibus animi.*

9 **I**ra facit altum, magnum, crebrum, celerem, vehementem. Adde; spes altum, non tamen vehementem: lætitia magnum, tardum, rarum, moderatum, idest, fortem.

Tristitia paruum, tardum, rarum, languidum.

Timor recens celerem, inordinatum, inæqualem.

Timor inueteratus, qualem tristitia.

Amor inæquales anonymos, & inordinatos.

Coitus moderatus magnos, tempestiuos, numerosos, vehementes.

Immodicus paruos, celeres, crebros, languidos.

Immodicissimus paruos, tardos, crebros, debiles.

10 Hæc habemus à Medicis ante, & post Galenum, de pulsum observationibus; quibus & nonnulla addi oportuit, multaque addenda restant in sequent. At alias causas dant Medici: nos alias, quod docebimus, cum, quomodo cognoscendæ sunt hæ differentię simplices, & aliæ compositæ, patefactum fuerit.

*Ratio cognoscendi sensualiter omnes pulsus differentias, & complendi per discursum quæ minus patent.*

ARTIC. IV.

1 **V**ehemens pulsus cognoscitur ex hoc, quod pulpas digitorum tangentes euerit: debilis, quia evertitur: fortis, quia nec euerit, nec evertitur. Conuenit etiam magno, & tenso, & vibrato, & conuulsiuo, euertere tactum in suspensa manus applicatione, non autem in comprimente reniti, nisi vehementi admisceatur.

2 Magnus verò ex hoc quod magnum pulsum in pulpas imprimit, totamque extendit, inflatque arteriam, quamuis paruum, quæ totum locum occupat, in quo mouetur & ipsa. Puerorum pulsus magnus est in arteria parua: senum paruus in magna, quoniam non bene extenditur.



*Triplex magnitudo.*

Magnitudo tamen est triplex secundum longitudinem, & latitudinem arteriæ forinsecus, & latitudinem, ad res adnatas consideratam. Simpliciter enim in circularibus eadem est latitudo, & altitudo. Longitudo suspensa applicatione melius cognoscitur: & manu in prona. Altitudo & latitudo, media, & comprimente. Sed illa in supina, ista in prona melius. Contingit autem non secundum omnes dimensiones semper magnam esse, sed cum acuminatam figuram se exerens arteria in digitos facit, & angulum pungens paucis partibus: ille pulsus altus, & angustus dicitur. Si autem circulum imprimit, multas partes tangens, latus est, & altus. Si verò depressum circulum, multas partes tangens, sed non ingrediens, latus est, & humilis.

*Qui dignoscantur sensu.*

*Qui ratione.*

2 At quoniam carnositas, & humores sæpè impediunt hanc notionem, discursu pernosces. Si enim longo tempore fiat motus arteriæ, præsertim celer; signum est spatium, per quod fertur, esse multum: ergo & pulsus altus, qui solum angustus offerebatur. Si breui tempore præsertim, tardus, paruum fuit spatium, ergo humilis pulsus. Dictum est enim paruum esse, qui non benè inflat arteriam; ergo nec per totum spatium, in quod apta est moveri, fertur. Dedit enim spatium adnatum, quæ ut moueatur etiam, dedit Natura.

*De notione celeris, & tardi.*

3 Celer pulsus subito cognoscitur: quoniam dum intrat in pulpam digiti, statim latiore superficiem in ea fingit, & loculos multos paruo tempore permutat.

Tardus vero, quoniam eosdem loculos pluri tempore peragrat. Facit enim circellos in manu, sicuti lapillus in concham aquæ iniectus.

Tempestivus, qui medio respectivè ad hominem temperatissimum, aut ad consuetum tacti motum.

*De crebro, raro, & numeroso.*

4 Creberrimus motus est, qui quietem nullam inter diastolem & systolem permittit: Celer, qui aliquam. Sentit enim digitus quietem externam sola levi manus applicatione: si enim comprimatur, tardatur in digito regressus, & videtur esse quædam quies in vehementibus: in cæteris aboletur, aut impeditur aliqua pars motus.

Rarus autem est, ubi multa quies respectivè interponitur. Internæ quietis tempus manu insequente contractionem depressa internoscitur. Si enim diu deseritur ab arteria, quies longa, & raritas contractionis iudicanda: si brevius, brevis, & crebritas. Hæc qui



qui muscas nouit mensuras, & exercitatus est, statim percipit.

Item in multis pulsibus melius, si æquales fuerint: creber enim eodem tempore plures dialtoles, quàm rarus, faciet.

Vtilius erit simul tangere manum ægri, & sani duabus manibus, quo facilius.

5 Durus pulsus ex eo quod premit arteria manum, nec cedit tangenti: hoc quod vehemens facit, sed duritiem vt lapis non imprimit, sed vt ventus euertit furens: etenim vehementia à spiritu, durities ab arteriæ corpore. *Duri, & mollis, & lenti.*

Vehemens adiungit sibi magnitudinem, non autem durus: obsistit enim, quominus spiritus spatietur, durities arteriæ: & ipsamet per spatium suum, nisi per vim exorbitet, vt in pulsibus inæqualibus. Gracilitas, & temperamentum, & natura ægritudinis, te discernere edocebit.

Mollis autem pulsus est, vbi arteria cedit tangenti, non quidem ex vacuitate, sed fibrarum mollitie, & flexibilitate. In arteria vocali hoc palam est, cum quis vocem plurimis modulis potest insequente mollitie variare, vt Galli cantores; & acuere, & mollire, & torquere: vbi variare nequit, & asperum edit sonum, duritiei est signum.

Has iam dictas differentias omnes in arteria aspera, & motu respirationis, analogo ad pulsum, nullo negotio experiri possumus, vt patebit, cum iudicium producemus. *Adnotatio.*

6 Aridus pulsus cognoscitur ex eo, quod sola illa digitorum pars, quæ arteriæ acumen tangit, post tactum sentit etiam in se quandam ariditatem, & sui constipationem, & humoris proprii consumptionem: & hoc non à duritie arteriæ, sed à tenuissima emissionem, ex arteria elabente, quæ sæpissimè cum ardenti calore copulatur. Sed quoniam aliud est calidum esse, & aridum, separauimus. *Aridi, humidi, vaporosi.*

Madidus verò ex hoc, quod effluit quædam fumositas ex pulsu crassiuscula, quæ copulata digito fit quasi aquea, sicut vapores ex balneis in laquearia impacti: & hic est sceminarum pulsus; ille senum.

Vaporosus est medius: quoniã non madescit, nec arefcit tactui, sed quodam blando fouetur spiritu; & talis est puerorum pulsus, si quis vt veritatis amato experiatur. Et quamuis in toto corpore ista differentia, vel ex parte probari possit: tamen in pulsu peculiaris est, & propriam habet indicationem, vt mox ostendemus.



*Calidi, fri-  
gidi, tepidi  
norio.*

7 Effluxiones eadem aliquando ita vrunt digitum, vt duret affectus perniciosus, & quidem pestilens, nisi quis caueat, ex corporibus deprauatis. Et licet in plantis manuum, & pedum, & axillis Medici experiantur vim caloris: attamen in pulsu peculiaris est: non enim alix partes nisi pulsátiles eandem faciunt impressiōnem; quasi virgula ferri ignita: propterea hic pulsus ardens dici potest.

E contra frigidus, cum nullam caliditatem sentimus, quoniam tactu sano frigidior est, aut minus calens ille, quem tangimus.

Tepens blandè calidus est pulsus, quo delectamur, & fouemur, qualem in viuacibus mulieribus experimur; datque nobile salutis indicium, & temperamenti.

*Vacui, pleni,  
coarctati.*

8 Vacuus pulsus cognoscitur non solum quia magnus, vt possit arteriam implere, & distensiones non complet: quod paruo pulsui datur, & vacuo: sed etiam quendam sonum prementi refert; nec nisi in duriuscula arteria patet, cum quo stat, quod etiam in molli cum flaccescit, reperitur. Sed Galenistæ non discerni putant, quoniam mollitiei cessationem illam multam dant; nec rectè prorsus: potest enim mollis plena apparere, & vacua, vt patet in recenti vesica.

Plenum pulsus non esse possibilem, nisi & magnus sit secundum trinam dimensionem, dicimus. At ultra hoc habet humorum abundantiorē copiam, quam spirituum; quod tumor durus, non arteria dura pandit, ipsaque corpulentia. Et licet difficile distinguatur: tamen cum alia signa plethorica contestantur, licebit de tumentia iudicare: neque enim pulsus noti semper certi sunt.

Coarctatus est ille, cuius contenta continenti arteriæ sunt comensurata, quod vix discernes à pulsu æquato, qui inter magnum, & paruum ponitur; nisi ratiocinio.

9 Tenuitas ad altitudinem pulsus pertinet: non enim est aliter seorsum agnoscibilis; licet sit alia res: grossities ad turgentiam: grauitas & leuitas ad vacuū & turgidum: alia via non innotescit.

In mea arteria, prominenti vt coluber extra carnem temporis sinistri plusquam semicirculo, istæ differentiæ comprehenduntur.

*De mixta-  
rum differ-  
entiarum  
sensu.*

10 Prædictæ differentiæ simplices deuntur, non quia seorsum esse queant, sed quia considerantur seorsum, & causas habent proprias. Componuntur autem in quolibet pulsu miris modis.

Nam



Nam vehemens copulatur cum magno, & calido, & celeri, & pleno, & crebro; non autem cum paruo, & vacuo, & frigido.

Nulla differentia copulatur cum sua contraria in pulsibus æqualibus; nec cum suæ contrariæ familiaribus extremis: non enim *Quæ non miscantur.* magnus cum paruo, & debilissimo.

Partiuntur omnes differentię iterum in tres, vt magnus, maior, *Distinctio singularis ex quanto.* maximus: debilis, debilior, debilissimus: & sic de cæteris, quæ clara sunt. Innotescunt autem compositi per compositas notiones simplicium, vt dictum est ad sensum.

II Præterea fit collatio semper ad ideam temperatissimi, *Documentum.* & ad eundem sanum, & ad anni tempora, ætates, sexus, & passionibus. Talis enim pulsus erit magnus in ætate, & in fœmina, qui paruus in vere, & masculo.

*De passionibus formalibus pulsus tribus, & primò de rhythmo, & eius cognoscendi ratione.*

CAPVT III. PARS III. ARTIC. I.

I **A**mplius in pulsibus tres tanquam relatiuas passiones agnouerunt docti Medici: videlicet, concentum, quem dicunt rhythmum. Secundò, ordinem, & deordinationem. Tertiò, æqualitatem, & inæqualitatem. *Tria accidunt pulsui.*

2 Rhythmus, à Muscis, & Poëtis mutuatum nomen, secundum vocem: sed secundum rem, vt in poetica probauimus, à Medicis mutuatum Poëtis, Muscisque, cõsonantiam indicat inter diastolem, & systolem. Alij dicunt inter tempus dilatationis ad quietem externam, ad constrictionem, & quietem internam; & quidem cum æqualis est contractio dilatationi, dicitur rhythmus æqualis, & sanorum: cum excedit altera alteram tempore, dicitur inæqualis. *Quid est rhythmus.* Quæ æqualitas potest considerari simpliciter in temperatissimo; & secundum quid in quolibet, & respectu ætatis, temporis, sexus. Consideratur & excessus secundum proportionem Arithmeticas, idest, multiplicem superpartientem, superpartialem, &c. quæ sane comprehendere non possunt in pulsibus, quamuis peritissimo, omnes, sed quam plures. *Triplex opinio.*

3 Præterea Galenus non inter tempora dilatationis, & constrictionis considerat rhythmum, licet insit: sed in celeritate, & tarditate vtriusque; quæ facile cognosci possunt; vt ex dictis patet. Secatque rhythmos; alios constituens æquales, alios *Distinctio rhythmi ex Galeno.*



inæquales: primus enim triplex, videlicet cum dilatatio, & constrictio vtraque celer. Secundus cum vtraque tarda. Tertius cum vtraque tempestiua. Inæqualis autem sexupliciter; videlicet si dilatatio celer, & constrictio tarda. Secundo si tempestiua. Tertiò si dilatatio tarda, constrictio celer. Quarto si tempestiua. Quintò si coniungitur tempestiua dilatatio cum constrictio. Sextò & mox cum celeri.

*Conclusio  
Gal. cum  
ceteris.*

4 Meliores Medici etiam rhythmos priscorum cognosci posse docent, facta collatione temporis dilatationis, ac constrictionis eo modo, quo vtramque cognosci docuimus. Galenum verò hanc commentum, vt faciliorem, quod & verum est: vtraque tamen vtilior ad naturas temperamentorum, & infirmitatum noscendas videbimus: & Musici facillimè vtramque nosse poterunt.

*De ordine, & de ordinatione: æqualitate, & inæqualitate: rationes, & diuisiones.*

## ARTIC. II.

1 **O**Rdo reperitur in pulsu æquali, & inæquali, deordinatio solum in æquali.

*Quid æqualis.*

2 Dicitur æqualis ille, qui perseverat in eadem, vel eisdem differentiis, non mutando fortitudinem, neque magnitudinem, neque celeritatem, neque ariditatem, neque, &c.

*Inæqualis.*

3 Inæqualis simpliciter, qui in his omnibus variat: secundum quid, qui in vna differentia tantum, idest, aut in magnitudine, aut in vehementia, aut &c.

*Diuisio inæqualitatis.*

**E**st autem inæqualitas, alia pluralis, alia singularis: illa fit in pluribus pulsationibus: hæc in vna.

*De inæqualitate plurali diuisio, & definitio.*

## ARTIC. III.

1 **I**Næqualitas pluralis alia fit æqualiter, alia inæqualiter.

*De myuro  
sen lunari.*

2 **Æ**qualiter fit cum per gradus certos à sua magnitudine, vel celeritate, vel ab alia differentia, recedit: ita vt secundus minor primo, quantum tertius secundo, & quantum quartus tertio, & sic de sequentibus. Aut eodem ordine sit maior, & quidem



dem vnus lunaris decrefcens, alter lunaris crefcens vocari poffunt. Medici vocant myuros, quoniam ad inftar caudæ muris, fenfim gradatimque imminuuntur & gracilefcunt.

3 Lunarium decrefcentium, alij deficientes, quando perditur gradus. Alij perfeuerantes funt in paruitate, ad quam deueniunt: alij reuertuntur ad priftinam magnitudinem, vel celeritatem, fiue maiorem, fiue æqualem: fiue minorem. Vocantur Medicis reciproci. Poffunt etiam deficientium alij perfeuerantes in abolitione effe; alij reuertentes.

*Subdiuifio  
Lunarium.*

4 Lunarium crefcentium in conualefcentibus notitia clarefcit; & ij perfeuerant in fua magnitudine: in irritatis verò, & bibentibus cum fedati fuerint fit reuerfio; licet Galeniftæ nolint agnofci poffe; haud tamen natura tranfit ad extremum, nifi per media; & quidem notiores funt crefcentes decrefcentibus.

*Declaratio.*

5 Inæqualiter inæquales funt, quando non gradatim crefcunt, aut minuuntur in magnitudine, vel celeritate, vel numero fitate, vel calore, ficuti priores; fed variis innumerabiliter modis: quorum Medici non nifi quinque nominibus propriis fignarunt, videlicet, intermittentem, intercurrentem, deficientem fimpliciter, & reciprocum. Poffunt doctrinæ gratia vocari mercuriales.

*De mercurialibus.*

6 Intermittens eft in ratione inæqualis, quia deeft pulfatio vna, vel duæ, vel tres: ergo paufant pulfus.

7 Intercurrens inæqualis crebritate, quoniam addit infperatam vnā pulfationem inter duas tempeftiuas, quafi fuperfluam.

8 Deficiens eft cum totaliter definit pulfus, vel fecundum fe, & tunc eft mortis principium; vel fecundum apparentiam, & tunc reuertitur poft moram. Et hic eft melior intermittente, non autem ille.

Poteft addi pulfus apocopatus, qui non perficit iñtum.

9 Ad cognofcendas præfatas inæqualitates applicatio manus multiplex, & diutina, donec ad æqualitatis punctum vel puncta perueneris, opus eft, &c. vt in fimplicibus.

*Admonitio.*

*De inæquali fingulari in vno digito.*

A R T I C. V.

VNa fola pulfatio poteft diuidi in plures fui partes fenfibles, & fic inæqualitatem fingularem in vno indiuiduo pulfu efficere, quæ vel fub vno digito tangentis repræfentatur,



tur, vel sub pluribus digitis ictis ab eadem pulsatione inæqualiter.

2 Quæ sit ab vno digito est triplex, alia interrupta, alia alterata, alia duplicata.

*Inæqualis  
singularis  
sub vno di-  
gito triplex.*

3 Interrupta est, cum dilatatio antequam veniat ad quietem externam, patitur pausam, seu morulam, & statim prosequitur suam viam vsque ad quietem externam, & contractionem. Vocatur iste pulsus intermittens in vno pulsu apud Medicos, sed clarius interruptum dices; & potest prima pars secundæ esse æqualis in tempore, vel inæqualis, vt alia tarda, alia celer, &c.

4 Altera est cum non interponitur pausa, sed vna pars motus continui est tardior, alia celerior: & quidem si in duas passiones diuiditur, fiunt nouem: si in tres partes diuersæ passionis, 27. Posse autem percipi trēs alteritates in eodem ictu Medici exercitati fatentur, sicuti in Musica, & carmine vna longa diuiditur in plures. Vocatur impar citatus Medicis, sed melius alteratus: quoniam prima pars potest esse celer: secunda tarda: tertia tempestiua, & è contra: atque alterari ad 27.

5 Duplicata est cum incipit dilatatio, & statim reuertitur ad constrictionem pulsus modicam, nec perficit illam, sed reuertitur ad finiendam dilatationem: propterea vocatur dicrotus Medicis, idest bis feriens; & differt ab interrupto, quoniam illæ pausam: iste constrictionem interponit, quam potest in principio distinctionis interponere, & in medio, & in fine, cum est in externa quiete.

6 Sed ista varietas in magnis, & vehementibus cognoscibilis est, in paruis, & debilibus ægrè quidem. Ea circa manus applicationem variat, & digitos modo vnum, modo plures, modo omnes, prout ferre pondus potest pulsus.

*De inæquali singulari in pluribus partibus arteria  
sub pluribus digitis.*

A R T I C. V.

*Inæqualitas  
singularis  
sub pluribus  
duplex.*

1 Inæqualitas singularis in pluribus digitis, alia est continua, alia intercisa.

2 Continua est cum plures digitos ferit arteria, sed inæqualiter, nullum tamen non ferit.

3 Inæqualitas continua vel est gradatim, seu lunaris, ita quod primum.



primum fortiter ferit : secundum minus fortiter : tertium minus : quartum minimè, æquali semper diminutione ab vno ad alterum facta; vel æquali augmento. Et isti possunt esse deficientes, & reciproci.

4 Vel fit sine gradu continuitatis, ita quod primum fortiter : secundum debiliter : tertium vehementer, qui variari poterunt in quatuor digitis vsque ad 88. Et hoc verum in omni differentia.

5 Possunt etiam fieri gradatim à medio in vtramque partem: vt in medio digito sit pulsus altus, in extremis æquè debilis vel tardus, vel mollis, vel frigidus, &c.

6 Intercisa pulsatio est quando extremos ferit, non autem medios, & fit quadruplex. Aut enim ferit solum primum, & tertium: aut primum, & quartum: aut secundum, & quartum: aut primum, tertium, & quartum: aut solummodo primum, secundum, & quartum; non autem qui non nominantur, ex quibus plures combinationes exoriuntur.

7 Potest ista intercisiō fieri inæqualiter in omni differentia, ita v. g. vt sit in omnibus celer, & inæqualis, ita vt in vno celer, in altero tarda, in altero tempestiua; & sic de reliquis differentiis conieci. De vacuo, pleno, forti, debili, calido, &c.

8 Præterea, aut istæ partes arteriæ simul moueri incipiunt, aut non simul.

9 Si simul, tunc vel erunt in motu aliæ maiori tempore, aliæ minori; nam secundum distensionem etiam simul incipiunt: ergo rhythmus, & crebritas in his mutatur.

Si verò simul incipiunt, sed aliæ plus temporis consumunt, aliæ minus: propterea quæ aliæ prius, aliæ posterius sequentem distensionem incipiunt: tunc rhythmus mutatur, non autem crebritas & raritas.

Vel si simul incipiunt primam distensionem, sed non simul terminant, nec simul incipiunt sequentem, neque æquale sit tempus quietis in omnibus: tunc mutatur numerus seu crebritas, non autem rhythmus.

Vel si simul incipiunt, & æquali tempore mouentur, & in secunda distensione non omnes simul incipiunt: tunc non rhythmus, neque numerositas æquales erunt.

10 Si verò non simul omnes incipiunt, & contra sunt aliæ quatuor differentia, correspondentes quatuor iam dictis ab opposito: quas Galenus verbosius quam fructuosius excogitauit.



*De inæquali; & situ arteriæ.**Appendix.*

**I** **F**unt pulsus qui vocantur tensi, & contorti, ex inæqualitate situs arteriæ. Conspicitur enim extrahi sursum, & deorsum eleuari, & curuari, & ad dexteram, & sinistram quasi virgula, aut coluber contorqueri: cuius notio facilis vtilissimaque.

*De complicatis inæqualibus.*

## ARTIC. VI.

*Pulsus complicati differentia 11.*

**A**ccidit etiam sanis, nedum ægris, sicuti testatur Galenus de Antipatro, & Strutius de Histrione, mixtura pluralis, & singularis inæqualitatum, vel singularis vnus speciei: ita ut pulsus sint æquales duritie, calore, vacuitate, magnitudine. Sunt tamen innumeri, propterea que innominati Verum Medici vndecim signarunt, nominatim viles ad pernoscendum morbos, euentusque; videlicet vndosum, vermiculantem, formicantem, ferratum, caprizantem, spasmosum, vibrantem, palpitantem, tremulentum, hecticum, strepentem.

*De vndoso, vermiculante, & cat. speciebus.*

*De vndoso.*

**I**næqualitas magnitudinis in diuersis arteriæ partibus: & plenitudinis & vehementiæ in diuersis arteriæ partibus, faciunt vndosum pulsum, quem & vaporositas, & mollities comitantur variæ: instar enim vndarum continuatarum alia pars attollitur magis, alia minus, aliaque deprimitur: & alia plenius icit, alia inanius: alia vehementius, alia debilius, & celerius, & tardius.

*De vermiculante.*

**2** Cum autem fiunt eadem motiones sed minores, & debiliores, & partim crebriores, partim rariores; fit vermiculans pulsus: sicut enim vermes, seu lumbrici, inter suos annulos colliguntur, eleuantur, deprimuntur, & mouent se, ut palam est: propterea vndosus in vermiculantem debilitata virtute degenerat.

*De formicante.*

**3** Eadem inæqualitates imminutæ efficiunt pulsum formicantem. Formica enim breuiore passus facit, & minus elatos, debilesque ita, ut videantur pulsu carere ægrotantes huiusmodi. Sunt tamen pulsus paruissimi, tardissimi, & creberrimi, ut formicæ gressus.

*De caprizante.*

**4** Caprizans in vna arteriæ parte facta inæqualitate vehementiæ & celeritatis, oboritur. si videlicet incipit motum, feritque leniter, & antequam retrocedat, aut quiescat, sicut in interrupto, & dupli



duplicato fit maiori impetu, & celeritate perficit quasi nouum ictum; veluti capra solet, dum alterum adoritur.

5 Serratus componitur ex inæqualitate arteriæ in duritie, & *De serrato.* mollitie: & ex inæqualitate in vacuo, & pleno, & ex motu tensionis arteriæ sursum, deorsumque decurrentis, & ex interciso pulsu sub pluribus digitis, paulo ante declarato; sic enim serræ inaginem prorsus gerit. Adde aridi, & humidi complexum.

6 Spasmosus ex duobus inæqualibus in situ arteriæ oritur, vi- *De spasmo.* delicet ex decursu sursum, & deorsum, & ex arcuatione extrorsum in altum: interdum adde dextrorsum, & sinistrorsum: sicut cum neruus conuellitur, & coluber ictus.

7 Vibratus vero ex eisdem fit differentiis, sed magis ex eleua- *De vibrato.* tione, quam instar acuminati arcus facit. Spasmosus vero depressam magis: sed isti competit magis reuersus sursum, & deorsum. Complicatur tarditas & celeritas motus in diuersis partibus: durities, & mollities: vehementia, & debilitas, sicut dum vibratur funiculus. In expergefactis subito id etiam obseruatur.

8 Palpitat cor aliquando, aliquando arteriæ, aliquando vtrum- *De palpitanti, & tenenti.* que, & sic pulsus immutatur inæqualiter quoad magnitudinem, vehementia, & crebritatem. Palpitatio subito transit: tremor durat, & pulsum eisdem immutat inæqualitatibus.

9 Hecticum pulsum dicunt (melius autem saturninum: quo- *De saturni-* niam non so is heccticis inest) quas sortitur inæqualitates nun- *no.* quam mutat, sed fixas tenet. Præcipuas sortiri solet, paruitatem, celeritatem, crebritatem, & duritiem: est quandoque magnus, celer, vehemens, creber, durus: aliàs, &c.

10 Strepens componitur ex inæqualitate partium arteriæ in *De strepente.* vacuo, & inæquali duritie, & vehementia, & debilitate: & sub digitis quasi sonitum, & strepitum repræsentat.

*De Causis primarijs pulsus.*

CAPVT III. PARS IV.

*Causas pulsus primarias tres Medicis videri tantum:*

*& quomodo combinentur.*

ARTIC. I.

**C**Ausas primarias naturalesque pulsus, Medici tres assignant: *Cause va-* videlicet facultatem à corde irradiantem, cui duas tantum *riantes pul-* sam, faciunt *dant:*



*tas, ir, tra-  
mentum, &  
vſus ſecun-  
dum Medi-  
cos.*

dant differentias, videlicet vehementem robusta: debilem imbecillæ. Secundam instrumentum, videlicet arteriam: cui duram duræ: & mollem molli assignant. Tertiam, vſum quasi finalem: cui nullam dant propriam differentiam, vſum autem in quatuor diuidunt. Videlicet, refrigerationem caloris; ventilationem; spirituum generationem, & fuliginum expulsionem. Tres primas assignant dilatationi, quartam constrictioni, & prout variantur hi vſus, partes pulsus variari autumant.

*vſus dilata-  
tionis est tri-  
plex: constric-  
tionis unus.*

*Regula Gal.*

*Ad refrige-*

*randum tri-*

*plex: ma-*

*gnus, deinde*

*calor, deinde*

*creber cum*

*refriger, de-*

*ſinit deinde*

*gradatim at-*

*que ad 1.*

*Conſtitutio*

*regula ſecun-*

*dum alios,*

*qui magni-*

*tudinis refri-*

*gerium, cele-*

*ritati venti-*

*lationem:*

*crebritati*

*triplicem v-*

*ſum dant.*

*Faculeas ro-*

*buſta cum*

*vſu adauc-*

*to, & cum*

*diminuta*

*quas edit*

*pulſationes.*

*vſus cum ar-*

*teria.*

2 Dogma illius est quoad vſum caloris aucti supra motum æquatum: addit natura magnum: qui si non sufficit ad refrigerium optatum, addit celerem; quo nec sufficiente, addit crebrum. Et cum incipit calor minui, atque vſus, prius natura dimittit crebritatem, quam ultimo acquisiuit, & fit rarius: deinde celeritatem, & fit tardus. Tandem magnitudinem in bene refrigeratis. Hoc sæpe cantauit Galenus.

3 Verum cum ſter in fœminis celeritas sine magnitudine, & crebritas, etiam in hæcticis; alij diuiferunt vſum, vt magnitudo refrigerationi ſeruiat; qua non sufficiente accersit alias differentias. Celeritas ventilationi, quæ fuligines quasi separat. Crebritas, tū ad auuandā vētilationem, & refrigerationem, tū ad fuliginū ex celeritate multiplicatarū excretionē: & ideo in febribus iſta tria inueniuntur: quoniam calor adauctus non poteſt niſi à tribus differentis refrigerari: & ſimul fieri expulſio putredinalis fuliginis.

4 Mox combinant cauſas, & effectus: & primò facultas robuſta cum motu adaucto habet motus magnos, celeres, crebros, vehementes ſecundum magis, & minus: cum diminuto moderatos, tardiores, raros, vehementes. Imbecilla cum vſu adaucto æquatos, tempeſtiuos, crebros, languidos, vel minores. Cum diminuto paruos, tardos, crebros, debiles: ſin minus minimos, intermittentes, deficientes.

5 Secundo combinant vſum cum arteria: auctus enim cum arteria molli dat magnos, celeres, numeroſos, molles: auctior etiam crebros, at cum dura, minores, celerrimos, creberrimos, duros; ſed in minori duritie, æquatos, celeres, crebros. Vſus verò diminutus cum arteria dura, minores, tardiores, crebriores, duros; ſed numeroſos in exceſſu æquali: ſi virget frigiditas, etiam raros. Cum molli æquatos, tardos, raros: ſi ſuperat mollities, maiores: ſi diminutio, minores.

*Faculeas  
cum arteria.*

6 Combinant iterum facultatem cum arteria: robuſta enim cum



cum dura arteria dat pulsum æquatum, tempestivum, numerosum, durum; sed excedente duritie etiam celeriores, & crebrius. In molli maiores, tardiores, & rariores.

Imbecilla facultas, & arteria dura dant paruum, tardum, crebrius; in molli cum paruo recessu, æquatum, tempestivum, numerosum, mollem. In magno, paruum, tardum, crebrius.

*Sex Causas differentiarum pulsus esse agnoscendas, nec de tribus Medicos sufficienter, nec rationabiliter loquutos esse.*

ARTIC. II.

**N**OS autem arbitramur causam pulsationis activam esse spiritum animale: cui, cum sit natura mobilis, perenniter, facile motus iste perennis tribui potest. *Ex propria dogmata causa activa pulsationis est spiritus. Quia materialis.*

Materialem in qua esse sanguinem, aëremque, quos spiritus agitando attenuat, suamque in substantiam vertit. *Formalis.*

Causam formalem dilatationem, & compressionem circulatorum: hac forma enim editur iste motus, & æqualitate inter vtramque. *Exemplaris.*

Exemplarem in Sole contemplari oporteret: sed quoniam pulsus Sol ignis est, exemplum capiamus ab igne apud nos retento, & à spiratione, quæ analogia est pulsationi. *Finalis.*

Finalem dicimus esse non refrigerationem, sed retentionem, & augmentum caloris, & spiritus, ut dum alius exhalat, alius succedat in opificio hoc exercendo: est enim animal quasi Dei molendinum, commissum spiritui animali, cuius molaris lapis est cor: aqua, vel ventus movens est aër attractus: assistens operi molendinarius est spiritus, qui nutritur ex eo, quod in corde molitur, & adnatis arteriis. His visibus accedit fuliginum expulsio, tanquam per accidens: effluxio enim sanguinis, & spiritus ex arteriis ad nutritionem venarum, & partium corporis absolendam, de quibus paulò ante loquuti sumus, ad gubernatum spectat opificis, in opificio. *Error Medicorum.*

Instrumentalis causa est arteria, ad cuius dispositionem etiam variatur pulsatio. *Instrumentalis.*

**2** Circa activam causam considerandum est: quod quoniam spiritus constat ex tenuitate, luce, calore: potestatiuo, cognoscituiuo, & appetituiuo, pulsus ad cuiusque istorum variationem variantur. Quapropter non modo movens causa variatur de robore *Non variatur momentis causa vis tantum, sed passio, motus, & appetitus.*



*unde pulsationum varietas multiplex.*

*Ex passione.*

in imbecillitatem, & è conuerso, vt Medicis insufficienter loquentibus ponitur; sed etiam ex varietate appetituum, & notionum, & passionum aliarum. Siquidem ipsius potestatiui non sola imbecillitas, & robur est passio: sed etiam timor, spes, desperatio: præsumptio, ignauia, alacritas: ira, mititas, & cæteræ, de quibus in Ethicis, & hæc omnia variant pulsum.

*Ex notione.*

Similiter notiones, contemplatio, cognitio, admiratio, inaduertentia, delirium, phrenitis, discursus, imaginatio, variant pulsum.

*Ex appetitu.*

Item appetitiones amor, odium, hilaritas, dolor, voluptas, zelus, auersio, desiderium.

*Conclusio nona Medic.*

Quod cum fateantur Medici, imperitæ facultati vel robustæ, vel imbecillæ tribuunt pulsationum varietates, cum nec ipsa sit mobilis, nec cogitans, nec appetens: & per modum naturæ agat quantum potest: mouens autem spiritus non quantum potest, sed quantum opus est: vtque ipse variatur, vt in suis varietatibus videre licet.

3 Præterea ex hac causa nequaquam rationem reddent Medici veram differentiarum: constat enim fieri pulsum magnum, celerem, crebrum, & variari mille modis in hora iuxta animæ affectus benè cognoscentis. At quomodo incorporea facultas facit magnum, & paruum: celerem, & tardum, fingi non potest: robur enim, & imbecillitas, solam vehementiam, & debilitatem præstat: vsus autem non potest has facere de se: nisi prout vtens potest, & vult: facultas autem non scit, nec vult. Item non potest, nisi illas duas.

4 Mirum præterea, quomodo combinant vsum cum instrumento, cum neutrum agere possit, sed agi: quas enim differentias facit dura arteria, & vsus auctus, si agens non adest verique? In hecticis requiritur magnus pulsus, quoniam vsus auctus, & dura arteria: attamen non adest nisi paruus: ergo combinatio illa est friuola; & dogma eorum quoque ruit.

5 Quod autem de refrigeratione, falsum est: non enim natura caloris tantum indidit, ad cuius minutionem laboreat continuo. Præterea etiam refrigerati, & in hyeme, grandes pulsationes, & respirationes facimus, vt palam sit alium esse vsum illarum.

In febribus etiam spiritus non auget pulsum vt refrigeret, sed vt calor augeatur, fiatque potens ad expellendas, & coquendas morbificas causas: vt delirio sit simile assertum de refrigeratio-



ne, & sibi contrarium. Ipsi quoque Medici farentur coqui materiam putridam, aptarique ad expulsionem: & febricitantem ab aëre frigido sub pannis custodiunt: ergo pulsatur natura ut coquat, & attenuet. Si enim attenuata prauitas facile expellitur: ergo auget calorem ut id faciat; quod non nisi stupidis negandum venit.

Præterea statim à vino sumpto pulsus augetur, quoniam spiritus augetur; sic à cibo, & somno, & non quia calorem minuire oporteat: præstitisset enim non bibisse. At unde illæ nouæ vires, si potius intemperies facta est, minuenda flabello? Profecto doctior esset coquus, quam natura, qui ignem sufficientem cocturæ accendit in coquina, non autem tantum, qui continua minutione, sed fomentatione opus habet: ac præter voluntatem, & artem peccat semel in hoc. Demus hoc naturæ in aliquo accidente, non semper, & vtatur frigore ad retinendum calorem.

*De pulsum differentiis simplicibus, quatenus ab agente spiritu eduntur, sensatissimæ rationes in nostro dogmate panduntur.*

ARTIC. III.

**D**Vo sunt in his motionibus secundum nostrum dogma consideranda: actus videlicet, & actio: spiritus enim cum sit natura mobilis, motu seruetur. Et hunc actum dimittit nunquam nisi pereat: non enim ab alio, sed à se habet: neque est actio, neque passio, sed vitalis actus. Ab hoc vitali actu egreditur actio pulsifica in sanguinem, & arterias: neque enim poterat actio committi perennis laboranti, & agenti, sed operanti cum gaudio actum suum perennem: alioquin fatigatus periret. Ex operatione autem perenni pulchrè, & sine labore egredi potest perennis actio consimillima, & secundum naturam.

*Naturalis motus est actus in spiritu perennis ab actu actiuo in sanguinem & arterias. Perennis ille pulsus, non committendus nisi perenni causa & libenti.*

Philosophi autem veteres, & Medici, id non aduertentes, laborem continuum pro vita ponunt, qui mors potius videri poterat, maximè cum pugnetur contra natium calorem.

2 Igitur spiritus multus, & magnus edit actum magnum in se: & per consequens in sanguinem, & arterias facit actionem magnam: paruus vero paruum: & propterea viri actionem edunt magnam, mulieres paruum; quoniam plures spiritus in eis, in istis pauciores. Respiratio quoque in viris magna, in mulieribus vox

*A quo spiritu pulsus magnus, & à quo paruum.*



parua, & vox tenuis, sicut in viro ægrotante, ex quo spiritus multi exhalauerunt, vnde vox ex paucis resultat exilis, & acuta. Falluntur qui in hyeme non magnos fieri pulsus, & respirationes volunt: hoc enim verum in solis mortificatis à frigore penetrante; non in seruatis ab vniente.

*A quo vehementia, & debilitas pulsus.*

At vehementia non fit à spiritu, quatenus copioso: sed quatenus robusto, & non impedito, licet & robur plerumque copia adiungatur. Patet autem, quoniam mulieres, & qui paruo donati pulsu à natura sunt, cum irascuntur vehementem faciunt pulsum: quoniam spiritus vnitur, vt impetum faciat in rem hostilem. Vndè incalescit & roboratur. Ergo vehementia potius est in actione, quam in actu: & ex accidenti aliquo fit plerumque, naturaliter tamen, à calore multo, & vnitis spiritibus: sic in febris contra morbosas causas bellum iniens spiritus, vnitur, incalescitque, vt vehementiores edat ictus.

*Vnde celeritas, & tarditas.*

4 Celeritas autem ab actu, & actione causam habet: spiritus enim tenuis calidusque, celer est: crassus, tardior: mediocris tempestiuus, verum etiam crassus, si quando ad opus aliquod irritatur, accelerat exigente vsu. Vnde & cum copioso, & cum modico spiritu potest esse celeritas: non autem cum debili, & modico simul.

*Ex quo crebritas.*

5 Crebritas autem ex paucitate spiritus in viuacitate fit. Vnde formicæ & cimices creberrimis motibus se agitant, non autem magnis.

At etiam magnus spiritus crebritate vtitur vbi est opus. Attamen modicus, & debilis, creber esse nequit in actione, licet sit in suo actu. Propereaque in hystericis, vbi spiritus confluit ad auxilium vteri, & modicus remansit in arteria, debilisque à dolore, pulsum edit paruum & tardum, & rarum, & tandem deficientem.

*Actus conseruationi, a quo successioni deserviunt. Igitur variatur pulsus ab vtriusque vsu.*

6 Quoniam igitur spiritus per actum suæ conseruationi consulit, per actionem verò sui multiplicationi & regenerationi, sicuti nos indiuidui, & speciei salutem curamus. Generat autem spiritus tenuis, mobilis, calidus, lucidus, ex sanguine, & aëre, spiritum calidum, lucidum, mobilem suo motu, luce, tenuitate & calore; consequens est, vt variet actionē, & prout actus fert in sui conseruatione, & prout vsus actionis requirit in sua refectione.

*Copia spiritus, quos & quoniam pulsus.*

7 Quicunque ergo copiosum habent spiritum, edunt pulsum magnum, tardum, rarum, fortem, calidum, plenum, vt masculi, &



convalescentes validi. Quemadmodum enim ignem magnum <sup>edit, & quas</sup> flabellamus magnis flabellationibus, vt retineamus flammam <sup>r. spirationes.</sup> in lignis, ne elabantur, parvis haud cedens, nec desinat antequam comburat ligna, sed tamen tardis, & raris: non enim timemus quod statim evanescat cum sit magnus, neque putamus extinguere, sed augeri magnitudine insufflationis: sic qui calorem habent multum, & copiosum spiritum, magnas respiraciones & pulsus faciunt, vt calorem foucant, seruentque, non autem celeres, nec crebros: quoniam repugnat magnitudini crebritas, & celeritas aliquo pacto, nec opus sunt: quoniam non est timendum, ne magnus ignis, & spiritus perdatur, antequam alius illi succedat. Vnde nec vehementia est opus, cum spiritus sit auctus, & ex propria amplitudine faciat motum amplum. Est tamen fortis, & plenus, quoniam omnes partes arteriæ complet: calidus quoque, sed non vrens. Ergo non vt se refrigeret edit motum magnum, sed vt se seruet. Ex suo autem motu oritur actio magna, tarda tamen, quoniam subita refectione non habet opus, iam auctus.

8 Quicumque prædicta copia spiritus donati sunt, & insuper <sup>Qui ex copia</sup> opus habent refectione, aut expulsiōe noxiarum rerum: hi ita <sup>& indigunt</sup> habent subito pulsum magnum, celerem, crebrum, vehementem, plenum, percalidum; quemadmodum pueri, & febricitantes. Iuvenes verò addunt maximum, & vehementissimum, quoniam plurimum alimenti absument: oportetque calorem augeri ad ipsius cocturam, & separationem excrementorum. Nec sufficit magnitudo: quoniam hæc est ex copia spiritus, & ex actu, sed requiritur crebritas & celeritas ad actionem. Sic etiam irascentes augent pulsum celeritate, vehementia, crebritate, & magnitudine, quoniam vnitur spiritus contra res inimicas. Et febris quoque ira est spiritus contra noxios humores. Idcirco pulsus in omnibus differentiis augeat: mœstitia vero, & gaudium augeat solam magnitudinem: quoniam spiritus amplificatur, & expanditur: est tamen raritas, & tarditas in pulsu, quoniam nihil hostile habet in quod agat, & foueat: neque satis coquinæ vacandum putat, sed effundere se erga res lætificantes. At si accidat ira, statim pulsus celeratur & increbescit.

Vinum hilaritatem, & pulsus magnitudinem facit: cibus magnitudinem, & celeritatem, & crebritatem: quoniam vino subito <sup>Magnitudo</sup> fit spiritus, & pauca excrementa habet, cibus è contra: vt nulli <sup>actum, celeritas & crebritas actio-</sup> dubitandum sit. amplius magnitudinem: potius insequi actum: <sup>nem pulsus</sup> <sup>ina ratione</sup> celer-



celeritatem, & crebritatem, actionem: & vehementiam ad vtrumque. Et hanc in Medica artelucem inuentori non inuidendam putent.

*E spiritu robusto aliquid non copioso qui.*

Qui vero spiritus copiam non habent, sed non exilibus viribus præditum: hi pulsum habent paruum. Actus enim paruus actionem paruam communicat. Sed tamen celerem, crebrum, languidum tamen in primo gradu post fortem: hoc patet in foeminiis, & in nobis post exercitium: tunc enim quoniam spiritus copiositas exhalauit, respiratio, & pulsus fit de magno paruus: non enim potest edere actum magnum spiritus paruus: ergo nec magnam actionem: additur tamen celeritas propter indigentiam, ut spiritus subito reficiatur, & calor iam incipiens abire retineatur flabello pulmonis, & intrudatur in sanguinem ad noui spiritus recreationem.

Magnitudo etiam obstaret, quia igniculos paruos extinguit: quapropter ignem paruum parua flabellatione retinemus, ne vehementi extrudatur: at celeri ut cibo reficiatur; & crebra ne per interpositam morulam detur tempus elabendi. Sic quando à vèro multo candela extinguitur, modica insufflatione solet re accèdi crebra celerique, sed magna dissipatur modicus ignis, qui in elychnio remāsit. Ex hoc redditur ratio, cur in estate, & post exercitium pulsus, & respirationes maiores, crebriores, celerioresque.

*Ex inopia & imbecillitate spiritus pulsationes, ac*  
 10 Quibus spiritus inest modicus, exilisque viribus, dissipatusque, præsertim si in amplis vasibus; his respiratio, & pulsus paruus, tardus, rarus, languidus, vacuus, frigidus, & inæqualis, ut in senibus, & qui immodicis exercitiis, & immodica venere de fatigati sunt, & post febres validissimas: tunc enim spiritus modicissimus, & debilis est factus, nec potest mouere, nisi sicut mouet se: & cum mouet se & non arteriam, fit pulsus deficiens in apparentia; cum verò neque se, inexistencia, & mors. In senibus ergo, quoniam arterias insuper habent magnas, & duras, non potest pulsu magno spiritus eas distendere, cum sit modicus copia, & robore: & propter rimas arteriarum, & corporis pateat iniuriis. Crebritatem ergo imminutus spiritus non demittit distractus, diuisusque, aut victus.

### Appendix.

*Non ex usu.*

**E**X modo dictis patet vsum non esse per se causam, sed vten-tem. Variari ergo pulsus ex usu, non quatenus est de se aliquid,



quid, sed quatenus vrentis, & idcirco nullas ab usu proprias pulsationes accipimus, sed ab agente, & materiali, & instrumentali, & formali: forma enim variatur, prout agentis, & patientis usus requirit, & commoditas: sæpè enim non quales vult, sed quales potest edit pulsationes.

*sed ex causa vrentis sumitur differentia pulsus, & ex materiali, formali, & instrumentali.*

Nec cum pulsus excedentes mediocritatem ob irritationem, & nouum usum recuperant, sedati prius raritatem, deinde tarditatem, seu tempestiuitatem, vt aiunt; & tandem æquationem, nisi spiritus sit copiosus, & valens: vbi enim modicus prius, dum fanatur, quæritat recuperare magnitudinem, deinde tempestiuitatem, & numerositatem, vt patet ex dictis. Semper autem quod primo deponit, est vehementia; quæ pugnx gratia cæpit.

*Quis ordo partitionis, & quis recuperationis differentiarum pulsus.*

*De eisdem ex instrumentali causa.*

ARTIC. I V.

**E**X iam dictis quilibet in qualibet affectione naturali, & morbifica poterit causas rimari pulsuum, & prognosticari euentus, si addideris, quas ab arteria, & sanguine varietates habet.

1 Arteria dura repugnat constrictioni magis, & magnitudini dilatationis, sed si adest vehementia suscipit & magnitudinem.

*Qui ex duritie instrumentali fit pulsus ex mollitie.*

2 Raræ texturæ, & rimosæ vehementiam perdit, & dilatationi nocet, plus studet constrictioni: plus caloris & humoris ostendit. Densa vtrumque abscondit: prodest dilatationi, & constrictioni, non autem expulsionem fuliginum, idcirco quando multæ sunt, & mordicant, contorquentur & arcuantur.

*Ex densitate & raritate instrumenti.*

Arteria adnatas propius carnes & adipem habens, & minimum à lateribus motum edit, pulsum altum; etiam si spiritus sit mediocris, & non indigeat magna motione.

*Ex circumstantiis instrumentum rebus.*

Cooperta desuper multa crassitie spiritum repræsentat humilem, præferrim si lata est, etiam latum, & debilem.

Discooperta & duriuscula ex natura, vel accidenti, pulsum gracilem ostendit: vacuâque simul strepentem. Item longum.

Gibba, clataque in vna parte, in aliis oppressa, turgidum, & prominulum.

*Ex figura.*

Magis autem si & pulsus sit maximus, vehementissimus, celerimus.

Amplâ arteria cum modico spiritu, paruos, & deficientes ostendat: stricta cum multo, vehementes, arcuatos, vt infra.



## De eisdem ex formali causa, varietate, &amp; usu.

## ARTIC. V.

*Cur & quā-  
do dilatio  
vel constrictio  
maior,  
& minor.*

**F**orma motus est dilatio, & constrictio; cuius correspondentia vocatur rhythmus. Quando igitur spiritus indiget cibo, & quiete, reuocatur ad interiora, & fit dilatio minor, & constrictio maior, ut patet in somni principio; & assumpto cibo.

Cum vero spiritus amplius est, indiget dilatazione: creuit enim; tunc maior est dilatio, quam constrictio, ut in fine digestionis, & somni.

2 Aliquando idem accidit ex causa morbifica in arterias intrante, vel interiora corporis petente: tunc enim spiritus intro se recipit, & contractiones facit maiores, ut patet in febribus incipientibus; & in his, qui venenum, aut pharmacum assumpserunt, aut in visceribus afficiuntur. In fine autem febris dilatio maior: quoniam spiritus fatigatus iam victor sese amplificat, iactatque, roboratque.

*Ex affectibus.*

3 Omnis passio contristans cogit spiritum, & facit constrictiones maiores, ut timor, tristitia, pudor. Omnis passio exhilarans, dilataciones; quoniam spiritus sese amplificat, exitque foras, vultque videri beatus: sæpèque etiam corporis partes ad risum dilatat simul, ut in Phys. probauimus. Ideo oculi, & vultus nitent, & grandescunt spiritu pleni lucido. In tristitia eodem abeunte intro, obscurantur.

4 Item contemplatio, admiratio cogit magis: incuria, paruipensio, dilatat.

*Ex humoribus.*

5 Melancholia cogit intro, quoniam tetra fuligine reuocat spiritum ad pugnam, & terrificat. Sanguis floridus dilatat, exhilarat, forasque educit. Cholera roborat, vehementiamque dat pulsui. Pituita eneruat, debilitatem, & tarditatem conciliat.

*Ex aetatibus.*

Senioribus dilataciones maiores visuntur: non quidem ut refrigerentur; sed quoniam spiritus ocio indiget, & à cura consue- ta in cibi absolutione feriat ob imbecillitatem.

In pueris constrictiones, quoniam semper cum cibo multo pugnant, & eius attenuationi, & concalescenti vnio caloris, & spiritus, ergo & contractio conueniunt. Sunt etiam spiritus validi, & operosi in nutritione. Spiritus verò senum in rerum inspectione, & prudentia. Has causas Medici non intellexere.



7 Non valdè placet, quod rhythmus varietur ex quo plus tem- *Correctio.*  
poris opus est in compressione ad expulsionem fuliginum, ali-  
quando ad refrigerationem, vt aiunt: nam & in dilatatione fit  
expulsio, quæ in compressione perficitur, sicuti dictum est prius.

8 Rhythmus degenerat ex vna ætate in alteram proximam, vel *Documen-  
tum.*  
distantem, vel nullam, propter causas novas spiritum, aut tempe-  
riem mutantem, de quibus in pulsibus morbofis erit sermo.

9 Nihil autem obest, vtrum celeritas, an forma mutetur in  
rhythmis dum innotescit: & Gal. enim, & prisca rectè loquuti  
sunt Medici.

10 Sed quoniam causa formalis non mutatur de se, nisi quia  
agens, & materia, & organum mutatur, de quibus dictum est  
supra; ideo de materia restat sermo.

*De eisdem ex causa materiali: quæ & inæquales miscet.*

# ARTIC. VI.

1 **M**ateria, in quam editur actio pulsifica, est sanguis, & aer, in *Cur non pul-  
sat arteria  
ligata parte  
ad caput  
stethani.*  
quem spiritus suum actum, & vim dilatat, vt spiritum  
generet: proptereaque ligata arteria in parte, in quam sanguis &  
aer à corde non influit, non fit actio. Actus verò parvus fit ob ti-  
morem amissii alimenti, & non sensilis Galeno. Vnde & errandi  
occasionem circa originem pulsantis vis, accipit.

2 Quando igitur aer purus est, & sanguis purus benè coctus, *Qui pulsus  
& spiratio-  
nes ex san-  
guine & aëre  
puris, & qui  
ex impuris.*  
facileque in spiritus vertibilis, fiunt pulsus magni, tardi, rari, for-  
tes, & æquales in rhythmis. Immo dilatatio solet amplior tantil-  
lum fieri. At si aer impurus noxiùsque, dilatatio minuitur, & pul-  
sus; crescitque contractio. Manifestum est enim, quod cum per  
loca fœtentia transimus, inspirationem auersamur; expiramus  
tamen libenter. Vbi verò prata benè olentia, & viridaria auran-  
tiorum, & rosarum: tunc multum inspiramus, attrahimusque aë-  
rem: expiramus vero modicum: ergo & in pulsu dilatatio maior  
ad trahendum aërem, constrictio minor, quod quilibet potest in  
suo experiri. Similiter dicendum est de sanguine puro, & impuro.

3 Impuritas sanguinis velet à mistura fuliginis, & sic facit pul- *Ex impuri-  
tate sangui-  
nis.*  
sus interruptos, alteratos, duplicatos: quoniam dum mouetur  
spiritus terretur, reuertiturque vult ad pugnam contra fuliginem  
tetram; & ideo in Autumno, regnante bile atra, pulsus inæquales  
fiunt: & alij inæquales, de quibus postea.



Aliquando inest in sanguine bilis flaua amara, quæ pulsum ardentem facit, & celerem, & vbi mordicat arteriam, in fugam vertit, sursumque, deorsumque agit, & æqualitatem prorsus mutat: addit vehementiam, cupiente spiritu fibras laxari, vt egrediatur mordax humor. Quandoque inest pituita, quæ constrictiones maiores cupit, vt confringatur, dissipetur, attenuetur, coquatur: & quamuis in corde benè coctus sanguis transit in arterias, haud tamen semper æqualis. Vapor quoque noxius multas ciēt pugnas, & pulsus inæqualitates. Quapropter non sufficienter Medici de causis pulsuum primariis loquuti sunt, cum materiale causam, & potissimam omiserint: ad quam tamen vel inuiti sæpè recurrere coguntur.

*Ex prædictis causis inæqualitates oriri, præsertim materiali, in sanis, & aegris, & qua ratione.*

## ARTIC. VII.

*Differentia spirituum, & ingenia ex causa materiali, & proinde pulsationum.*  
**I**Næqualitatis ergo pulsuum causæ sunt omnes prædictæ, cum à suo ingenio exorbitauerint, vel accidentaliter, vt in ægrotis; vel naturaliter, vt in sanis: quales sunt apud Strutium medicum Iacobus Brasauus, Thaus histrio, & miles Turca, & alij; in quibus spiritus consuescit agere in sanguinem: sicuti ipse sua agitur vi. Vnde in Physiologia ostendimus diuersa hominum ingenia ex spiritus copia, & inopia: robore, & imbecillitate: puritate, & impuritate: crassitie, & tenuitate.

Quæ differentiæ ex materia, vnde producuntur, & ex vi caloris varia enascuntur. Calor enim multus ex impura, crassaque materia, seu sanguine, multos, impuros, & dissimilares facit spiritus: ex lenta puraque, copiosos, purosque: blandus ex crassa tenues, semipuros; ex molliori, & laxiori crassiusculos, sed puriores.

*Optimus est copiosus, robustus, purus: à quo recedentes variant rhythmum iuxta gradum.*  
**R**arè ergo inuenitur copiosus, robustus, purus. Igitur iste solus æquat dilatationes constrictioni, & pares paribus eiusdem dilatationis, nisi instrumentum obstitit; ceteri inæqualiter mouent: quoniam & imbecillitas, & robur cum impuritate pugnant.

Crassi etiam multam ventilationem cupiunt vt absoluantur, tenues modicam; ne euolent: & quando miscentur, diuersos pariunt pulsus, & singulares.

Item imbecilli à copia sanguinis obruantur, & à vaporibus, exor



exorbitantque à solita expulsiōne, vt patet in his, qui plurimo replentur cibo.

Quæ omnia non euenirent, si incorporea facultas, quæ à fuliginibus nil grauatur, moueret: multo autem minus illa, quæ in pluribus arteriæ fit partibus.

Præterea nequeunt Medici reddere causas inæqualitatis naturalis, & cur qui pulsum habent naturaliter intermittentem, bene viuunt, cum in ægrotis sit mortale signum.

*Pulsatilis  
vis in spiri-  
tu corporis  
concluditur.*

*Medicorum  
defectus in  
causa exor-  
bitantia na-  
turalis.*

*Medicos nec veras, nec sufficientes inæqualitatis pluralis  
pulsum causas afferre.*

ARTIC. VIII.

**M**edici cum Galeno inæqualitatis pluralis causas nolunt ab usu vllas trahi: impossibile enim aiunt subito usum variari in vno pulsu, & immediatis in pulsationibus, sed ab instrumento inepto, & facultate imbecilli simul mistis.

*Vnde Medici  
pluralem  
exorbitan-  
tiam pulsus  
deducunt.*

Instrumentum fit ineptum vel compressione orta ab humoribus circa locum arteriæ, & adnatis in partibus. Item ex tumoribus, scirrhis, &c. vel obstructione, à grossis, viscidisque orta: plenitudine nimia arteriarum, aut venarum coniunctarum.

*Sex causa  
ineptitudi-  
nis arteria.*

Facultas vero vel redditur imbecillis, quia aggrauata est onere plenitudinis, obstructionis, compressionis: & sic facit pulsus inæquales anonymos: vel est infirma ob resolutionem temperamenti, & tunc facit pulsus tardos, paruos, crebros: vel quia distracta per cordis, aut aliorum membrorum diuersificatum temperamentum: ita quod aliæ partes cordis sint frigidæ, aliæ calidæ: istæque optant dilataris, illæ cogi: item istæ optant pulsus magnos, celeres, varios, vehementes: illæ paruos, tardos, crebros, languidos: & dum vtrisque vicissim facultas satisfacit, variat pulsationes, vnas post alias. Rursus imbecilla facultas, quæ faciebat paruos, tardos, languidos, crebros, facit myuros, reciprocos, & cum plus infirmatur, myuros non reciprocos: & tandem pessime, intermittentes, deficientes, abolitōsque. Tandem intermittentem etiam dant robustæ facultati impeditæ: similiter intercurrentem, & ex mistura harum causarum oriri aiunt alias inæqualitates, superius dictas.

*Causa im-  
becillitatis  
in facultate  
pulsifica, &  
variationis  
pulsum.*

**S**ed profectò licet rectè adhibeant plenitudinem, obstructionem, & compressionem, & copiam sanguinis in ægrotis: haud tamen

*Non sufficit  
ineptitudo  
arteria, &*



facultatis  
inbecillitas  
reddere cau-  
sam varie-  
tatis pul-  
sum plura-  
lis, nec in sa-  
nis, nec in  
agrotis.

tamen satisfaciunt in sanis. Item fictitium est, quod alia pars cordis calida, alia frigida diuersos optant pulsus, cum talis intemperies in calidissimo corde oriri nequeat: & vna eademque virtus motiua incorporea partiri nequit, vt patebit cum de pulsu singulari erit sermo. Videntur etiam loqui ad coniecturam, & non ex arte: etenim absque tali intemperie etiam in sanis fiunt huiusmodi pulsus, & respirationes etiam. Dum enim inspiratio foetidi aëris accedit, statim expirare, non perfecta inspiratione, cupimus: & in suspirio intermissa respiratio reficitur: & nunc magnam, & statim paruam ob occurrentes causas siue ab aëre variato, siue à cogitatu, siue à timore. Item dum cupit, & metuit: sperat, & desperat. Quapropter non sola arteria, & facultas, sed etiam vsus immutat has inæqualitates tam singulares, quàm plurales, & mouentis affectio: sed ipsi errant, quoniam pro vsu solam refrigerationem intelligunt.

Falsum est etiam, quod intemperies minuit facultatem, & pulsum; hoc enim non fit nisi spiritu imminuto, & dissipato, aut abeunte in aliud membrum; sicuti patet in hystericis, & apoplecticis. Item, nil mota à sui natura temperie, sola spiritus immutatio per imaginationem facta, inæquales, & deficientes, & intermittentes facit respirationes, & pulsus: & eodem exhilarante, nil medicata temperie, reuertuntur ad normam; vt indoctus positionis tenax videri debeat, qui relictis veris causis ad non causas recurrit adhuc.

Quod ergo faciunt cogitationes, & passionες illatæ faciunt, inrens, & innatæ, vnde nescimus: dictum est enim quid sola fuligo, & aliæ impuritates parturiant: & quomodo spiritus nunc impeditur, nunc expeditur: nunc vult pugnare cum affectu, nunc fugere: nunc sanguinem attenuare, & variis distractum curis in eodem membro, & simul accersitum ab aliis membris, necessariò variare pulsationes sequentes.

*Quid rectè, quid perperam de inæqualitate singulari, tradiderunt Medici. Et ratio vera.*

#### ARTIC. IX.

Inæqualitas  
singularis  
non fit à cor-  
dis partita

**Q**uapropter cum de singularis pulsus inæqualitate easdem causas reddunt, licet adducant & vsus, similiter hallucinantur: non enim intemperies diuersa cordis facit duplicita-  
tem



rem pulsuum, cum sine illa ex solo cogitatu in respiratione eui-  
denter fiat, nec licet partire cor, & facultatem. Palam autem est,  
quod dum aggreditur spiritus dilatationem, vel impeditur à co-  
pia sanguinis, vel à fuligine, vel impuritate alia, vel instrumenti  
inobedientia, quæ ex pluribus dictis causis solet oriri. Vnde ne-  
cesse habet vel motum interrompere, vel se retrahere ab illo ab  
alia causa reuocatus, iterumque insequi: vel alterare eundem  
motum ipse nouo ab accidenti alteratus: quorum plurima enu-  
merauimus. Hoc etiam palam, quod si sequentem partem motus  
celerius, & maiusculè absoluit, indicium est plus posse spiritum,  
quàm causam interpellantem opus eius. Si verò languidius, &  
tardius, victoriam vrgerè ad morbosicam causam, vel impedi-  
entem quamcunque. At cordis intemperiem partialem id non esse  
patet, quoniam in sanis, & ex solo cogitatu id fit.

*temperie, ut  
Medicis pla-  
cet.  
Ratio 1.*

2 Inæqualitati in diuersis partibus vbi continua est, rectè tradi-  
tur vis à corde defluens, quæ in suo decursu debilitatur, ægritu-  
dine id ferente; sed vbi fortior pulsus in longinquis à corde, non  
valet: sed oportet spiritum alibi copiosorem, & minus impedi-  
tum: alibi minorem, & impeditum addere: Idque in interciso  
clarius, vbi Medici assignant inæqualitatem arteriæ in duritie, &  
mollitie: aut humores detinentes, scindentes & dirimentes facul-  
tatis progressum. Sed hoc perperam: facultas enim incorporea  
perunicam communicatur, non per foramen, sicut spiritus: ergo  
non ille, sed iste intercipitur, dirimitur, & alibi laborat, alibi libe-  
rior, pulsus edit inæquales in partibus.

*Non sufficit  
ad inæquali-  
tatem diuer-  
sarum par-  
tium facul-  
tatis passio  
varia, nisi  
spiritus, &  
materia, &  
arteria ad-  
datur varia-  
tio.*

3 De myuris prominulis facilè redditur causa ab arteria: Item  
à diuersa eiusdem plenitudine, de quibus supra.

*Ratio myu-  
rorum promi-  
nutorum.*

4 Si tum arteriæ mutant à tentione per scirrhus, inflammatio-  
nes, apostemata, & per frigus. Verè quidem ex parte, sed mordi-  
catio addenda erat, & horror spiritus à plenitudine humoris ter-  
rifici, quem fugere cupit, & nequit; ideoque contorquet vas, sicut  
spiritus serpentis suum corpus, vbi fauciatur, in diuersis parti-  
bus. Ideoque non omnes inflammationes hunc ferunt pulsum.  
Sic æger totus ab assumpto pharmaco, vel veneno, se torquet, agi-  
tat, mutat.

*Ratio extor-  
sionis arte-  
ria.*



*Examen causarum pulsum complicatarum Medicis,  
& quas nos tradimus.*

ARTIC. X.

*Vndosi causa  
complicata.*

**C**omplicatorum ex plurali, & singulari inæqualitate pulsum causæ, eadem sunt complicatæ & ipsæ in nostro dogmate. Vndosum enim ab influxu humorum in arterias molliores multorum, & non æqualiter latorum, fieri nos, & Medici asserimus, dum virtus est fortis. Ipsi vermiculantem ex præfata causa fieri, si accesserit imbecillitas facultatis: formicantem vero iterum ex imbecilliori, haud tamen declarant, quo ab humore isti fiunt, nec Auerroës; qui ex se succedere istos arbitratur gradatim: cuius contrarium Medici experiuntur. Sed profecto ex imminutione spiritus fieri hosce oportet, qui parum se, minusque arteriam attollit: vnde in superfluis euacuationibus vermiculans transit in intermittentem, & deficientem. In acutis, & malignis, reperitur formicans resolutio spiritus: & contra morbum vix pugnare reliqua particula potente.

*Caprizanti.* **2** Caprizantis eadem causa, quæ de interruptis, & dictoris, & alteratis: spiritus enim impeditur in motu: à quo impedimento si benè se expedit, fortiolem facit ultimam motus partem: si ægrè, languidiorem, nec propriè caprizantem.

*Serrati.* **3** Serrati causæ spiritus oneratus, instrumentum durum varie in suis annulis: & necessitas effugiendi id, à quo premitur, vel mordetur; non autem refrigerationis, vt Medici quidam docent. Cogitur ergo arteria attolli, & deprimi.

*Conuulsui.* **4** Conuulsio arteriis communicari à nervis putatur Medicis, quia coeunt in suis ramificationibus: melius autem dixissent etiam, quoniam ab eadem alba, exanguique cerebri substantia etiam deducuntur.

*Vibrati.* **5** In vibrato spiritus validus, & irritatus duritia arteriæ inæqualis, & necessitas mouendi cum resistentia, sunt causæ: maximè enim spiritus cupit materias inflammationis còquere, & expellere. Ideoque fortius arterias inobedientes commouet, præsertim morsus, & stimulatus à vicino malo; in quo Medici deficiunt.

*Palpitanti  
& trementi.* **6** Palpitant cor, aut arteriæ seorsum, vbi flatu nimio replentur eiicere cupientes: tremunt ex imbecilli potestate, & membri grauitate: quod facultas attollere vult, & nequit. Qua in re dupliciter errant quidam. Si enim potest, vt aiunt, arteria illæso corde,

& cor



& cor immutata arteria, palpitare, & tremere; ergo facultas motiva eadem vtrisque non est; sed spiritus corporeus, cuius alia pars ibi, alia hic. Vnde quidquid dixerunt de pulsibus à corde duplici temperie mutatis, friuolum fuit. Item cum tremor sit proprius neruorum, & motus arbitrarij apud Galenum; non possunt arteriis tribui, nisi à spiritu mouerentur: ergo spiritus adstrictus palpitat, & diminutus, aut diuisus tremit, vt nostrum dogma fuit: quod in paralyfi, & inedia, inque senio palàm.

7 De hectico pulsu rectè concludunt, quòd sua inæqualitas non immutatur, quoniam pars solida affecta est: sed non rectè spiritum eximunt: spiritus enim semper eisdem edit pulsus: quoniam eadem malitia perseuerat, nec varietatem permittit, cum sit in solido; & ipse non potest meliorari, nisi paululum ab assumpto cibo, vt patet in phthisi, marasmo & hectica.

Item antequam suppurentur fiunt pulsus hectici, qui exeunte pure cessant. Ergo non à solidi parte semper hecticus: sed ab usu eodem permanente; quo dempto, cessat.

### De Prognostico ex pulsibus.

#### CAPVT III. PARS V.

Diuinationem ex pulsu, & voce, & respiratione, fieri posse de ingenio, viribus, & ægritudine, & affectibus moralibus, & ægritudinalibus, & quomodo.

#### ARTIC. I.

1 CVM igitur ex dictis tegulis causas cuiuslibet pulsus intellexerimus: facile erit prognosticari in sanis de ipsorum ingenio, viribus, & affectionibus; in ægrotis vero de euentis, & fine morborum, & cur hæc ægritudo hos addat pulsus, illa illos: passionibus enim naturales, & sensuales etiam rationali communicantur per accidens.

2 Præualent enim ingenio non viribus; licet sanis, quibus spiritus inest sufficiens, tenuis, purius, blandus, & gracile corpus, & temperata viscera, id est, cor, iecur, ventriculus: & horum pulsus paululum deficit à forti, & magno, rest enim æquatus, tempestivus, numerosus, altus, blandusque.

Qui pulsus  
quod ingenium indi-  
cant, quas  
vires, &  
temperies.

Quibus



Quibus verò copiosus, multus, crassus, dissimularis, impurus, ardens, robustis pollens viribus, ingenio obstinati, & rudes. Viscera habet præcalida, pulsum maximum, vehementem, nunc celerem, nunc celerimum, inæqualem, crebrum, ardentem: suntque præ illis breuioris vitæ: nescit enim se se tutari, & morbis occurrere opportunè: quamvis non ita sæpè langueant, sed rarò, & enormiter.

Quibus modicus spiritus, debilis, impurus, crassiusculus inest, flexibilisque viribus, & ingenio modico; sed astuti, vt fœminæ, & seruales animo: pulsum habent paruum, celerem, crebrum, debilem, non satis æqualem, frigidum.

Quibus vero paucus, tenuis, purus, temperatus, in vasis bene formatis, valent ingenio non viribus, contemplationi apti, & inuentionibus: pulsum habent languidum, tardiusculum, sæpè crebrum, sæpèque rarum, variabilem iuxta cogitationum varietatem.

Enormitas  
pulsus ex so-  
la appetitiui  
principij, &  
cognoscitui  
non indicat  
morbum, nisi  
appetitiui  
insit muta-  
tio.

3 Variatio pulsus non indicat per se ægritudinem, quamvis inæqualissima, si fiat ex solo appetitiuo, & cognoscitiuo; non autem ex potestatiuo; quemadmodum enim in moralibus non est vitium volitiui, in quo completur vitium & virtus; nec morbus moralis exorbitatio in potestatiuo, & cognoscitiuo: nisi accedat etiam exorbitatio volitiui, in quo completur vitium & virtus: sic neque morbus in ratiocinio fit, qualis furor, & visio falforum &c. nisi exorbitatio etiam cognoscitiuum tangat. Similiter neque vitium morbusque in physicis est exorbitatio formaliter & per se volitiui, & cognoscitiui, nisi accedat passio potestatiui, transiens usque ad operatiuum.

Quapropter pulsus mutatio ex cogitatu, imaginatione, & ex amore, odio, hilaritate, non indicat morbum physicum, nisi transeat ad passionem potestatiui, quæ sunt virilitas, debilitas, ira, mitas, alacritas, ignauia, &c. in quibus neque morbus est, nisi usque ad operatiuum deueniat turbatio: tunc enim spiritus cum non regat, vti solebat, corpus, putrescunt humores, fuligines, & excrementa retinentur, & fœdant temperiem, non nutritur corpus, neque mundatur: hinc dolores, febres, cæterique morbi, quos sequentes pulsus indicant; præcedentes vero solum annunciant.

Qua ratione 4 Peritus Medicus & amantem, & furem, & mentientem, & ignorantem, & hilarem, & mœstum, & timentem, & superbum, & humi-



& humilem, & omnes passiones ex pulsu percipiet, vt Galenus, & <sup>ei affectiones</sup> Erasistratus & alij multi fecere, per regulas iam datas: licet ipsi <sup>ex pulsu: & quibus ex pulsibus cognoscunt.</sup> non nisi affectus rimati sint. Cum enim suspirantem videris absque causa iuuenem, & pulsum immutari plus solito in praesentia pulchrae mulieris, praed desiderio exeuntes, & dilatantes se: at praed desperatione, & timore simul se contrahentes, & variantes: palam fit quod ipsam depereat. Hoc etiam ex faciei immutatione in rubeam, dum exit spiritus cupiens videre, secumque sanguinem rubentem rapit, ac statim reuertitur intro, quasi timens deprehendi: aut amatae fulgorem non sustinens, vel seipsum puniens, vt dicebamus in moralibus: palam est amor. Timor ex pallore, facto abscessu sanguinis, & spiritus. Porro ira ex rubore, & turbatione, & obscuracione oculorum, & tumore musculorum. Tristitia ex depreffione musculorum: & oculorum exiguitate. De quibus omnibus in Ethicis dictum est. Qui autem pulsus fiant in his passionibus, recensitum est prius.

Nil mirum si dum reus interrogatur, pulsus variatur: vult enim <sup>Depressio rei qualiter ex pulsu, non tamen faciendum iudicium.</sup> spiritus exire, vt se defendat, & insonem declaret: ac simul aufugit ne deprehendatur: vnde interrupti pulsus, & alterati, & duplicati, & anonymi pro variis affectibus, mutuo sese praepedientibus.

Vidimus hominem ingenti timore perculsum falso, statim <sup>Pulsus ad mortem acti, & quae mutatio.</sup> agrotasse, pulsibus minimae dilatationis, debilissimis, & in canticum pilos omnes conuersos: calor enim timidi spiritus introrsum actus suffocatusque, pilos reddit albos, vt in Phys ostendimus. Prae nimio gaudio muliebrem spiritum confluentem ad laetificantem rem, seseque sua compressione suffocantem, & quasi in aquam, dum totus simul ad oculos confluit, conuersum, extinctum fuisse narrant historiae certae.

Idem ex voce, & respiratione mores, & affectus deprehenduntur: variantur enim magnitudine, celeritate, crebritate, vehementia, oppositisque, non secus ac pulsus. Sunt etiam interrupti, alterati, duplicati: Et quando non impedimento instrumenti sic fiunt, indicium de moribus dant, & de affectibus: quando cum instrumento, simul de morbis & affectionibus.

Vox & respiratio analogiam cum pulsu, & con-  
significationem habent.



*Confirmatio causarum pulsum, & prognosís ex dolore, & morbis analogis, & pharmacis.*

## ARTIC. II.

*Pulsus do-*  
*lentis.*

**A**T & postæ præfagitionis veritatem circa causas omnino dolor contestatur: quippe qui ex Medicorum testimonio pulsum facit solito maiorem, celeriore, crebriorem, vehementiorem.

*Cur.*

Quoniam spiritus colligitur, & armat se contra dolorificas & morbificas causas; non autem, ut aiunt, irritata facultas: quomodo enim irritatur quæ illis non sentit? & quomodo potest vniri, & augeri incorporea existens? & quomodo potest implere pulsum, nisi copiosa facta, vnita, corporeaque?

Item ait Aphorismus eorum. In processu facit minorem, celerem, crebrum, languidiorem: postremo paruum, tardum, creberrimum, languidum, vltimò formicantem.

Hæc autem accidunt: quoniam spiritus incalescens, & moriens valde se, organaque, ut malum amoliat, minuitur exhalans ex parte; ergo non potest implere arterias, ut edat magnum facultas autem incorporea quomodo possit resolui, ut volunt, fingi non potest: immo perficitur, & augetur sua operatione, quod etiam spiritui accideret, si in proprio esset loco, sicuti sol. Deinde minutus spiritus omittit celeritatem, quoniam & robur, & tenuitas multa elapsa est: non tamen crebritatem: quoniam minor potest facilius repetere motum, non autem accelerare, ut diximus de formica. Et propterea tandem in formicantem degenerat. Sed cur non rarus, & deficiens, sicuti in vteri strangulatione? Hoc Medicis incompertum est, nobis planum: raritas enim fit cum dissipatur spiritus, & disjungitur à seipso in aliud membrum ex parte migrans, ut istinc in vterum. At ubi spiritus permanet, licet imminutus semper in sanguinem actum suum magis repetit, ut reficiatur, nisi tam modicus fiat, & impeditus, ut evanescat, vel nequeat, ut patet in deficientibus, & phthisicis, & cunctis grauioribus morbis: ubi spiritus pugnare non potest, nec febris adest. Quod licet alij pro bono signo accipiant, mihi, & Hippocrati, interdum pessimum videtur. Igitur cessante crebritate lethale est omne malum post suum augmentum citra victoriam naturæ. Et quod in dolore docuimus, in omnibus morbis est idem.

*Item.*



Item in pharmacia, quoniam causa contraria est pugnans medicina spiritui, trahens humores sibi consimiles, spiritui inimicos; & donec exeant fiunt symptomata, qualia in diris morbis: & si non exiret pharmacum, nec digereretur, occideret procul dubio, sicut & pessimi multi occidunt humores.

*Quid significant singula differentia, & rhythmus in nostro dogmate prognosticantibus.*

ARTIC. III.

1 **Q**Vapropter, ut à principio dicebamus, magnitudo pulsus in sanis indicat copiam spiritus: in ægris irritationem, & unionem spiritus contra morbum: paruitas in sanis modicum spiritum: in ægris resolutionem eiusdem.

2 Vehementia in sanis, robur, & copiam spiritus uniti propter actionem, non propter actum naturalem: propterea à cibo, & exercitio, & ira ex tempore, & tempore solet addi. In ægrotis indicat prælium contra causam morbificam; & victoriam nisi degeneret, & unionem ad pugnam.

Debilis post vehementiam indicat resolutionem, & virium deiectionem in principio, vel impedimentum spiritus, vel insidias morbi. Cum enim non pungit spiritum, nec vasa eius noxia causa non irritatur, & sæpe imparatum occidit: significat aliquando inconfidentiam ad pugnandum, ex quo certa mors, si lethalis est causa. Vnde recte Hippocrates dixit, quod cessante febre sine victoriæ signo, mortale est indicium; spiritus enim diffidit. Vnde non parum mirari licet Medicos, qui ex eo, quod cor frigidis contentis vexatur, & arteria calidis, vel è contra, pulsus temperari, & sic non fieri febres docent: cum potius maior pugna pronuncianda foret, & pulsuum inæqualitas, si stant in his, quas reddunt de inæqualitate rationibus: & naturæ laudibus providentis ad omnia.

In sanis autem debilitas indicat spiritus tenuitatem, & vasa frigida, vel mollia, aut raræ texturæ, ut in senibus: & spiritum haud unitum.

3 Celeritas in sanis tenuitatem spiritus indicat, & calorem vividum: si est cum magnitudine, etiam copiam. Adde opus regenerationis, amorémque. Sed cum paruitate, modicum spiritum sui copiam operantem satagentémque, molléque instru-



mentum aliquando. Item opus sequestrandı impuritates, vř in fœminis: ventilatio enim est ad spiritus absolutionem ordinata, ac simul ad extrusionem, nec facit nouum vřsum: sed accelerat eundem. In ægrotis verò ad mali attenuationem, & expulsio- nem superuenit: indicatque impuritatem.

In mediis verò, vt quibus ab exercitio, vel venere, vel alia passione, fiunt celeres è tardis, indicat spiritus resoluti refectionem fieri: vel spiritum attenuatum, si resolutus non est, ex parte celerius ferri, vt solet, vel eleuato aliquo fumo iungi ad celeritatem: quæ omnia Medicus ex præcedentibus, & adfistentibus cognoscet. Et quidem celeritas citra resolutionem, habet magnitudinem comitem; cum resolutione paruitatem, & debilitatem: si autem additur celeritati crebritas absque magnitudine, peius est: significat enim anxietatem imminuti valdè spiritus, quærentis refectionem, nisi magnitudinem instrumenti durities impediat, vt dicunt Medici. At si impediat, ostendetur vehementia. Ergo.

Tardus pulsus in sanis cum magnitudine, copiam spiritus fruētis seipso, indicat; & expertem indigentia, & pugna: ergo etiam puritatem. In mediis affectibus hilaritatem. In ægrotis si aduenit post celeritatem, nec melius se habent, indicat spiritum imminutum, nec potentem, nec confidentem cum morbo præliari: vel distractum ad alterius membri opem, quod ex aliis signis discernes. Si autem est in principio morbi, indicat inualidum spiritum, vel instrumenta motui inepta, vel inconfidentiam, vt dictum est. In sanis etiam sine magnitudine, indicat spiritus modicitatem, & sui incuriam ex debilitate, & diffidentia, vt in senibus. Item vasa deprauata laxataque, & pituitosam substantiam, ex qua reficitur.

4 Crebritas in sanis magnam refectionis spirituum curam, quales in pueris, & iuuenibus, & tempus augmenti, & calidas temperaturas: si tamen iuncta est magnitudini, & celeritati, alioquin sani non sunt.

Porro si sola magnitudo deest, non calidum indicat temperamentum, nec studium nutritionis, sed spiritus paucos, & impuros humores, quorum purgationi, & refectioni accersitur crebritas, vt pater in fœminis, & in ætate, & in resolutis à dolore, vel exercitio. Et si contingat rarditatem adesse, vel morbum indicat, vel multam resolutionem, vt post inmodicissima exer-



citia, & in æstate, & in euacuationibus maximis: unde & formicans sequitur pulsus, qui semper spiritus paucitatem, & anxietatem exilem indicat: quæ in sanis (cum possit statim emendari quiete, vini potu, & odore, qui subito spiritum reficiunt) nequaquam formidabilis est. Nunquam tamen potest crebritas in non sanis, quantumvis diminutus sit spiritus, deesse; quoniam sui curam nunquam dimittit: at ubi incipit raritas, deliquium indicat, & spirituum disiectionem, & absentiam.

Raritas verò in sanis cum magnitudine sanitatem, & securitatem spiritus à malis, & carentiam indigentiae: at cum paruitate mollem arteriam, cedentem motui, & quietem permittentem multam; vel frigidos humores, paucosque spiritus, & collapsam naturam ad sensum. Neque enim potest absque tarditate etiam reperiri.

Crebritas verò in ægrotis, quæ non inerat eisdem sanis, si coniungitur magnitudini, & celeritati, pugnam validam robustorum, copiosorumque spirituum contra morbos indicat, præter necessitatem refectionis, & expulsionis, quæ in sanis contingit: cum paruo pulsu etiam resolutionem ex pugna, & spiritus modicitatem non desperantis, præsertim si velocitas adest. Quæ deficiente impedimentum à morbo, & diminutionem spiritus, & aliquando arteriam duram indicant. Verùm dempris istis inopiam spiritus, & anxietatem restaurationis: & si plusculum præualet morbus, in formicantem degenerat, & raritatem.

At raritas ex morbo peior est crebritate. Indicat enim spiritum non modò diminutum, sed de sua salute desperantem, nisi tamen hoc accadat ex disgregatione, & absentia: quando enim aufugit ad interiora ob timorem, vel laturus opem, tunc raritas pulsus tantum est periculosa, quantum cui succurrit natura morbi. Patet in epilepsia, strangulatione vteri, stomachi grauamine.

At si raritas non ex distractione hac, sed ex spiritus diminutione, & exilitate fiat, victoriam morbi indicat, cui victus dat manus. Sæpè loquendo, alias moriuntur dormiendo, non ex cordis, & contentorum frigore, vt quidam opinantur: sed quoniam spiritus permittit quibuscunque prauis humoribus inuasionem suæ domus, & caloris natui extinctionem: siue fiat per prauorum humorum exuberantiam, siue ex intemperie, siue solutione continui in corde, & proximis arteriis: siue ex vlcere



pulmonis, qui reficiendo calori amplius non est aptus : siue quia sanguinem iecur non largitur: siue apostemate principalia viscera rumpente; quæ omnia ex aliis venabere symptomatibus, & causis. In apoplexia, & suffocatione à carbonum vapore ista omnia patent.

*Quid mol-  
lities, & du-  
rities.* 5 Mollities pulsus indicat arteriam mollem in sanis, copiam humoris aquei, & ætatem puerilem, & sanguinem multum, & pituitam, & calorem blandum. In mediis passionibus, vsum balneorum, natationem, potus abundantiam: aliquando in prouectis raram texturam humoribus præuiam.

In ægrotis verò hydropem, lethargum, peripneumoniam, coma, vel humorum copiosorum abundantiam, & caloris diminutionem: quæ ex aliis causis parent.

Durities verò in sanis, siccam, & gracilem temperaturam: & caloris adurentis copiam, & dispositionem ad marasum.

In ægrotis verò præcessisse febrem ardentissimam, aut marasum hecticamque; aut diurnam quartanam; quæ solet in hecticam transire. Aliquando significat constrictionem ex balneis frigidis, ex niuis, & stypticarum rerum vsum insalubri. Indicat & tensionem, & spasmo, apostemate, tumore, inflammatione solidorum, &c.

*De turgenti-  
& vacui in-  
dicatione.* 6 Turgidus copiam humorum in ægrotis, & plethoram. In sanis copiam sanguinis, spiritusque, & arteriæ in latera amplitudinem, & subter loci inopiam. Vacuitas, spiritus, & humorum paruitatem, & ærem multum, vt in strepente.

*Quid ar-  
dens, frigi-  
dus, & te-  
pens.* 7 Ardens biliosum sanguinem, spiritus unitos, & arterias incapaces in sanis. In ægris excrementosum humorem exhalantem, & feruorem spiritus contra ipsum. Frigiditas in sanis, pituitam, & imbecillitatem spiritus. In ægris contenta frigida, & caloris inopiam in corde. Blandus vtrisque bonum: sed melius sanis. Indiget enim æger calore multo ad pugnam. De cæteris dictum est prius.

*De extre-  
marum dif-  
ferentiarum  
significatio-  
ne.* 8 Extremi pulsus periculosi: sed meliores vehementissimi, celerrimi, maximi, creberrimi, calidissimi, plenissimi: quàm debilissimi, tardissimi, minimi, creberrimi, frigidissimi, durissimi, vacuissimi, aridissimi. Horum pessimus est debilissimus: post hunc minimus: mox tardissimus, durissimus, rarissimus. Durissimus æquè malus, ac mollissimus. Ille in inflammationibus, & apostematibus, iste in aqua inter cutem: comate. Frigidissimus vbi  
exten



extensionem annunciat, superat omnes malitia. Vacuissimus si posset agnosci, abiisse animam, & humores vult.

9 Rhythmorum inæqualitas iam patuit quid significet. Contra-<sup>Quid rhyth-</sup> tractio enim celerior, & dilatio tardior in sanis, nutritionis <sup>morum ina-</sup> ce-<sup>qualitas &</sup> lebritatem, & purgationis nunciat, & spiritus negotium in sua <sup>varietas.</sup> culina. Quod in somno, & post cibum, manifestum est. E contra dilatio maior, refectum esse, & spiritus copiam, & victoriam, & caloris augmentum. In ægris contractio pugnam spiritus contra morbum; sed in principio fugam, dum tremit: mox agressionem. Dilatio victoriam, & ocium. De quibus supra. Æqualitas in vtrisque si naturalis, bona. Cætera superius prædicta sunt.

*Quid significant inæqualitates plurales, singulares, ordinate, deordinate, simplices, & mixte in prognosticis.*

ARTIC. IV.

1 Pulsus pluraliter inæquales in sanis impuritatem, & inter-<sup>Quid signi-</sup> periem indicare ex dictis scimus: ingeniorumque detri-<sup>ficient pulsus</sup> mentum, & appetitiones præter naturam, & stultitiam. In ægro-<sup>pluraliter</sup> tis plenitudinem, obstructionem, compressionem: spirituum <sup>inæquales in</sup> pugnas cum huiusmodi malis, & quibus ex humoribus aliæ in-<sup>sanis, &</sup> dicant causæ, ut diximus ante. Similiter de fuliginibus, & con-<sup>quid in a-</sup> tristantibus, & impredientibus, distrahentibus, dirimentibusque <sup>grosis</sup> causis. Crassus valde est Medicus, qui plura dictis desiderat. Lunares gradata diminutione, & augmentatione quisque discernet quid annuncient.

2 Intermittens signum lethale, si duas pulsationes omittit: <sup>Quid inter-</sup> magis autem si tres, aiunt Medici: nec quartam expectent. Et <sup>mittens.</sup> in iuuenibus omnino. Pueros autem, & senes aliquando ex hoc malo euadere. Quod verum puto, quando distractio, & non imbecillitas præstat intermissionem.

Immo & deficientem omnium pessimum, si distractione fit, & ad sensum, non addico internecioni.

Intercurrens securus, quoniam addit ut viuat, & vincat spiri-<sup>Quid inter-</sup> tus <sup>currens.</sup> repente ictum.

De inæqualitate pulsus singulariter in vna parte arteriæ diximus causas, & prognosin. Sed nota quod Medici interruptum vocant nunciū mortis certum; quod verū est si ex debilitate fit, & sequens



sequens attestetur minutio. Similiter in variato si in deterius secunda pars desinat.

Duplicatus non ita malus, aliquando melior, ut patet in respiratione: pessimum puto eum, qui nec finire potest motum, nedum duplicare. Et hoc semper considera, an distractio efficiat, vel diminutio. Vocatur pulsus iste apocopatus ex figura grammaticali.

*Quid ordinati.* 4 Ordinati pulsus in sanis boni, in ægris pessimi, quoniam stabilem morbi causam indicant: dico de inæqualibus ordine certo factis. Melior est in eis variatio: quoniam firmam causam non habent, & facile mutantur: quod Galenus non considerat.

*Quid undosus.* 5 De complicatis undosus ferè securus: quoniam expers inflammationis est, validique spiritus: sed prauus in hydropce. Deterior si desciscit in vermiculantem; qui molles etiam arterias requirit; sed diminutas vires ex multis vacuationibus indicat. Malaque aliquando pulmonis pandit.

*Quid formicans.* 6 Formicans, nisi à causis fiat subitis, sed post mala, prostratos spiritus dicit; & mala, ut supra docuimus, extrema.

*Quid caprizans.* 7 Caprizans bonum spondet si verus, & crissim; quia &c.

*Quid serratus.* 8 Serratus malus, inflammationum, & apostematum index, & diuisi spiritus.

*Quid contuulsiuus.* 9 Contuulsiuus in principio ægritudinis mitis, in fine insaniabilis.

*Quid vibratus.* 10 Vibratus in sanis non malus, nam ex terrefacto spiritu in mordicata arteria accidit, & cum expurgantur. In ægris malus, quia ex inflammatione, &c.

*Quid palpitans.* 11 Palpitatio flatum facile euanescentem indicat: sed tremor in sanis resolutionem spiritus, aut distractionem: in ægris morbum capitis durum, & in fine accensionum mortis nuncium: at in accensionibus dum timer spiritus præliari, & sese accingit, indicat recessum, & collectionem, ut in febribus.

*Quid saturninus.* 12 Hecticus saturninus malitiæ fixæ signum abominabile.

*De pulsibus omnium febrium generatim, & qua fiant ratione.*

### CAPVT III. PARS VI. ARTIC. I.

*Vid. li. 2. ubi de febribus.* **F**ebrem esse spiritus irritati feruorem contra morbificas causas pugnantis, ideoque calorem, & motum augentis, quo possit



possit eas attenuare, dissolvere, & expellere præsupponimus. Nec rectè Medicis videri calorem putridæ rei hostilis, ad quem extinguendum augeatur pulsus ad refrigerantis aëris introductionem; sed è contrà. Item non fieri ex affectu cordis, sed cuiusvis visceris, & solius spiritus. Idcirco tria genera febrium; ephemeram in spiritu; hecticam in solido: putridam in humido, statuimus.

2 Pulsus ephemeræ est à principio etiam æqualis, & subito fit magnus, celer, & creber, & repens, vehemensque, respectu, inquam, naturalis in patiēte, & absque rhythmi varietate: nisi ventriculi, aut alia affectio tristitiæ, &c. simul accadat: fit enim solius spiritus purgatione, & ventilatione.

*De pulsu ephemera.*

3 Hæticæ pulsus parvus, celer, creber, languidus, saturninus; cuius nec accessum, nec augmentum, nec recessum agnoscas. Vnde mihi videtur non esse febris, sed intemperies solidi, ad quam sequitur talis affectus in arteria, & spiritu. Vnde in marasmo simplici pulsus languidus, parvus. In calido parvus, celer, languidus, prominulus, exurens, arens. In frigido per exsiccationem, & caloris abscessum facto, ut in senibus, parvus, tardus, rarus, languidus: & in omnibus saturninus hæticus.

*De pulsu hætica.*

4 Febris putridæ pulsus in principio velocior in contractione, in augmento acceleratur, etiam dilatatio: in vigore adæquatur. In declinatione simul minuuntur. Adest etiam varietas pulsus in principio, & medio: omnes autem sunt magni, celeres, crebri: sed superlativè in biliosis. In quartanariis, & melancholicis, minores, tardi, & rarissimi præ aliis. In phlegmaticis æquè tardi, rari, molles.

*De pulsu putrida.*

5 Solent admistiones aliarum causarum variare hos pulsus: nam si morbosæ causæ in corde exuberent, prævaleantque, & in principibus sedibus, spiritus tunc affectus tardos, & raros pulsus edit: quod si & languidos, signum victoriæ ipsius morbi suffocantis vitalia, & spiritus. Si languor non apparet, spes est pugnandi. Cum enim pugnam non capeffit, cedit, moritur: si capeffit, tunc pulsus magnificatur, acceleratur.

*Commistio causarum variat præfatos pulsus, primò in corde, & sedibus primis.*

Idem faciunt humores ad os ventriculi ipsum à pugna distrahentes: ubi si vellicatio, aut anxietas, aut singultus, aut vomitus, aut nausea, aut dolor, aut fastidium, oportet fieri pulsus parvos, celeres, crebros, languidos, & tandem vermiculantes. si adest aggrauatio, parvos, tardos, raros, languidos, inæquales. Ut videas plus à ventriculo ferè, quam à corde variari, sed ubique: quoniam

*Secundo in ore ventriculi.*



totum regit spiritus systema animatum.

Item variat pulsus fuga spiritus ad interiora, vt sæpè diximus.

Item importuna cibatio.

*Humor par-  
uus & va-  
por non dans  
tempus fe-  
briendi. pun-  
genti lecta-  
lis.*

Sed super omnia insidiatio humoris, qui non ad loca spiritus fertur, sed paruam exhalationem ad cerebrum, & cor emittit, nulla facta mordicatione: tunc imparatum spiritum lædit prælio ineptum: non enim in sanguine, neque in extimis sedibus, sed in ipso spiritu & suis penetralibus aggrauatur vapore, terretur fuligine, intemperatur calore: ergo non febris, id est bellum, sed cessio, & mors. Vnde non rectè Medici dicunt latere febrem: quomodo enim non pulsenter arteriæ in tanta necessitate? Concedant ergo febrem esse pugnam. Si enim esset refrigeratio ad extranei caloris imminutionem, facilè semper fieret, spiritu in pugna non occupato.

*Cur moriun-  
tur rectè pul-  
santes inter-  
dum.*

6 Item quoniam febres pestilentes fiunt in spiritu, in solido, & in humido, sæpè seorsum à venenosa qualitate fit, vt pulsibus rectè se habentibus moriantur patientes: non quia cor calet, & arteriæ frigent, & contemperant pulsum, vt ruditer quidam aiunt:

*Non datur  
febris hecti-  
ca pestilens.*

tunc enim cor contra frigus pugnaret calore, & motu. Sed quoniam venenum exile, ac vehemens est, & antequam spiritus prælio, id est febri, accingatur, occiditur. Ergo non datur hectica pestilens, sed dicitur hectica, quoniam non sentitur pulsus immutatus. Sunt quidem pulsus languidi, parui, celeres, crebri, in aliis pestilentibus; quoniam à spiritu incipit omnis pestis, vt suo in loco declarabimus. Fit autem humoralis aliquando: quoniam spiritus in sanguine actu suo actionem edens, inficit illum: & statim deprauatus bubones, & carbunculos emittere solet. Sed propriè cor, epar, & cerebrum in furiam vertit, & exagitat. Quod de cerebro verè dicitur, & prius.

*Quæ passionες morbificæ quos edant pulsus  
generatim.*

## ARTIC. II.

*Regulariter  
quos pulsus  
quæ causis  
morbificis  
facit.*

1 **E**X causis morborum generalibus, quas lib. 3. enumerauimus, destillatio facit pulsum mollem, & vndosum. Inflationem, & palpitantem, inæqualem, & paruum. Euacuatio crebrum, formicantem, & vacuum: Repletio inæqualem, paruum, intermittentem, languidum. Ariditas durum, crebrum, languidum.



dum. Frigefactio etiam paruum. Calefactio celerem. Tumor ten-  
sum, & vibratum.

2 Verum quoniam effectus non respondet causæ agenti tan- *Animaduer-*  
tum, sed etiam patienti contemperatur: propterea nosse oportet, *sio.*  
quod partes siccæ affectæ prædictis causis, duros edunt pulsus:  
humidæ molles; compressæ, repletæ, obstructæ inæquales: tu mor-  
ribus, & apostematibus affectæ tensos, sed secundum magis, &  
minus; non enim æquales omnes siccitates, & calores, &c.

3 Item causæ mollificantes in duris partibus non efficiunt mol-  
les pulsus, sed medios; nec calefacientes in frigidis, vrentes, sed  
tepidos: propterea libet de singulis aliquid enunciare seorsum.

*De pulsibus inflammatione varia affectis.*

A R T I C. I I I.

1 **G**eneraliter inflammationis, id est, calidi tumoris, pulsus ser- *Pulsus gene-*  
ratus & vibratus est. *ratur infla-*

2 In pleuritide vero, quæ inflammat membranam succingen- *In pleuritide.*  
tem costas, fit celer, creber, durus, vehemens apparenter, ser-  
ratus.

3 In suppurationis principio, quoniam est inflammatio, pulsus  
similiter inæqualis, inordinatus, hæticus: tensus, durus: serratus,  
præcipuè in suppuratione thoracis. Confecto pure fit paulo æqua-  
lior. Rupto, cessat labor spiritus in coquendo, & expellendo pure,  
assumptus: propterea fit pulsus latior, tardior, languidior, vt Me-  
dicitestantur.

4 In peripneumonia, quæ est pulmonis inflammatio, fit celer, *In peripneu-*  
magnus, creber, mollis, languidus, vndosus, raro vibratus, inter- *mon.*  
mittens sæpè, & intercurrentes, vbi serratus, & tensus non datur:  
quoniam à pituita fit repletio causans inflammationem, & pulmo  
molle instrumentum est, vnde vndosum producit.

Alios tamen edit pulsus pulmo refrigeratus: alios calefactus;  
alios obstructus, vt patebit.

5 Inflammatio stomachi, quales omnis generaliter.

6 Inflammatio hepatis duros: similiter ex scirrho hepatis, &  
lienis.

7 Inflammatio diaphragmatis duros, tensos, paruos, crebros.

8 Vesicæ & vteri pulsus duri, sed vesicæ duriores, & dolorifici  
magis.



*In cerebri  
calida intem-  
perie.*

9 Cerebri eiusque arteriarum, & musculorum calida intemperies delirium adducit: & pulsus celeres, magnos, crebros. Verum inflammatio membranæ tenuioris, vulgò piæ matris, adducit phrenitin, & pulsus paruos, celeres, crebros, dueros, mediocris vehementiæ; nonnunquam vndosos, sæpè trementes. Amputatus ob conuulsionem, tenfos, vibratos, inæquales: horum ratio ex dictis patet.

*Frigida.*

Frigida intemperies adducit fatuitatem; pulsusque contrarios, paruos, tardos, raros. Catalepsis autem ex frigido, siccoque humore, posticam cerebri partem irrigante; quo fit vt nec loquantur, nec audiant, nec videant; facit pulsum tardum, paruum, rarum, inæqualem.

At lethargus ex inflammata cerebri substantia non per se, sed propter eos, quibus irrigatur humores crassos, impuros, & superfluos, pituitosos; facit pulsum magnum, crebrum, languidum, celerem, vt in peripneumonia: sed tardiozem, & rariozem, minusque inæqualem, intermittentem magis, quàm intercurrentem: vndosum semper si sopor accesserit.

Calida, & humida intemperies adducit lethargicam phenitim, cuius pulsus celer, creber, minus vehemens, latus, brevis.

### *De pulsibus morborum à destillatione, & obstructione.*

#### ARTIC. IV.

*Pulsus paraly-  
sis.*

**M**Orbi à destillationibus comites habent obstructiones, & cum fiunt in partibus exterioribus, in neruosa substantia, efficiunt paralytim obstructis nervis; cuius pulsus paruus, tardus, rarus, languidus, mollis: in quibusdam etiam creber & inæqualis, & parumper inordinate intermittens.

*Pulsus epilep-  
sis. & apo-  
plex.*

Si obstructio est in capite, & in spina, fiunt epilepsia & apoplexia, non sine conuulsione: & fiunt pulsus minores, tardi, rari, languidi, inæquales. In maxima passione parui, crebri, languidi. Haud tamen rationabile est, quod de crebritate dicunt, nisi in magna passione.

*Pulsus con-  
uulsionis.*

2 Si autem in musculos influat, & obstruat, fiunt conuulsiones cum pulsu tenso, non quia contrahitur, vt in principio febris arteria; nec quia dura, vt in tumoribus, & exsiccata morbis chronicis; sed tenditur in vtramque partem, sicuti corpus cauum, inane, quale intestinum dum tenditur vtrinque. Igitur sursum deorsumque



sumque tenditur, nec diastolæ & systolæ apparent, nisi vibrationi similes: exilit enim ad cutim arteria non æqualiter, sed discriminatim, alia parte sese attollente, alia deprimente, & alia celeriter, alia tarde. Apparet pulsus maior, & vehemens, cum sit magnus, & fortis ob vibrationem; & strepit in ictibus.

3 Pulsus podagræ, chiragræ, sciaticæ, seu ischiadis; &c. quoniam sine febre sunt, fiunt quales in doloribus pro magnitudine doloris: si accedit febris; qualis in convulsis, & inflammatis, & obstructis.

*Pulsus podagræ, chiragræ, &c.*

4 Angina pertinet ad obstructionem gutturis, & inflammationem simul: idcirco eius pulsus qualis inflammatorum. Sed si ad pulmonem prolabitur obstruens humor, fit vindosus: si ad membranas colli partes passio migrat, convulsivus: si ad mortem, creber, & inæqualis.

*In angina.*

5 Difficultas spirandi ab obstructione, plenitudine, & compressione laryngis, arteriæ, pulmonis; si acuta fuerit pulsus habet inæqualem, inordinatum, intermittentem, deficientem; & cum magis sævit, languidum, & tardum; ad extremum verò crebrum, & languidum.

*In difficultate respirandi.*

6 Suffocatio utriusque ex detento semine, vel menstruo, putrescenteque, edit paruum, tardum, rarum, inæqualem, & inordinatum, aliquando tensum, deficientem, & cum abolitione.

*In hyssopis.*

7 Ictericia ex vesicæ fellis obstructione pulsus habet minorem, non celerem, non languidum, duriorum; & cum febre etiam celerem.

*In ictericis.*

*Ex pharmaco pulsus confirmantes dogma.*

ARTIC. V.

1 **Q**ui pharmacum purgativum sumunt, ante vomitum, vel fluxum alui, habent pulsus latum, rarum, tardiorum, languidiorum: dum euacuant, & vellicantur, inæqualem, inordinatum: dum melius habere cœperint, ordinatum, sed inæqualem, minus tamen, quam antea. Vbi verò propè ad rationalem statum venerint, æqualem, maiorem, vehementiorem, quàm antea.

*Affectiones pharmaciae & stomachi quos pulsus ferunt.*

Quod si syncope corripiuntur, singultus adsit, vel anxietas, parvus iis, languidus, inordinatus, celer, & valde creber est.

Qui autem opprimuntur stomacho, seu grauantur, parvus iis, languidus, inæqualis, inordinatus; non tamen celer, nec creber,



immo tardus est pulsus : apparet autem aliquatenus vndosus , & latus, & aliquando modicè tensus.

*Conclusio pro  
nostro do-  
gmate.*

2 Ex quibus verbis Medicorum , ante Galenum , clare patet spiritum corporeum è capite non modò vitales operationes , sed etiam quas vocant naturales , obire in oranibus officinis , vt in corde, ita in ventriculo: & pugnare cum cibis, & cum pharmaco, & cum prauis humoribus, eodem ferè modo, eisdem pulsationibus, pro maiori , & minori necessitate; & viribus vtrinque æqualibus, & inæqualibus.

*Probatum ex  
prægnanti m  
pulsu.*

3 Item prægnantium pulsus cum semper fiant maiores , & celeriores , & crebriores , manifestè indicant pugnam spiritus ad conuertendum alimentum, in sui, & fœtus substantiam ; & contra retentum menstruum sanguinem. In fine tamen debilitata mater hac pugna, & onere, languidos edit pulsus , iuxta regulas superiori sermone traditas.

4 Pulsus ab ariditate in morbis, sunt quales hecticorum, & marasmi, de quibus paulò ante.

### *De pulsibus à putredine.*

#### ARTIC. VI.

1 **A** Putredine morbi pulsus habent , quales humorales in communi.

2 In particulari, quales ab apostemate , qui topicam facit putredinem.

*Cur venerea  
lue affecti  
quidam non  
febricitant.*

3 Sed si in toto solido, & humido est similis qui in lue venerea, cuius pulsus sunt parui , tardiores , rariore, languidi, præsertim inueteratæ. Plerumque carent febre, quoniam non est cum quo pugnet spiritus, si tota substantia iam morbo occupata est, ipsèque ligatus, & diminutus, vt vix actu suo actionem conficiat. Si autem febris aderit ex irritatione, vt solet in robustioribus, crebriores erunt pulsus, & celeriores.

### *De pulsibus ab inflatione.*

#### ARTIC. VII.

1 **P**ulsus morborum ab inflatione , palpitantes, & tremuli aliquando, & deficientes in colica.

2 In hydrope aquoso, quem dicunt ascitem, paruus, crebrior, subdurus cum tensione.



- 3 In flatuoso, quem tympanitem; celerior, longior, creber, non imbecillus, subdurus cum tensione.
- 4 In phlegmatico albo, quem anasarcam; latior, mollis, & vndosus.
- 5 De pulsu tenso, & duro verum est vbi abdomen tenditur valdè.
- 6 Minus periculosa est, quæ minus malos habet pulsus in his speciebus.

*In affectibus cordis qui pulsus. Et correctio Medicorum.*

A R T I C. VIII.

1 **C**ordis immutationes immutant pulsum, sed non æquè repente atque cerebri, & spiritus cogitationes, & appetitiones.

2 Cor calidissimum in substantia, nisi excedat temperiem naturam, magnos pulsus, & respirationes optat: non tamen celeres, nisi adsit extranea prauitas. Si excedit, minores optat pulsus, non maiores, vt Medici putant. Tunc enim refrigeratur, cum minus mouetur. Frigidum naturâ minores, sed ex accidenti celeriores, vt incalescat: spiritus enim prouidet vt opus est, non cor. In hoc ergo etiam errant Medici.

*Si inspiratio est follis inflatus, non flabellum, nimio calore præter naturam, minores vult pulsus, & respirationes: & contra si flabelli.*

3 Si contenta in corde calido sunt frigida: pulsus maiores fiunt vt incalescant; non autem moderati, vt ipsi putant.

4 Quæ addunt de cordis, & contentorum varietatibus, nil ad rem. Semper enim putandum, quod si contenta officiant, pulsus augentur, præsertim contractione, vt attenuentur, & pellantur: siue frigore, siue impuritate officiant, dum tamen spiritus valens est: alioquin aut cedit, aut fit mors; aut languidos; inæquales, & inordinatos pariet pulsus.

5 Verum hoc est, quod durities cordis duros præstat pulsus: humiditas molles: quæ autem pertinent ad vehementiam, & magnitudinem, & alias differentias, sunt à spiritus copia, inopia, affectu, anxietate, ocio, negotio, vt ex dictis patet. Quam inania dicant Medici de duplici intemperie, & de arteriis ex corde diuersis, ex dictis iam deprehenduntur. Tædet imminori.



## CAPVT III. PARS VII. ARTIC. I.

1 **Q** Veniadmodum ex vrinis, ita etiam ex pulsibus præfagium futuræ crisis desumitur in acutis morbis: chronici enim tempore superantur.

2 Pulsus inæquales, & inordinati ob pugnam spiritus incoquenda, & sequestranda morbifica causa à locis nobilioribus: & quales in pharmacia.

*Signa 25. futura crisis.* 3 Indicia futuræ crisis sunt molestæ noctes, deliria, comata, vertigines, difficiles respirationes, sonitus aurium, perturbatio sensuum, stomachi anxietates, capitis, colli, aliarumque partium dolores: inuitæ lacrymæ, vanus ante oculos splendor: vrinæ suppressio, labri inferioris tremor, obliuio, ingens rigor, accessio paroxysmi præueniens: æstusatio multa, sitis inextinguibilis, nausea, clamores queruli: decubitus varij: prostrationes è lecto.

*Qui pulsus bonam crisin annunciant in qualitate & quantitate, & ordine partium eorum.* 4 Bonam crisin prædicunt pulsus inæquales, inordinati, tam in actione plurali, quam singulari, & in rhythmo, si plures præcedunt, aut plures partes eiusdem motionis, maiores, celeriores, vehementiores, calidiores, & pleniores; quam minores, tardiores, imbecilliores, frigidiores, inaniores: & rhythmus paritas, aut velocior distensio. Et hoc certum, & verum, si partes motus, aut ipsi motus sequentes sunt meliores præcedentibus, id est vehementiores, grandiores, celeriores, ut in caprizante, &c. Certissima autem erit, si & coctionis signa contestantur.

*Qui malam.* 5 Malam crisin prædicunt pulsus inæquales, & inordinati, in quibus pauci meliores; & præcedentes meliores subsequenter motibus, aut partibus; & constrictio maior, aut celerior dilatatione: cum enim vincit vigoratur, & amplificatur spiritus; & cum victoriam in suo actu præuidet, sicuti diximus in febribus, in quarum principio constrictiones maiores, & pulsus imbecilliores. In fine è contra si vicit. Sic & in cibis, & in pharmacia: ut ubique nostra sententia sit constantissima. Si enim dilatatio propter refrigerationem fieret, malum potius indicaret, & augmentum caloris præter naturam.

Si cruditas in vrina, & præfati pulsus mali, mortem sine crisi.

6 Si perfecta est crisis, post subsequuntur pulsus ordinati, & æquales, aut secundum naturam ægri, cum erat sanus: si imperfecta, & insalubris, non cessat inæqualitas, & inordinatio

& tunc



proprius moribundorum; in quibus calor extinguitur.

Vox stertorosa in sanis ab angustia, & immunditia loci, per quem tranfit. Vnde dormientes stertere dicuntur, quorum re-  
 boant nares, & fauces feruent: clara est ab amplitudine & munitia.

Sed acuta, & clara ab angusta, & munda arteria. Vnde catarrho affecti obscuram, stertorosam, & raucam expirationem reddunt, ac vocem: medio temperamento vtrinque differentias participant.

7 In sanis largior est dilatatio, & tardior: compressio vero breuior, & velox: sed tamen vbi incaluerit extrinsecus, expiratio longior; & duplicata fit, vt calorem additum instrumentis efflet, & crassos vapores: quod fieri è contra oportebat, si inspiratio est refrigerandi gratia, vt in Peripato loquuntur.

8 In sanis inæqualitas est à cogitatione, desiderio, spe, aliisque affectibus primalitatum: vel ab instrumentis quid affectis.

In ægrotis à passionibus morbificis vexantibus, vel spiritum, vel instrumenta; vel alium vsum requirentibus.

9 De caprizante, dicota, & intermittentibus, respirationibus, clara est ratio in sanis à cogitatione, & affectibus primalitatum: in ægrotis à morbificis spiritus & organorum.

10 In agris quando spirationes fiunt similes sanis, salutare sunt: indicant enim spiritum validum, & thoracem, & cerebrum: & pulmonem, & arteriam, & diaphragma, & fauces rectè valere, morbumque salutare.

11 Quando verò cessat respiratio secundum rem, mors ipsa est: si ad sensum, indicat morbi vehementiam: ad quam tollendam spiritus etiam relicta respiratione accurrit, vt in vteri strangulatione, & apoplexia. Cognoscitur autem insensibilis, si flocci, & pili naribus ad moti agitantur; & quidem si alia signa exitiaalia à pulsu, vel ab vrinis, vel symptomatibus comitantur, mors certa est.

Huic opponitur nimia respiratio secundum apparentiam, quando pectus maximè distenditur, & clauiculæ, & scapulæ, & alæ nasi mouentur; & tamen modicum aërem excipiunt, expirantque; quod signum est pereuntis spiritus, aut organorum respirationi seruientium, profligationis, & suffocationis naturalis virtutis: aut exitus animæ.

12 Præterea lethalis est frigida spiratio omnis in ægrotis, & stertorosa



torosa, quando non fit ab impedimento solo viarum, vt in simplici catarrho; sed à spiritu debili non potente expirare, neque impedimenta amouere: vt proprium est agonizantium; nec transit vt illa, sed perseuerat.

5. Item nimis calida, & fuliginosa, incendium indicat intus, & quidem lethale, si alia correspondent lethalia signa.

6. Item respiratio intermittens difficilem indicat conflictationem, & sine victoria, si reuertitur, minor: magis autem quæ deficit.

7. Præterea interrupta, & caprizans, si in secunda parte dilationis est fortior, dat spem: sin minus, è contra.

8. *Optima.* 13 Magna, & facilis, & clara, & grauis respiratio semper est bona: indicat enim facultatis, & instrumentorum salutem in ægris.

9. *Notabilis.* Magna, & velox indicat incaluisse, & opus esse retentione ignis in corde. Si autem & crebra, auctum indicat calorem magis, vt patet in his, qui incipiunt currere: primò enim magnum spiritum habent, mox etiam velocem; & addito exercitio calorem augente, crebrum habent ne elabendi tempus detur: At immodicè exercitatis parua fit respiratio, sed tamen velox, & crebra. Idcirco in ægris paruitas resolutionem indicat, vnde & vocem acuunt, quoniam spiritus nequit replere arteriam; & per strictam exit modicus.

Grauis autem, & rauca, impedimentum indicat, sed spiritum multum, nisi raucedo gracilescat.

*Regula.*

Tandem si fiat resolutio maior, cessat velocitas, & crebritas: vnde moribundi omnes respirationem habent paruam, tardam, raram, stertorosam: tandem & frigidam.

Præterea parua, & crebra, inflammationem, aut dolorem Medicis denotat in principali aliquo membro. Sed non necessariò ita est, nisi forte in spiratoriis: quæ, ne lædantur magis, spiritus rara, & tarda motione pandit. Sed consule pulsus, ne malè iudices.

*Nota.*

Visum est Hippocrati magnam, & paruam indicare delirium: licet non omnes delirantes similiter spirent, quod verum est si delirium ex incendio, nec spiritum sinit proprium opus frequentare.

Suspiria etiam luctuosa si non à primalitatibus affectus incipit, sed à corporeis, qui intercipit actionem, deficientem animam,



& tunc cauendum à syncope, & malis infelicioꝛibus; & auxiliandum.

7 Pulsus altus, & vehemens ante crifim ſemper multas excretiones prænunciat: ſi tamen adfit inordinatio, & inæqualitas; alioquin modicas dabit.

Pulsus cum his magnus pollicetur crifim per ſanguinis è naribus profluuium. Vndofus, ſi altus eſt, vel mollis altus, per ſudorem: durus, per vomitum: humilis, per alui fluxionem; quorum ratio ex prædictis pater.

Nunquam deſperandum dum robur & magnitudo in pulſu, quamuis inæqualiſſimo, & deficiente, & intermittente; ſi vehemens perfeuerat, aut reuertitur. Nota.

### De Reſpiratione.

#### CAPVT IV.

#### ARTIC. I.

1 **A** Naloga eſt reſpiratio pulſui. Cauſa agens reſpirationis eſt ſpiritus animalis, mouens pulmonem, arteriam vocalem, & cor, & thoracem per muſculos, neruos, & fibras. Cauſa efficiens reſpirationis.

Cauſa materialis eſt aër inſpiratus, & expiratus. Instrumenta ſunt pulmo, arteria ſpiñoſa, & thorax. Formalis eſt dilatatio ſimul tempore facta in thorace per muſculos intercoſtales, & in arteria per annulatam molliorem partem. Vnde ſequitur, ne vacua remaneat ab ore, & naribus, aër inſans arteriam, & pulmonem circa cor: tunc ſubſequitur compreſſio ſimul thoracis & arteriæ artiſcioſe facta, educens aërem, & cum eo fuligines. Materialis, instrumentalis, formalis.

Cauſa finalis eſt caloris in corde, atque ſpirituum retentio, & generatio, partim ex aëre, partim ex ſanguine, in quem inſtat: ac ſimul totius corporis irrigatio ſpiritualis, qualis manifeſta eſt inter arterias, & hypochondria. Vnde ſequitur vis in ſolidis, ad tranſpirationem: & fuliginum, & excrementorum eductionem: quo ceſſante tabeſcunt, calore ſolidorum non tranſpirante cum excrementis: ſed laxante ſubiectum. Finalis.

Expirationis verò finis eſt eductio excrementorum cordis, & pulmonis, fortè & arteriarum: ac excreandi humores: & tandem formandi vocem a ſignificandum.

Idealis cauſa nobis non innotefcit, niſi in follibus, quibus ignem in carbones intrudimus, ne exhalet, & accendimus, & ægeramus: quo ceſſante extinguuntur. Idealis.



Correſſio.

Ridiculi ſunt, qui putant refrigerationem ab aëre, & à cerebro, cordi opus fuiſſe, vt ſæpè oſtendimus, & qui marcorem faciunt ab augmento caloris exhalantis, & non potius colliquantis, vt dictum eſt prius.

Septena differentia reſpirationis.

2 Differentiæ reſpirationum ſunt magna, parua, iuſta. Item velox, tarda, tempeſtiua. Item crebra, rara, numeroſa. Item calida, frigida, tepens. Item difficilis, facilis, faſtidioſa. Item clara, ſtertoroſa, ſibilans: grauis, acuta, ſonora.

Differentia ex rhythmo in reſpiratione, aliter ac in pulſu.

3 Præterea datur rhythmica, & arhythmica. Sed cum ſemper quies facta poſt dilatationem ſit minor iuuante grauedine thoracis, & pulmonis, ad compressionem: poſt compressionem verò maior quies, dum alium expellit aërem, & quando mox attrahit. Rhythmus erit quando hæc ita ſe habent, non vt in pulſu.

Alia differentia reſpirationis ſimilis differentiis pulſationis.

4 Præterea dantur reſpirationes æquales, & inæquales inter plures. Item in vna. Manifeſtè enim aliqua eſt interrupta, ſicut pulſus dicrotus, vt patet dum pueri lugent. Aligua eſt caprizans, vt cum expirare incipimus, & facta pauſula plus expiramus. Datur etiam intercicens, & intermittens in multis, vt patet in ſuſpirio.

Extant etiam reſpirationes ordinatæ, & inordinatæ, & lunares: repetitæ & deficientes, ſicuti in pulſibus declarauimus, nec diuerſæ ſunt ab illis ſignificationis.

Ceſſatio à reſpiratione, & nimia reſpiratio aliam faciunt differentiam.

Conſideratio.

5 Præfatæ differentię aliter in ægris atque in ſaniſ ſignificant, quando non ex voluntate variantur: facile eſt enim volenti quamcunque reſpirationem ſimulare, non autem pulſum.

Canon bona reſpirationis.

6 Optimè temperati hominis, atque ſimul organorum benè formatorum, reſpiratio eſt iuſta, tempeſtiua, numeroſa: tepens, facilis, ſonora, clara.

Reſpiratio qua calidum copioſum, & robuſtum indicat pulſu.

Qui autem temperamēto calidiori, & copioſiori ſpiritu abundant, magnam edunt reſpirationem, vel maximam, celerem, per calidam obſtreperam vocem: quoniam ſpiritus multus & inſtrumenta ampla, & dura, facilem quoque, & grauem; quæ differentia potius in ſono dignoſcitur.

Reſpiratio debiliſ & puerorum.

Effœminati & pueri ſpirationem habent magnam in ſimi graudus, vel paruam, velocem, crebram, acutam: ſpiritus enim per arteriam ſtriſtam, & molliorem tranſiens acutam edit vocem in fœminis, & pueris, ac ſimul flatum tepidum: frigidus enim eſt proprius.



nimio æstu, & attenuatione : & sic ad quietem non redit. Ergo causa perseuerat, siue ex primalitatibus, vt amor, & cogitatio furiosa, & spes, & timor, & huiusmodi : siue à corporeis affectionibus, vt vapor continuè infestans venenosus, aut inflammatio, aut mordicario viscerum : aut dolor, quæ ex aliis symptomatibus innotescunt, & adedò præualent, vt seipsos occidant ægri, ne tantum incessanter dolorem patiantur. Rarò enim est quod non simul delirent.

Aliquando accidit à causa critica, & bene cedit ; sed à symptomatrica prauè : & cum præter rationem quieuerint, causa inquietudinis perseuerante, lethale est signum. Videlicet cedere victam naturam, aut non sentire.

3 Quando quies non tollitur, sed minuitur, adsunt eadem causæ in spiritu, vel in corpore, vel in humilibus : sed mitiores

*Quid motus  
minutio,  
quid abolitio,  
quid vitiatio, & à  
quibus.*

Quando variatur, & non minuitur, instrumenta sunt in causa.

4 Similiter vbi motus aboletur, quando oportet moueri, malum, sed non exitiale, si pulsus, & respiratio non læduntur : cito enim motu abolito fit mors in mobili spiritu : sed arbitrarius motus si aboletur, indicat si iritum detineri grauiori cura, vt cum cogitamus quiescentes ; aut pugnam contra causas morbificas, vt hysterice accidit.

Si minuitur, indicat spiritus imbecillitatem, & imminutionem, vel instrumenti grauitatem, & læsionem.

Si vitiatur, in instrumentis, & causis morbificis est culpa.

5 Imminuitur motus lassitudine : tollitur conuulsione : vitiat tremore, horrore, rigore, torpore, palpitatione, ruptura.

### De minutione motus.

#### ARTIC. II.

1 Affantur vel voluntariè, vt qui currunt, pugnant, laborant

*Diminutio  
motus ex  
causa vo-  
luntaria.*

Lexercitio magno, studio, inedia : & his spiritus minuitur, ergo, & difficile mouet pondus corporis ; quod enim mouentres, duo possunt vix.

Vel inuoluntariè, vt à febre, vulnere, dolore, foetore, quæ spiritum resoluunt, aut grauant.

*Ex inuoluntaria.*

Vel sponte, vt ab humorum copia, vel crassorum multitudi-  
ne vaporum musculos replentium, & ad motum minus aptos reddentium, & spiritum aggrauantium, ipsorum crassitie eius tenui

*Ex spontanea.*



tenuitatem amplectente insensibiliter : & istæ spontaneæ lassitudines morbos prænunciant Hippocrati. In ægrotis verò nisi criticum abscessum denotent, malæ sunt, morbi causam augeri docentes.

*De priuatione motus.*

A R T I C. III.

*Conuulsio  
totalis.*

1 **C**onuulsio totalis omnem aufert motum, quando cerebrum, & spinalem medullam replet humor crassus, spirituique transitum ad exteriora occludit: & hæc in sanis, & ægris perimit die quarto, vel prius: quarto transacto spes est, præsertim si febris, aut vacuatio accesserit.

*Et partialis.*

2 Conuulsio partialis, vt manus, oris, linguæ, cruris, medijs corporis, tollit motum ex capite, qui est necessarius. Quando durat, occidit: sin minus, spes est.

*Causa conuulsionis.*

3 Etenim fit conuulsio vel repletione musculorum, & nervorum, vel arefactione ab ingenti calore, vel vacuatione nervos exsiccante, & viam spiritui adimente, ac spiritum resolvente: vel à frigore nimio calorem occidente, humidum gelante, & solidum proinde contrahente, vt accidit his, qui in niue, & glacie itinerando conuelluntur.

*Conuulsio à frigore.*

4 Conuulsio à frigore non est sanabilis, vbi perfecta fuerit, quoniam temperies, & collocatio particularum dissoluta est, & forma membri, & quando est totalis, occidit.

*A calore.*

Conuulsio à calore deterior, quoniam resoluit humorem natium, & spiritum, & corpus suum immobile reddit: vt patet in quos fulmen offendit.

*Regula.*

Propterea omnes conuulsiones post febres acutas ardentes, & post euacuationes multas à pharmaco, vel sponte, & ab assumpto veneno, præsertim circa membra nobilia, sunt exitiales.

*A repletionis.*

5 Quæ autem fiunt à repletionis, nisi sint vniuersales, vel circa collum, & os, viam cibo, & pharmacis negantes, sanantur, febre accedente, & calidis medelis, & cibis tenuissimis; maximè autem cum in principio morbi apparuerint, & in pueris. In quibus etiam quæ à calore, & euacuatione fiunt, curari possunt, cum sint humidi natura, & molles nervos obtineant, facile ad mollietatem redeunt. In his timeo magis ab epilepsia ex humidis causis obstruentibus, quæ sunt imperfectæ conuulsiones.



aut afflicta instrumenta monstrant. Cætera plana sunt ex dictis in cap. de pulsibus.

14 Difficilis respiratio semper mala, facilis semper bona, fastidiosa participat vtrinque: etenim semper aut instrumentorum, aut spiritus affectum bonum, vel malum, aut mistum indicat.

*Regula vniuersalis.*

15 Quibus respirationis organa conuelluntur, vel vitiantur, & vox viriatur: at si manente respiratione non loquuntur: ij aut melancholico delirio tenentur, & nolunt loqui: aut linguam conuulsam habent, aut in cerebro crudelem affectum, cui amouendo spiritus detinetur: aut in alia parte corporis distractus dolore, cui succurrat, vocalibus non vacat functionibus. Sunt & quibus ita imminutus, & afflictus est spiritus, vt vociferari nequeant. Quapropter semper mala vocis priuatio, nisi ex critica causa, mox cessatura, fiat. Idem dic de voce clangosa, tremula, acuta, querula, interrupta, plorabunda, difficulter efformata. Quarum causæ ex affectibus spiritus, & vasorum, & organorum vocalium petendæ sunt; quæ si incendiosis morbis per exsiccationem conuelluntur, exitium indicant: sin aliter, pro natura morbi.

*Regula particularis.*

*De præfagio ex somno, & vigilia.*

C A P V T

V.

A R T I C. I

1 **P**ost respirationem proximè necessaria ad vitam sunt somnus, & vigilia; ergo & proximam habent præsignificationem.

2 Igitur quando in ægrotis similes sunt atque in sanis, morbum salutarem denunciant, & è contra. Cum ergo ad interiora spiritus, & calor se confert post actiones externas imminutus, vt se reficiat, & nutrimentum digerat, distribuaturque: aut contra fumos cibi salubris agens, eos in se conuertat, utilis est somnus: quod ex eo patet, quod suo tempore regreditur ad sensificationem, & mouendum corpus, ad opera arbitraria robustior, & passionum morbosarum cessant.

*Regula 1. Qui somnus, & qua vigilia salubris, cum, & quomodo sit somnus, & vigilia naturalis.*

Quando verò non suæ refectionis causa, neque utilium vasorum ad conuersionem fit necessario introrsum: sed morbosica causa viscera lædit, ad quam expugnandam vocatur: tunc somnus malus, quia somnus ex non somniferis causis; sed bonus

*Qui somnus morbosus bonus.*



si vincat : quod ostendit melioratio sequens , & bonus pulsus , & bona respiratio.

Et qui ma-  
lus.

At si non regreditur ad opera exteriora, malus: significat enim non posse vincere, & grandem esse causam morbi, & in cerebro.

At si pulsus languidus, & mala symptomata, notant morbum inuincibilem, præsertim in acutis, & calidis febribus; quæ exco-  
quere causas non potuerunt, sed potius spiritum resolverunt.

Hinc veterum à phrenitide exitiosum dixere, & comatosi omnes à principio difficile sanantur; sed in augmento facti mor-  
ti sunt proximi.

Qui somnus  
saluberrimus.

3 Somnus ost vigiliam, & victoriam saluberrimus, & qui cri-  
tice fit ex causa mox excernenda.

Qui pessimus.

Sed à somno obmutescere, & conuelli, mortem proximam  
intellige, ex victoria morbi, ut ebriis aliquando contingit, nisi  
euomuerint, aut febris correpti fuerint.

Regula 2.

4 Vigilia in egentibus somno, in ægrotis mala: in sanis cogita-  
tio superflua, vel calor superfluus, vel cibis multus, vel siccitas,  
vel aliud ad morbum disponens.

Regula 3.

5 Vigilia perpetua lethalis: spiritus. n. resoluit, crudos humores  
facit internos, corpus emaciat, præsertim in febribus ardentibus;  
ac si conuulsio sequitur, nil deterius. Solet & delirium exsiccat  
cerebro, & nimis attentato spiritu fieri.

4.

6 Indicat vigilia dolores intrinsecos à causa calida, & inflam-  
mationes diras, quibus si somnus accessit grauis, & refrigeratio  
cum pulsu languido inordinato, mors superueniet: indicat enim  
calorem, & spiritum euanuisse ab incendio irreparabili.

5.

7 Vigilia critica est bona, ut supra.

### De præfatio ex motibus arbitrariis.

#### CAPVT VI.

#### ARTIC. I.

Quadruplex  
gradus ne-  
cessitatis  
functionum  
ad vitam.

1 Sequitur motus arbitrarius, & quies arbitraria, quæ non sunt  
necessaria, ut pulsus in primo gradu ad vitam: neque in se-  
cundo, ut respiratio: neque in tertio, ut somnus, & vigilia: sed in  
quarto possumus ad arbitrium eis uti, & mutare.

Quid indi-  
cat in quo  
satis.

2 Inquietatio quando opus est quiete post laborem, mala: in-  
dicat enim dolores, aut in cerebro, aut in ventriculo, aut aliquo in  
membro nobili, aut accensiones crudeles.

Et quando totaliter aboletur quies, spiritus furit, & delirat  
nimio



6 Conuulsiones tunc modo profunt, cum sunt ex critico ex- *Singultus*  
cessu. *vnde.*

7 Podagra, chiragra, gonagra, ischias repletionem fiunt: suntque quædam conuulsiones, de quibus suo loco.

8 Singultum Medici motum conuulsium esse in ventriculo conante noxia excernere, vnde cum sit à repletionem, statim vomitibus sedatur: cum ex inanitionem, malus: præsertim post vomitum.

Puto etiam sola mordicationem, & infestationem singultum fieri: vnde pueri nimis bibentes, & edentes, singultiunt: quoniam stomachus aggrauatur, aut mordicatur: propterea ab ileo, hepate, & liene, ardorem communicantibus ventriculo, fiunt: & ideo malum in febribus, non in sanis. Quibus pensatis causis inuenies præfagia.

*De vitioso motu.*

ARTIC. IV.

1 Tremor est vitiosus motus totius, vel partis corporis, indicans spiritus non solum eam diminutionem, qua debiliter mouet, sed maiorem; qua non nisi ex parte mouet. *Tremor quid*

Sequitur autem ad labores, coitus, febres, & cæteras dictas causas diminutionis.

Aliquando etiam læsionem musculorum, & nervorum spiritui non obtemperantium ad motum. Læsiō autem est à dolore, contusione, vel mediocri conuulsione.

Aliquando timorem aggrediendi, & dum spiritus ex parte refugit, ex parte inuadit, diuisus tremit.

Frigus tremorem facit cogendo, vel extinguendo spiritum mouentem; calor, resoluendo; propterea in fine morbi, & febris, malus: in principio paroxysmi solius timoris index est, nisi aliæ simul causæ adsint. Adde, onus etiam causa est tremoris.

2 Rigor est motus vitiosus accidens toti corpori ex eo, quod spiritus conatur noxios humores à venis ad cutem adducere: qui mordicant spiritum in fibris, & timorem ingerunt expellendi, vt manifestum est in febribus. *Rigor.*

Et salubres sunt, post quos sequitur calor in corpore, effundente se spiritu ad victoriam; & simul euacuatio aliqua per sudores,



res, aut transpirationem, aut &c. & propterea apparent in principio pugnae, & sedantur cum alleuatione.

Morbiferi verò, ad quos calor non sequitur, nec euacuatio, sed potius frigus, & stridor dentium, & perseverantia rigoris: indicant enim naturam succubuisse, & expellere non valere: quod & pulsus contestabitur, & mutatio in peius, & conuulsio sæpè.

*Horror.*

3. Horror est ipsemet rigor factus in sola cuti, vbi humores acres eius sensum egrediendo stimulauerint. Frigida etiam aqua exterius horrorem facit spiritui cutis intro percutiens.

Sunt horrores boni, quos sequitur malieductio, calor, & febris intermissio.

Qui febrem sequuntur mali, vt rigores.

In pulmonia & pleuritide, & apostematibus, puris egressus nunciant, vbi difficultas anhelitus, & dolor. Et iuxta rosionis materiam mali sunt: etenim & puncti horrescimus, & stridorem incisi suberis audientes; & quidquid spiritum lacerat, aut cutim.

*Torpor.*

Torpor est quædam obtusitas, & obscuratio ad motum in compressorum neruorum poris angustiatas, & spiritu grauato, sicuti à nebulis aer. Et quando est in spiritu post febrem, & in acutis quædam ignauia, talis perniciosa est: indicat enim caloris extinctioni carentiam; sed ante grauedinem à vapore factam in dispositione, non in calore, nisi ex consequenti, & potest excuti odoribus; sed in neruis, & musculis applicatione calidorum.

Fit transmissione humorum à venis, & via est ad apoplexiam, epilepsiam, & paralysem, pro loci structura, & magnitudine: incipit in membro ignobili interdum, & augetur vsque ad nobile: tuncque torpor deterior.

### *Argumenta prognostici ex decubitu.*

#### A R T I C. V.

*Regula.*

**E**X decubitu non voluntario, sed spontaneo ægroti, cognoscitur vis sustentatiua: etenim si positionem seruant similem sanis, facile conuertuntur, alacriter assurgunt, discumbunt, stant, membra sustinent; optimum est signum salutis, è contra prorsus, mortale.

*Depositi ægri 2.  
examen.*

Positio non debet esse extremarum figurarum: neque enim debet corpus extendi ad pedes, & manus omnino, vt faciunt læsi.



fi, & moribundi: neque contrahi, vt qui timore, aut frigore corripuntur; genua ad os, & os ad genua curuant.

Sed neque supinus decubitus laudatur, cum sit proprius laforum, & morientium, præsertim se se extendentium ad pedes, & caput retrò, vel ad pectus inclinantium.

Verum in latus, vitæ & roboris signum est decubitus.

3 Non modo cadauerum instar decubitus spontaneus (secus enim dicimus de voluntario ex quadam mollitie:) sed etiam casus <sup>De casu ex lecto, &c.</sup> electo cadauerosus, indicat matrem Tellurem ad se filium accerere: quando nimirum non ex somno, & ebrietate se se nudant, & ad lecti margines excurrunt, & cadunt: quod nos probauimus, & alij memoriæ mandauerunt.

4 Item cum residere, & assurgere in morbi vigore volunt, præsertim pulmonis, signum est naturæ volentis conflictum declinare, cui se imparem præsentit: & hoc præsertim in mansuetis, & foeminis, dum cum alienatione, & præter pudorem.

5 Qui in ventrem haud soliti decumbunt: iis venter, aut occiput dolet.

*Prognosis ex toto, & partibus secundum predicamenta.*

CAPVT VII.

ARTIC. I.

1 **C**VM vita res potestatiui sit, & ex pugna eius cum morbo: deinde ex motiua vi in triplici operatione prognosticati sumus, ante quam ad cognoscitiui rem, vbi de vita, & morte sit prognosis ex consequenti, quæcunque potestatiuum notificant, prosequamur. Hæc autem sunt qualitates passiuæ, & actiuæ: & color, & forma, & horum accidentia in toto corpore, & in partibus, quæ idealiter maximè innotescunt.

2 Igitur quando in ægroto hæc omnia sunt similia sanis, præcipuè autem eidem sano, morbi leuitatem, & salutem certam annunciant: quādo dissimilia prorsus, grauitatem, & mortem: quando medio se habent modo, consule fortiora testimonia, & ca iterum, quæ à pugna, & motu scripsimus, & ab appetitoriis, & sensoriiis scribemus: & verum proferes iudicium.

*Canon generalis.*



*Argumenta à calore.*

## ARTIC. II.

- Calor sani.* 1 **C**alor in sano pro rata temperamenti est tepidus, blandus, copiosus, & æqualis in toto corpore: & cum biberint, & laborauerint similiter augetur calor: sed cum mollitie æquali, sed minori.
- Calor acri.* 2 Calor ægrotantis est siccus, vrens, mordax, inæqualis: etenim & hæticis inest modicus, sed cum asperitate, neque in omni parte corporis idem: sed prope viscera inflammata ardor, & durities, & in vola, & plantis aridior.
- 3 Vehemens calor totius, vel viscerum periculosus: liquat enim corpora, & resoluunt spiritum, & siccatis nervis efficit spasmus lethalem, & in capite phrenitim: circa ventriculum itidem lethalem phlegmonem indicat.
- 4 Calor in principio bonus, si declinante paroxysmo cessat: sin-  
verò augetur, & perseverat, lethalis: præcipuè autem à sudore, vomitu, & euacuatione. Permanens, aut succedens, perniciosissimus: indicat enim plus morbi intus latere, quàm exierit, & ad siccum spasmus, & phrenitidem, & hydropem trahit.

*Argumenta à frigiditate.*

## ARTIC. III.

- Sani frigidi-  
tas.* 1 **V**era frigiditas mors est: respectiva, id est, moderatus calor post euacuationes, sudores, vomitus, sanitas est: febris enim, id est, pugna, cessavit.
- In acri.* 2 In acutis frigiditas intensior, lethalis: non enim sufficit calor viuificationi & pugna: & si perseverat, deterius: non enim foras pellit malum, sed intus ab eo vincitur. Vnde febres salubres, quæ in augmento totum corpus æquè calefaciunt. Frigus positivum à sudoribus, & euacuationibus, vel sola caloris exacta privatio, mors est.
- 3 Frigus etiam extremarum partium in acutis, præterquam aliquando in hyeme, & senibus, mortiferum: indicat enim calorem intus vinci, aut solui, aut suffocari, aut extinguui: quod mala signa sequentia, & præcedentia docent. Si enim solum detinetur ad prælium, mox victor amplificans se exhibet: si autem non recalcant, peribunt.



4 Mutari ad frigus malum, præfertim si sitis vrget; ad calorem bonum: sed vicissim ad vtrumque mutari, morbi longitudinem prænunciat, & instabilem pugnam, incertam, & aliquando mortem: non quia natiuus calor abest, & additus ista facit; sed ipse natiuus auctus, & pluribus consulens malis, nunc intrò, nunc foras rapitur, & nunc accenditur: nunc debilitatur.

*Regula generalis.*

*Ratio.*

*Argumenta ab humiditate, & siccitate.*

ARTIC. IV.

1 **N**imia humiditas post febres, & in acutis hydropem; nimia ariditas cinerem, hecticam, & marasimum designat.

2 Mollities salubris: durities, & tensio cum dolore inflammationem, & apostema, & conuulsionem.

*Argumenta prognosticorum à colore.*

ARTIC. V.

1 **C**olor salutaris in ægro est similis sano sui: vnde aliter iudicabis de ægroto Æthiope, & Polono, & Italo. Similiter in atrabilioso, & sanguineo, & pituitoso, & cholerico, vt dictum est in Phys. & Mauri etiam in cute liuida rubescunt, & pallescunt; & cholerici pallescunt, cum sint natura pallidi, croceique: sed distingues pallorem natiuum à morbifico in his ex notione: in sanis enim nitet quadam transpauitatis participatione; in ægrotis opacior est. Consule ergo in cunctis nitorem, & obscuritatem simul, vt &c.

*Quis color bonus.*

2 Cum rubescit æger, calorem cum sanguine egredi foras indicat: & quidem bonum, si interiora non mœrent: mens enim tristis, & vultus floridus accensionem, & dolorem in capite, dirum nunciant. Aliquando rubescunt critice, cum ad nares properat sanguinis exitus, quod prius ex suis symptomatibus docuimus.

*De rubore.*

Aliquando cum dolore pectoris, & tunc malus rubor in genis. Quando ex febris accessione, bonus ex successu, significat aliis sciatur; sed raro malus. Cum enim palluerint, calore intrò se vniente, rubescunt extra pellenre.

Commendat etiam Hippocrates ruborem in faucibus, & pectore, & collo, in anginosi: quoniam malitia egreditur: vnde ru-



bens erysipelas in acutis egrediens, morbifica repurgat, & carbunculi, & morbilli idem faciunt, si bene suppurantur.

*De pallore.* 3 Pallidus color, & albidus fugam caloris intrò, & defectum nunciat; & naturalis est omnibus à morbis vexatis. Et cum definit in liuiditatem, extinctionem caloris, & mortem indicat: magis autem si in liuorem. cadauera enim omnia prius liuescunt, deinde nigrescunt absque nitore Maurorum, sed abeunte spiritu lucido, albòque colore; vt carbo, flamma, & calore destitutus, sicut in Phys. docuimus.

Quando criticè fit in regio morbo, bonus est pallor: non autem symptomaticè.

*Viror.*

Viriditas incendio bilis nascitur. Est enim transitus de pallore in virorem, si deficit lux, aut misceatur opacitas, & crassities, vt dictum est in Phys. Color iste prauus, proprius venenatorum, liuor pestilentiarum est insignis putredinis: quibus enim papulæ, & maculæ liuidæ, & nigræ innascuntur, nisi benè suppurentur, & totum efferant malum, percunt: non item si rubæ.

*Liuer.*

Quibus liuescunt vngues, & extrema, ac frigescent, prope interitum sunt: nisi in sanis id à frigore extremo passis.

### *Argumenta ab hypochondriis.*

#### ARTIC. VI.

*Hypochondria que sana.*

1 **H**ypochondria mollia, æquè calida, sine dolore, sine tumore, & tensione, omnia viscera benè valere indicant, & potentatum contentiuum saluum.

*Quæ mala.*

2 Si autem tensio in his adsit absque dolore, cum cæteris signis nuper dictis, crism sanguinis eruptione monstrant.

3 Si tumor mollis, & sine dolore in eis, morbus erit longus, sed saluber.

4 Dolorem hypochondrij sine inflammatione febris soluit, & cum inflammatione, perniciem auget.

5 Tumor durus dolens in hypochondriis, pessimus: viscerum enim nobilium apostemata, & inflammationes accusat: si autem in musculis hypochondrij, haud lethalis erit: neque in viscere, nisi magnus, & non suppurabilis. Quod paruis accidit plerumque à trigesimo die. Tenditur enim sui, & diaphragmatis, & neruorum septimi paris inflammatione, & iuxta horum affectus esto iudicium alterum.



Exitiales sunt tumores, & inflammationes perseuerantes, & subsequentes euacuationem, præsertim paruorum; quoniam peiora remanent. Similiter si à suppuratione non cessauerint dolores, & symptomata.

*Argumenta prognostis à facie, & aspectu.*

ARTIC. VII.

1 **S**I facies ægroti similis sit sanis, præsertim sibi, nil timendum.

Si dissimilis ex morbo, & non ex inedia, vigilia, euacuatione, *Facies Hippocratica.* animi cura præualidis, mortem annunciat procul dubio: qualem Hippocrates describit, videlicet. Si nasus acutus, caui oculi, tempora adstricta, aures frigida contractæque, & fibræ eorum versa: cutis item circa frontem dura, intenta, arida, color totius viridis, liuidusque, & niger: hæc enim cadauerum propria, ad quorum tendit naturam.

2 In oculis qui præcipuam habent indicationem, cauitas insufficientiam naturæ, ad nutritionem extremarum, & delicatarum partium notat; vel marcescentiam ex caloris, & spiritus absentia. *Ex oculis prognost.* Item priuatio lucis innata, quando sola exteriori replentur, sicut vitrum sine spiritu, pessimum est signum: præsertim si immoti redduntur. Spiritus enim afflictus intus, non potest fenestris se ostentare. Item si lucem aufugiunt, & non ex oculorum defectu, spiritum melancholia afflictum, & imparem luci indicant. Item in acutis non videre, perniciosum. Similiter obscuraciones, & peruersiones, nisi criticè fiant: quales sunt post omnem euacuationem, & in fine accessionum: quoniam spiritus abit: multoque magis si febre arefacti cæcantur: & non ab humore crasso perfusi.

Item oculi feroces, horridi, audaces, torui, delirium perniciosum significant.

Item conuulsio oculorum lethalis in ardentibus: sicut, & nasi, & palpebræ, vna cum liuiditate.

Item semiclausis dormire oculis, & albumen demissum ostentare, vt mortuis accidit: & non sursum, vt venereo in actu.



Item si dolore in aliquo membro etiam ignobili exoriente statim oculis peruersio, aut caligo accadat. Indicat enim malum in cerebrum nobilissimum migrare. Hoc, & clausos semper tenere oculos, in acutis, cum aliis prauis signis; vtrumque lethale.

Rubedo in oculi albumine lethalis est phreniticis, & cerebro inflammatis, nisi crism designet.

Venulas oculorum liuidas, aut nigras spectari, mortis est indicium verum.

Item lacrymæ inuoluntariæ in acutis.

Item exsiccatisimæ ariditates, & cum nictant, nec quiescere valent, fatigari diro morbo annunt.

*Ex auribus.* 3 De auribus analogum est iudicium: liuidæ enim, frigidæ in acutis, mortales: & tinnitus, & acutus dolor in acutis non cessans, delirii signum; aut mortis, nisi suppurentur.

*Ex naso, ex labris.* 4 Peruersio, liuor palpebræ, aut nasi, aut labri, absque crisi, mortalis: spiritus enim vltimo ab his abscedit: si tamen alia signa consentiunt.

*Ex dentibus.* 5 Dentium liuor, & stridor in acutis, lethalis iis, quibus non est naturale. Cerebri, & neruorum exsiccationem, & conuulsionem indicant.

### Argumenta ex lingua passionibus.

#### ARTIC. VIII.

1 **L**ingua spongiosa cum immutatur non à cibo potique, neque à cerebri destillatione, sed ab humoribus & vaporibus venarum, in quibus est morbifica causa, mirificè ad prognosim facit.

*Qua passo lingua quas morbi causas indicet.* 2 Lingua crassa, alba, cœnosa, pituitusorum humorum crudorum est index; & aliis symptomatibus eget ad iudicium vitæ, & mortis.

Flaua similiter, bilis multitudinem, præsertim si & amara.

Nigra periculosior adustionem sanguinis, & bilis, & resolutionem spirituum: patet autem cum & flaua liuescit, aut nigrescit.

Rubra solum in angina, & peripneumonia est mala. Indicat inflammationē nisi abscedat, quod fit vbi etiam magna fit. Magna tamen, & nigra lethalis, facta coloris albi resolutione ab incendio.



3 Arida lingua, aspera, diminutaque, ingentis incendij index est: atque si simul induretur, disrumpatur, vlceretur, lethalis incendij est, si etiam nigrescat.

4 Pustulæ nigræ in lingua mortem in ianuis annunciant in acutis.

5 Lingua adusta absque siti, mortem; nisi à cerebro irrigetur.

6 Frigida similiter, mortem in acutis.

7 Tremens, & conuulsa mortem, præsertim in phrenitide, & ubi non à repletione.

*Argumenta vitæ & mortis, & mutationum à cognoscitiui  
accidentibus morbofis.*

## CAPVT VIII.

## ARTIC. I.

**N**Vnc à cognoscitiuo prole porestatui vitam fundantis prognostica de morbis: & salute, ac exitio, assumere decet.

*Ab omnibus sensibus.*

1 **O**Mnes sensus bene valere, beneque suo fungi officio, cerebri, & spirituum, & sensoriorum indicat sanitatem in morbis; spondetque morborum, qui aliis in membris sunt salutem: non enim possibile est fieri morbum magnum in aliquo membro, quin communicetur cerebro, ac spirituum vniuersitati; nec mori hominem illæsis vsque ad finem sensibus; quamuis hecicis id magis eueniat; tactus tamen illis est vitiatus, aliique sensus debilitati.

*Regula generalis prognost. ex sensibus.*

2 Extinctio sensuum, vitæ extinctio est: nisi organa modò sint vitiata. si enim optici, & auditorij nerui sunt obstructi, nequaquam sentit animal; sicuti si fenestras habitanti domum claudas.

3 At quidem fieri nequit, vt omnes sensus cessent, nisi per mortem, aut per spirituum ad interiora recursum, vt patet in hystericis & dormientibus, & cordis grauib. passionibus. In somno enim principium sensuum spiritus sentientes repetunt. In passionibus ad pugnam intro feruntur.

4 Cognoscimus autem sentientem animam viuere obstructo vno sensorio, quia sentit in aliis: obstructis verò omnibus, quia pulsatur, & respirat.

5 Est quidem sensus tactus in dormientibus, & in alienatis per Eccectasim,



ecstasim, sed non communicatur vniuersitati spirituum, nisi excitetur. Ecstatici verò puncti vsque ad sanguinis emissionem non excitantur, quoniam mens copulata Deo, rapit ad se spiritum animale propter symbolum primalitatum, sicut spiritus animalis rapit ad se mentem in actu venereo, & in deliriis, ob societatem.

*Caput non  
est principium,  
sed sedes sen-  
tientium vi-  
uum.*

6 Affectio cerebri non tollit ideò omnes sensus, sicut putat Galenus: quoniam est ipsorum principium, sed sedes: Idem enim est dicere cerebrum sentire, atque ratiocinari, vt domum scribere.

#### *A Tactu.*

7 **S** Tupor & torpor in sensu tactus, indicat, vel compressi-  
onem musculorum, & neruorum, vt quibus crus subgra-  
natum obdormiscit: vel vapores, & humores implentes: & pro-  
pterea conuulsionum, aut apoplexiæ sunt principia: vel extin-  
ctionem vitæ, quando sequitur febres diras, & euacuationes im-  
moderatas, spiritum resoluentes, & neruos exsiccantes.

#### *Ab Olfactu.*

8 **S** I omnia ægrotanti oblata foetent, putredinem mustam in  
venis, & foetidam exinde exhalationem habeat oportet,  
& lethalem cum aliis signis exitialibus.

#### *A Gustu.*

9 **G**ustu carere malum omnino. At si omnes cibi, & potus  
videntur amari, aut aeres, aut falsi; talibus humoribus  
linguæ poros oppletos esse intellige; ergo vitiatum, non sublatum  
gustum.

#### *Ab Auditu.*

*Correctio ex  
experimento.*

10 **S** Vrditas à delirio, & ardentibus febribus, mala, vt supra.  
Rumor & sibilus aurium in sanis humiditatem in au-  
ditoriis, & in tympano implantati aëris: ibique calorem ebullien-  
tem indicat: quod mihi ab humido cubiculo accidit: & iam post  
decem annos perseuerat, absque vlla sensus læsione; licet Medi-  
cis apoplexiam, & epilepsiam accersat: credo tamen hæc sym-  
ptomata dira esse post febres.

11 **Q**ui autem Argiuius credebat se miros audire Tragedos,  
apud



apud Horatium poetam; sonos credo multiplices, sed non voces recitantium in auribus habebat, nisi fingerentur à diabolis: nec ipsa imaginatio deprauata potest id efficere perpetuò, vt quidam Medici imperitè autumant.

12 Surditas critica bona ab oppletione: indicat cerebri humiditatem; à febribus, & euacuationibus, spiritus extinctionem, & neruorum arefactionem.

13 Idem iudicium est de visu. Adde & quæ paulò antè diximus.

14 Præterea qui vident in parietibus serpentes, monstra, & formas varias, his exiguus est spiritus à modica similitudine, quasi à mobili; vel intus humores consimiles visis, & vapores insurgunt. Et cum affirmant sic esse quod videntur sibi videre, victi sunt à morbo, & delirant: cum minus, victores adhuc sunt.

*À passionibus memoria, rationis, imaginatiuæ.*

ARTIC. II.

1 **O**bliuio frigiditatem cerebri, fatuitas in discursu humiditatem Galeno indicant: non quidem rectè; cum potius astringini ventri calidi, humidique vtrumque præstent; aquilonares verò sicci frigidique memoriam firment, ac discursum clarificent. Præterea calidissimi temperamento sunt obliuiosi, & in discursu perplexi, sensu tamen sagaces: quapropter, vt dicebamus in Phys. obliuio indicat tenuitatem, & vehementem spiritus calorem; qui statim atque genitus est exhalat, antequam communicet aduenienti spiritui suas passiones, & notiones: & hoc in sanis, & ægris.

Præterea indicat vehementem passionem, quæ delet alias passiones, notionesque statim; idè non meminere, nisi eius, quod patiuntur; & hæc est ægrotum propria. Contingit quoque sanis cura grani detentis, vnde amatores omnia statim obliuiscuntur, & amantæ solius incessanter meminere.

In agrotis hanc passionem, in cerebro, & spiritibus: vnde sit inuestigabis ex causis & symptomatis.

Quando verò obliuio subsequitur post morbum, vt nihil præcedentium, neque sui nominis, neque doctrinarum, quas proferebantur, iam meminerint, simul ingens passio fuit; vt & resolutio spirituum nil aduenientibus communicantium præter illam



illam passionem, ergo & calidissimam oportuit esse: quam post si sequatur frigus, erit mors: si refrigeratio, obliuio, non quidem à frigore causata, sed ab exhalatione totali præcedentium spirituum à summo incendio, quo paucissimi seruantur, facta.

2 Si autem nihil in memoria accipitur, passio viget intus magna, non sinens alias imprimi minores: si verò non retinetur, tenuitas hoc facit, & calor nimius cum passione: frigoris enim potius est retinere.

*Non in cerebro, sed in spiritu sit memoria & obliuio.*

Imperite Galenus dixit in arte medica, optimam memoriam, firmam cerebri substantiam: & obliuionem, fluidam indicare: non enim in cerebro, nisi vt habitaculo; sed in spiritu, sicut in subiecto sit memoria, & obliuio: & siccissimi cerebro plerumque obliuiosi sunt.

*Vnde fatui-  
sas.*

3 Fatuitas, id est, in discursu tarditas, & inertia, non indicat humiditatem, sed crassitiem spiritus, & copiam vaporis ipsum grauantis, & à discursuius motibus impredientis. Et quando est sine sagacitate, sensus crassitiem notat, & vapores grossos ab humoribus. Quando cum sagacitate, calorem multum, eduentem vapores fuliginosos, qui intercipiunt peruolitando discursum. Et hi timidi: illi socordes.

*Delirium nō  
fit duplex in  
duplici cella  
cerebri, vt  
etiam putat  
Auerroës.*

4 Perperam delirium imaginatiuæ à delirio discursus, Peripatetici quidam, & Galenus, distinguunt ex cerebri partibus: ita vt quando hæc læditur, discursus lædatur: quando illa, imaginatio: Cerebrum enim potest esse causa, non autem subiectum deliriorum, cum sæpissimè homines sani nihil oblæso cerebro, ex passionibus amoris, & iræ & aliis delirent.

*Non læditur  
imaginati-  
ua, non laesa  
discursiua.*

Præterea, vt probatum est in Phys. eadem substantia spiritus imaginatur, & discurret, & sentit, & reminiscitur. Et quidem reminiscencia est discursus ex præsentibus ad præterita. Discursus est sensus ignotorum, in cognitis: & motus ex his, ad illa: imaginatio ex notis fingit ignota, & nota, sicut pictor; & nihil horum sine ratiocinio; nec potest lædi alterum sine altero. Cum ergo quis videns lanceam in pariete, imaginatur se videre serpentem, peccat magis in iudicio discursus, quam in imaginatione: reuera enim videt aliquid, siue foris, siue intra se; quod statim serpentem repræsentat, cui si credit, peccat in discursu, quoniam nescit discurrere,

& inue-



& inuenire quod hoc apparet, & non est : si non credit, peccat sola imaginatio, sed ex parte : nam imaginari non potest, nisi moueatur. Et sicut in somnis videmus spectra, & reuerà repræsentantur, & sola ratio peccat, quoniam assentit, ex quo non potest discurrere ad hoc, quod apparent imagines, & non sunt res imaginatæ : sic accidit delirantibus ex praua imaginatione : quoniam morbo affecti, sicuti somno, nequeunt imagines à somno distinguere : somniant ergo vigilando, & vigilant somniando, & non dormiunt reuerà.

5 Sunt quidem alia deliria transeuntia cum accessione febrili. Et hæc sunt à vaporibus per feruorem febris factis in putridis, contra quos pugnat, humoribus delatis in cerebrum ; à quibus spiritus imagines varias, & passiones suscipit : ita vt videatur videre, quæ non videt ; & non videre, quæ videt, à passione interna detentus. Et si transeunt cum paroxysmo, indicant victoriam. Pro humorum autem qualitate erit delirij qualitas.

*De deliriis  
paroxysmo-  
rum, & trans-  
euntibus.*

6 Alia deliria permanent, quæ in sanis sunt desipientiæ, amentia, fixa in aliqua imaginatione praua : ex qua ad omnia, & ad quam ex omnibus discurrunt, de quibus in Phys.

*De aliis mor-  
bis delirio-  
rum.*

Aliquando sunt discursus prauus interrupti à fuligine, & transeunt de vno themate in alterum, mox aliunde ex quavis leui causa exortum.

Aliquando sunt stupidi, vt nec discurrant ob crassitiem, vt supra diximus.

In ægrotis vero fiunt à calidis quandoque humoribus bile, & sanguine, spiritum agitantibus, mordentibus, & neruos, & cerebrum vellicantibus, & calefacientibus, & spiritus actus turbantibus.

Et cum bilis affatur, & spiritus mordicatur, fit ferinum delirium ; vnde quoscunque vident, reputant hostes, vociferantur, toruè aspiciunt, suntque lethales plerumque, si in palpitaciones, conuulsiones siccas, & tremores desinunt.

*Delirium  
ferinum.*

Item à diris febribus, & euacuationibus exorti.

Item si refrixerint, & liuescant. Sanatos tamen duos vidi ex longo delirio, in quibus vires perseverabant, & horum vnus occidit Iesuitam, ipsum admonentem.

7 Deliria hæc criticè bona sunt, vt cum bona respiratione, & pulsu, & sine ciborum fastidio ; quorum contrarium lethale.

8 Aliud delirium est quietum. Vbi enim diu diuque vociferati

Ee 33 sunt



*De quiete delirij falsa.* sunt, & effrenati, transcunt in affectum alterum, parum loquuntur, & videntur dormire, & non dormiunt, mouent se semper, sed leuiter; colligunt festucas, floccos euellunt, muscas venantur. Et his debilitatus est spiritus, & prauitas humoris cerebro imbibita, factaque quasi naturalis, nec pugnat cum ea spiritus: at in res alias futes se exercet, quasi sui experimentum faciens alibi, vbi non oportet, necessaria omittens ex impotentia. Et hæc mortalia sunt post magna deliria, & febres. Et cum mutantur in plures affectus, plures causas indicant morificas.

*Delirium mitis.* 9 Sunt insanix somniferæ, quando pituita putrescit, & acrimonia vexat, & copia obruit spiritum. Atra bilis timidos reddit, & acutos propter causas in Phys.

*Delirium lenare.* 10 Sunt insanix lunares, quæ in Lunæ synodis, & diametris cum Sole, & iterum magis si saturninæ, & mercuriales stellæ configurabuntur. Vnde vexantur, & expuunt, transactoque aspectu sedantur, vt nulli dubium sit Medicum Physiognomix, & Astrologix expertem esse cæcum.

*Signa delirij.* 11 Signa delirij sunt, vbi quis dixerit, voluerit, & operatus fuerit, quæ non solet, absque ratione. Sunt signa, & in humoribus, & incendio ipsorum. Item in constellatione Lunæ, & Mercurij latorum à Saturno, & Marte in angulo. Et pro domorum natura insanix naturam indicabunt, vt in Astrologia diximus.

12 Sicut spectra delirantibus, ita & somnia significant, alia choleram, alia sanguinem, alia bilem atram, alia pituitam. Sunt somnia ferocia, & læta, & mediocria, vt deliria: & ex eis regnantes, & futuri effectus morborum noscuntur.

13 Omnis passio vehemens in sanis, & ægris præter rationem agere cogens, est delirium: vt libido, auaritia, ira, quibus morbificæ analogantur, vt in primo libro dictum est.

14 Malefici deliria per virtutes naturalium faciunt, edocti à diabolo, & per contraria sanantur, & per religionem, vt dictum est contra Paracellsum.

*Prognosis mutationum, & vitæ, & mortis ex appetitiui accidentibus in ægrotis.*

## CAPVT IX.

## ARTIC. I.

**A**ppetituum cum sit cognoscitiui, & potestatiui proles vitalis, certa indicia nobis dabit.



## Ex fame, &amp; siti.

2. T. Gitur esuries, & sitis in ægrotis, qualis in eis sanis, & similiter

*Regula prima ex similitudine, & dissimilitudine, & mediocritate.*

In nutritio, & separatio excrementorum quod ad odium pertinet, partem appetitui, procul dubio sanitatem promittunt: præsertim si veneris appetitus, & delectatio comitetur. Omnia autem ista è contrario se habentia indicant mortem; si non omnia, morbum: si perseverant, ruinam: si redeunt ad naturam, salutem.

3 Si nullus adest cibi appetitus in acutis, & longis, malum. Si æger etiam fastidit, & abhorret omnes, deterius: si alia contestantur signa lethalia, præsertim alui mollities. Significat enim naturam profligatam, & corpus non nutriri à cibo, sed nutrire cibum sui colliquatione, & excerni.

*Regula secunda de nullitate.*

4 Appetitus diminutus, minus malum: vitiatus pro natura vitiantis. Appetunt enim carbones, & testas mulieres: & ægri res morbifici humoris nutritivas, quando victi sunt ex parte.

*Regula tertia de diminutione, & vitiis.*

Item appetentia insatiabilis, mala putatur: quoniam totum corpus resolutum optat refici, aut acido, & frigido humore os ventriculi cogente fit: ut quando petunt cibos, manducantque ut sani, neque ex sensu suctus, & bona euacuatione præcedente fit. Mihi tamen insanabilis per tres menses affuit, & in loco frigido, humidoque lacte epotus: & cibus humidis nutritus euasi fortior quam ante morbum.

*Historia.*

Nec moribundi edunt, sicut Medici putant, ex frigido humore inuitati, sed natura cedens morbo ad refectionem desperatam se conuertit, ut vel sic &c.

*Correctio.*

5 Non sitire in acutis morbis, & arida lingua, si delirium abest, pessimum signum extinctæ facultatis, & spiritus resoluti, non quærentis amplius quæ corporis vitæ necessaria sunt.

*Regula quarta de sitis defectu, excessu, vitio.*

Intensissime vero sitire etiam malum, nisi cesset, quoniam irremediabile dicit incendium.

Sublata causa sitis, sitire, & non sublata, non sitire, utrumque malum.

## Ex nutritione, &amp; innutritione.

## ARTIC. II.

Corpus non nutriri, etiam sublatis causis, exitiale: at à principio indicat plethoram, vel cacochymiam, & purgationis indigentiam in his, qui non roborantur à cibo.

& Qui.



*Incidunt  
quonia phar-  
macum cau-  
sas non ex-  
tirpauit.*

Qui morbo correpti acuto non extenuantur, sicuti solet: ij viscosis, crassisque abundant humoribus, & morbum prolongant, & ab assumpto pharmaco, nisi rationabiliter macrescant, in recidiuam incident.

*Regula va-  
let in virtu-  
tis defectu,  
quo sublato  
ualet exce-  
ptio.*

3 Qui vero à principio subito extenuantur cum facie Hippocratica, mortem non euadent; nisi externis causis ita afficiantur, aut ex vigilia, quod palpebræ indicabunt; aut propter inedia, vel euacuationem, vel curas.

In hecticis, phthificis, & post febres diras, marasmo affectis, causa maciei clara est.

*Extenuatio  
ab incendio  
& in nutri-  
tione.*

4 In hyeme, & corpore crasso, frigido, & forti, & iuueni, macies eiusmodi à principio certius malum: quoniam non nisi morbus est in causa.

*Cause tu-  
mescendi  
morbose  
quinque.*

5 Intumescere corpora non ex nutritione, malum: aut enim propter sanguinem rarefactum in venis, aut propter vapores multos in faciem delatos, aut propter excretiones in humorem transeuntes, aut propter inflammationem, aut propter iecoris deprauationem, conuertentis chylum in aquam, & vaporem in hydropem, quod vltimum est pessimum: porro tabidis, & suppuratis accidit tumor ex colliquatione in vaporem acta.

*Sexta ex  
colliquatio-  
ne.*

6 Quibus autem fit abscessus, & ex causa sanabili tument, facile detumescunt meliorati: sicuti etiam qui contra ventos australes occurrendo inflati ad ignem subito curantur per sudores, & transpirationes.

### *A voluptate, & dolore.*

#### ARTIC. III.

1 **A** Mor, & odium in appetitorio sunt boni, atque mali quocunque modo, siue præsentis, siue absentis affectum sequentes eorundem passibilitatem, & notitiam, & de his dictum est: voluptas autem, & dolor sequuntur ad receptionem, & notitiam sequentis boni, & mali, vel simpliciter, vel apparentis.

*Quid volu-  
ptas vera si-  
gnificat in  
ægro anti-  
bus.*

2 Itaque omnis voluptas veri boni in ægroto saluberrima, vt si ab assumpto pharmaco, & euacuatione proba, & cibo, & potu, & suppuratione hilarior fiat, voluptatemque sentiat, aut non doleat; in ægrotis vero sufficit indolentia, quos vexatio præcedens non sinit valde lætari.

3 Qui autem apparenti bono voluptuose capiuntur, morbo victoriam dedere, veluti qui carbonibus auide vescuntur, & cibis,



cibis, noxiis humoribus, quibus vexantur, similibus; similiter & potu: nam podagra, & chiragra affecti potu niuoso, & similiter febricitantes gaudent, & quo plus bibunt, plus sitiunt, & lætantur, & læduntur, ex eo quod extinguere calorem superfluum putant. Istæ voluptates ægros & sanos decipiunt, maximè vinosos; quorum temperies vinum appetit, sicuti putridus stomachus carbonem.

Præterea qui non dolent ex malo afflictivo, prave se habent: abest enim sensus deuictus, vel extinctus.

4 Qui non sola mente, sed etiam sensu, purgatio pharmaco per attractionem lætificantur, & non potius tristantur, & abominantur: parum adiuventi ex ipso captabunt: & interdum indicium est causam morificam attrahendam pharmaco, totum hominem in se mutasse; quo nil deterius.

*Quoniam in his pharmaco nutrit morbum.*

*Citta & rabies canina id probant.*

*Qui dolor quas causas habet, aut significat.*

5 Dolor acutus causam punctiuam, corrosiuam, & biliosam, & acrem habet.

Dolor pulsatis propè venas, & arterias fit.

Dolor grauis inter musculos, & viscera à crasso humore, & tensione.

Tensiuus dolor inflammariuus est, & vaporis plenus, & humorum intra partes, & suppurabiles excretiones.

Dolor torpidus compressionem, aut musculi, & spiritus est.

6 Dolor cum ratione desinens post euacuationem, suppurationem, aut crism aliam, aut medicinam, salubris est: qui verò ab his non cessat, perniciosus: magis autem si augetur.

7 Dolor ex membris nobilibus ad ignobilia transiens, salubris: abscessus enim morbi indicat salutem: ex ignobilibus vero ad viscera malus, & aliquando lethalis, pro aliorum symptomatum ratione.

8 Dolor in membris nobilibus perseuerans, etiam post remedia, lethalis tam à principio, quam deinde exortus: transiens vero bonus.

9 Dolor in membris ignobilibus cum febre, & symptomatibus grauib, pernicialis fit, dum communicat causam nobilib; aut venenosus est.

*Non enim febricitant, nisi & partes nobiles afficiantur.*



## A Coctionibus, &amp; cruditatibus.

## ARTIC. IV.

*Quid coctio  
sit, & quid  
cruditas in  
lib. 2. dictum  
est, & in  
Phys.*

**P**ertinent & coctiones, & cruditates ad appetituum, quatenus quod utile est nutritioni corporis, spiritus separat, retinetque : quod inutile, aut prauum, separat expellitque : Coctio enim alterat per calorem, & quod alteratum redditur bonum, retinet : quod inuenitur malum, reiecit, ut qui farinam cernit. Sed quoniam in 2. libro quid sit docuimus, & in hoc utimur coctione, prout ad expulsionem morbi, quæ per potestativum fit pugnans, est præparatio ; opus enim istud imperatur ab appetituo, sed elicitur à potestativo, propterea non est addendum nisi hoc vnum.

*Regula.*

*Omnis actio  
nature fit  
calore, & mo-  
tu.*

*Quid coctio  
finalis consi-  
derata, quid  
pulsio, quid  
sanitas.*

**2** Quamvis in excrementis nihil sit separandum utile corpori, & spiritui, coctio tamen fit in eis ad reducendum ea in statum facilem excretioni : dicuntur enim cruda quando resistunt impellenti præ sua duritie & malignitate, & adhærescunt vasis, & humoribus bonis ita fortiter, ut non possint excludi. Calor enim, & motus, arma spiritus, dimicant contra tales resistentias attenuando, & debilitando virescorum, & secernendo à vasis, & humoribus, quousque sint ad egressum facilia, absque quo trahant secum bonas partes, & spiritum, & vasa affligant, ut ipsorum remaneat pars. Propterea coctio deducens excrementa ad existentiam novam, quo pellantur facile, est bellum, & victoria incepta : pulsio verò est finita victoria : subsequens sanitas est pax, & fruitio victoriæ.

## Compendium cuiusunque prognostici.

## CAPUT X.

*Prima consi-  
deratio pro-  
gnosi.*

**1** Quicumque ergo voluerit de morborum progressu, & salute, & morte rectissime prognosticare : is ante omnia agroti vires, & conditiones conspiciat in bona, vel mala valetudine potestativi, cognoscitivi, & appetitivi.

*8. Aphorismi  
pro notitia  
potestativi.*

**2** Potestativum cognoscer ab effectibus, & signis, & causis. Effectus sunt pulsus, respiratio, & motus arbitrarius, & accensio sua contra morbum in motu, & calore. Item ex sequestratione, & bello, & victoria inutilium : hoc est, si benè mingit, egerit, sudat, calefacit



calefacit corpus, dormit, vigilat.

Ex signis verò si corpus, & aspectus physiognomicus similis est sanis, aut ægris in colore, figura, decubitus positione, membrorum sustentatione, loquela, &c. in toto corpore, & in partibus.

Ex causis vero si iuuenis, aut senex, aut puer. Item si in æstate, hyeme, autumno, vere, anni & suæ ætatis, reperitur.

Præterea si biliosus, sanguineus, pituitosus, melancholicus, mœstus: & secundum magis, & minus, quæ omnia ex Phys. habes.

Præterea præcedens vita, victus, & exercitium: alia enim exercitia fortificant, vt rustica, temperata; alia debilitant, vt studium litterarum.

Præterea constitutiones aëris: etenim austrina aliter afficit, atque aquilonaris, & media. Respice & cælestes causas, cum figura natiuitatis ægroti, quò aphetæ perueniunt per directiones; & progressus, & ingressus, atque transitus planetarum super aphetica loca.

Præterea figura temporis decubitus, vbi Lunæ applicationes, & defluxus, & conuenientiam huius figuræ cum natalitia deprehendes: & intelliges vires ægrotantis, & à quibus causis iuuetur, & à quibus lædatur.

3 Cognoscitium ab effectibus cognosces, si bene videt, audit, *Regula pro cognoscitium.* olfacit, gustat, tangit, recordatur, imaginatur, ratiocinatur, iudicat, intelligit: an malè. Et quæ læsio quid significet; vt in hoc libello, & in Phys. docuimus.

Signa cognoscitiui sunt propositiones, & responsiones ad propositum, & contra. Actus serij, & deordinati: de quibus prius. Causæ sunt eadem cum potestatiuo. Adde causas, & obiecta exteriora, studia, amores, inimicitias, rei familiaris, & filiorum, & gloriæ, cogitatus, & huiusmodi, quæ variant actus cognoscitiui, & consequenter potestatiui.

4 Appetitiui notitiam habes ab esurie, & siti; & bona, vel mala *Pro appetitiui.* manducandi ratione, cibi retentione, eiectione, à nutritione, & *uo.* extenuatione, tumore, & cæteris affectibus, & signis.

Item ab amore, & odio rerum naturalium, & exteriorum, à voluptate, & dolore, & coctionibus in excrementis: quibus plus crede in morbis materialibus. At pulsibus plus in vocatis diuinis ab Hippocrate; quorum causa est occulta, non elementaris.



*Secunda con-  
sideratio pro-  
gnos.  
Vnde natura  
mobi scitur.*

5 Post hæc morbi naturam inuestigabis, & magnitudinem, & consequentia. Natura scitur ex causis materialibus efficientibus, idealibus, & formalibus: forma enim, aut destillatio, aut inflammatio, aut inflatio, aut putrefactio, aut obstructio, aut rosio, aut ulceratio, aut & c. de quibus in 2. lib.

Sed statim accedas ad causas materiales, ex quibus videlicet humoribus, vaporibus, & rebus ortum habet. Deinde ad subiectum, quod tamen primum est, in quo sentitur dolor, & vide an sit membrum nobile, an ignobile: hinc enim scitur curabile ne sit, an non.

Item symptomata cum morbo exorientia, quæ vocantur Medicis pathognomonica: hæc enim indicant & locum, & causam morbi: aliter enim facit pituita dolorem, atque bilis, vt dictum est prius. Considera etiam causas exteriores, vt quas diximus in natalitia, & decubitus constellatione. Similiter aëris constitutionem, & anni tempus: morbi enim temporibus plerumque correspondent: vnde in hyeme catarrhi, in æstate tertianæ grassantur. Hinc etiam eclipses, & lunationes præcedentes considera, an pestiferum reddiderint aërem: & quo genere pestis.

*Vnde magni-  
tudo.*

Magnitudinem morbi cognoscas ex symptomatum quantitate: aut enim tollunt, aut minuunt, aut vitiant operationes potestatiui, cognoscitiui, & appetitiui: & iterum aut minuunt, vitiantque parum, aut multum: & an dolores sint leues, aut crudeles: assidui, an intermittentes.

*Quæ conse-  
quentia.*

Consequentia symptomata ritum morbi dicuntur indicare: & pro loci affectu, & magnitudine, & permanentia, & multitudine eorum: de eisiudica morbi vires, & inclinationes ad salutem, vel mortem: & in excrementis, & operationibus primalitatum relucet plurimum: maximè autem notabis quæ de crisi- bus loquuti sumus.

*Tertia consi-  
deratio ex  
anni tempo-  
ribus. & æ-  
ris passioni-  
bus prognos.*

6 Quomodo anni tempora, & constitutiones aëris prænu- ncient qui futuri sint morbi, in 3. Astrologicorum declarauimus: hîc autem quantum opus est diximus. Neque enim in æstate semper martiales, & solares morbi: in autumno semper saturnini, & mercuriales: in hyeme saturnini, & lunares: in vere solares, & iouiales, seu venerei: de quibus dictum est in hoc volumine. Sed enim variata constitutione aëris, alij miscentur morbi, vt dictum est in Astrológia. At Hippocrates hominum solertissimus in Epid. dixit, constitutionem humidam austrinam effecisse phthisim, paroti-

des.



des, carbunculos, febres ardentes, pestilentes. Boreales duas constitutiones epidemicas, ait ophthalmias, dysenterias, tenesmos, diarrhoeas, biliosas febres, ardentes, semitertianas, erraticas, malignas phrenitides. Austrinam vero calidam humidamque, sine ventis pluuiosam, (qualis hoc anno Neapoli) narrat attulisse sacros ignes, citò undique depascentes, oris vlcera, atque pudendorum; febres ardentes, phrenitides, lippitudines, tabes, interinas inflammationes, tubercula in pudendis, abscessus ad suppurationem (quæ erat potius corruptio) venientes: qua caro, ossa, nervique integri decidebant. Hæc similia sunt accidentibus visis, quando lues venerea, quem morbum Gallicum vocant, apparuit ex cæli constitutione.

Profecto qui in melioribus cibis, & potibus vtuntur (equidem *Nota.* paritatem meliorationi antepono:) hi æris constitutiones, & sidereas effugient magis; qua Socrates in Attica peste seruatus est: copia enim vel suffocat, vel putrescit.

At qui ad aliquem morbum inclinati sunt, siue ad phthisim, siue ad maniam, faciliores sunt ad ægrotandum, si constitutio æris phthisica, vel melancholica acciderit.

Quando ergo Hippocrates ait, quod minus patiuntur, quorum *Declaratio Hippocr.* ætati, victui, & complexioni conuenit morbus: intellige de sym-bolo in qualitatibus passiuis, & actiuis. Natura enim calidi, à morbo calido non ita afficiuntur, atque frigidi. Accidens enim conuenit subiecti naturæ. Propterea & nos magis afficimur à calore sub tropico, quàm Æthiopes: ipsi vero cum ad nos veniunt, æstum nostrum pro frigido habet, & hyemem nostram vix tolerant. Eodem modo astrologicè diximus saturninos à constitutionibus Saturni minus vexari, quam venereos. Cæterum scimus pueros *Consideratio 4. ex ætatibus.* morbillis, variolis, ephemeris febribus, & quotidianis obnoxios: & quando constitutio æris, & sideris ita fert, statim afficiuntur. Iuuenes vsque ad trigesimum quintum annum febribus acutis, sanguinis expuitioni, phthisi, scabiei aptos: post hosce annos asthmata, morbos laterales, pulmonios, phrenitides, lethargos, dysenterias grassari. Senes spirandi difficultate, rauedine, grauedine, nephritide, podagra, ischiade, articulorum doloribus, aliisque à destillatione, & obstructione, corripuntur vsque ad mortem.

Item spiritus mites, sanguis mediocres, bilis vtraque ferus ha- *Consideratio 5. ex subiecto.* bent morbos.



Ex mutatio-  
ne morbi in  
morbum.

7 Hæc sciat Medicus, & quomodo morbi in morbos mutantur: & quartana in hecticas, si ardentissimæ fuerint: phrenitides in conuulsiones, & cætera, quæ de morborum naturis considerabimus.

Consideratio  
6.

8 Deinde morbi cognitionem temporalem, an scilicet longus, brevis, medius: & ex hoc statum morbi quando erit, & crises, & symptomata, quæ accidunt, & sub qua cæli constitutione, & quando accidit indicatio iuxta prædictos sermones, ut expectes in sequenti quaternario finem.

Iudicium de  
morte, & vi-  
ta ex confi-  
deratis quid,  
quomodo, &  
quando.

Et si quidem signa coctionis apparuerint, & vires ægroti fortiores, & a cælo adiuti, & ab ætate, & tempore: morbi verò minores, quæ symptomata prima & secunda declarabunt: & cælum illis minus favere: tunc salutem promittes in die decretorio, & hora accensionis: vel mortem, si e contra: vel prolongationem, & recidivam, si nec vnde victoria, ut ex iam dictis facillimè deducitur. Sitamen præcepta Medicinæ in curatione ab ægrotis, & assistentibus tirè seruentur.

Cautela.

Finis quarti Libri.

MEDI



# MEDICINALIVM

## LIBER QVINTVS.

IN QVO DE MEDICAMENTIS

simplicibus, multipliciter agnoscendis, &  
applicandis, &c.

*Qualitates medicaminum simplicium duas actiuas calorem, & frigus: & duas passiuas producere, scilicet humiditatem, & siccitatem: Atque has non agere, nisi mixtura; sed agi. Et quomodo aliter in Medicina considerantur ista, hoc est solum ab effectu in corpore humano; & aliter in se, & de actiuorum gradibus, & cur multa medicamenta.*

CAPVT I.

ARTIC. I.



PLURIMIS medicamentis indigemus, quoniam pluribus doloribus dolemus, à pluribus exterioribus contrariisque vexatibus, & multiplicibus in partibus quoque multis.

2 Plurimis quoque doloribus affici intrinsecus contingit, non quidem ex pluri-

bis elementis, neque ex quatuor contrariis: quæ suæ naturæ obli-  
ta conuenere (ut aiunt veteres) & nunc quasi reminiscencia diffi-  
denti: sed ex partium diuersitate, differentia, ac varietate. Diver-  
sas enim est inter mentem, & materiam, & calorem, & corpus, & reliquas hominis partes. Differentia inter spiritum, & humores, & soliditatem. Variatio autem inter spiritum capitis, & cordis, & iecoris, & ventriculi, & carnis fibris inhabitantem. Si-  
militer variatio est inter sanguinem venalem, & arterialem, & cum qui in carnes exprimitur, & qui in renibus, cæterisque par-  
tibus. Varietas quoque est inter carnem musculorum, & iteo-

ris,



ritudinem,  
& passio-  
num.

ris, & cordis carnem, & renum, & manus, & pedis: idque varietatis inter ossa comperies. Dens enim à caluaria, & tibia varius, & vertebræ ab his, cæterisque. Immo pituita varia adeo est, ut disparatarum sit specierum: similiter & omnis humor, & fluor, & lentor, & viscositas, & vapor, ut in primo libro dictum est.

Præterea tota statua diuiditur in partes specie partiali distinctas vno modo: altero vero in organa diuersa potestatiui, cognoscitiui, volitiui, & operatiui. Diuersitas autem non contingit ex elementorum contrarietate, & dispositione varia, ut Hippocrati, Galenoque placet: sed quoniam aliud principium superelementare est in nobis; non enim cerebri temperies, aut iecoris, aut cordis, animæ sunt, cum anima extra corpus ad cælestia extendatur, temperies autem non ultra materiam suam. Differentia verò ex contrarietate non est, sed ex temperatura differenti secundum speciem: cooperatur tamen extrinsecè contrarietas elementaris, ut non fiant vnum simile corpus, sed heterogeneum, & difforme. Variatio tamen ex magis, & minus eiusdem temperiei fit, atque ex omni alteratione: posse autem ab eodem agente, ex eadem materia ob varietatem actionis, & repugantiæ, & dispositionis, & modi agendi res differentes specie oriri secundum temperamentum, ut in Phys. declarauimus, si ad alicuius opificis ordinationem ferantur; quem naturæ præesse non est res aliqua, quæ ipsum non manifestet. Organa autem diuersa ex officiis, à primalitatibus egredientibus, oportere originem habuisse, ista officia, & propter finem certum agens natura declararunt.

At sine iden-  
tione non  
formantur  
membra ad  
certum u-  
sum.

Omnis ha-  
mor genera-  
tur à calore,  
& secundum  
se calidus est;  
lib. 3. & in  
Phys.

3 Non igitur quatuor humores quatuor elementis in corpore humano correspondent, sed vnus est humor, cæteri faeces, & excrementa, stimuli, & vnguenta, ad operationes vngentia partes, sicut declaratum est. Dicuntur tamen alter respectu alterius frigidus, alter calidus, alter humidus, alter siccus, à prædominio: cum tamen omnes sint calidi ab vno calore, vnaque ex matetia variè affecta exorti.

Generatio  
non fit ex  
contrariis a-  
quatis, ut  
Hipp. neque  
ex inæqua-  
lib., ut Arist.

4 Similiter etiam, & medicamenta dicimus alia calida, alia frigida, alia sicca, alia humida, quamuis res nulla apud nos calida non sit; sed quæ minus calida, reputantur frigida respectu alterius, vel nostri, qui calidiores sumus. Sunt etiam medicamenta, quæ frigus extraneum possident, ut nix, & glaciatum vinum, quando



quando eis sic vti oportet. Frigus enim opus naturæ non ingreditur; sed necessarium fuit, ut caloris gradus retunderet, & partiretur, terramque defenderet, ne statim tota ignis fieret: utque res differentes specie orirentur; dum calor variatur, & actio, & vires, & materiæ passionēs.

5 Omnia medicamenta agunt in corpus humanum, vel calore, vel frigore; per se calefaciendo, vel infrigidando.

6 Ad calefactionem autem sequitur in corpore calor, raritas in membro calefacto: aliquando per gradus. Prius enim ex densitate fit lentum: ex lento, molle: ex molli, viscosum: ex viscoso, lubricum: ex lubrico, fluidum: ex fluido, liquidum, seu humidum: ex liquido, vaporosum: ex vapore, spiritus: & antequam ad hanc fiat accessus, producit albedo, & transpauitas, & motus: quæ enim corripit calor, sua facie donat, & operatione, quæ est lux, & motus. Est autem ubi hi gradus non discernuntur: potens enim calor ex materia lenta statim vaporem facit: & si dissimilari est, remanet pars crassa, & exsiccata, scilicet priuata illa tenuitate, & humore, sub quo mollis, lenta que erat ex mitione: si verò similari, totam in fumum agit, ut aquam dulcem.

7 Quapropter intelligas oportet quem calorem cui parti adhibeas: similari ne, ut est ros intra carnem, & forte spiritus: an dissimilari, ut est sanguis, & bilis atra? Item præpotentem ne calorem, an blandum? Siquidem potens calor similem materiam statim dissoluit in aërem: blandus paulatim: dissimilem vero calor potens exsiccatur, statim educendo partem minus sibi repugnantem: blandus verò utrasque fundit: non enim potest educere tenuitatem, sed simul in illam, & in crassitiem agit, quam per illam ad fusionem æquè disponit.

8 Frigus vero prius frigefacit: deinde, si res rara est, vertit in liquorem: ex liquore duritiem facit, quando similari est res. Vaporem enim in aëre, vertit in aquam: aquam vero in glaciem; non autem semper prius in lubricam rem, nisi illa sit nix, aut pruina. Neque in mollem, lentamque, nisi nix densior talis esse dicatur, ex qua deinde durissimum fit crystallum; ergo eisdem viis ambulat frigus, sed minus manifestis: quoniam eius actio, ut inuolidioris, apud nos non satis clarescit, sicut caloris. Quando autem res dissimilari est, totam indurat paulatim, sed difficile, ob tenuitatis resistentiam: ita tamen est eius actio, ut nihil sequatur, sicut facit calor.

ut nos in  
Phys. nestra  
probauimus:  
sed ex alio  
vincente ad  
identoris  
modum.

Humores di-  
cuntur frigidi  
respectu  
vel ab ex-  
trinsico.  
vires frigoris  
quæ.

Materia pas-  
siones 2  
A calore qui.

Passiones va-  
sa fieri per  
saltum.

Qualis actio  
caloris robu-  
sti, & blan-  
di, & qua-  
lis passio ab  
eis in natura  
similari, &  
in dissimila-  
ri.

Passiones 2  
frigore.

Contra A-  
rist frigus  
congregat  
omnia, & ca-  
lor disgregat  
omnia, sed  
dissimilari  
seu heteroge-  
nea per acci-  
dens congru-



gat, ilum se-  
grat partes  
rarefactioni  
minus resi-  
stentes. Vide  
Phys.

Quod siccitas  
vniueni  
materiam hu-  
miditas ex  
pansionem  
falsitas à fri-  
gore, & ca-  
lore sequitur.  
vnr.

9 Ex his ergo palam fit siccitatem esse frigoris condensantis opus, ipsiusque materię contractionem, vel caloris per accidens educentis, separantisque tenue à sicco. Ergo siccum & humidum non sunt duę actiue qualitates, vt vulgo creditur: neque medicamenta agunt exsiccando per siccitatem, & humectando per humiditatem; sed vtrumque faciunt per calorem, & frigus, & sui admistione. Et horum gradus querendi essent.

10 Item neque humor, & siccitas sunt duę res, sed duo gradus eiusdem materiei. Summè enim vnita materia, qualis est tellus, & lapis, sicca dicitur: si autem modicum expandatur, dicitur lenta: si plus, mollis: si plus, viscosa: si plus, liquida: si plus, vaporosa: si plus, tenuis. Ergo durum, & tenue opponuntur tanquam extremę passionis materię: humidum vero est vel tenuitas apud Philosophos, vel liquiditas, vt vulgus loquitur, qui omnia liquida, & aërem madidum, vocat humida. Et quidem Medici ita loquantur oportet, dicantque ea humectare, quę liquiditatem, & vaporositatem aqueam producant; hæc autem sunt blandè calida à prædominio. Non enim aqua generat aquam, neque lapis conuertit aquam in lapidem, neque vlla passio materialis consimilem producit, cum res non sit: sed calor, & frigus, quia res actiue sunt, vtrasque producant.

Duo actiua  
medicamentorum.  
1a.

11 Quapropter nos duo medicamenta ponimus actiua: alterum calefaciens, alterum frigefaciens. Gradus autem horum ponimus facientes gradus materialium passionum; dicimus enim alium calorem condensare per accidens, alium lentificare, alium mollificare, alium viscosum facere, alium lubricare, alium fluidum, & liquidum facere, alium rarefacere, alium attenuare: ita quod octo sunt gradus calefactiuorum.

Medici autem quatuor gradus faciunt secundum plus, & minus caloris. Et quidem non ex arte, cum ab effectu potius distinguendi essent, quam ab imaginatione: similiter, & frigoris gradus alios septem ponimus; Nam ordine contrario ubi frigefacit rem tenuem, contrahit ad rarum: quod liquefacit, quod lubricat, quod viscosificat, quod mollificat, quod lentificat, quod densat, quod indurat.

De gradibus  
caloris, &  
frigoris.

12 Sciendum est in natura nullos esse caloris frigorisque gradus: ita quod vno emenso in alium fiat transitus; sed per continuam amplificationem, & diminutionem procedunt. Medi-



cos autem fecisse gradus, vt possint arte aliqua loqui certaque manifestatione. At cum ad effectus respicere deberent, quasi agnoscere illos non valentes, ex suo arbitratu quatuor gradus effinxerunt, cum sint innumerabiles. Nos autem ex nostra philosophia ad certiore nomenclaturā ab effectibus iam progressi sumus: quandoquidem calor ipse per se à nobis partiri potest.

13 At quidem omnis materiæ gradus, etsi non agit effundendo se, & generando sibi similem; tamen cum miscetur alteri materiei eiusdem gradus, auget illam, vt liquidum liquido mistum, auget liquiditatis quantitatem, non rem, nisi sit liquidius quod additur: cum autem miscetur materiæ alterius gradus, minuit illam, & vicissim minuitur: non quidem materiæ quantitas, sed qualitas illa passiuæ. Si enim siccæ calci addis aquam, siccitas calcis minuitur, ac simul aquæ humiditas minuitur; & illa trahitur ad humiditatem; hæc ad siccitatem: non quidem passione, nisi etiam adsit frigus, aut calor agens, alteransque; sed sola mixtione. Si enim perfectè separari queat aqua à calce, antequam à calore calcis in vaporem agatur, eadem quantitas aquæ, & qualitas superesse agnoscetur. Quod facilius agnoscitur, cum separatur à vino, aut à mica panis, aut à spongia: quamuis semper, vel ex motu, aliqua particula consumatur. Has ob res omne medicamentum, quod vocant siccum, aut humidum, applicatum nostro corpori humectat corpus, & exsiccat mixtione quidem, & additione suæ passionis, & cum sua etiam minutione: non autem actione, nisi quatenus calorem in se habet, vt aqua ardens, seu vitæ, exsiccat ventriculi humores, quoniam eos penetrat sua tenuitate; ac proinde attenuat suo calore, ac resoluit in vaporem: & tamen aqua humida est.

*Quomodo  
qualitas  
passiua agit  
in mixtis.*

Densior autem est carduus, ac plus siccitatis habens, & renitentia: tamen quia eius pars crassa est, succique plena, addit succis ventriculi de sua humiditate: nec tanti est caloris qui ipsam dissoluat. Et licet dissoluere sit humidius facere: tamen in Medicina, quæ respicit non quod fit in re, sed quod in nostro corpore factum resultat: quæcunque corpus in humiditatem, & vaporem resoluunt, dicuntur siccare: quoniam remanens corpus priuatum humiditate, siccus est: itaque ignis dicitur siccus in Medicina, quia exsiccat; sed in Philosophia humidus, quoniam ipse tenuissimus in humiditatem siccas res soluit, & vapores: & hic est eius effectus proprius: per

*Aliiter in  
Medicina, &  
aliiter secundum  
naturam loqui-  
mur de hu-  
mido, & sic-  
co, & calido,  
& frigido.*



accidens autem est exsiccatio, dum manifestat latentem siccitatem heterogeneousum: homogenea enim omnia in tenuitatem simul soluit.

14 Quapropter non dicemus in Medicina frigida, & calida, quæ verè frigida, & calida sunt, alioquin omnis herba calida est: neque sicca, quæ verè sicca sunt; alioquin soli lapides, & metalla, & tellus sicca forent: neque humida, quæ verè humida, alioquin ignis, aqua vitæ, marina, & aer, & tenuiora quæque, humidiora essent: sed omnia denominamus ab effectu in corpore nostro: ita ut dicamus calida, frigida, humida, sicca; mollia, dura, quæ calefaciunt, infrigidant, humectant, exsiccant; molliciant, indurantque, siue actione, sui amplificat uia, siue missionem sui etiam diminutiuam; siue per se, siue per accidens: & hoc scire maximè necesse est. Qua etiam ratione Astrologi, præsertim Medicinam profitentes, vocant Lunam frigidam, humidamque, Mercurium versatilem, quamvis orientalem calidum, occidentalem frigidum Venerem calidam, humidamque blando calore, mollique humore: Solem calidum, siccumque in æstate: Iovem calidum humidumque: Saturnum frigidum, siccumque: cum tamen verum sit secundum naturam omnes planetas emitte lucem calidam ad nos, calidosque esse: sed per accidens ac respectiue dici frigidos, siccosque ab effectu in nos. Medicus ergo considerat res ab effectu erga nos: Physicus in se: Metaphysicus in se ad mundum, ad Deum, & ad omnes res, ut suo in loco declarauimus.

*Ad Medicos.*

*Calorem differre à se subiecti gratia, robore, ac copia: & qui calor cui operationi à Medico intenta deseruit: idem de frigore, & passivis qualitatibus, & quomodo res calida quinque de causis frigefaciant corpus humanum. Similiter, & planeta, & omne calefaciens esse actu calidum: nec rectè de calore, & frigore in potentia, & in actu, Medicos loquutos esse, nec Aristotelicos.*

## ARTIC. II.

*Distinctio  
caloris ex  
parte subie-  
cti.*

1 **C**aloris, & frigoris essentia in seipsis non augetur, nec minuitur, sed in subiecto, in quo recipiuntur, amplificantur, & minuuntur.

2. *Differ*



2 Differt calor à seipso in subiecto, robore, & copia. Alibi enim robustior, vt in carbone accenso: alibi co- iosior, vt in flamma: hoc autem accidit ex subiecti densitate, & raritate: ibi enim vnitior: hic spatiosior, ampliôrque.

3 Quicunque calor cuiusuis medicamenti excedit nostrum calorem in robore, & copia: simul illud medicamentum destruit corpus, vel illam particulam corporis, cui applicatur: nec affert salutem, nisi corrigatur, & per accidens.

4 Verum hoc medicamentum aut excedit robore, & copia *Regula applicacionis medicamentorum excedentium totum, vel partem: ex toto, aut partem.* omnes nostri corporis partes, sicut ignis; & tunc non est applicabile nisi de f ris, & à longè: distantia enim, & minutio est correctio eius. Propterea non vtimur igne, nisi distant, & paucos; Sole verò distantissimo exterius, & cum modèramine; in ætate enim sub vmbris eo fruimur ex parte tantum. Aut excedit aliquam corporis nostri partem, vt sanguinem, vel carnem, vel pituitam: & tunc vti possumus illo medicamento etiam intrinsecè ad illam partem, quæ indigebit calefactione tanta, quanta ex tali medicamento haberi potest. Sic stomachum vino maluatico calefacimus. Similiter dicimus de frigore per analogiam, & de gradibus caloris, frigorisque, & passionum materialium.

5 Præterea aut indigemus calefactione substantiæ alicuius *Regula secunda applicandi calidum roborem, vel copiam.* membri, aut solius qualitatis calidæ augendæ, vel frigefaciendæ. Si substantiam vis calefacere, adhibe medicinam caloris robore vincentem illud membrum plus minùsve: prout plus minùsve calefacere vis. Sin vero qualitatem; quod plerumque in iecore, & intestinis contingit: tunc adhibe medicinam copia, non robore, caloris, superantem; alioquin intemperiem calidam, & duriem quam abominaris, etiam in membro efficiet.

6 Manifesta sunt autem calida copiosè ex odore acuto, & laxa *Regula tertia; unde agnosceatur calidum robustum, & copiosum.* exilique materia; vt origanum, crocus, & ocymum, petroselinum & huiusmodi. Robustè autem calida ex graui odore, & materiæ densitate, vt ruta, rhabarbarum, raphanus, allium. Frigida verò ex robore, glacies, nix: ex copia aër borealis, ethesiæ, aqua fontana.

7 Eadem ratione ponimus quædam mollia robore magis, vt *Regula analogia aliarum passionum consilicordialium.* carnem bouinam, & senilem: quædam copia tantum, vt carnem puerilem, & suillam. Similiter alia robustè viscosa, vt viscum, argilla, piruita vitrea: quædam copiosè tantum, vt pituita dulcis, & aqua palustris. Similiter distingues de liquore, vapore,



aliisque siccitatis, & humiditatis gradibus. Robustior enim siccitas ferri, argenti verò copiosior; quia plures partes in eodem spatio, minúsque crassas continet.

8 Verum quoad nos, & medicinaliter ea putantur sicciora, quæ magis insinuant siccitatem, ut pulveres penetrantes, & sese miscentes. Similiter molliora, quæ intrando molliciant: propterea fiunt vnguenta, embrocationes, infusiones: de quibus infra.

*Quæ dicitur  
nebu frigida.*

9 Quæ vero vincuntur à quolibet membro nostro à copia, & robore caloris, illa reputantur frigida secundum Medicinam; ut cucurbita, pepon, aqua dulcis; quia verè infrigidant nos.

*Quinque mo-  
dis res cali-  
da infrigi-  
das corpus  
humanum.*

10 Quod multipliciter contingit. Primò respectuè: blandus enim calor robustiori frigidi sensum apportat, non in essentia, sed in materia: ut manus Medici sano calida apparet; febricitanti verò frigida. Secundò propter extraneum frigus. Aër enim, & vinum, licet calida sint; tamen frigore telluris infestata, sensum frigoris adducunt emanantis à tellure in ea. Tertio modo ex expansione caloris in materiam medicamenti. Vndè qui erat robustus, & vnitus in membro, fit minor: quapropter medicamentum tunc dicitur frigidum, quoniam infrigidauit, hoc est, calorem minuit; hac ratione aqua tepens iniecta feruenti feruorem sedat: calor enim feruentis expanditur in tepidam, & minor fit robore in totam; sed tamen maior in copia. Et hac via operantur innumera medicamenta: & omnis hominis cerebrum post cibum quasi frigeſcit: quoniam in vapores cibi calor cerebri dilatatur, quamuis blandè calidos. sic & apostemati additæ medicinæ eius calorem ad se trahendo imminuunt. Quartò etiam infrigidant aliqua exitum præbendo calori ipsa calida: sed blandè: sic aqua tepidiuſcula super cremato pede incrustatòque posita, aperit crustam viamque calori exhalandi præbet; ac simul materiam, in qua exhalet: aquæ enim tenuitas occupatur ab eo, efferturque: sic cichorium, endiuiâ, multaque tenuiter calida, jecur frigefaciunt. Idem facit acetum: quod cum adèd calidum sit, acutumque, ut parietes penetret diruatque, & linguam laceret acumine; nihilominus frigidos intus effectus facit, aperiens poros calori multo, ut exeat. Vndè etiam lac acetosum in hædicis commendatur; quoniam acore suo penetrat ad membra interiora: secumque adducit blandam substantiam, exitum-

*Dicitur blā-  
dus: nā val-  
de calidus  
vapor exca-  
lescit.*



que febrili parat. Mel autem quoniam obstruit, potius calefacit magis. Tandem quædam infrigidant, res calidas, nedum calorem, ad se trahendo: quæ, expulsæ simul, relinquunt frigidum corpus. Hac ratione rhabarbarum trahendo in ventriculum bilem percalidam, præsertim cum est febris, causa: dum enim simul cum rhabbaro educitur bilis, corpus remanet frigidum; & sæpè sine febris accessu. Quapropter quædam sunt frigida respectuè, seu apparenter; quædam extraneè; quædam ab expansione; quædam ab exitu: quædam calidorum attractione: quædam pluribus modis iam dictis. quæ si Medicus ignorat, cæcutit in medicamentorum applicatione.

*Epilogus.*

11 Quapropter imperitè Medici, Aristotelem securi, vocant quædam calida in actu, ut ignem: quædam in potentia, ut vinum; quoniam vini calorem non sentiunt digito; putant potestate vinum calidum, etiam experti quod stomachum calefacit. sed quomodo potest actu calefacere, quod actu calidum non est? prius enim res est, quàm eius actio: & prius calor, quàm calefactio. Si ergo actu calefacere potest, & calefacit, ergo actu est calida. In potentia calida ea dicenda sunt, quæ possunt calorem aliunde accipere, ut calefaciant, sicut aqua fontana: quæ actu frigefacit, quoniam actu frigus externum habet in nostro dogmate; similiter aer. At in potentia potest dici calida, quoniam potest ab igne calefieri, ac proinde calefacere: sed cum calefacit, necessariò est actu calida ipsa, & omne calefaciens. Si calorem sopitum vocarent calorem in potentia, qualem nos in aqua ponimus, & in ære, à frigore exteriori ligatum; aliquid meliusculè dicerent: sed illud vocant in habitu, sicuti scientia in sapiente delirante inest habitu, non actu, donec transactio morbo actu exerceat: at cum non exercet, dicitur in potentia, quia potest quodcumque vult exercere ipsam. Quapropter quæ in potentia calida dicunt Medici, nos dicimus actu calida, sed exteriori frigore impedita: quæ autem in potentia frigida, nos dicimus frigida vno ex quinque prædictis modis.

*Quam ineptè declarant distinctionem caliditatis in actu, & in potentia & eius correctio.*

12 Eisdem sanè rationibus diximus in Astrologia quosdam planetas videri frigidos, quosdam calidos: cum ex eis non nisi calor, & lux proveniat, quorum est calefacere, & attenuare; ac proinde humectare. Sed mirum quomodo Saturnum esse siccum faciunt: si enim blandus eius calor solari mistus minuit illum apertione, aut expansione, unde exhalet: profectò siccitatem non conciliabit,

*De qualitatibus planetarum, non in se, sed ad nos.*



conciliabit, nisi forte vt acetum, quia simul cum calore tenuitatem educit, & molliem minuit. Mars verò ficcus reputatur: quoniam eius calor nimius, educit multum tenuitatis, aduritque remanentes crassities: hoc tamen Sol facit magis per se: sed quoniam eius vis vniuersalis est, ac exsiccationem maiorem Martis accessu operatur, sicuti medicina calida si addas ipsi piper. Luna autem calida cum lucet, frigida cum minus lucet, existimanda est: esseque frigoris causam, vel apertione pororum, vel defectu sui caloris. Cum enim spiritus calidus in nobis metuens intro secedit, externa corporis frigent: sic deficiente Lunæ lumine, frigent noctes, & res illi subiectæ. Venus & Iupiter calidi, humidi que dicuntur, quoniam blandum calorem emittunt, & qui foueat, non exsiccat, robore, vt Mars: neque minutione, vt Saturnus. Hæc autem dicta sunt, quoniam nec medicinas applicabimus, nisi cælo consentiente: & tanquam medicamenta, nunc sidera nobis tractantur. In Astrologia olim vt causæ, & signa ad prædicendum.

*Virtutes occultas medicamentorum, quæ ab elementis corporaliter non insunt, ex primalitatibus oriri: & sympathiam, & antipathiam rerum ad sidera, & mundi plagas, & ad certos humores, & membra corporis humani, nec à Damone, & sidere, sed in rerum formis, & qualitatibus, instrumentis, & vasis primalitatum. Et quid Platonici, & alij non attigerunt.*

### ARTIC. III.

**N**ON videmur autem quamlibet medicinarum actionem tetigisse: siquidem præter calefactionem, & frigectionem; exsiccationem, humedationem; mollificationem, liquefactionem, & cæteras iam dictas actiones physicas, per se, & per accidens, comparatiuè, & absolutè: aliæ adhuc remanent, quæ dicuntur per virtutes occultas fieri. Magnes enim trahit ferrum etiam post parietem, non calefaciendo, neque frige faciendo, neque exsiccando, neque humedando, neque pellendo, & appellendo, vt Democrito visum est. Similiter fidicula in cithara tensa omninò sicut altera consimilis, ad sonum eius resonat; non autem si non est consimiliter tensa, vel alterius ordinis. Multaque alia in

*Non sufficiunt  
quatuor ele-  
mentorum  
qualitates à  
Medicis posi-  
ta reddere  
rationem  
operationum  
physicarum,  
nec medici-  
narium.*



in libro de sensu rerum manifesta. Quapropter videtur Medicis virtus occulta esse in medicinis : qua rhabbarum purgat choleram , senna bilem atram : aloë sanguinem. Habent etiam proprietates, aliæ erga pectus, vt hyssopus, sarcocolla. Aliæ erga caput, vt colocynthis, agaricus. Aliæ erga cor, vt crocus, melissa. Aliæ erga iuncturas, vt hypericon, sinapis. Aliæ erga renes, vt asparagus, pepones, quæ ex qualitatibus elementaribus rationem non habent. Sicut neque cur aliæ herbæ gyrum Solis æmulantur, aliæ Lunæ, aliæ aliarum stellarum, habent figuras, & motus similiter, & lapides.

2 Siquidem nulla principia ingrederentur nostrorum entium constitutionem præter elementa, vt Peripateticis videtur, interdumque Galeno; harum reddi causa nulla queat operationum: neque si cælum coadducere conentur; quippe quod Aristoteli, & Aphrodisæo non nisi motu agit: motus autem est quasi non ens, & mirabilium operum nullo pacto causa, sed causatio. Qui autem adiiciunt lumen, nec idonei sunt ad talium explicationē. Nullo enim lumine magnes trahit ferrum, quod non maius sit in auro non trahente. Quapropter Platonici aliam vim à cæli animabus afferunt: quod & S. Thomæ placuisse videtur *in 3. contra gentes, & in libel'o de occultis naturæ*: quam vocant influentiam. Sed profectò quid sit ista influentia, non perspicuè declaratur. Immo SS. Augustinus, & Thomas Angelos nil influere, sed quasi agricolando mouere tantum ad formas docent. Platonici septem rerum series sub septem ponunt planetis: & omnia quæ eiusdem seriei sunt mutua quadam affici beneuolentia, & foueri; quæ autem à contrariis planetis mutuo turbari. Sunt autem in primo gradu dæmones, verbi gratia, solares. Sub his stellæ solares. Sub his homines solares, & animalia, vt leo, gallus, aries, olor, crocodilus, & plantæ solares, vt heliotropiæ cognominatæ, & palma, aloë, crocus, cinamomum, fraxinus, lotos, pæonia: sub his metalla solaria, vt aurum, auripigmentum: & lapides pentaurea, chrysolithus, carbunculus. Sunt etiam odores, & colores solares, & soni.

Similiter sub Saturno alia series est saturninorum dæmonum, & hominum, & animalium, & plantarum, & lapidum, & odorum, & florum, quæ non satis distinctè traduntur à præfatis philosophis. Et sicut agnus castus sedat per vim Saturni motus venereos: sic corallus per vim Veneris affectu saturninæ bilis.

*Ficinus in lib. de vita cælius comparanda, & Synesius de illicibus & Proclus de magia.*



Hæc autem dicta plurimam habent veritatem: sed tamē quod quærimus non soluunt: plus enim similitudinis est inter species metallorum diuersis sideribus dicatorum, quam inter metallum, & animal eidem dicata sideri. Quomodo ergo fieri potuit, vt stella dissimilia magis confociaret sibi per influxum, quam similia?

*Respons.  
Ficini con-  
futatio.*

Item quomodo gallus formidabilis est leoni, solaris solari? Dicunt, quia ille prior in ordine solari: At quomodo non formidat hominem gallo priorem? Item cum Ficinus quæritat cur magnes trahit ferrum, respondet non quidem quia similis; attraheret enim alium magnetem: nec quia superior in ordine corporum; superius enim ferrum magnete; metallum nempe lapide: sed in vrsæ stellari proprietate, ad quam respiciunt, priorem gradum magnes obtinet superiorēque. Superius autem omne rapit ad se inferiora. Sic in serie Solis homo inferior admiratur superiorem: in serie iouina veneratur; in martiali timet; in venerea amat in mercuriali addiscit, in lunari se mouet, in saturnina quiescit ab illo superiori affectus quiete. Idcirco ore gestans lapillum alestorium ex galli veteris ventre eductum, teste Dioscoride, inuictus pugnat, sicut chelidonium ex hirundine, melancholicos curat; aliusque erutus ex capite draconis, venenum. Quæ omnes non nisi à cælo deriuari virtutes possunt, sicuti à vultibus cæli gallus victor, & quia solaris; à cælesti dracone draco vim habet. Sed quomodo sanat à veneno draconis, & non magis lædit?

*Propria sententia de operibus naturæ occultis.*

3 Nos autem in libro de sensu rerum, & in Metaphys. facilius satisfecisse videmur: Cum enim nulla res agat per id, quod habet in alio, & ab alio, nisi illud habeat in se: profectò non poterit magnes vrsæ virtute, neque calcedonium virtute Solis, trahere ille; iste tutari: nisi virtutem in se habeat receptam ab vrsæ, & Sole. At cum nulla sit manifesta, nisi motus, calor, & lux; istaque non sufficiant, ad aliam compositionem recurrendum erat. Quoniam igitur, vt dictis commentariis probatum est, res non constant modò ex corpore, & calore in quandam formā reductis, exque elementis modò corporeis; sed etiam ex incorporeis, potestate, sapientia, & amore: igitur actiones mirificæ his attribuendæ sunt causis. Trahit ergo magnes ferrum, non vna modò similitudine corporeæ temperiei, sed etiam prædictarum primarum reductarum ad talem gradum per sui corporationem, quibus respondet elementaris formæ gradus, in quo sunt, & quæ

*commu*



communicantur. Vnde si ex magnete extrahas calorem, & spiritum cum igne; exit flammula subuiridis, & cum ea euanesceat vis trahendi ferrum, quæ per infusionem eiusdem flammulæ, & liquoris extracti potest etiam restitui. Igitur attractio fit similitudine, non modo corporeæ temperaturæ, sed corporatæ temperaturæ primalitatum, quæ tamen excedat rei tactæ perfectionem parumper. Vnde videmus non modo magnetem, sed etiam chalybem trahere ferrum. Item ferrum antiquum bene purgatum fieri quasi argenteum: ferrumque trahere commune, quod Ficinus non expertus, negat similitudinis rationem. Et quidem non sufficit, nisi addas sympathiam, & antipathiam primalitatum, & gradum perfectionis. Nec quidem ab vrsa, ut opinatur, sed à sua naturali complexione. Quod in myrobalanis inuentutem conciliantibus palam est, quæ inuentutem seruant, acuunt sensum, memoriamque iuuant. Aromatica enim virtus spiritus attenuat perficitque exinde sensum, memoriamque ex eo, quod spiritum acutum, & solidiusculum simul generat, stypticitasque eiustabem, & corruptionem, quæ ex laxatione subiecti per calorem auctum fit, prohibet. Helleborus quoque inuentutem conciliat, purgando per symbolum corruptibiles, vetustosque humores, molliendoque corporis partes, ut sint nutrimento aptiores: quod etiam venena cuncta correctæ efficiunt: nam & antimonium, & arsenicum pallidum emolliunt ipsum quoque chalybem, cui fuso per ignem redacta in puluerem infunduntur: & cum horum effectus stellis imperitè tribuatur, inuestigandæ rationis studium euanesceat.

4 At illud mirabile est, quomodo in lapillis tam mirificæ insunt virtutes: si enim alestorius præstat audaciâ, propterea quod ex audacis galli corpore educitur: profecto omnia genita in animalium capitibus, aut ventribus retinebunt proprietates suorum animalium. Item quæcunque cum Sole conueniunt, aut Luna, virtutem Solis, aut Lunæ. Similiter de cæteris sic dicere oportebit. At nemo dubitet sic rem se habere, quando videmus clauum superpositum natantifuberi, ad illum conuertisum, in quo à fabro factus est: sic magnetem suam positionem ad polos seruare, & cadauera in mari natantia faciem conuertere ad cælum, ad quem situm in vulua materna formata iacuerunt: & occisum coram occifore sanguinem in eundem quasi irascentiâ emittere: & pelles agninas in tympano tensas ad sonitum pellicis lupinæ: similiter chordas de vtrorumque intestinis fabricas



tas discordare, & disrumpi agninas. Serpentemque etiam occisum ab umbra fraxini recedere. Has autem virtutes si quis in stellis, aut in dæmonibus solummodo ponit, totam eorum naturam euertit. Dicerem enim nec ignem calefacere, sed stellam, vel dæmonem per ignem. Quapropter non est dubitandum, quomodo sensus & affectus, & potestas perdurent in rebus: & agere in se inuicem variis modis, ac per elementares facultates: qui enim præliatur, non modo præliatur quia calidus est, ossæus, carneusque, & spiritu plenus, sed quia cognoscit hostem, & vult illum occidere. Ergo in alestorio sensus ille viuax galli communicatur sensui præliatoris, similiter affectus: ita quod vehementior redditur ad pugnam. De modo communicationis soluta est dubitatio, cum videas magnetis vim parietes penetrare: & lucem non modo ærem, & aquam, sed etiam durissimum crystallum æquè facile: quanto magis vis primalitatum? Ergo vis illa mirificè corallorum contra febres, & topazij, hyacinthi, & smaragdi contra venena, & lapidis bezoar contra pestilentes, & morbiferas agritudines penetrat in nos facilius, quàm lux terram. Nec quia solidæ sunt consistentiæ carebunt viribus, cum primalitates in eis fortè melius, & tenacius in illis dispositæ sint. Manifestum est autem quod virtus in illis sit, & non à cælo, aut dæmone assistente: quoniam si calefiunt à carne nostra, facilius communicant nobis virtutem: sicuti succinum confricatum paleas promptius attrahit.

*Ratio communicationis  
per consensum  
& dissensum  
particularium  
in vniuersali.*

Sensus ergo rerum per quandam sympathiam, & antipathiam fit in sensu communi facta communicatione: videmus enim apes à longè flores cognoscere, & olere, nobis ignotos: formicasque quæ ad suam conferunt vitam à longè. nosse: vultures ad prælia odoratu, occulto nobis, trahere equos odorari bellum, & positos in insidiis: ignotos nobis: canes olfactu prosequi feras per miliaria itineris: & vnumquodque ea tantum sagaciter cognoscere, ad quæ affici ob sui salutem secundum naturam debet. Igitur in sensu rerum communi toti mundo, communicant sensus particulares: sicuti in luce Solis omnium animalium oculi: attrahunt alia ad alias res sensu ferri affectuque duci. Quæ enim videt aranea, & præuidet formica, & prospectat aquila, nobis, & aliis in eadem luce Solis latent: multoque magis vespertilionibus; quoniam corporatio primalitatum in nobis aliam habet architecturam, atque in illis: & ubi conformantur ad aliquid, statim illud representant.



præsentatur in eis. Quemadmodum enim fidicula citharæ non reboat ad alterius pulsum, nisi æquè prorsus tendatur, & sit æqualis: neque Sol in opacis repræsentatur, nisi transpicua fiant: vbi autem transpicuum Soli opponitur, statim Solem recipit introrsum: & vbi fidicula par, statim compar resonat, & non aliæ. Sic est in sensu rerum cunctarum, & pariter in intellectibus, ut Plato animaduertit. Et S. Augustinus rectè dixit: Ego video hanc veritatem, & tu vides eandem per intellectum: non tu in me, nec ego in te; ergo in communi intellectu, qui est Deus, vel in aliqua manatione ab illo: sicuti ego, & tu videmus hunc lapidem in luce Solis, quæ defert ipsum, & meis & tuis oculis idem, sed pro oculorum forma: aliter enim eadem res videtur pisci fortasse, & homini, & aquilæ, & formicæ: sicuti idem sapor nobis amarus, capris est dulcis.

6 Ex his concludere licet, quas ob res aliæ medicinæ pectori: *Ratio particularium medicinarum virium ad partes corporis:* aliæ capiti, conferunt, aliæ stomacho, aliæ epari, vel nocent, vbi qualitas elementaris non sufficit. Sympathia enim, & antipathia est in elementaribus, sed non habent vim, nisi quatenus ex primariis constituantur: nec modò inter se, sed etiam cum stellis, & cum rerum vniuersitate idem fortiuntur: propterea enim aliæ cum Sole gyran, aliæ cum Luna, aliæ cum Saturno, quoniam effectus stellarum apud nos conformis est magis huic, quàm illi rei. Vnde hæc sequitur hanc stellam, illa aliam, similiter situs. Magnetis enim altera pars arcticum terræ polum, altera antarcticum spectat. Sunt qui idem in adamante experti sunt. Puto etiam eos lapides, qui ad orientem nascendo spectant, ad ortum super subere natante positos respicere, seque conuertere: similiterque alios ad alias cæli plagas, & mundi.

Qui verò nascuntur cum alicuius sideris impressione, sicut *Ratio caliditatem cum inferioribus.* Plinius memorat de stellato lapide, qui Pleiadas dispositione, & numero impressas habet: & de lapide, qui Lunam, & imitatur Lunæ instar, mox unque eius aceto perfusus imitatur. Similiter de cæteris, procul dubio sympathiam habent cum cælestibus, & nobis indicant vultus rerum inferiorum superioribus subiacent: non quod canis, & aries, & leo, sit in cælo: sed quod sidera dispositi ne, & ordine referunt leonem: & talem in terra demittunt calorem, qui leonis temperamento faueat, sicuti in Astrologicis probauimus. Neque enim ob memoriam tantum tales figuræ



stellis tributæ sunt ante Moysis tempora, qui omnes scriptores tempore antecedit, proximior vniuersali diluuiio: meminitque in Iob historia Arcturi, Orionis, Hyadumque, quasi notissimarum rerum: sed quoniam patres sæculi humani à Deo sic didicerunt, vt Plato cogitat, & Iosephus & Philo narrant: vnde longissimam viuebant vitam per Astrologiam, & magiam physicam, quarum scientiarum verbositas tantum, & sæx ad nostræ tempora peruenerunt: vnde abominabiles factæ sunt etiam bonis ob prauorum abusum. Ergo verum est fauentis sideris statum super hominis, aut rei illi subiectæ statum indicare: & res cunctas à certis affici sideribus, sicuti heliotropium à Sole. Sed quoniam multæ concurrunt, & omnes ad hominis temperiem, non potest ad vnum conuerti homo, sicut Endimion ad Lunam; quam credo potentissimam in eius natalitio, & vnā quasi ex cunctorum siderum radiatione ad ipsam. Idcirco ad Lunæ motus, & passionēs spectandas dispositum tantum temporis in hoc transgisse studio: sicut & lunaris suo pro modulo herba facit.

*Inquirendas esse medicinalium simplicium virtutes proficuas, noxiasque ex decem rerum categoriis generaliter. Ac speciatim traduntur quinque regulæ, quibus qualibet res suo quæque membro, aut humori apta est, vel inepta per sympathiam, & antipathiam.*

## CAPVT II.

## ARTIC. I.

*Medicina  
simplex, &  
composita,  
componuntur  
quinque de  
causis.*

**Q**uoniam quædam medicinæ simplices sunt, prout à natura offeruntur, vt herba, lapillus, minerale, succus; quædā vero compositæ. Componuntur enim vel quò altera alterius vires roborēt: vel quò patiens membrum à medicina confortet: vel quò pluribus simul morbis, aut causis morbi, aut affectis locis subueniat, vt suo in loco declarabimus. Propterea cognoscendarum medicinarum regulæ ex iam dictis patefaciendæ remanent.

*Vnde cognoscuntur simplicium medicinarum vis, ingenium, operatio, &c.*

**2** Cognoscuntur medicinæ simplices, utrū sint calidæ, frigidæ, subtiliatiuæ, incrassatiuæ, ex primis categoriis: & cui membro conferant; videlicet, à causa agente, materiali, formali, ideali, & à passionibus horum, propriisque consecutionibus. Materialis affectio est magnitudo, & numerus, & eæ, quæ mediant inter numerum, & vnitatem, passionēs, vt densitas, lentor, mollities, viscositas, lubricositas, liquor, & tenuitas. Passionēs, & sequelæ

princi



principij formalis, sunt figura, & figuratio. Agentis causæ actio, quæ fit per qualitates tangibiles, & per odorem, & saporem. Item passio perditiva, & vnita materiæ, additur acquisitiua. Cognoscimus enim virtutem rei ab eo quod perdit patiendo ab aliis rebus, & quod acquirit. Item ex agente, & forma sequitur actus, qui est motus, vel quies: & ex agente, & materia facies mista, qui est color. Ex his demum resultat similitudo rerum ad res: & oppositio significans, quomodo naturæ conueniant, pugnentque inuicem.

3 Vbi omnia ista concurrunt, certitudo demonstratiua habetur; quod talis medicina tali morbo confert; vbi quædam, non nisi ex parte. *Regula prima ex omnibus.*

4 Omnis herba, aut lapillus, aut metallum, aut fructus, habens similitudinem alicuius membri humani, in figura, & colore, & consistentia simul, procul dubio confert illi membro, & ducit medicinas ad illud. Vnde malum citrium cordi, cui in figura, & consistentia, aliquatenus simile est; proficit valde: quod si etiam in calore assimilaretur, eò magis prodesset. Cucurbita capiti, quoniam os, & medullam habet consimilem, non potest nocere, prodesse autem sic, tam in nutrimentum, quàm in medellam. Sic dentaria dentibus, iccoraria iccori, testicularia testibus. Et quamuis cucumeres frigidi veretro obsint ad coitum, non tamen ad medellam: nam sola figura opitulatur, & fungositas: non autem temperies: hæc non inrudite Porta in Phytogn. prosequitur.

5 Omnis simplex medicina, quæ cum aliqua stella cognationem habet, & ad illius motum mouetur, confert humoribus illi stellæ subiectis, & membris humanis, symbolum habentibus: dissimilibusque nocet: ergo lunaria lunaticis hominibus, & cerebro, & vuluæ, & pituitæ naturali. Itemque morbis à Luna exortis, vel specificatis, de quibus dictum est in Astrologicis. Heliotropia solaribus: Saturnina saturninis: nec vlla res est apud nos, quæ consensum cum aliqua cælesti non habeat, licet lateat in tanta stellarum multitudine. *Regula tertia ex sym-  
pat. & antipathia cum stellis.*

Præterea compositio ex virtutibus plurium stellarum, confusioque, tollit inclinationem ad vnā certamque stellam: licet in aliquibus adeò sit valens stella, vt non sinat latere subiectæ sibi rei consensum: sicut in heliotropio, & felinite, & sandastro, aliisque multis, quæ stellarum figuras, ac situm habent, & quod mirum



mirum est, faciem humanam, vel taurinam, vel aquilinam; quarum Albertus, & alij testes sunt: vt impudentia sit ista negare: sicuti de herba, quæ per quindecim crescentis Lunæ dies augetur folio quotidie vno; & per quindenae decrescentis pariter minuitur. Et de Indico animali, quod colores quotidie mutat vsque ad quintum decimum, ac eodem ordine remutat; vt Oceani fluctuatio Britannici.

*Regula  
quarta ex  
similitudine  
membrorum  
animalium,  
plantarum,  
& hominis.*

6 Membra animalium conferre membris humanis consimilibus, dubium non est; vt iecur porci iecori humano, lienem lieni, ossis medullam, ossi, &c. Similiter & fructus arborum: nam castanea, & glans ossibus, & neruis: pineæ, & oua, semini: mora sanguini. Cum ergo augendum, da consimile: cum minuendum, oppositum.

*Regula  
quinta ex  
ex similitu-  
dine secun-  
daria, &  
quando in-  
uat, & qui  
nocet.*

7 Omnes res quarum decoctio, & infusio, & ipsarum color, magis autem si & consistentia, similis est alicui corporis nostri humori, apta est ad euacuandum illum per attractionem, & augendum per incorporationem. Quapropter buglossæ, & melissæ decoctio similis aquæ in pericardio, confert cordi refrigerando, & fouendo, vt illa aqua: rhabarbarum verò, croceum, & graueolens, sicut flaua bilis, purgat eam attractione: quod si incorporetur, & vincatur antequam trahat, efficitur nobis venenum augendo bilem; multoque magis helleborus, cuius fætor omnes fætores humorum prauorum repræsentat: idcirco omnes ad se trahit expellendos, quod cum non facit, occidit eos augendo, iuuandoque contra naturæ vires.

*Regula sexta  
agnoscendi  
medicamen-  
tum alterum  
ex altero.*

8 Omnes simplices inter se amicæ medicinæ ad eundem effectum conferunt; vt acetum, & omphacium: cucurbita, & aqua, quæ leniunt, & frigefaciunt, sicut illa incidunt, & stringunt. Similiter olea, & myrtus ob mutuam sympathiam aliquid simile in nobis faciunt. Quæ vero inimicæ sunt per antipathiam naturæ, contrarios pariunt effectus, vt cucurbita, & olea: illa enim frigefacit, hæc calefacit. Item brassica, & vitis: hæc inebriat, illa ebrietatem sedat. Mustela, & basiliscus, quæ inter se pugnant: vnde contra venenum huius illa valere probatur.

*Correctio.*

Hæc autem vera sunt de effectibus adæquatis, & egredientibus ex eis qualitatibus, in quibus est antipathia, & sympathia. Non enim omnis res semper secundum totam substantiam contrariatur suæ contrariæ: aliquando etiam altera amat, & accurrit, vt ferrum: sed non idem mutuo facit magnes.



Notitia mirabilis omnium medicinarum in suo gradu, calefactionis, frigefactionis, exsiccationis, humectationis, euacuationis, & aliarum operationum, ex sapore & odore.

## ARTIC. II.

**1** Enumerauimus caloris simplicis gradus paulò ante ab effectibus septem notis in eadem materia: nunc autem in saporibus eos dignoscimus, quatenus sunt calores cum mole sua certis caloris gradibus concinnata, agentes in corpus humanum. Deinde idem ex odoribus, qui iidem calores sunt, sed cum sua materia tenuiori sese nobis communicantibus: porrò autem ex coloribus, qui caloris sunt facies, à materiali causa foedatæ.

*Quid sapor,  
quid odor,  
quid color.*

**2** Calor medicinalium non agit vt calor, sed vt corporatus, ergo vt sapor, & odor: sapor enim est calor agens cum mole trita: odor cum mole attenuata; si enim vt calor, non attraheret choleram, sed attenuaret; nec indigeremus medicinis, sed igne, & glacie.

*Calor medicinalium agit cum mole subiecta.*

**3** Agit etiam medicinalis calor, vt primalitatibus affectus: alioquin non traheret, neque fugaret humores, spiritusque noxios: idcirco rectissimè gradus eius per sapores, & odores notamus, & per attractiones, expulsionisque; quod veteribus ignotum fuit: hoc autem maximè in tractatu de venenis patebit, & in libro de sensu rerum. Antimonium quoque declarat solo odore omnes humores concitans, accersensque foras; & spiritum ad eos pellendum simul mouens, ipse prius exiens tanquam ab inimico corpore, & trahens post se, sibi amicas solum res.

*Et vt affectus primalitatibus.*

*Antimonij ratio medicinalis.*

**4** Omnis res insipida est minus calida, quam corpus humanum, ideòque eius calor non valenter immutat linguæ calorem, & dispositionem: & hæc omnia infrigidandi habent potestatem, vt cucurbita, cucumer, albumen oui, aqua fontana, herbæque plurimæ: infrigidant autem respectiuè, & expansiuè, sicut supra docuimus. Et quemadmodum sapor istarum latet, ita & odor: sentitur quædam dilatatio insulsa à cucurbita in lingua, sed quæ ob modicitatem insipidè sensum faciat: sic & odor cucurbitæ sentitur; sed quasi sequens, & qui non mordeat, sed madidum reddat absque spiritu: proptereaque

*Qui calor insipidorum, & ardor, in se frigidus ad nos.*



ista omnia absque sale mandi non possunt. Color autem albidus modici caloris est nuncius in materia laxa, lentaque. Omnis ergo res insipida, inodora, & lenta mollisque materie, frigida vocanda est in Medicina: non autem si materie duræ est, ex qua sapor egredi nequeat, ut lapis, quorum multi calidi contrusione agnoscuntur.

*De stypticis.* 5 Post insipidum sequitur sapor stypticus obtusus, qualis in fructibus à principio suæ formationis. Stypticitas aduenit calori ex suæ molis copia inconcocta indigestaque: quapropter linguam constipat subiens poros, & quasi panniculum facit: & nihil styptica pungunt: & hæc omnia habent vim astringendi ex materie quasi floccis minutis, incoctisque, subeuntibus poros: & infrigidandi, quoniam calor noster in illa effusus minuitur: sed minus infrigidant, quam res insipidæ nam aliqualis calor est in styptico forbo, & mespilo, ante acoris aduentum. Huiusmodi saporem habent cortices castanearum, cupulæ glandium, terra sigillata, cortex vuæ exsiccatus, licet paulò acutior.

*De ponticis.* 6 Res ponticæ sequuntur cum secundo caloris temperati gradu, quæ linguam pungunt, & simul constipant: sed minus quam stypticæ iam dictæ: hoc patet in prunis, & agresta; quæ amplius à Sole concocta ex stypticis fiunt pontica. Talem saporem obtinent vitis sarmentum tenerum, aliter turiones seu capreoli; brassica siluestris, rosmarinus; & foliorum multorum solet esse proprius. Hoc autem utemur, quando volumus longè à stomacho constipare: ponticitatis enim acumen penetrationem præbet: materieque incoctio obstructionem, & adstrictionem.

*De acidis.* 7 Res ponticæ multæ à Sole amplius digestæ fiunt acidæ, ut patet in agresta, & pruno iam perfectè formato, & in aceto, & acetosella, aliisque in multis, in quibus potentioris caloris gradus inest, & materie iam acuminatæ copia: non quia atomi ordinem alium acceperunt, ut placet Democrito: sed quia attenuata est coctione: nihilominus vocantur adhuc frigida in Medicina, non ex eo quod frigoris sensum efficiunt, sed ut antea diximus educatione caloris, & per accidens. Dum enim suo acumine materiam stomachi, & fibras aperiunt; exhalat calor per apertiones, partesque crassæ illis elabentibus constringuntur: idcirco acida frigefactiva in potiori gradu reputantur, & constrictiva.



Sunt etiam abstersiua, nam materias viscosas, limosasque incidunt, rodunt, & euacuationi præparant. Sic qui diu acetosa non gullauit, scater phlegmatibus crassis, viscosisque, & aceti, cepæve potu purgatur; vt ego soleo. Cepam igitur inter acetosa reponimus, similiter & porrum, & allium, sed in crassiori consistencia, & copiosiori spiritali portione. Idcirco ipforum sapor potius ardens, quàm acetosus nominatur. Contra phlegma pugnant tamen omnia; sed acetosa etiam cholerae aduersantur, ardentia fauent: illa enim incidunt, & resoluunt calorem cholerae, materiæque dissipant, eius amaritudinem incidendo, & minuendo: ardentia verò calorem cholerae augent, & amaritudini addunt ob symbolum: ad amarum enim vergunt, & materiæ crassioris sunt, & copia abundant, & crasso: nulla enim entia crassa acetosa sunt. Ad acetosa reducitur citriorum, & arantiorum, & limonum medulla, præfatis operationibus valde proficua: infrigidant enim, sicut acetum; & non calefaciunt, sicut cepa, vnde & cholerae aduersantur. Odor acetosus eiusdem est virtutis, & contra pestilentem aërem pugnat, eius crassitiem incidendo, venenum resoluendo: & temperiem, cuius est per dissolutionem suæ formalitatis mori. Acetosa sternutationem prouocant, spiritum pungendo, & flatum dissipando, quo solet grauari spiritus in capite: suntque mirificæ huius saporis, & odoris virtutes.

8 Amplius coctæ non assatione, neque elixatione, sed media *De dulcedi-*  
*nibus.* ratione à Sole acetosæ res dulcescunt: vt in vua experimur, & pomis, & prunis; quoniam illa pars acuta exhalat, & reliquæ ad consistentiam puriorem, nobis consimiliorem, perducuntur. At calor temperatior sit amissis aculeis: & propterea res dulces exsiccant humiditatem abstersione remissa: & humectant ariditatem sua blanda intrusione: & calefaciunt frigidas partes suo calore blando: & frigefaciunt calidas, minuendo robur caloris per expansionem, non autem copia. Hoc & cepa declarat, quæ cocta ardorem perdit, & dulcescit: & has omnes operationes in corpore nostro facit, nec amplius bilem auget, sed minuit: similiter allium, & porrum elixata, & omnes acidi, nondum maturi, fructus. At verò non sunt dulcia aperitiua propter materiæ temperaturam moderatam, ab acumine prolapsam in obtusitatem: ideoque existimantur oppilatiua omnia, præter vnam passam, in qua acor non omnis exhalauit. Mirificam tamen



mixturam faciunt dulcia acidis, vt oxymel, & oxyfaccharum, & scylla saccharo condita, declarant, ad penetrandum, incidendum, abstergendum, aperiendum, subtiliandum, & expuendum, valde idonea. Qui scit his vti, parum indiget medicinis. Dulcedo oleaginosâ, qualis in manna, purgat etiam leniendo; & tribuitur Veneri. Dulcedo quasi insipida, austeraque, vt in vnedonibus, est mercurialis, & vomitum producit. Dulcedo subtilis paululum stypticitatis habens, & acuminis, quæ datur Ioui, optima est; qualis in pineis, pistaciis, ouorum vitellis, carnibus vitulinis, phasianorum, perdicum, & in vino quodam Foro-Julienfi, & in saccharo candido, cæterisque similibus; quæ ad nutritionem, non ad medellam, sicuti iam dicta, conferunt. Nutritur enim corpus humanum dulcibus: triticum enim, & aqua dulcia sunt, sed spiritus postea, ait Auicenna, quadam aromaticitate, quæ in dulcibus huiusmodi, non nauseabundis sentitur.

*De amaris, & vinctuosis.* 9 Dulcia, si nimis assantur, fiunt amara: & ex eorum meliori, & tenuiori portione fiunt vinctuosa: vnde ex oliua, quatenus dulci in sua tenuitate, oleum educitur: quatenus crassa, vstaque, ex partibus impuris educitur amurca amarissima: ipsumque mel, si transpirant partes puriores, amarescit. Similiter & mala appia dulcissima, repente dum fracescunt, fiunt amarissima. Amaritudo enim, & dulcedo non sunt extremi sapores, vt contra Aristot. probauimus: ergo à bile febricitantibus dulcia auferto, ne in bilem amaram accendibilem subito conuertantur. Acida verò dabis, non autem ardentia, nisi coxeris antè. At pituitosis febribus dulcia conferunt; gradus enim caloris robustior est in amaris: propterea eo aucto dulcia amarescunt; & quemadmodum dulcia, vel gradus inter eos, vel mistura, aperiunt: amara è contra astringunt. & efugit enim spiritus amaritudinem, seseque abdit, stringitque molem, quam inhabitat: attamen habet vim purgatiuam, partim attractione, qua bilem ad se alliecit; partim abominatione, qua spiritus contra res amaras accingitur, educitque, sicut natura consuluit, quando per bilis in intestina exonerationem, stimulum spiritui ad fæces educendas præbuit. Sed quædam sunt amara non graueolentia, bene digesta, coctaque, qualis cichorea, rosa, carduus; & omnia quæ materiam laxam habent, & non acutum, nec nauseatiuum odorem: & hæc non sunt apta purgationi, quoniam natura contra ea non pugnat: immò vtitur ad ventriculi calefactionem, & hepatis



& hepatis purgationem : habent enim vim laxandi duritiem , ac proinde flammulam educendi , ac secum bilem extrahendi , & cor latificandi, si tamen sunt laxioris consistentiæ. Carduus enim crassior ventriculo, & intestinis, magis succurrit, & horum amaritudo solaris est.

Alia sunt ex indigestione amara', vt fructus in principio formationis , & horum vis saturnina reputatur , & noxia etiam stomacho.

Tandem alia reperitur amaritudo in materia bene viſta , ſed craſſa , & graueolente, ac ſimul acure. Acumen à nimio calore eſt: grauitas à craſſitie : abominium à toto temperamento: & talis reperitur in rhabarbaro, centaurea, helleboro, colocynthide, & aſſa foetida. Et quamuis colocynthis ſit ſpongioſæ laxæque materiæ, cuius tamen calor adeò potens eſt, materiæque quaſi aduſta , vt aggrauet ſpiritum , totique corpori ſit infeſta. Hinc illa ſpiritus anxietas, grauedo, & fuga, & ſtatim deliberatio educendi humores ad ventriculum , talibus venenosis rebus attractos. Propterea que viæ prius per minoratiuas medicinas ſternuntur: mox humores per ſyrupos digeruntur, & accerſuntur: & tandem per laxatiuas has amaras , foetidæſque res attrahuntur facilius, & ſpiritus conatu excernuntur.

Harum amaritudinum ſunt plures ſpecies : quæ enim in lilio trahens humores citrinos , & phlegmaticos , & cholicos, graueolens eſt , & cum dulcedine naſeoſa. Et proſectò nulla purgat medicina niſi amara, & naſeoſa : Antimonium vero præparatum ſua paucitate , & conſtipatione regit illam : ſed non expers : Manna dulce , ſed quoniam dulcedo proxima amaritudini, præſertim naſeoſa, idcirco purgat ; ſed non adeo, quòd helleborum adæquet ad dimidium. Omnes graues odores vomitum prouocare nouimus: quoniam ſpiritus vt eos ex cellat, etiam humores expellit. Propterea que ſi ſumantur ſupernè, aut infernè , quæ ſic odorantia ſunt , prouocant magis. Eſt tandem quædam amaritudo ſolaris modica, in ſtyptica materia, optimè concocta , & ad temperiem reducta, cuius ſtypticitas non ex indigestione oritur, vt primo ordine poſita : ſed ex materiæ benè coctæ, expurgatæque firmitate , qualis in myrto reperitur , & in thure, & in pipere ex parte, & in ſalluginosis rebus : & hæc roborat stomachum, & vires, nec naſeam prouocat : quoniam eius ſpiritus tenuiſſimus ex ſicca materia elabatur, non ex ſucculenta : qualis



in asla, & centaurea: potius autem acuit spiritus, expurgat caput. Sed si nimis assumatur, exurit stomachum, & iecur, sicut facit piper: sed tamen myrtus, & myrobalanus, quibus inest aliqua tenuis dulcis humiditas temperans amaritudinem, quemadmodum & in marathro siluestri experimur, & in salvia, & rosmarino, non vrunt, sed confortant.

*De falsis.*

10 Siquidem amara amplius concocta res accipiunt saporem acrem, qualis in pipere, caryophyllo, cinamomo: & tandem falsum. Sal enim extremus est sapor, insipido oppositus. Manifestum est autem quoniam piper falsum reddit linguam magis assumptum, & mare falsum amarumque est, ut species amaritudinis concocta, & arefacta videri possint acedo, & salsedo, quae non prouocant nauscam, sed confortant sua acutie: nec dilatant, sed stringunt: prius autem dilatando, & resoluendo res aliasque humiditates: proptereaque rheumaticis conueniunt, humidisque: siccis enim hecticam conciliant. Sal tamen phlegma purgandi, si diu gustatum non fuerit, postea per incisionem vim habet, quod mihi carenti sale per quinque dies, postea plus summenti quam par erat, accidit semel, & bis. Habent ergo hi sapor acumen acetosorum, stypticitatem amarorum, vimque omnes saporis condiendi, manifestandique. Cum enim sint supremi in gradu caloris, omnium rerum nobis applicabilium calores suscitant, & augent, & venenosam partem acumine dissipant, & crassitiem dissoluunt: ut bene ex communi consensu totum genus humanum non absque sale, & aromaticis, quicquam sibi componere consuluerit. Salisque natura ad Solem bene refertur: absque quo nullus sapor, sicut nec absque Sole color, & lux. Odores emittunt falsos, & acres, similes saporibus: semper enim sese ista consequuntur: & licet in lilio suavis videatur, tamen multus est fastidio, non secus ac eius succus pro rata suae naturae tenuioris.

*De vinctuosis.*

11 Vinctuosus sapor proprius est rerum pinguium: pinguedo autem non videtur propria esse alicuius rei, sed pars tenuis aërea, suo amplexu tenax, & id quod dicunt humidum radicale in plantis, & animalibus, unde nutritur calor naturalis: qui se habet ad tale humidum, sicuti Sol ad Lunam. Mihi tamen calor nutriri non videtur, sed spiritus calidus, qui caloris vi agit in humidum. Calor tamen amplificatur, & augetur diffusiua sua virtute, non autem nutritur, cum res incorporea sit: similiter & lux eius facies:



cies. Omnis autem pinguedo dulcis est : sed quædam insuavis , *Species vn-*  
qualis in adipe porcino, & oleo, ob humidæ aquei copiam, & par-  
*tuosorum.*  
tium æqualitatem nihil acuminis habentem. Quapropter dila-  
tat linguam, & stomachi fibras, prouocatque vomitum : pro-  
ptereaque sale, & salsamentis in cibo miscentur, rebusque a-  
stringentibus talem dilatationem : amantque homines raræ tex-  
turæ, plus aceti, quam olei, in cibo ex eis misto : densæ plus olei, vt  
apertio, & nutritio ad medium veniat. Cum ergo venena vo-  
mere, aut res noxias cupimus, hoc vnctuosorum genere vtæn-  
dum est.

Sunt olea vnctuosan non adeo dilatantia, quoniam sunt à robu-  
stiori calore attenuata, conflataque, vt oleum ex amygdalis, &  
nucibus, frumento, aliisque feminibus extractum. Omnia enim  
feminaradicali humido, & calore abundant : quorum vno per-  
dito, vis germinandi perditur, sexusque. Apra ista ad penetran-  
dum, & deferendas medicinas applicatas in corporis penetralia.  
Idcirco nullum fit vnguentum, aut emplastrum absque oleagi-  
noso genere.

Sunt tertij generis vnctuositates minus aëriæ, & viscosiores :  
qualis resina ex piceis, & terebintho, & lentisco, & pineis, cate-  
risque arboribus oleaginosis : & gummis non oleaginosorum  
respondent. Valentque ad applicanda pharmaca ad penetran-  
dum, ad maturandum, ad consolidandum, & constringendum  
leniter ob viscositatem. Gummi verò non oleaginosorum, sed  
præcipuè acidorum, vt arantij, pruni, amygdalæ, valent ad com-  
pingendum, & frigefaciendum potius, cum non ex vnctuosa, sed  
aquosa, & acuta excrementitia viscositate ortum cūcant : vnde  
nec supernatant in aquis, vt oleaginosæ. Oleum autem purum,  
supernatando cunctis liquoribus, sese aëreæ pandit naturæ. Atta-  
men probauimus aquam vitæ perfectissimam super oleum nata-  
re, quoniam tenuior, calidiórque simul est : & sicut oleum ex o-  
leaginosis, sic aqua vitæ ex vinosis educitur rebus. Ex acinis ta-  
men vix, oleum austerum educitur, constrictiuum plusquam di-  
latatiuum : stypticitatem enim à materia habet, dilatationem ab  
humido radicali. Ex marathro etiam aqua tenuissima extrahi-  
tur, bona oculis abstergendis serpentum monitu : non tamen o-  
leum, nisi ex feminibus marathri. Vt intelligamus radicem spi-  
ritus esse vnctuositatem, quam purgare ab aquea, & terrea, ex-  
que spirituosus fouere rebus enitatur ad tuendam fouendam-  
que



*Qua pinguis  
brevis, &  
que longioris  
vitæ.*

que vite lampadem. Quibus in animalibus multainest pinguedo, radicalisque humor, eam ad cutim ex carnis fibris exprimunt, vel ad interiora corporis, & exteriora intestinorum, vt non indurescant, nec frangantur; nec propterea ista sunt longioris vitæ: quoniam ipsorum oleum suffocat calorem, non nutrit: primumque est vnitum carni ad putrefactionem: quoniam in se a-quositate habet. Longioris vitæ sunt, qui humido tenui abundant, tantoque, quantum sufficit spiritui alendo, vt in lucerna; ne suffocare queat, nec putrescere libenter. Siquidem carnes pingues citius in æstate putrescunt, quam macræ. Qui autem nutriri ex macie citò volunt, pinguibus vtantur, sed tenuibus, qualis est oui pinguedo, pinearum, amygdalarum, gallinæ, non ex arte pinguefactæ. Auium pinguedo salubris, quoniam tenuis, elaboratæque, nec aquea existit, sed ærea: piscium haud item, nisi falsa. Ex amaris rebus educi oleum haud rectè potest, nisi admixtam habeant dulcedinem: vt amygdalæ amaræ, & lauri baccæ; quod expurgatum tenuius est, quam quod ex amaris educitur, non tamen eo, quod ex aromaticis.

*De aromati-  
ci.*

12 Est enim sapor aromaticus seorsum ab amaro, & dulci, & salso, & vnctuosus connumerandus, proprius rerum odorem habentium, tenuem, gratum, & confortantem subito spiritum: qualis myrrha, caryophyllum, cinamomum, balsamum, piper. Sed quidem multiplex est: alius enim acutior, vt caryophylli: alius ardentior, vt piperis: alius stypticior, vt cinamomi, quamuis omnibus insint istæ qualitates. Fructus autem arborum nostrarum, qui aromaticum habent saporem ex parte (nam non nisi à parallelo Arabiæ, vsque ad oppositum post Capricorni circulum ista aromaticitas fit à Sole potentissimo ex solida tellure) sunt optimi ad gustum & ad sanitatem: augent enim firmantque spiritum. Ex his educitur aqua perfectissima modica per alembicum, totius arboris virtutem continens: non autem oleum, nisi forsitan ex fructibus, nobis nondum expertis. Vincunt supremo caloris gradu aromata medicinas omnes, saltem copia: rhabarbarum enim robore, & copia, & crassitie: idcirco nos in se vertens abominabileque, vt mox palam certius fiet.

13 Quomodo sal, & aromata, & acetosa seruant res à putrefactione, educendo calorem relaxatiuum materiæ suo acumine: & reliquam materiam astringendo, & solidando sua styptica aromaticitate materiali, in 2. libro dictum est, & in 3.



De comparatione medicinalium in calefactione, & frigefactione, & ceteris operationibus argumentum ex colore, & consistentia, & transparentia, & opacitate, & passionibus.

ARTIC. III.

**1** EX coloribus quoque Medico philosophandum est, cum lux sit calor apparens, tenebræ verò apparentia frigoris: ex luce autem, & tenebris conflantur colores.

**2** Regulariter ergo secundum naturam totius, quæcunque sunt lucidiora, vel proxima luci, ut alba (albedo enim est lux demortua) ea sunt calidiora, ut Sol & ignis. Quæcunque verò tenebrosiora, ea frigidiora censenda sunt, ut nox, tellus, & opaca omnia.

*Regula prima: lucidiora calidiora per se.*

**3** Item quoniam calor materiam attenuat, relaxat, & ad calitenuitatem, ad eum quem potest gradum perducit: frigus vero stringit, densatque, & ad eum, quem potest crassitiei gradum trahit: omnia albiora, & lucidiora censenda sunt minus crassa, ergo tenuiora; opaciora verò, corpulentiora, ac densiora.

*Regula secunda: & tenuiora.*

**4** At quoniam calor quamcunque generatam tenuitatem sursum statim si potest eleuat, accidit è contra, ut quæ nigra sunt, magis sint calidiora per accidens, & robore, ut carbo calidior est niue, & palea: quoniam à multo calore correptus, eo cum tenuitate exhalante remansit calidus: nix autem à calore modico in vaporem versa albescit: sic quæcunque adusta à Sole calida sunt, ut Æthiopes calidiores Sarmatis.

*Exceptio.*

**5** Quoniam calor, & frigus apud nos in materia vnita, ac multa magis, plus vniuntur, sunt valentiora in crassis, quàm in tenuibus corporibus: ergo calidior aër crassus tenui, & aqua maris fontana, & vinum nigrum albo; quoniam in pluri materia maior, & vnitior calor.

*Regula tertia: in densiori materia plus & caloris, & frigoris habetur secundum robur.*

**6** Concedendum plerumque tamen quod in candidioribus, & laxioribus rebus copiosior calor, in nigrioribus, & crassioribus robustior: hoc autem dico cum sunt eiusdem speciei, ut in vino rubro robustior calor, quam in albo vino, non autem quam in calce alba. Similiter in saccharo albo copiosior calor, quam in roseo saccharo, non autem quàm in roseo pipere Indico.

*Calor copiosior in candidioribus, & laxioribus, non autem robustior, ac sub eadem specie.*

**7** Similiter etiam quæcunque albiora secundum naturam,

*Albiora pauciora.*



sunt puriora, & tenuiora opacis eiusdem speciei, vt marmor purius, & minus crassum est piperino, & filice. Et aurum albius, purius est auro rubeo, & tenuius: in hoc ergo mistio aris, esse potest. Similiter argentum, albius, purius, & tenuius minus albo: in quo alia causa puritatis minor inhæsit.

*Regula 3.*

8 Omnia transpiscua puriora sunt non transpiscuis absque controuersia.

*Regula 4.*

*cum except.*

9 Omnia transpiscua calidiora sunt non transpiscuis: verum est secundum originem, non semper secundum permanentiam: transpiscuitas enim fit à calore, liquefaciente, & attenuante materias, vincente crassitiem, & opacitatem. At si eiusmodi materiæ indurescunt, vt vitrum, & adamas, & crystallum, abscessu caloris indurescunt: idcirco sunt reliquo calore blando vix comprehensibili præditæ: acutissimo tamen, & penetrante sine damno penetrati, qualis est vis magnetis, & fulminis corticem oui absque læsione pertranseuntis. Vnde virtutes lapidum pretiosorum occultæ sunt, quia non cum materiæ effusione agunt: arborum verò manifestæ, quoniam euaporationibus, succo, & emissionibus manifestis operantur. Metallorum vires potentiores, vehementiores, & permanentiores herbaceis: lapidum verò permanentiores, & puriores metallicis. Opaca verò sunt minus calida ex origine, sed tamen plus caloris manifesti continent. Vnde vitrum, quod ex cinere liquefacto fit, videtur minus calidum cinere, si linguæ apponatur. Cinis quoque minus calidus carbone ex quo fit. Dico robore, non copia: nihilominus vbi maiorem actionem facit calor, ibi calor vel occultus virtuosior. Si verò transpiscua non indurescunt, vt aqua, & sal, qui modicè concrefcit: quo tenuiora, eo imbecilliorum calorem obtinent, vt aqua fontana: quo crassiora, eo maiorem, vt aqua marina, & herbarum succi, & vinum.

*Regula 5.*

10 Quæcumque facile frigescent, facileque incalescent, nec retinent calorem, aut frigus, eo tenuiora sunt, vt aër, & aqua topi: quæ vero non facile ita afficiuntur, ea retinent calorem, & frigus diu, & sunt crassiora: vt aqua marina, ferrum, lapis, tam in eadem, quam in diuersis speciebus.

*Regula 6.*

*cum except.*

11 Transpiscua omnia tam liquores, quam lapides sunt ab origine alba; quæ enim calor peruicit, alba reddidit: sed quæ nigra videntur, & aliter colorata, alicuius rei admistione taliter facta sunt. Igitur pyropus, topazius, sapphyrus, vinū, oleū, sunt alba à

*natura:*



natura : sed liquoris , aut materiæ additione colorantur , vt in Phys. dictum est. Vinum enim ex vua nigra propter materiam tale factum est, non ex liquoris natura : sic si coquatur vinum album, nigrescit : quia crassities materiæ exhalante tenuitate alba magis detegitur. Quapropter omnes liquores per sublimationem in alembico albescunt : quoniam crassities , & impuritas in fundo remanent, non tamen omnia opaca nigra, nisi ea, quæ calor non nigrefacit.

12 Quæ calor indurauit, etiam suo abscessu, sunt calidiora induratis à frigore, vt vitrum, crystallo: at si caloris abscessu indurata mox frigore correpta perficiuntur in sua specie, frigidiora sunt induratis à frigore absque caloris abscessu ; ergo grando frigidior niue.

Regula 7.

Ex passione , & passibilitate argumentum de caliditate , & frigiditate medicinarum, & comparatio.

## ARTIC. IV.

1 **O**Mnia aridiora, ac sicciora habent calorem tenuem ac copiosum in eadem specie , vt Æthiops , & lignum aridum: succulentiora, & crassiora habent plus caloris crassi, & robusti, vt sarmenta, & lignum viride.

Siccitatis, &amp; succi calores.

2 Quæcunque facilius accenduntur, sunt calidiora, quam quæ difficilius in eadem specie : sunt etiam laxiora , & à calore penetrabiliora, vt lignum aridum viridi, & oleum tenue amurcoso. At in diuersis speciebus non item: sulphur enim facilius accenditur, quam piper, non tamen est calidius in medicinis, nec in sapore, licet sit in odore : & hoc inde fit , quod oleaginosum est sulphur, ex quo , & oleum extrahimus, & æquè siccum, ita vt calorem nisi accensum ostendere suum nequeat : piper verò ob minus siccam æqualiter materiam exhalat, & in lingua ardet, in igne accenditur: sed quia oleo caret, non faciliè, vt sulphur, & thus.

Ex accendibilitate quod argumentum caloris.

3 Caphura facilius accenditur, quia tenuitas cum calore multa, quæ in pipere est cum crassitie.

Ex præua passione.

4 Quæ plus passa sunt à calore diuturniori, & grandiori, sunt calidiora his , quæ passa sunt minus in eadem specie , vt granata Africana granatis Europæis. Contingit tamen in minus passis maior calor copia, non virtute : quoniam non exhalauit , vt in illis : sic carbo accensus calidior carbone extincto, incineratoque. Sed quæ passa sunt à frigore , plus semper frigidiora sunt mi-



nus passis, quoniam frigus nihil educit: potest tamen per accidens in frige factis calor vniri, & robustior fieri, non tamen per se, & secundum naturam. Vnde calidiores Galli Africanis per accidens. Africani verò per se; & isti acuto: illi crasso calore.

*Item de natura medicinalium ex locis, & temporibus argumentum.*

A R T. V.

*Argumentum  
ex locis.*

*Pennatorum  
varietas.*

*Aquati-  
lium.*

*Terrestrium.*

*De naturalibus  
et frigidis  
calidisque,  
& accidentaliter.*

**Q**Uæcunque in locis, & temporibus calidioribus nascuntur, sunt naturaliter calidiora, & leuiora, vt aues terrestribus, & marinis animalibus: idcirco earum carnes leuissimæ, & calidissimæ, hecticisque negantur: præsertim pennatorum, & altiùs ad æthera volantium: pennarum enim multitudo à caloris educentis copia, & robore excrementa, & substantialem humorem fiunt: vnde carnes magis exsiccantur: sicut in miluis, olibus, accipitribus, aquilis, & mōtanis auibus. Corpulentiora autem minus pennescunt, minus eleuantur, vt turdi, columbæ; & quæ carnibus non vescuntur, & quæ in vallibus degunt. Aquatica verò animalia, præsertim fluuialia, & stagnorum: sunt frigidiora secundum naturam: maritima sunt calidiora: terrestria sunt in media inter hæc temperie. Nam licet aqua calidior sit tellure: animalia tamen terrestria non intra terram, vt illa intra aquam viuunt, sed in aere, & terra: vnde grandiora ex copia humoris marina visuntur, quàm terrestria animalia. Sicuti septentrionales homines, meridionalibus grandiores, & succi pleniores, non autem qui sub extremo frigore: patiuntur enim caloris vitalis, & augmenti corporalis defectum per extinctionem, sicuti diuersi Pygmæi sub tropicis patiuntur eundem defectum resolutione.

**2** Naturaliter frigida, & naturaliter calida, ex loci, & temperiei virtute: amant, illa frigus: ista, calorem. E contra accidentaliter calentia, & frigentia, extrinseca, & non ordinaria causa; fugiunt illa ad calorem, ista ad frigus. Vnde Æthiops in Italia friget nimis, & æstiuum calorem appetit. Italus in Æthiopia calet nimis, & frigus hyemale optat. Ergo plurimum interest scire quo in loco simplicia medicinalia nascuntur. Vnde malum Persicum venenum, vt aiunt, in Persia, cordiale confortatiuum in Italia est.



3 Quæ ex densiori, & crassiori nascuntur, terra, & aqua, & *Ex denso & aëre: illa sunt corpulentiora nascentibus ex laxiori solo, dico in raro locali.* eadem specie, vt crocus Italicus crassior est croco Arabico. Præterea si calidæ sunt speciei, aut frigidæ: sunt calidiora, aut frigidiora nascentia ex crassis, quàm ex laxis materiebus, & locis, vt cephalum fluuiiale frigidius grauiusque est cephalo marino, non autem marino polypo, cæterisque mollibus. Nascens mentastrum in terra palustri, crassius, minusque odorosum est nascente in terra sicca: hoc tamen durius, crassiusque intensiùe, non autem extensiùe.

4 Quæ nascuntur in vere, & in æstate, calidiora, virtuosiora- *Ex anni temporibus.* que sunt nascentibus in hyeme, & autumnò: quoniam illa magis à Sole fouentur, & perficiuntur: hæc verò à frigore vexantur, & ad perfectionem venire non permittuntur: omnes enim res calore generantur, nutriuntur, & viuunt.

*Ex rerum generibus unicuique sideri attributarum, & hominum eisdem correspondentium, itidem philosophandum esse Medico pro medicinis, & corporibus medicandis: Et primò quæ stellæ, qui homines, quæ partes hominis: Qui morbi, quæ animalia, quæ plantæ, quæ mineralia, qui lapides: Qui colores, odores, sapores: Qui cometa, & eclipses, & aëris constitutiones, tribuantur maleficis: & primò Saturno.*

## CAPVT III.

## ARTIC. I.

1 **R**ursus ad agnoscendas eum medicinas, tum homines, qui- *Quæ hic dicimus medicinaliter sidera: a & ad hominem, habens veritatem, non autem secundum naturam profus.* bus medicinæ adhibentur, consulenda sunt sidera, tanquam causæ vniuersales inferioris mundi rerum: & quidem è planetis tanquam notioribus, & nobis propinquioribus erit argumentatio.

2 Saturnus planetarum altissimus, colore plumbeus apparet, seu cineritius, tardissimus motu; masculinus, frigidus, siccusque (dico autem ab effectu in nos, non in se:) ponitur etiam diurnus ab Astrologis, sed non rectè, cum temperies eius nocti congruat, & habitus ad Solem. Ipse enim omnium minimo tempore cum Sole reperitur: quippe quem ob tarditatem Sol relinquit statim ubi coierint. Dicitur etiam maleficus: quoniam illius temperies humanæ calidæ humidæque valdè nocet: at rebus homini contrariis,



trariis, & venenosis.

*Stella qua  
hna.*

3 Igitur omnia sidera colore plumbea, vt Algol, Lanx : præcipue autem si tarda, qualia sunt polaria ; de Saturni natura reputantur ; de quibus in Astrologia diximus.

*Qui homines  
hni.*

4 Omnes homines, in quibus qualitates animi, & corporis temperies, & physiognomia sunt saturninæ, de quibus diximus in 3. libro Astrolog. ibi vide. vbi etiam quomodo ex sola genitura agnoscantur, habes. Vbi enim Saturnus in horoscopo, & loco Lunæ, & aphetarum aliorum plus dignitatis habet, ibi Saturni temperiem iudica: quam ex facie sicca, terrestri, subnigra, rara barba, vel multa; capillitio crispo, tenuisque oculis paruis, & corpore paruo agnosces (iuncta erunt supercilia, aspectus marrens) sapèque distortum, hircini odoris, sordidum, pigrum. Distingues etiam Saturnum in bono, & malo situ: nam ibi meliores animo facit sapientissimos, & occultarum rerum, & prophetiarum studiosos, & mundos: hic attonitos, rudes, impios, &c. Vide suo loco.

*Qua partes  
corporis.*

Tertio de partibus corporis datur Saturno atra bilis, lien, ossa, cartilagine, ligamenta, vesica, pituita cruda aduentitia, auditus dexter, vis retentiva.

*Qui morbi*

Quartò de morbis qui fiunt ex atra bile, vt icteritia nigra, quartana, càcer, scabies, lepra, strumæ. Itē qui ex influxione pituitæ, vt podagra, chiragra, ischias, gonagra, paralyfis, phthisis, catarrhus, hydrops, iliaca passio, tussis: fluxus alui, spasmus: pestiferi: & quicunque ex pituita, & atra bile componuntur.

*Qua animalia.*

5 De animalibus verò, solitaria, & latentia, frigida, siccaque, nimis terrestria, & tarda, vt lacerti, serpentes, lumbrici: ostrea, salamandræ, tassi, glires, mures, porcus ex parte, bos senex: asinus, coruus, bruchus, lepus, bufo, pediculus.

*Qua planta.*

6 De plantis autem, quæcunque comas angustas, paucas, & indecoras habent, & infructuosæ sunt, & siccæ frigidaque, calorisque ignoti, & saporis, & odoris stomachosi, præsertim pueris, vt cipressus, oleaster, ilex, ruta, serpentaria, sabina, fumus terræ, fenna, absinthium: cassia, colocynthis, myrrha, storax: agnus castus, opium, mandragora. Alij dant illi vitem, & palmam, sed in præter, cum à Sole sint: alij glandes, porius ilices, & suber, pyra pyrastra: illæ enim glandes quercinæ sunt Iouis. Addunt cucumeres,



res, & cucurbitas, quæ sunt lunares, ex temperamento, & ætate. Nux potius conuenit Saturno, quam Ioui, ex ætate, & nocumēto, & arboris aspectu plumbeo. Rubus quoque, & viburna, & lentiscus, sed ex parte. Fungi, & fungosæ emissiones; arbusculæ infructuosæ, spinosæ, astringentes, & infrigidantes, & amara, licet cum cognationem habeant ob vim caloris, sicuti ruta. Brassica etiam Saturno tribuitur, & quæcunque melancholiæ fauent, quamuis calida sint. Calor enim saturninus aut exilis est extinctione, ut in serpente, & elice: aut resolutione, ut in stirpibus sub tropico nascentibus, & arfacto ligno. Nos autem effectum in hac sympathia quærimus erga nos.

7 De mineralibus Saturno dantur plumbum, magnes, & scorix *Quæ mineralia.* metallorum venenosæ, & cinis cuiuscunque rei.

8 De lapidibus sapphyrus, lapis lazuli: omnes rustici lapides *Qui lapides.* nigri, & cineritij ad, politiem inepti, & iaspis subniger, & magnes.

9 De coloribus habet nigrum, cyanum, fuscum, & cineritium. *Qui colores.*

10 De saporibus stypticum obtusum, qualis mespilorum, & *Qui sapes.* sorborum, & non maturorum fructuum; stypticum acutum, seu aromaticum habet, ubi à Sole iuuatur; & in bono statu ad luminaria, & angulos, est in cælo.

11 De odoribus stypticum, stomachosum, & grauem, qui spiritum obnubilat, qualis carbonum, & rutæ, & omnium foetidarum insuper rerum, quando est male dispersus in cælo. *Qui odores.*

12 De ætatibus habet decrepitam in homine; & in animalibus, *Quæ ætates.* & plantis senescentibus dominatur ob sympathiam: & in eclipsibus habet significationem super ista.

13 De cometis quatenus super hominum salutem, & infirmitates significant, habet cometas tardi motus quasi caluas absque elatis comis, cineritij, & plumbei coloris. *Qui cometas.*

14 Super tempus nubilosum, obscurum, frigidum noxialiter, *Quod tempus.* grandinosum; super nubes obscuras, subuirides, & nebulas seminum inimicas, & pestilentem aërem, & venena, quæ censentur frigida & sicca. Saturnus insuper habet indicationem eius domus 75. exaltatio ☿ in hemisphærio nostro: sed ultra æquatorem aliter. Vide 2. Astrologicorum.



De eisdem rerum ordinibus, Marti secundo malefico,  
attributis.

## ARTIC. II.

De ♂ medicinaliter considerato.

**M**ars secunda infortuna minor calidus, siccusque nobis est intemperatè, motibus fertur vix cognoscibilibus: rubeus spectantibus cernitur; est nocturnus, quamvis calidus, ob siccitatem: & quia quando in Solis oppositione est, tunc magnitudinem Iouis æquat, est potentissimus, semperque nocturnus: quando enim diurnus, vix agnoscitur Soli vicinus. Maleficus est hominis temperamento: fauetque contrariis rebus, nisi ubi à beneficiis corrigitur: & in bono ad Solem, & mundum situ reperitur. Sic sunt omnes res martiales.

Stella ♂.

2 Omnes stellæ rubri coloris, quales sunt, Aldebarum, Arcturus, Lampades, & consimiles, Martis naturam imitantur erga nos, ut dictum est in Astrolog.

Homines ♂.

3 Omnes homines sicca, calidaque temperie constantes, capillo rutilo, oculis cæcis, trucibus, & obstrepera voce, acuta; prodigi, hirsuti, rapaces, fallaces, iracundi, mendaces, vitam flocci pendentes, quemadmodum in 3. Astrologicorum docuimus: martiales sunt; ubi etiam quomodo ex facie, & moribus, & ex dominio ♂ in horoscopo, & in loco Lunæ, & aliis aphetis, dignosci queant, docuimus.

Partes corporis ♂.

4 De partibus corporis dantur ♂ cholericus humor, fel, eius vas: renes, intestina: pedes, venæ: auditus sinister, pili pudendorum, & virtus expulsiua omnis.

Morbi ♂.

5 De morbis quicunque fiunt in prædictis partibus. Item qui ex bile, ut tertiana, erysipelas, acutæ febres, apostemata feruentia, rubra: icteritia flaua: fistulæ: dysenteria, calculus, febres continuæ, causo: vulnera præsertim in facie, & quæ à ferro, & ab igne: & bilis emissiones, & sanguinis eruptiones: & omnis calida siccaque intemperies, ignis facer. (Addunt quidam hemicraniam, quæ potius Lunæ & ♀) & phrenitis, & deliria, quæ à nimio calore, & bile: & furiositas potius eidem conueniunt.

Animalia ♂.

6 De animalibus dantur ♂ omnia calida, siccaque nimis, ut accipitres, & quæcunque coruini generis aues pugnaces, quas Moyses vetat non secus ac saturninas, manducari, quia nobiscum antipathiam habent, ut alestrion, porphyriionem, strutionem, vpupam. De terrestibus equum, tygrim, regulum, lupum, scorpionem.



scorpionem, cimicem, pulicem; omnia pugnancia venenata, & carniuora. Similiter pisces his respondentes in mari, & serpentes, & draconem volatilem calidos siccosque intemperate, idcirco venenosos.

7 De plantis allium, cæpam, porrum, sinapi, euphorbium: præs- *Planta ♂*  
fium, piper, cicutam, scammonium, santalum rubrum, coccogni-  
dium, centauream: rhabarbarum: omnes herbas choleram per  
sympathiam attrahentes; ergo helleborum: eupatorium: thamar-  
indos, & quæcunque acutum, & stomachosum saporem, & odo-  
rem habent.

8 De lapidibus marmor rubeum, & iaspidem, & pyropum ex *Lapides ♂*  
parte, & calculum rubrum scabrosum.

9 De metallis, & mineralibus arsenicum, antimonium: æs ru- *Metalla ♂*  
beum, ferrum, chalybē, sulphur, ocrā, cæteraque rubea, præsertim  
venenosa acutæ operationis, vt minium. Corallus autem est Ve-  
neris cum Marte, vel Martis in bono situ.

10 De coloribus rubicundum, rutilantem, sanguinem: & cro- *Colores ♂*  
ceum quasi, subrubrum, qualis est bilis.

11 De saporibus ardentem, acidum, & acrem ex aromaticis. *Sapores ♂*

12 De odoribus similiter ardentem, qui lacrymas ciet, vt cæ- *Odores ♂*  
pæ, & aceti fortissimi, & piperis præsertim rubri: similiter acutos,  
fastidiosos, qualis rhabarbari, hellebori, &c.

13 De ætatibus eam in homine, quæ à 41. annis vsque ad 56. *Ætates ♂*  
procedit: quando animus, & acumen prævalent, acuta bile ex vi-  
rilitate præcedente, & desiderio magnorum facinorum. In cæ-  
teris rebus eam quæ sequitur virilitatem, & crudelitatem conci-  
liat quandam.

14 De cometis rubeos, & sanguineos, & qui radios instar en- *Cometa ♂*  
sis, & lanceæ emittunt; & qui stellis martialibus adhærent, bel-  
la, & pestes indicantes.

15 Super aërem rubicundum, & nubes ardentes, rubeas, cro- *Tempus*  
ceasque indicat; & supertonitrua, fulgura, fulmina, & ignitas im-  
pressiones, & pestilentes: quæ post siccitatem longam, & sereni-  
tatem fiunt ex fuliginibus, & ex calefacto aëre: de quibus in A-  
strologia. Eius domus sunt v. w. exaltatio ♄. & opposita in al-  
tero hemisphærio.



*De ordinibus beneficarum: sed prius queritur, an benefica habeant causalitatem, an solam indicationem super morbos.*

## CAPVT IV.

## ARTIC. I.

*Benefica & ☿.*

SEquuntur post maleficarum seriem, & mala nobis prouenientia, duarum beneficarum ordines, earumque bona, videlicet Iouis, Venerisque: quæ in terra nostra temperamentum calidum humidumque humano persimile efficiunt: resque homini vtilis fouent, augentque: inutiles verò occidunt: vnde serpentibus, & venenosissimis herbis, & sterilibus malefici appellantur: quamobrem in libello Hermetis de medicina ex stellis, nulla infirmitas tribuitur Ioui, & Veneri, sed omnes Saturno, & Marti: quibus in significatione commiscet Solem, & Lunam, Mercuriumque, tanquam planetas ancipites, bonos cum bonis, cum malis malos. Idem inuenimus in libello eiusdem argumenti, qui Galeno adscribitur: estque idem cum præfato Hermetis, à quo etiam verba mutuatur, sed mox amplificat eadem, & iudicia, & sensum.

*Benefica modificant & specificant morbum, non causant.*

Nos autem Ptolemæi, nostrasque experientias secuti, atque rationem, tribuimus, non quidem morbificas causas Ioui, Venerique: sed determinationes, & diminutiones. Quibus enim Venus à Saturno male afficitur: pudendorum imbecillitatem adsignificat, & turpitudines lasciuas: nulla enim res tam bona est in mundo (bonitate inquam respectiua, de qua est sermo) quæ malis admistione non vicietur. Nam & panis, & saccharum si miscentur venenis, venenantur; & si plusquam oportet fumantur, ægritudinem conciliant. Similiter antidota venenis mixta, etsi minuunt eorum vim: tamen ipsa malè afficiuntur. Si quis tamen contendat multitudinem influxus venerei, & iouialis, non nocere, neque mitionem cum malis, sed prodesse, minueréque: at tamen mala denunciare nuper his, quorum habent significationem, non contendam. Ratio verò valde probabilis est, vt Venus male affecta non male afficiat: sed maleficium in membris venereis determinet, quod tamen à Saturno, & Marte propriè afficitur. Nec Ptolemæus fortè dissentiet: nam etsi Iupiter malè affectus denotet mortem ab iudicis sententia: tamen mortem illam violentam Mars propriè indicat, Iupiter modum addit. Sic de morbis.



*De ordinibus rerum ad Iouem, beneficum maiorem,  
spectantibus.*

## ARTIC. II.

- 1 Iupiter humidus cum quadam firmitate styptica, & calidus temperato calore, iudicatur aëreus, sanguineus, diurnus, masculinus, & fortuna maior dicitur ab Astrologis, non imperitè. Si quis ipsum intuetur in cælo, colorem habet album, splendentem, clarum, non spissum, oculis gratum, & quasi subroseum. Ab hoc Platonici omnia bona pollicentur, tanquam à Sole humano, hominum malis maximè contrario. *De 24 medicinaliter.*
- 2 Ioui ergo adscribuntur primò omnes stellæ illius colorem referentes, ut aquila, basiliscus, antares: licet ob inclinationem ad rubicundum etiam de Martis natura mista esse dicantur; de quibus in Astrologia. Habet etiam in cælo signa duo Sagittarium, calidum, siccumque, coxarum humanarum indicationem tenentem: & pisces; humidum frigidumque, sed temperatè, super pedes indicem. Stellæ medicæ sunt iouiales tanquam affectu. *Stella 24.*
- 3 Homines iouiales constantes, religiosos, legiferos, iustos, sanguineos, pulchros, liberales, succulentos, non nimis albos, roseosque simul, amœnos. Veneri sed puræ, amicos: mundos, mansuetos: capillo medio inter crispum, & planum, splendentique, de quibus in Astrologia. Vbi etiam quomodo ex moribus, ex corporis habitu, & ex cæli themate eos agnoscas, docuimus: vbi nimirum ipsum super locum Lunæ, & horoscopi, & alios apheticos principari videbis. *Homines 24.*
- 4 De partibus hominis habet sanguinem, iecur, carnem, pulmonem, tactum: vim digestiuam, & vegetatiuam. *Partes 24.*
- 5 De morbis, omnes, qui ex sanguinis accensione, & abundantia fiunt, ut est febris ardens, quam potius frigida vnus curat; inflammationes hepatis, peripneumonia, pleuritis, cardiaca: apoplexia, angina, conuulsio, stupor: capitis dolores ex flatu. Item spinæ; lethargus, & quidquid ex sanguinis corruptione, & abundantia fit, & citò sanantur. *Morbi 24.*
- 6 De animalibus Ioui dantur quæque pulchra, ac bene temperata, ut pavo, perdix, phasianus, agnus, aquila, iuuenus, *Animalia 24.*



non tamen puto aquilam rapacem, quæ serpentibus vescitur, & sanguine: quam dicerem martialem: sed eam quæ herbis vescitur, mansuetam magis, colore albam. Turtur ob castitatem sit iouialis, quamuis vocem saturninam habeat: & aues coronatæ, & pulchræ: similiter pisces illis consimiles.

*Planta 24.*

7 Ex plantis amygdala, ficus, pinus, platanus, fraxinus, cerasus, crocus, myrobalanum, persicum, santalum croceum, moschus, ambra, saccharum, macis, organum, marathrum, auellana, pistacia, glycyrrhiza, triticum, quercus, lilium, ocymum, been, radices rubræ, candidæque; & omnia aromatica, quæ cum stypticitate habent simul humorem, & dulcedinem suauem.

*Mineralia**24.**Lapides.*

8 De mineralibus argentum, & electrum.

9 De lapidibus hyacinthus, topazius, corallum, crystallum, berillus, spodium, sapphyrus clarus, bezoar, aquilinus, marmor.

*Colores.*

10 De coloribus candidus clarus, & roseus splendescens, & aërei omnes.

*Sapores.*

11 De saporibus, dulcis, aromaticus cum humiditate commendabilis, non nauseosus.

*Odores.*

12 De odoribus acutus, suavis, delectabilis, & omnes confortariui.

*Cometa.*

13 De cometis, qui crines claros habent, albos, & formam quasi humanam referentes, clari, pulchrique, & argentei.

*Tempus.*

14 Superaërem clarum, & ventos salubres boreales indicat, & auras suaves, fecundas, gratas, tempora clara, & quæ Zephyrus affert, & serenitatē non permistam fuligine, pestibus contrariam.

*De ordinibus rerum ad Venerem, beneficam  
minorem, spectantibus.*

### ARTIC. III.

*De 9 medi-  
cinaliter.*

Venus benefica secundo loco est, vocaturque fortuna minor: quoniam & ipsa humanis fauet rebus, non tamen sic valdè ut Iupiter. Dicitur humida, & frigida temperate: quoniam suo calore blando feruores Solis, & temperat, unde potius subcalida dicenda esset. Sanguini non bene cocto seu chylo, correspondet. A Sole non discedit ultra 47. gradus: circum ipsam gyrrare unā cum ☿ non secus ac medicæ circa Iovem, planissimum factum est. Estimatur nocturna, cum tamen media sit inter diem, & noctem: tanto enim tempore est diurna, quanto nocturna.



nocturna in cælo: & (quod mirum) de die nulla stella apparet, nisi Luna, & Venus, prope inferiorem absidem; ipsaque est hesperus, & lucifer: ita ut media dici queat inter vtrumque tempus. Habet colorem album, quasi lacteum, spissumque, non ita clarum, ut Iupiter: jamque per telescopium deprendimus eam augeri, & minui, & cornutam fieri, ut Lunam solarem eam dicere possis; quod omnibus evenit stellis circa alias maiores rotatis.

2 Igitur omnes stellæ eundem calorem habentes reputantur, *Stella ♀*. ut canis maior, Azimuch. Amica est Ioui, & Marti, cuius intemperiem mitigat. Habet signa duo in cælo: taurum frigidum, siccumque temperatè, & libram calidum humidumque temperatè. Exaltatur in piscibus ob temperiem, & fecunditatem consimilem; & in cancro, & scorpione, & piscibus, triangularem habet potestatem, ut in Astrologicis. Alterum horum collo præest; alterum natibus.

3 Ex hominibus habet præcipuè fœminas, & effœminatos homines, *Hominis ♀*. oculis nitidis iocantibusque; præditos colore albo roseoque, & ad fœmineum inclinante; supercilia nigra pulchrè efformata; capillos nigros, extensos, modicè crispantes: carnosos, collo teretes, albosque, luxuriosos; molles ex parte; non valde calidos, fecundosque; & referunt Iovem cum minori maiestate, & maiore venustate. Vide Astrolog.

4 De partibus humanis habet incoctum sanguinem, seu chylum & rorem, seu humidum radicale, & semen, & virtutem attractivam, & prolificam: olfactum, gustum, ventriculum; vasa seminaria, vulvam, testes, mentulam: vmbilicum, mammillas, lac, adipem. *Parti ♀*.

5 Morbi harum partium illi adscribuntur, & molles harum partium egestiones: stomachi frigiditas, inappetentia, attractivæ debilitatio, lienteria, strangulatio uteri, gonorrhœa, & quæ sunt ex terento semine furitantes, & febres ex amore: qualis in Antiocho erga Stratonicen, & Amone erga Thamar. Fistulas etiam addit Ptolemæus; lues venerea, novus morbus, addenda est, & appetentia canina, & citta. *Morbi ♀*.

6 Animalia venerea, quæque salacissima, & humida reputantur, & pulchra, ut columba, moracilla, passer, cervus, delphinus, arnellinus, gallina, philomela, turdus, panthera, pecus, ficedula, pellicanus, perdix, & quæ zibetum exsudant animalia. *Animalia ♀*.



*Planta* ♀. 7 *Plantæ Veneris* sunt myrtus, quā semper viret, & fructus dulces cum suauitate producit, sycomorus alba, & rubra: ornus, & arbores, ex quibus manna per cæsuras scatet: rosa, præsertim alba: rubra enim iouia est, & ♂ & ♀ lilium conuallium; capilli veneris, viola, balsamum, terebinthus, oliua, granata dulcia, & arantia dulcia, quæ tota manduntur: quæque Reghij, & Neocastri in Calabria ferunt fructus persimiles pudendis fœmineis, & masculeis, non sine admiratione, vt in mari pisces similes pudendis: artemisia, cerefolium, borrago, citrigo; & quæcunque bene, & aromaticæ olent, sed non acutè: & sunt dulces absque acumine suauis, & multi seminis, & nutrimenti, vt milium, amygdala, & auellana.

*Metalla* ♀. 8 Dant ex metallis Veneri æs, præsertim corinthiacum, & album; alij etiam stannum perfectum, cui similis est in colore, & bolos terræ albos.

*Lapides* ♀. 9 Ex lapidibus corneolam, & sapphyrum cæruleum, corallum album, & rubeum; margaritas, quandoquidem oua, partus Veneris sunt, ipsamque colore valdè referunt. Item alabastrum albisimum: dant alij smaragdum, & serpentinam viridem perlucidam: quoniam virentia, & florescentia ad Venerem spectant, præsertim picta. Serpentinam rubram Marti darem. Item lapis aquilinus, quoniam partum fœliciter educit, venereus est, & moschus, & quæcunque conferunt genitalibus, & semen augent. Lapis lazuli datur ♀, quia arceat melancholiam, sed bene constituto potius congruit: trahit enim sympathia atram bilem.

*Colores* ♀. 10 Colores venerei sunt candidus, quasi lac, & margarita: ipsique tribuuntur virides, quatenus iuuentutem arborum designant, & picti, pulchrique, quales in floribus: omnes enim flores ad Venerem spectant, vt mox declarabimus.

*Sapores.* 11 Sapores Veneris dulces sunt, non acuti, paulisper insuaues, vt in manna; & vinctuosus, & aromaticus obtusus, vt in myrto.

*Odores.* 12 Odores omnes grati aromatici, obtusi, & qui in virentibus pratis spirant.

*Temporum  
vices.* 13 Indicat super ventos meridionales calidos humidosque, super aeris ténueritudine, & ethesiis, serenitatem facit in æstate: in hyeme pluuiam, quasi roridam absque tonitru, & fulgure: genitalis aura fauonij sibi pergrata est.



14 Cometas lacteos producit colore, pulchros: valdè comatos, & humanos: super fœminas indicat, & effœminatos, & super puerilem ætatem vsque ad 22. regit Ptolemæo: mihi autem ante commissa Mercurio, ob causas in 5. Astrolog. dictas. Altero in hemisphærio oppositos habet locos.

*De luminarium ordinibus, causarum nempe vniuersalium; & an sint utrumque luminare nobis tantum, an & alias ad stellas, & de munere utriusque luminaris.*

## CAPVT V.

## ARTIC. I.

1 **S**I fixa sidera lumen à Sole recipiunt, & non sunt ipsi soles, *Sol vniuersa-  
lis causa.*  
 Circa quos alia errent, vt ipsorum color à Sole dissimilis, con-  
 similis verò planetis, arguit: quod quidem, scilicet planetas, à So- *Modificatur  
à particula-  
ri.*  
 le mutuari lumen, Luna, atque Venus crescens, decrescensque  
 ad aspectus, sicut & Luna iam per telescopium declarant: profe-  
 ctò existimare licet Solem nostrum causam esse omnium rerum,  
 quæ in nostro sunt systemate, & in planetis, & in fixis; eiusque  
 vniuersalem actionem specificari, & determinari à planetis: tam  
 in se intra se; quam in nostram tellurem. Neque enim tot res,  
 tamque diuersæ, fierent ab vna luce, nisi à causis aliis dispertire-  
 tur, modificaretur, & variaretur. Quidquid ergo planetæ faciunt,  
 Sol facit modificatus in illis: à quo etiam per radiorum impetum  
 moueri puto omnes, nedum illustrari. In spatio enim magno, vbi  
 ad situm nullum habent propensionem, à quocunque, vel à leuif-  
 simè tangente, quorsumcunque moueri possunt, vnòque teneri  
 capillo, sicut naui in mari, vt alibi probauimus.

Lunam ponimus secundum luminare, sed nostræ tantum tel- *Luna modifi-  
cat, & mo-  
dificationes  
omnium de-  
fert.*  
 luris, quod in Iouis systemate non sentitur, sicut nec quatuor Lu-  
 næ Iouis in nostro, & quæcunque circa fixas, vel alios rotantur  
 planetas. Sicut ergo Sol omnia agit, sic Luna omnes actiones in  
 stellis modificatas defert ad nostrum systema. Omnes idcir-  
 co perlustrat menstruo spatio: igitur hæc de his dicere nunc  
 oportet.



## De Solarium ordinibus.

## ARTIC. II.

*Quæ stellæ  
solares.*

1 DE Solis ergo natura existimantur omnes planetæ qui Solem circundant, tanquam centrum amoris, magis, quam heliotropiū secum voluitur. At tamen Saturnus non videtur solaris nobis, quoniam distantia eius ita minuit lumen ad nos, ut videatur potius frigefacere, & exsiccare: quæ autem Solem non circundant, ut fixæ, vel solares non sunt, vel secundum gradum à Sole habent, ut Luna nostra, quæ terram circundat, non Solem, & tamen virtute caloris, quem tellus à Sole accipit, expanditque, ad finem usque sui vaporosi circuli fertur. Censentur etiam solares omnes stellæ fulgentissimæ, & quasi nubilosæ præ fulgore non spectabili, sicuti neque Sol spectatur; ut quæ sunt in ense Orionis: & in Galaxia, & alia, de quibus in Aströlog. Luna autem est quasi alter Sol nobis nocturnus, faciens mensem, sicut ille annum, & quatuor mensis tempora.

*Homo solaris.*

2 Homo est animal solare in primo gradu præ animalibus cunctis, idcirco dominus est omnium animalium: & utitur eis tanquam servis, & instrumentis: existimantur tamen alij saturnini, alij iouiales, alij venerci, martiales, & mercuriales, & lunares: quoniam hi planetæ virtutem Solis hominum productiuam ad certos gradus, & temperies trahunt. Quibus tamen Sol in apheticis locis plus dominatur, sunt puriores, & minus modificati, & hi solares, animo ampli, magnanimi, Reges secundum naturam, qui plus amant totum, quam partem; benefici sunt toti generi humano, religiosi, liberales, ambitiosi, cunctis scientiis delectantur: omnia mouent grandia negocia, & pendent ab eis innumeri homines, præsertim ubi Sol satellitio stipatur. Sunt corpore grandiusculo, benè commensurato, capillitio pulchri, sapèque flauis, qualis David in S. Scriptura describitur; naso simi, oculis acutis, & mediocribus, interdum glaucis, clavis, spissa barba, iunctis superciliis, splendidi colore, albo, roseoque, sed prout planetis commiscetur. Vide Astrolog.

*Partes Soli  
subiectæ.*

3 De partibus corporis habet dextras omnes, & spiritum vitalem & cor, arteriasque: oculos, sed præcipuè dextrum, & caput, & motum generaliter.

*Morbi.*

4 De morbis, cordis passionibus, syncopen, ophthalmiam, suffu-

gones



siones oculorum, omniaque ipsorum mala, præsertim dextra; & hecticam febrem, sed cum Marte. Mala etiam stomachi, & pectoris significat: morbos quoque generales ex aëris contagio.

5 Animalia solaria sunt, homo, gallus, leo, astur, aries, cygnus, cantharis, crocodilus, phoenix, si fabulosus non est. Lynx, regulus, gryphus, carduelis. *Animalia solaria.*

6 Solares plantæ sunt palma, laurus, lotos, dictamnium, fugadæmon, pæonia, vitis, arbores aromaticæ, vt thuris, myrrhæ, balsami, calamus, crocus, spicanardi, cinamomum, lignum aloës, rosmarinus, cedrus, citrium, chrysomelum, mala aurea, heliotropia multiplicia: alia enim flores oblongos, crassosque habent, alia vnum rotundum radiosum instar solis: alia in flumine Euphrate erigunt comas ex aqua, cum Sol oritur, eleuantur vsque ad meridianum, deprimuntur vsque ad occidentem, & cum eo submerguntur in aqua. Oportet etiam existimare solares cunctos flores, qui Sole oriente aperiuntur, eoque occidente complicantur, & clauduntur. Item qui Solis motum imitantur diarium, vt lupinum, & qui annum, vt oliua, tilia, & salix: cum tamen salix, & populus potius lunares sint, & oliua venerea: sed sicuti sua sidera Solem ipsæ imitantur. Item carduus, & pulegium; quæ eiusdem conuersiones in capricorno, & cancro celebrant floritione sua, solares erunt: sed nulla herba solaris non sit, licet aliarum stellarum particeps: omnes enim stellæ Solem quoque participant: omniaque aromata à longè spirantia cordialem odorem.

7 De mineralibus aurum habet ob sui puritatem, quæ soli inest Soli, & lapis helites aureis radiis imitans Solem; sal quoque, cuius oculus solem ostendit. *Metalla.*

8 De lapidibus pantaura omnes in se lapidum habens virtutem, vt Sol omnium stellarum, & aurum omnium metallorum. Carbunculus nocte rutilans, lapis qui oculus Solis appellatur instar pupillæ, emicansque lumine quodā miro: chrysolithus, auri pigmentum: Adamas præcipuè solaris est. Sed profectò omnes lapides transpicui sunt propriè solares: quoniam à robustissimo Solis calore opacitatem, & frigus terræ vincente generantur: proptereaque omnes albi sunt in sua origine, sed alterius rei mixtione colorantur: propterea qui fiunt crocei, sunt solares lunaresque simul, vt topazius: qui rubei, solares, & martiales, vt pyropus: qui cærulei, & fusci sunt insuper saturnini, vt cyaneus, *Lapides.*



& nigrum vitrum, & sapphyrus densus: qui virides Venerem cum Sole habent, vt sinaragdus: qui varij etiam ☿. & sic de cæteris. Idem dic de herbis, & cunctis rebus.

*Calores solis.*  
781.

9 De coloribus dant illi croceum, cum nullus, nisi lux, quæ viuus est color, Soli debeatur, & cum omnis color sit lux impura. Qui puriores sunt, ad solarem accedunt magis, vt albus, & subalbus, flauus, &c. & qui clariore, & luminosiores, quamuis rubei, & virides.

*Sapores.*

10 De saporibus habet aromaticum, subamarum, ob stypticitatem, sed confortatiuum, & acutum; neque dulcedo, neque ullus sapor ei denegatur; sed qui potentissimi, non fastidiosi, vt thuris, caryophylli.

*Odores.*

11 Odores saporibus dictis correspondent acuti, aromatici, confortantes.

*Tempera.*

12 Ipse facit omnia tempora, diem, & noctem motu diario: annum motu latitudinis; & in hyeme blandus producit pluuiam, & res hyemales: & in vere herbas, flores, & res vernaes. In hyeme cum Saturno sibi apud nos conuenit: in vere cum Ioue, & Venere. In æstate cum Marte omnia exsiccatur, & maturatur: morbosque martiales facit. In autumno cum Mercurio, morbosque mercuriales, & res facit. Quæ quatuor tempora correspondent quatuor diei partibus, vt à media nocte sit hyems, manè ver, meridies æstas, vesperti autumnus; quæ Medicis scire necessaria sunt. Facit etiam cum Luna mensem, & quatuor mensis tempora, vt sextiles, & trinos, vt in Astrolog.

13 Super cometas, & eclipses significatur, cum instar Solis rutilant, splendentque; moderanturque eas signo, & dominio signi, & angulorum ad certos effectus. Domus eius Leo apud nos, sed ultra æquatorem aquarius: triplicitas prima eius est. Exaltatur in V. apogeu habet in ☿ ☿.

*De lunaribus rebus, & hominibus, & morbis, & membris,  
& medelis, & indicationibus, & temporibus.*

### ARTIC. III.

*Natura, &  
varietas, &  
potestas Lu-  
nae, & sublu-  
narium.*

**L** Vna igitur luminare minus ad tellurem nostram dicitur. Reputatur frigida, & humida, quoniam calorem Solis moderatur: attamen cum plus lucet, plus calet. Igitur in prima quarta dicitur calida, & humida, instar veris, & mane. In secunda

cunda



cunda calida, & sicca; instar meridiei, & æstatis. In tertia frigida, & sicca, instar autumnii, & vesp̄is. In quarta frigida, & humida, instar hyemis, & noctis. Eius calor sentitur in rebus humidis, quæ ea aucta augentur, etenim rarefacit instar ollæ ad ignem; ergo crescit: & in pleniluniis hyemalibus hoc manifestum est: quando ipsa prope Zenith plena incedit. In æstivis non item: quoniam in signis australibus calet, temperatque nostrum suo calore blando, ut tepida aqua feruentem. In mari manifesta est potestas eius: quod vsque ad plenilunium crescit, & exinde decrescit vsque ad interlunium. Motus enim sexhorarius illi conuenire non potest, sed Soli, ut in Physiologia probauimus, conuenit tamen eiusdem variatio.

Dicitur planeta nocturnus, quoniam absente Sole, suo lumine res collustrat, fouetque contra frigus.

Item ministra omnium cælestium est virtutum. Cum enim aliquam stellam in suo loco non habemus, sufficit si ibi sit Luna aspiciens stellam illam, nam eius virtutes demandat. Res inferiores ad eam à Luna dependent, ut nihil in motu, in sensu, in ortu, educatione, diminutione, absque eius obseruatione rite fieri queat. Neque ligna cædere duratura, nisi ipsa sit minuta lumine; ne concipiendo ab eius luce calorem, & humorem, citò putrescant. In Medicina autem absque Lunæ obseruatione procedere, est cæcum esse, & casu operari. Dies enim critici, & morborum moriones omnes ab ea dependent, & humorum passionēs, ex quibus morbi generantur. Color eius est subcroceus; cum enim impura sit, lumen clarum, candensque non reflectit.

2 Omnes stellæ lunares censentur, quæ croceum referunt *Stella Luna* colorem, & nubilosum; quales in crinibus Berenices, aselli, Oriō-<sup>701</sup> nis ensis, aliarque multar. Sed profectò Luna dicenda est potius stellarum assecla, quam quod aliqua stella lunaris sit, cum Luna omnium virtutes accipiat, & nulli det suas ob exilitatem, nisi telluri, & mari, & natis horum. Cum beneficis, est benefica, cum maleficis, malefica. Domus eius, ☽ est nobis, vltra æquatorem ☿.

3 Homines lunares censentur quicunque humidi, parum ca- *Homines* lidi, phlegmatici, pituitosi, corpulenti, succi pleni, rotundi facie, pulchraque, albam non perpolitam, sed quasi glaucam, & sæpè maculosam: oculos subcroceos instar topazij, & subuirides, & cum aliqua macula habent, & sæpè luscis, debilesque. Sunt



instabiles,formidolosi,scelestorum diuulgatores,obliuiosi, & pigri;nec cum res magnas aggrediuntur perseuerant.

*Partes corporis.*

4 De partibus corporis habet sinistras omnes,& humores omnes generatim,sed cum h melancholiam, cum ♂ bilem, cum ♀ sanguinem,cum ♀ semen,& humidum radicale : cum Sole arterialem sanguinem,& motiones,& spiritus:cum ♀ spiritus animales:& humores mistos, præsertim vrgentes corpus ad motum,& vrinam. Habet oculum sinistrum,& cerebrum, & medullas, & super membramuliebria,& stomachum valdè significat,& super omnes sensus,& actiones.

*Morbi.*

5 Ergo ex humoribus omnibus qui sunt morbis, miscetur Luna;sed præcipuè qui sunt ex insipida pituita: nam in salsa adsciscit sibi ♂. Ergo habet epilepsiam, paralytim, & catarrhum, opilationes ex succis viscosis factas:hydropem,lienteriam, apostemata phlegmatica, morbillos pueriles. Super sanguine menstruo, cui dat nomen, plurimum potest, & ideo super vuluam, & muliebria,sed pro signi natura omnibus admiscetur morbis, efficitque criticos dies,& si credimus Hermeti, & Galeno, omnes morbi fiunt ex Lunæ oppressione à h & ♂ iuxta naturam signi.

*Animalia.*

6 Animalia lunaria sunt omnia quæ degunt in aquis, licet alij planetæ simul super ea significant; sed præcipuè mollia vocata, vt cancri,& limâces, testudines, & quæ carent squammis;& quæ lapidibus adhærent,& echini,qui in orbem voluuntur instar Lunæ radiantis, & aucta Luna augentur. Habet super echinis aliquid Saturnus, edunt enim quinque dentibus,super architectura mirifica formatis,tophos,& scopulos, & herbam, vt ex talium mixtura spinæ, & cortex nutriantur. De terrestribus elephantes sunt lunares,multo humore grandæscentes, qui radiis Lunæ gaudent:cique genu flectunt, quasi adorantes. Omnes quoque animantes nocturnæ, quæ in nocte sibi cibum comparant, sunt lunares,præsertim quæ carniuoræ non sunt; illæ enim martiales,& quæ die cæcutiunt, vt vespertilio, lepusculus, & aquis gaudentes, vt anseres, anates, hippopotamus: aues marinæ, alciones, & vermiculi arborum, & in corpore humano geniti ex humore putrescente, præsertim albi, & molles. Item quod in India mutat quindécim colores,in diebus 15. augmenti lunaris, & in aliis 15. deponit eos seriatim,mutatque.

*Plantæ.*

7 Plantæ lunares plurimæ,præsertim albæ, lacteæ, insipidæ, & humi:



humidæ, vt cucurbita, lactuca, citrulli, pepones aquatici, endiuiæ, cardilli insipidi. Item pimpinella, buglossa, & quædam lunaris herba, quæ Lunæ motum imitatur. Vidi aliam Lunas in foliis singulis habentem multas. Item quæ foliis rotundis, cæruleisque crescente Luna dictim vno folio crescit; & minuta minuitur eodem ordine. Frondosas arbores, & rotundæ figuræ umbrosas, & parum fructuosas, potes Lunæ adscribere: omnesque citò nascentes, & citò morientes herbas.

8 Metalla reputantur lunaria, argentum: quoniam est luminare *Metalla.* re minus metallorum, vt aurum est maius: ostrea, mater margaritarum: margarita argentea, & quæ ignem non ardentem producant, sed fatuum.

9 Lapidès lunares sunt scelinites, qui Lunam impressam habent, *Lapidès.* & ad ipsam micat; crystallum frigore induratum in Alpibus, & tophus, & lapides molles, quales Neapolitani.

10 Croceus color ad album declinans est lunaris: & omnis albidus nimium fulgens, & lacteus, qualis in radicibus herbarum. *Colores.* Item ad viridem vergentes, vt in endiuiæ, & herbis sub gleba positis ad albescendum. Item lentiginosi, & quales in floribus farbarum.

11 Saporess habet insipidos ex nimia humiditate indigestos: & *Saporess.* stypticos obtusos, quales in principio formationis pomorum; & dulcedinem insuauem: non ex vinctuositate, vt est venerca, sed aquositate, vt in citrullo, & cucurbita.

12 Odores non habet nisi stypticos, & insensiles, quales in herbis nondum maturatis, exoriuntur: & qui cerebrum humectant molliuntque. *Odores.*

13 Super mensem habet indicationem in synodis, & principiis *Tempora.* rerum: in oppositionibus super supremam perfectionem: in mediis super augmentum, & decrementum: & in qualibet configuratione cum Sole, & planetis, & fixis indicat, quidquid illi faciunt, immo effectus defert. Quapropter serenitates, & tempestates, & mediocritates facit in aqua, aëre, & in corpore humano: pro signi tamen natura, aliter in aliis rebus, & partibus, vt suo in loco dictum est.

14 Ætati nascentium præest: hominum vsque ad quartum annum: cæteris in rebus pro rata vitæ illarum: super foeminas multum potest: & manifestè. *Ætates.*

Eclipses solares ipsa facit, lunares ipsa patitur: significatque



pro illorum domicilio, & interregno planetarum, & aspectu, & colore, vt in 3. Astrolog. dictum est.

*De rerum generibus Mercurio tributarum, & decretorum priorum, & mistorum.*

ARTIC. IV.

☿ natura  
& significa-  
tio.

**M**ercurius tandem, qui non est benefica stella, neque malefica, neque luminare, seorsum consideratur; quoniam eius virtutes iuuant, augētque bonorum bonas, malorum malas; est ergo nullius temperamenti, licet cum Sole siccus, matutinus, calidus: vespertinus, humidus censerī possit. Sed tamen semper qualis est planeta, cui magis iungitur: diciturque etiam à D. Thoma præesse ingenio, ob multiplices illius motus, & quasi discursus. Et quoniam omnem recipit qualitatem, sicuti anima omne scibile: circumdat Solem. Propterea non remouetur ab eo plus quam 23. gradibus. Color eius micans est, variusque, præsertim verò argenteus, & propterea varietas ei datur.

Stella ☿.

2 Stellæ ita micantes, & variæ Mercurio tribuuntur: vt stellæ trianguli, vultur cadens, lyra, cauda capricorni. Domus eius gemini calidum, & humidum: & virgo frigidum, & siccum temperatè; exaltatur in m. & in tertia triplicitate, cum ♄ viget.

Homines  
☿ les.

3 Mercuriales existimantur homines ingenio acuti, versatiles, computistæ, grammatici, mercatores, scribæ, scientiis apti, animo semper negotiosi: prophetiarum, & miraculorum sectatores: ad mores alienos accommodabiles: imitatores: mediocris staturæ: attenuati. Faciem oblongam: oculos caprinos habent: barbam nigram, & raram, & pulchram: pedes tenues, & digitos graciles, & oblongos, artificii idoneos; mechanicis scientificis, astronomicisque. Temperati sunt ad siccitatem, & modicam caliditatem vergentes, si ☿ ♀ ♄ ♀ cum Mercurio in sua dignitate coierint, nihil est quod magis pro ingenio desideres. S. Thomas ait, in domo ♄ id Mercurium benè situm præstare; in Aquario plerumque.

Partes corporis.

4 De partibus corporis ☿ tribuuntur spiritus animales, discursus, memoria, imaginatio, sermo, lingua, nerui, digiti, articuli: puto memoriam esse Saturni, reminiscētiā ☿: illius enim retinere, huius operari. Vnde pueri mercuriales plerumque obliuiosi. Gurculio, & lingua illi conuenit, & os.



De morbis ephemera febris, phthisis, melancholia, mania, *Morbi.*  
delirium omnis generis, linguæ impedimenta, tussicula; morbus  
faciei, spuitio sicca, copiosaque, vomitus, & quidquid ex  
copia humorum in capite putrescentium sit, & cum animæ  
afflictione, pauore, taciturnitate & suspiriis; cum pulsu  
languido, breui, anxio, superficie arida, frigida, vt plu-  
rimum.

6 Mercurialia animalia sunt omnia sagacia, & ingeniosa, vt *Animalia.*  
aranea, vulpes, simia, canis, polypus, sepiæ, formica, arces, grus; &  
quæcunque politicè viuunt: serpentes propter astutiam dantur  
q̃. at non venenosi: fericus vermis ab artificio videtur mercuria-  
lis, & quoniam se transformat in pyraustam: lux nocturna ocu-  
lorum, & facies leonina, catum seu felem solarem indicant, non  
mercurialem; hyena quoque mercurialis est.

7 Plantæ mercuriales sunt quædam eius nomine insignitæ, vt *Plantæ.*  
bombax, zinziber, & agnus scythicus; qui planta, & animal est:  
omnesque plantæ motu animali donatæ: & quas Dioscorides describit. Item  
arundo, ex qua fistularum organa pastores faciunt: & perfo-  
ratæ huiusmodi plantæ flatulentæ. Sed compositio simpli-  
cium in Medicina, potissimum est mercurialis, vt theriaca,  
biera, diambra: licet res compositæ ad alios referantur pla-  
netas.

8 De lapidibus primò mercurialis est battus, qui omnium *Lapides.*  
metallorum colores refert, probatque. Item achates lapis  
ad facundiam, & visum, & contra venena valens; vitrum  
porphyriticum, lacca; & lapides varij coloris, præsertim ex viridi  
croceoque.

9 Mineralia sunt argentum vitum, marcasita, & æramentum *Mineralia.*  
mistum ex stanno, & ære, compositionis ergo.

10 Color varius datur q̃. & qui vulgo *scangio-colori* nominatur: *Colores.*  
& qualis præcipuè in collo columbæ: & qui picturam multicolo-  
rem referunt.

11 Sapor Mercurij nullus, neque odor: sed cui se miscet, eius *Sapores.*  
odorem, & saporem refert. Puto tamen odores insensiles, & sa-  
pores, qui discerni non possunt, Mercurij esse, qualis in lapidibus  
pretiosis virtute plenis ignota.

12 Mercurius ventosus existimatur, sed turbine, & ventorum *Temporum*  
mixture, & eo vento, quem planeta, cui applicatur ciet; om-  
nibus.



nibus enim subseruit. In aëre vim habet, quoniam est facilis impressionis, augetque aliorum decreta.

Cometa &  
eclipses.

13 Cometæ omnes mercuriales, quoniam significant, sed præcipue varij colore, & motu; & qui stellas mercuriales sectantur; Eclipses, in quibus interregnat, vt in Astrolog.

*De mistura causarum, & causationum celestium in unoquoque effectu, & decretorum, & operationum in rebus, & rerum partibus, & medicinis, & medicabilibus.*

CAPVT

V I.

ARTIC. I.

1 **E**Xiam dictis facile quis cuiuslibet simplicis medicamenti facultatem; & vniuersalem, & peculiarem intelliget. Itemque medicabilis membri, & humoris, facultates: attamen, & hæc connotanda sunt.

Rerum dissimilari-  
um  
dissimilares  
sunt vires in  
Medicina.

2 Res dissimilares, & organicæ non sunt eiusdem virtutis & sideris in omnibus partibus, sicut nec homo: sed quælibet pars, & parti pars temperie, & odore, & sapore, & colore substantiæ passionis, & similitudine iterum examinanda est: etenim arantij cortex rufa Martem refert: similiter & sapor acutus, & ardens instar aque vitæ. Medulla sub cortice, iouialis est, acida. Spicula, seu offæ Martis & Saturni. Semina Iouis & Veneris. Totum Soli. Cōmiscuntur enim omnes planetæ ad rerum inferiorum compositionem, sed qui præualet, ei tribuitur effectus. Plantarum ætates etiam planetis distribuuntur: item partes. Radix & ossum h. fructus ♀. flos Veneri: spinæ & cortex ♂. humor Lunæ: spiritus Mercurio, folia Lunæ & Veneri: fibræ neruique ♀ & h.

De generali  
portentorum  
celestium cau-  
satione in res  
humana per  
scientiam  
medic.

3 Præterea dum afficitur apheta vel Luna indicans super morbum, vel fit eclipsis, aut cometes, aut aliud portentum in cælo: habet significationem primò generalem, vt in quarta vernali ab ariete ad cancerum super res iuuenes, & principia rerum, & sanguinem, & super morbos ortos à sanguine, & in res, quæ vere nascuntur: Et super herbas, & flores, & cerasa per se: per accidens verò etiam super res quæ in his fiunt. Si enim flores oliuarum afficiuntur damno, in autumnoque sentitur. Et hoc tempore morbi iouiales, & venerei: aut commoda iouialia, ac venerea panduntur. Ideò esto cautus, & sapiens in Astrologicis. In quarta verò æstiuale excanero vsque ad librâ res æstiuales benè, vel male afficiuntur, & rerum profectus, & viri non pueri, præsertim martiales,



martiales & solares: & morbi fiunt ex cholera, & quales à Marte & Sole. In autumnali significatio est super vindemiam, granata, oliuas, & super senescentes homines, & res melancholicas: fiuntque morbi mercuriales & hui, & qui animum lædunt; vel hominibus mercurialibus benè est. In quarta hyemali super res decrepitas ætate, & super frigida, & humida saturnina, & lunaria simul. Sicut enim Sol diei & ætati, sic etiam Luna hyemi, & nocti præest. Propterea etiam distingue de nocte, an de die quid accadat in causis, & causatione rerum.

4 Præterea in quolibet signo peculiaria sunt accidentia, sicuti <sup>De peculiari causatione celestium.</sup> de cometis, & eclipsibus loquendo docuimus. Sicut enim aries capiti, & taurus collo: gemini brachiis: cancer costis, & pectori: leo cordi, & stomacho: virgo abdomini, & lumbis: libra natibus: scorpio pudendis, & sedi, & vesicæ: sagittarius coxendicibus: capricornus genibus: aquarius cruribus: pisces pedibus, præsumunt in significatione, & in quolibet horum constitutio facta ad certa membra hominis potestatem exerunt: sic etiam super particulares herbas, & lapides, & liquores, & metalla, & hominum complexiones, & animalia specificant significationem. Similiter & trigoni planetarum, & planetæ cum eis, & sidera de ipsorum natura: & qui hæc commiscere non nouit significata, casu medebitur, & imperite.

5 Componere quoque medicinas oportet, quoniam & morbi <sup>Regula componendi medicinas in morbis commixtis.</sup> compositi sunt: & vires rerum simplicium, nisi misceantur, non faciunt compositum effectum. Quapropter de hac compositione restat nobis sermo: & de applicatione, ac deinde de iudicio, cum prius pharmacorum vires, & correspondentias cum humanis membris, quasi in tabula, posuerimus.

6 Præterea sicuti v. capiti præest: ita omnibus morbis eius partiumque, ut oculorum, aurium, dentium, faciei maculis, morfeæ, & renum principio. Taurus collo, gutturi, scrophulis, bocio. II. spatulis, brachiis, manibusque: eorumque malis, & fructuum formationi.

Cancer pectori, mammillis, pulmone, scabiei, insuper impetigini, serpigini, lepræ, maculis faciei: maturationi.

Leo cordi, stomacho, diaphragmati, spinæ eorumque malis. III. abdomini, intestinis, eorumque malis: & qui ex atra bile fiunt.

♌. foliorum casui, pilis, natibus, eorumque malis, & morbo venereo, sanguinis fluxui per inferiora, retentioni vrinæ.



Scorpio ano, pudendis, vesicæ, renibus, lepræ, cancro, scabiei, fistulis, faciei maculis, hæmorrhoidibus, calculo, tenesmo.

→ coxis, femoribus, eorum malis, casui ab alto, & à bestiis læsioni.

Capricorn. genibus, eorumque morbis, scabiei, mutitati, surditati.

≈ tibis, eorumque malis, icteritiæ nigræ.

X pedibus, podagræ, paralyti & morbis depascentibus, cum toto suo trigono, ut in Astrolog.

Habent & stellæ bibeniæ etiam particulares morbos: ibi vide.


*De laminis  
astrorum.*

7 Prodesse laminas Astrologicas Plotinus, & Arabes, & Albertus volunt, ægrotis. D. Thomas characteres tantum, & litteras tollit. At ritè fabricatas in rebus planetis assignatis & medicinalibus opinor: moralibus suspicor: quoniam & D. Thom. confert nonnihil à cælo Medicis in medendo: Agricolis in plantando: Militibus in pugnando: quod quatenus Mos in natura disposita fundatur verum est: disponitur autè & à cælo, ut ipse docet. Experire.

*De multiplici applicatione, & usu medicinalium interiùs,  
& exteriùs generatim.*

## CAPVT VII. ARTIC. I.

*Effectus me-  
dicaminum  
extrinsecorū*

1  Mnis medicina, aut applicatur extrinsecus, aut intrinsecus.

2 Cum extrinsecus, sufficit manifesta eius vis, vel attrahendi: qualis est in dictamno, & in pilo canis rabidi ad venenum vulneris ab eo inflictum, educendum. Vel calefaciendi, vel infrigidandi, vel attenuandi, vel mollificandi, vel lubricandi, vel leniendi, vel abstergendi, quæ ex dictis patent: & quælibet cuilibet membro applicantur. Est alia vis occulta, qualis in lapillis, quos annulo, aut collo deferimus.

*Idem effectus  
in intrinsecis  
applicatorū.*

3 Cum intrinsecus oportet adhibere medicinam, quæ proprietatem habeat vel attrahendi per similitudinem, ut fenna melancholiam. Vel extinguendi per oppositionem, ut borrago, vel acetosella, & arantij, & citri pars interior: quæ melancholiam reprimunt, minuuntque. Vel lubricandi corpus ad istorum purgationem, ut viola, pruna, gallinæ iusculum. Vel ad leniendum vias, & quasi vngendum, ut solemus adipe naues pellentes: quod facient



cient dictæ res, & vinctuosæ, & aquæ, vt cucurbita. Vel abster-  
gendo, vt mel, & aqua hordei, & bliti. Vel incidendo crassos hu-  
mores, qualis est in aceto, sale, & acidis rebus. Aut sunt ad con-  
fortandum, quod faciunt calore, frigore, aut stypticitate, aut acu-  
mine, prout cuilibet membro opus est ad temperiem eius instau-  
randam.

4 Item hæc facere habent res aliæ in aliis membris ex proprie- *Continuatio.*  
tate, vt dictum est: propterea numerandæ sunt medicinales res  
secundum dictas rationes.

*Enumerantur medicinales res capiti conferentes, vel adtempe-  
riem roborandam: vel ducendum medicinas ad caput, vel  
euacuandum humores è capite, aliæ alios: &  
simplices, & compositæ.*

## ARTIC. II.

1 **C**Aput confortant, eius frigidam intemperiem, & humidam *Confortantia  
caput frigida  
humidumque.*  
Corrigendo: maiorana, betonica, serpillum, pæonia, salvia,  
ruta, calamentum, fœniculum, lignum aloës, thus, folia lauri, pu-  
legium, rosmarinus, siler montanum, moschus, nux moschata,  
xylobalsamum, ladanum, stœchas, scylla, caryophylla, & quæ-  
cunque acuto, suauis, & non grauante odore constant. Composue-  
runt etiam Medici ad hoc ipsum plures archonticon, diarrhodon  
Iulij, diacastoreum, dianthos cum moscho: nunc etiam cum zi-  
beto fiunt multæ, & cum ligno quod ex Gange afferunt Lusita-  
ni, quod vtilissimum inueni.

2 Si temperies vergat ad calidum & siccum: confortant tunc *Quæ calidum  
& siccum.*  
caput folia myrti, lactucæ, viola, acetum, mandragora, hyoscy-  
mus, folia salicis, cucurbitarum teneræ extremitates, & quæcun-  
que insipida parum olent. Odor rosarum optimus est. Addunt  
compositionem diapapauer, & saccharum rosat. & violat. Possunt  
ex saccharo, & præfatis rebus fieri aliæ multæ.

3 Res eadem calidæ ducunt medicinas ad caput, sed præcipuè *Ducentia ad  
caput.*  
nux moschata, maiorana, stœchas, anacardus, melilotus, casto-  
reum, lignum aloës, thus, pæonia, cucurbita.

4 Euacuant à capite cholera rhabbarum, centaurea, *Euacuantiæ  
à capite cho-  
leram.*  
aloë lota, myrobalani citrinæ, absinthium: cassia fistula: tha-  
marindi: eupatorium, fumus terræ, psyllium: & hæc quidem ob  
sympathiam cū cholera: nam stypticitas myrobal. & color similis



est illi. Addunt Medici lupulos: succos rosarum, & violas, & pruna, quæ mihi videntur modicam sympathiam cum cholera habere acuta, sed cum reliquiis eius, & nondum perfecta. Est enim in rosa amaritudo quædam styptica; nec dulcia pruna absunt, cum dulcedo proxima sit amaritudini: possunt etiam requiri sicuti calx in sapone, cætera sicut oleum trahens à pannis oleum; de quibus postea.

*Euacuantiæ  
pituitæ.*

5 Euacuantiæ à capite phlegma turbith, agaricus, mastix, colocynthis, polypodium, stæchas, hermodactyli: myrobal. emblicæ, belliricæ, & thereniab. Et quidē agaricum, & polypodium facile ob sympathiam id facere nouimus: sed de absinthio, & turbith est difficultas amarissimis; quæ non attrahendo, sed occidendo aquositates cerebri dici possunt purgare phlegma: & quatenus admiscantur cholera, & salsa sunt. Ad hoc quidem Medici composuerunt pilulas: quas vocant alefanginas, stomachicas, aggregatiuas, coccias, artheticas: de sarcocolla, de hiera simplici, & composita.

*Euacuantiæ  
atram bilem.*

6 Ad euacuandam atram bilem à capite, valent senna cum cinamomo, vel sale gemmæ, & epithymum, & lapis lazuli, & lapis armenus; & myrobalani indæ, & fumus terræ: quæ omnia manifestam habent cum prædicto humore sympathiam.

Sal addunt ad acuendum medicamenta, & incidendum. Fiunt etiam pilulæ de lapidibus lazuli, & armeno, de senna, & fumo terræ: quæ omnibus peruia iam sunt.

*Conferentia pectori roboratione, euacuatione, & adductione.*

### A R T I C. III.

*Confortantiæ  
pectus quæ  
frigidum.*

1 Pectus affectum humore frigido, calefaciunt, & confortant hyssopus, lignum balsami, liquiritia, radix althææ, capilli Veneris, enula campana: myrrha, marrubium, vua passa: scylla, serapinum, quæ & pulmone profunt: cui, & vrticam, & ocymum, Catullus profuisse scribit.

Composuerunt ad idem Medici confectio. diacalaminthes, diaireos, diaprassium: Ego tamen mel, & vinum maluatium in hunc finem inueni vtilia.

*Ad pectus  
quæ calidum.*

2 At si nimis calet, vtendum viola, dragacantho, amylo, amygdalis dulcibus: fructibus sycomori: caricis, semine papaueris, saccharo, sebesten, gummi arabico,



Componunt etiam diapaouer, saccharum rosatum, & violatum, diadragacanthum, diapenidion.

3 Ducunt autem quadam sympathia medicinas ad pectus, & pulmonē, hyssopus, iris, liquiritia, lilium, mel, hordeum, passulæ, penidia, scylla, pulmo vulpis: prassium, capill. Veneris, fœnum-græcum: amygdala, saccharum, dragacanthum, ouum. *Ducuntia ad pectus.*

4 Euacuant autem à pectore choleram, & phlegma, & bilem atram, eadem medicamenta, quæ à capite; sed mixta his rebus, quæ ad pectus ducunt: præcipuè tamen euacuant agaric. hyssop. iris, volub. cassia fist. colocynt. & pilulæ de agaric. diasennar. paulinum. *Euacuantia à pectore.*

*Quæ conferant similiter cordi.*

ARTIC. IV.

1 Cor calefaciendo confortat crocus, ambra, moschus, borago, buglossa, enula campan. rosmarinus, lignum aloës, melissa, cardamomum, cortex citri, os de corde cerui. *Confortantia cor calefaciendo.*

Componunt ad idem diamargar. diamb. pliris: lætificans Galeni.

2 Refrigerando verò hyacinthus, sinaragdus, viola, corallum, margarita, camphora; sed per accidens, rasura eboris, ouum, cum aqua rosat. *Refrigerando.*

Componunt diarrhodon, sacchar. ros. & violat. diaborragin. syrup. nenusar.

3 Eadem ducunt ad cor, quæ ad pectus, & de corde non euacuant vlla, quin moriatur homo: non enim potest in officina spirituum aliquod malum absque morte fieri. *Ducuntia ad cor.*

Contra pestilentem aërem odores cor confortant, & arcent: ut theriaca, ut alibi.

*De medicinis stomacho tripliciter, ut supra.*

ARTIC. V.

1 Stomachum calefaciendo roborant, corriguntque, cina, cinnamomum, anisum, absinthium, caryophyll. galanga, matherum, lignum aloës: menta, marrubium; mastix, labrusca, zinziber, & cuncta aromatica acuta, & cortices arantiorum: & aqua vita, & vinum maluatium. *Roborantia stomachum calefaciendo.*

Componuntur ad idem diacymin. diamarg. mel rosatum, diatrop. pipereon.



*Refrigerando.*

2 Infrigidando verò acetum, agrestis, cidonia, lactuca, portulaca, plantago: quatuor semina frigida peponum, cucumris, cucurbita, citrulli: pyra, malagranata, endiuia.

Componuntur etiam diaciton. cum saccharo: syrupus ros. & conseru. ros. triasant.

3 Omnia ducuntur facile ad stomachum, nec indigent duce, quia ipse est via.

*Euacuantia.*

4 Euacuant à stomacho omnia iam dicta; & præcipuè absinthium, myrobal. aloë; & composita pilul. de agar. & stomach. & de hier. Plinius gallinæ iusculum commendat, quod verum est his, qui diu gallinas non manducarunt, & ego probaui hoc: & sal, & acetum.

*De conferentibus hepati, eisdem modis.*

A R T I C. V I.

*Confortantia iecur calefaciendo.*

1 Iecur calore refouent asarum, absinthium, quinque semina calida; id est, anisi, fœniculi, ameos, carui, cymini. Item petroselinum, cinamomum, fumus terræ, capill. Veneris, eupator. schœnanthum, vinum falernum.

Composita diacymin. dianis. rosar. nouell.

*Refrigerando.*

2 Infrigidant vero lactuca, endiuia, portulaca, hepatica, viola, solatrum, fantal. spodium, scolopendria, acetum, camphora, aqua rosata, acetosa, plantago, quinque semina frigida, & composita ex his cum saccharo.

*Ducentia.*

3 Ducunt ad iecur res calefacientes iam dictæ, & insuper cutha, farina hordeacea, spica.

*Euacuantia*

4 Euacuant à iecore eadem, quæ à capite cum directiuis: sed præcipuè agar. lupulus, rhabarbarum, eupat. myrobal. rhamarind. sarcocoll. iris, volubil. absinth. aqua casei, fumus terræ.

Compos. diaprun. triphera sarracen. pil. de rhabarb.

*De medelis ad lienem similiter.*

A R T I C. V I I.

*Confortantia lienem calefaciendo.*

1 Lienem calefaciunt acetum scylliticum, ameos: amygdala amara: aqua fœnic. borrago, buglossa, capparis, cichorea, calamentum, endiuia, epithymum, nasturtium, anethum, petroselin. radices brusci, apij, fœniculi, asparagi: fantali, scylla,



la, spodium, semen scolop. ruta: thymus, ammoniac. fumar.

Composit. diacappar. diacym. diacalaminth.

2 Refrigerant vero endiuiā, lactuca, acetum, spodium, quatuor *Refrigeran-*  
semina frigida. *do.*

Compos. dialacca, & triasant.

3 Ducunt ad lienem cappar. scolopend. asar. tamarisc. scyl- *Ducuntia.*  
la, cardam. rubia tinct.

4 Euacuant agar. sen. epithym. calam. mont. hell. niger.

*Euacuantiā.*

Compos. confect. hamech. pil. indæ.

*De medicinis etiam tripliciter ad renes.*

A R T I C. VIII.

1 **R**enes calefaciunt radices brusci, aspar. petros. fœnic. & *Iuuantiā re-*  
res eādem. Item spica nar. senecio, semen vrticæ, ruta, *nes calefa-*  
iuniperus, milium solis, saxifragia, daucus, cicera rubra, cubebæ, *ciendo.*  
macedonia; & quæ horum sunt laxioris materiæ, aperitiuam  
etiam vim habent.

2 Refrigerant nenufar. semina portulacæ, lactucæ, endiuiæ, *Refrigeran-*  
papaueris, plantago, virga past. *do.*

Compos. syrup. nenufar. acetos. stomachion, philanthropos,  
iustinum, lithon trypt. quæ etiam ad calculum valent.

Quibus adde capam coctam, & eius infusionem in vino, & *Ad calcul-*  
eius destillationem: ac simul florem fabarum. *um.*

3 Ducunt ad renes, & vesicam eādem res calefacientes. Ad- *Ducuntia.*  
de erucam, capam, & quinque radices aperit. videlicet apij,  
fœnic. petrosel. brusc. aspar.

4 Euacuant præterea benedicta, pil. cathart. imperiales, pil. *Euacuantiā.*  
arthetic. hermod. elect. de succ. ros.

*De medicinis ad matricem similiter.*

A R T. IX.

1 **E**adem ratione valent ad matricem: quam præterea calefa- *Confortantiā*  
ciunt artemisia, assa, semen iuniperi, pulegium, lupinum, *matricem*  
opoponax, melissa, rubia tinct. mentha, serapinum, sabina. *calefaciendo.*  
Calefaciunt, & trahūt deorsum, supposita moschus, ambra, zibe-  
tum, & omnia bene olentia: quæ si naribus fœminarum apponan-  
tur, trahent sursum vsque ad stomachum, quasi animal per se  
sentiens, cum magno ipsarum fastidio. Suppone assam fœtidam,  
& odo.



& odores prauos, & fugiet sursum. Pone in naribus, & fugiet mirificè deorsum.

*Refrigerādo.  
Ad mensurā  
ciendos, &*

Infrigidatur eisdem rebus, quibus renes.

Prouocantur menstrua calefactiuis, & aperitiuis, eorūque fomentis.

Sanguis nimius arcerur ne fluat frigefactiuis, & fomentis vini in cupulas glandium, & vinacea combusta effusi, & in vuluam exhalantis; cæterisque constrictiuis.

*Ad pulmonem quedam.*

ARTIC. X.

1 **P**ulmonem fouent, cor, & pulmo anseris, vulpis, & erycij: caro psitaci; liquiritia, capil. Veneris, canceri fluuiales, & res iouiales, mistæ venericis mitibus.

*De roboratiuis, euacuatiuis, & ductiuis ad iuncturas.*

ARTIC. XI.

*Roborantia  
iuncturas ca-  
lesfaciendo.*

1 **V**incturas calefaciunt hermodactyli, hypericon, scylla, calamentum, euphorbium, myrrha, ruta, granum pini; cortex radicis capparis: stercus vaccinum: origanum: storax, nasturtium, castoreum, sinapis, chamomilla, serap. asarum, oxymel simpl. & scyllit.

*Refrigeran-  
do.*

2 Refrigerant verò acetum, opium, solatrum, lactuca, semperuiua, endiuia, myrtus: aqua rosata, bolus arm. psyllij mucilago.

*Ducuntia.*

3 Ducunt ad iuncturas assa foet. acorus, amomum, piper, polium, scylla, opopon. zinziber.

*Euacuantia*

4 Euacuant à iuncturis, & extremis partibus turbith, sal gemmæ, sal indum, helleb. niger, polypod. euphorb. cucumer asin. hermodact. centaurea, sarcocolla, mechoacan. cum suis ductoribus.

*De medicinis exterius applicandis, simplicibus, & compositis  
speciatim, & de multiplici operatione, & compositione  
ipsarum, & modo, & usuque.*

CAPVT VII.

ARTIC. I.

1 **H**orum medicamentorum quædam applicantur interiùs, quædam exterius; & componuntur ad diuersas intentiones, vt dictum est.



2 Exterius Medicus, aut intendit attrahere, aut calefacere: aut frigefacere, aut exsiccare: aut emollire, aut subtiliare inclusos humores, ac proinde dolores ex eis productos sedare.

*Septem effectus à medicis extrinsecus applicatis.*

3 Ad extrahendum utimur vel instrumento prensatiuo, sicuti chirurgi cum forcipe ferrum, aut aliud in plaga concretum extrahunt. Vel attractiuo, & hoc fit vel ratione similitudinis, ut cum dictamus extrahit ferrum, & aurum hydrargyrum incorporatum per medicinas in lue venerea susceptas, & caput viperae venenum vipereum, quando momordit; & pili canis rabidi venenum eiusdem. Semper autem attractiuum debet esse solidius, ut trahat, & non trahatur; & poni diuersiua post locum, unde trahendum.

*De extrahitione prensatiua, & attractiua per symbolum.*

4 Vel fit ratione vacui, quod suctione exequuntur chirurgi quidam: & si est semen, hoc melius facit vulua mulieris. Aut cucurbitulis vitreis stuppa ignita plenis; quæ sunt mirabiles ad hoc, & cum multum etiam sanguinem trahunt, sunt lanceolis cicatrices pungendæ. Valent multum in doloribus ex ventositate crassa frigidaque. Quando autem per ventosas regiones quis ambulauit: igne copioso se circumdet vsque ad sudorem, & aromatica odoretur, & manducet.

*De attractiua per vacuum.*

5 Ad calefaciendum vel refrigerandum utuntur Medici epithemate, fomentatione, vnguento, ceroto, emplastris. Omnia hæc sunt ex illis rebus, quæ respiciunt membrum sibi appropriatum.

*De calefactione, & refrigeratione.*

6 Epithema fit ex succis simplicium, vel ex aquis destillatis, & pulueribus simul aggregatis, & calefactis, & applicatis panino linco, vel laneo, super membro cui quærimus opem. Nam aliud est cordiale, aliud stomachale, aliud hepaticum, aliud cerebrale. Cordiale fit ex cordialibus rebus, ut citro, santal. zedoaria, croco, vino. Stomachale ex stomachicis calidis, vel frigidis, &c. Ponitur ante prandium: sed in acutis quando pores.

*Distinctio epithem.*

7 Quando ponitur acetum, vel frigida in testiculis, vel in pedibus ad tollendum fluxum sanguinis ex naribus, accurrente spiritu ad propulsandum frigus, vñ cum sanguine; non est epithema, ut putant Medici, sed diuersum.

*Adnotatio.*

8 Fomentatio est aggregatio ex herbis decoctis, aut aliis speciebus membrum, quod cupis, respicientibus, in aqua, vel vino; quæ deinde ab alto funditur paulatim super membrum, aut applicatur cum spongia madida, aut filtro: ut caleseat, aut

*De foment.*



frigescat, aut attenuetur, inclusa materia, & dolor linia-  
tur.

De unguen-  
to.

9 Unguentum verò est aggregatum ex liquoribus, cera, pulue-  
ribus subtilibus decoctis, donec solidescat. Liquores intelligo  
vinctuosos, ut olea, pinguedines. Fit etiam sine pulueribus. Ad  
infrigidandum olea frigida pones, violac. myrtin. ros. nenufar.  
papau. Ad calefaciendum calida, ut anethin. lil. laur. absint. ca-  
mom. rutæ.

De lenimine.

10 Quando unguentum est molle ex modica cera, dicitur li-  
nimentum: nam pro vncia una olei ponitur dragma 1. pulu. & ce-  
ræ dragm. 1. In linimento semis.

De ceroto.

10 Cerotum fit cum pulueribus grossis, & oleis cum resina, vel  
cera ad formam solidam redactis: & applicantur vel capiti, vel  
hepatis, vel spleni, vel matrici, in sua forma.

De empla-  
stro.

11 Emplastrum fit ex liquoribus pariter vinctuosos, & herbis,  
radicibus, & floribus, vel grossè pulueratis, mistis, & ebullitis ad  
spissitudinem; quod ponitur super panno, qui super latere calido  
incalescat; & sic applicetur.

De cataplas.

12 Cataplasma fit ex herbis viridibus, & aliis rebus contritis,  
& applicatis membro.

In balneo  
applicatio.

13 Applicantur etiam balnea aquarum, in quibus herbe deco-  
ctæ sunt, aliæque res, conducentes ad totum corpus, vel, ut po-  
ros aperiant, & extrahant calorem hecticum, & fuligines, vel, ut  
cōfortent lassum; vel ut, &c. sic etiā aliorū vñctiones, & frictiones.

De pessario.

14 Pessarium quod vulvæ apponitur ad constringendum, vel  
ad educendum sanguinem, vel semen corruptum, eisdem fit mo-  
dis ex appropriatis simplicibus ad formam vulvæ.

De interiùs applicandarum medicinarum preparatione, compo-  
sitione, operatione, & usu, & modis decem, secundum  
Medici intentiones.

## ARTIC. II.

8. medica-  
lia interiùs  
applicanda.

1 QVæ autem applicantur interiùs ad calefaciendum, vel re-  
frigerandum, aut exsiccandum, &c. sunt aquæ destillatæ,  
decoctiones, succi simplices, electuaria, confectiones; looch, sy-  
rupi: & euacuantes, seu laxatiuæ, medicinæ.

De aquis  
destillatis.

2 Aquæ destillatæ fiunt in alembico per sublimationem par-  
tium tenuiū è crassis vi ignis eductarum, receptarumque in vas,  
in



in quod densati vapores destillent, non secus ac aquæ in aëre generantur. Educuntur autem ex rebus non vinctuosis: ex his enim olea elicimus. Sunt prædictæ aquæ penetrantis virtutis ad membrum, cui applicantur, mirificæ: peraguntque effectum celerius quam res unde exprimuntur. Aliæ quidem fiunt propter stomachum, ex vino, & vua passa infusa aquis. Aliæ propter caput, ex rebus capiti conferentibus, aloë, maiorana. Aliæ propter iecur. Aliæ propter iuncturas. Ex his medetur Paracelsus, non ineptè quidem, tum ad facilitatem, tum ad vigorem medicinæ. Verum quoniam ad vnciam aquæ de rhabarbaro, multum rhabarbarum consumitur, ac sæpè opus est non modò virtus tenuis, quæ faciliè euanescit, sed crassa eius substantia, quæ immoratur ad perficiendum opus, & non incorporatur nostræ soliditati: idcirco hæ aquæ, non in cunctis sunt laudabiles. Præterea medicina attractiua ex his fallax; non enim trahit in ventriculum, sed ipsa currit ad humorem in aliis vasis, & iuncturis propter suam tenuitatem: idcirco si non subito operatur, occidit augendo morbosam causam, quando est attractiua, non quando expulsiua, & resolutiua peccantis humoris. Lando medicinas confortâtes calefaciendo, refrigerando, & attenuando, &c. ex his destillationibus mirificentissimè propter iuncturas, & vitalia: Olea autem ex mineralibus, & herbis valdè proficua extrahimus; & ad totius, & ad partiū salutē; magis autē ad partiū, & de foris: similiter sales ex eisdē, at potius intus.

3 Decoctio est aqua, in qua decoctæ sunt herbæ, flores, sales, gummi, & aliæ res: in qua ipsarum substantia remaneat; eaque utimur ad reficiendum quotidie. Est enim iusculum, & ad calefaciendum, & refrigerandum. Non enim calor accidentalis in membra transit, sed substantialis rei decoctæ: alioquin cucurbita cocta calefaceret, & quidem calefacit accidentaliter: sed partes cucurbitæ in nostram substantiam transeuntes frigefaciunt apertione, & minoratione, & extensione, vt dictum est prius. Palam est autem quomodo in brodio rei substantia melior manet, & non crassities.

*Quæstio de  
stillatis.*

*De decoctione.*

7 Infusio autē est aqua, in qua per aliquod tēpus simplicia relinquimus medicamēta, vt ibi substantia remaneat: quādo timemus ne per decoctionē euanescat. Res enim acuti odoris, & quæ odore operantur in nos, vt rhabarb. colocynth. absint. & huiusmodi decoqui non debent, sed infundi. Exprimitur deinde ex eis infusio decoctiove, prout magis, minúsque opus est ipsorū vi operatiua.

*De infusione.*



De succo.

5 Succus exprimitur torculari, sicuti vinum ex vva: & alius re-  
fectius, sicut qui ex columba, aut capone exprimitur, quando  
æger difficilè accipit nutrimentum modicum, & indiget multo:  
vel non sufficit stomachus ad digerendum crassitiem. Solent in  
hoc succo medicinalia poni, & exprimi. Alius est euacuatius.  
Alius calefactius. Alius, &c. prout sunt simplices, ut supra.

De conf-  
ectioe.

6 Confectio fit ex pulueribus, & speciebus intentioni appro-  
priatis, cum saccharo, melle, & aqua decoctis, & in formam soli-  
dam indurescentibus tenuium abcessu.

De electua-  
rio.

7 Electuarium fit ex eisdem non adeò coctis, quæ in lentam  
abeant consistentiam; cui solent addi etiam passæ, pulpa capo-  
nis, & aliæ res, pro effectu quem intendimus. Alia enim confor-  
tant: alia euacuant: alia nutriunt, &c.

De looch.

8 Looch verò similiter fit, sed in consistentia lubrica, ut illud  
æger lambere possit: & propterea minus coquitur ne indures-  
cat. Et sicut in confectione dragm. 1. puluerum exigit duas vn-  
cias sacchari, & in electuario non nisi vnam, vel vnam cum di-  
midia: ita in looch fortè mediam: sed potius mel illi conuenit,  
quam saccharum. Vtuntur hoc Medici salubriter ad pectoris aspe-  
ritatem leniendam, ad pulmonem expurgandum, ad catarrhum  
incrassandum; ne siccum in pulmonem defluens, officiat. Species  
autem sunt quæ talibus membris propriæ.

9 Solent fieri medicinæ ex dictis, vocatæ mixturæ.

De trochi, co.

10 Trochiscus est ipsamet confectio in rotundam, depressam-  
que formam redacta: fitque ex omni medicina puluerabili ad  
quantitatem iuxta effectum intentum. Nam alia ad cerebrum:  
alia ad stomachum: alia, &c. Fiunt trochisci, ut species medici-  
nales sic conferuentur. Et sunt quidam adstrictiui, ut de terra si-  
gillata, bol. armeno; quidam confortatiui de menta, de absint.  
quidam fumigatiui pro matrice, aut peste, aut cerebro: & pro-  
fumi seu suffumigia de horum genere sunt.

De pilulis.

11 Pilulæ autem quasi pilæ fiunt ad deglutendum, ut eua-  
cuent, quod non omnes trochisci faciunt.

*Quotuplex medicina euacuans; & primò de euacuantibus infer-  
nè; ubi prius de suppositoriis.*

## CAPVT VIII.

## ARTIC. I.

1 **M**edicinalium euacuantium aliæ infernè applicantur, ut  
suppositoria, & clysteria; aliæ superne, ut syrupi vo-  
mitorii.



mitorij , & lenitiui , & digestiui , & laxatiui ; & confectio-  
nes.

2 Suppositoria applicantur, alia ad irritandum : alia ad attra-  
hendum, alia ad leniendum. *De supposito-  
rio.*

3 Leniunt res vnctuosæ , & dulces : nec ob aliam causam in-  
duntur, nisi quia via alui aliqua de causa est astricta, & exaspera-  
ta, aut vlcerata, vt facilius fæces egrediantur. *Lenitiuo.*

4 Irritatiua ponuntur, vbi vis expulsiua est pigra, vel alteri in-  
tenta negotio; vnde pungimus ipsam, sicuti natura facit per cho-  
lericum humorem. Et hæc fiunt ex rebus falsis, & pruritus in-  
ducentibus ; non tamen absque oleo, ne vlcèrent, aut exaspe-  
rent : talia sunt sal, alumen, caseus falsus, lardum, &c. *Irritatio.*

5 Attrahentia ponimus cum opus est vermes ad odorem tra-  
here, vel humores consimiles. Puto enim ex rhabarbaro facta  
trahere bilem ; ex aliis, humores alios : ergo ex melle, lacte con-  
creto, ex puluere hellebori, euforbij, hieræ. Additur sal ad irri-  
tandum, mel, & lac attrahunt vermes; helleborus humores. Mis-  
centur etiam irritans, trahens, & leniens ob &c.

*Secundo de Clysteribus inferne applicandis ad  
euacuationem.*

ARTIC. II.

1 Clysteria sunt simplicium decoctiones, aliæ ad confortan-  
dum, & nutriendum, vt de brodio caponis cum æger non *De clystero  
nutritiuo, &  
confortatino.*  
benè nutritur, & post multam euacuationem: semper adde in his  
saccharum, & pinguedinem salubrem, vt lutea ouorum ; & quæ  
subito nutriunt, quæ venæ trahunt, iis intestina confortantur. Ad-  
ministrantur verò repida.

2 Aliæ sunt ad constringendam aluum, & venas eò accurren-  
tes, & fiunt ex acacia, bursa pastoris, bolo armeno, cupulis glan-  
dium, corrigiola, corticibus castanearum : hypocistide, labrusca,  
lapatio, plantagine, myrto, sera combusta, seminibus portulacæ, &  
acetosæ, terra sigillata, vitello oui combusto. *De constri-  
ctio.*

3 Aliæ lenitiuæ, vt de malua, maluauisco, althæa, atriplice, *De lenitino.*  
branca vrsina, semine lini, psyllij, scœnugræci: & oleis calidis. Al-  
terant & leniunt de viola, lacte, spinac. portulaca.

4 Aliæ abstergunt, vt de blito, hordeo, mercuriali, parietaria, *Absterfuo.*  
sulfure.



- Solutino.* 5 Aliæ soluunt etiam ventositatem, & dolores colicos: vt camomil. melilot. ruta, aneth. anis. femin. carui, ameos, seseleos; alij fila, substantia enim minus ardet. Adde organ. pulegiū, & similia.
- Subtiliasino.* 6 Aliæ simul subtiliant, vt de capill. veneris, milio solis, lupul. quinque radicibus calidis, & res. cuscutha, senecione, chamædr.
- Incisino.* 7 Cum vis viscosas faeces incidere, & gelatos humores; adde acetosam, & res acres. Ex aceto, & adipe arietis ego probaui: sed cum periculo dysenteriae, ad ischiadicum dolorem, & viscosos humores.
- 8 Olea ponuntur iuxta intentionem calida, vel frigida, lenia, abstersiua.
- Tempus.* 9 Clysteria, & suppositoria euacuantia cum Luna est in signis aqueis, & Mars fortis ad expulsuam roborandam, ministrabis. Sed debilis sit planeta, cuius humorem vis educere.

*De superne purgantibus: id est, de vomitoriis.*

### A R T I C. III.

- 1 **S**Vperne per os medicinae applicantur, aut ad vomendum; aut ad euacuandum per aluum: vel propter vtrumque.
- vsus vom.*  
*tus.* 2 Vomitus naturalis est homini: quando stomachus superfluis, aut noxiis premitur.
- 3 Ad vomendum superflua, aliquando sufficit ipsa superfluitas: nam ebrij vomunt, & qui plus cibi quam oportet assumpserunt, praesertim non gratos stomacho. At verò vbi difficilè ista vomit, liniat pectus & os stomachi butyro, & bibat aquam multam cum oleo: oleum enim nauseam prouocat, aqua tepida iuuat ad idem, & simul superfluitatem penetrat, commouet, aptatque egressioni. Non autem ponas acetum: stringit enim. Solet & penna oleo intincta immitti in guttur ad prouocandum stomachum, praesertim oleo sesamino.
- Ad vomendu*  
*picuifos*  
*humores.* 4 Si noxia phlegmatica substantia est in ventriculo, tunc syrupus acetosus, oxymel, melicratum, & huiusmodi post cibum dantur: vt simul mixta trahant secum phlegma, praesertim vitreum. Addunt alij anethum, capam, atriplex, nasturtium, raporum semen, erucam, cucumerem decocta cum vinctuosis. In alijs materiis ea quæ sunt sui generis, vel oppositi: illa trahunt: ista eiciunt: siquidè decoctio hellebori, & sambuci corticis succus, nuxvomica,



vomica, succus bryoniæ: esul. calamentum montanum, per tinent ad alios humores, vt dictum est. Notandum quod quæ odorem nauseosum, & grauem habent, facilius prouocant vomitum, præsertim cum acumine in decoctione; vt aqua cæpæ, raphani, hellebori. Inter omnia tamen antimonium benè præparatum.

5 Cum Luna est in signis ruminantibus valet ista purgatio, & contra venena paulò antè sumpta: & magis in æstate, quam hyeme, & contra humores tenues, & qui in stomacho: crassi enim, & hyeme per inferiora purgantur salubrius. Tempus

*De præcedentibus purgatiua; & primo de minoratiua, & quibus conueniat, & quotuplex.*

## ARTIC. IV.

1 **M**edicina purgatiua datur patientibus noxiorum humorum abundantiam, ex quibus fiunt destillationes, febres, obstructions, putrefactiones; sicut dictum est in libro 3. qui enim superfluitate sola laborant, per dietam sanantur, aut per vomitum: aut per syropos incisiuos.

2 Solent Medici prius dare medicinam blandam: quam alij lenitiuam vocant, alij rarificantem: alij minoratiuam, quia lenit molliciatque membrum, vnde humor noxius est educendus: & quia rarificat humorem, & aperit viam exeundi, & quia aufert fæces communes, ne misceantur cum purgatiua medicina, & eius vim debilitent, vel attractionem (vt credo) non impediunt. De minoratiua.

3 Et quidem vbi Medicus scit naturam infirmi, & regio calida est, corporaque laxiora, non solet exhiberi minoratiuum. Neapoli enim nō datur. Patavij, & in Germania datur, vbi corpora densiora, & à frigore constipatoria. Signum autem accipe. Vbi æger febricitans desiderat vinum, indigere minoratiuo: carnes enim habet densas, & substantiam firmiorem, & substantialiter calidam. Vbi æger optat aquam, non indigere: laxioris enim est substantiæ, & non robore, sed copia calidæ. Vbi autem non adest febris, humoris dispositio in subtilitate, & crassitie, & complexio infirmi te adinonebit. Subtilitas enim humoris, & corporis obedientia ad purgationem, non egent. Quibus debetur, & quibus non.

4 Minoratiua leuia sunt ante prandium oua sorbilia, pruna damascena, ficus, vua passa, brodium caponis, cicerum, brassicatum, &c. pro humorum natura. item mediocria sunt lac, serum, hordei



hordei aqua, juleb. cassia fistula, manna, sacch. violat. & vñctuosæ res. Fortiora sunt dialenn. dracathol. pil. de hier. de agar. alef. iuxta dosim præscriptam à Medicis practicis. Vomitus & clyster, & suppositoria sunt etiam pro minoratiuo.

*De Syruporum usu, compositione, & ratione.*

ARTIC. V.

*De digestiua.* 1 **P**ost minoratiuum, vbi opus fuerit, ad digestiuium peruenitur: quod fit in forma syruporum, ex aquis destillatis ex herbis, vel in quibus decoctæ sint herbæ, & res pertinentes ad talem digestionem: propterea exhibentur in morbis à materia cruda exortis, vt coquatur, & præparetur euacuationi: Dum enim est cruda, bonis humoribus miscetur, & difficile eradicatur: at cum cocta fuerit, incipit sequestrari. Vbi autem materia turgēt, statim datur purgatiuum, ne ante quam possit digeri, plus noceat, iuxta Medicorum sententiam: nos quoque diximus vt leuetur corpus: & deinde digestio reliquæ portionis perficiatur.

*De syrupo.* 2 Syrupus fit ex succo, vel coctione multa illius rei, quæ est apta digestionem humoris: cui admiscetur decoctio eiusdem generis appropriatæ illi humori, & membro, vt syrupus liquidior facilius sumatur, & feratur ad membrum, & iuuetur ad operationem. Dosis syrup. est vnc. j. s. aquæ vnc. iij. plusculum, vel minusculum.

3 Si humor peccans sit grossus, pone syrupum de rebus calidis, & attenuantibus. Si viscosus, de incisuiis: si tenuis, de incrassantibus. Et simplicia sint appropriata humoribus, & membro.

*Syrupi digerentes phlegm.* 4 Alij enim digerunt phlegma, vt de artemis. acoro, absinth. bizantiis, calam. eupar. hyssop. liquiritia, mentha, oxym. simp. comp. descylla, prassio: quibus correspondent aquæ menthæ, calam. art. abror. bryon. foenic. enulæ. eufra. gramin. hyssop. lauendulæ, origani, rorismarini, saluix.

*Digerentes choleram.*

Alij choleram, vt de end. agrest. ros. papau. iuiub. citon. viol. iuleb. viol. portulac. nenuf. oxysacch. myrtinus, acetosellæ, acid. citri. Quibus respondent aquæ de end. cichor. portul. cucurbit. lact. acetos. nenuf. scabiosæ, ros. viol. lup. papau. rub.

*Digestiui ad atram bilem.*

Alij melancholiam, vt de pomis, de fumo terræ, bizant. borrag.



borrag. buglossi. acetosus, compos. de thymo. epith. oxyfack-  
oxym. scyllitic. stæchad. scolop. Quibus respondent aquæ bor-  
rag. bugloss. asar. fum. terræ, meliss. cuscute, lupul. eupat. scolop.  
sambuc. tamarisci.

5 Cum autem volueris ad aliquod membrum, in quo per es-  
sentiam sit morbus, istas medicinas perducere, vt rebus per-  
ducentibus ad illud, de quibus supra. Et si fuerint plura membra,  
vt rebus pluribus ductoribus, & semper pone plus de remedio pro  
illo humore, & membro, vbi plus est de malitia. Miscebisque in-  
tentiones & res. Semper tamen pones aliquod confortans stoma-  
chum, qui est via communis; & cor, vt borrago, meliss. adduntur  
sæpè aromata, & quæ confortare scimus.

*Regula pro  
membris sin-  
gulis.*

*Confort. sem-  
per.*

6 Ex dictis rebus quædam videntur contraria humoribus edu-  
cendis, quædam fauere: illæ enim reprimunt, vniunt, & vt vin-  
cantur satagunt: istæ vt attrahantur, & vniuntur.

*Aliquid con-  
traria, & nō  
quid similia.*

7 Dantur etiam post purgatiuum pharmacum syrups, vt quæ  
relinquuntur in morbis per vrinam, aut secessum paulatim emit-  
tantur; aut per oppugnationem vincantur, ne paulatim aucta re-  
cidium efficiant. Vnde syrups de quinque radicibus vrinam  
cicantibus, ac simul humores noxios, mirabiles esse probantur.

8 Sunt etiam in morbo venerco, qui vnico, & repetito phar-  
maco eradicari perfectè nequit, alij syrups: immo potus conti-  
nuus medicamentosus administrandus: quod etiam in cunctis  
non perfectè curatis fieri oportebit, vt in suo loco.

*De multipliciter purgante medicina, & ratione sue com-  
positionis, & purgationis; & temporibus  
opportunis.*

## ARTIC. VI.

Q Vum corpora lubrica facta fuerint, & præparata per syra-  
pos (quæ tamen per iuscula appropriata facilius, & vtilius  
forfan parabis:) dabimus medicinam purgantem, ac simul eua-  
cuantem. Purgat enim quæ humorem extrahit peccatē; & eua-  
cuans est communis. Alia enim est lenitiua, vt quæ sit per cassiam,  
& manna, & brodia, & pinguedines vngentes locos transitus, ne-  
dum trahentes. Alia lubricatiua, vt quæ per ficus, pruna, violas,  
quæ fæces, & humores mollificant, & adigunt. Alia abstersiua, vt  
quæ per aquam hordei, & acetosas res; quarum etiam est incide-

*De purgante  
& euacuante.*

*Evacuans.  
Lenitiua.*

*Lubricatiua.  
Compressiua.  
Abstersiua.*



Symbolica.

Quinque in-  
stant medi-  
cina in hac  
compositione  
secundum  
Medicos.

Regula cen-  
tesima.

Reg. 2.

Reg. 3.

Reg. 4.

Reg. 5.

Monitio.

re, & pituitam etiam emittere. Alia fit compressione, ut quæ per mespila, & sorba assumpta post cibum, quem deprimunt, & uniunt virtutem, & à tergo stringunt fibras transversas, ita quod extrudant ante, ac deorsum: à ieiunis vero & ante alios cibos sumpta, constipant. Putamus myrobalanos comprimendo purgare, quod verum si addas & attrahendo. Alia fit dissolutiua proprietate; quam agarico in phlegma, rhabarbaro in choleram, &c. dant. Nos autem hoc attractioni damus, & contrarietati cum medicina componitur.

Quinque ponunt in medicina componenda doctores: videlicet basim quæ respicit humorem, quem purgare intendis: & si sunt duo humores, duas bases: ut agar. pro phlegmate, sennâ pro melanch. 2. Confortatiuam basis, ut turbich confortatur à gingibere, aloë à colocynth. scammonium à bdellio; & hæc est subdupla ad basim. 3. Ponunt, ubi ista non sufficiunt, aliam, quæ sequitur radice operationem: ut scilicet ipsam ducat ad membrum proprium, aperiat vias, iuuet opus. 4. Medicinam reprimentem basis nocumentum, ut contra opium euphorbium. Et hoc, quando medicina aliquid venenosi habet, ut helleborus: aut contrarium patienti, ut scammonium febricitanti: Et hæc æqualis est cum basi in pondere, & virtute. 5. Alterantem totius compositi, ut ad certam speciem reducatur: & ut absque abominatione fumatur. Adduntur & quæ medicinam à calore naturali defendant, quando sunt debilis virtutis, & quæ ad diuersa membra ducant.

3 Dant regulas primò, ut si qua medicina pluribus confert membris, aut passionibus, vel ad remotiores à ventriculo partes est operatura, vel in composito sola est vnius virtutis, aut contrarium corrumpens habet: de illa multum in compositione ponendum est. 2. Si multæ est virtutis subitò operantis, vel pauci iuuaminis, vel in viis propinquis agere debet, vel nocumentum habet annexum: vel non est vnica, vel caret contrario; de ea plus ponendum est. 3. Æqua portio earum rerum, quæ sunt æqualis virtutis. 4. Minor de maiori.

4 Non fiat compositio rerum, quarum vna statim, altera post multo tempore soluat: alioquin illa istius operationem præueniens frustrabitur. Nec quarum proprietates contrariæ sibi iniuicem, vel in modo operandi, ut violæ, & myrobalani: & ficus, & mespila. Hæc vera sunt, quando eodem tempore volumus educere totas causas morbificas, & medicinarum tēperatione est opus.



- 5 Arbitramur autem, quod vbi medicina sufficit ad totum *Monitio 2.*  
opus, non est addenda confortatiua, vt mechoacan, & antimonio,  
neque sequens operationem radicis.
- 6 Vbi etiam corrigitur medicina ante sumptionem, non est ap- *Monitio 3.*  
ponendum correctiuum, vt antimonio præparato, vt in minera-  
libus, aut, &c. præparatis.
- 7 Quæ sequitur radicis operationem si vim haber expulsi- *Regula 6.*  
uam, quam radix habet attractiuam, non est eodem tempore  
propinanda; vel sic addenda, vt post attractiuam agat, hoc est, in  
minori quantitate & virtute.
- 8 Falluntur qui putant expulsiuam sufficere medicinam, quan- *Monitio 1.*  
do humores non in ventriculo, & intestinis, sed in remotis sunt  
partibus: oportet enim iungere attractiuam: & quæ citius, &  
prius agat. Et istæ dicuntur Medicis à proprietate occulta agere.
- 9 Quapropter in nostro dogmate omnis medicina componitur *Compositio*  
ex basi attrahente, & ex altera expellente, sicuti sapo ex oleo, *medicinarum*  
quo oleum panno imbibitum trahatur, & suscitetur; & ex cinere, & *ex proprio*  
calce, quæ expellant tanquam contraria, & abstergant. Cætera *dogmate.*  
quæ Medici addunt ad horum robur, & facilitatem spectant, aut  
ad confortationem membri, vndeeductio fit; & vitalium; quæ  
tamen confortatio, & abstersio & leuatio possent fieri post  
medicinam, si æger toleret, ne simul factæ impediunt illius  
opus.
- 10 Idem confirmatur in morfu viperæ, cuius cordis sumptio,  
aut spinæ in puluerem actæ, sanat à veneno. Similiter sanguis ca-  
ninus e potus à veneno rabidi canis, & mus in radice nascens na-  
pelli à veneno napelli. Ergo præcipua basis est attractiua.
- 11 Temporibus calidissimis, vt sub canicula, prohibentur pur- *Temp. purg.*  
gationes: ne dum calor aëris trahit ad circumferentiam humo-  
rem, & calorem narium, impediat opus medicinæ trahentis ad  
centrum, & spiritus expellentis. In maxima necessitate peracu-  
torum infrigidato cubiculo aliquando conceduntur. Similiter ne-  
gantur in frigidissimis, ne calore coactio in centrum digeratur  
medicina; & attractio ex spissis membris minor fiat. Similiter in  
igneis, & terreis Luna existente signis, & 2. Vtilior est in aqueis,  
& in aspectu bono Lunæ & 7. & deiectione planetæ, cuius hu-  
morem, vel membrum vis purgare, ne roboret: impediatque; de  
quibus in Astrolog.



De euacuatione per venarum sectiones secundum tempora,  
& usus, & rationes.

ARTIC. VII.

*utilitas phlebotomia.* 1 **E** Vacuatio humorum faciliior, & præsentanea magis fit per

venæ sectionem: non tamen utilior semper; quoniam necesse est sanguinem simul educi, quod faciendum non est, nisi ubi sit superfluous, non dico toti corpori; sic enim melius est per ieiunium minuere illum, quam sectione: sed parti; in qua est læsio, & à sanguine augetur, ut sunt rubedines in facie, apostemata, squinantia, scabies; & quando fiunt ebullitiones sanguinis, & risus multi, & affectus vanissimi.

*Tempus.* 2 Tempus minuendi est, ubi vrget necessitas, ut in angina; at ex electione post digestionem horis matutinis. Et quidem Astrologi adnotarunt secundum intentionem tempora. Cum enim sanguinem educere volumus, sit mane, & in prima Lunæ quarta; cum choleram, sit à meridie, & in 2. quarta: cum melancholiam, sit vespere, & in 3. quarta: si phlegma à media nocte, & in ultima quarta: tunc enim isti humores suo quisque tempore magis abundant, & facilius ebullientes egrediuntur. Vniuersaliter tamen omnis humor augetur & decrefcit augmento, & decremento Lunæ, ut palam. Respondent etiam quartis anni istæ eadem.

*Regula.* 3 Non tamen tangas venam alicuius membri Luna existente in signo, nec cum planeta illius membri domino: nec in temporibus calidissimis, nec frigidissimis; quando nec purgandum: nec in copula Lunæ cum Sole per tres dies ante, & post: nec in oppositione per vnum diem: nec in aspectibus hostilibus, vel coniunctionibus cum: & per diem.

*Regula.* 4 Quædam sectio fit ad diuertendum ex opposita parte sanguinem: quædam ad educendum ex eadem. Illa in dolore nouo: illa hæc veteri.

*Regula sex partibus.* 5 Regula est. Vena capitis contra capitis mala: epatica contra inferiora epatis & splenis: media seu cordialis contra mala pectoris: quæ in collo, & temporibus ad mala proxima, & quæ in angulis oculorum, ad oculos: quæ sub lingua, ad gulæ apostemata, &c. quæ in pedibus, ad mala vuluæ & inferiorum partium, & crassos humores.

*Qui sanguis bonus.* 6 Sanguis bonus est rubicundus, splēdens, quasi floridus, qui nec



natat in aqua, nec fundum perit, sed mediat: & serum habet sequestratum instar urinae in mediocri quantitate.

7 Sanguis nigrescens petens fundum aquae, parum feri habens, est crassus, atrabiliosus, & larga sectione educitur. *Malus.*

8 Sanguis spumofus, scintillans, rubeam, croceamque spumam habens, & qui natat, cholericus est: & nimium serum de-  
fectum coctionis indicat.

9 Albus, similis oui albumini, cum mucilagine multa, phlegmaticus est; non autem si albus, coctus instar seminis; tunc enim bonus, paraturque albarum partium nutrimento.

10 Sapores, & colores sanguinis indicant de cholera amara, de atrabiliacida, de phlegmate dulci, vel salso: similiter sectionem recipiens, tenuis; renuens, crassus; viridis, adustionem cholere: liquidus adustionem melancholiae: & haec clara sunt.

11 Sanguisugae pueris conueniunt, & senibus ad venas: ponuntur etiam pro capitis dolore in venis haemorrhoidalibus, & in loco tumoris sanguinis.

12 Cucurbitulae attractivae sanguinis ad contusiones, & tumores, & diuersiones inflammationum; & ad veneni extractionem, &c.

*De purgatione per medicinas, iuxta regionis, & temperiei ingenium, & usum, varia.*

ARTIC. VIII.

**N**on omnibus regionibus idem purgationis modus utilis, sicut nec nobis omnibus. Persae enim, & Mauri, & Aegyptij purgantur transpiratione: sumpto enim bezoar, aut alia naturae symbola, proficuaque re, inedia maciantur per gradus dietim: frictionibus corpus tractant, & oleis extractinis unguunt. Unde humores ex venis odore pharmaci concussi, & resoluti naturae vi confortata ad e pellendum, exudant, transpirantque. Hoc autem ubi calida regio.

2 At in Germania, Polonia, ubi non humores, sed fluores crassi abundant, ex gulosis, diurnisque conuiuiis, crudique exuberant, si volueris transpiratione educere, nequaquam poteris: contumaces enim sunt, & nequaquam attenuantur: immo firman-  
tury in vasis, & in musculis, laeduntque magis. Oportet ergo ad centrum eos deducere, & per alui foramina lata purgare.



3 Quiantem paludosas, & aquosas habitant regiones: per vrinam facilius, & per sudores purgantur: ergo vrinam, & sudorem cientia ministrabis.

4 In nostro verò climate omnibus viis iuxta tenuitatem, & acumen; crassitiem, & obtusitatem humorum; & ad ostia excretionis propinquitatem, & distantiam.

5 Sunt Slaui, & Boëmi, & alij boreales, qui cum febricitant, assumpto vino multo generoso, & piperibus in illo, operiuntur multis culcitris: ut pulsii humores ab interioribus, ac benè attenuati piperis, & vini caloribus, extra vasa per cutem in sudores versi educantur. Quod quidem multis etiam nostratibus prodesse visum est: quando cruditates insunt, & sordes ductibiles.

6 At vbi bilis multa, nec sola: & organa læsa, & assata melancholia, nescio an profit: solet enim indurari magis à pipere quod assatur, & lapidescit; nisi valdè persusum humectetur pharmaco; & quod vlceratum est, exacerbari, & spiritus debilitari, obnubilari, incrassarique vino, vincique pipere, ut à carbonis fumo. Fa-teor tamen pollentibus robore, & cruditate affectis, & humore superfluo, nil læsis organis, nec inflammatis valdè, nec nimis simul obstructis, si tamen nec prægnantibus; pharmacum hoc valdè proficuum esse.

7 Cauteria etiam ad alium purgandi modum spectant, dum via paratur prauis, vel superfluis humoribus, totum, vel partem aliquam lædentibus, ad exitum. Natura enim nacta viam facilè per illam sese exonerare nititur. Vesicantia tandem cauteria maiora sunt extraordinariaque.

8 At qui stupidi sunt ex ægritudine, inualidique ad crism, videntur per vesicantia purgandi: siquidem allia, sinapis, cantharides, aliæque res acutissimæ applicatæ intra brachiorum, & coxendicum musculos, rodunt, vlcérant, abstrahunt cutim, cient humores, & prauitates consequuntur: quemadmodum per cauteria fieri solet. Dolor ardens insuper accersit spiritum, & fluores in plagas ex nobilioribus partibus ad ignobiliores per violentos arte factos abscessus: quibus mirificè purgantur, reuiuiscuntque.

9 Est vbi igne vsti, qui humoribus in aliquò membro vexantur, exsiccatis subito conualescunt. Asiatici vtuntur proximis vstionibus in salutem. Inuat vstio infantes, fluoribus suffocari solitos, cervici applicata, quo attenuati transpirant.



## CAPVT X.

1 **H**ippoc. non semel de morbis patientium quid diuinum mentionem facit: quos necesse videtur non absque diuinis adhibitis sanari oportere.

2 Tripliciter autem morbi diuinum sapiunt. Primò, quando supra qualitates physicas incedunt: siue ab exteriori sint elemento, qualis est à veneno, vel pestilentia: neque enim mordentis scorpionis salua, & vis agit vt calida; sic enim magis ageret, & venenaret ignis. Nec vt frigida; sic enim nix magis. Nec vt sicca, sic enim pumex magis. Nec vt humida, sic enim aër, & aqua venenarent longe magis. Nec vt temperies qualitarum, in quibus nimirum agitur nihil, nisi debilitatio, castigatio, diminutio ipsarum. Ergo & virium actiuarū. Agunt ergo ex primalitatum vehementia, & modo, licet in qualitatibus, & temperaturis sic, & non aliter constituentur, vt supra dictum est. Atque huiusmodi morbis profunt primalitates appositæ, vt in morsu canis rabidi, & scorpionis, & colubri solemus. Item extractio grassantis vis in humore per cucurbitulas, & lanceolas, &c. siue ab interiori sorde à primalitatibus roborata, vt cum gangrenantur, sphacelantur, fiderantur: & hoc difficiliore eget medela, vt lib. 6. cap. 23. part. 2.

3 Participare diuinum dicuntur, quando sola primalitas interna est in causa, & non temperies, nisi fortè subiectiue. Imaginans enim homo quid terribile, afficitur etiam ab obiectis non terribilibus: mutatur colore, figura, & in aliquibus canities statim suboritur, & aphonia; & distorquetur vultus: nec reuertitur ad rectitudinem. Quandoque etiam terrore, latitia aliisque imaginationibus repente afficiuntur, aut vitiantur. Et in his medicinæ parum valent, nisi quæ per accidens immutant imaginantem animam. Si non admittit persuasionem valet, vt vinum, soni, & herbæ, & lapides preciosi, sed passioni corporis ab imaginatione illatæ medicamentum per se operantia addes lauacra, olea &c. vt in 6. lib. c. 1.

4 Diuinum sapiunt, si ultra naturæ limites naturaliter patiuntur à causa transnaturali, vt cum dæmonoplexia afficiuntur, & maleficiis cacodæmonum ope accersitis; morbisque, quorum non est in Medicis per se pharmacum. Dixit Paracel. horum remedium esse in religione, non in schola Galeni; licet in superstitione ille locet: tamen fatetur quid verum à longè. Ptolem.

scripsit



scripsit etiam. *Morbos huiusmodi Venus sanat oraculis, Iupiter pharmacacia.*

5 Nos autem maleficia cognoscimus arte dæmonis à strigibus illata, Platonice etiam agnita, quæ religionis exorcismo tollimus. At quidē adhibetur ruta herba, & fuga-dæmon, & aliæ res, quæ quidem non in dæmonem agunt physice, sed in opus dæmonis: ipse enim nil operatur imperando: quippe cui natura non obedit, nisi creatori suo: sed adhibendo herbas, lapides, liquores, & res quæ immutant foedantque temperiem, & vires corporeas per se, per accidens verò animasticas etiam: quibus contraria si adhibes, eius opus eludes. Agunt verò ut signa, & per accides, in dæmonē, dum se contemni, & huiusmodi opus suum vinci indignatur. Vnde veteres magi vrinam in eius opificium proiciebant, & fugabant, non ipsum physice afficiendo, sed moraliter.

6 Non ergo arbitretur Medicus vana prorsus, quæ in lib. exorcistarum scripta sunt: nam & Paracel. laudat hæc, ut remedia vera, propriaque. Neque altero maleficio maleficio tollit, ut Paracel. docet, sed religionis virtute. Fatentur enim ipsi Medici in schola Galeni, & Hipp. huiusmodi remedia haud reperiri.

7 Remedium ergo proprium contra per se est expiatio culparum animi, cui succedit malum corporis; & adhibitio sacrarum rerum, & fides in Deum contra eacodæmones, quibus Deus commisit vexationem mortalium, vel in exercitium, vel in pœnam: quemadmodum eudæmonibus auxilia, & promotiones, teste Aug. in Psal. 77. & Chrysost. in Matt. Adde physicas vires contra effectum dæmonis physicum.

8 Notare opportunum est, quod omnes præfati morbi religionis opus habent. Siquidem Romani veteres, & Etrusci contra pestem ipsa vfi sunt. Remedia physica in 6. lib. scribimus. Hic intinasse satis, quod omnes morbi diuini quippiam implicantes, diuino simul remedio indigent: physici physico: misti misto. Multum etiam prodest fiducia, quæ vires patientis hominis, & regionis, & ciuitatis excitat, roboratque. Vnde Auicenna dixit. *Confidentia de bono Medico sanat ægrotum.* Idemque Galenus agnouit in morbis non vulgaribus. Vide de sensu rerum: & quæ superior hic docuit, sermo.

*Finis libri Quinti.*

MEDI



# MEDICINALIVM

## LIBER SEXTVS.

### IN QVO DE MEDENDIS

morbis totius hominis singillatim.

## DE MORBIS SPIRITVS.

*Non esse à spiritu per se morbos ullos, sed ab obiectis, vel subiectis.*

### CAPVT I.

**I**N spiritibus morbi nulli originem habent à primalitatibus sese ad exercitium actuum agentibus: sic enim à sua natura alienari non possunt; sed ab obiectis, vel subiectis causis ad specificationem actuum, & refectionem sui, & conseruationem facientibus, efficiuntur morbi. Etenim ab his alienari possunt à sua natura; maximè autem à subiectis, quorum medicatio est & spirituum medela.

*De morborum ab obiectis appetitiui medicina.*

### ARTIC. I.

**O**biecta appetitiui in spiritibus multam facientia alienationem spiritus à se in ipsa morbos efficiunt grandes: quorum alij subito occidunt, alij paulatim: siue sint obiecta amoris, vel odij, bonorum externorum, siue corporalium, siue animalicorum.

*Sicut cibus  
vincens vi-  
res nature  
alienat ipsam  
à se ad il-  
lam, & fa-  
cit ex hoc  
morbum: ita  
obiectum vin-  
cens alienat,  
facitque  
morbum primo*

**V**idimus enim presbyterum, qui seipsum linteo suspensum suffocauit in vineæ ædiculæ laqueari, propterea quod vnam optimam fures rapuissent. Et avarum quendam de fenestra se præcipitasse, quoniam frumenti, quod ad lucrum detinuerat, vilitas



successit. Et monachum propter id, quod in Musica cum concineret cum aliis Musicis, emendatus sit rationabiliter à minus perito. Sunt etiam exempla innumera Catonis, & Lucretiæ, & M. Antonij, & Saguntinorum, & aliorum, qui sese honoris ac libertatis, regnique causa, occiderunt. Qui autem propter amorem libidinosum quotidie multi inveniuntur sibi mortem consciscere.

*Cura.*

Horum curatio vnica est religiosa moralitas, docens hominem, & instituens in fide verorum bonorum post hanc vitam, si iacturam præsentium alacriter ferat: nec bona caduca æternis anteponat; & inhonorationes iustas esse pœnas purgatiuas: iniustas verò occasionem præclariora merendi. Qui hanc doctrinam radicatam habet in animo, is caducis bonis non vincetur, nec malis, etiamsi præposteram venerem ab Æthiope cogatur pati. In quo defecit magnus Origenes: sed non defecisset mirifica Lucia. Et profectò qui honores ac vituperia ab hominibus, & bona temporalia à mundo, & vitam, & mortem in corpore floccipendit spe meliorum, nec spontaneam mortem mala tollere, sed augere credit: hic solus habet medicinam contra omnes affectus odij, amorisque iam dictorum.

3 Nil negem, & quæ post mortem in hac vita sequuntur, vim medelæ tenere: quando Locrenses virgines nostrates, quæ sibi quibuscunque de causis mortem inferre consueuerant, cum vidissent vnã in pœnam suspensam nudam turpissimè, à tali facinore cessarunt. Sed religio fortius est pharmacum. Scimus enim hanc anthropophagiam, & spontaneas mortes, & iras sæuas, & vitia, animum, & corpus pessundantia, extirpassè in nostris, & alienis regionibus, quamuis à cælo in contrarium inclinatis, vt SS. Cyrillus, & Clemens considerarunt.

*Animaluer-  
so.*

4 Quæ autem obiecta minori religione vetantur, aut in primis motibus vehementer mouent, horum non est medela. Quis enim medicabitur mulieri aspicienti filium viuum, quem putabat esse mortuum, ne nimio gaudio pereat? vt de Romana Liuius, & de Polona Struthius testantur. Etsi enim philosophia, & religio excessum amoris vetent: tamen in his spectaculis difficile frænatur; quando nec Chilon philosophus cohiberi potuit, ne gaudio de filij victoria moreretur; nec Pindarus, ne risu videns asinum ficus super mensam manducantem, disrumperetur.



retur. Optima tamen medela est instituire se intra mediocritates affectuum, ita ut nec subitanei possint fieri excessiui.

5 Cum verò affectus paulatim crescentes distrahunt spiritum à corporis gubernatu, & alienant à seipso: tunc principiis obsta, alioquin peribis. Propterea Sapientia dicit, ut non modo abstineas ab aliena vxore, sed etiam à visu libidinoso, & primo affectu. Et hoc facilius fit, quam cum laxare frænum libidini cœperis. Quod si Antiochus erga Stratonicen seruasset, haud ægrotasset ad mortem.

6 At cum eo deuenierit affectus, ut seipsum cohibere nequeat: duo sunt remedia. Primum rei optatæ fruitio, cuiusmodi affertur ab Erasistrato; quod tamen in Amone filio Dauid potius nocuit, cum amor in odium versus sit; attamen ab infirmitate conualuit. Alterum, ut obiecti mala amanti præ oculis ponantur, bonaque odienti. Sic enim Ouidius sterces amasiæ, vrinam, sordes, excretiones, & alia, quibus etiam inspergi potest de industria à Medico, mitigare insanias amoris docet. Adde prauitatem morum, pericula, turpitudines, infamias, riuales, Dei præcepta aliisque huiusmodi medelas. E contra odienti quod Deus præcepit omnes suas creaturas tanquam bonas amari; quod homo est. Quod bona non sunt vincenda malis, sed bonis, & alia quæ philosophia docet.

7 Et cum ista duo remedia defecerint, vel simula, offerendo illi statuat pro muliere, utque occidat bestiam, dum putat, pro quo furit, inimicum; vel distrahe in alios cogitatus. Venatio enim, bellum, alea, labores, rixæ, & noua exercitia, præpotentiora priores affectus sopiunt: ut minimarum rerum obliuiscamur, cum magna discere, & admirari cœperimus: & quidquid ab obiectis incipit, per obiecta alia deletur. Quapropter in amorosis quidquid amorem excitat, aut rememorat declinabis: in odiosis verò quidquid odia, iras, bella, &c. In his valdè profunt contraria contrariis, & historiæ, & fabulæ, & res. Sunt qui nouo amore, & odio curantur. Cura tandem cognoscitiui præcedat.

*De morborum cognoscitiui non organici ab obiectis medela.*

#### ARTIC. II.

1 Similiter obiecta cognoscitiui præpotentiora dimouentia Scognoscitium à sua natura, faciunt morbos statim, vel



*Sensibilia  
dupliciter  
nocent.*

paulatim occidentes. Sicut enim lux valida oculos cæcat, & organicam cognitionem : sic obiecta diuina separant quasi mentem à corpore, & cum earapitur spiritus : propterea Deus se nobis in sui puritate non obicit. Sed obiecta sensilia, & intellectilia duobus modis nocent. Primò si simul affectus malos producant: omnis enim notitia parit amorem, vel odium sui obiecti, & timorem, & iram, & huiusmodi in potestatiuo, & appetitiuo. Quapropter quidam videntes aliquid terrificum, in quo lædi se posse imaginantur, statim vocem amittunt, & cadunt, & conuelluntur sicco spasmo per spirituum resolutionem : alij canescunt subitò, sicuti in quarto de sensu rerum narrauimus de Fratre perterrefacto à F. Rocho, simulante se esse sanctum Dominicum; & de seruo à conserno laruato perterrefacto; & de altero ad mortem condemnato. Ex quibus patet non agere in nostrum spiritum obiecta : hæc enim minimè læderent, sicuti falsus ignis minimè vrit, sed ipsas primalitates percipientes hinc occasionem mouendi, & afficiendi spiritum, & corpus nouis prauisque moribus.

Secundo, si ita vni obiecto sese dedicat cognoscens facultas, vt aliis non vacet. Quapropter læditur aliorum memoria: quando tota cognoscitiua cognoscibili vnico occupatur. Læditur & fides seu credulitas : quidquid enim sentit putat se obiectum illud sentire, & credit quidquid de illo dicitur bene, si bene eo est affectus; & quidquid malè, non credit. Læditur & discursus, qui dum de re vna in alteram discurret, apparentia illius obiecti intermiscetur, & truncat, aut deprauat discursum. Aliquando etiam sensum afficit, vt videatur videre quæ non videt in illo, & in aliis. Et sicut timens vehementer colubrum, omnem lineaturam in via, & in pariete videns, videtur sibi videre colubrum : sic & iste in cæteris se habet obiectis. Sic etiam croceus oculus omnia iudicat crocea. Quapropter & fides, & iudicium, & discursus, & imaginatio, & sensus immutantur, & alienantur à veris in falsas notitias. Dicitur autem iste morbus delirium; quando fides, & iudicium vitiatur ira, vt credat, & iudicet ita esse res, sicuti sibi apparent, qualiter & somnianti accidit credere, & iudicare. Quando enim videt aliquid repræsentans quod non est, nisi accedat iudicium, dicitur solius sensus, vel imaginationis morbus : iudicij autem, si idola pro rebus accipiat.



2 Medicina contra primam læsionem nulla datur, nisi animi *cura 1.* robur, & confidentia in Deo auctore omnium rerum; sub cuius tutela se homo à nullare posse vinci credat firmiter: tunc enim quidquid obuium venerit siue bonum, siue malum, non poterit immutare primalitates morbosicæ. Et nisi præcesserit hoc antidotum, omnia obiecta erunt quasi venena si noxia repræsentantur. Si verò ut bona, enecant gaudio, vel fallunt multipliciter spiritum, ac proinde mentem.

Contra secundam esto medela animi applicatio ad alia obiecta: videmus enim præ nimio studio Theologiæ spiritus incallescere, attenuari, ac debilitari ita, ut idola pro rebus accipiant & delirant. Obliviscuntur pudoris alij, & nudi ambulant: & sicut euentus fert: nihil enim considerant, nisi quod altè radicarum habent in animo. Distrahendi ergo ab illo sunt per musicam, & vinum, & alia obiecta mirabilia, quæ effectus potentiores, & placentiores subministrèt. At etiam spiritus in crassandi modicè sunt, & refrigerandi pinguibus brodiis carnis vitulinæ, & arietis castrati, in quibus flos farinæ, & oua diluantur, & vino generoso aqua frigida commisto. Item viridariorum, & hortorum florentium loca iuuant, & amoenitates, & pulchrarum rerum affectus; præsertim mulierum; sermonesque molles.

Applicabis capiti corollas rosarum, & vnguenta refrigerantia, non acutis odoribus fragrantia: & aquis ex floribus arantiorum, & citriorum, & rosarum vttere in vino, & epulis, & facie: spiritus lucidos, & multos, & moderatos in calore, & dispositione generabis.

3 Super omnia memento, cum nouas passiones appetitiui, vel *quomodo* cognoscitiui adicere, & priores morborum causas, infixas dele- *Medicus post passiones* re cupis: tum cum potum, & cibum ministras ægro, imprime no- *immutare.* uas, & mirabiles, ita quod qui ex cibis fiunt spiritus, has subito, & promptius recipiant, quàm priores, quæ in abscedente præine- rant, læsuas. Sic & Iacob in coitus actu imaginationes ouium per virgarum in potu aspectus immutabat sapientissimè, rationibus dictis in 4. de sensu rerum: sed hic alia ratio ex memoriæ abolitio- ne patebit.

4 Quando autem quis vider ante oculos, vel intra cerebrum *Monstrari* vigilans, vel paululum conuulgentibus oculis quasi facies distor- *apparentia-* tas, truncas, seniles, & alia huiusmodi idola & monstra: nec credit, *nam causa &* esse res, sed imagines: iste sola imaginatione sensuque languet *cura.*



non autem iudicio: acciditque ex spirituum tenuitate, ac debilitate, qui à quacunque specie moueri queant, & vaporibus, & humoribus interioribus, quasi à rebus.

Remedium isto vinum generosum, & epulæ boni succi, ac subito reficientes, nisi alia ægrotatio obstet. At si in somnis ista appareant, tunc spiritus iudicat esse res; Mens enim illi tunc dicatur in ministerio refectionis: nec potest aliter iudicare, sicuti spiritus menti in ecstasi: huius videlicet refectione, cuiusque participat illustrationes. Vnde puncti non sentiunt ecstatici. Nec propterea iudicium dicitur ruisse, sicut in vigilante, sed impeditum esse. Curam tamen eandem exigunt, & læta obiecta: qui enim hilares sunt, & spiritu copioso abundant, talia non patiuntur insomnia, sed gratiora,

*Primalitas ad sensilia indiget corpulentia spiritus commoda: ad diuina vero tenuissima, vel nulla.*

5 Primalitates circa obiecta sensilia non recte se habent, nisi spiritus corporeitas vrgeat, sitque illi commoda: circa diuina vero è contra. Præterea nec expedit sanitati minutissima corporalia contueri: sicut Antipheron propriam imaginem, ob spiritus tenuitatem, & oculorum laxitudinem, in aëre semper videbat; talis enim tenuitas iniuriis patet: nec extra corpus menti seruentur obiecta, quæ corpus tenue spiritus non mouet. His nunc contenti sumus.

*Remediū & causa obfuscatæ.*

6 Cum autem intellectus impeditur ab aucta penetratione rerum ob spiritus turbationes ab obiectis, & passionibus illatis: tunc remedium esto cithara, & cantus suauis rationalis: vt sedato spiritu mens liberior arcana rerum attingat: sicuti Elisæus docuit, cum se influxui diuino per Musicam præparauit. Et in templo per Musicam sedamus passiones, & motus inordinatos: quod mens à perceptione & contemplatione diuinorum à spiritu non impediatur. Sicut è contra in bello per tympana, & tubam ad iram excitatur spiritus, & consideratio, & mens turbatur, vt pericula, & mortes non perpendat.

*Animaduersio in Medicos in causis, & morbis & subiecto spiritualium morborum.*

7 Quapropter cum obiectorum consideratio nimia, & modica, & morio spiritus ordinata, & inordinata: velox, & tarda, ex tenuitate, & crassitie: perplexa, & clara, ex fuliginum interuolantium præsentia, & carentia; varient animæ sensationes, imaginationes, & syllogismos, & iudicia, & intellectiones: Imperitè Medici (præcipuè Arabum disciplinam sectantes) statuunt hosce actus à cerebri temperie fieri: ideoque distinctos, quoniam distinctæ sunt cellæ: ita quod læso oecipite, lædatur imago: incipite, me-

moria



moria : medio capitis , discursus : vnde embrocationes applicant pro varietate affectuum capitis variis partibus im-  
peritè : vt , cum morbos à subiectis orientes curabimus , pa-  
tebit.

8 Quorum autem læditur credulitas spiritus tenuis est, vt cui-  
cunque obiecto credat : neque valens est discursus, qui perpen-  
dat, an verum sit quod proponitur. Et hæc aliquando ex summa,  
aut ex multiplici autoritate obiicientium interdum accidit.  
Sunt enim quibus si Medicus dicat male eos se habere, ideo-  
que decumbant , oportet , & testamentum condant : statim  
obediunt , ac imaginantur sic esse , & statim incipiunt ægrota-  
re. Dixerunt scholares cuidam quod haberet valde longum  
nasum quasi palmarem , & cum omnes ita affirmarent cre-  
didit ille. Alteri , quòd palleret facie , & morbi præsentis  
indicia in eo esse : tunc profecto domum alij scholares præ-  
missi dixerunt. Tu es parè mortuus. Bone Deus, quomo-  
do ambulas , tam mala signa mortis in aspectu ferens ? Qui  
persuassus vocibus multis decubuit , ægrotauit , & mortuus est.  
Ergo ex solis obiectis auditus occasionem accipiunt primali-  
tates malè regendi corpus, timendi , & dimisso regimine ægro-  
tandi.

Remedium est credulitatis abolitio per obiecta contraria, *Cura.*  
dicendo illi delusum esse : & ostendendo in obiecto speculo  
contraria , & faciem eius colorando pulchris coloribus sanita-  
tis , vt credat. Quod si cœperit ægrotare , dabis ei vinum  
cum confect. de hyacintho , & cordialibus , & virorum au-  
toritate prædicatorum , vt Episcopi , Monachorum , & Medico-  
rum , ingeres certam fidem , quod per illud pharmacum sana-  
bitur , & mira deiciet ; quæ cantharo impones : vt visis rebus  
deiectis eiusmodi nigris , & fœtidis credat se sanatum. Sic  
Trallianus mulieri se deglurisse anguem credenti , prouo-  
cata vomitione , velatis oculis , in peluim , vbi vomebat , an-  
guem mortuum demisit : quod videns mulier , se illum euo-  
muisse , & sanatam esse prorsus credens , sanata est prorsus. Er  
viro , qui putabat se esse mortuum , nec comedere volebat ,  
Medicus fingens se esse mortuum , & coram eo edens sua-  
sit etiam , mortuos comedere oportere. Horum spiritus est  
tenuis , & fuliginosus. Tenuitas afficitur nimis obiecto : fuli-  
go discursum impedit , deprauatque. Sunt etiam crassissimi  
quidam ,



quidam, quibus noua suasio difficile succedit, nec noua imprimi-  
tur: at cum impressa fuerit ab obiecto præpotente aliqua credu-  
litas, non finit crassities discursum an vera sit formari. Hos au-  
tem attenuantibus iuuabis, & obiectis validioribus dissuaden-  
tibus.

*De morbis potestatiui ab obiectis sine organorum affectu,  
eorumque medela.*

A R T I C. III.

*A quibus  
patitur pote-  
statiuum.*

**P**otestatiuum non patitur à rebus se valdè imbecillioribus: &  
cum patitur, non sentit: neque enim pondus milij vnus, aut  
fabæ sentimus nos, sicuti formica: ergo à solis potentioribus af-  
ficitur. At, vt plurima perpendat, non solum potentiora, spiritus  
dispertitus est per corpus, & alibi tegumento nullo, alibi modico  
munitur. Vnde frigus quod manus non sentit, patitur inguen; &  
pondus quod brachium non afficit, afficit digitum vnum: at nunc  
de passionibus absque organo & subiecto, illatis ab obiecto, ser-  
mo est.

*Remedium contra morbos à sonis.*

**Q**uidam enim graues sunt, tundentesque, vt sonus bom-  
bardæ, & tympani. Quidam acuti, & stridentes; qui spi-  
ritum lacerant, perforantque, vt sonus suberis dum secatur, &  
rotarum ferro lapidea strata viarum collidente, & campanula-  
rum, &c. Sunt etiam quibus dum sulphur lapide teritur, aut ma-  
nus farinam de tabula dispersam colligit, spiritus inhorrescit, &  
dentes quasi corrodi, & excuti videntur; quod si pergit, excru-  
ciantur, & ægrotant, quamuis discursu nouerint non posse lædi  
exinde dentes: at re vera læduntur: quoniam spiritum hi tenuis-  
simum habent, & debilem in eo, & communicatio ab auditoriis  
neruis ad eos, qui in radices dentium descendunt, est multa: non  
modo quia ipsi nerui omnes sunt ipsium cerebrum deductum, ex-  
ficcatumque: sed pororum, & ossis ad mandibulam continuatio-  
ne: dentes etiam sensitiuo prævalent principio vnà cum potesta-  
tuo debili.

Remedium est abesse ab huiusmodi locis; & dentium corro-  
boratio, & constrictio per saluiam, myrtum, lentiscum, sal, & hu-  
iusmodi extra confricata, & ore detenta: & spiritus augmentatio  
per



per potus, & cibos optimos, & aromatica stypticitate præditos, vel conditos, quæ firmitatem spiritui communicat. Sed obturatio aurium vera medela est contra Sirenas.

*Contra affectiones morbosas, &c.*

3 **C**um vero obiecta ingenerant occasionem metuendi, irascendi, sperandi, diffidendi, pugnandi, fugiendi, quæ sunt passionibus potestatiui: nec nisi à iuuantibus valdè, vel à nocentibus valdè obiectis fiunt; tunc fuga, vel sequela obiectorum est naturalis medicina.

4 Acti si non tantam habent obiecta potestatem, quantam præferunt: vnde spiritus timet, vbi non est timor; & sperat, vbi spes nulla; irascitur sine causa cum magna virium iactura: tunc cognoscitium simul compatitur, & morbos in potestatiuo facit, & signat. Videmus enim eos qui credunt se ægrotare, incidere in ægritudines, quamuis vires potestatiui firmæ ante illud instans forent: similiter ab occurrenti larua non molestari: sed quia credunt se molestari, statim corrumpere, & ægrotare, & mori. Ægrotantes colligunt festucas, & vellunt floecos, quoniam magni momenti rem se facere putant, aut quia experiri optant quid valent dum inualidi sunt, & ponunt spem in re parua, tanquam in magna: tum quia viribus paruus est in his spiritus, & accipiunt paruam pro magno: tum quia sensus modicus facile paruus etiam afficitur.

*Potestatiui  
absque causa  
non ægrotat,  
nisi cognoscitium  
ladium ladam  
tur saipso.*

*Cur spiritus  
vixit ægro-  
tans vellit  
floecos, &  
colligit festu-  
cas.*

Horum medicina est cibus & potus generans spiritus plures, & firmos. Itemque philosophia suadens, quæ verè timenda, & quæ verè apprehendenda, & amanda sunt, & vbi confidendum. Ego olim timebam transire per sepulchra, & ecclesias: post philosophiæ adeptionem pro nihilo duxi. Religio itidem validissima contra omnes timores: superstitio verò omnibus timoribus nos mancipat.

5 Sed cum præfata naturalia sunt, vix medela vlla prodest, præsertim in primis occurrantibus. Videmus enim mulieres abortum facere, & fugere, & eiulare ad visum colubri. Elephantibus verò ad vocem porci; pecudes, ad lupi ululatum, adeo quod, & pelles earum in tympano sonum pellis lupinæ ferre nequeant. Mens tamen humana sæpe vincit naturam; & ego noui.

*Naturalium  
passionum, &  
in primo im-  
petu vix  
se curant.*



*Confidentia  
vires, at dis-  
fidentia con-  
ciliat lan-  
guorem.*

6 Confidentia, & spes salutis in ægroto semper erigenda est, roborandaque: spiritus enim fortior ex ea fit contra morificam causam, & propriam vincit debilitatem, sicut atterritus, & desperans vires amittit, corpus conuellitur: canitie, & aphonia, & pulsus defectione, & tremore deformatur. Puto autem quòd quanta est imaginatio, & fides de proprio damno ad ægotandum, quamuis falsa: tanta est etiam ad sanandum, quamuis falsa: nisi quod facilius est destruere, quàm ædificare. Multi tamen ex Medici, ( ut iam dixi ) autoritate concepta confidentia sanati sunt. Idcirco eos, in quibus non val è confidis, accersere noli. Hac ratione ( alenus sacerdos Aesculapij sanasse quosdam facilius, quam Medicos, narrat; licet causas non satis perpendat. Auicenna verò, qui animam potentia donat super quodcunque corpus, errat. Non enim ultra proprium; & in his solùm, quæ spiritui subiiciuntur animali.

*Contra diminutionem ab obiectis.*

*Causa timoris plurima.*

7 Præterea dum spiritus fatigatus ab obiectis minuitur, & dum ponderat, transfert, annumerat, audit, intuetur. Nulla enim fit sensatio in cognoscituiuo, nisi per passionem in potestatiuo.

Remedium præsentaneum est, quidquid subito spiritus novos regenerat, ut odores, vinum, ouum, panis calidus, mentha, vinòque maluatico conspersus. Minus præsentaneum, sed validius, sunt carnes assatæ, iuscula condita aromatibus, columbæ, pisces, somnus, &c. His enim & copia, & robur restituitur, ut cuique notum est.

*Contra tremores ab obiectis. & undecunque motum spiritus lædentium.*

ARTIC. IV.

*ut & tremor.*

1 Aliquando motus ipsius spiritus læditur ab obiectis: tremunt enim ubi fatigantur. Item ubi timent; & ubi senescunt: & ubi inebriantur: & ubi aspexerint amasiam, ut Terentius meminit. Ergo tremor non est ob nervorum imbecillitatem, ut dicunt Medici: hoc enim solis pueris accidit, quibus ossa lenta, & nervi molles non possunt sustinere, ac mouere quorsumlibet



bet statuat. Sequitur ergo tremor, vel ad spiritus diminutionem, & in senibus, & sub pondere laborantibus, in quibus fit impar ad onus extrinsecum, vel membrorum & dum onus deorsum, & spiritus sursum mouet, quasi ex æquo nascitur mistus motus, qui est tremor: vel à fuga spiritus relincente onus ex parte, vt in timore, & potu frigido, à quo intus lædi sese sentiens au- fugit; sicut & in paroxysmis ab humoribus, & vaporibus mordi- cantibus lace situs fugit simul, & armat se: vnde sequitur rigor, de quo in lib. 4. dictum est. Vel tremor fit obnubilato gra- uatōque spiritu, non potente crassitiem vaporis ferre, cor- pusque: vt euenit ebriis multo oppletis vino, & resolu- tis, conuulsisque; quibus via spiritus à vaporibus & humo- ribus impediatur, ne possit inter neruos ambulare, probēque mouere.

2. Remedium prioribus est restauratio spiritus, & lauacra ex *CHRA.* odoratis rebus, ex quibus nerui confortantur, & inambulantes spiritus simul: quæ lauacra pueris valdè conueniunt, vt cito am- bulare possint. Si ex vino, rosæ, roremarino, saluia, cynamomo, &c. fiat, iuuant & olea calidæ naturæ, & aromatica, vt laurinum, myr- tinum, rosaceum, &c. extrinsecus. Qui frigidam sumpserunt, sunt calefaciendi, & odoribus confortandi. Qui timent, aut amant, obiectorum morte, aut fruitione, vel simulatis vt supra. Qui à meraciori potu, abstineant à vino, & lentis cibis, & modicis ex- tenuentur, aut vomant: neque imposterum nisi aquosi, si stoma- chus non fert priuationem omnimodam, vtantur. Interim mulsa cum decocto betonicæ & saluæ, sint contenti. De febribus infra.

*Remedia contra dolores omnes, ex spiritus dispositione ab obiectis immutata, ortos.*

ARTIC. V.

1. **A**ccidit etiam spiritus dispositionem ab obiectis affligi *Lesione plu-* dupliciter, vel cum à sonis obrunditur, aut lacera- *ma spiritus* tur, vt de quibus dictum est prius: vel dum ab aëre austri *in dispositio-* no crassior fit: à boreali tenuior: & ab aliis odoribus grau- *ne seu recui-* tur, ab aliis pungitur, & discerpitur: vnde sequitur in potestati- *tate sibi na-* uo grauamen, & debilitas, & tumor, vel diuisio disiectiōque, *turali.* & ex vniſque dolor: vel obtusus, vel acutus. Pater enim quod



*Ex electione  
dispositionis  
qui morbi  
sunt.*

capite dolemus, & à calore solis, & à frigore nimio, & à ventorum repletionem, etiam nihil oblato cerebro, sicut putant Medici, sed solo spiritu vaporibus grauato, ut aer nebulis, ventis, fuligine, tonitruo, fulmine, &c. Inficitur etiam, fitque venenosus pestilentibus ex causis: quod spiritui accidere talibus temporibus nulli compertum non sit. Ex dispositionis autem immutatione morbifica accidit in potestatiuo imbecillitas: in cognoscitiuo vitium obliuionis, imperceptibilitatis, indocilitatis: labor discursus, & imaginationis, & iudicii falsitas, & duplicitas, & alienatio: in appetitiuo prauitas affectionum, aut priuatio, ut nec cibum esuriant. In motu similiter vitium, & functionum naturalium, & arbitrariarum deprauatio, vel priuatio.

*Medela contra dolorem à crassis vaporibus.*

*Cura.*

**P**rofectò si solius dispositionis est immutatio, non erit nisi in crassatio, & attenuatio, vel contusio, & laceratio: facileque sanantur. Etenim cum vaporibus crassis repletur spiritus, igne copioso accenso circum circa patientem vsque ad sudorem, soluitur dolor, attenuato spiritu: sicuti contra austros immires, equitanti accidit mihi capitis grauedo, & dolor: ac eo remedio statim ac domum accessi liberatus sum. Profunt acuti odores, dissoluentes flatum, ut piperis, cynamomi, pulegij, & accitrosati aspersio in naribus, & mento. Vinum tenue odoriferum, & epulæ siccioris temperamenti. Nec phlebotomia, nec pharmacum absque læsione adhibetur, ut ab imperitis fit Medicis.

*Contra dolorem ab acutis.*

**A**utem vaporibus, sonisque spiritus laceratur, & diuiditur: inuatur autem melle, & vino intus, oleo in cute, & vnguentis vinctuos odoratis, consistentiam resarcientibus, & blandis sermonibus, & melodia. Quæ tamen acrior requiritur in spiritu obnubilato vaporibus vini vel aeris, fidibus cymbali aëreis educta, ut spiritum discutiant motione, ventilentque, concinnitate verò componant.



De doloribus medendis, qui fiunt in  
spiritu à calore.

**C**um vero immutatur dispositio, & actiua vis in spiritu: ipse scilicet calor, vel quia supra suam temperiem augetur ab obiectis, vel minuitur, & refrigeratur: accidit dolor validior, & morbus, qui raro non admiscetur cerebro: quando fit à causa exteriori calefaciente, vt à Sole, & fornace; vel frigefaciente, vt borea, & niuib. Fit enim, & à sola ira; quæ etiam à frigidis obiectis occasionem, non causam habet: & tunc nascitur febris ephemera: quæ quiete, & lætis rebus, & nunciis sedatur: & refrigeratiua modica sumptione in potu, & cibo. Fit etiam ab exercitio, excitato calore auctoque; quem quies læta soluit, &c.

Cum à calore externo spiritus accenditur, attenuatur valdè, & cerebro simul accenso illisus exardescit: & cum citra omnem putrefactionem fit, hæc sola febris est morbus, & non symptoma: cogitur enim ab illato calore attenuari, & velocius agitari; & non voluntariè se agitat in rem noxiam vincendam, nisi simul cum calore ab aère concipiatur vapor crassus in cerebri ventriculis. Primus dolor requirit curam in aère frigido, & crassiusculo, à natura, vel ab arte: scimus enim intra cubicula ampla flores, & ramos virides populneos, arundines, myrtos, vitis folia, & aquarum simulatos fontes, & stillantes, posse talem efficere aëre. Cibus sit tenuis, & frigidus ex lactuca, endiuia, & portulaca: carnibus anatum, anserum iuniorum oua sorbilia, pisces, pyra, amygdalæ. Potus aqua cynamomi, vel fontana perfusa modico vino. A Sole, igne, balneis, ira, tristitia, coitu, frictionibus, motionibus arceatur. Caput oleo rosacco perfundes, vel chamæmelino, & viridi corona. Possunt si maiori refrigeratione est opus, fieri ex frigidis herbis, & oleis, embrocationes, addito aceto, quod præbeat alas circa frontem ad futuras caluariæ. Cauendum tamen, quoniam & frigidis, & calidis cerebrum facillè læditur: magis autem frigidis.

A quibus  
spiritus ca-  
lor laeditur,  
& quomodo.

Cura doloris  
ab excelsa-  
tione spiri-  
tus, & cere-  
bri.

Cauendum  
sic dolenti-  
bus ab am-  
biente ut ca-  
lido.

Secundus dolor, acuta, & frigida requirit remedia eadem: quæ semper modico aceto condies vaporem penetraturo, soluturoque. Caue à frigidis obtundentibus, & non penetrantibus.

Cura dolenti-  
bus ab am-  
biente præ-  
calido crasso-  
que.



## Contra dolores à frigore medela.

*Signa do-  
lentis à fri-  
gore.*

*Nota.*

**I** Vm dolor à frigore accidit, timetur frigus, appetitur calor: oculi, & facies liuent, non rubent, uti à calore dolentes: spiritus dispositio stringitur, sicut aër cum in aquam vertitur, e- quidem puto vix hoc accidere posse, quin spiritus in fluorem conuertatur, sicut in alembico spiritus vini. Inuenio etiam eos, qui spiritum tenui præditi sunt, salubrius degere in aëre tenui, frigidoque, quàm in calido, crassoque. Frigus enim tenuissimas res purgat, nubeculas cogendo: non autem incrassat, nisi nimium sit valde, & in angustis locis sæuiat, sicut in Islandia aues gelat, quas ver refuscitat. Contrariatur autem prædictis ventus frigidus, quoniam spiritum tenuem concurrit, & spiritum per vim introspergit, & sic dolor fit: magis autem propter cerebri infri- gitationem, & spiritus irretiti intra fibras, & nervos compressionem; quod Medici non aduertunt. Et cum aër est nubilo- sus simul, & frigidus.

*Cura.*

Remedio erunt aër calidusculus, non calidus: neque enim de extremo ad extremum absque noxa trāsibis. Vina generosa cre- bro, & modicè pitissata, ne obruant vapore spiritum: sed au- geant. Odores aromatici: ignis ex lignis lauri, rotis marini, thymi, & huiusmodi. Embrocationes foris ex oleis, & herbis ca- lidis: & vnguenta, & crassiora in frigore acuto, acutiora in crasso. Nam Galenus solo rutacco oleo caput frigore obsessum sana- uit. Balnea mox calidiuscula prosunt, ut illis frigidiuscula. Ad- hibentur sacculi ex thure, storace, aloë, caryophyllis, mace, nuce moschata: quæ peruia sunt ingenioso secundum artem in .j. lib. expressam.

Qui verò dolores in subiectis, & organis fiunt, posterius me- dicinam accipient. Similiter qui oriuntur ex intermixtis spiritus functionibus in toto corpore.

*Quibus rebus leditur, & curatur lux  
natura spiritus.*

## ART. VI.

*Quæ ledunt  
spiritus fa-  
ciem.*

**I** Contingit & faciem spiritus, id est lucem, solam immutari ab obiectis: quod fit vel à simplici tenebra, vel umbra, ut in nocte: & tunc nil mali accidit spiritui, nisi priuatio lucis. Lux enim



enim Solis adiuuat eius lucem, oblectatque spiritum amplificat, ornat, honorat: cū autem abest Sol tristatur spiritus, cogitur, in-honoratur. Quoniam autem ordinaria est in nocte huius priuatio, & carcer obscurus spiritui, non valdè contristatur, sed cogitur ad se reficiendum, propriaque luce vitur intra opacum corpus in operationibus sibi connaturalibus, vt luce non eget aliena: sicut citharædus peritus etiam in tenebris pulsat bene ex arte citharam: imperitus verò minime, nisi digitos, & fides, & interualla contingenda simul contueatur. Tristum tamen esse vmbra, spiritumque cogere, nulli est ignotum: incommodam verò ambulaturo, & operaturo, nisi somnando operetur vigiliarum opera, vt noctambuli.

Contra hanc tristitiam, & incommoditatem lucerna, & later- Cura.  
na inuentum est remedium.

2 Vel propria lux fœdatur à rebus exterioribus per lucem tin- Luce etiam  
à luce exte-  
na qua.  
ctam spiritum tingentibus, vt crocea perspicilia croceum ocu-  
lum, ac lucem reddunt: multa enim lux vexat visum: sicuti  
multa nix spiritum solet, & oculi humores disgregare, atque ex-  
cæcare.

Contra quam remedium Xenophon militibus secum per niuem gradientibus velum nigrum transparens oculis appo-  
suit: & cum per telescopium Solem aspicimus, ne oculi fabri-  
cam, & spiritum deficiat, vitrum coloratum interponimus:  
quod lux Solis fœdata imbecillior fit ad oculi demolitionem. Si-  
militer quando res multas nigras, & per arenas, & nives Arme-  
niæ rubras ambulamus, oculus rubescit, & spiritus, ita, vt ru-  
bra cuncta cornat, non secus ac qui ocularibus rubris vitur, aut  
sanguine multo in ea ite vexatur. Sicut ægrotus Galeni, instante  
crisi sanguinea, anguem rubrum in laquearibus se putabat ve-  
dere.

His ergo occurremus per ocularia oppositi coloris, & aquæ  
puræ inspectionem.

3 Vel spiritus lux fœdatur non à luce tincta, sed à vaporibus Fœdatur lu-  
ce spiritus  
à vaporibus.  
fuliginosis tetrīs, qui ipsam spiritus corpulentiam tingunt, vt  
chartæ atramentum: & cum ita fit, nascitur morbus, quem vo-  
cant melancholiam, cum summa tristitia, & moris desiderio.  
Et quidem si totaliter tingitur spiritus, statim mors subsequi-  
tur, sicuti cum aquam atramento totam perfundimus, ab aquæ  
natura remouemus. Vix enim per distillationem remoueri  
aqua,



aqua, & separari ab atramento queat. Spiritum autem quis destillabit?

*Qui queat.*

Si enim ex parte tingitur non à subiectis, sed ab obiectis, potest sanari per rerum lucidarum, albarumque contuitum, & applicationem. Vina dabimus generosa, alba, & margaritarum pulueres ad potum: carnes iuuenes pingues in cibo, iuscula cum floribus farinæ, & ouis; lucida, pingua, lac, butyrum, mel flauum. Res saturninas in lib. 5. descriptas declinabimus prorsus. Exhibebimus iouiales, & venereas, & solares, & præcipuè Musicam apollineam, quæ ventilat, & mundat spiritum.

Cum à subiectis oritur rebus vitium vel morbus, fit melancholicus, de quo posterius erit dicendum.

*De læsione omnium conditionum spiritus simul:  
ac de peste.*

CAPVT II. PARS I. ARTIC. I.

*Conditiones  
dantur, qua-  
dū concedun-  
tur, res con-  
trahit à suis  
causis.*

*Has in spiri-  
tu omnes  
carbo lædit  
ardens.*

**C**ontingit autem à causis obiecti spiritum in primalitati-  
bus mutari, in dispositione, calore, luce, & quantitate: ve-  
luti cum carbo in occluso cubiculo ardens enecat dormientes,  
fuligine lucem spiritus obscurans, crassitie dispositionem increas-  
ans: calore magno temperatum calorem spiritus peruertens: &  
simul per consequentiam primalitates, idest, vires, notitiam, &  
appetitum. Idem efficit vapor ex terra tetra combusta in antro  
Agnaræ, vti experti sumus in cane.

*Opiniones de essentia, & causis pestis.*

ARTIC. II.

*Opinio Me-  
dicorum de  
pestis consti-  
tutione.*

*Consuetudo.*

**V**ideretur autem pestis eisdem fieri modis. Aër enim vapo-  
ribus paludum, & cadauerum, & macerati lini aqua, pe-  
stem solet afferre. Medici dicunt, quoniam temperamentum  
accipit aër putrescens contrarium humano, à quo corpora nostra  
patiuntur: calidum tamen, & humidum; quod putrefactioni est  
aptum. Sed causa hæc puerilis est, conueniunt enim quod venci-  
nosus sit aër pestilens. Venenum autem non occidit sola tempe-  
ramenti contrarietate: non quatenus calidus; alioquin omnis  
morsus ignis esset venenosior morsu viperæ. Nec quatenus fri-  
gidus: alioquin nix venenosior esset napello, & fungo. Nec qua-  
tenus



tenus siccus: alioquin piper, & cicer, & terra sigillata essent venena: quæ tamen venenis aduersantur. Nec quatenus humidus: aqua enim, & vinum, & oleum humidiora; venenosa essent. Nec quia multum vinum enecat, est venenum: vaporibus enim replet meatus spirituum, suffocâtque. Neque calida, & humida temperies pestilens: cum Iupiter, & Venus hanc temperiem facili-  
*Opinio 1.*  
 ter concilient corporibus humanis. Saturnus autem frigidus, & siccus hostilis sit, & pestilens. Nemo etiam vitam ponit, nisi in calido, & humido: propterea recurrunt alij ad oppositam totam temperiem. Sed cum palam sit, austrinam calidam, humidamque, pestem asferre, quæ temperies humana est. Haud ergo contrarium temperamentum. Præterea Veneti, Hollandi, & alij, qui in mari habitant, ubi calor, & humiditas continua, peste continua non infestantur. Si autem quædam humiditas, & caliditas putrida adducatur, non bene loquuntur: non enim cadâvera, & paludes ob has pestem asferunt: sed quoniam simul cum humiditate, & calore aliud adducunt malum, videlicet fœtorem.

2 Propterea Telesius solertior fuliginem tingentem spiritum  
*3. Opinio.*  
 & humiditatem impuris mistam fuliginibus, quæ dispositionem spiritus contraminant, adducit. Manifestè enim carbonēs, ob fuliginem tetram, non ob calorem humidum, sunt pestilentes. Putat etiam oppleri meatus fûgorum vaporibus, & sic spiritû interfici, & suffocari. Hæc quidem recte dicuntur, sed non sufficiunt ad veneni rationem. Videmus enim modicam saliuam viperæ  
*Videtur insufficienti.*  
 corpus humanum totum tumefacere, & occidere. Sic etiam rabidi canis dente insertum humorem, vsque ad canis naturam conuertere hominem. Culex quoque minutissimus, nedum apes, infigans morsum ardorem, & tumorem facit, donec victa ipsius saliuâ à nostro temperamento detumescat: quod tamen viperæ vincit saliuâ, totumque permutat, non modò quia contraria. Non enim sufficit contrarij particula modica sui contrarij magnam vincere: sicut nec paruus calor multum frigus, liquorémque frigidum, nisi accendatur in eo; quod non potest facere: sicut frustum glaciæ fornaci, aut fœno immissum, non transfert illud ad sui temperamentum. Adsit ergo contrarietas, sed non sufficiat. Adsit fuligo pestilens: nam in autumno post adustam terram, & arefactam, vnde vapor exhalet fœtidus, frequentius, & facilius fit pestis. At quomodo idem fuligo ignis nostri continua in nobis non præstat? Et quæ fuligo in cane rabido, & taran-



tula Apula, & in cūlice tanta esse queat, quæ tantos patiat venenosos effectus?

*Opinio 4.* 3 Quapropter Hipp. causas diuinas accersit, idest, occultas ex-  
*Hip. & Gal.* cretiones: agnoscit enim Galenus in aëre draconem; & aeris ex-  
cretiones quasdam putat esse pestis causas; sed quæ sint igno-  
rat.

*Opinio 5.* 4 Quidam è sideribus eas accersunt, esseque influxus Saturni,  
& Martis, luminaria dum eclipsantur in signis humanis offen-  
dentium. Quod & nos de peste Coloniensi interrogati scripsi-  
mus. Obscuritas enim in eclipsi aërem tingit, & vitali luce pri-  
uat. Saturnus, & Mars qualificant cum prauis nostróque tem-  
peramento noxiis qualitatibus: serpentino verò, & venenoso,  
commodis. Interim vapores excitantur tetri, qui spiritum obnu-  
bilant, tingunt, & à symmetria sua extrahunt in calore, & dispo-  
sitione. Verum ista mihi non sufficiunt, cum videam culices, &  
*Huius in-*  
*sufficiencia.* apes venenum infigere insensile, poténsque temperamentum  
vel ex parte immutare: & vim in venenis non modò replentem  
meatus, vt in napello, & cicuta: neque comedentem modo vis-  
cera, vt in vitro, hydrargyro, & arsenico; sed etiam crescentem, &  
in sui naturam transmutantem nostram temperiem, non secus ac  
granum frumenti terram in herbam, & spicam.

*Opinio 6.* 5 Propterea forsan Fracastorius quædam semina atoma è side-  
ribus, vel è naturæ arcanis educit, quæ pestem pariunt: & non re-  
ctè reprobatur à Montano, tanquam atoma Democriti suscitans.

*Non rectè*  
*confutatur.* Democritus enim qualitates nullas suis atomis adscripsit, præ-  
ter figuras, & pondus. Sed quomodo ista à sideribus accersuntur,

*Vera consu-*  
*tatio.* cum pateat causa in terra? Paludes enim, & cadauera pestem  
ferunt, & tellus post ardores multos madefacta. An forsan ubi-  
que sunt semina ista, vel seminales virtutes, sicuti Patritio vide-  
tur, & Platonicis: & à figuris cælestibus ortum, vel vires sumunt?

*Obiectio.* Sed cur potius in cadauere, & carbone latebant; aut inde enu-  
triantur? Item cum palam ex serpentum quorundam temperie  
venenosa periclitemur, quis semina ista fingat, & non po-  
tius contrarietatem? Nunquid vipera hisce seminibus plena:  
nunquid & homo mortuus?

*Propria sen-*  
*tentia.* 6 His consideratis, arbitror peruersionem qualitatum in qua-  
libet re, seu magnitudinem, esse, vel venenum; vbi in tempera-  
mento nobis contrario in vehementiam eleuantur: vel nobi-  
le adiumentum, vbi in consueti mirificantur. Videmus enim  
viperam



viperam viperæ non esse venenosam, sed homini : cuius sputum è contra viperæ est venenosum : quoniam in contrario illi temperamento sit vehementia aliqua primalitatum nostrarum. Et in omni semine esse hanc mirificentiam patet ; quoniam tellurem etiam transmutat in se paulatim. Canes nisi in rabiem agantur, vnde mirificentur primalitates, non habent in nos venenum : nec subito nos immutant, vt aspis ; sed paulatim. Hoc autem verum esse antipathia, & sympathia rerum admonet. Magnes enim spirituosus trahit ferrum, & non è contra : & chalybs etiam trahit, & non è contra. Nec stannum, sed ferrum : ita vt vehementia primalitatum, in benefaciendo, & malefaciendo ; attrahendo, & pellendo, sit quarundam ad quasdam res vicini ordinis, sicut in lib. quinto dictum est : & inter has tantum fieri contagia morbifica, vel saluifica. Actiones autem esse à rebus, non quatenus corpora sunt, sed quatenus calida, & frigida immediare ; sed nec qua calida, frigidaque : sed qua calor, & frigus constant appetitu, sensu, & potestate. Et hæ sunt causæ diuinæ, & virtutes occultæ, quas Hippocrates olfecit, & quæsiuit, & non inuenit. Reuera enim non nisi ab istis omnis operatio, & actio est, vt in Metaphys. probauimus. Et non modò in seminibus mirificantur, sed etiam in cunctis erga res sibi correspondentes. Ergo sicut magnes, & serpens nobis venenum est : sic lapis bezoar, & vinum est iuuamen mirificum. In horum notitia est magia. Propterea enim semel peste liberati difficile patiuntur iterum : quoniam quædam sympathia facta est illis cum re pestifica : & qui vipera morssi sunt, edentes spinam viperæ in puluerem actam, liberantur, & vipersas deinde amare, & tractare consuescunt. Vide 4. de sensu rerum. Et Mithridates sapiens venenis vesci solebat, ne posset lædi ipsorum vehementia primalitatum positarum in antipathia. Sunt, & qui gestant arsenicum in pilci cingulo, ne lædantur peste.

*De medela præseruante, & curante pestem à contagio retinentium rerum.*

### ARTIC. III.

**Q** Vicumque peste corripuntur, horum prius spiritus incitatur, siue ab aëre incipiat, siue per contagium aliundè deferatur. Etenim semina pestis : panni linei, & lanei, & sericei

*Pestis in panno.*



*Et domibus.  
& vasis.* tres ferè annos seruant, & si ad sanam ferantur ciuitatem, inficiunt illam: sicuti meo tempore panni ab Algero Messanam pestem transportarunt: Messanâ verò Præcanicam, & Stignanum: vbi Hieronymus pater meus præsidens extinxit eam, seque, ac familiam seruauit, cum ibi exularemus; Baro Præcanicæ detulit. Domus autem per plures menses, nisi igne, & aceto expurgata fuerit, pestem seruat. Vasa lignea plus. Idcirco comburenda sunt. Metallica minus. Sufficit enim si aceto lauentur, vt & monetæ.

*Cura communis.*

2) Quapropter si contagio solo coeperit grassari, facile cauetur publicos cœtus vetando, & vitando: aërem expurgando, ægrotos seorsum reponendo sub cura eorum, qui de eodem euasere morbo: nec pariantur exire nisi ad sepulturam, aut in ædem extra ciuitatem. Qui sanati putantur, vsque ad quadraginta dies non ad mittendi in aliorum commercio. Panni cumentur, domus expurgentur, & si lignæ fuerint, cumentur. Moyses etiam domos dirui iubet, vbi lepra vaga post abrasionem, & purificationem iterum in ea pululauerit. Vnde pestilentior fuisse illius temporis lepra videtur, quàm præsentis diræ constitutiones aëris. Turcæ autem Moysis præcepta, nedum Medicorum, spernentes pannos seruant. Vnde nunquam Constantinopolis peste carebit. Putant enim se fati iram effugere non debere. Fugiunt tamen, si bellum ingruat, & sese defendunt.

*Contra pestem, ab aqua, & aëre, præseruatina.*

#### ARTIC. I V.

*Cura pestis  
ab aere.*

**S**In pestis ab aëre putrido natalitio ortum habet, effugere eam impossibile videtur: quando impossibile est non spirare, nisi regionem in aliam migraueris, vbi aër frigidus, tenuis, serenûsque vigeat. Regiones enim montanæ, & frigidae, à mari, & palustribus locis, vbi ventilatio aëris est modica, remotæ, minus peste infestantur. At si cogeris viuere vbi grassatur, tria seruabunt te ad victum, conuersationem, & anridotum spectantia.

*Tria seruabunt.*

*De cibo seruabunt.*

*Primum.*

Primo cibi, potûsque parcitas. Vbi enim modici humores, & exsiccata est temperies, semen pestis non iactat radices, etiam si spiritus afficiatur: statim enim solo aceti odore, & aromatum dissoluitur. Item cibus siccus, & frigidus, facilis digestionis, aceto, maceræ, allius, & cæteris aromatis conditus. Vinum sit odoratum, nec nimis aquosum: aqua arantiorum, rosarum, citriorum

*stilla.*



stillatitia dilutū : quibus etiam te sapè lauabis: magis autem aceto, & acidis prædictorum partibus. 2. Ignem in domo incessanter habebis, etiam si tempus calidum sit: sed ex lentisco, myrto, lauro, thymo, roremarino, iunipero, terebintho, abiete, aliisque herbis oderatis nutritum: quibus si careas, cauebis carbones, sed in ligno ignem habebis: cui superiniicies cortices citriorum, arantiorum, & acetum, & vinum, & pulueres odoratos, & manipulos origani, betonicæ: folia lauri, roremarinum, maioranam, absinthium, rutam, mentam, thus, myrrham: caryophylla, masticem, pineas, & huiusmodi: quibus etiam domum, & parietes ornabis, & succis acidis, & odoratis stillabis. Præstabit autem ædiculam fabricari in horto propinquo inter lauros, & roremarinum, & res odoriferas, ad Septentrionem spectantem, & vnde venti puri feruntur

De ignis ratione.

De Aedibus.

Dormies in mundo lecto, & odorato, clausis fenestris à crasso aëre.

Conuersatio.

In publicum non exhibis, nisi sereno cælo, & borea flante, colloquium non inibis cum homine, à quo ventus ad te fiat, sed si à te ad illum, vel medius præteruolet. Deferes autem post laucrum faciei in aceto aliquid odoriferum contra pestem, collo appensum.

De antidotis.

3. Præterea purgato corpore ante egressum prodest interius muniri bolo armeno in aceto, ruta, ficu sicca, & nuce vna, vel theriaca, vel mithridatio; vel catapotiorum Ruffi dragma vna: quæ aliis ex croco & myrrha solis concinnantur. Addunt tamen alij, & aloën. Fiunt & pilulæ ex iecoraria, myrrha, agarico, croco, bolo armeno, semine citri, mastice, pimpinella, & aqua rosacea. Faciunt alij electuarium de nucibus vocatum; vbi terra lemnia, & myrrha, nux vomica, mel, &c. incorporantur.

Bonus ramen Medicus potest suo arbitrio multa inuenire hisque miscere, cum sciat, quæ cordi, quæ capiti conferunt, & quæ venenis obsistunt: & probauerit, num magis in vno membro, quam in altero soleat pestis signaculum apparere, maleficiūque se excreare.

*Curatio ciuitatis, pestilentia iam affectæ.*

ARTIC. V.

Ciuitatis autem curatio in qua aër, vel aqua pestilens est, primò tractanda. Si ergo in aquis prius fuit corruptela, de-

Cura aquarum.



moliendi sunt fontes, aut lacus exsiccandi<sup>1</sup>, si potis est, & ignes grandes circum circa accendendi. Primalitates enim ignis copiosæ, & robustissimæ, omnia maleficia solvunt, etiam à diabolo confarcinata. Vtitur enim diabolus rebus antipathiam cum homine gerentibus, vbi prævalent, peruerso modo primalitates: hæque dat maleficis ad aëres, & fontes contaminandos: sicuti Deus Moyse lignum ad dulcorandum aquas. Nec mirum, quando ex arcula vna in Babylone à militibus aperta, vbi putrefactum erat cadaver, & aromata simul in venenum redacta, prodiens fœtor milites occidit, & provinciam peste infecit, & quocunque etiam in Africam venti fœtorem illam detulerunt, pestis facta est. Ignis ergo purgat omnia: & si arca in fornacem magnam coniecta fuisset, pestis semina, & fœtor dissoluta fuissent. Fiant etiam ignes in omnibus viarum stratis, & portæ aperiantur: & fiant, si non sunt, ad boream, & respondeant aliis portis ita, vt ciuitas tota ventiletur, nec ventus gurgitem, & retrocessum faciat. Et hæc mane & meridie semper.

Aeris.

2 Præterea campanæ fluoribus thuris, & aromatum incrustatæ, semper sonent septies in die, & homines super tecta, & pueri, & mulieres statutis horis egredientes, dato signo simul conclament altissimis vocibus. *Misericordia, ô Deus, tua super nos, & auxilium contra diabolos hostes tuos:* sic enim purgatur, & attenuatur aër, & vocibus religiosis animi captent fiduciam, & potestates aëreæ diabolicæ depelluntur. Nullum enim malum fit contra homines etiam Deo iubente, absque diabolorum ministerio, vt Augustinus, Origenes, Chrysostomus, & alij doctissimi docent, & Platonici olim & Zoroaster, vt Plutarchus, in lib de Isi, & Osyri, etiã refert. Confert etiam rumor bombardarum, & archibugiorum, & percussorum vasorum æncorum. Quæ omnia simul cum vociferatione fiant ter in die.

2 Aquæ insuper destillentur, aut modico aceto, aut vino iniecto meliorentur. Fontes lignis aromaticis, & lapillis. Res acidæ omnes pesti aduersæ, quoniam concretiones pestilentes acumine penetrant, dissoluuntque.

Ex Astrolog.

4 Expedi etiam huiusmodi in actionibus bona stellarum configuratione vti. Videlicet luminarium inter se, & ad Venerem iouemque aspectibus amicis in bono situ angulares. Maleficis vero ab angulo cadentibus, &c.

Curatio



*Curatio indiuiduorum, peste affectorum.*

## ARTIC. VI.

1 **C**um aer sit spiritus nutrimentum, & sanguinis arterialis, in cor inspiratus, & arterias, confors: & ab ipsis arteriis & extrinsecus attrahatur; procul dubio si extrinsecus pestilens est, statim occidit spiritum: sicut vapor carbonis & antri Agnæ. Sin vero non omnino corruptus, nec pestis semina valde dira, afficiunt spiritum, & paulatim crescendo perimunt; & dum spiritus grauatur, & dolet, ægrè sui generationem, & sanguinis exercet, expurgatque. Vnde sanguis partim propria fuligine, & cinere: partim semine pestis corrumpitur. Et quidem si spiritus validus est, incipit febris magna, id est, pugna contra noxia semina, & putrentem sanguinem; si verò debilis est spiritus, & purgare non possit, moriuntur absque febre, pulsu ordinario Medicos decipiente; & aliquando post febres, facta quasi pace: cum tamen non sit victoriæ pax, sed cessio. Vnde cum videntur conualescere pereunt, vel quia spiritus impar est prælio: vel quia nouo ab aëre semine pestis grauatus pugnam deserit.

2 At si cum spiritus præualeat in principio pugna, apparent pustulæ, seu bubones, vel in auribus, quorum cerebrum prius magisque læsum est; vel sub alis, quorum cor magis afficitur, vel in inguinibus, quorum viscera inferiora plus patiuntur. Quibus autem isti abscessus non fiunt, pericula insunt grauiora: signum enim est, spiritum non præualuisse ad causas morbificas pellendas; tunc ex aliis symptomatibus pestis præsentiam cognoscimus. Videlicet grauitas capitis, siccitas, & sitis in ore vehemens: punctiones adsunt in toto corpore. Exteriora frigent, spiritu ad cor contra inspiratum venenum accurrente; ergo & interiora vruntur. Difficultas adest respirationis, vomitus creber, vigiliæ, & deliria, si in capite est morbus. Alibi fit propensio ad somnum: qui tamen non est somnus, sed spiritus è capite ad locum morbi recessus. Aspectus est toruus; vrina fætida, & quasi subiugalis ob humorum conturbationem. Solet rigor febrem præcedere continuam, cum longis compressionibus pulsus, & modicis dilatationibus inordinatis.

3 Horum cura non à venæ sectione, vti placet Medicis, sed à spiritus, vnde incipit morbus, confortatione incipiat in aula purificati.

*Cur aer inficit.**Quid corruptus ex toto.**Quid ex parte.**Quando pustula, & ubi.**Agnitio pestis ex signis.**1. si primo laedit caput, aut alibi.**Cura vniuersalis.*



purificati aëris per odores optimos cor, & cerebrum confortantes. Sed cum humores infecti sunt, secabis venam correspondentem loco bubonis, vel maioris afflictionis, si bubo non exiit. Cucurbitulæ adhibeantur, & scarificentur, quibus sectio obest venæ. Deinde propinabis theriacam, mithridatium, & bolum armenam, in electuario mista: vel potione, in aqua rosacea, buglossæ, & scabiosæ quantum sufficit, ut defendantur vitalia, & venenum marceatur, pellaturque. Alij dant electuarium vocatum de buo: quod miræ virtutis probatur. Alij, pulveres boli armenæ, terræ lemaniæ, myrrhæ, aloës, jecorariæ, tormentillæ, zedoariæ, betonicæ, gentianæ, pimpineillæ, croci, mastices: miscent ex arte, dantque ægrotanti dragmæ pondus in aqua rosacea. Sunt etiam alia remedia iam dicta. Sed quidquid venenis obest, & confortat cor & spiritus, potest sumi, & pro Mediei iudicio confici in medelam. Quam multa commemorat Ficinus? Ex hac sumptione ponitur in lintheis mundis ad sudandum; quo facto abstergetur, & surgat.

Cura topica.

4 Locum bubonis ita curabis, ut venenum extrahas lanceola, & cucurbitulis, & emplastris de ficibus, passulis, sale, althæa, feno græco, lilio, diachylone; cum oleo chamæmelino. Melius autem theriaca cocta intra capam simul: eius enim est extrahere ob viperæ carnes: sicut caput viperæ morsui viperæ applicatum attrahit ad se venenum. Pellit autem & confortat ob alias misturas. Iuuat ad ruptionem bubonis simus anseris in oleo.

Cibus.

5 Cibus esto à sudore duabus horis, iusculum gallinæ conditum acidis, & aromatibus, & carnes pullorum cum agresta, vel limone, vel amarena: & huiusmodi acidis. At parum, & sæpè comedatur, ut spiritus continuo reficiatur, & nunquam oneretur.

Potus.

Potus esto iuleb, & aqua destillatæ: & acetosis succis aranriorum, & limonum commistæ, & modicum vini ex his temperati. Contrariatur pesti vinum generosum, sed absque aqua suffocat, & vincit spiritum, à quo statim vinci oporteret, ne à prælio contra morbum distrahatur.

6 Si papulæ apparuerint, procurandum est, ut suppurentur perfecte, malæ autem sunt nigræ: sed melius est, si malum exeat: quam si lateat: idè & quod latet eliciatur, ut potis est.



## Notabilia.

- 1 C Vm febris pestilens est ephemera, indicat nondum sanguinem esse infectum; dum putredinalis, iam est infectus; cum sit hectica, desperandum: totum enim temperamentum pestundatur. Hic autem transitus fit subito in peste: in lue venerea paulatim. Item in aliis contagiis pro vehementia seminum, & patientis habilitate.
- 2 Memento ex prædicta doctrina intelligere, cur alij morbi contagiosi sunt, & seminales: alij non contagiosi, nec seminales: & cur aliis quidem temperaturis naturalibus, & accidentalibus sic: aliis verò non. Sicut idem semen in vna terra germinat, in alia non germinat. De quibus singulis suo in loco. Neque enim omnes à spiritu incipiunt, vt patet de scabie; licet multi videntes alios suam scabiem scalpere, vapores illorum attrahant, & spiritu ab infecto sanguine polluantur; & alij fascinentur, alij minimè. Morbus à rabioso cane incipit ab humoribus, difficillimum enim est vapore eorum solo affici, sicut quod granum odore solo germinat: quod tamen accidit in humentibus. Si ergo spiritus in his afficitur, vtique non liber, sed quatenus succulentus afficitur.
- 3 Ex his etiam liquet quod venena occidunt, aut fumositatē Quotuplex  
venenum. nimia opplendo vias spiritus, & suffocando, vt cicuta, opium, fungus, &c. Aut ariditate, & acutie rodendo & penetrando viscera, vt vitrum, adamas, hydrargyrus, calx, gypsum. Aut rodendo, & simul vapores noxios ad caput efferendo, vt arsenicum, strimonia, &c. Vel in sui naturam, & temperiem nostram vehementia primalitatum conuertendo, seminali ratione, vt viperæ venenum, aeris constitutio, canis rabidi saliuæ, menstrui sanguinis fæx. Aut suffocando, & temperiem spiritus simul euertendo, vt carbonis vapor. Antimonium verò etiam fabricam, & dispositionem partium, humorum, & spiritus sola vehementia euertendo operatur; cum multum est, nec præparatum. Helleborus idem habet in minori vehementia; additque suffocationis per vaporem fœtidam vim.
- 4 Futuræ pestis præfagia in Astrologicis posuimus constitutiones maleficarum in signis venenatis, & humanis, in cardinibus anni, & eclipsum, & cometarum de ipsarum natura, in trigono, & a heticis locis regionum. Item plantarum, & bestiarum nobis proficuarum mortalitatem, noxiarumque multiplicatorem,



cationem, & vigorem. Item diurnas serenitates, quibus superuenit pluuia, nisi tunc venti boreales aliò fuliginosos vapores ferant, vt etiam post bella ex cadaueribus, & paludum insolationes, & vbi diu flauerint austri crassi, & non bene olentes. Cætera ibi vide, &c.

*De spiritus morbis à subiectis causis.*

CAPVT III. PARS I. ARTIC. I.

**C**Ausæ subiectæ, vnde spiritus contrahit morbos, duæ sunt; humores, ex quibus nutritur, & corpori continuatur: & organa appetitiui, cognoscitiui, & potestatiui, à quibus, & cum quibus patitur. De prioribus primò dicendum.

*De morbis appetitiui à subiectis causis: & medela.*

ARTIC. II.

*De sordida  
appetentia.*

**M**Orbi appetitiui ab humoribus sunt exorbitantiæ & deprauationes amoris, odij, risus, planctus, metus, &c.

**Q**uando igitur spiritus cupit sordes, & sepulchreta, & vasa vrinarum, & stercoris, & in his versatur, & delectatur, sicut sæpè vidimus: hi atrabili vitiato sanguine, & foetida pituita corpus infectum habent: non tamen febricitant, quoniam connaturalia facta sunt hæc; sicut cum hostes fiunt ciues, bellum contra eos non armat ciuitas. Horum remedium, est pharmacum purgans prædicta omnia, quale antimonium, helleborus, cum rhabarbaro, senna, agarico, & scammonio: præeuntibus præparatoriis, & minoratoriis earum specierum, quæ his valdè aduersantur. Præterea balnea aquæ dulcis, odorata: & vnctiones oleorum aromaticorum, penetrantium totam statuat corporis. In primis autem jecoris rectificatio suo loco dicenda: & vasorum recipientium excrementa, vt lienis, cystis fellis, renumque apertio, & purgatio: vt possint excrementitios humores à se sequestrare, ne vnà cum sanguine inficiant corpus. Medicamenta sint fortia, qualia laborantibus venerea lue, etià in ossibus: & diurnæ vnctiones. Cibi boni succi, & multæ substantiæ incorruptæ, vt potius trahant reperimentum in sui naturam, quàm vertatur in ipsum, vt panonis, cerui, medullæ ossium bouis, leonis, arietis. Vinū generosum subdulce, quale maluaticū, & montanum Patavinū. Si autè digestiua vis re-

*Curatio.*

nuit,



nuit, pauea, & frequentia erunt cibaria. Quod si à natura inest hæc praua dispositio, temperamentum vix mutabis, tamen rectificabis vel ex parte.

3 Qui rixas, arma, & rumores sectantur; minaces, insolentes, intolerabiles, bili infestantur. His prodest purgatio bilis, mitium conuersatio, cibi frigidi, potusque humidi: Vini priuatio, vomitus, & quæ dicemus pro delirantibus. *De appetitia rixosorum rerum. Curatio.*

4 Sunt & qui futilia, & vana nimis amant, semperque rident, & quacunque de causa in risus prolixos aguntur, magnarum rerum cura prorsus vacui. His sanguis abundat multus, spiritus tenuis, & lucidus, & leuis, facile flexibilis, & inanis. His sanguis subtrahendus est, & vinum, & carnes, nutriendique sunt melancholicis, saturninisque rebus: stypticis etiam, quæ firmitatem spiritui concilient. Curæ, labores, & anxietates imponendæ: necessitas acquirendi sibi necessaria. *De appetentia ridiculorum. Cura. Curatio.*

Verum aliquando non est causa sanguis, sed humor melancholicus, & fuligo, atque spiritus tenuitas; qui cum propria fuligine intus pugnare renuens, foras effunditur, & in risus dilatur; & hi timidi: illi securi: hi melancholico habitu hispano; illi sanguineo gallicoque sunt aspectu: illi plus salis habent in verbis, hi plus licentiæ. Ergo cibus vtantur isti fuliginem non gignentibus, & crassiusculis, qualis arietina caro, & vitulina, coganturque non parasitari, nec de alieno viuere. *Exceptio cura quod ex melancholia.*

5 Contingit morbus circa voluptates venereas ab humoribus & appetentia profusa, ita validus, vt delirent cum priuantur, & dæmonoplexia teneri appareant: acres enim vapores, & humores prauis in semine retento fiunt; qui spiritum pungunt, infestantque: maximè autem morbus iste virgines vexat: quas quàm maturè viris coniungendas Hippoc. consulit. Galenus viduam ex hoc vteri strangulatu affectam, titillatione, feminisque emissionibus sanauit. Sed de his cum vitia, & morbos ex instrumentis subiectis simul curabimus. Aliæ voluptates non sunt ita validæ ad ægrotandum. *Ex venereis morbus. Sub finem lib. de morb. virg.*

*De cura doloris ab ebrietate.*

**D**Olores autem multiplices fiunt ab humoribus in spiritu, & vaporibus: quorum primus qui fit ex largo vini meracioris potu, & ebrietate, cuius vaporibus grauatur spiritus substantia, & caput ipsum, & membranæ premuntur; & cum larga *Qui afficitur à vino.*



*Cura.*

est copia, obstruuntur meatus, suffocatur spiritus, & fit mors, quasi à veneno. Remedium est, vt vomant, & refrigerentur hi, quibus prodesse citò possumus. Quæ vomitum excitant aqua, succi, olea, pennæ iniectio in fauces, dicta sunt in lib. 5.

Refrigerat rosacea caput: ventriculum fontana cum conserua borraginis, & linguæ bouts.

*Munimen  
contra ebri-  
tatem.*

*Curatio.*

2 At si vinum coqui capit, etiam vomitus iuuat: post coctionem verò rosaceam cum succo brassicarum, & hederæ dabis, ne vapores caput infestent: quod brassica, & hederæ coronabis, ob magnam, quam habent cum vino antipathiam. Præterea, qui ad conuiuia Germanica vocantur, præmuniunt se succo, vel tyrsio brassicarum, & amaris amygdalis; cum & ista sint vitibus inimica. Quidquid ergo vitibus aduersatur, per magiam contra ebrietatem valet: quidquid amicum, vt cito inebriet, sicut dictum est in lib. de sensu rerum. Vtitur & Aëtius verbenæ semine, cornu ceruino, decoctione centaurij minoris contra ebrietatem præsentem.

3 Dormire conuenit ebriis, vt spiritus vapores vini vincat: deambulare passim vbi non dormiunt, quatenus discutiantur.

4 Cibus erit lactuca, & res frigida sine aromatibus, modica, & cocta, potiusque olera, quàm quoduis aliud. Potus aqua modica, vel succus granatorum, vel iuleb. Utendum balneo dulci ieiunis, & cum impacti fumi excuti è capite nequeunt, detrâhe frigida, vterque oleis aperitiuis ex parte.

*De cura doloris spiritus ex vapore ventriculi.*

1 **F**it dolor in spiritu vaporibus exhalantibus è ventriculo, prauis, acerbis; impactisque in eo crassissimis humoribus: quod nauſea, & mordicatio ventriculi indicabunt. Hos si purgabis hiera picra, & abrasiuis pharmacis, vbi vomitus non prodest: statim capitis dolor sedabitur, sicut qui fit à vapore cloacæ, vbi discesseris ab ea, &c.

*De cura doloris vertiginosi.*

*Unde verti-  
go.*

1 **V**ertigo fit in spiritu pariter, vbi vapores prauis ex ventriculo in cerebrum ascendunt, super quibus spiritus supernatat, ac cum sint mobiles, & sequatur impulsus subter, vertuntur in gyrum, exitum non naçti, ac simul spiritum vertunt

& p c



& premunt, præsertim quibus caput paruum, & tempora sancta. Remedium est expurgare ventriculum crassis humoribus <sup>Curatio vna</sup> cundum artem: etenim si tenebræ, & fuligines fiunt ob oculos in capite, atram bilem purgabis; si grauitas, & nausæa, pituitam: si acuti dolores, bilem, &c. Morabitur æger in aëre lucido. Rotas, & fluentes aquas, & ventos non audiat, neque aspiciat, neque de his loquatur. Vomitu, si potest, utatur sæpè, & clysteribus diuersiis. Cibus nullatenus vaporosis utatur: sed aquoso austero vino, *uirdisco*, vocato Neapoli, & Surrentino; quod quasi vappa generosa est. A cibo pyris, coroneis, & rebus vapores eleuari prohibentibus utendum. Caput confortabis iuxta Medicorum doctrinam. Potius autem cibus spiritum stypticis obfirmabis.

Arbitrantur etiam fieri vertiginem absque ventriculi vitio <sup>Alia causa vertiginis.</sup> ex lento, crassoque humore in cerebro, conuertibili in vapores: quod si verum quoad substantiam, non tamen rotabunt absque fumo infernè, vel aspectu rotabilium. Hos pilulis expurgabis: <sup>Cura.</sup> præsertim de aloë, & agarico: masticatoriis, gargarismis, & ster-  
nutatoriis prouocabis: purgabis etiam nitro, nigella, oleoque mis-  
tis per nares. Embrocatio capitis, & sub auribus proderit. Cæ-  
tera patent.

*De spiritus doloribus in capite ab humoribus multipliciter.*

1 **C**um caput succis, & vaporibus repletur etiam vitilibus, ne-  
cessario dolet spiritus, ob compressionem à tunicis in ip-  
sum, & vaporem grauantem insuper, & affligentem. Et quidem  
cum in solo spiritu est morbus, facile excutitur igne, sudore, ster-  
nutatione prouocata piperibus, sinapi, aceto, aliisque acutis pul-  
ueribus.

2 Cum verò & spiritus tunicarum, & fibrarum, & neruorum <sup>De cepha-  
lea, hemicra-  
nia, Xaque-  
ca.</sup> dolet, totum caput succis, & vaporibus repletum esse infestis,  
oportet, vel nouis in doloribus, nouis: vel antiquis ut in cepha-  
læa vocato dolore: vel dimidium, ut in hemicrania dicto.

Vidimus etiam qui mense quolibet semel, vel bis capitis do- <sup>Curatio.</sup>  
lore torquebatur, quem Hispani vocant *Xaqueca*: præsertim vbi  
Auster flauerit, aut ignem odorati fuerint; maximè autem ex  
carbonibus: qui in tenebris absque cibo, & potu quiescentes in  
24. horis, sponte sanantur: mox succo amygdalarum, in quo panis  
in aqua rosacea coquitur albißimus, refocillati resurgunt liberi.



Vnde videtur ista esse cephalæa extemporalis. Neque ex cerebri imbecillitate, sed spirituum tenuitate nimia, quia facile patiuntur ex vapore quolibet, præsertim fuliginoso: sunt hi saturnini, & mercuriales. Saturnus enim mihi cognito ascendebat nascenti in Libra, & Mercurius in quarta in Capricorno cum luminaribus correspondebat, commutatis dignitatibus.

3 Cum autem temperies cerebri, & spiritus, qui membranis inest affecta sunt, in his durat perennis dolor: id est cephalæa: ita etiam, ut ab odoribus lædantur, & lucem fugiant, quasi rarefacientem ad dolorem, & compressionem: & diuturno confecti morbo absque adstantium aduertentia moriuntur, ut in Ioanne Baptista Præstinacio expertus sum.

4 Qui autem confirmati non sunt dolores, alij putantur à Medicis sanguinei, alij biliosi, alij pituitosi. Melancholicos non adducunt.

*Dolor capitis  
sanguineus,  
sive indur-  
cia.*

*Cura.*

5 Cum enim sanguis in capite abundauerit cum cæteris humoribus, ipse tamen præualens facies, & oculi rubent: venæ tenduntur ita, ut prominere etiam exiguae appareant. Temporum venæ etiam pulsant: vrina subrufa, & crassa, pulsus magnus, & vehemens, tunc dolor grauatiuus ex plethora fit. Horum causa sunt cibi multi succi, intermissa exercitia, vacuationes sudoris, & cætera, suppressa.

*Dolor bilio-  
sus.*

5 Dolores autem erosiui, & pungitiui mordicantes indicant humoris biliosi copiam, & acrimoniam vaporum. Accidit etiam his oris amaritudo, siccitas: suntque dolores iuuenum, & sollicitorum negotiosorum hominum, sicuti priores pigrorum. Præterea inedia, vigilia, ira, dolor, labor, anxietas, quibus bilis acuitur, solent præcedere dolores istos: & usus piperis, alliorum, porrorum, cæparum, sicuti illos pinguium, & carniarum, & polentæ, & huiusmodi infarcinantium.

*Dolor pitui-  
tosus.*

6 Dolores obtusi, & graues pituitosi putantur: quod facies alba, & humida attestabitur: præterea causa præcedens, videlicet humor crassus, frigidus. Potus aquarum nimius, cibus humidus piscium, lactis, olerum. Ocium, somnique præcedentes, locaque madida, & umbræ.

*Dolor in-  
flammatio-  
nis puls. ti-  
lis.*

*Dolor tensi-  
onis.*

7 Dolor pulsatilis arguit inflammationem, & febrem prædictis additus, præsertim membranarum.

8 Dolor cum tensione citra grauitatem, & pulsus flatus, & cruditates indicat: præcessit autem victus ex leguminibus, & crassi ventri haustus, & fætorum.



9 Dolor cum timore, & cognoscitiui læsione ex fæce sanguinis est. Dolor ex fa-  
cibus.

10 Hi dolores in superficie passionem membranæ, caluariam tangentis indicant; & spiritus qui in ea. In profundo autem capitis, membranas cerebro appositas pati. Distinctio  
superficialis,  
& pro-  
fundi  
doloris.

11 In dextra, vel sinistra fiunt hemicranici per futuram caluariae distinguentis in exteriori, intus verò per duplicem cel-  
lam frontis; quæ nisi distinctæ essent, dolor in vtrumque latus serperet. Hemicran.

*De cura singulorum enumeratorum dolorum: & primo  
qui ex flatu.*

**H**Orum cura sic erit. Dolores, qui ex flatibus fiunt, tollun-  
tur igne, sudore, odore, & purgatione humorum, ex qui-  
bus eleuantur, iuxta prius dicta. Cura doloris  
sensiti.

*Cura doloris ex plenitudine.*

**Q**ui autem ex plenitudine, per venæ capitis sectionem prius minuuntur: clysteres diuertent; & si grauitas exigit, fiat potus ex decoct. buglos. ros. viol. 4. sem. frigid. myxariis, paf-  
sulis, tamarindis, myrobal. citrinis, indis, chebulis, embli. belliric.  
fumaria, glycyrrhiza, capil. vener. senna, polypod. agar. &c. prout  
videbitur conuenire. Quorum decoctionis vnciæ 4. diluculo su-  
mantur. Prodest manna, cassia fistula, diaphœnic. &c. Sed nil  
inedia melius, & tenui cibo, ex endiuia, vel portulaca, ptisana,  
&c. Carnes, & oua, quæ augent sanguinem vitabis. Vinum etiam:  
pro quo aqua veniat, in qua cynamom. incoquatur. Aër frigi-  
dus, siccusque prodest.

*Cura doloris acris, seu biliosi.*

**D**olores biliosi requirunt frigidum humidumque aërem,  
eiusdemque qualitatis cibos: cuiusmodi sunt lactuca, pisces  
saxatiles, eucurbita, pyra, ptisana; res autem venereæ; vt in lib.  
5. Potus aqua cynam. Somnus procurandus mediocris, latitiâ-  
que, & turbationum cessatio. Præparerur bilis ad purgationem  
symplicibus respicientibus, vt suo in loco descripsimus. Purga-  
tur absinthio, aloë, hiera picra, & rhabarbaro, quantum quis  
fuerit. Clysteres semper boni, sed vomitus melior in doloribus  
capitis, & à tenuibus humoribus factis.



*Cura obtusi, seu pituitosi doloris.*

**P**ituitosorum dolorū prius causa præparanda extenuandaque oxymelle, rosaceo melle, hyssopo, betonica, maiorana, salvia, vt dictum est in lib. 5. vbi omnes syropos descripsimus. Purgabitur autem pilulis de agarico, de hiera, alephang. turbith, myrobal. & aliis. Clysteres hic validi iuuant. Purgatio reperatur, quia viscosi fiunt in capite. Vteris masticatoriis, gargarismis, & sternutatoriis, quæ ex staphide agria, pyrethro, pipere candido, mygetta, struthia, helleboro albo, tritis cum terebinthina, & cera, &c. Intra corpus subtiliantia: aromatica attenuatiua conferunt, in aëre calido, siccoque, seu sulphureo, qualis Puteolanus; quem in cubili potes effingere. Suffumigia ex thure, rore-marino, & huiusmodi profunt valdè, vt in catarrhis. Carnes asatae ex carnibus volucrum conueniunt, pomæque cocta, saccharo condita; vinum dilutum aqua cynamomi, &c.

*Cura cephalæ, & hemicrania.*

**I**n cephalæa, & hemicrania considera qui humores peccent, & quam inhæreant capiti; & vbi, & an indigeant, & qua euacuatione. Eandem enim habent curam, quam dolores iam curati; sed assiduam sedulamque magis, & diuturnam. In primis autem aër eligendus purus, tenuis, odoratus, qualis Puteolanus.

Addes euacuationibus embrocationes in capite, & purgationes per nares, & aures procurabis validas. Si dolor ex causis frigidis, verbenaca, euphorbium, & olea stillatitia ex his, valde profunt. Si ex causis calidis, rosacea, endiuiua, psyllium, &c. In doloribus diuturnis prodest quinta essentia vocata aqua, quæ extrahitur alembico ex congruis simplicibus: hæc enim penetrat, defertque vim medicamento vsque ad ossium medullas. Dicitur Paracelsus hisce vsus. Sacculi odorati semper naribus, & fumi leues odoriferi per cubiculum spirent.

2 Nondum expertus sum quod Aëtius narrat, euphorbium si aceto dilutum, ac dextræ capitis regioni vbi, sinistra dolet; vel sinistra, si dolet dextera, applicetur maximè conferre certa ex naturæ proprietate. Itidem prodesse lumbricos terræ rritos, & cochlearum carnes lateri patienti applicatas. Alij nucleos persicorum tritos, & parti affectæ applicatos, laudant.

Tu verò causas morbi discute ex arte; neque ista neglexeris, & quæ



& quæ pharmaca dolores ex intemperie requirunt, prius declarari, hic applicato, prout videris qualitates causarum correspondere.

3 Cucurbitulas ceruici, hirudines ano, contra capitis dolores, ex humoribus ortos, valere nulli dubium: & diuturnis doloribus, si hæmorrhoides aperiantur, optimum. Fæx enim sanguinis morbifica eò confluit, si rite extrahere malum, & bonum didiceris. Mulieribus autem dolentibus menses prouocabis.

*De cura morborum cognoscitini in spiritu, & subiectis ortorum causis.*

CAPVT III. PARS II. ARTIC. II.

*Varia sententia de morbis, & deliriis animæ, à subiectis: & reprobatio.*

**H**Aud rectè Medici (Arabum præsertim placitis addicti) triplicem cognoscitini morbum statuunt. Aut enim, in- *Triplex co-  
gnoscitini  
læsis, ex Ga-  
leno.* quunt, læditur imaginatio, læsa parte cerebri anteriore; aut discursus, læsa media: aut memoria, læsa posteriori: vel omnibus simul læsis magnus exoritur morbus. Probat hoc Galenus, quoniam Theophilus Medicus ægrotans putabat se audire tibicines incessanter canentes in angulis domus. In cæteris benè discurrebat, & recordabatur: & cum sanatus esset, quidquid dixisset ipse, & adstantes, de tibicinibus, & aliis rebus, recordabatur. Ergo in isto sola imaginatio læsa erat, discursu memoriæque integris. Idem probat de se, cum velleret floccos, quos se videre putabat, & fallebatur imaginatio: dixit autem integro discursu adstantibus de hoc loquentibus, vt sibi subuenirent, ne phrenitide corripereetur. Præterea Romæ (ait) phreniticus vasa singula vitrea de fenestra proiecit, plaudentibus prætereuntibus; & interrogatis ab eo, num iuberent hoc, & illud post vasa proiici: & tandem, Vultis ne puerum proiciam? quibus iubentibus, etiam proiecit. Constat autem in hoc solam rationem læsam fuisse, cum memoria vasorum, & nominum imaginatio, & quid vellent notitia, integrè starent. Item in lethargo ratio, & memoria aboletur. In peste Atheniensi omnes cognoscitini partes, testibus Thucydide, & Galeno, & Lucretio,



solam memoriam in senibus etiam ruere sæpe videmus vel ex parte.

*Causa la-  
sio-  
nis mem-  
oriæ  
ex Medicis  
frigus.*

*Cōtradiçtio.*

*Triplex deli-  
rium me-  
lanch. Medi-  
cis.*

*Opinio Pe-  
riant. de de-  
lini Siby.  
Propnet.*

2 Memoriam à frigore aboleri autumant, sumpto argumento ab eo, quod in morbis lethargicis, & soporiferis semper memoria læditur, aut perditur: & cum Galenus interdum ab humido lædi, & siccitate seruari doceat nihilominus frigore, vel humido, vel sicco lædi ipse, & sequaces docent, in tractatu de memoria abolita curanda. Verum cum scribunt de phrenitide, secum pugnant, docentes à biliosa inflammatione memoriam sic lædi, vt nec matulam dum mingunt, se in manu tenere recordentur patientes æstum nimium. Vbi verò de mania loquuntur, quæ magnus effrenisque furor est: ducunt eam à sanguinis copia oriri cum Aetio: & furentioribus addunt bilem assatam; nec indicant quid in his lædatur: cum tamen omnes, vel quasdam operationes constet lædi easdem. Deinde aliam speciem delirij sine febre faciunt ab humore melancholico, triplicem, vel à toto sanguine atra bile infecto: vel ab eo tantum, qui in capite: vel cum hypochondria submittunt flatum dirum in caput, ad delirium trahentem. Horum autem communem esse tristitiam, metum, auersionem hominum perseuerantes: horumque varias esse imaginationes ita, vt alij putent se esse gallos, & cantent cum gallis, brahia quasi alas vibrando: alij vinas: alij se mortuos: alij diuinos: alij plerent semper: alij rideant: alij imaginentur se lupos esse, & in sepulchris, & immundis locis conuersentur: alij demoniaci appareant: alij cum Luna mutantur. Quomodo autem ista fiunt, nesciunt, quoniam primalitatum doctrinam ignorant.

3 Multi ad Aristotel. recurrunt, qui in *Problem. section. 30.* persimile esse in atra bile naturaliter, atque in violentia accidentaliter; quemadmodum enim qui inebriantur alij ridet, alij lacrymantur, alij pangunt carmina, alij diuinant, alij amant, alij vomunt, & sordescunt: alij fiunt eloquentes, alij balbutiunt, & obmutescunt: sic esse, ait, in habitu atrabilioso. Quibus enim frigidior est bilis, ij torpidi, & sordidi: quibus mediocriter incalescens, hi sapientes, qualis Socrates, Callimachus, Hercules, qui omnes morbo comitiali ex atra bile laborarunt, Poetæ, Philosophi. Quibus autem multa inest & calida hi amatores, & alij vates periti, ad omnem motum prompti, & sic fiunt Sibyllæ, & Prophetæ, qui diuinitus inspirari videntur: quod



quod tamen est falsum : quia naturali accidit intemperie. Hinc Auicen. & Pomponat. & alij, Prophetas fieri ex atra bile calida putarunt, non à Deo. Vnde status antri Colophonij, & Delipphetiam inspirabat, quod Plutarchus rectius interpretatur dispositiue.

4 Ficinus autem videns atram bilem ad hæc munia ineptam, *Opinio Fici-* scribit ex octo partibus sanguinis, duabus bilis atræ, & duabus *ni.* flauæ bilis, fieri spiritus firmos ad memoriam, celeres ad discurrendum, & imaginandum; subtiles ad sentiendum: ex sanguine solo fieri hilares & fatuos: ex bile flaua furiosos: ex atra stupidos, stultosque. Hic supra cæteros melius philosophatur.

5 Aristoteles quidem insipientissimè loquitur: Neque enim *Confutatio* atra bilis stupida res, carens sensu, & ratione in suo dogmate, *Arist. 1.* carmina pangere, & prophetare, & amare dabit. Neque vinum. Quomodo enim Isaias per atram bilem nomen Cyri ante 70. annos ab eius natiuitate præsciuiſſet: & Christus ruinam Ierusalem, & Euangelij victoriam, & signa in Sole & Luna, & stellis iam præsentia, & quæ discipulis, & sibi euenerunt? Neque Aristoteles aliquid probat, sed per vnum exemplum obſcurius declarat obſcurum, & contrarium. Atra enim bilis nigra fax mæſtaque, vino hilari generosoque liquori, & non fæci, assimilari in re tanta non potest. Secundò declarandum erat, quomodo vinum hoc faciat, præſciat, & doceat, vt ex inde de atra bile idem probet: quæ in suo dogmate declarari nulla poſſunt via: immò neque quomodo hilaritatem faciat, cum stupidum fit, neque animæ compar. Ficinus rectè spiritui ista omnia tribuit, *Examen Fi-* non autem composito ex bili vtraque, vt sic, sed quatenus ex *cini.* primalitatibus constat, quibus menti copulatur, & ſeruit. Immo quo minus ex atra fuligine constat, eo clarior, & ſuperioribus mentibus accommodatior; neque res est, quæ conſtet ex ſanguine, & bili vtraque, cum ſit tenuior illis, & melior, compositionem corporum non admittens. Si qua enim tenuitas ex bile educitur, illa non est eius pars, niſi ſit vapor, & fumus eius: ſpiritus enim ſuperioris eſt, & tenuioris conditionis: à fumis autem bilis læditur, mordicatur, & furit: ab atra terretur, & obſcuratur. De his alibi prolixius.

6 Galenus autem, & ſequaces cæcæ hic tradunt physiologiam: neque enim quomodo atra bilis tot imaginationes varias inducere queat; neque quomodo ſtupida cerebri temperies



imaginari, discurrere, & recordari valeat, cum hæc sint tenuissimæ, & velocissimæ rei actus, non autem crassæ, non se mouentis, nec ad objecta diffundentis, prout spiritus facit etiam Galeno; cui ex oculis ad alterandum aërem, & videndum, etiam egreditur.

*Falsitas cellarum Aui.  
& aliorum.*

Cellæ quoque illæ fictitiæ sunt. In anteriori enim parte adfunt duæ duobus oculis, & duabus naribus, & duabus auribus respondentes, eidem vsui dedicatæ, scilicet spatianti, & mouenti se spiritui ad notitias. Sicut nec oculus alter alteri dedicatur officio, quam suus compar. In medio nulla est cella discursus, sed fit in anterioribus. In posteriori parte est quasi cubiculum: vbi potius contemplari, & se ab exterioribus fastidiis retrahere habet spiritus: non autem ibi memoria, cum vbicunque spiritus, ibi memoria. Cella inferior erga porum spinæ manifestè dicata refectioni videtur in retiformis mensa, sicuti in Phys. probauimus. Præterea idem spiritus, seu anima, cogitat, sentit, memoratur. Si autem essent diuersæ cellæ, tunc non posset memorata imaginari, nec imaginata memorari; sicut oculus non potest audire, nec auditus videre, quoniam diuersis actibus dedicati sunt. At spiritus, qui videt in oculo, idem in substantia audit in auribus; alioquin non conferret visa auditis, & essent sicut ego, & tu. Ergo idem memoratur, & cogitat, & imaginatur in quacunque: non enim cellarum est actus cognitio, sed habitatoris: neque oculi est videre, neque fenestræ, sed spiritus in oculo habitantis, quo abeunte in somno, & deliquiis, non videt oculus. Nonne etiam, & Galeno teste, accurrente spiritu ad vterum strangulatione affectum, remanet cerebrum sine motu, sine sensu, sine memoria, sine imaginatione? Ergo spiritus, & non cerebri isti sunt actus.

*Propria sententia de lesionibus spiritualibus, & deliriis  
à subiectis rebus.*

**P**ORRò sciendum plures esse actus cognoscitiui, vnā tamen cognoscentem substantiam animalem, subditam menti, eique objecta subministrantem sensilia. Sentire autem esse præsentis objecti perceptionem: memoriam sensum anticipatum: fidem consensum, seu sentire per alium: imaginationem esse idoli, non rei sensum, sed rem repræsentantis: ratio



rationem sentire in alio: id est, in noto ignotum: & discurrere ex illo in hoc: intellectum penetrationem, & iaculum vsque ad rem, quæ non sentitur: iudicium omnium notitiarum decretum. Cum ergo sentimus, aut sentire aliquid putamus, necessariò vel rem, vel idolum rem illatam repræsentans sentimus. Nihilum enim non potest mouere sensum, neque rationem, neque intellectum. Quando ergo Theophilus apud Galenum cantores se audire, ac videre putabat, necessariò extra se aliquid videbat, vel in cerebro sonus aliquis erat, ex quo speciem cantorum imaginabatur: neque imaginatio fallebat, sed fides, vel credulitas. Non enim quia imaginor Centaurum, aut hircoceruum, imaginatio fallitur: verè enim idolum. Centauri in se fabricat; sed fallitur fides, vel iudicium, si credit ita esse in re, sicut imaginatur anima. Sicut cum dormimus videmus in somno plurima, nec imaginatio fallitur: nam verè videt, verèque imaginatur: sed fides, & iudicium asserens eas res imaginatas esse tunc extra cerebrum. Nec mens huic errori subuenit, quoniam operam dat spiritui se reficienti, & ista simul somnianti: Non enim disiuncta est, sed informat. Sicut nec sensus, cum videt remum in aqua fractum, fallitur, aut delirat; sed iudicium, si putat sic esse, decernitque: nec cum omnia pallida per ocularia crocea videt, fallitur: verè enim videntur crocea propter medium: sed fallitur iudicium, si extra se esse putat. Quoniam autem imaginatio non sponte sua, sed ita mouentibus vaporibus intra cerebrum format species falsas, dicitur decipi, quoniam quæ non sunt repræsentant: & ipsa falsum offert iudicio: sed re vera non decipitur: deceptio enim est solius iudicij. Et hoc in Theophilo fallebatur, credente foris quod erat intus. Oculus videns foris cantores, etiam non fallebatur, quoniam intra spiritum oculi erant idola, & referebant foris: sicut & in somniis, & visionibus etiam externis accidit.

2 Iudicium autem fallitur vel ex imperitia, quia alias, & per alios sensus aliquid non est expertus, vt quando prima vice videt remum in aqua quasi fractum, putat esse fractum ob imperitiam, seu inexperientiam: vel ex inaduertentia, vt cum scio statuam esse ligneam, cum tamen primo occurrit, & non aduerto, videor videre hominem viuum, & iudico viuum: & sic fallimur in somno; quia anima non potest advertere tunc esse tempus somni & visiones imaginum, non rerum. Inaduerten-

*Non sensus,  
nec imagina-  
tio, sed iudi-  
cium falli-  
tur, vel ex  
imperitia,  
vel inaduerten-  
tia.*



tia autem fit impedito discursu, vel non exercito; & sic quicumque delirant, & credunt se videre quæ non sunt: & se esse Reges, & canes, & lupos: in his vera est apparentia, sed non vera existentia. Vidi ego iuuenem calore ætius tabescentem, qui aspiciens pepones putridos, imaginatus est se similiter putrescere, & propterea sudare; & statim credidit se esse peponem tabidum; & ita asserbat. Erat pulcher aspectu: habitu tamen atrabilioso, in cuius spiritu fuligines volitantes, simul ac putauit se peponem, impediunt aduertentiam, & discursum: passioque non cessans, fecit perseverare in sententia, quod esset pepo: & quanto magis hoc cogitabat, tanto magis specie peponis afficiebatur: & talē sese credidit per aliquot dies, donec calor aeris cessauit.

*Melanch. humor non causa, sed occasio interdū.*

Non ergo melancholicus humor præstat fallaciam imaginantis; sed occasionem imaginandi, & non aduertendi impeditionem. Similiter qui putant se esse gallos, & urnas, & res alias, falluntur iudicio, & credulitate: quidquid enim illis primò occurrit cum sunt in passione aliqua, in eo figunt credulitatem. Putauit ergo cantores se audire & videre, quoniam sonum in cerebro habebat Theophilus; & ille Arguius Horatianus; qui se credebatur miros audire Tragedos.

Quia autem ægrotant sicut qui dormiunt, facilius decipiuntur, cum tanta est passio morbi, ut non sinat eos animaduvertere, an quæ imaginantur, & putant se videre & audire, vera sint: præsertim phrenitici, & cerebro affecti. Unde qui vasa, & puerum protexit è fenestra, credebatur se benefacturum, si illis obediret, qui proiici iuebant: nec præ passione poterat considerare proprium delirium, & mala, quæ actui inerant suo.

3 Quod autem omnis passio ingens iudicium tollat, febricitantes ostendunt, qui in feruore, augmentoque paroxysmi delirant: eoque transacto, sedantur, nec credunt visis, ut ante Studio etiā multo dediti non aduertunt etiam cum vocantur, & res alias necessarias negligunt. Propterea in somniferis passionibus discursus, & memoria læditur: quoniam passio illa magna sopit priores passiones, & memorias earum, sicut magnus superueniens motus in aëre, minores: nec finit alijs motibus discurrere amplius, donec maior ille cesset.

4 Quando autem memoria totaliter perditur, ut nec post morbum præteritorum recordentur, passio fuit valde ingens, ut pestis Attica, quæ dum spiritus exhalat, non permittit renascentibus



tibus spiritibus aliam passionem & scientiam communicari, ut dictum est sæpè.

Quapropter memoria, & discursus, & sensus impediuntur à quacunque magna attentione, & passione magna: non tamen tolluntur nisi per mortem: memoria verò totaliter sola, quando totus exhalauit spiritus nil communicans successorì, nisi præsentem, magnamque passionem.

Frustra ergo ad frigus confugiunt, aliasque qualitates: omnis enim passio magna ista facit & etiam in sobriis: & ego enim contemplando oblitus sum matulæ quam manu tenebam, & minxiforas.

Nihil autem facilius, quam impedire iudicium, ut patet. Sensus enim & imaginatio semper insunt: est enim imaginatio sensus absque præsentì obiecto.

*Causæ singulorum deliriorum, & passionum à bile atra, & vino, & calore, & aliis accidentibus.*

**O**Mnes quidem humores apti sunt, dum morbos faciunt, etiam spiritui in cognoscituiuo incommodare; sed atra bilis etiam sine morbo, citra febrem: quoniam sua caligine obscurat spiritum, & interuolante fuligine eius discursiuos motus impedit. Nam spiritus melancholicorum tenuissimi sunt: sicuti fumus ex lignis benè combustis est tenuissimus: qui autem ex viridibus, crassus: ex semicomпустis, tenuis: ex adustis, tenuissimus: proptereaque aptus est passionibus à quacunque parua re: ergo & scientiis occultis: idcircoque auersantur consortia, quoniam præ sui tenuitate ab omnibus læduntur. Si autem accesserit impuritas fuliginum, & tetri humores ex adustis sanguinibus, necessario insaniunt. Vi etiam imagines diras, & quidquid imaginantur credunt esse verum: non enim possunt discernere præ fuligine. Sensituiui sunt, atque sagaces, memoriaque labiles: quoniam tenuis spiritus subito, continuoque volat, nec venienti satis communicat. Prophetizant, quoniam passionibus futurarum rerum præhabent in causis, & præparationibus aeris cælestibus, & terrestribus: in eis præuident absentia futuraque, sicuti aues ex aeris passione pluuiam. Sunt & apti ad supranaturalem prophetiam, licet Deus absque naturali aptitudine possit illam dare. Qui autem plurima crassaque bile atra donati sunt: hi sordidi sunt, stupidi, amant sepulchra, plorant, appetunt mortem: spiritus enim

*Ratio cur melancholicis talia præstentur uaria, qualia narrat Aris.*



mutatur in tetrum, & consimilia cupit : sicuti qui patitur citam. Philosophiæ & poetici apti sunt ; quibus purior spiritus, tenuisque, & modica fuligo, vel nulla, in spiritum irruit.

2 Ergo Aristoteles ignorans spiritus naturam, tribuit vino, & atræ bili; quæ spiritus tenuitati, puritati; crassitiei, & impuritati, & mistis eius qualitatibus tribuenda erant. Vinum modicum exhibet, quoniam multiplicat, calefacit, attenuatque spiritum : acutum reddit ad sermones, & poemata, ad motiones videlicet concinnas afficiens. Vinum multum obnubilat, sopit, ad ploratus ex fumo concreto factos ciet, & pro qualitate spirituum alios affectus inducit. Non sic autem atræ bilis, quæ non est, nisi signum, & fæx, spiritus tenuitatis. Scientiæ non confert, nisi quia nigrore suo terrefacit, & reuocat spiritum intro, & vnit ad contemplationem. Deliria tamen facit, cognoscitium impediendo, scedando, obscurando, & terrendo ita, ut dæmones, & serpentes se videre credant. Diabolus quoque hoc ad vexandos homines vitur humore, ut & lunationibus, ut docet D. Thomas.

3 Sunt qui hyeme sobrii, in æstate insanunt ; quando fuligo à calore multa fit, & simul flaua bilis mordicans spiritus, sicut in febricitantibus, augetur : spiritus quoque attenuatur, & fit aptior ad passiones eiusmodi.

*Conclusio  
preambula  
ad rationem  
deliriorum.*

4 Quoniam ergo eadem deliria accidunt sanis, & ægrotis, excepta totius memoriæ obliuione : quæ tamen etiam quibusdam senio confectis multo, accidit : quando totus spiritus immutatus est ; & exilis modicus, qui remansit à senili affectu obrutus, omnium præteritorum notiones & passiones, notasque dimiserat : facile erit intelligere causas deliriorum per consimilitudinem, atque mederi. Præterea quoniam eadem passiones accidentales, quæ delirantibus sunt perennes, vel per tempus aliquod insunt quibusdam naturales, quoniam præditi spiritu tenui valde sunt, labiles memoria, & sagaces in sentiendo, & argumentando statim : non autem valet ratiocinatio eorum prolixa : quoniam antequam finiant discursum longum, à fuligine turbantur, vel exhalante spiritu tenuissimo deficit, & degenerat : unde eorum subita consilia valent, non quæ excogitantur diu, nec studia. Qui autem crasso sunt spiritu, stupidi sunt ad sentiendum, & imaginandum ob crassitiem, & impassibilitatem spiritus : retinent tamen memoria quæ didicere magnæ passionis tantum obiecta diu : & ad discursus sunt inepti, & ad inuentiones, imaginationesque

*Spiritus tenuis.*

*Crassi.*



tionēſque inualidi, & ſimul plura diſcernere impotentes. Qui autem mediocriter tenui, lucido, & puro præditi ſunt ſpiritu: hi egregij ad omnes ſcientias & virtutes, iudicio non falſo ab apparentibus, nec memoria labente, niſi ſopiri nata in diris paſſionibus, & magnis attentionibus. Omnis autem generis ſpiritus apti ſunt magna ſuperueniente paſſione, & obliuiſci, & variari iudicio, & imaginatione, ab imaginatis non diſcernere: ut etiam in ſomno. Conſequens eſt, ut hic deliria intelligamus: quæ nihil aliud ſunt, quàm affectus ingentes accidentales.

*Mediocre.**Quid delirium.**Medela furie irascibilis.*

**I**Ra enim breue delirium eſt à cauſa occaſionem habens inſtantiem, & cogentem: ergo qui delirant irascentes valdè, in alios irruentes: horum ſpiritus bile flaua, & acribus vaporibus, aut ingenti calore mordicatur: & quod interius patiuntur ab humoribus & vaporibus, iudicant ab exterioribus obiectis, & inimicis pati. Quapropter hoc ſit primum delirium irascibile.

*Delirium ira.*

In hoc prius ſanguinem extrahes, ſi habitus corporis permittit, ut bilis, & calor ceſſet ex parte. Qui enim inedia macerati, & ſicci ſunt, ſola venæ apertione tentandi erunt. In cæteris miſſione multa, vel repetita, eſt opus. Deinde caput rades, & roſaceo oleo, & aceto inunges, aliſque frigidis multum, vel parum, pro paſſionis ratione: dabis & ſoporiferum pharmacum; quoniam vigilia nimis ſpiritum attenuat, & acuit bilem, & fuligines acres creat, unde ferociores ſunt vigilantium furores. Diacodion cum ſucco piſanæ laudatur: quod perendie reperes, prout videbitur proſicere. Dant alij oleum violarum cum lacte muliebri. Embrocatio prodeſt ex foliis ſalicis, lactuæ, papaueris, roſarum &c. Clyſteribus utere, & ſi non purgati fuerint pharmacum choleram purgante, ut in libro quinto. Et prout maior, vel minor ferocitas, & ira: maiora aut minora erunt pharmaca iam dicta: nam ex ſolo ſanguine furentes plerumque ridet. His ſufficit venæ ſectio, & refrigeratio capitis. Cibus humidus, boni ſucci, & aqua cui roſacea ſit miſta, vel juleb, &c. Sin verò plus effrænentur, adeſt bilis; contra quam ut ſuprà. Si maximè irascentur; aſſatur bilis, & fuligo aeris adeſt: idcirco remedia ſunt eiſdem generis; ſed potiora. Nec dulcia balnea obliuiſceris.

*Curatio.*



## Medela insanie torpida.

*Delirium  
torpens.*

1 **A**lia insanie est acediosa, pigra, cum stupidi sunt & obliuiosi, & quasi somniantes vigilant, & sordibus delectantur.

Horum medela est purgatio per pharmacum detrahens crassos humores, vnctio cum oleis calidis: aer calidus, & siccus. Similiter cibus ex assatis columbis. Potus ex vino tenui, non vaporoso, & aqua cynamomi. Oleum rutaceum, castoreum, piper, baccæ lauri, & huiusmodi caput cingant. Masticatoriis, sternutatoriis, &c. caput purgetur.

*Frigus non  
lædit mem-  
oriam.*

2 Solet post soporiferos morbos memoria lædi: idcirco Medici putant à frigore, quod tamen sola passio fecit in spiritu adhuc remanens: frigus verò adest resolutio caloris: propterea calidis iuantur: videmus tamen spirante borea, memoriam roborari, lædi austris. Ergo non frigus est causa, sed consequens signum in prædictis: vnde corroborato corpore, instauratisque viribus, memoria instauratur: etenim, & peruigiles, & soporosi, & calefacti, & frigefacti, memoria læduntur: tu causam passionis amoueto.

3 Cum quis repente memoriam perdit, signam dicunt apoplexiæ: nos dicimus cuiuscunque magni morbi, ad cuius causas arceudas spiritus reuocatus, omnes curas, & præteritas memorias amittit, vel intermittit.

## Medela insanie tristis, seu ab atra bile.

*Attrabiliosus  
ex toto tem-  
peramento  
qui.*

1 **D**elirium ab atra bile, quod & tristitiæ dici potest: est enim tristitia diuturna ex fuligine, & nigrore intus effecta, quæ iudicium impediunt, & quamcunque imaginationem falsam admittunt: pro copia, & robore atræ bilis curandum. Alij enim toto temperamento attrabilioso apparent, videlicet graciles, subnigri, adusti, hirsuti: & cute & pilis secundum naturam: & hi timidi, superstitiosi, sordidi: eiusmodi deliriis, & incantationibus fœdari sæpè solent. Alij ex accidenti fiunt attrabiliosi, ob inedias, vigiliis, anxietates, cibos melancholicos: ob hæmorrhoidum, menstruorum cessationem, amarissimarum rerum amissionem, & qui ex amore insaniunt, aut alio quocunque magno fraudati desiderio. Ex studio litterarum non raro: quod spiritus vnit, calefacit vnione, exacuitque attenuatione; cruditates vnde sequuntur, & vapores infestantes spiritum, iudiciumque alia passione detentum iterum impediunt. Omnia tamen redu-

cuntur



cuntur ad nimiam passionem, vel ab obiectis, vel à subiectis: quam vapor, aut humor superueniens, præpeditumque in illa iudicium iterum lædens, quasunque imaginationes, vt admittat, retineatque, est in causa. Propterea etiam Medicis ex hypochondriis vitium delirij deriuatur. Cum enim cruditates factæ fuerint ex negligentia occupati spiritus, aut alia ex impotentia, vel ingurgitatione: necessario ructus, ardor, flatus plurimi succedunt: & inflammatio, & conuulsio hypochondriorum, & eleuatio vaporum huiusmodi in caput, & vertigines, & saltus, & puncturæ flatus in toto corpore, & ventres sicci ex accensione caloris in putrefactis cruditatibus.

2 In his cunctis inspicie causas. Si enim suppressio menstruum, aut hæmorrhoidum præcessit, adhibe pharmaca vuluæ, & ano eduentia, de quibus suo loco. Propinabis quæ animum lætificant, & fuligines atras discutiunt, & sanguinem purificant in pharmaco, cibo, & potu: & quæ spiritus lucidos, & plures generant.

*Cura ex causis auspicanda, & primò ex suppressione menstruum & hæmorrh.*

3 Si causa est ab hypochondriis: purgabis clysteribus aluum; & pharmaco cruditates corruptas purgabis vomitorio, ex raphano, & aliis. Et in grauiore, & longiore ex helleboro albo, & raphano simul in infusione positis: deinde helleboro dempto virtute eius relictæ. Decoctio pulegij nunquam deficiat in potu ante, & post pharmacum: & in comestione, quæ ex pullis erit, aromatibus impositis. Absinthij decoctio iuuat mirifice stomachum, & contra putridas cruditates, & vrinæ ciendæ. Cataplasma ex pulegio, calidisque, tenuibusque prodest hypochondriis valdè: & ex anetho, absinthio, origano, serpillio, lauro, &c. aniso, apio, cumino: quæ flatibus discutiendis etiam in cibo adhiberi possunt: multa enim est foeniculi, anisorum, cumini, anethi, &c. vis contra flatus ventriculi, &c.

*Cura delirij ex hypochond.*

4 Delirium ex temperamento toto atrabilioso accidentali sedatur si causæ auferantur: cessent studia, anxietates, expleantur desideria, vel officiosis simulationibus, vt dictum est, in cap. I. Cætera curabis, vt in atrabilariis.

*Cura delirij ex toto temperamento accidentali.*

5 In quibus si caput solum, nec multum infectum est, non secabis venam: si totus sanguis, secabis larga sectione. Deinde humores præparabis decoctionibus fumaricæ, scolopendriæ, pasularum, tamaricis, radicis capparis, petroselini, glycyrrhizæ,



thymi, epithymi, & huiusmodi, secundum artem; vel horis matutinis accipiendo uncias quatuor, vel carnes talium brodiis, simul elixando. Prodest endiuia, cichorea, borrago, lactuca, buglossa, melissa, &c.

Pharmacum purgans esto antidotum hamech, diasenna, cataporia inda, lapis armenus, & alia, quæ contra bilem atram per attractionem valere in quinto lib. scripsimus. Fiunt etiam decoctiones myrobal. embl. chebul. folliculorum sennæ, polypodij: oxyphœn. prun. damasc. ad purgandam bilem atram. Item dilutum epithymi, dilutum diasennæ in sero caprino: ipsum quoque ferum quotidie sumptum. Idem decoctum cichoreæ, &c. Adduntur pro tempore clysteres ex simplicibus bilem nigram purgantibus. Adde balnea dulcia purgatis: valde enim iuuant, & capiti embroc. ex althæa, viol. nymphææ flor. sem. lact. & endiu. & similibus. Item olea chamomil. viol. rosæ. &c. Prodest singulis septimanis, dragma vna de pulueribus epithym. lap. arm. agar. scam. præparat. caryophyl. &c. prout videbitur. Viuant in aëre sereno, aperto, in hortis viridibus atque florentibus. Adsit Musica, res lætæ, ludi nullius attentionis, & omnia venerea, & iouialia. Prodest coitus modicus, &c. Saturnina purgant. Iouialia restaurant secundum artem. Cibus sint carnes caponum, gallinarum, vitulorum, & animalium venereorum, & iouialium iuuenum, iuscula pingua, pisces saxatiles: condimenta ex butyro, & melle flauo, & modicis aromatis, ne afflatio fuliginem faciat. Panis albilimus non adustus. Lac cum vino prodest: omniâque alba, dulcia, mollia, contraria atræ bili amaræ siccæque. Vinum album generosum aqua mistum, ex tophis, vel argilla manante. Qui autem in lycanthropiam, & pessimos habitus transierunt, fiunt ludus dæmonum: hos religione munies contra dæmones, & simul fiduciæ salutis præstabis in imaginatione: Deinde remediis prædictis vtis in cibo: vix alia via sumunt. Pharmaca erunt fortia exhibenda, & res, quæ spiritus lucidos pariunt. In his enim foedata est lux valde. Conaberis temperamentum mutare sudatorii, & syrupis depellentibus per sudorem fuligines, & pharmacis per aluum atrahentibus, &c. vt in c. 2.

*Externi habitus melanchol.*



*Medela contra phrenitica deliria.*

**P**hreniticum delirium ex subiectis humoribus, & organis <sup>Quibus ex</sup> occasionem trahit: fit enim inflammato cerebro, eiusque <sup>causis phren-</sup> membranis. Vnde spiritus inhabitans attenuatur, & mordicatur, <sup>delir.</sup> & vndique abigitur, nec quod se vertat habet, vndique ignem timens: sicuti homo, cuius domus vndique ardet. Hinc sequuntur apparitiones falsæ, quibus iudicium reluctari nescit: & præ passione memoria, & ratio impediuntur, & omnis notio. Accidit somnus difficilis, vigiliæ diræ. Si dormire incipiunt, mordicato spiritu surgunt, turbati exiliunt, vociferantur, loquuntur absque sensu verborum, & ordine: interrogati que varia respondent temerè absque certitudine: antequam enim forment vocem exprimenter conceptum, alij conceptus ex aliis passionibus continuis in spiritu formantur, & aliæ, vt nullas perficere, neque declarare, neque considerare queant. Sicut puer verberatus dum vult respondere, aliis verberibus ad alia verba, & lacrymas fertur: propterea etiam lacrymantur, aut arescunt oculi siccato iam humore; suntque cruenti, squallidique: aret lingua: sanguis è naribus stillat: pulsus parui, languidi, duri, ob causas in quarto lib. spiratio rara.

Causam statuunt Medici abundantiam sanguinis, vbi risus <sup>Causa huius</sup> adest, sed hoc phrenitis non admittit: addunt bilem simplicem, <sup>delirij ex</sup> si delirium mite; assatam, si effrænatum, vt non nisi vinculis retineantur. Ast hoc non accidit, nisi spiritibus multis vigentibus, <sup>Medicis.</sup> quibus labore, & vigilia diminutis: mitiores sunt motus effrænati, sed non deliria. At quidem plurimos videmus cerebro calefactos causis externis non delirare: aliis humoribus plenos non febricitare. Ergo nisi vapores acres, & humores fluctuantes adfint, delirium tale non fit, nec febris, nisi putrescant in parte: cum enim totum corpus occupatur, non est vbi bellum incatur, sicuti alibi dictum est. Propterea absque purgante pharmaco vix ultra tres dies protenditur passio ingens hæc, vaporibus diris quippe excussis, finitisque. <sup>Correctio.</sup>

**2** Secabis venam primò cephalicam, si per ætatem, & tempera- <sup>Curat.</sup> mentum licet: vel cucurbitulas collo, & spinæ cum scarificatione adhibebis. Iuuant in ano hirudines. Adde clysteres magistrales diuersiuos ex fol. maluæ, viol. cichor. hord. decoct. sem. cucurbit. pepon. cucumer. decoctione; cui infunde medullam



caſſiæ recent. oleum viol. ſal. ſecundum artem : purgabit magis addita hiera picra. Capiti nec frigida nimis applicabis, ne obſtruatur exhalationi nocenti exitus; nec calida, ne creſcat inflammatio. Conferunt quæ ſubſtantiæ ſunt frigidæ calefacta modicum, vt oleum roſaceum cum aceto, & ſuccus frigidorum tepfactus, &c. Adiunget ſoporifera vnguenta, & embrocat. non dormientibus : valdè enim profunt, & poſt tertium diem, quæ morbi reliquias excutiant, vt embrocatio de florib. viol. roſar. rub. nymph. papauer. adieſto oleo chamæmel. alth. meliſ. aneth. &c. capiti applicato, vel catulum, vel gallinam per medium ſciſſam, vt calorem, & morbi reliquias ad ſe trahant calore, & humectent ſanguine caput. Balnea dulcia mirum in modum profunt : caput tamen non lauabis. Vigilæ, & res iram mouentes arceantur: adſint amatiffimi amici, iucunda loquentes, & admonentes. Teneatur, aut ligetur delirans, ne motibus turbatis minuat ſpiritum, aut occidat quempiam, vt nuper accidit Cioccio del Typho. Porus vini obest, antequam cæperit miteſcere, quando & dilutum album dabitur : prius autem ſyrup. viol. & nymph. & aqua hord. vel &c. erunt potus. Cibus verò mica panis in mulſo, cremor piſanæ, olera refrigerantia, & laticificantia, vt bugloſſa, endiuia, cucurbita, malua, piſces ſaxatiles: poſtea carnes modicæ, & elixæ in olerum iuſculo.

*De medendis morbis poteſtatiui in ſpiritu à ſubieſtis humoribus, nec ſine instrumentorum conſenſu aliquando.*

CAPVT III. PARS III. ARTIC. I.

**I** Afficitur ſpiritus poteſtatiui, & in capite habitantis, & in toto corpore, multipliciter ab humoribus ſubieſtis, tam in viuendi, quam operandi poteſtate: & pro modo, & loco, & cauſa affectionis varij morbi generantur.

10. leſiones  
poteſtatiui  
ſpiritus in  
capite ab hu-  
moribus.

In alijs  
membris.

Quorum primus eſt laſſitudo; quando omnes vires languent, & vix veſtare corpus poſſunt. Secundus, incubus, cum in ſomno grauantur humoribus quaſi ad ſtrangulationem. Tertius, ſyncope, quæ præceps virium lapſus eſt. Quartus propriè in capite ſpiritu oppreſſo fiunt; lethargus, caros, catalepiſis, coma, apoplexia, epilepſia; quæ vires, & motum tollunt, & conſequenter ſenſum. At ſi humor ex capite deſtillat ad



lat ad inferiora, extrinsecus impedit solas vires operativas: fit enim conuulsio in nervis, paralysis in membris, in iuncturis arthritidis. In certis iuncturis chiragra, ischias, gonagra, podagra: de quibus singillatim sermo medicatiuus subsequitur.

*Medicatio lassitudinis potestativi.*

ARTIC. II.

PARS III.

**S** Pontaneam virium lassitudinem non ex labore, aut vigilia, aut aliquo voluntario exercitio, sed sponte, curabit phlebotomia, & corporis per diætam extenuatio. Fit enim ex humorum abundantia vbique comprimentium diffusum per corpus spiritum. Adde sudores, exercitia, balnea, quorum intermissio eandem scilicet lassitudinem facit: & vñctionem, iuxta Maurorum non ineptam medicinam; sed in frigidis regionibus si vrget periculum, ad purgatiuum etiam pharmacum recurre.

*Medicatio incubi.*

ARTIC. II.

PARS II.

**E**X crapula, & continua ventris cruditate, oriri solent va- <sup>Causa, & si-</sup>  
pores crassi, frigidi: qui cerebri spiritum affligunt, mea- <sup>gna incubi.</sup>  
tus obstruendo, ne ad motum, & corporis regimen, & sensifi-  
cationem effundi queat. Vnde sequitur difficultas, suffocatio-  
nis, & mortis imago, & quasi ab aliquo se premi suffocarique pu-  
tat. Tollitur vox, & inarticulatè profertur, & grauamen sentitur.  
Mox post anxietatem spiritus vincit, sese effundit, & per mea-  
tus rediens ad vigiliam restituitur. Mulieres putant se à dæ- <sup>De damono-</sup>  
mone incubo premi. Afferunt multi docti; negant Medici; <sup>plexia.</sup>  
sed principium esse apoplexiæ dicunt, nisi humores isti at-  
tenuentur, & expurgentur. Idè phlebotomiam suadent, & pur-  
gationem, si cacochymia adsit, pharmacis respondentibus hu-  
morum qualitati. Victu, potúque tenuibus vtendum, spiritus co-  
piam, & vires augentibus, nullos flatu, nullasque cruditates  
inducentibus. Sed profectò diabolos ita illudere hominibus,  
ego non semel sum expertus. Omitto historiam sancti Romo-  
aldi, & aliorum, qui grauedinem ab eo passi sunt sæpè: quam sola  
religio absque pharmaco sæpè fugauit. Immo aduenientem vm-  
bram ipse vidi, non inani imaginatione deceptus, vel re; & ag-  
gredien-



gredientem, & ad crucis, & ad Iesu nomen fugientem : nec supinus modò , & dormiens, sed in latere, & vigilans. Quidam etiam sanguinem in cor redundantem facere hanc illusionem putant : sed inaniter. Aliquando enim in pectore, & aliquando in corporis medietate quasi amplectens ; aliquando aliquod membrum tenens ; aliquando partem tergoris : immò & loqui dum vigilans homo orat, audit dæmones illudentes. Istæ non sunt credularum vetularum imagines : sed longo tempore reluctantium philosophorum experientia. Morbum hunc diuinum diceret Hippocrates ; & sola religione curat Paracelsus. Ast si humores instrumenta dæmonum, etiam pharmaco purgandum.

*De syncope multigena, eiusque medela.*

ARTIC. III.

PARS III.

*Quadruplex  
causa synco-  
pes.*

*Quatuor  
particulares  
causa synco-  
pes ex dimi-  
nutione.  
Qui sit.*

*Signa.*

*Syncope ex  
compressione.*

1 IN syncope vires deficient, vel nimia spiritus diminutione, vel compressione, vel suffocatione, vel dissectione formaliter, prout occasiones, vel causæ agentes ferunt.

2 Alij enim post sanguinis immodicas effusiones, vel alui inanitiones, vel sudores multos, vel exercitium ingens, statim animo inquantur : quoniam spiritus simul exinanitur, & diminuitur apertis viis, & quæ modica eius pars remanet, intrò aufugit, quasi totalem ruinam auersans, aut aliquo vapore infestata illi par non est : proptereaque extrema frigent, corpus totum resoluitur, nitor cutis perditur, pulsus succedit obscurus, languens, rarus, & cum ad deficientiam non reciprocantem redit, mors adest, quam tamen ex sola minutione non fieri puto ; nisi & pars remanens item infestetur. Manifestum est autem, quod humor vnit spiritum cum corpore, & poros claudit, ne totus elabatur. His ergo apertis, & deficientibus humoribus, est necesse spiritum à corpore separari : vel minutum, nec resectum quacunque causa debellari. Vigilia quoque, & attentio multa spiritus vnit, exacuit, & resoluit suo calore, refectioni non dat tempus, neque expulsionem fuliginum, ideòque tandem deficit corpus, sustinere non potens modicus, & à fuligine infestatus cedit.

2 Compressione perit spiritus, vbi ingens terror, & metus spiritum inuadit : statim enim fugit intrò, & vnitus valde quasi suffocatur, & minuitur ; si quæ nimia est compressio, moritur : si modica, statim reuocatur, vt accidit multis in phlebotomia : quorum spiritus



spiritus sanguinem fundi, suam scilicet substantiam, videns, sibi timens intrò fertur, solâque compressione enervatur. At si modica est effusio, etiam diminutione. Præterea dolores ingentes ab obiectis, & subiectis rebus, statim syncopem efficiunt. Spiritus enim ad loca doloris confluens, comprimitur, ut patet in uteri strangulatione, & vulneribus: aut se infortunatum sentiens ab euentibus extrinsecis, comprimitur, & desperat, & relinquit simul corporis munia, & dissolvitur.

3 Suffocant spiritum, occiduntque, foetores nimij: quos dum fugit, comprimitur: foetorque insequens eius dispositionem grauat, & calorem immutat, & lucem foedat, obnubilat interimique: ut ebrietas, & fungi, & huiusmodi declarant. Idem prorsus efficit ventriculi syncope: etenim dum humores crudi ipsum infestant, roduntque; spiritus ad ipsum confluit, & à vaporibus ventriculi diris ibi & in cerebro suffocatur. Vnde hypochondria in syncope stomachica inflata sunt, & totum corpus turgescit flatu, & mordicationes, & vellicationes in ore ventriculi habent: alij succis crudis in toto corpore: alij tenuioribus succis, & exhalationibus infestantur ab intus, non secus ac qui foetoribus corruunt, in quibus facies Hippocratica statim apparet. Etenim & dissi-  
ciuntur, & lacerantur spiritus acutis foetoribus, ac simul comprimentur partes discerptæ, & periclitantur.

4 Dissectione etiam diximus syncopem fieri, cum videlicet spiritus in varias partes trahuntur, & diuiduntur, & minuuntur. Hoc patiuntur amantes cupidissimi in conspectu amasæ iratæ, & non speratæ: & in formidati, & venerati Regis aspectu. Siquidem spiritus ob reuerentiam intrò fugit, & ob desiderium foras confluit, & dissi-  
ciuntur. Nimio etiam in gaudio fit compressio confluentis, & dissectione. Præterea magnæ inflammationes morbificæ, & interdum ob extrinsecos calores, ut sæpè accidit in lecto multis percalidis tegumentis calefacto. Calor enim spiritus attenuat, aperit poros, & educit dissi-  
ciendo, & sic minuendo. Accidit & hoc multis propter balneationem, & in coitu, spiritibus confluentibus ad voluptatem, resolutisque dissectione. Syncope cordis, & à nimio calore dissi-  
ciuntur fit, & à modico, quem inspiratio accendere non valet, & vapores obruunt, & à venenatis vaporibus, & pravis succis officinam spirituum occupantibus, & a talia interrumpentibus.

Ex suffoca-  
tione.

Ex dissec-  
tione.



*Cura syncopes ex diminutione.*

**Q**VI spiritus diminutione propter euacuationes syncopem patiuntur; iis aperiatur etiam per vim os: & aque vitæ modicum in ovo sorbili, vel iure carnis odorifero infundatur. Naribus odores pulli assati sicci que, & vini maluatici, & menthæ, admoveantur, & mica panis calidi muscatello vino conspersa; & omnia ea fiant, ex quibus spiritus subito refici, augerique possunt, ut in Phys. dicebamus. Ad reuocandos spiritus vtuntur Medici ligatura stricta digitorum, & extremarum partium sed hoc nihil prodest si spiritus est modicus, nec totum corpus potest absque dissectione sui sensificare. Nihil ergo melius, quam ipsum augere, & euacuationes prohibere, & motus. In aëre frigidiusculo, & sicco in aula odoramentis, & liquoribus odoratis conspersa, absque rumore, & Musica, nisi suaui, & submissa. Quomodo euacuationes sanguinis, & alui reprimuntur, alibi dictum est. Adde inunctiones odoratas. Sed cum exudatione fit syncope, erit oleum astringens, ut myrrinum, & cotoneorum, rosaceumque: odorésque erunt styptici, non acuti, ut rosarum, cotoneorum, nymph. sant. camph. &c. Si per odores spiritus non reuocatur, & sorbitiones, certum est intus pugnare cum aliqua causa: quæ pugna necessaria si est, turbanda non est, ut in capitis, & cordis obfessionibus. Sin minus necessaria, immò ex ea spiritus minuitur, nec omissa vitæ periculum affert; ut in vteri passionibus, cuius etiam amputatio neque mortem affert: reuocandus est frictionibus, ligaturis, & fumis foetidis; ut ad sedem suam tuendam reuertatur, & ad se insuper reficiendum. Propinabis etiam quæ sanguinem augent, ut nutritus ex eo spiritus, atque corpus simul, non separentur. Caue ab omni sectione venæ, & prouocatione euacuatua.

*Curatio syncopes ex compressione. Item ex suffocatione.*

*Contra compress.*

**I**N syncope ex compressione, si aqua rosacea frigida non reuocatur spiritus, deliquium est dirum. Adhibe ligaturas, vellicationes, foetores, si detinetur inani metu, aut labore: non autem si necessario. Adde læta nuncia, etiam falsa, in syncope à metu. citharam, & cantum. Item confectio. lætificant. Galeni, & de hyacintho, propinabis, & suaues odores. Porum vini cum aqua arantiorum, & foliis auri. Si compressio est à dolore, volu-

*prouola*



ptuosa dabis: si dolor est ab humoribus, & sanguine impuro, pur- *varia species*  
 gabis, & frictionibus vteris. Si à vulnere, curabis vulnus. Si ali- *compressio-*  
 cuius membri afflictio, vt vteri, aut colli, aut pedis, aut &c. illi si- *ni, & cura.*  
 mul ex arte succurres. Si à fœtoribus, eos amoueabis, & odores  
 admoueabis in clauso loco: te odoriferis, & aceto, & aliis armabis.  
 Porro syncopem stomachicam curabis per euacuationem alui,  
 aut vomitum eorum humorum, qui orificium ventriculi velli-  
 cant. Cum autem fuerint succi crudi per totas venas dispersi, à  
 quibus vbique spiritus affligitur laborare contra eos desperat:  
 tunc odore solo ipsum pascas, & mulso. Corpus autem frictioni-  
 bus exercebis, tum in pectore, brachiis, cruribus, & in spinas;  
 vngesque oleis aperitiuis, non Aringentibus, singulis diebus con-  
 tinuis, data requie, somno modico, & cibo. Nec purgatio, nec  
 phlebotomia prodest, nisi clyster cum supprimitur aluus: per  
 transpirationem enim melius est curare. Vnde hoc tempore  
 Mauri sola vntione, & frictione in cunctis vtuntur morbis, at-  
 que diætâ. Nec enim cessat syncope propter purgationem. Pro-  
 dest autem cunctis odor: vino infusa medulla panis, quæ solus spi-  
 ritus alât. Et horum salus non desperanda, quamuis sit omnium  
 pessima syncope, nisi inflammatio adsit in iecore, aut ventriculo:  
 & pulsus inæquales, languidi, & parui, vt suo loco diximus: tunc  
 enim prognosticum mortis, iuxta sermones quarti lib. facies.

*Cura syncopes ex disiectione spirituum.*

**S**yncope ex disiectione, si à tenuibus humoribus, & exhal- *Cura syncop.*  
 tionibus fiat, lentam vel nullam frictionem, vt exhalent ad- *ex disiect.*  
 mittit; sed vntiones adstrictiuas: cibum modicum, & crebro re-  
 petitum, facilisque transitus requirit: sed firmiorem, vt alicâ, pa-  
 nis micam in brodio, luteum oui, fructus non molles, vt pyra,  
 mala appia, præsertim cocta; vinum generosum aqua dilutum,  
 lætos sermones, Musicam vnitiuam, &c.

Disiectionem ab amore curat amasia, vel species eius: aqua  
 rosacea faciei iniecta, &c. A coitu verò nisi plurimus fuerit, qui  
 sanguinem eliciat, ouorum sorbitio, cum oleo cyna. & pineæ, &  
 pistacia, brodia pingua benè condita caryophyl. mac. &c. cum  
 modico aceto.

A calore frigidorum applicatio, saccharum in frigida, flabel- *Cura syncop.*  
 lum, mutatio vestium mollium, non calefactarum, &c. Caue- *a calore.*  
 ne frigus nimium penetrans adhibeatur. A phlegmone verò



Cura à  
phlegmone.

confimilia : & phlegmones curatio secundum artem, & membri passionem.

Ex balneo.

In balneo deficientes ; extrahes , aqua insperges , in sindone repones munda : adstrictiuis, frigidis vnguentis, odoratisque vnges; ori iniicies, quæ subito restaurant.

Cordisyncopanti subuenies per calida , vel frigida ; passioni contrariantia, & cordialium rerum aquas, & res, vt suo in loco dictum est; vbi, quæ communia sunt aliis syncopis, peregeris.

Fœtus de-  
mortui susci-  
tatio.

Obstetrices etiam nouerunt fœtum mortuum allij odore viuificare ; & flatu gallinæ per anum immittentis rostrum , & ærem per os obturatis naribus, & auribus, vt non iis viis reuertatur, sed recta in cor sufflet , & ignem excitet , & spiritus recreet ex sanguine. Idem iuuat in cunctis deliquiis huiusmodi.

De læsionum potestatiui à subiectis , & primo organo , multiplicitate , & symptomatibus, & cura.

## CAPUT. LV.

De his, quæ accidunt , eorûmque causis , in lethargo, caro, catalepsi, comate, apoplexia, epilepsia.

## ARTICULUS. I.

**1** EX his quæ accidunt in potestatiui læsionibus, melius fortasse causas, quàm ex Medicorum decretis inueniemus.

Symptomata  
lethargi.

**2** In lethargo, qui obliuionis interpretatur captura, quædam dormiendi necessitas reperitur ; & stimulari clamoribus respondent modicè : aperiunt oculos, ac subito claudunt : oscitantur, hiant, & quasi os claudere simul obliti tenent apertum. Porrectam matulam, dum mingunt, obliuiscuntur : febri lenta laborant: pulsu tamen magno, raro, vndoso, spiratione languida, rara.

Accidentia  
in caro.

**3** Qui autem caro corripuiatur, nec respondent, nec aperiunt oculos, etsi sentiant. Sequitur caros febrim, & alias passiones : lethargus præcedit. Spirant tamen non perperam.

In catalepsi.

**4** At in catalepsi fit subito priuatio vocis, & sensus ita, vt nec audiant, nec respondeant : & spiratio quasi penitus tollitur. Remanet pulsus paruus, languidus, creberrimus, permanentque in ea corporis positura, in qua dum corripuiantur, erant, siue sedentes, siue iacentes ; siue clausis, siue apertis oculis. In

caro.



caro autem perpetuo clauduntur: Aluus, & vrina supprimuntur; facies aut liuet, aut rubet.

5 Coma videtur somnus profundus: nec enim aperire valent *In comate.* oculos, & excitati subito obdormiscunt, vt accidit in multis febricitantibus, demissa inferiori mandibula. Dant etiam Medici coma vigilans; in quo enormia loquuntur, incompoti iacent, claudunt oculos spe somni; haud tamen dormire valent: nec vigilare.

6 Apoplexia verò statim priuat omnes corporis partes motu, & *In apoplexia;* sensu. Pulsus deficiens. Spiratio consimilis, & intermittens. Accidit hic morbus senibus plerumque. Est malum incurabile, aut difficile. Præcedit dolor capitis multus, acutus, vertigo, splendores oculorum: iugularium elatio venarum; extremarum partium refrigeratio; difficilis motus, stridor dentium in somno: vrina æruginosa, pauca, nigra, cum farinaceo sedimento. Iacent correpti vti mortui.

7 At epilepsia puerorum est plerumque; soletque circa 25. annu- *In epilepsia.* num solui: si autem vltius perseuerat, vsque ad mortem comitatur. Cum inuaduntur, alienantur, non priuantur motu, & sensu; sed vitiantur prorsus: concidunt, conuelluntur, vociferantur: tremunt, circumaguntur: spumam emittunt ex ore; interdum sterco, & semen inuoluntariè. Præcedere solet capitis dolor, obliuio, tristitia spontanea: somnia turbulenta, pallor, &c.

*Medicorum sententia de causis prædictorum morborum.*

## ARTIC. II.

1 **H**Orum omnium causas Medici faciunt humores cerebri lædentes, quod principium est sensus, motusque. Sed pro diuersitate lædentiæ causæ varietatem discriminant: etenim in lethargo, aiunt, pituita frigida & humida imbuens cerebrum, *Causa lethargi secundum Medicos.* peccat. *Cari.*

2 In caro humor frigidus, crassus, viscosus: quod est idem.

3 In catalepsi sanguinis copia, ait Aëtius; vel frigidus, siccus: *Catalepsi.* que humor melancholicus; cerebri præsertim posteriora molestant.

4 In comate irrigatio cerebri, vt in ebriis; vel vapores calidi, & *Comati.* humidi, vt in febris; vel solum frigus, vel frigus cum humiditate.

In vigilantia comate pituita commista bili.



Apoplex.

5 In apoplexia pituitosus, frigidus, crassus, lentus humor cerebri ventriculos principalissimos vna vice cumulatim replens: qui à nimia cruditate, vel ebrietate solet oriri; vel ab ictu capitis; ad quam confluunt humores, vel aeris frigiditas humores adstringens, excrementaque.

Epileps.

6 In epilepsia pituita crassa, lenta: vel atrabilis spiritus meatus in cerebro obstruens; neruorum principio seipsum agitante, vt noxium excutiat. Aliquando per consensum oris ventriculi ab humoribus corrosiuis ob exquisitum sensum patientis; cū cerebrum ea, quæ submittit, excutere nititur. Proptereaque, ait Galenus, quidam Grammaticus dum vehementer docebat, irascebatur, cogitabat, ieiunabat, passione epileptica corripiebatur. Item ex aura frigida, quam aliquando crus, aut membrum aliquod, submittit ad cerebrum: patientes enim inde aliquid moueri, & cum in cerebrum irrepit, cadere se agnoscunt, eodem Galeno teste.

### Examen sententiae Medicorum.

#### ARTIC. III.

Prima ratio  
contra Medi-  
cos, ex eo quod  
eadem passio-  
nes accidunt  
in aliis mor-  
bis, non ab  
eisdem causis

**A**T quidem non videntur Medici eorum, quæ eueniunt hisce in morbis, reddere causas; sed quasi diuinare: etenim omnia tribuunt affecto capiti; cum tamen nil læso capite, eadem euenire in syncope, & vteri suffocatione, & coli, & ventriculi, aliisque ingentibus doloribus, experiamur; videlicet deliquia, sensus, & motus priuationes, & mortes subitas, & tremores, & torsiones, & occupationes animæ: ita vt vix foetoribus, aliisque

Secunda ratio  
quod etiam  
astaticis.

timoribus reuocari ad suæ sedis defensionem queat. In ecstasi quoque, siue amatoria, siue admiratiua, corpus riger in ea positura membrorum, qua fit raptus, permanens: nec frictionibus, & vocibus, & punctationibus reuocari potest: nec sentit, nisi finita ecstasi. Similiter qui in Lapponia, Noruegia, & Sueuia, putant suam à corpore animam exire, & ad mundi partes quascunque, vt nuncium eorum, quæ illi scire cupiunt, qui eis pro hac re pecunias soluunt, afferant, vagari, & redire: iacent exanimes, sicut apoplectici, & catalepsi affe-

3. Alienatis  
sponte.

Conclusio.  
Quarta, quo-  
niā ex datis  
causis Me-

cti. Igitur has passiones non solus humor facit, neque capitis, vt caput est, sunt, sed quatenus spiritus in eo afficitur. Præterea cur puerorum epilepsia, apoplexia verò senum magis sit:

non



non reddunt causam ex dictis, cum in pueris plus succi, & læsionis esse debeat. Et si succus hoc facit, vnde illa tenuis aura ex crure idem operatur? Et cur pœonia hoc morbo laborantes collo gestata, sic iuuat, vt nihil patiantur, teste Galeno, de puero quodam; eaque ablata iterum recidant? Et cur post annos 25. est insanabilis? Item quomodo idem morbus à calidis, & frigidis fit humoribus? Et cur in catalepsi humor calidus sanguis plus somni inducat; quàm pituitosus frigidus in lethargo? Et quomodo in comate solum frigus aliquando somnum facit, plusquam in cæteris ab humore, cum boreas vigilantes, auster dormientes reddat? Et cur minor passio ventriculi, & ira, & inedia faciebat in Grammatico epilepsiam, quam maiores passiones aliorum in ventriculo non faciunt? Et quomodo frigidus & siccus humor facit catalepsim, vti calidus, & humidus Aëtio? Et cur in aliis pulsus, in aliis respiratio, plus læditur eiusmodi passionibus? Hæc, & alia quæri possunt, vt in lib. 4. perscrutari poteris.

*Propria sententia de causis prædictorum morborum.*

ARTIC. IV.

**N**Os autem arbitramur, hos morbos omnes esse passiones quidem spiritus, sed in sua principali sede. Nam quando alibi fit, alibi sentitur dolor, & spiritus illorsum recursus, vt patet in colicis, & hysteris: esse tamen eiusdem penè modi, quamuis in capite plus compressionis; alibi plus dissectionis, prout de syncope loquentes diximus: causam tamen formalem generationis eorum esse magnam spiritus occupationem ad pellendum morbificam causam, suarum operationum impedientem, in qua dum occupatur necessariò omittat pulsationes, & spirationes, habet ex toto, vel ex parte ideoque in his esse alterationes magnas, motus vero arbitrarios, etiamsi prorsus deficiat, nihil mali offendit. At naturalibus illis intermissis, dum spiritus occupatur in morbo vincendo, minuitur compressio, & dolore, nec pulmo flatu excitat calorem in corde, vt ex sanguine spiritus resciantur. Propterea ergo sequitur mors necessario in omnibus passionibus his, si durabiles sūt, spiritu altero resoluta, & diminuta, alteroq; successore nō genito. Propterea Medici tot frictionibus, & odoribus, & fœtoribus reuocant animā, nesciētes

diarum non  
potest reddi  
ratio, cur  
pueris epilepsia, & senibus apoplexia propria sit.

5. Nec cur  
præcedit aura in crure.

6. Nec cur  
pœonia prædest.

7. Item cur  
idē morbus à calidis fit, & à frigidis causis.

8. Quia non  
datur ratio  
differētiarū  
lethargi & comatis.

Nec accidētium in epileps. cuiusmodi Gram.

10. Nec aliarum differētiarum.

Subiectum  
prædictorum  
morborū esse  
spiritum: sed  
caput, sicut  
consimilium  
locos alios.

Causa formalis, & finalis.

Cur defectus  
pulsationis  
& spirationis  
noxius  
magis,  
quàm arbitrariorum  
motuum.  
Disciplina  
Medicorum  
cæca in his  
morbis.



*Cur alii subito pereunt.* ad quid ista valent: quæ quidem fiunt, vt spiritus ad propria munia, vnde reficiatur, nec totaliter desinat, reuocetur. Qui autem subito pereunt, dira spirituum compressione nullo reficiendi dato tempore ab ingenti dolore, & causa eos suffocante, vel dis-  
*Causa materialis cum actione materiali con- causa, causa finalis ex parte.* iiciente pereunt, vt de syncope loquentes aduertebamus. Cau-  
*Quid sit alienatio in presatis ma- bis.* sa autem materialis, quæ & quasi actiua habetur: vt sunt fluo-  
 res vitiosi, & flatus: concausa autem angustia organorum & lo-  
 ci: item dolor implantati in eis spiritus: ad quorum iuuamen  
 spiritus liberior accurrit, vt diximus loquendo de pulsibus.

2 Alienatio autem fit, vbi à sentiendo, & pulsando, & respi-  
 rando, & monendo, seu gestando corpus, cessat spiritus: vel in se-  
 quens mentis ad alia raptus; vel suas ad necessitates distractus,  
 sicuti in somno, & doloribus magnis.

3 Quemadmodum enim ex capite fluores destillantes efficiunt  
 in membris subiectis anginam, arthritim, podagram, chiragram:  
 sic vapores ab inferioribus partibus vicissim submissi in caput; ef-  
 ficiunt epilepsiam, apoplexiam, &c. vnà tamen cum fluoribus  
 sunt enim flatus succulenti, & succi flatulenti.

*De epilepsia causis, & cura, iuxta proprium  
 dogma speciatim.*

A R T I C. V.

*Nomen.* 1 **E**pilepsia igitur, quæ sacer morbus, & comitialis dicitur  
*Essentia.* Equoniam in sacro capitis membro, mentis templo, & in sa-  
 cris personis sæpius fit, & in comitiis solet infestare: generatur à  
 succis flatuosis, vel flatibus succulentis, caput occupantibus non  
 ita, vt cellas obstruant prorsus, neque neruorum poros obstruant  
 prorsus; sed ex parte. Spiritus enim eos excutere volens, in caput  
 confluit, & conflictatur: proptereaque fiunt motus illi varij distor-  
*Probatur ab effectu.* ti, & tremores. Vidimus tandem mox saliuam multa, & fluoribus  
 non viscosis, sed lubricis ex ore eiectionis spiritus vi, tunc cessare  
 passionem. Spuma illa flatum indicabit. Fluor vel vaporem con-  
 uersum in fluorem in angustia capitis, vel mistum à principio  
*Ab exemplo.* fluorem: vtrumque enim fieri probavi in cane ad Agnanz an-  
 trum proiecto: qui statim epilepticos motu, & spuma imitabatur:  
 & tamen solus vapor foetidus in caput per nares ascendens, fuit  
 causa passionis.

*Cur infantium epilepsia maneat.* 2 Infantes propterea hoc morbo afficiuntur, quoniam succis  
 abundans



abundant flatuosis, & cerebri, & nervorum poros angustos habent ita vt faciliè vapore crasso impleantur. Cum autem transierint annos pubertatis, fiunt latiores pori: & per transpirationem humor dissolutus educitur, & in pilos conuersus, qui est crassior. At si hoc tempus non soluit morbum, perseverat vsque ad senium. Natura enim non potuit tantum aperire meatus nervorum, & transpiratorios, & flatus exsiccare, quantum requirebatur, ne opplerentur, & emitterent, & non fierent: propterea que videbis vt plurimum eos, qui tali afficiuntur morbo, pilos non emittere, nisi paucissimos, fulgines enim restant mistæ humoribus ad malum peragendum: & cum Luna aspectum Solis, & Saturni simul incurrit, magis affici, vndè & lunatici dici solent. Luna enim, & vapores, & humores runc commouet, vt probatum est in Astrologicis, & in libro quinto huius voluminis, tam intra hominem, quam in aëre, & aquis extra; cuius ope dæmon etiam vitur ad vexandum, vt patet experientia, & Theologia quoque admonet.

*Cur perseverat ad senium post an. 25.*

*Cur epileptici minus pilos.*

*Cur epileptici lunatici.*

3 Si autem in capite hi essent humores perennes, perennis esset passio; sed fit vt podagra ex destillatione, quoniam destillat ad pedes aliquid à capite. Sic epilepsia ex eleuatione ad caput flatulentorum succorum, vt plurimum tamen melancholicorum: quoniam hi aptiores ad terrefaciendum spiritum. Hinc est quod Grammaticus ille apud Galenum ex sola ira, & vehementia in docendo patiebatur: humores enim, eorumque faeces, agitata vehementi motu flatum efferebant, opplentem cerebri cavitates. In aliis hoc non fit, quia non tantus flatus, nec faciles meatus ad ascensum, neque sæx sanguinis fluctuans inest ad ipsorum generationem. Inedia quoque idem efficiebat. Cuius rationem Medici ignorant, nobis quidem peruiam. Etenim vacuo ventriculo eructat lien fixcem melancholicam, vnde flatus eleuabatur. Ergo non passio ventriculi hoc facit, sed passio spiritus in cerebro à flatibus, sicut in cæteris. Puer quoque ex crure auram ascendere in caput sentiens, nostram confirmat sententiam: etenim in vapores redacti humores eò confluentes ex agitatione, ascendebant, reperiussi; nec exitum ibi nacti: sicut in aliis ascendunt ex ventriculo, liene, aliisque visceribus, & ex fuliginoso sanguine in plexu retiformi, per pilorum nutritionem non satis expurgato.

*Cur flatus ex membris ascendens epilepsia affert passionem.*



*Cur pæonia  
inuenit.*

4 Pæonia quidem solaris herba spiritus solares reficit, roborat, & flatus fuliginosos, ne ascendant, reprimit primalitatum mirificentia. At nescio an in confirmatis morbis hoc idem possit ex toto sola gestatione: neque enim tantulus magnes multum ferrum mouet.

5 In coitu quid simile epilepsiæ quidam patiuntur. Spiritus enim dissiçitur pars in semine abiens; quæ autem in capite remanet, agitatione vapores commouente, quasi vincitur illorum compressione. Vnde in posteriori parte, ex qua fit defluxus per spinam, sentiunt dolorificam deficientiam.

### *Curatio.*

*Infant. epil.  
cura.*

*Amuletum.*

*Cibus.*

6 **P**Veros ergo expectabis donec pubescant: ætate enim soluitur in eis epilepsia. At ne consuetudo pariat perennitatem, nec pereant nimis conflictationibus, ipsorum collo pæoniam alligabis, & rebus solaribus assuefacies. Caput oleis calidis exsiccantibus sæpè vnges, scilicet irino, anethino, & pulueribus maioranæ, thuris, cyper. &c. Dabis ad lingendum dulcis amygdalæ succum cum saccharo, & mel. Nutrix verò cibus lac exsiccantibus utatur, nec flatuosis; abstineat à coitu, & tristitia, & crapula. Quidam occiput inurunt ignito ferro, ut nimia humiditas non occidat infantes.

*Adultorum.*

7 Adultos vero arcebis à leguminibus, alliis, porris, cæterisque flatuosis. Similiter à carnibus, præsertim senilis animalis, & atrabiliosi, & humidi. Auiculæ montanæ profunt, & olera caput confortantia: cappares, & buglossa, malua in modico iure. Sed exercitium, & frictiones, pectinatio, & rasura quotidiana, & alia laxantia. Inunctiones, & capitis insolationes exsiccantia. Venatus, lætitia valde profunt. Vinum tenue aqua dilutum, album, vel mulsæ: modicus coitus, modica balnea odorata, non tamen capitis. Cum passio inuadit nequaquam mouendos putarim, sed solis odoribus iuuandos. Mox distorra, & conuulsa membra reformabis: os aperies etiam clauis, & penna; aut digitum dilutum oleo irino iniicies, ut pituitam adhærescentem extrahas, vel per vomitum. Sunt qui in ipsa passione castoreum, aut laserpitij succum dent cum oxymelle. Clysteribus cum excitantur acerbis purgandi, & hiera picra, & aliis rebus pituitam, & atram bilem respicientibus, & flatum.



8 Inueteratæ epilepsiæ fortiora sunt adhibenda medicamina. *Veteris epilepsiæ cura.*  
 Galenus secat venam primò; rectè quidem si abundat humoribus, & viribus, & si à poplite; vt sanguinis fæces descendant: laudo tamen magis hæmorrhoidum apertionem etiam artificiosam, & mēstruorum.

Dant syropos Medici extenuatiuos: Tu adhibe etiam solutiuos flatuum; & misce cum aquis absinthij, hyssopi, stcechadis, betonicæ, maioranæ, &c. etiam sceniculi, apij, petrosel. cumin. pæon. aquis, vt peccantes minuant humores, faciantque aptos trahi à pharmaco, & non trahere, iuxta doctrinam lib. 5.

Phamacum sit colocynthidis infusio cum puluere aridi hellebori nigri. Sunt qui dant pilulas coccias, & de agar. &c. prout pituitam respiciunt. Tu flatum simul & pituitam mucosam, & fuligines considera: & quantum potes obstructionibus occurre, & dilatandis viis spirituum stude. Propterea balneum, & frictiones laudo, & aperitiuorum applicationes intus, & foris: cucurbitulas spinæ & hypochondriis non ineptè addunt Medici: & capiti cataplasma panis in mulsâ, cum calamentho, serpillio, vel mentha, &c. confortant enim cerebrum, & viam faciunt fuligini, & cineri. Addunt derafo capiti consimilia: & post aliquot dies purgant hiera; & sternutatoria sequuntur, & masticatoria. Iuuant per antipathiam radix pæoniæ, ceruinum cornu, viscum quercinum, os caluariæ humanæ: quæ præfatis medicamentis misceri possunt.

Emendare non cesses ventriculū, ne vapores mittat, cruditates non faciat: nec cibos flatuosos admittas. Similiter lienem expurgabis; & sanguinem purificabis, & membrum, unde aura solet exurgere, confortabis: vel cauterio munies. Purgatio singulis annis repetatur, ne morbus regrediatur, vel deterioretur.

### De apoplexiæ causis, & cura.

#### ARTIC. VI.

1 **A**poplexiæ autem causa est humor multus, non quidem sanguineus, sed excrementitius; qui neque per transpirationem exire, eo quod attenuari nequit; neque per aluum, & cauteria naturæ, cum multus sit & interiora teneat, expurgari potest. Quapropter cum redundat in infimo cerebri ventriculo, *Causa, & ratio sed 3, & ratio apopl.*



obstruit porum spinalis medullæ, per quem spiritus distribuitur: atque neruorum, quia capite procedunt. Itaque spiritus accurrens, laboransque pro suis vasis & vita, derelinquit nedum motus arbitrarios, sed etiam pulsationes, ac ipsam respirationem: & si plusculum immoratur, nec vincit, imminutus, & non refectus perit.

*Cur senum  
apoplex.*

2 Idcirco ergo senum est plerumque iste morbus, quorum spiritus pauci, & excrementitiæ sordes multæ, vt expurgari nequeant; flatus autem non multi: rimosi enim sunt, sicuti parietes antiqui, & facile emittunt quod tenue est, quod verò crassum, remanet. Ideo non epileptici ex vapore, sed apoplectici fiunt. Est etiam ebriosorum, comedonum, ocioforum, quorum cruditates multæ & excrementitij fluores validi: qui in neruorum principiis impacti, ægrè discutiuntur. Sobrios autem, & ad motum impigros, laboris amantes, nunquam videbis apoplexia vexari, nisi fortè ob casum, ictumque capitis: quorsum humores accurrunt, & spiritu laborante contra morbum augentur. Et horum apoplexia sanitati restitutorum curatur facile, non autem ocioforum, & senum. Fit etiam pororum angustia; difficile curabilis.

*Symptomata  
& accidentia.*

3. Præcedit autem dolor capitis ex compressione cumulatorum humorum, tenebræ & splendores in oculis ex spiritus agitati scintillatione, & fuliginum volatu. Verrigo, quoniam & flatus intermiscetur, quo ferente in caput ascendunt; venæ inflantur iugulares, & à copia humorum eleuantur. Extrema frigent, spiritu ad auxilium se conferente introrsum strident dentes ex conflictus præparatione. Urina æruginea, pauca, nigraque, ex crassitie humorum, & ex assatione, vel fæce sanguinis: modica tamen, sicut omnes res crassæ, quando præsertim spiritus inualidus fit ad ipsorum eductionem.

*Quantitas  
causa lationis  
& loci  
agnitio.*

4 Pro spirationis læsione maiori, vel minori considerabis potentiam morbi, id est, humorum crassitiem, & locum læsionis, qui est principium neruorum omnium, quibus spiritus mouet viscera; sed necessitas derelinquendæ suæ refectionis elucet in hoc verius. Intermissio enim, & difficilis tractio, illa mortem expectat: ista cum morte conflictatur. Si hæc iuueni, & in æstate aderunt, cum sit morbus senum, & hyemis, inexpugnabilem copiam causæ morbificæ indi-

*In iuvene  
& seno.*

cat,



cat, & mortem cum hyemauerit: vel si sanantur, paralytici sunt.

5 Horum cura venæ sectionem renuit, ne calido sanguine *Cura intus.* abeunte frigidi humores remaneant: sed comedonibus, & plethoricis senio affectis clysteres acres profunt, de betonic. ruta, salvia, hyssopo, calamentho, polypodio, agar. colocynth. diaphoen. benedict. laxat. hiera, &c. cum sale, & oleis calidis secundum artem. Item suppositoria ex helleboro nigro, agar. colo- *Extra.* cynth. in puluerem actis, & melle exceptis. Fiant vnctiones, frictions, cucurbitulæ, odoramenta, sternutamenta, sinapismi, emplastra in capite; vomitiones penna in os immissa, & cætera, sicut in veteri epilepsia. Addunt capiti sartagine percalidam. Victus sit mel, butyrum, & res eadem cum epilepticis. Potus mulsa, & aqua coriandr. & cynamom. Herbæ attenuantes, & calefacientes spiritum multum, & modicam crassitiem minimaque excrementa generantes, sunt cibus huiusmodi ægrotorum.

Cum autem in paralytim transferint, magno naturæ fauore subsequuntur ea pharmaca, quæ paralyticis conueniunt, vt in seq. cap. docebimus.

*De catalepsis causis, & cura.*

A R T. VII.

1 **C**atalepsis proxima est apoplexiæ, quoniam respirationem *Accidentia catalepsis.* tollit, solo modico pulsu remanente. Et quoniam quemadmodum in ecstasim raptis, neque musæ, neque minaces digiti oculos, aut palpebras aliquid mouent: sed sicuti incepit raptus, aperti, & quasi congelati manent absque spiritu, quippe qui totus ad mentis visiones raptus est: ita etiam accidit catalepsi detentis. Vnde Medici hunc morbum congelationem vocant: propterea arbitror ingenti passione detineri, qui hoc morbo corripuntur: ita vt totus spiritus in illius locum feratur, & oculi remaneant, sicuti in mortuis, & ecstatis, absque spiritu vllò, sicuti in vtraque passione experti sumus. Eadem ergo ratione, & totum corpus riget, & pulsus modicus remanet ad reficiendum. Periculosa ergo, ferèque lethifera passio, quæ tantoperè cogit spiritum deferere vasa functionesque vitales.

2 Causam passionis Galenus facit humorem frigidum, & sic- *Causa ex Galeno.* cum.



Correctio.

cum. Ego autem puto, quidquid magnam passionem afferre potest, nedum obstructionem capitis, & spinæ, ac suffocationem potest afferre: quod Aërius probavit in sanguineo iuvene dies tres detento passione isthac, donec plurimo sanguine de naribus erumpente liberatus est prorsus, Sanguinis ergo copia, & humor in retiformi, & capitibus venarum abundans, cerebrum infestabat, & spiritum ad eam vocabat passionem. Quare non est iste morbus proprii humoris, sed passionis grandis à quocunque fiat humore: atram bilem tamen lurimum posse in ea puto, quoniam terrefacit spiritum, & passione imaginosa insuper detinet, nedum corporaliter noxia.

Cura.

3 Igitur ex corporis habitu, & ætate, & tempore, & victu, & præcedentibus agnosce causam passionis, & qualia requirit medicamina, talia adhibebis.

De caro, eiusque cura speciatim.

## ARTIC. VIII.

Causa ex Medicis.

1 **P**ost catalepsi minor ordine noxa est caros, in quo cæteris cessantibus functionibus, respiratio tamen integra manet. Et quoniã non est morbus à se incipiẽs, sed sequitur post epilepsiam, & post febres diras, & caluariæ, & membranæ ventriculos

Correctio

cerebri ambientis compressionem, & læsionem: propterea nequaquam, ut Medicis placet, eius perpetuò causa sit humor viscidus, frigidusque. Decipiuntur enim ex hoc, quod putant omnem ad somnum propensionem fieri à frigore, & pituita, cum sæpè contrarium ostenderimus: neque somnus sit in caro, ut ipsi putant, sed occupatio spiritus contra lædentes causas intrinsecus. Et quoniam respiratio remanet, neque morbus de se incipit, puto passionem esse modicam, sed spiritum esse diminutum ex præcedentibus causis, sicuti reliquiæ exercitus invalidæ sunt etiam contra reliquias belli. Non ergo somnifera causa facit carum, sed passio occupans spiritum in sui expurgatione; propterea discernenda est causa passionis: nam in comitiali, flatulenti succi sunt reliquiæ: in febribus causæ putrentes ipsarum: in ictibus affectio membranæ, vel ossis. Et talia exhibebis remedia, qualia iubent causæ, & non sicut Medicis placet, qualia lethargus requirit: nisi ex causa lethargica relinquatur incrassata pituita frigida. At cum in lethargo plus lædatur respiratio, quam in caro: & in caro plus sensus, & morus, quam in lethargo, & hic per se incipiat, carus autem sit reliquia alterius mali: palam fit, quod dimi-

Cura.



nutio spiritus plus loci habet, quam causa passionis, in caro: in lethargo è contra, vt dictum est.

*De lethargo, eiusque cura speciatim.*

A R T I C. IX.

**F**It ergo lethargus ex causa pituitosa cerebrum tenente, & *Causa lethargi.*  
 implantatos spiritus afficiente, ad quorum auxilium vnitur spiritus liber, & ad poros aperiendos, & pituitam attenuandam. Vnde respiratio minuitur, cum liber non satis eleuet folles. Somnus grauat, quoniam spiritus detinetur contra causam morbificam, *Ratio accedentium in lethargo.*  
 & stupefcit implantatus, sicuti in manu compressa, & humoribus irrigata crassiusculis: vidimus enim iuuenem ægrotantem adeo vigiliis afflictum, quamuis in cæteris benè valeret, vt se vel ex hoc putaret mori: cumque caput multa aqua partim tepida ei lauissent per horæ quadrantem, ita somno captum esse, vt vigilare non posset, & cum cibaretur, etiam in somnum propendebat. Ex quo apparet, humiditatem poros occupantem implantati spiritus, causam esse somniferam valde. Vbi autem putrescit, simul febrem accerfere. Spiritus enim contra eam insurgit: maxime autem si cum sanguine prodit. Obliuio autem sequitur necessario, sicuti in dormientibus; dum enim passione grandi detinetur, non nisi illam nouit, attenditque, sicuti dictum est prius. Idcirco & post lethargum solet memoriæ defectus sequi. quod quomodo fiat & curetur, in superiori capitulo declaratum est. Porrectæ matulæ non meminere, quoniam dum spiritus huic negotio operam dat, reuocatur à passione in aliud, huiusque proinde obliuiscitur. Subiugalis vrinæ crassitiem, & turbationem humor indicat. Pulsus rari, atque vndosi causa est humiditas, & occupatio laboriosa, vt dictum est in tractatu de pulsibus.

**2** Propterea ergo conueniunt lethargo cibi attenuantes, incidunt, multi spiritus, & exilis crassitie, & leuis: quales volucrum carnes velocissimarum, pectora, & alæ gallinarum: asparagus, fœniculum, oreoselinum, cichorea; quibus adde origanum, macim, cuminum, apium, pulegium, cynamomum, caryophyll. & huiusmodi. Potus sit mulsa, vel album austerum, aquosum vinum, vel aqua aceto emendata, vel floribus roris marini. Paretur aula calida, sicca, lucida, odores, thuris, & sulphuris. Venam non secabis, ne calore exeunte remaneat pituita: sed circa pedes tentabis, vt crassi humores discedant, si vires, & cætera permiserint. Propterca etiam clysteres acres subministrabis sæpè descriptos.

3. Postea



*Quid factores profint.*

3 Postea frictiones cum sale, & aceto, vt attenuentur humores. Item ligaturas, vt spiritus exciterur: propterâque pilos euellere, & bitumen, sulphur, galbanum, fumum extinctæ lucernæ, sagapenum, abrotanum, fumum cornu, & huiusmodi adhibent naribus Medici a i excitandum spiritum à somno. Ego tamen non à somno excitandum puto, sed reuocandum ad sua munia, videlicet ad respirationem, & pulsum perficiendum, ne totus absque successore moriatur. Cæterum hos factores valde nocere puto ad reliquias spiritus extinguendas. Melius erit in aceto organum, pulegium, thus, cynamomum, coriandr. & huiusmodi incoquere, & naribus admouere, & caput rasum inspergere, vt penetrant, exsiccent, excitent, & augeant spiritum. Sternutatoria etiam fortiora addes; & ori per vim iniice theriacam, mithridatiumque in aceto. Confert maximè castoreum cum oxymelle potum. Cucurbitulæ, frictiones, scarificationes, & vntiones acutorum oleorum, & aqua vitæ: quæ etiam confert in passione positis per infundibulum ori iniecta, & capiti.

4 His in morbis plurimum possunt *quintæ essentia* vocatæ rerum calidarum, in quibus nulla crassities, & spiritus multus. Nec dubitarem potum aquæ corrigere aqua vitæ, & arantiorum. Cochlear quintæ essentia cynamomi optimum. Ego enim doctissimum M. Matthiam Aquarium lethargo detentum, & comate, modica hac destillatione vigiliæ, sensui, & sermoni, restitui. Olea M. Ducis Etruriæ, sunt quædam efficacissima, vt fiat fœdus cum morbo in ipsa passione. Sed postea omnino victus, balnea, exercitia, gestatio, equestratio, purgationes, & attenuations alie sanant ægros, & præseruant sanos, ne in huiusmodi cadant morbos soporiferos ex fluoribus frigidis: non autem à caro; quoniam passionis præcedentis est genitura. Valent tamen vesicantia multa, quasi cauteria totius corporis expurgatiua, vt in me experientia docuit.

*Omiserat vesicantia, quæ sanitatem reddiderat. Auctori hoc morbo lethargico affecto nuntio Rem.*

1619.

*Decomate speciatim: eiusque cura.*

#### ARTIC. X.

1 **C**oma verò à lethargo nihil differt, nisi quia non à principio semper de se est. Et si pulsus vndosus est, eandem causam indicabit.

*Causa.*

2 Solo autem frigore fieri haud credas, nisi vapores, aut fluores crassi in cerebro adsint, quos frigus constipat, duriusculos reddit.



reddit; vel introagat alias per repercussionem, vt in catarrho; vnde sequatur aliqua passio, ad quam amoliendam spiritus accurrat, & occupetur.

3 Fieri autem puto à causis lethargi, & ab omnibus crassis vaporibus, & humoribus irrigantibus cerebrum; nisi valdè calidi, acrésque sint, qui phrenitim ciunt. Ebrij autem, & febricitantes ob pituitosos humores, & seniores præcipuè, & fatigati, cum biberint, & flante Austro, comatosi sunt: sed non erit morbus, nisi & læsio adsit, vt spiritus nedum circa vapores, sed circa malum illatum occupetur.

4 Cura ergo eius sit, sicuti & lethargi. At si à febre, vel vino, *CHRA.* vel aliis causis, quales requirunt tales causæ.

5 Coma vigilans ad phrenitim pertinet: fit enim à bilioso humore: nec somnus ob mistam sit pituitam, sed ex debilitate spiritus volentis quiescere, nec potentis; & ob occupationem. At si quando mista causa adsit, quod euenire solet, medicinas miscbis phreniticorum, & lethargicorum pro rata. *De comate vigili.*

### *De somno quadrimestri, &c.*

#### *Appendix.*

**A** Frigore nimio sub boreali ferme polo correpta animalia glanciantur in mense Nouembris, & sub Martij finem reuiuiscunt. Quod & hominibus in antris sopitis per tot menses, non quidem ex crassitie vaporum, vt gliribus, & tassis dicitur accidere: neque comate miro; sed quoniam omnes partes corporis rigent frigore, gelantur humores, & spiritus intra cerebrum, & nervos, vel nimio frigore, & strictione tenetur, vel in tenuissimum liquorem transit, qui superueniente veris calore iterum attenuatur in spiritum, corpus viuificantem motu, sensuque. Humores liquefcunt, partes corporis soluuntur; quod in calida regione fieri est impossibile: calor enim educit spiritum, & qui remanet putrefacit corpus. Consimile accidit apibus apud nos, pulicibusque necatis aqua, ita vt nullum organum destruat; ad Solem enim reuiuiscunt, vt in Physic. docuimus. Ex his Medicus plurimas medicamentorum, & passionum intelligat rationes.



*De morbis organicis à destillatione potestatem operatiuam  
lædentibus, aut impediētib.*

## CAPVT V.

**D**E potestatiui morbis continuantes sermonem, etsi qui organa potestatiui vitalis infestant singillatim dicere oporteret: deinde qui organa appetitus lædunt: postremo verò qui operatiua, disponebamus. Attamen causa analoga istorum postremorum cum morbis in primo organo, & sede spiritus, nos ad sermonem de his trahit.

*De catarrho, podagra, gonagra, ischiade, arthritide, chiragra,  
paralyfi, & conuulsionibus eorūque causis  
generatim.*

## ARTIC. I.

*Ex ascensu,  
& descensu  
qui morbi.*

**Q**Uemadmodum ergo somniferi morbi, & qui eclipsant quasi vitam, fiunt è flatulentis succis à superioribus ad inferiora delatis. Sic podagra, chiragra, gonagra, sciatica, conuulsio, paralyfis, fiunt ex humoribus, in quos vapores in capite con crescunt, ad inferiora descendantibus, & operationem eclipsantibus. Horum primus est catarrhus, cuius descensio ad guttur. Quæ enim fit ad pulmones, mistam, & alteram habet considerationem, sicut & angina, cuius potior causa est inflammatio, quam destillatio.

*Differentia  
prædictorum  
morborum ex  
descensu.*

**M**edici loquuntur de his morbis tanquam genere diuersis, cum tamen eadem res sit in causa, differens loco & magnitudine. Etenim humoris fluxio, si in articulis pedum constiterit, impedit viam mouenti spiritui, & nervos comprimit; ac proinde spiritum in ambulātem, & implantatum: dolorēque sic adducit. Idem facit in manibus, vertebis, coxendice, cæterisque articulis. Et cum etiam nervos replet, tollitque mouenti, & sensificanti spiritui transitum, facit paralyfim: interdum in media corporis parte dextra, vel sinistra; alias in vno membro, & in lingua, ore, crure, vesica: & cum musculos replet, & nervos, ad eam partem, & affectum torquens, & relinquens, in quem spiritus non impeditur agebat, dicitur spasmus. Quo alij recto inflexibiliter collo tenentur: alij ad anteriora: alij ad posteriora caput



caput inclinatum habent, & eo in situ remanent affecti spasmo, & correspondent catalepsi in capite. Eadem enim passio est, loco differens. Sed in spasmo cerebrum non læsum, neque spiritu occupato, sunt vigiles. Dolent autem in loco passionis.

3 Omnes hi morbi recipiunt, cum destillatio creuerit, non secus ac epilepsia; renouanturque ascensu succulenti flatus, nisi origo causarum tollatur, vel via ad patiens membrum. Hæc autem ita se habere ipsa fluxio declarat: quæ sentitur deorsum ubi vigilat, descendere: maximè autem tempore catarrhi, quando etiam non patientes articulorum dolores, sentiunt in musculis humerorum, & brachiorum tensiones, & dolores obtusos ab inambulantibus fluoribus, si contingat eos per subcutanea, & non in fauce tantum, illabi.

4 Cum intra nervos succus abierit omnes, priuat sensu, & motu. Et si enim sentiat membrum illud resolutum, conuulsūque, uti declarat nutritio: haud tamen communicat sui passionem spiritui vniuersitati: propterea videtur insensibilis, sicut ecstasticis accidit: & dum pili refecantur, sicuti in Phys. docuimus. Cum vero intra nervos, & cutim, vel carnes sit transitus, tollitur mouendi commoditas, sensus nequaquam: quoniam adest patiens spiritus dolores ingentes, sed temporis successu cum abierit, & articuli replentur tostis fluoribus, in gypsum versis, & tophum; tunc manent rigidæ manus absque sensu, & motu, ut sæpè probauimus.

5 Quomodo autem spiritus intra nervos inambulet, diximus in Phys. & nuper de pulsibus loquendo: componuntur enim nervi ex filis multis, intra quæ spiritus incedit: ut porus spinalis medullæ, quæ nervus est mollior; & optici nervi, manifestè indicant. Præterea nervi rotundi semicocti in aqua, statim capita in quædam fila discernuntur: quæ & perforata videntur palam, licet excutiant Medici in hoc, & inter eos Vesalius. Haud tamen credam fluores intra spiritus vias ferri, sed intra filorum continguitates, & compagine, & ex hoc conuelli nervum, & spiritus compressos resolut, aut in suum principium redire coactos: haud tamè negem poros etiam intrare latiusculos. Manifestè enim intra spinæ medullam, & principia nervorum eius, in apoplexia intrant; & in opticorum poros. Vnde posset quis tueri, tunc modo sensum penitus perdit, sed sufficit si spiritus non adsit: licet Galeus multa contra philosophiam hic loquatur.



De catarrho, eiusque veris causis, disputatio  
speciatim, & curatio.

## ARTIC. II.

*Catarrhi  
causa & ac-  
cidentia, itē  
raucedinis.*

1 **C**atarrhus ergo destillatio est fluoris in fauces. At cum in-  
cnares procumbit, obstruens facit grauedinem; cum in ar-  
teriam vocalem, raucedinem, vocis viam impediendo. Tolli-  
tur appetitus, quoniam in ventriculi os vsque porrigitur aliquan-  
do. Accidit & febris, pugnante spiritu ad fluoris vias expedien-  
das. Aliquando & suffocatio; cum multi, viscosique fluores ob-  
struunt vias, & arterias vocis, & comprimunt nervos, replentque  
ad cor descendentes. Et hi vocantur catarrhi suffocatiui.

Aliquando transacto catarrho, remanet perpetua raucedo,  
qualem multi Medici in Abbatissa Stylenſi per plures poſtea an-  
nos tollere non potuerunt.

*Causa ca-  
tarrhi ſecun-  
dum Medi-  
cos.*

2 Medici cauſam deſtillationis dicunt inſtigationem tempe-  
rici cerebri. Hæc ſola non valet, niſi ad ſtupefaciendum. Addunt  
aliq, quod frigus ſtringit humores capitis, exprimitque deorſum:  
ſicut manus ſpongiam premens madentem. In hoc etiam errant.  
Frigus enim humores glaciatur, induraturque, redditque fluxui, &  
motioni ineptos per ſuam compreſſionem: non autem foras pro-  
mit, ſicut cuilibet eſt notum. Non enim eius eſt vlllo pacto diſ-  
gregare, & ſeparare: ſed omnia congregare gelaréque. Deinde  
dicunt oppoſitam rationem: quod calor diſſoluens humores ce-  
rebri deſtillationem creat: ſed profeſſo ex hoc ſequitur, quod  
frigus cogens humores, deſtillationem impedit. Nec iſta eſt ra-  
tio catarrhi à calore: calor enim humores attenuat, & partem at-  
tenuatam educit, remanentem increaſſat, redditque inhabilem  
fluxioni. Deinde adducunt pro cauſa repletionem capitis factam  
à vino, & ciborum cruditatibus, & vaporibus. Hæc quidem vera  
eſt cauſa, ſed modus cauſandi eſt illis ignotus. Multi enim ine-  
briantur, & cruditates generant, & catarrho non afficiuntur, ſed  
aliis morbis, & ſolo capitis interdum dolore, & ſomnolentia.

*Cauſa ratio-  
que vera  
catarr. per-  
penditur.*

3 Quoniam igitur videmus homines per loca frigida ambu-  
lantes, & milites hybernis noctibus ſuper muros excubantes, ca-  
tarrho non affici, niſi certis vicibus; quas cum explorare inueni,  
vbi calefacti nudant corpus, aut caput ad frigidum aërē. Propterea  
manifeſtū eſt catarrhū fieri ex illis vaporibus, & humoribus, qui  
ad cutim feruntur expurgandi; aſt à frigore poros apertos intrare  
prohi



prohibiti, & percussi, ad centrum cerebri, & totius corporis reuertuntur, ibique in fluores reducti stillant inferius. Hæc passio in capite est catarrhus; in cæteris membris efficit fluxiones alui: qui enim nudatis pedibus in frigida aula paulisper incedunt, siue morantur: alui incurrunt percussione hac fluxum, & diarrhoeam: in toto autem corpore obtusitates, & dolores grauantes sentiunt: quod in aëris malignis constitutionibus pestilens est. In flatulentis catarrhus, & febriculæ; & nouus morbus, vulgo *il Castrone*. Confert tamen ad catarrhi magnitudinem, si alij vapores, & fluores sunt in cerebro: atque vna deorsum propendent.

4 Catarrhus autem à calore fit non qualicumque: etenim mes-  
lores, & rustici tota die Sole torrefacti catarrhos nullos patiun-  
tur: sed vocis claritatem, & capitis exonerationem. Sed à blando  
calore excitatur catarrhus, non quia dissoluit cerebri humores,  
sed quia generat in corpore vapores, nec eos potest dissoluere:  
calefacit caput molliendo, non vsque etiam exsiccando. Igitur  
vapores caput replentes, à quo calefacto etiam, sicuti à cucurbi-  
tula trahuntur, & non educuntur, sed spissantur compressione, &  
loci angustia, & in fluores vertuntur: qui proinde destillant in  
fauces: & hoc neque multi vapores faciunt, vt patet in ebriis, nisi  
& frigus percussus accesserit. Et talis fluor calidus, & ardens  
esse solet, & virides, & flauos mucus facere pro natura & assa-  
tione humoris. Idcirco vulgo dicimus Solem veris mouere, &  
non resolueret; Lunæ lucem esse catarrhalem, non autem igne,  
aut æstiuum Solem, qui catarrho contrariantur. Ebrii ergo, & pa-  
tientes cruditates, & comedones: & qui allia, porros, capās cru-  
das manducant; vapores, & succos ingenerant, qui in capitis an-  
gustis vertuntur in aquas, & quocunque minimo frigore catar-  
rho corripiuntur: absque quo somno, & grauedine, & dolore tan-  
tum affici solent. Hi etiam nutriunt podagram, & chnagram ex  
destillatione: & tamen catarrho vacant. Ergo catarrhus non est  
sola destillatio, sed ad fauces, & per percussione additam à  
frigore, vt dictum est.

*Catarrhus  
fieri post in-  
calefactionem,  
à frigore.*

*Curatio.*

¶ Igitur catarrhos ex repletionem vini, & ciborum factos cum re-  
percussione, sanabis inedia, & vini priuatione per aliquot  
dies, saltem duos. Nihil prodest venam secare, sed obest, nisi ple-

*Cura exte-  
rior.*



thora adsit humorum multorum cum sanguine in catarrho, præsertim suffocatiuo. Potus esto deinde aqua, in qua mel, & semina coriandr. parum ebullierint. Caue à niue, & frigidis Cibibus erit ius calidum cum oleribus tenuis substantiæ, & odoribus paucis, sed acutis. Fuge panem, & carnes, præter auiculas, aut modicum vitulinæ post duos dies, & micas. Si vinum addideris propter stomachum, dilues feruenti aqua, more maiorum, & Persium nostrum instaurato. Nihil enim magis obest in hoc morbo, quam frigus, & cibi corpulenti, & vaporosi, acrésque, quales porri, allia, vinum, cardui, quæ tamen cocta profunt: & nihil, neque pyrum, aut pomum manducabis, nisi coctum. Adde saccharum. Manè parum edes, sed in nocte vel nihil, vel confectas saccharo amygdalas, seu cucurbitas, vel oua duo recentissima sorbebis. Hæc enim pectus aperiunt, & fauces: nec caput vapore infestant. Aula erit calida siccâque.

*Cura intus  
& extra.*

2 Pharmaca clysteres ad diuertendum. Thuris, & sulphuris suffitus: caput linteis mundis thure suffumigatis operies. Quidam braccellis propriis calidis clunium calore, caput operientes noctu, surgunt sani de lecto mane. Medici aqua calida caput lauant, absterguntque non inutiliter: sic enim frigus excutitur, & vapores extrahuntur. Sed caue ne humiditas relinquatur in capite, aut aërem vel modicè frigi diusculum aspiciat. Frigus enim facilius regreditur introrsum per apertos poros. Vnges caput oleo rutaceo, aut irino, aut &c. calidis, ubi frigus multum conceperit. Si autem modicum, sufficiunt iam dicta absque lauacro, & vnctione. Frictiones totius corporis valdè vtilis sunt; & cucurbitulæ absque scarificatione, nisi fuerit suffocans, & anginosus catarrhus. Item embrocationes & emplastra, quæ diximus de dolore capitis agentes, in deteriori catarrho adhiberi possunt.

3 Considerabis etiam an destillatio sit insipida, pituitosa, vel atrabiliosa, flaua, viridis: similiter & mucores. Et clysteres subministrabis, & cibos contrarios. Gargarismi, & sternutatoria valdè profunt. Item sacculi de origano, pulegio, roremarino, lauro, betonica, nuce moschat. caryophyl. cynamom. secundum artem. Item quæ destillationem prohibent, vt tabacci puluis, & cuminum deustum, nigella torrefacta, pulegij sicci flores panniculo alligati ad odorandum. Item suffitus prædictarum rerum, quas sacculis dicauius. Adde aloën, santala, ambar. eosque

*pastillos,*



pastillos, quos Lusitani afferunt, carbonibus impone. Hæc omnia in suffocatio auge, præsertim frictions, & scarificationes, masticatoria, sternutatoria, & clysteres, vt fiat diuersio: & si tempus datur; adde cauterium occipiti.

4 In cauterio antiqua purgatio per pilulas de agar. & aloë, &c. *Cura faucis.* præcedant. Aperiantur aures, & nares prouocatoriis, vt destillatio discat reuertere ad fontes natiuos. Qui enim sic afficiuntur, & naribus nil purgant. Butyro & oleis fauces intus, extraque laxabis: cibus attenuantibus, melle, & cauteriis adnitere, &c.

*De paralyfi, & eius cura, speciatim.*

ARTIC. III.

1 Contestantur Medici, quòd fluores nervos alterutrius lateris, vel cuiuscunque particulæ, obstruentes, crassi videlicet lentique, sic, vt facultas animalis mouens, sensificansque transire non queat, causa resolutionis sunt. Sed quid resolvitur, cum potius religentur membra, non dicunt; nec quomodo obstrui queant si poris carent. Puto autem spiritus exhalantis, vel refugientis, vel membrorum à suo recto situ excompaginationem, dici resolutionem. Hæc quidem in cerebro obstructionem incipere toto: alioquin esset apoplexia; sed in spinalis medullæ, vnde originem laterales nerui habent, hinc vel inde influxum obstruere: aut aliquot parium se, tem neruorum à cerebro incipientium, vt patet cum os, aut lingua resolvitur.

*Causa paralysex Medic.*

*Cur dicitur resolutio.*

2 Victus ergo primo corrigatur, ne fluores faciat, sed tollat. Deinde ventriculus, ne submittat fumos; deinde caput, ne demittat: deinde locum patientem, vt quos habet emittat, libere-  
turque.

*Cura in vitu.*

3 Vinum primò prorsus non bibat, sed melicratum: cui salvia, & cynamom & rosinarinus incocta sint, & coriandr. semina. Faciunt alijs potum cum zinzibere, pipere longo, galanga, cardam. nucce mosc. caryophyl. decoctis in aqua mulsa, &c. Mensuram ponas pro effectus requisitione.

*In potu.*

4 Cibo primis diebus, vel tribus abstinebis, melicrato contentus, aut prisanæ succo, & odoribus pullorum, non carnibus: inedia enim & febris paralyfim, & spasimum facile tollunt, humores exsiccano, & novos non adiiciendo. Postea vtetur cibus multi spiritus, & modicæ crassitudinis, vt ouis sorbilibus, pineis, amygdalis, auiculis,

*In utrisque.*



auiculis, &c. vt in catarrho. Somnus modicus & nocturnus, semper tamen sit in cubiculo dies per faces accensas : vmbra enim noctis auget fluores. Sero paucum, mane aliquantulum esto nutrimentum. Fuge panem & consimiles ei cibos, vtere herba, sinapi, brassica, &c. incisiuus, subtiliatiuis. Moriuntur Romani hoc morbo & consimilibus, quoniam omnia pulmenta de pane, seu pasta, conficiunt.

*Quid missio sanguinis.*

5 Sanguinis missio mihi suspecta est in his morbis, ex quo manum, & pedem sciatica laboranti mihi conuulsit. Indigemus sanguine ob calorem, & humorum crassorum educationem. Validi sint clysteres, vt ventriculi, & intestinorum sordes, mittentes vaporem sursum, extirpentur: ac fluxus inuiter alios ad centrum humores. Adhibe vomitum prouocantia, &c. quæ ventriculum emundant. Clysteres fiant ex malua, althæa, calam. mercur. salua, betonica, cynamo. stœchad. ruta, scenic. bened. lax. mel. ros. oleis calidis, laurino, irino, rutaceo, &c. fale gem.

*Syrupi & pharm.*

6 Syrupi fiant deinde puitam respicientes, & crassos humores, vt sæpe diximus. Medicina purgans sit ex agar. & pilul. fecridis, Arab. assaieret. & ex his, quæ respiciunt caput : nam repetere sæpius oportebit. Dabis exinde theriacam, & mithridatium. Ad des suis vicibus sternutatoria, masticatoria, &c. Sic enim corriges caput. Idem odoramentis confortatiuis, & linimentis ex castoreo, menta, irino, & laurino oleo : quibus semper modicum aceti ad penetrandum, & incidendum, addes. Rades etiam caput, & inuoges.

*Particularis pharmacia.*

*Exteriora pharmaca.*

7 Mox radices neruorum affecti lateris curabis oleis calidis, vt anethin. chamomill. laurin. liliac. de spica, &c. Item balneo, in quo decocta sint rosmar. salua, hypericon, maiorana, &c. laubis, & perfricabis latus, & neruorum initia : & pelle vulpina, vel agnina operies. Sacculos exsiccatiuos addes de rosis siccis, thure, milio, maior. castoreo, & similibus. Ad dunt vnguenta Aregon. Martiat. Agrip. cum oleis costino, vulpino, de castoreo, de vermicibus, de pulueribus piper. betonic salis, euphorb. & cera : ex quibus secundum artem in vnum reductis vngitur locus affectus. Possunt eiusmodi multa addi, & componi, prout res postulat, & morbi magnitudo, &c. Item cerorum de stœchad. beton. sab. nigel. euphorb. castor. verbasco, sinap. pipere, terebinth. & oleis præfatis, & cera. Item cucurbitulas absque scarificatione, vt trahant sanguinem, & calorem ad locum patientem. Frictiones quoque,

& agi



& agitationes, vel modicas. At sulphureæ aquæ & aluminosæ, quales Puteolanæ, maximè profunt: consimilisque aër Item sudatoria Tritolis vocata, & arena calida operire membra vsque ad sudorem: sed medicata, qualis in insula Pitachusa, & vinaceis recentibus, sæpè repetitis. Eadem remedia applicabis resolutionibus localibus vesicæ, cruris, linguæ, oris, præcedente purgatione, & rectificatione ventriculi, & capitis; & victus, & potus.

*De conuulsione speciatim.*

ARTIC. IV.

1 **C**onuulsiones quoque easdem habere causas arbitramur; musculorum scilicet, & neruorum obstructionem, & spiritus abscessum. Siuè sit rigor ceruicis, siuè inclinatio ad anteriora, vel ad posteriora: nam etiam quæ per consensum fit, vt aiunt, & agnatione ad conuulsum membrum, siuè ictu venenati animalis afflicto, abscedente spiritu fit: & dolorifica causa intrante per communicationem vaporosam, & inflammationem. Videmus etiam eos, qui à iudicibus torquentur brachiis suspensos fune, nullis confluentibus ad manus humoribus, sed potius recedentibus, inflari manus, & conuelli, ita vt spiritus in eis esse non videatur. Perseuerant alij per annum, alij semper cum rigore manus, & stupore ita, vt eis vti nō valeant. Ergo sanguinis in venis & extra venas, aliorumque humorum à calore attenuatorum, instantur flatibus: spiritus vero compressis, & quasi exsiccatis neruis, recedit: vel si adest, eos mouere non potest, à sua symmetria per contractionem alienatos. Quos etiam frigus corripit, rigidi moriuntur. Item & quos fulmen tenuissimum absorbens, depascensque humores, & spiritus.

2 Haud tamen propterea asseremus, omnes spasmos fieri reple-

*An de  
spasmo sic-  
co.*

tionem, vel inanitionem, vt Medicis videtur, exemplo fidium neruorum: quæ vel arefaciente calore, vel infusa aqua seu intrante, contrahuntur. Nullum enim tali arefactione fieri spasmus in animali viuo intelligere possumus. Hoc enim si esset, maximè heceticis eueniret: quorum nedum humor adnatus, sed etiam innatus neruis, & adiacens, consumitur, Medicorum omnium testimonio. Nihilominus nunquam spasma sicco affici visi sunt, neque hoc nisi à frigore sæuo, omnes humores, atque spiritus constipante, densanteque fortiter ita, vt moriantur, vel à calore vehe-



menti, absorbente spiritus, & humores, inuenio. Nam qui per arenosam Lybiam ambulant exsiccatisissimi, ipsique & hectici, & senes centenarij, nunquam huiusmodi conuulsione afficiuntur. Ipsos quoque neruosi secabis quorumcunque aridorum, madefactos intus, & extra inuenies.

*Respons. ad  
rationem  
contrar.*

3 Cum ergo dicunt, quod à crapula, & à eruditibus & catarrhis sequitur spasmus humidus, sanabilis per exsiccationem: ab euacuationibus verò sanguinis, & alui immodicis, & à sudoribus, sequi siccum spasmus, destitutis neruis humore euacuato: nequaquam istud probant experimentis: semper enim ros, & inungentes liquores perseverant circa neruos, dum viuit animal. Si quando autem istiusmodi spasmi succedunt febribus, & euacuationibus, lethales, credo, sunt. Etenim abeunte spiritu ab aliqua parte, statim riget, vt in ecstasi probatur, & in profundissimis somnis. Tanto magis autem si & humorum euacuatio præcessit. Cruciatæ manus in tortura, organorum afflictione, & contusione, & extensione nimia tenentur, ita vt spiritui libero non valeant implantati obedire: oleis deinde, & brodiis pinguibus, præsertim intestinorum animalium, quæ neruosi sunt generis, lota, & perfusa brachia, & manus instaurantur: nerui enim pinguedine aperiantur à compressione, & neruoso decocto reficiuntur: & spiritus implantati odoribus, & vino confortantur ad pristinos vsus. At ex solis sudoribus, & febribus, & fluxionibus alui posse tales fieri inanitiones radicalis humoris neruorum, non intelligo. Testatus est & Medicus eruditus Santarellus Nolanus, se huiusmodi siccos spasmos vidisse nunquam.

Mihi vero iuueni cum Medicus sciaticæ gratia secuisset venam brachij, postridie obrigit à brachiali manus; cum iterum secuisset venam pedis, conuulsus est pes à inalleolo ad digitos vsque: non quidem propter inanitionem neruorum ex emissionem sanguinis ortam, sed quia abeunte calido sanguine, crassiores facti humores frigidi iuncturas, & neruos inuaserunt. Forsan hoc expertus dixit Hippoc. & inanitione fieri spasmus; sed spiritu abeunte nerui conuelluntur, quoniam humores remanentes addensantur: id eoque mollificatiuis indiget medicinis potius, quam exsiccatiuis.

*CHRA:*

4 Nos autem curabimus conuulsiones omnes non aliter ac resolutiones, in victus, & ventriculi, & capitis, & affecti loci emendatione: neque enim siccum spasmus, nisi morientes apprehendens



prehendere putamus. Neque mihi humida, nisi ut vias aperirent, sed exsiccantia, attenuantiaque profuerunt medicamina, super omnia tamen gulæ correctio.

5 Spasmodum à consensu, curat principalis patientis meliora.

*De coxendicum dolore, seu ischiade, vulgo sciatica: & simul de podagra, & cæteris articularibus morbis, & curatione.*

ARTIC. V.

1 EX iam dictis liquido constat causam doloris in magno coxæ articulo, ubi ischias siue sciatica dicitur, & in genu, & dolorum in articulis pedum, & manuum, & vertebrarum, & inio, ex destillantibus humoribus in eas partes fieri; haud quidem intra nervorum poros, sic enim motus, & sensus impeditur: sed inter fila, & inter corium, & ossa, & nervos. Oportet ergo bene crassum esse, qui compressionem tantam, & dolorem, & impedimentum ad motum facere queat: non tamen torum simul confluere: alioquin per meatus fluxionis dolor vagans dirus sentiretur: qui tamen modicus solet sentiri, & aliquando nullus. Crassescunt autem humores copia aucti, & calore tenuitatem solvente.

*Causa ischiadi.*

2 Cum autem fuerint acres, & biliosi humores, minus crassescunt, sed dolores faciunt acutos, pungentes, diros, non tamen durabiles; attenuati enim exhalant. Cum fuerint crassi, & pituitosi, & quasi mucres; dolores pariunt obtusos, graues, sed durabiles: haud enim facilè dissoluuntur: immo lapidescere aliquando solent in iuncturis. Indicat iuncturarum color, & tumor, eorum naturam. Tumores enim alij flauij à bile: alij subnigri ex sanguinis face: alij albi ex mucoribus: alij mixti: & profectò bilis sola haud unquam has fluxiones init. Ætas, & anni tempus indicium dabit: aliis enim ætatibus, & temporibus, alius abundat humor: ut in lib. i. docuimus.

*Differentia.*

*Indicia differentiarum.*

3 Vtrum autem humores è ventriculo, & intestinis ad articulos ferantur, aut ex capite fluant, sicut è celo, dubitabit quis. Hippocrates enim tradit quendam fuisse, qui colicis doloribus afficiebatur, quibus cessantibus fiebant articulares: cessantibusque

*Quæstio, an humores articulares morbum facientes defluant ex capite, an ex visceribus.*



articularibus, iterum colici insurgabant: causa nimirum nunc foras, nunc intrò migrante. Item affecti doloribus articulorum statim à prandio, & crapula dolent magis, ut vix tempus potuerit esse creandi cruditates, & vapores, ac ex his fluxiones tandem in articulos. Sed constat magna ex parte colicam fieri à flatibus, qui si in caput ascendunt, coacti in fluores, destillant in articulos: cum vero retinentur, vexant compressione colon. Haud tamen negem reperi à centro ad peripheriam, non secus atque à peripheria ad centrum vapores & fluores, ut dictum est prius: sed generatio propriè in articulos labentium, manifestè fit in capite. A prandio etiam statim leuiiores, & minus dolentes sunt talibus capti morbis, ut in me expertus sum, eo quòd subito spiritus multi fiunt, qui corpus facilius vectant, & ad partes exteriores, & articulos promptè distribuuntur: verum post duas horas fere à cibo dolores augentur: cum crassiores vapores densati ex capite defluunt. Nec transpirantium societas illis deest.

*Causa.**Concausa.*

4 Causa ergo materialis princeps est fluor destillans: huius autem fumi, fumorum crassorum minera est ciborum ingluuies, & crapula, & cruditas: concausa est coitus nimius, qui spiritus educit foras, & crassitiem relinquit. Item vigiliæ, curæ ingentes, tristitiæ, & cætera huiusmodi: quæ spiritum à bene coquendis cibis, & sequestrandis excrementis, distrahunt, & minuunt. Præterea somnolentia multa, & ocium, quæ non elaborant coctiones, & sequestrationes, & expulsioniones excrementorum, ut in prima parte philosophiæ realis docuimus. Item omissio exercitiorum, & suppressio excrementorum, & hæmorrhoidum, mensium, & sudorum, & aliarum occasionum, quibus expurgatur sanguis, & viscera.

5 Addunt Medici nimium exercitium, agitationem, equitatum: at hoc per se falsum est. Videmus enim fossores, agricolas, & remiges, & quicumque multis, continuisque laboribus occupantur, nullis articulorum malis vexari; sed expeditos ad omnia. At si qui fuerint nimis repleti vino, & cibo quotidie, & tempus coquendi non dabunt spiritui, difficiles erunt ad laborandum, & simul cruditatibus scatebunt: at non sicut qui ingurgitati litterarum studio statim attente vacant, spiritum ex ventriculo ad caput reuocato. Item qui veneri, spiritum educentes cum semine, & qui remanet, non erit potens



ad coctiones, præsertim verò si stantes coeunt: spiritu enim descendente ex capite, & ventriculo ad veretrum decidunt fluxiones ad iuncturas. Vnde & qui plurimum stant, hoc malo periclitantur: qui etiam equitant, nec suis ambulant pedibus, vt Neapolitani, si præsertim abundanter cibantur, podagra sæpius laborant, agitatione scilicet in pendulos pedes humores ferente, & spiritus sursum eleuante. At in coxendice magis, cuius agitatio, & calefactio, & contusio in sellam articulos magnos calefacit, & percutit, vnde statim dolor magnus incipit, & mox fluxio. Ita euenit equitanti mihi tota die agitato incitatóque cursu: etenim obtuso dolore coxendices dolere coeperunt. Cœnaui ex cerebro porcelli, inter cætera, quod fluxioni est aptum; dolui in profundo coxendicis cum somno excuterer, eram adolefscens 23. annorum, non multum eruditus in medicinalibus: bibebam frigidum, cum viro principe, vescebar lautè: ingrauescebat dolor: & per menses plures decubui. Sanguinis detractio, in pede, & manu spasmus fecit, abeunte calore. Sanatus in balneis, & sudatoriis Puteolanis sæpè cantatis, donec omisso frigido potu, & lauto victu in peregrinationibus, exsiccatus, & per cauterium, incidi in febrem tertianam, quæ me prorsus sciatica, & cauterio liberauit post duos annos. Et tunc concipere altius cæpi, quam cæci sint Medici in morborum causis, & cura dignoscendis!

*Curatio.*

6 IN sciatica ergo aliquando incipit dolor in profundo coxendicis, vt mihi in principio; aliquando in lumbis, vt cognoui in recidiuis pluries. Sentiuntur sæpè humores inde prolabi, & fieri dolores in femore, & genu vsque ad pedes, ibique consistere, vel in malleolis, vel in naucula, vel in calcaneo, vel in digitis. Aliis totum crus dolet, quibus destillationis copia maior. Aliquando etiam inguina afficit, & vesicæ obest.

*Iterum è sciatica.*

7 Victus sint olera modicorum excrementorum: aues montanæ, oua forbilia, modicus panis. Fuge crassos succos gignentia alimenta. Item allia, cæpas, & huiusmodi, quæ vapores faciunt multos, & acumine vias pandunt ad iuncturas. Sit ergo totus cibus ad stypticitatem, caliditatem, & tenuitatem inclinans, & sicut diximus in resolutione, & catarrho. Potus non sit vinum vllomodo, sed mulsa cum semine coriandr. & cynam. vel aqua in qua ramusculus roris marini sit decoctus: hæc planta mirè con-

*Cura à cibo & potu.*



fert neruis,iuncturis, ossibus,& capiti, & exsiccat destillationes. Quapropter in epulis semper ponenda,sicut & saluia; neque acumen faciunt ad penetrandum. Si coactus fueris vino uti,utere albo subastringente,aqua rorismarini diluto.

*Crassos cibos  
ex potus non  
prodesse,nisi  
ad scdus: sed  
magis obesse* 8 Errant Medici valdè,putâtes vinum rubrum,& carnes crassæ substantiæ prodesse dolentibus articulis, eo quod subtiles non faciunt fluxiones, quæ ad articulos penetrare queant: faciunt enim fumos crassos, & cruditates mineras fumorû, qui condensantur in capite ad stilladum. Ergo nutriunt morbum, dum scdus cum eo inire volunt imperiti Medici. Et si enim subito non nocent, ut acuti fluores, quia tardius parantur: tamen longius, & crudelius, & irreparabilius nocent. Etiam si verum esset quod aiunt, non à destillatione, sed extrauasatione humorum fieri in iuncturis concretiones, & dolores.

*An valeat  
phlebotomia.* 9 Mox curâ à sanguinis missione non inceptabis, quoniam Galenus curatû quempiâ sola venæ sectione vna tantû die narret: id enim verum est, ubi sanguinis plenitudo, & aliorû humorû erupit in articulû multa ex vasis, malûque gignit, quod etiâ in non articulis accidere queat: non autè si cruditate, & destillatione paratur malû. Igitur statim vinum, & cibû subtrahes ægroto, saltè per diè: deinde cibabis melicrato tantû: deinde dabis olus, & parum carnis assatæ, & aquâ de roremar. &c. Deambulationes, & equitatione vetabis. Concedes motû placidû in domo. Odores caput confortantes dabis, & vomitum eodè die prouocabis, & videbis mirabilia. Et quicumque primum dolorè sentiunt, in quocûque articulo, si ita vixerint, statim; non durabit morbus ad tertium diem. Ne autem reuertatur per duas hebdomadas, cauebit à pleniori cibo, & potu, & sanus erit. Doloris locum oleo, & sale confricabis, aut pelle, aut sacculo odorato munies. Sufficit tamen ne frigidus sedili, aut rebus humidis articulum credas.

*Cura post  
principia.* 10 At si malum non est in principio, accedens Medicus regulam viuendi dabit præfatam. A coitu, & curis, & equitatione arcebit: præcipuè que à balneis, quæ viam fluxionibus faciunt. Virilia tamen sunt, correcto prius stillicidio, ad discutiendum morbi reliquias, deinde & excrementa.

11 Mox vomitum ab assumpto cibo prouocabis, & tunc cibos multos, & vomitui faciles dare licebit, & humidos: ut cæteris mixti humoribus, cum accesserit prouocatio, exeuntes eos extrahant. Dabis etiam stomacho sas res, ipsius quoque rhabarbari infusio



infusionem, vt stomachatus vomat, quibus leuia non profunt vomitoria, de quibus in lib. 5. Deinde etiam clysteres addes, vt intestina mudentur, quorum sordes præsertim inueteratæ crudeles sunt ischiadibus, & gonagris, & podagris. Fiant autem de agar. polypod. saluia, ruta, chamæp. semin. anis. & fœnic. stœchad. & oleis irin. chamom. rut. vitellis oui, &c.

12 Præterea coxendicem, aut genu (sunt enim eiusdem medicaminis dolores) oleis inunges, non autem balneis: ne humores calore, & apertione accrescant, nisi post purgationem. Adde oleum vulp. iuniper. costin. aquam vitæ, & vnguenta Mart. & Agrip. vt supra.

13 Compones fomenta, & cerota ex dictis in paralyfi, & aliis, prout commoditas, & res ferent. Adde storacem, & bdellium, nitrum, sal, aristolochiâ, & quæcunque siccare, & attenuare valēt. Vteris ex pharmacis purgantibus, & præparatibus, vt in paralyfi.

14 At si neque his cedit morbus, fiant vulnuscule coxendici per cucurbitularum applicationem: præterea erucas, quæ nasci solent super calcem arena coopertam, & in parietibus nouis oleo frixas, & calidas coxendicis articulo alligabis, & vulpina pelle teges. Si pergit, iterum ad vomitus, & clysteres: & tandem ad sinapismos ex euphorb. cast. sagap. sinap. cera, melle anacardino, cantharid. nitro, sapone. Item iberide cum axungia, coxæ alligata. Faciunt enim tumores, ad quos mucorem articulo impactum accersunt. Et in balneo sudant, vt extrahatur penitus, à quo sani exire solent. Absterges locum vino, oleoque. Sudatoria Agnæ mihi profuerunt; sed nullum pharmacum gula non correctâ prorsus, iuuat. Solent apud Barbaros cauteria diuersiua, & inustiones circa lumbos, & similia adhiberi. Sed tempus, & diæta omnes soluit inucores, præsertim iuuentutis errata. Clyster de aceto, & sebo arietis castrati utilis est ad fæces veteres extergendas; sed dysenterię periculum facit. Omnia probaui. Correctio victus inuicta sola victrix, & labor, & lætitia comites. Inustio solennis orientalibus, saluberrima:

*Continuatio curationis aliorum articulorum.*

**E**Adem sanè erit curationis podagræ, chiragræ, & aliorum articulorum. At si non sola destillatio sit in causa, verum etiâ ex venis exudans sanguis, & cæteri humores ob ipsorum copiam, & venarum laxitudinē, & arteriarum crassitiem, non potentium elaborare adnatarum venarum succos (id quod Medici non aduerterunt)



tunc licebit venam secare, & reprimentibus nequaquam uti, ne impurus sanguis in viscera nobiliora reflectatur: propterea enim laudauimus criticos abscessus in iuncturas in præcedentibus sermonibus. Quomodo autem id agnoscatur; ex dolore, colore tumoris; & victu, & vita præterita, & ætate, & anni tempore, dictum est prius.

2 Secabis autem brachij venam in morbis pedum; in morbis manuum, pedis e directo positi. Cucurbitulis etiam utere, & clysteribus, & frictionibus, ut humores attenuati transpirent, & fame, & siti consumantur.

3 Lenies profundum dolorem rosaceo oleo, & aceto, superficiale lacte caprino, farina fabæ, sænigræci, lupinorum. Item decocto violarum. Faciunt etiam de mica panis, & rosaceo, & croco, & lacte, cataplasma. Thus addunt, ammon. galb. &c. nec enim nimis calida, ne dolorem acuant, & assent mucorem; neque frigida, ne astringant.

4 Cibus sit ut in ischiade; & vinum prorsus tollatur, hoc enim vnico remedio vidi Alexandrum quendam quinquagenarium podagra sanatum. Potus ergo sit aqua, in qua rosmar. & cynam. ebullierint; & alia, superius enarrata.

*Dolorum artic.  
sic. à bile  
cura.*

5 Articulares dolores à bile, præfata requirunt, & pharmacum purgans bilem, & res lenitiuas acutorum dolorum. Addunt Medici stupefactiuas: sed cum incommodo. Membrum enim stupefactum, digerere non potest. Supefaciunt semperuiua, cicuta, hyoscyamus, &c. Vtere violarum, origani, satureiæ, & endiuia; decoctione tepida: quam pueri rostro vasis superinfundet supposito pedi in catino paulatim.

6 Cibus his tempestiuor, & minus calidus, ut succus prisanæ, endiuia, caro modica anseris, &c. ne inedia humor exacuatur valdè. Sed si sufferre dolores queant, citius ita sanantur.

*A pituita.*

7 Dolores à pituita maiorem inedia petunt: & attenuantes cibos, & aquam cyn. & pharmacum pituitam purgans, & clysteres, & frictiones, & capitis inunctiones, & purgationes, ut in catarrho, & paralyfi dicebamus: trahentes etiam à iuncturis, ut in lib. 5. His gutta vini aliquando conceditur, quæ vix agnoscatur.

*A mistura  
atra bilis.*

Cum miscetur atra bilis, misce etiam medicamenta ei contraria, de quibus sæpè scribimus ad ingeniosos viros.

8 Balnea medicata, & arenæ, & vinacea iuuant valdè; si tamen præci



præcideris fontes morbi, id est gulam, ventriculum, caput; alioquin reuertuntur. Nec etiam antimonium, & euacuantia à iuncturis proderant Lælio Vrsino; dicebat enim se breuiorem vitam cum voluptate, quàm longiorem citra satisfactio- nem gustus, magis velle: propterea nunquam sanatus est quin recideret.

9 Tueatur ergo à podagra, & chiragra futura, te victus so- *Præseruatio à morbis ar- ticularum.*  
brius, satietas imperfecta in mane, reliquæ famis in sero, labor, & impigritas: modicus somnus, & stramen lecti plenum siccis myrti foliis; aluus, & viæ excretionum faciles. Frictio iuncturarum, oleo, & sale: purgatio bis in anno, &c. quæ in philoso- phiæ realis p. 2. dicta sunt: sed victus ratio, & exercitium sunt satis. Ego enim in tenebris, & umbra mortis ad apoplexias, epi- lepsias, & paralyces, & articulares dolores quosque cogente, sola diæta, & animi celsitudine, omnes huiusmodi per pluri- mos annos, Deo duce, paruipendo: & solo sulphure, myr- tha, & thure, omnibus, & capitis, & pectoris malis victor obfisto.

10 Ad tollendum gypsum, & tophum, in articulis enasci so- *Contra gy- psum, & to- phum iun- cturarum.*  
litum calidorum medicaminum vi, vruntur caseo vetustissimo acri, & pipere contrito in brodio suillæ carnis: item ficibus tri- tis, item althæa, & herbis emollientibus. Sed medullæ ossium, & coctorum intestinorum iura, & olea, & pinguedo hominis oc- cisi, plus valent. Aqua vitæ cum oleorum quintis essentiis. Væ tamen ei, qui huc vsque doluerit.

*De morbis organorum cognoscitiuæ primalitatis.*

# C A P U T. V I.

1 **R**euocat nos consideratio morborum organici cognosciti- ui, hoc est oculorum, aurium, nasi, linguæ, & oris. De tactus enim læsionibus, cum ad totum corpus pertineat, & spiritus sensificantis viæ, idest, nerui eas patiantur. dictum est in læsionibus neruorum: dicendumque erit, cum singilla- tim alij morbi examinabuntur: quoniam cum omnibus eos implicari liquidò constat. Aggrediamur igitur oculorum prius passionēs.



## De morbis oculorum, &amp; causis, &amp; numero generatim.

## ARTIC. I.

**M**Orbi oculorum varij, ac plures sunt: aut enim læduntur spiritus in dispositione, & colore: aut totius oculi fabrica eradicatur, extrahiturque, aut destruitur. Vel patitur crystallinus humor, vel vitreus, vel aqueus: vel vuca, vel cornea, vel adnata tunica: vel caro, vel neruus; quarum passionum ratio vel est inflammatio, vel destillatio, vel excrescentia: vel ulceratio, vel obstructio.

## De cecitate nocturna, &amp; diurna: ipsarumque cura.

## ARTIC. II.

*Nyctalop.  
causa du-  
plex.*

**E**X spiritus crassitie nimia, seu tunicarum densitate, accidit, ut ea obiecta tantum videantur, quæ sunt valde illuminata, atque mouere possunt luce sua, & magnitudine spiritum, vel tunicas penetrare, si tunicarum est crassities: idem enim accidit. Horum morbum Plinius vocat cecitatem nocturnam, Medici nyctalopiam, quoniam cum aduersperascit, non vident nec in aulis, ubi non multa est lux.

*Nyctalop. ex  
spiritus te-  
nuitate, aut  
laxitate tu-  
nicarum.*

**Q**uibus autem spiritus sunt tenues valde, vel tunicae oculorum laxæ, à quacunque minima luce mouentur; videntque ergo melius in interliminio noctis atque diei, quam in multa luce meridiana; ab hac enim afficiuntur valde ita, ut cognoscituum alienetur, ut accidit in omni passione. Antipheron tales oculos, & spiritus habebat, quibus etiam propriam imaginem in aere continuo cernebat, aliis non visam, quanquam confimiliter representatam.

*Cura natu-  
ralis nycta-  
lop.*

**H**orum passiones si naturales sunt, nequaquam sanari posse credo: conducit tamen his frigidis, & astringentibus liquoribus oculos lauare, & eiusmodi cibus vti. Illis vero calidis, & attenuatiuis, & absterfiuis, & spectaculum disgregatiuorum colorum, ut niuis, &c. Oculi catorum, & nocte ambulantium profunt ex arte applicati.

*Cura acci-  
dentis.*

**S**in vero ex accidenti fit nyctalopia: ocularibus vttere laxæ consistentiæ, multiplicantiibus lucem valde.



Præterea incidatur vena in angulis oculorum, & humeralis, si sanguine crasso abundant. Fiant clysteres purgantes vapores, & humores crassos, & sternutatoria, & masticatoria sæpè dicta, præsertim ex pipere, sinapi, & staphide agria, &c. Edulia hyssopo, origano, fœniculo, & pulegio condiantur: aqua stillatitia vriticarum oculi affricentur: vel fœniculi, & sinapis: istorum etiam mistione potus, qui erit aqua cynam. temperetur.

5 Si progreditur malum, purgetur scammonio, castoreoque, prout videbitur. Absterge oculos aluminis pulvere cum melle, aut felle hircino, vel succo capræ cum lacte muliebri, vel iccoris hircini, dum torretur, cadente succo. Continuabit in cibo idem iecur. Oculi cervini, & capræ siluestris, & aquilini, & in pulverem redacti cum melle, affricatio prodest ex magia. Magis autem oculos nycticoracis, & leporis, & animalium noctambulorum.

6 Cæcitatem diurnam iuuant ocularia strictæ consistentiæ, quæ res paruas repræsentant, & inunctio baccarum myrti, & iccoris galli, & cibus ex carnibus animalium solarium: id est aquilæ, leonis, galli, arietis, & similiter oculi in pulverem acti, & res stypticæ, ut myrobal. mespila, sorba: aquæ frigidæ in mane lauacrum, & colores congregatiui, viridis, niger, cæruleus.

### *De visus duplicitate.*

#### ARTIC. III.

**Q**ui autem rem vnam duplicem vident, innominato morbo, qui visus duplicitas dici queat, laborant. Hoc autem accidit, quoniam alter oculorum à situ suo magis eleuatur, aut deprimitur, altero sifum non mutante in oppositum, quod mihi accidit quodcumque volo alterum variare: cui si quis credat apparitioni, est delirus ex imperitia, vel inaduertentia. Cuius morbi superioribus in sermonibus curam descripsimus. Sic duplices Soles, & geminas se ostendere Thebas videbat ille apud Poëtam delirans. Ebrij etiam sic interdum afficiuntur emotione oculi. Contingit cuiuspiam humoribus ex altera parte infestato oculo eadem apparitio; quod ne fiat opticos nervos natura decussatim compaginavit, licet Vesalius in sectionibus deprenderit hominem, cui non erant optici coniuncti; nec tamen res duplicatas cernebat. Bene quidem: at eundem tenebant, cui vsui est illa coniunctio deserviens:

*Causa duplex visus.*



*Cura.* haud tamen negem absque illa situm seruari posse. Hos curabis oculum ad sui situm deducendo.

2. Consimile accidit nimio dolore affectis, & in athleticis certaminibus ludicris, vt oculus exprimatur foras, quasi pendens suis è radicibus, cum acies obtusa gladij inter ipsum, & ossum adnatum subierit.

Oculum ergo repones in loco suo, & locum vino absterges, & melle, & croco illitum panniculo albo duplicato conteges, & in occipitio cucurbitulam appones, vt humor diuertatur, nec confluat in oculum. Frontem aqua marina frigida humectabis, & reprimentibus.

### De pupillæ dilatatione, & diminutione.

#### A R T I C. I V.

1. **P**raterea accidit oculo pupillam valdè dilatari, & turbidam obscuramque fieri visionem, nec posse claudi; aliquando stringi valdè, nec posse dilatari: & hic obiecta apparent maiora quam sunt, in dilatatione minora.

*Medicorum opinio, est in densatione obiecta maiora, & in dispersione minora.*  
2. Medici dilatationem humiditati expandenti: diminutionem siccitati tribuunt: & videri maiora visilia veris in illa ob spiritus densationem: in hac autem minora ob spiritus dispersionem.

3. Vtuntur victu humectante in diminutione, exercitio membrorum superiorum, frictione faciei, & oculorum contrectatione per extremos digitos. Vngunt caput vnguentis moderatè calidis, oculos collyrio attrahente humores ad dilatandum, videlicet ex ammoniaco, lycio, croco, ærugine, &c. Item balneo, & capitis calida lotionem, &c. In dilatatione sanguinem emittunt, cucurbitulas in occipitio apponunt, vt humor recedat. Faciem in marinam aquam oculis apertis immergunt. Vtuntur astringentibus modicè, vt rosa, croco, thuris cortice, acacia, &c. ex his etiam faciunt collyrium. Addunt myrrham, aloën, & mel. A valdè astringentibus consulto abstinere.

*Sententia propria.*

4. Nos autem experti pupillam dilatari in vmbra, vt obiecta intrent: in luce stringi magis, quum maior est lux vsque ad caput acus, ne lux oculum dissoluat: nequaquam ex dictis causis fieri semper dilatationes, & constrictiones. Etsi enim omnia foramina, etiam ani, cum salsos pisces, & acetosa manducamus, fiant strictiora: cum verò pinguedines, & prodia, laxiora. Cum tamen pupillæ



pupillæ dilatatio, & constrictio fit arbitraria, ægrè istis causis adscribitur. Videmus etiam plurimos, quorum oculi semper humidi, & lacrymantes, hoc malo non affici: aliorum verò siccos affici. Omitto rationem illorum oppositam. Galeno enim fit visio ex eunte spiritu ex oculis, & aërem alterante. Si ergo vnitiore erit, erit & fortior, ac minus patietur ab obiectis; ergo minora ipsi videbuntur. Dispersus patitur magis, ergo maiora sibi erunt. Ego quoque ocularibus vtor strictis, per quæ qui sunt visu sano præditi, omnia vident minora veris; ego verò æqualia, & sine ocularibus maiora, sed confusiora, indistincta, & turbida: vel non video cum sunt à longè, præsertim stellas tertiæ, & quartæ magnitudinis. Ergo vnio spiritus, ut ipsi volunt, vel lucis deferentis obiectum, in nostro dogmate, res minores veris faciet, sed distinctiores. Pertransco rationes prospectiuorum de angulo maiori, & minori.

§ Fortasse in morbo constrictionis, spiritus modicus est, non vnitiore. idcirco magis ab obiectis afficitur. Etenim accidere solent post euacuationes multas, & vehementissimas capitis dolores, quibus minuitur spiritus, & impotens fit ad dilatandum. An nervulus ambiens extremitates vix quasi marsupij filum, excremento aliquo nodatur, ut non possit dilatari ibi, neque hic constringi; multæ me mouent cogitationes in re quam expertus non sum. Propterea ad causas præcedentes respiciendum: id est, inanitiones, repletiones, debilitationes: & iuxta earum qualitatem medicamenta inuenienda.

*De coloratione oculorum.*

A R T I C. V.

1 **Q**uando obiecta videntur alterius coloris à vero: oportet *Causa.*  
vel humores, vel tunicas oculorum eo colore infectas esse: nam per viridia ocularia, vel rubra; cernimus cuncta his coloribus tincta; ergo lux subiens oculos, scædata oculi colore; & non spiritus exiens, facit visionem.

2 Horum medela erit aduentitios colores oculis auferre per *Cura.*  
diuersa, & purgationes humorum, à quibus fiunt. IctERICI enim croceum à bile oculum habent: ergo medicamen euacuans bilem proderit; sic de cæteris. Oculos etiam collyriis absterges, & vapore corticis aurantium, & similibus.



1 **C**ontingit etiam obscuritas oculis absque visibili causa: non enim humores, neque tunicae apparent non purae.

*Causa ex  
Medicis non  
recta.*

2 Hoc autem non accidit ex spiritus crassitie, ut putant Medici: vel enim spiritus nequit adeo crassescere, ut obscuratur; vel fit cæcitas nocturna. Ex hac causa, quam tunicis potius adscriberem densatis, neque densationi humorum, & lentiori ista obscuritas referenda, ut putant; aqua enim condensata, & glaciata non obscuratur, sed plus excipit lucis ob causas dictas in Phisf. & spiritus etiam vnitus lucidior, & cælum densius.

*Causas ve-  
ras ex acci-  
dentibus ve-  
nari.*

3 Cum autem ista obscuritas ob capitis percussione[m] sæpè fiat, & post mœrores, & dolores, & in senio: manifestè fit ob spiritus diffractionem, & diminutionem, absentiam, & turbationem humorum. Contingit enim opticos nervos obstrui ex hac turbatione, & ex senio exsiccare, aut excrementis repleti, spiritu purgare iam non valente: ut plurimum verò ex multis repletionibus, & crapula genitis vaporibus fuliginosis, & crassis, qui opticos replent nervos, spiritum obnubilant, & in pugna occupant. Vnde grauitas capitis, & ad radices ipsorum oculorum sentitur.

*Cura obcu-  
ritatis ex  
mœrore.*

4 Causas ergo ex præcedentibus disce. Mœrores enim, & turbationes lætis rebus, & modis curabis, sicut dictum est prius: scilicet dabis Musica turbatos spiritus, ac proinde humores, latisque nunciis: aqua cordiali cum foliis auri, &c.

*Ex plenitu-  
dine.*

5 Qui ex plenitudine obscurantur, venarum sectione in angulis oculorum, & humeri cephalica: cucurbitula, & scarificatione in occipitio: hirudinibus in temporibus, diuersis tamen vicibus. Purgabis pharmaco corpus: & frictionibus, sternutamentis, masticatoriis. Aliquando proceditur ad sinapismum in capite. Clysteribus ne parcas. Collyria ex aquis sceniculi, chelidoniae, rutæ, melle, pipere, aloë, myrrha, ammon. parabis. Non cessante morbo repetere euacuationes iam dictas: & collyria noua, &c.

6 Abstineat prorsus à vino. Utatur decocto sceniculi, & cynam. in potu. Cibis attenuantibus, non crassis, non fumosis: & qui spiritus lucidos generent. Fugiat iras, mœstitias, agitationes multas; solem, balnea, coitum, somnum multum, &c. Utatur oculis, & carnibus



carminibus animalium acuti visus, & solaribus plantis, & lapillis, & animalibus, vt in lib. 5. Præterea semina heliotropij maioris, florem instar solis producentis, & alba grana multa, proderunt in cibo & collyrio, &c.

*De suffusione: eiusque cura.*

ARTIC. VII.

1 **C**um in humore aqueo intra corneam, & crystalloidem, *Ratio & causa suffusionis ex Me. dictis.* crassiuscula quasi puncta, & fila, vel araneorum, apparent; si cum mordicatione ventriculi fiunt, nec sunt perennes nisi eo turbato, indicant è ventriculo fumos impuros vsque ad oculos eleuari: at cum perseuerat passio, præsertim in vno oculo, & videntur quasi culices, & caliginosæ res oculis obuersari, ac visum impedire vel ex parte, nec obiecta tota distinctè repræsentantur: tunc, aiunt Medici, fieri suffusionem, seu cataractam, ob spiritus imbecillitatem, seu frigiditatem: idcirco senibus, & post passiones, & ictus euenire solere. At cum perfecta fuerit, totum visum impedit.

2 Ridiculum quidem est putare spiritus frige fieri, & propterea nubeculas apparere imbecillo. Immo quo frigidior aëris constitutio, eo purior visio. Turbatur autem calidis, crassisque vaporibus. Et cum in confesso sit, ventriculum aliquando esse in causa, cur ad frigus confugimus? *Constitutio.*

3 Dicimus ergo in humore aqueo, cum impurificatur, & fordescit, fieri talia fila, & puncta, vt patet in omnibus aquis ita affectis; quæ corneæ concauo adhærescunt, & crescunt, donec totam ambiant. Indicat hoc vitrum telescopij, & ocularium ita euenire, cum est impurum. Videmus etiam quasi pilas in aëre nigras, vel subuirides in mane, & cum aspexerimus solem; & illæ impuritates luce affectæ colorantur, & paulisper colorem retinent. *Vera causa.*

Arbitramur etiam in ipsa cornea, vel vnea affigi id impurum, aut humorem viscosum, & augeri. Hunc autem humorem puto esse vitrei effluxum aliquem ad aqueum, aut à vitreo incipere corneam paulatim suffundi, crescereque suffusionem vsque ad pupillam paulatim.

4 Propterea ergo cura erit per attenuantia, & incidentia humores, & abstergentia. Bibat ergo aquam hordei cum mel- *Cura.*



le coctam. A vino fugiat æger. Venam non secabis, nisi plethora adsit. Clysteribus vttere, & sternutatoriis, & masticatoris purgantibus. Oculum quinta essentia potius, aut oleo seminum tœniculi, & capræ succo illines. Item fel cerui, aut capræ destillabis per alembiccum, & illo linies oculum: penetrat enim corneam, & dissoluit crassescentem humorem, & adhærescentem mucorem vitreum. Si purgari oportet, erunt syrapi de oxymelle scyllitico, & aqua stillatitia fœnic. maior. beton. vrtic. Purgabitur pilulis lucis, & cocciis, & sine quibus, &c. Iuuat in occipicio cucurbitula scarificata, & cauterium. Proderunt alia collyria ex fœn. chelidon. myrrh. croc. pipere, sagap. sed tenuissimæ stillatæ aquæ, & oleum quintæ essentiæ plenius operabuntur. Non frigida, sed aceto oculos lauabis tepido, & misto tepenti aquæ. Exsiccabis cerebri sinciput oleis eiusmodi, & aqua vitæ, & cataplasmatibus, quæ non faciant humores descendere, sed exsiccari: ac vitreum præsertim attenuent, incidantque, non inurent. Hic valent permagiam res solares, & oculi solarium animalium: & spoliū serpentis in puluerem actum, mistumque felli destillato aquilino, vel caprino, &c. Serpens enim fœniculo mundat oculos; hyrundo chelidonia sanat. Lyncis oculi, & fel mirabiliter in oculi passionibus hisce proficiunt.

5 Cum fuerit perfecta cataracta, credo his rebus abstergi posse, alioquin punctioibus Chirurgiæ vtendum. Liberauimus Laurentium quendam à suffusione veteri sexdecimannorum, immisso per Chirurgum acu argentea in angulum oculi intra corneam fortiter, & mox obliquata ad interiora, donec acutie abrasit pāniculum corneæ adhærescentem, & in frustula dispersit: extractæque acu nil aquei humoris exiuit, ac statim crocum, ouum, & aquam fœniculi in bombyce applicuimus oculo: iussimusque ægrum sic permanere aliquot dies: deinde oculum absterfimus, donec spiritus per opticos cœpit experiri regressum: ac perfectè vidit.

*De vngula, eiusque cura.*

A R T I C. VIII.

1 **E**Xtrinsecus verò tunica adnata oculum compaginans solet excrefcere in quendam processum similem vngui super corneam: & cum peruenit ad pupillam aditum luci, obiecta importanti, obstruit.



2 Quapropter oportebit illam secare Chirurgorum magisterio: & vulnusculum sanare. Potest etiam antequam crescat impediri per victum attenuantem, & potum ex aqua roris marini absterfium. Adde clysteres viscositati oppositos, acres, videlicet, incidentes: & si necesse fuerit, etiam purgationem communem, qualem contra tales humores pituitosos scis conferre. Vngulam ipsam mollificabis decocto maluarum, & althearum, &c. deinde affricabis felle, & pulvere pumicis, & testæ sepiæ, misto cum melle. Conteres etiam aceto sal ammoniacum, atramentum futorium, chalcidem usitam, æs usitum, & huiusmodi excrementis corrodentia, applicabisque cum melle, &c.

3 Vbi suffusio exterior vngularis inueteratur, & intra corneam, veluti sal, & saccharum intra confecturas, immergitur: non proderit amplius exterior cura.

*De phlyctænis, earumque cura.*

ARTIC. IX.

1 In nascuntur etiam corneæ tunicæ quædam vesiculæ, seu pustulæ, quas phlyctænas vocant, eò nigriores, quò exteriores. *Quid & quot.* Siquidem quatuor tenuibus membranis constat cornea: & sub prima, & sub 2. & sub 3. fiunt, emerguntque foras, sicuti morbilli. Deteriores autem sunt, quæ profundiores, & albidiores ex corneæ colore sunt.

2 Has puto sanari oportere, non secus atque morbillos; fierique ex excrementitiis humorum facibus. Et cum adest inflammatio & plenitudo, sanguinem minues, ut supra; & cucurbitulis, & clysteribus diuerter humores, in subobscurò cubiculo, ne lux exagitet morbum feriendo, & spiritus accersendo. *Cura.*

3 Ex oui vitello, croco, opio, sapa, coctis cotoneis, & granatis, & pane, efficies emplastra, quasi lenia, ne exasperent, & linteolis delicatis applicabis, & replicabis, latis usque ad nasum, & malam: & tempera, vel potius liquidis vtere collyriis, ne oculus grauetur, ex croco, lycio, acacia, aqua ros. commistis, & guttatim instillatis. Lababis transacta inflammatione decocto melil. & nigrec. &c.



## De ulceribus oculi, &amp; ipsorum cura.

## ARTIC. X.

Cura.

1 **V**erum rumpi vesiculas contingit, & ulcerare corneam corrosione: & tunc vtere remediis communibus cuiusque oculorum ulcerationi, siue in cornea, siue in angulis, siue in palpebris: quæ non ictu externarum causarum, sed humorum prauorum eruptione contingunt.

2 In quibus sanè siue à plethora, siue à cacochymia ortum ducant, Medici per sanguinis missionem, & purgationem fontes exsiccant, rationabiliter; vel frictionibus, & scarificatis cucurbitulis. Confert inflammatis ulceribus collyrium ex ouo, lacte, & aqua ros. & vino subaustero; & sordes abstergere fœnigræci ter loti decocto in fistili vase, secundum Medicorum meliorum praxim. Tandem incarnatio fiat per collyrium ex sarcocolla, thure, croco, amomo, & fœnigræci succo.

## De cicatricibus oculi, &amp;c.

## ARTIC. XI.

Cura.

1 **R**emanent autem post ulcerum incarnationem, crustulæ vocatæ cicatrices, leucomata, & albugines; quoniam iuxta oculi nigrum albæ apparent.

2 Cibo tenui vtendum in cura, & absque vino, ne subministreretur causa renouandi vlcis. Collyria ob eandem causam non erunt acria, sed abstergentia absque erosione, vt menthæ succus, lac equinum cum melle, butyrum cum melle, aut sepiæ farina. Puluis de cornu cerui, & capræ combusto; aloë, rosæque in puluere; & huiusmodi. Magicarum non obliuiscaris supradictarum rerum.

## De suggillationibus oculorum: &amp; cura.

## ARTIC. XII.

Causa suggillationis.

1 **S**olent ob percussione[m] oculorum venulæ rumpi, aut con-  
stundi, sanguisque effluere intra oculos, vbi quasi maculæ  
rubræ fiunt, suggillationes vocatæ: quibus prouidendum, ante-  
quam



quam in grumum indurescat, & nigrescat.

2 Adstrictiuus ergo vttere à principio, quo venulæ consolidentur, vt mastice, & oui albumine, &c. & aqua salsa in fronte. Mox excuties sanguinē per sympathiā, instillando oculis sanguinē columbæ ex pennis nouis alarū, vi extractis, stillantē. Valet & lac, & thus, & oui albumen tepens, caseus recens sine sale: folia rosarū albarum, crocus, melilotus, vt, &c. Mox scœnugræc. decoctum bis in die iuuabit, transacta si qua erat inflammatione. Inueteratis ac nigris raphanus proderit. Nunquam obliuiscaris scœniculi, & chelidon. & oculorum solarium animalium.

3 Vtebatur Porta mirifico collyrio statim sanante, cuius non memini; sed in libro magiæ suæ inscriptum inuenitur, & in mei repentinam oculi afflicti, & sanguinei sanitatem, coram multis perfecit, suis ipse manibus instillando.

Præfata medicina Portæ hæc est. R. vini græci caraffas duas Neapolitanas: aquæ stillatiæ rosarum albarum, libram semis. chelidonix aquæ similiter 3. ij. scœnicul. eufrat. & rutæ tantūdem. tuthiæ præparatæ per septem ignitiones, extinctæque in rosacea mista vino græco 3. iiij. caryophyllor. indorum 3. iiij. sacchari rosati canditi 3. j. camphoræ 3. ss. & aloës 3. j. Res pinsendæ subtiliter pinfantur, & misceantur aqua. Aloë cum non possit in puluerem conteri, vt incorporetur aquæ: pone modicum aquæ iam descriptæ in mortario, & diligenter remisce, donec vertatur in aquam, & fiat instar salis; & hoc donec commisceatur aquæ, & vniatur aliis rebus. Pone deinde in vase vitreo operto, benèque glutinato, ne euanescat: & expone soli, & rori, per quatuor dies remiscendo ter, & quater in die. Et sic consummata seruantur ad vsum, contra inflammationem, nebulas, fistulas, suffusiones, & alios huiusmodi morbos oculorum.

*De pure intra corneam.*

#### ARTIC. XIII.

**P**Vs sub cornea genitum ab vlcere, vel inflammatione, vel eruptione ex vasis suppuratis, sedato vlcere, & inflammatione minues, & extrahes attenuantibus, & abstergentibus, & destillato felle; & quibus eraditur vngula. Hic valent medicamina ex destillatis oleis, & succis, corneam penetrantia



subtilitate nimia, ne exterius calefactum plus induretur : sed incisum, & attenuatum, euanescat.

Destructæ oculorum fabricæ instaurationem nescit, nisi faber eorum Deus.

*De ophthalmia, eiusque cura.*

ARTIC. XIV.

1 **I** Nflammatur quidem adnata oculi tunica, vel sanguinis vitio, & plenitudine, quod rubor oculorum & lippitudo, & lacrymæ declarant. Et tunc à principio cephalicam secabis venam; & cucurbitulas cum scarificatione in occipitio addes.

2 Vel acrium humorum concursus, aut crassiorum, ex cacochymia redundantium; quod multæ sordes salsæ, acres, siccæque docent: & tunc contentus cucurbitula, vel missione sanguinis in plenitudine: pharmacum purgans ministrabis secundum artem. Frictionibus, & diuersis vteris.

3 In cubiculo temperato, & subobscurò decumbat æger: vino priuetur; vtatur mulla cum fœnic. &c. vescatur ptisana cum oleibustenuibus, & frigidis: non autem carnibus, præsertim humidis, & valdè nutrientibus. Viride velum oculis adhibeat, vel nigrum, si ad lumen ire cogatur. Linies oculos lacte calido ex mammis mulierum, fœnugræci decocto, & oui candido. Frontem succis roris marini, plantaginis, solatri, foliorum salicis, cucurbitarum, &c. Balneum purgato ieiunioque prodest valdè. Vtere foementis, & aquis fœnugræci, fœniculi, rosarum, eufrasia, pompholygis, & huiusmodi ad discutendum reliquias, &c.

4 Acida, & stupefacientia, oppositis extremis de causis declinabis.

*De ægylope: eiusque cura.*

ARTIC. XV.

1 **A** Egylops vocatur tuberculum inter oculi angulum, & ossum nasi solitum nasci, quod in fistulam ex incuria versum bis ipse vidi. Difficile autem curatur, quoniam medicamentum difficile applicatur: nec retinetur absque fastidio ingenti, & totius oculi occupatione; & propter loci gracilitatem.



2 Si vero adsit inflammatio ex sanguine, aut constitutio ex ac-  
ribus humoribus: fiat venæ sectio, scarificatio cucurbitula-  
rum, & corporis purgatio, vt in ophthalmia. Applicabis reme-  
dium ex glaucio, croco, & parietariæ succo sæpè. Prodest & ru-  
ta cum primo lixiuio trita. Item limaces triti vna cum testis suis.  
Aliæque multa apud Medicos inuenies, & Chirurgos: cum fistu-  
lascit, est quasi curæ cauterij.

*De contagiis oculorum.*

ARTIC. XVI.

1 Præterea oculi spiritu pleni, perspicui, & delicati contra-  
hunt morbos solo aspectu morbosorum: sicuti speculum Vid. lib. 4. de  
sensu versum.  
aspectu menstruata maculatur. Et hoc malum igne, aceto, & di-  
uersiuis soluitur, antequam lædat humores; & rebus contra pe-  
stem armandi sunt delicatiorum oculi.

2 Præterea oculos virulentos esse, inficeréque aspectu decla-  
rat fascinum, & menstruata speculum, & filum corruptile. Non  
quia spiritus pestiferi ex pupilla egrediuntur, vt Medici putant;  
sed vapores virulenti ex adnata tunica, & lux reflexa ex aduer-  
so, tincta oculorum specie praua; de quibus alibi.

3 Oculos fascinantes vix sanabis purgationibus in senio, & ha-  
bitu prauo donatis. Qui autem ex accidenti tales fiunt, cū men-  
ses supprimuntur in mulieribus, sanabiles sunt per pharmacum  
purgans prauos humores vetustos, vt ex helleb. antimon. & præ-  
cedentibus præparatiuis, consimilibus his, quæ dantur peste affe-  
ctis; & continua oculorum lotionem cum aqua ros. & aceto.

Dantur amuleta contra fascinum plura, quæ alibi reperies.

*De morbis aurium generatim.*

CAPVT VII.

1 Auribus contingit dolor multiplex: sonitus præter naturam,  
verus, & falsus; surditas, grauitas, vlceratio, &c.

*De aurium doloribus, & cura.*

ARTIC. I.

1 Cvm dolent à frigore aures, quod quidem omnibus carti-  
laginibus inimicum est, ossibus, & neruis, exanguibusque Cura doloris  
aurium à  
frigore.  
parti



partibus: id quod ex præcedentibus agnosces, & quia nulla grauitas, neque acumen in dolore; tunc calida instillabis olea, vt irinum, rutaceum, & cæt. atque calida cataplasmata, & facculos, & cæt. totam aurem ambientes, applicabis. Confert etiam si sal, allium, cæpa, piper, & huiusmodi in oleo ebullierint. Item fomenta.

- A calore.* 2 Cum à calore, quod præcedentia, & feruor quidam purus indicant, frigida olea, vt ros. pop. &c. adhibebis, lac, solatrum, &c. Haud tamen frigidas res summe applicabis, vt niuem.
- Ab inflammatione.* 3 Si etiam inflammatio aderit, quod febricula, & dolor pulsatilis manifestant; detrahes insuper sanguinem, & frictione, & clystere auertes, & cucurbita. Iniicies adipem gallinaceum, aut anserinum: applicabis lac muliebre, albumen oui, & res obtuspefacientes, ne inflammatio cæteris neruis, & membranis cerebri communicetur: temperabis opium castoreo, & sapa, &c. secundum artem.
- Ex suppuratione.* 4 Si suppuratur phlegmone, extrahere curabis, & lini succum cum rosaceo, & chamomil. adhibebis.
- Ex viscos. humoribus.* 5 Cum viscosi humores obstruentes dolorem pariunt, præcedentia, & grauitas auris declarabunt. Aperient absque rosione vias oleum amygdalinum, & amaræ amygdalæ, & aristolochia; & vitis albæ radix, centaureæ min. folia.
- 6 Si spiritus inflans egredi non valeat calidis discutietur; sonus eius est index.

### De sonitu auris.

#### ARTIC. II.

- Opinio Medicorum de sonitu auris.* 1 Sonitum auris fieri à flatu egredi non potente putant Medici. At si calidorum applicatione, & capitis purgatione per pilulas, & sternutatoria, & masticatoria, non defecerit: tunc acrimonia auditus fieri autumant; nam in edix tempore crescit. Sed quæ, & in quo sit acrimonia sensus, non docent.
- Historia.* 2 Equidem exquisitissimo auditu natura donatus nunquam hoc malum expertus sum, nisi ex quo in subterraneo carcere degere coactus sum: & primò cœpit in aure sinistra sonitus quasi locustarum, & ventorum sibilantium tenuis: nec putabam intra me illum esse; deinde cœpit in dextra, & aucti sunt paulatim: ita quod quasi ventos immites sentio semper insufflantes, & sibilantes, sicut solent cum per angustias transcunt; sed propriè intra

cere



cerebrum veluti rumores trochearum paruularum, quibus qui fericum ex folliculis calida in concha exglomerant, fila aduoluunt, & in rotas exinde magnas intorquent; crescunt cum nimis vigilo, aut nimis studeo, & lucubro.

2 Inedia, & exercitio minuuntur. Haud tamen pharmaca, præter quædam olea calida, adhibui absque adiumento; neque enim datur mederi. Cæperant minui, nunc in idem ergastulum reuerso aucti sunt. Soleo thus, & sulphur apponere: sed aer calidus siccusque magis prodest.

3 Quando igitur spiritus non potest expellendæ humiditati operam dare, sed aliis incumbit exercitiis, sibi soli & non corpori communibus, tunc augetur sonitus. Ergo à flatu fit, ex humiditate concepta intra tympanum auris, solutaque calore spiritus procul dubio; nunquam tamen penitus excludere poteris.

*Conclusio,  
unde causam habeat.*

4 Acrimonia autem sensus nihil est, nisi ipsius spiritus tenuitas, & vigor, qui flatum non facit, nec sonitum præter naturalem implantato aëri intra tympanum: sed accidentalis, crassitiei molem vincens in flatum vertit modo.

Remedium ergo est capitis exsiccatio, & expurgatio: olea enim foedus cum morbo, non victoriam parant, nisi princeps causa dissipetur.

*Curatio.*

5 Viscosi autem humores nequaquam sonitum edunt, ut Medicis placeat, sed potius obstructionem, surditatem, & grauitatem auris: nec enim facile in flatum vertuntur solo auris calore, nisi è ventre ascendant: sed omnem sonitum à solo vento fieri putandum.

6 Qui etiam ex morbis conualescunt, sonitum quandam sentiunt, ex eo quod spiritus debilis sordes excutere non potest: febris enim omnem flatum exsiccatur, & causam.

*Non è rationes causas præfacientes.*

7 Qui prope crisin sonitum patiuntur: palam est, quod sanguis cum flatu sursum ad nares confluens, est in causa, quo erumpente simul cessat sonitus.

Similiter qui à percussionibus fiunt, humore, & vapore attritis fiunt. Medela ergo semper erit principalis causæ destructio.



## De surdis, &amp; surdastris.

## ARTIC. III.

*Surditas à flatu non fit.* 1 **S**urditas à flatibus fieri nullo potest modo. Ego enim tot annis flatibus laboro, & quasi ventos vehementes audire video, nil tamen sensus externarum rerum immutatus est. Immo præ multis sociis, & hominibus ipse exquisitius audio à longè valdè, ita ut mirentur qui putant se per me, tam à longè murmurantes non audiri.

*Surditas naturalis à quo.* 2 **S**urditas à natura auditoriorum obstructione, aut meningis carentia, euenit: & hi omnes muti absque voce, non absque sono, sonus enim naturalis est: vox per auditum addiscitur, & sermo, &c.

*Corroboratio Medicorum.* 3 **M**edici vel à biliosis humoribus fieri surditatem dicunt, vel à crassis, viscosisque: at si obstructio est in causa, à quocunque fiat humore, facit surditatem: sed longè minus à bile, quæ tenuior præ cæteris est.

*Hipp. iudicium comprobatur ratione & historia.* 4 **V**erus est sermo Hipp. quod alui deiectiones biliosæ solvunt surditatem accidentalem, quæ in crisi bus fit, quoniam etiam à capite omnes humores educunt consequenter: & quod cessantibus deiectionibus obsurdescunt quidam, sed non omnes: sed in quorum caput ascendunt humores multi vsque ad aures, cum præsertim sordes aurium biliosæ sint ita, ut videantur cauterium excrementorum bilis, sicuti nares excrementorum pituitæ: oculi excrementorum roris. Vidi etiam puerum quadriennem, qui fœtidas sordes semper, & suppurationes in auribus habebat, nec dum loqui valebat: putabatur mutus, audiebat tamen vocem, & sonum, & imperata capebat. Acciderunt autem illi deiectiones biliosæ, & aquæ per tres dies, & statim aures sanatae sunt, & loqui coepit rectè, sicuti pueri eiusdem ætatis; & ita pulchriorque perseverat iam septennis. Ergo dantur crises etiam naturales absque morbis. Ille enim in cæteris rectè valebat, & plurimum edebat; & omnes malitias purgatio tollit, præsertim si naturalis.

*Cura surdastrorum.* 5 **S**urdastrum ergo purgandi sunt pilulis cocciis, & masticatoriis, & sternutatoriis, caputque siccandum; in aures iniicienda olea dissoluentia crassitudinem, ut anethi, irin. lauri, &c. & succus furae, & castoreum cum melle. Ego tamen fomentis incisiviis plus tribuo,



tribuo, vt si in aceto coquantur thus, sulphur, cynam. piper indicum rubrum, limonum acida, origanum, absinth. maiorana, & huiusmodi; horumque fumus auribus excipiat bis in die ieiunis. Ratio enim valde suadet, his posse attenuari humores, & aperiri vias.

6<sup>a</sup> At si nec conuulsio adest, nec resolutio, sed destructio meningis, fit surditas immedicabilis.

*Surditas incurabilis quæ.*

7<sup>a</sup> Profunt per magiam quæ auditu vigent animalia, vt lupus, vulpes, mus.

8<sup>a</sup> Terpander surdos Musica sanauit discutiens humores, & spiritum alliciente, & ventilante ad aures; quod vtilius si dentibus citharæ capulum surdastrangant.

*Cura ex Musica.*

9<sup>a</sup> Prodest etiam cornu argenteum se dilatans in aërem, non secus ac ocularia prauè cernentibus: colligit enim aërem, sicut vitrum lucem. Vtilius erit æneum, & quò gracilius, melius: hinc fieri possunt differentię plures, sicuti ocularium.

*Auricularia analogæ ocularibus.*

### De ulceribus aurium, & parotidibus.

#### ARTIC. IV.

2<sup>a</sup> **V**Lcera aurium, sicut & cæterorum membrorum, curantur.

2<sup>a</sup> Paretides verò, quæ glandibus adiacentibus innascuntur, tubercula sunt; quæ cum fuerint critica, naturæ iudicio sunt relinquenda: cum vero per se fiunt, sicuti apostemata curantur, molliciantur, suppurantur, secantur, abstergantur, incarnantur, &c.

*Cura.*

### De morbis olfactus.

#### CAPVT VIII.

1<sup>a</sup> **T**ollitur olfactus per obstructions, vitatur per foetores; minuitur per amputationem nasi, & per catarrhum: contingit & abscessus febrilis pustularum, puris, & sanguinis profusio.

*Aut tollitur, aut vitatur, aut minuitur.*

### De narium obstructione, & cura.

#### ARTIC. I.

1<sup>a</sup> **O**bstrectio duo mala infert, alterum pulmone, alterum voci: mucres enim, quibus purgatur cerebrum in pulmone

*Obstructio narium quibus obstr.*



nem reflectuntur; cuius morbos post modum curabimus, aut fauces obstruendo, vocem vitiant. Si autem in capite retinentur, morbos soporiferos parant. Præterea impeditur spiritus cerebri, quo minus odores sentiat; neque cerebrum eis confortari, & spiritus refici possunt.

2 Quapropter conandum est pituitosas has viscositates per odores aceti, piperis, sinapis, & huiusmodi, tollere: quorum aculei, quasi cunei, penetrant, inciduntque mucorem, ac stimulant spiritum ad expulsionem.

3 Quæ si non proderunt, vtemur pilulis de agarico ad capitis exonerationem; deinde frontem, & spongiam osseam narium oleorum calidorum destillatione crebra tentabimus. Addemus sternutatoria de succo tabacci, de pulueribus castorei, hellebori albi, nucis mosc. &c. Vel fiant quasi pastilli de semine staphidis agr. pyrethr. piper. albi, nigellæ, struthij, hellebori albi, tostis cum terebinth. & cera, actis in formam pyramidis, naribus includendi, &c.

4 Canis sagacissimi, & vulturis, & vulpis nares in puluerem actæ, his mistæ, & epotæ etiam conferre possunt: similiter cor, & cerebrum destillata acuunt odoratum. Venus præest olfactui, si sit in bono situ cum Marte, Saturno, &c.

*De factorum, & ozænarum cura.*

A R T I C. V.

1 **F**œtores extraneos facile declinamus: sed qui fiunt intus à putridis humoribus, unde omnes cibi fœtere ægrotis videntur, per purgationem humorum tolluntur; qui autem ex ulceribus nasci, si ulcera sanentur. Quorum principatum tenent ozæna, quæ sunt ulcera narium profunda, & putrida: graueolentia ita, ut separent maritos ab vxoribus.

*Ozænarum  
causa apud  
Medicos.*

2 Medici causam dicunt acres, putridos humores; sed cur in aliis partibus non fiunt, tacent. Puto equidem aliquid cancro simile esse; & ex sanguinis fuliginosi vitiiati fœcibus fieri, & propterea mulieribus suppressis mensibus plerumque accidere; ut Principissa Besediarum; & altera fœmina, vtrique incurabilis, testantur. Cum autem in cartilaginibus nasci radices egerint, confirmantur, & regnant à venis nutritæ, se inde expurgantibus. Fuit fœmina, cui suppressi menses qualibet lunatione per nares purgabantur: sentiebátque sanguinem ascendere intensione hy-

*pochon*



pochondriorum. Solent in mammillis eadem ratione oriri cancri, quoniam menstruus sanguis in lactis officinam non purgatus accedit.

3 Purgabis ergo corpus pharmaco contra bilem atram, & purificabis sanguinem aloë, & sanguinaria; deinde caput confortabis, radendo prius, & imponendo oleum ros. gallam immaturam, acetum, folia salicis, myrrham, & huiusmodi adstringentia per dies nouem. Cura.

Adstringentia etiam ad repellendum vlceri adhibebis, & discutientia quod eò confluit morbosum. Valent pulueres myrrhæ valde in sanguineis vlceribus, & aluminis virtutem probauimus, & oleum sulph. fal. crocum, thus: quorum pulueres in nares insufflabis ad vlcus. Prius autem absterges melle instillato, & per sternutationem eiecto. Vinum album austerum proderit ad idē. Sanant pulueres mirificæ, & præcipuè quinta istarum rerum essentia: excusat enim à ferro, & igne, tanta ipsius est vis.

*De quibusdam morbis narium dicere nil oportere.*

### ARTIC. III.

1 **C**Vram catarrhi superius declarauimus. Abscessus à febriculis, naturæ idcirco relinques: similiter criticum puris ex capitis intrinseco apostemate effluxum; sanguinis quoque post conflictationes, vt in quarto libro de crisi bus agentes docuimus.

*De sanguinis profluuio ex naribus.*

### ARTIC. IV.

1 **P**rofluuium sanguinis ex naribus quidam ob percussione[m] Causa flux. sanguinis. & casum patiuntur ita, vt difficile sisti possit. Aliis ex insolatione, & exercitio sanguis attenuatur, & feruet: &, sicut vinum nouum vtrem, rupit venam. Aliis accidit hoc sponte ex sanguinis copia, & tenuitate sursum tendente, exituque crebro moliente.

2 Eadem remedia cunctis valent ad sistendum fluxum: sed ne iterum fiant, oportet horum rectificare sanguinem cibis, & potibus, qui parum sanguinis, & crassum, non tenuem gignant, vt vinum rubrum, aquosum: vel melius est aqua cisternarum, cucurbitar, endiuar, carnes anseris, anatis, cum agresto, vel absque brodio, vel modico, modica caro: pedes vituli, & arietis, &c. portulaca, & buglossa in brodio, & iam dicta. Cura.



3 Siftunt sanguinem venæ ex aduerso directę sectione Medici, & stringendo ligulis iuncturas manuum, & pedum, vt spiritus eò vertatur cum sanguine: cucurbitulam jecori affigunt; capiti epithema de plantag. solatr. portul. polygoni, & similium succis frigidorum: linteum aceto madidum ceruici. Ex oui albo, thure, aloë, & leporis pilis componunt centonem naribus apponendum, & succum menthæ exprimunt, & spongiæ particulam aceto feruido madidam, sterus asininum, aut porcinum torrefactum, succum caudæ equinæ, gossipium vstum.

Equidem concham aquæ frigidæ parauit, cum Medici Abbatissæ sanguinem sistere nequirent: iussique pedes nudos imponi; & repente fluxus cessauit. Prodest etiam testiculos frigida, acetóque perfundere, & ceruicem, vt retrocedat spiritus cum sanguine: & tunc nares adstringentibus, & solidantibus fouebis. Utuntur Constantinopolitani sanguine sicco hominis rubri, quo statim refugit ad interiora fluxus per timidam antipathiam. Iaspide & sanguineo lapide quidam sanantur, quod expertus deprehendi inutile. Possunt longo tempore gestata prodesse, non autem extemplò.

*De amputati nasi instauratione.*

A R T I C. V.

1 **A**Mputatus nasus adhuc calidus vulnere appositus consumtusque seruetur vniturque, non secus ac insitus plantæ ramusculus. At cum particula amputata perditur, & vulnus inueteratum incrustatur, reficere nouerunt nasum Calabri Tropienses: quorum resectos vidi multos, ex proprij brachij interiori musculo, non alieni; quando enim ille moritur, moritur & particula nasi ex eius carne resecta, vt diximus in 4. lib. de sensu rerum.

*Est familia  
in Tropæa  
serum aspin-  
tatorum me-  
dica.  
Curatio.*

2 Crustam ergo abradunt, renouant carnem, & in brachij carne interiore vulnus oblongum faciunt, in quod calentes nares immergunt; ligant brachium capiti per 20. dies, & pascunt glutinosiscarnibus patientem, vti autumo, non enim interrogavi. Interim nares agglutinantur brachio, & concrescit sanguis in carnem; deinde resecant vna cum contenta carne nasum informem, sanant brachij vulnus, & reformant nasum ad suam originem, superfluaque recidunt, pulueribus, & succis consolidant, quæ nescio, sed facile est coniecere ex Chirurgia.



*De morbis organi gustus.*

## CAPVT IX.

**C**ontingit linguæ, primario gustus instrumento, paralyſis, & *Morbi organi gustus.* conuulſio impediens motum, & ſenſum, de quibus iam loquuti ſumus: præterea ampullæ, & vlcera, & inflammationes. Item obſtructiones, ſpongiæ, vt ſenſile non admittat, & interdum omnia vnus ſaporis videntur, videlicet, aut amara, aut inſipida, aut, &c.

*De obſtructione, & fallacia gustus.*

## ARTIC. I.

**1** Obſtructiones linguæ acetum aperit, propterea præmit- *Cura ob-*  
tuntur acetofa, vt gustus impedimenta tollantur: vel in- *struct.*  
terponuntur in menſa, quando pinguedo incipit nimis opplere,  
aut craſſitudo cibi obſtruere: vtrique enim eſt vſui.

**2** Res obſtruentes, ſi biliofæ ſunt amaræque, cibum quoque *Cura altera-*  
amarum apparere faciunt, vti cornea crocea viſilia omnia crocea: *si saporis.*  
ſi inſipidæ, ſimiliter inſipida; ſi foetentes, foetentia. Remedium erit  
illos humores purgare, qui talem falſitatem in guſtu faciunt, ſicut  
dictum eſt in lib. 4.

*De aſperitatis cura.*

## ARTIC. II.

**A**ſperitatem linguæ aceto, & ſaccharo tolles; ſimul enim in-  
cidunt, molliſcant, & abſtergunt.

*De inflammationis linguæ cura.*

## ARTIC. III.

**I**nflammationem ſanguinis minutio ex vena ſub lingua, & cu-  
rbita in occipitio cum ſcarificatione, & applicatio refrige-  
rantium ſanat.



*De balbutientis linguæ cura.*

## ARTIC. IV.

*Balbutiunt.  
velligamine,  
vel imbibiti  
humoris co-  
pia.*

**I**mpedimentum linguæ balbutientis si moueri bene ad arbitrium nequit, sectio ligaminum inter linguam, & inferiorem mandibulam, aufert: & capitis desiccatio, si plurimo humore completa non obedit. Gargarisini, & sternutatoria, & alia superius dicta, adduntur.

*De excoriatione, & pustulis linguæ.*

## ART. V.

**E**xcoriationem vinum asperum cum farina emendat. Pustulas & vesicas eiusdem, & gingiuarum, succus mororum, & quiet.

*Cur de cæteris morbis oris & partium dicere  
conueniat.*

## CAPVT X.

**Q**uoniam dentes, & os, & gurgulio spectant ad gustum, & vocem, quæ cognoscitiui organi sunt, istorum mala dicere simul libet.

*De stupore dentium.*

## ARTIC. I.

**D**entes obtupescunt acidis rebus, suo acore radices usque dentium penetrantibus, & spiritum resoluentibus, & rodentibus humiditatem, qua agglutinantur, ac sensum deficientibus.

*Medela Ap.* 2 Medela est his abstinere, vel saccharo miscere, & confecta re acida; acetaria verò sapa. Et cum passio affuerit, tollitur ciborum pinguedine, & dulcedine.



## De dolore dentium, &amp; cura.

## ARTIC. II.

<sup>1</sup> Dolorem dentium frigidis ex causis curabis vino calido & *Cura doloris*  
 incocta salua gargarizando. Malas autem oleis calidis *dentium à*  
 inunge, & frontem. Pulegium, organum, hyssopus, satureia, *frigore.*  
 verbenā, sal, thus, & similia in vino calido addantur, ubi opus  
 fuerit.

<sup>2</sup> A calidis causis, & humoribus, acutiorem dolorem sedat por- *A calore.*  
 tulaca, solatrum, & glycyrrhiza, parietaria coctæ in aceto: quo col-  
 luantur dentes.

<sup>3</sup> Si humores in corpore abundant, qui dentibus simul obsunt, *Ab humoribus.*  
 purgentur: si sanguis cum bile inflamat, scarificentur: secetur  
 & vena, præsertim sub lingua.

<sup>4</sup> Reprimunt confluentes causas in locum affectum succi por-  
 tulac. cichor. ros. cum aceto exiguo. Immatura galla cum aceto  
 calido affricata valde prodest, & salua, & sal ad sedandum dolo-  
 res. Discutiunt melilot. orig. hyssop. fœnug. &c. Dentaria herba ex  
 sympathia plurimum valet, & ebur, & granatum.

<sup>5</sup> Nucis medulla, nucleum cingens, & determinans, vsta pro-  
 deest doloribus dentis: & cum vermiculus videtur innatus corro-  
 dere, clavi igniti acumen.

<sup>6</sup> Si remedia non prosunt, oportetque eruere: cinis vermium *Cura ut ca-*  
 terrestrium circumraso inspersus denti per noctem, diemque *dant.*  
 vnum efficiet, ut sponte cadat; similiter eruca brassicarum affri-  
 cata. Item sapæ radix calefacta sub cinere; & pyrethrum in ace-  
 to per dies quadraginta maceratum: deinde tritum asseruatum-  
 que, cum opus erit, spatio horæ dentem sine dolore eruct; sed cæ-  
 teros cera vesties, ne simul lædantur.

De nigrore, mobilitate nutationeque, dentium,  
 atque cura.

## ARTIC. III.

<sup>1</sup> Dentes lineescunt, & nigrescunt excrementitij humoris *Cura nigro-*  
 descensu in radices. Inducant hoc mulieres idrargyro, *ris dentium.*  
 & medicatis rebus faciem fœdantes: quarum nemo misereri  
 debet.



Cura.

2 Si oportuerit purgabis corpus, aut saltem caput per nares forti sternutatorio hellebori albi præ cæteris. Desiccabis prius dictis myrrha, nigella, salu. &c. Quibus etiam absterge dentes. Asfricabis nitro, sale, alumine, galla, menta sicca, myrto sicco, ex quibus variæ possunt componi medelæ. Addunt alij fccas rosas, granata vsta, cupressi baccas.

3 Incarnantur sanguine draconis, mastiche, myrto, & astringentius.

4 Firmantur cum nutant; nutant autem exsiccatum radicum humore. Vnde ego qui dentes habeo mundos, & fortissimos, cum nimis lucubro, sentio in eis acrimoniam & nutationem. Saluia, myrto, thure, roremarino, & somno, firmantur optime statim. Nutant mulieribus fuco vtentibus, quia radices erodunt.

Recipe pineam paruulam nouellam vnam, baccas myrti, cupressi, radicem saluiæ, rorismarini, thus, mastichæ; gallam, rubum, balauft. granat. coque in vino græco optimo, & vtere decocto vel destillato eorum colluendo dentes, & retinendo in ore, quantum potes mane, & sero.

Oportet quotidie dentes abluere, & fricare ab assumpto cibo, & somno, ne reliquiæ ciborum, & influentes humores calculum aggenerent, & fœtorem, & liuorem.

### De fœtore oris.

#### ARTIC. IV.

**F**œtor oris si à ventriculi corruptione manat, potentior est in ieiuniis. Purgabis ergo ventriculum, vt infra docebimus, & in vase myrrhino bibes; vel aliquid myrrhæ potui impones.

2 Si fœtor oris ab vlcere gingiuarum, aceto scyllitico, & myrrhato os sæpè collues. Item decocto rosarum, gallarum cupressinarum, nucum, alum. balauft. granati, & similium vteris; maxime autem vino astringentiuo, & saluia, & cineribus præfatarum rerum; aut oleis.

Aphra



*Aphtharum medela.*

## ARTIC. V.

1 **A**phthæ vocantur vlcera flammantia ferè, quæ in oris superficie, præsertim infantium, à calefactis redundantibus humorum. siquidem, & rubræ, & flauæ, & albidæ, & subnigræ cernuntur. *Aphtha.*

2 In infantibus lac nutricis vitiatum est causa, vel ipsorum praua nutritio. Curantur curata nutrice; vel mutata. Conueniunt cibileniter adstringentes frigidiusculi, ac puri cum aliqua stypticitate, vt pyra, mespila, coronea, caro pullorum cum cichorea, & similibus. *Causa. Cura.*

3 Os collues in sanguineis, & flauis, succo roris marini. plantag. solatri, &c. vel ipsorum aquis. In albidis myrrha, mastice, cupressi. vteris. In liuentibus melilot. fœnugræc. aneth. addes prædictis succis, aut aquis.

4 Eadem conferunt adultis, sed fortiora adiuncta, iuxta complexionem ipsorum itidem variatas. Additur enim inflammatis sectio venæ: aliis purgatio, prout, &c.

5 Adde glycyrrhiz. fœnugræc. &c. melil.

6 In putrescentibus gallam contusam cum melle coctam, cinerem centaurij, cupressi, cornu ceruini, misce, &c. Fœniculi radicem vstam cum melle validum probant remedium.

*De tonsillarum inflammatione, & ulceratione, & cura.*

## ARTIC. VI.

1 **D**E tonsillarum inflammationibus, & vlceribus simplicibus, & malignis, glandularum nimirum inter os, gulamque, vtrinque interiacentium, probè philosophati sunt Medici. Inflammantur enim à repletionem nimia incalescente, & à crapula, præbentibus cibis acerbis occasionem in transitu per stimulationem, & compressionem. Infantibus verò lac nimium, & non sanum: vnde difficultas accedit deglutiendi, dolor, & aliquando febris. *Causa.*

2 A principio ergo auferro vinum, & cibos acres, & duræ itidem substantiæ, ne stimulent in transitu tonsillas. Contentus erit æger aqua hordei, & cibis forbilibus frigidæ substantiæ. *Cura.*



3 Gargarismi dentur ex adstringentibus, & reprimentibus blandè austeri saporis, non acerbi; vt decoctio rosarum, palmularum, rubi, fol. vitis, cyper. sorbi maturiscentis, filiquarum, &c. Si autè necessitas vrget sorba minus matura, myrtus, mespila, cotonea, quercus, furcula, &c. decoquantur, &c. Valent etiam flores granati, acacia, putamina pyrastrorum, & similia, stypticitate prædita. Componunt etiam ex aquis rosarum, plantaginis, oxal. foliatri, prunellæ, rubi, balauft. acac. & similibus gargarismos, &c.

4 Si inflammatio vrget, secabis venam. Adde clysterem: pueris suppositoria, si minus euacuant. Collo linientia olea, & succos refrigerantes alligabis. Declinante inflammatione contrectabis leniter tonsillas, vt detumescant.

5 Hæc si non iuuerint, suppuratio subsequetur in fine exacerbationum maiorum. Idcirco iuuatur calidioribus gargarismis ex seminis althææ, hyssopi, & caricarum decoctione; & foris cataplasma. ex farina hordei, althæa, melle, fœnugræc.

6 Maturescente suppuratione, validioribus ad rupturam. Quam mox mulla, & ros. aqua collues sæpè, vt incrustetur, & mundificetur. Caue ne cibis obsit. Ingere sorbitiunculas per infundibulum.

7 In vlceribus præsertim exsiccatarum faucium, cum suffocationis periculo, venam quoque secabis; & cucurbitulis, & menstruis, & hæmorrhoidum prouocatione diuerres. Vteris gargarismis iam dictis. Vlcera non tanges manu, neque crustas auferes, sed cinere arundinum, & centaurij, & similibus cum melle oblines. Adde gargarismos blandos de glycyrrhiza, mastice, myrrha, tragacantho, amylo, croco. Lac item cum terra sigillata, & superius dicta cataplasmata. Et perfecta purgatione, & obductione, valent adstringentium, & solidantium gargarismi, stypticarum rerum, non acutarum; vt rosar. myrrhæ, &c.

*De columellæ inflammatione, & relaxatione.*

ARTIC. VII.

*Cura.*

- 1 Inflammatio columellæ easdem rationes habet in victu, & medicina cum tonsillarum phlegmone.
- 2 Si verò laxata fuerit elongataque nimis, vt multum afferat impedimentum deglutiendo cibo, & respirationi; extenuantibus

*utere*



utere medelis, & sicuti in inflammatione: facile enim curatur, si febris deest, & tumor in collo, & oblongatio: vidi enim solo tactu pulueris piperis exsiccare. At ubi confluunt humores, caput sic-candum: sanguis mittendus. Purgatio per sternutatoria, & clysteres adhibeantur. Gargarismi ex decocto rosarum, gallarum, oxalid. eupat. myr. thure, alum. aceto permisto.

3 Si autem ista non iuuerint, & suffocationis periculum vrget, *sectio.* iubet Hippocrates præcidi forcipe extremam particulam modicam tumentem, prius exceptam: ut confluat omnis humor, & detentione sensus stupefcat, & reclinato capite ad sanguinis abscessum. Colluatur decocto gallar. rosar. & rubi, & huiusmodi, ut vulnus exsicceatur, & incrustetur, & sanetur.

## De angina.

## ARTIC. VIII.

1 **A**liquando contingit suffocationis sensus in gutture absque *Ex Medicis forma generat. angina quadruplex.* vlla interiori, vel exteriori inflammatione; aliquando solæ fauces insuper inflammantur: aliquando & fauces, & extrinsecæ partes. Aliquando etiam laxatur vertebra cervicis ad partem anteriorem, & cavitatis ibi inter duas relinquitur. Igitur angina quadruplici ratione videtur fieri Medicis, cum difficultate spirandi, & impotentia, nisi recta ceruice; similiter transglutiendi; & hiatu oris, faciei, & colli rubore.

2 Causam dicunt sanguinis in fauces confluentis copiam, pro- *Causa & causa.* ptereaque statim venam secant humeralem, & per vices eadem dic. Acutissimus enim morbus repetitis, & assiduis eget remediis, quantum vires ferunt, nec morbus cedit. Addunt cucurbitulas, & linguæ venæ scarificationes, & frictiones, & ligaturas in extremitatibus, ut sanguinem aliorum diuertant. Menses prouocant, aut hæmorrhoides; clysteres acres parant.

3 Benè quidem hæc, sed nequaquam solum sanguinem posse *Animaduert.* inflammationem tam perniciosam facere, sed acres humores à *sis.* cerebro delapsos cum viscositatibus irritare glandes, & venas faucium, & carnes; ac proinde sanguinem confluere, intumescere, & obstruere: qui si purus sit, nec putrescat, febrem non facit; sed sola sectione venæ morbus tollitur, & modicè reprimendum, & diuertentium applicatione.

4 Si autem febres affuerint, bilem simul, & humores impu- *Cura cum complicatur febris.* ros adesse nunciant: maximèque cauendum, ne in pulmonem *fiat*



fiat abscessus, cum mortis periculo intra septem dies. Propterea-  
que vndique fiat attractio iam dicta in membris: & regressio lenis  
in faucibus per gargarismos decocti rosarum, palmularum, len-  
tium, myxariorum, & mulsæ.

Et in vigore morbi adhibe decoctum ficuum, scœnogræci, pas-  
sularum, glycyrrhizæ, hyssopi viridis, nigellæ, abrotani, oxymelle;  
quorum marmata collo applicare, aquas gargarizare libet. Cata-  
plasmata etiam huiusmodi bona sunt. Recipiunt althæam, &  
maluam, & farinam hordei, chamom. melil. & similia, & c. olea  
quoque eorundem.

*Ad suffoca-  
tionem.*

5 Contra suffocationem, & vt deglutitio faciliteretur, Galenus  
stercus canis ossibus nutriti exsiccat, agit in puluerem, cribrat, &  
cum melle faucibus illinit. Nec ratione vacat etiam magica, qua  
pollet cinis hirundinis, & bocij, & ani gallinarû, & colli ranarum.

6 In nouo genere anginæ, quæ concreatur Neapoli, inuentum  
est venam iugularem fecandi in collo valdè prosperum.

*De morbis potestatiui organici, impediētibz operationem co-  
gnoscitiui, id est vocem; & communicantibus ori.*

## C A P V T. XI.

*Pectoris mor-  
bi septem.*

1 C Onsequenter se habent ad oris, & gutturis morbos ij, qui  
in pectore fiunt ob communes causas, & quia lædunt ope-  
rationem cognoscitiui, quæ est vox, sonusque, licet sint potesta-  
tiui potius labores. Iste tamen locus sermonem de his efflagitat.  
Sunt autem hi; tussis, asthma, peripneumonia: sputio sanguinis,  
phthisis, pleuritis, suppuratio.

*De tussi, eiusque cura.*

## A R T I C. I.

*Quid tussis,  
& quæ causa  
in analogia.*

1 T Vssis ergo est conatus spiritus stringentis infernè, & ape-  
rientis supernè guttur, cum impulsu ad expellendum ali-  
quid noxium per arteriam, aut œsophagum: & sicut sternutatio  
in cerebro per nasum; & febris in venis: ita tussis in gutture.

*Sola intēpe-  
ries frigida  
non facit tussim  
absque  
obica in gut-  
tore.*

2 Quapropter nequaquam putandum solam intemperiem or-  
ganorum respirationis frigidam posse tussim excitare, vt  
quidam Medici scribunt, eo victi argumento, quod dum os ape-  
riunt & loquuntur, tussiant, & nil expuunt; silentes verò non  
tussiant,



tussunt, & calidis iuuantur, frigidis læduntur. Nulla enim in-  
temperies, nisi quid viam spiritui impediatur, tussim facit. Qua-  
propter cum loquuntur siue in calido, siue in frigido aëre, ali-  
quid pendulum ex infundibulo capitis ad fauces, vel adhæres-  
cens arteriæ vocali, agitur, & impedit. Manifestum est enim,  
quoniam loquentes, & canentes, & bibentes tussunt, & expuunt  
irritando stillicidia. Accidit etiam aërem plerumque sordere  
pulvere, & fuligine, qui loquentibus irritat, lædit, & tussi excuti-  
tur. Idem fit, si quid mali est in pulmone, & status impulsu ir-  
ricatur. Profunt autem calida olea, & cibi; quoniam vias ape-  
riunt, & guttas noxias solvunt: hoc autem in collo, & pectore, &  
capite, & in aëre blando calido.

3 Aliquando fit tussis tenuis ex destillatione liquorum subti-  
lium, & acrium, ex capite in arteriam, quas spiritus repellere co-  
natur in respiratione obuia. Hac in re primo roborabis caput ex-  
ficcatius rebus, & cibis adstrictiuis, facili coctionis, substantia  
frigidis: ne vapores eiusmodi creentur, in tales stillas cōcrescen-  
tes; de quibus abunde dictum est pluries. Quæ acrimoniam,  
& tenuitatem temperant, sunt saccharum, viola, nymphaea, gly-  
cyrrhiza, diapenid. pilulæ bechicæ, syr. viol.

4 Si autem tussis à crassioribus, & viscosioribus destillationi-  
bus fiat, tunc sicut in catarrho medicinas adhibebis attenuati-  
uas, purgatiuas, diuersiuas; & semper respicies ad pectoralia si-  
mul, vt hyssop. ficus: passulas, fœnic. marrub. agar. &c. Olea ca-  
lida, & butyrum pectori, & pinguedines, & alth. & fœnugræc.  
& huiusmodi vnguentum component, cætera vt sup. Aër sul-  
phureus Putcolanus prodest: potes in aula magna ipsum imitari  
hinc, & inde, vbi deambulas sulphureas testas accendendo.  
Odores qui prosint planum est.

*De respirationis difficultatibus.*

ARTIC. II.

**P**Lurimæ sunt species morborum lædentium respirationem  
per consensum; in cunctis enim ferè morbis validis præ-  
fertim capitis, vel pectoris, aut tollitur, aut debilitatur, aut vitia-  
tur, de quibus dictum est prius atque dicetur. Nunc autem de  
his, qui fiunt in organo, affectibus, dicere oportet.

*Morbi pe-  
toris ex ca-  
pitis vitia-  
nt debili-  
tate, aut tol-  
lunt respira-  
tionem.*

2 Quod debilitato spiritu, vel à febre, vel à cursu, vel à labore



In tract. de  
pulsib. &  
respin. lib. 4.

sequatur parua, debilis, & crebra respiratio, etiam explanatum fuit; medelaque in promptu est spiritus refocillatio per ea, quæ subito spiritum augment, vt sunt odores, vinum, &c. Adde quietem à labore. Febris etiam labor est; pugnat enim eâ spiritus.

Triplex pas-  
sion. respirat.  
differentia  
dyspn. asthm.  
orthopn.

3 Cum autem neque præcedente labore, neque percalidum efflant spiritum, & difficulter anhelant, & absque febre; horum instrumenta patiuntur: passionibus autem Medicis vocantur dyspnœa, orthopnœa, & asthma. In prima est difficultas, & crebritas spirandi. In asthmate itidem accidit; & insuper cum sono respirant, & anhelatione, quasi qui à cursu id patiuntur. In orthopnœa vtrumque esse solet, & insuper non nisi recta ceruice spirant: iacentes enim, aut proni suffocari sibi videntur.

Causa qua-  
mor commu-  
nes præfatis  
morbi spe-  
ciebus.

4 Causa horum communis est angustia pulmonis, & arteriarum, quæ fit aut à tuberculo iuxta arteriam orto, comprimente eam, aut cum viscositas, vel lentor pulmonis bronchia occupauerit; paulatim auctus ex destillatione; vel cum subito ex catarrho arteriarum cavitatibus impingitur, & adhærescit. Potest etiam fieri, si muscoli pectoris intercostales viscoso fluore oppleantur. Addunt alij tuberculum in pulmone pro causa. Sed hoc accidere non potest citra febrem, & suppurationem; neque pertinet ad morbos simplices, de quibus iste sermo.

Accidentia  
quibus agno-  
scitur causa  
quavis spe-  
ciem singu-  
larem huiusmodi.  
Consideratio  
asthm.

5 Manifestum est autem, quod si citra febrem paulatim fit hæc difficultas, & absque sono in arteria, causa est tuberculum. Si vero etiam sonum stertorosum edant, causa est viscosus fluor crescens, pertinaciter impactus. At cum statim fit, à catarrho est. Puto asthma migrare in orthopnœam, auctis fluoribus viam obstruentibus. Proptereaque spiritus valdè dilatat pectus, vt aer ingrediatur: nec tamen tantus ingreditur, quanto est opus ob arteriarum vitium.

Cura asthm.  
in senio.

6 Si senibus, & absque plethora accidat asthma, nequaquam minuendi sunt sanguine: sed ante omnia puto caput purgari oportere, ne augeat stillicidiis morbum, vbi à fluoribus fit. Alius etiam, & ventriculus purganda, ne subministrent fœculentos fumos. Pectus calidis, & humidis attenuantibus, & absterilius rebus tentandum: sicca enim indurât fluores magis. Oxymel, oxysacchar. scylla cocta in melle, glycyrrhiza, hyssopus, marrubium, & alie pectorales herbe profunt tam in syrupis, & electuariis; quam in cibo. Res sicca omnes fugiendæ, magis autem si frigida. Pharmacum esto vomitorium ex raphano, & bu-



tyro, &c. Si per aluum etiam oportuerit fiant ex agar.trochisc. hiera, & oxym. pilulae, &c. Manna, & cassia fist. in aqua hordei profunt.

7 Præterea repete pharmacum ex aristolochiæ rotundæ radice, cent. min. stœchad. trita. calam. hyssop. irid. melanthij, &c. decoctione in aqua mulsâ. Adde caricæ, fœnugræc. glycyrrhiz. &c. Iuuat vul. ini pulmonis resiccati puluis, & aliorum animalium velocium cursu ad pulmonem confortandum ex sympathia, vt possit noxia expellere. Dentur autem in mulso, vel aqua hordei. Loch, & ea, quæ ore tenentur paulatim colliquescentia, & in pulmonem stillantia iuuant.

8 Thoracem butyro semper inunges. Adde cataplasmata ex ficibus, farina hordei, vel lolij, resina, melle, manna, iride, mulsâ, &c. Semper adde parum aceti, vt penetrent, & incidant. Oleorum destillationes, & aqua vitæ profunt, vel destillatio acetici cum oleo irino, anethino, medullis ossium, adipe anseris, vel gallinæ, & similibus.

Laudant etiam syrupum ex decocto trium librarum frondium tabacci, & expresso, saccharoque benè condito, cuius singulis diebus partem bibant, &c.

9 Equidem sanauit asthmaticum inueteratum solo exercitio quotidiano duarum horarum per montosam viam, vsque ad sudores validos. Addidi inunctiones, & quotidie 70. ferè amygdalas recentes in prandio, & ficus recentes in mane: mirum est quomodo post mensem conualuit, cum esset qui quadragenarius, & a 14. annis affectus. Rusticari, & laborare sub aëre tenui puroque inter virentia, optimum remedium est his, cæterisque pulmone affectis.

10 Cibus ergo sit calidus, & humidus, & tenuis, omnis expers viscositatis. Vinum non dabis, sed mulsam, vel aquam hordei; cum modico tamen vino albo non adstrictiuo, si stomachus cogit. Aër sit calidus, serenûsque. Sudor & exercitium ante omnia profunt.

11 Tuberculis verò lædentibus respirationem medendum est per exsiccantia, & attenuantia, qualia sunt atomata, & antidota, & diamb. diamosc. theriaca, mithridat. &c. Vstio in desperatis adhibetur.

12 Cunctis huius generis morbis eadem profunt pro rata magis, & minus, adhibita.



## De pulmonia, eiusque cura.

## ARTIC. III.

*Quidditas.* **P**Ulmonia, seu peripneumonia videtur Medicis esse pulmo-

*Causa.*

nis inflammatio cum febris, quæ quando ardentissima est, erysipelas in eodem indicat. Inflammatur autem, vbi laxitas pulmonis, & fistulæ sanguinem conceperint nimium, & pituitosum, qui obstructions faciat, & impedimenta: citra enim hæc, non fit nisi asthma, & paulò ante dictæ passiones, contra quas spiritus haud feruet. Rarò fit à bilioso sanguine; quoniam minus obstruit, retineturque minus ob illius tenuitatem, quamuis vbi erysipelas adest, & ipse adsit. Ex sputis etiam venari licet causas: flauum enim, & croceum mitionem bilis: liuidum fæcis: albidum phlegmatis iudicat in causa. Vbi autem sputa desunt, victus præcedens, ætas, anni tempus, & passionis ratio te admo- nebunt.

*A quibus si  
humoribus,  
& quomodo  
agnoscantur.*

2 Pulsus pulmonia inæqualis, magnus, languidus, mollis, & viduosus plerumque, ac dictotus; respiratio difficilis, & calida: dolor, vel nullus, vel exiguus sentitur, nisi & membranæ circa pulmonem afficiantur. Facies rubet feruore vicino; nasus in summo fit simus, venæ eleuantur temporum, prosternitur appetitus. Propendent aliqui in somnum, quibus pulsus, & respiratio minus crebra, & hoc ex languore spiritus. Febris enim acuta est valdè, sed pro magnitudine, & minoritate dictorum symptomatum, de causis diuinabis. Si autem passio admodum vehemens, & violenta, cum cordi insufflationes deficiunt, incipit caloris natui extinctio. Quapropter quidam dirius affecti ad quartum, vel septimum diem pereunt: rari autem ad vigesimum perueniunt: quo transacto suppurantur, & pus excreatum probe, vel per aluum, aut per vrinam eductum, sanat, nisi denuo vlceret in pulmone residens. Tunc ergo valent Medicorum auxilia, in aliis enim vix proficiunt: vbi præsertim vigilæ, & deliria, vngues liuidi, extremitates frigida.

*Prognost.*

*Cura.*

3 Victus peripneumonicorum esto absque pipere, sale, & acridine, & aciditate, ne vlcera consequantur. Sit abstersiuus absque vlceratione, & tenuis, ne crassitiem adiungat. Propterea laudatur cremor ptisanæ cum melle, hyssopo, origano, & cæteris herbis, pectus respicientibus. Valet & pulmo iuuenum anima-

lium



lium in cibo. Item amygdalæ succus, & pinearum cum mica panis. Potus sit mulsa, in qua præfatæ species aliquæ ebullierint, sorbilia ova recens nata profunt, & ius gallinarum, & pulmonis, in quo herbæ prædictæ coctæ fuerint. Prodest & vtræque pulmonaria. Frequenter, & parum bibant decoctum glycyrrhizæ, hyssopi, &c. in mulsa, vel aqua saccharo condita. Succus arundinis sacchari prodest similiter frequentatus ad mundandum arterias, & fistulas pulmonis, & mollicandum noxias res, excernendumque. Vide ne spirituum minutio morbo robur det. Præterea reficiendi sunt præfatis sorbitionibus, & gutta vini, & pinearum succo, &c.

4 Curatio, venæ cubiti incisionem præcipit, si vires, & phlethora adsint; nec præcedentibus morbis extenuatus sit æger. Et lateribus, & thoraci cucurbitulas adde, si venæ sectio delit: & scarificabis ad diuertendum. Clysteres acres valent, ut viam educendis causis, vel à longe accersendo per consequentiam parent. Purgatio si morbus expetit, & vires; per manna, & cassiam, & huiusmodi lenientia in decocto hyssopi, &c. fiet. Subsequatur decoctio quotidiana hyssopi, mellis, & glycyrrhizæ, & similitum.

5 Sed præ cunctis procuranda facilis excreatio per liquores pectorales, & abstersiuos absque ulceratione, & mollicatiuos, de quibus sæpè. Syrupi autem respiciant pectus, & caput: ne destillatio subsequens morbum nutriat. Diximus de his in catarrho, & capitis morbis.

Conferunt pectori fomenta, & emplastra ex floribus chamom. verbasci, anethi, semine lini, fœnugræc. far. hord. & oleis eorundem, althæa, malua, hyssop. pulmonaria, medulla ceruina, butyro, &c.

Sint res calidæ attenuantes absque incrassatione: propterea miscebis guttam aceti; & penetrantes, mollientes rem peccantem, & confortantes pulmonem, & spiritalia, &c. & laxantes loca, per quæ natura solet etiam inuisilia, præfatas excernere usque in ventriculum, & vesicam, materias.

### De spuitione cruenta.

#### ARTIC. IV.

PROPRIÈ sputum cruentum, cæterisque periculosius illud est, quod ex pulmonis ulcere per tussim reiectatur. Ulceratur autem pulmo vel ab acri destillatione, salsaque ipsum erodentem.

Quomodo & unde cruentum sputum. Causa triplex.



te, dum laxitatem eius subit: vel à pure putrefacto iterum: siue ex suppurata phlegmone thoracis, siue pulmonis fiat.

*Indicia causarum pectoris.* 2 Indicant autem locum vlcis huius, si particula modica pulmonis sit in sputo, & sanguis spumans floridusque, & quidem albidior, si ex suppuratone ortum ducit; rubicundior, si ex falsorum erosione.

*Alia causa ruptio vena.* 3 Contingit etiam ex venarum rptione sanguinem potius educi, & vomitu reiici, quàm spui confertim, & non pertussim, siue ruptio fiat ab interna causa, cum vel tenuis, biliosus, & plurimus exuberat sanguis, qui quacunque causa incalescens, sicuti mustum, vasis cohiberi non potest, siue pulmonis, siue pectoris, siue quibuscunque. Aut cum vena ob intemperiem duram extensioni resistens, frangitur. Indurefcit autem potius ariditate, quàm frigore, vt placet Medicis. Siue ruptio ab externa fiat causa, vt casus ab alto, lucta, cursus, vehementia in orando causam, iracundia, furor, exclamationes, &c.

*Alia causa.* 4 Putatur & ex sola vasorum refectione reiici sanguis, vbi balneatio, aut calida habitatio, aut insolatio præcesserint.

*Iterum alia.* 5 Similiter ex vasorum erosione etiam extra pulmonem: & tunc non confertim exit sanguis, sed exigua pars in sputo præcedit, & paulatim crescit, &c.

*Iterum alia.* 6 Solet etiam deuorata hirudo sanguinem ex ventre, vel œsophago, vel naribus elicere in nobis, sicuti & in beluis; sed tenuis, sanieque persimilis.

*Iterum.* 7 Ex aspera arteria, itidem faucibus, ore, gurgulione, & capite, & ventriculo, & splene, & hepate, sanguis manare solet.

*Discretio.* 8 Et quidem ex arteria paucus, & cum tussi acrique dolore, iuxta arteriæ partem aliquam, & quasi puri permixtus videtur. Ex pulmone verò, qualis dictus suprâ. Ex stomacho paucus cum nausea, & mordacitate in deglutiendo. Ex ventriculo cum vomitu, & mistione cibi, vel pituitæ. Ex splene grumofus, & niger, & cum tumore splenis. Ex iecore minus niger, & cum tumore iecoris. Ex capite, si dolor præcessit, & grauitas capitis, & vertigo, venarum frontis micatio, & titillatio in descensu sanguinis circa guttur, & statim tussis, & excreatio. Ex gurgulione, & faucibus, si talia in capite non præcesserint, & vlcera, vel sanguis circa ea inspectetur. Ex capite, si fluat in ventrem, inde reiectandus, grumofus erit, & niger, sæpèque cum nausea, vel mistione cibi, vel pituitæ.



9 Horum cura, præcipue vlcera pulmonis, fiat in aëre placido, nil mobili, neque admodum tenui. Aeger capite subleuato decumbat, nec multum moueatur, nec irascatur, nec cæteris afficiatur passionibus, quæ pulmonem agitent, aut multum respirare faciant. *Curatio.*

10 Cibus eius sit prisanæ cremor, vel quintineruia in brodio pulmonis vulpini, vel pedis arietini: addantur pinæ, pistacia, & huiusmodi, ouum recens forbile valde prodest. Potus sit melicratum, cui parum hyssopi admisceatur: & quidquid virtutem habet adstringendi, & abstergendi citra vlcerationem, prodest in cibo, & potu. *Cibus & potus.*

11 Medici non ineptè sanguinem euacuant, sed modicè, & ab extremis partibus euacuandis, vbi vires adsunt, tantum diuersionis gratia, ne in pulmonem exuberans viam vlcera patulam reddat, conseruetque. Eiusmodi de causa iuuant frictiones, & strictiones partium extremarum. *Phlebotomia quomodo & vbi celeberranda.*

12 Deinde verò si destillatio, vt plerumque euenit, vlcera est causa, purgetur caput his pharmacis, quæ biliosos, & falsos expellunt humores. Addantur gargarismi, sternutatoria, masticatoria eorundem; de quibus in superiori dictum est sæpè. Mox valent emplastra caput refrigerantia, & olea huiusmodi, quale rosaceum, myrtinum, &c. *Purgatio ex quibus consistere debet.*

13 Ad sistendum sanguinem iuuat succus portulacæ cum decocto gallæ, cupularum glandium, radicis rubi, seminis oxylapathi, & cætera, quæ diximus sistentia sanguinis fluxum: sed terra lemnia, & lapis hæmathites redactus in puluerem, granati succo immersum, valdè laudatur. *vt sistendus sanguis.*

14 Thoracem vino adstringente, adstringentibus oleis, quale myrtinum, rosaceum, cotoneorum, addita bolo armena, terra lemnia, corallio, & similibus, & cera, vt in cerorum redigantur. Cataplasmata ex adstringentibus farinis, & herbis, & corticibus granatorum, & huiusmodi adhibenda sunt. *Adstringentia.*

15 Purgatio difficilis, nisi per clysteres acres fiat ad diuertendum. Si autem morbus compatietur, per manna fiat, & ea, quæ causis educendis apta sunt, vt in quinto libro &c. Si autem venæ alibi corrosæ fuerint, aut disruptæ, vtemur primum diuersiuis iam dictis, mox viscosis, & incrassatiuis, ex



quibus venæ agglutinari queant : inter quæ albumen oui , pedes vituli, quintineruia, albâque semina laudantur. Respice ad causas rosionis, vel rupturæ, easque emendabis per contrarias.

*Cura spueris cruorens ex ventriculo.* 16 Vomentes sanguinem ex ventriculo raris vicibus fumant cibum, bibant coagulum, præsertim leporinum ; & satureia, vel aloë potentur, rebusque ventriculum confortantibus, & adstringentibus vtantur.

*Ex faucibus.* 17 Sanguinem ex faucibus, & gurgulione manantem, gargarisini adstrictiui, & res, de quibus in consillarum vlcere locuti sumus, facile sanabunt.

*Ex iecore, vel splene.* 18 Si autem à iecore vel à splene in ventriculum sanguis deriuetur, ea quæ iecur, & splenem emendant, adhibebis, vt suo loco commemorabimus. Proderunt & diuersiua, & scarificatæ cucurbitulæ.

*An prosit sinapismus contra humores acres.* 19 Humores acres, quamuis præcipiente Galeno, sinapismis, & vitionibus essent tentandi: prodesse tamen deprehenduntur nihil, potius autem obesse, cum acriores fiant ; nisi extrahi post rasuram capitis ex suturis per attractionem aliquo pacto valeant, quæ prudens Medicus facile considerabit.

*Cura cruoris ab ictu, vel casu.* 20 Qui casu, vel ictu sanguinem expuunt, curato loco rupturæ vel contusionis, adhibeantur adstringentia, consolidantia, & diuertentia. Vbi autem commoti humores febrem accertierint, purgatione indigebunt, & ducente quoscunque, vel eos modo, quibus patiens ex temperatura, victu, tempore, & ætate abundare cognosceretur.

### De phthisi, eiusque cura.

#### A R T. V.

*Quidditas phthisis.* 1 **Q**Voniam cruenta spuitio vlcus pulmonis, aut arteriæ consequitur, pulmone autem vlcerato non ventilatur cor quantum est opus, neque spiritus, & calor natiuus intro acti retinentur, neque augentur, potius autem efflantur, & minuuntur; iuxta ea quæ diximus de respirationis vsu. Hinc sequitur tabes, & colliquatio carnis, partiumque neruorum per quandam constitutionem, quæ hæctica vocatur. Quapropter imperitè Medici definiunt phthisin esse pulmonis exulcerationem. Non enim exulceratio ipsa phthisis est, sed praua illa constitutio, quæ exulcerationem consequitur.

*Causa quæ.* 2 Neque defectum refrigerationis, ac proinde augmentū calo-



ris, ut Peripateticis Medicisque plerumque videtur, talis sequitur constitutio, sed defectum expulsionis fuliginum, & cutis obstructionem, & caloris intemperiem, quæ non amplius nutrimentum in ipsum nutritibile, sed nutritibile in nutrimentum conuertit per putrefactionem.

3 Vbi Peripatetici secum pugnant, dum putrefactionem fieri ex defectu caloris autumant, ac simul respirationis diminutionem augmentum caloris esse docent. *Contradictio in Peripato.*

4 Vt autem aibi dicebamus, duplex est marcor, alter siccus, *Duplex marcor.* qui fit per consumptionem humorum foras, nimio calore exhalante eductorum. Alter fluidus, qui calore debilitante, & non *Hæctica marcor fluidus.*

educto, seque ipso aucto & laxante materiam, & in fluorem, non autem in tenuitatem conuertere potente, celebratur; qualis fit in corticibus aurantium, & in carnibus non salitis, & in cadaueribus: & hic proprius est hecticorum, & phthysicorum. Cum enim calor non ventilatur, neque auctus excrementa non educit, cohibetur, & crescit in solido, & non in spiritu, & tenuitatem quam ingenerat non educit, sed ipsa disponuntur cæteræ partes ad colliquationem. Propterea qui phthysi laborant, præterquam quod *Signa phthysicorum.* difficilius spirant, habent nares acutas, tempora adstricta, oculos *ostia.* concauos, scapulas instar alarum, liuidas genas, ungues curuos, & sputa graueolentia: quod probatur si carbonibus iniiciantur; & *Cur moriuntur cum spiritus expuere cessant.* propterea cum cessant expuere moriuntur: non enim amplius possunt saniem vlcerum expurgare. Præterea accidit illis profluuium alui, quia partes corporis colliquatæ in centrum deferuntur, non autem in circumferentiam; & hoc signum propinquæ *Signum non ex decimum.* mortis; maximè autem si defluunt capilli: humor enim qui eos nutrebat, in centrum in colliquatione defertur.

5 Idcirco non solum pulmonis vlcera, sed faucium, & arteriæ *Nota causa.* vocalis phthysicos faciunt: dum respirationem impediunt, ac proinde spirituum ingenerationem, &c.

6 Cum autem spiritus in corde non ingeneratur, neque calor *Ratio tabis.* intruditur, necesse est sanguinem ex parte exsiccare, & minus spirituum fieri, ac proinde in arterias minorem, & crassiores illas: unde sequuntur obstructiones, & densitates. Non ergo quia exsiccat cor, ut putant Medici, fit tabes: sed quia calor spiritalis, & sanguinis tenuitas deficiunt: unde sequitur vitæ defectus in corde, & in cæteris partibus, quæ arteriali sanguine viuificantur: ergo & cadauerositas illa, seu putrescens ad intra constitutio.



*Qua phthisis  
incurabilis.*

7 Propterea ergo insanabilis est phthisis, multum enim tempus requiritur ad instaurationem viuificationis in parte solida, ac simul pulmonis ad sanitatem, ut possit spiritum, sanguinemque vitalem reficere, quæ simul perfici non possunt: antequam enim vlcera pulmonis sanentur, tabes iam corpus consumpsit.

*Quando sa-  
nabilis.*

8 Præterea difficile est vlcera pulmonis sanare; non enim potest quiescere, quod requiritur ad salutem: neque medicamenta ad ipsum pertingunt ob profunditatem, & latebras: & pars, quæ attingit, agglutinationem, & consolidationem non perficit, ipsius pulmonis motu resoluta.

*Quomodo  
sanatur.*

9 Verum illi tantum sanantur, quorum vlcera, antequam tabes in toto corpore grassetur, sanari valent: quorum nimirum pectora lata sunt, atque pilosa: spiritus multi, & viuaces, excreatio & respiratio facilis: sputa læuia, & alba, bene purgantia thoracem.

10 Curantur autem vlcera, si destillationes corrosivæ tollantur, vel diuertantur; ac simul per res abstergentes, adstringentes & conglutinantes in temperato aëre, vitatis passionibus, ut supra. At cum in tabem deuenerint, præcipiatur in victu lac muliebre, vel asininum, vel amygdalarum, priscana hordei, oua sorbilia, vua passa, pineæ, ficus, dactyli, pistacia, & quidquid semini humano consimile est. Potus verò sit aquosum vinum dulce: at si febris putrida affuerit, difficillima erit cura: purgatio enim putrescentis humoris trahit nouas colliquationes ad centrum per consequentiam. Ergo sit cibus medicatus ex parte medicina humoris attractiua, & brodia quæ vocantur consummata: lac enim his obesse videtur. Hecticis mulsa, phthificisque nocet, quamuis à Galeno præcipiatur. Confert tamen vlceribus abstergendis, atque vnâ cum lacte simul glutinandis.

*Confirmatio.*

11 Equidem expertus sum, cum totius corporis macie laborarem, ac fame stridenti conficerer, nil salubrius esse quam carnes, & olera in lacte decoquere, & vinum lacte mistum bibere caprino, sicut alibi dictum est. Sed marcor ille potius siccus, quam fluidus erat. Idcirco senibus huiusmodi victus vitam prorogare videtur.

12 Ad sputa educendum loch, & decoctio hyssopi, & cæterarum pectoralium herbarum, cum saccharo; aliaque dicta, cum decatarrho, & rursi tractaremus, laudantur.

*Tēpus mori.*

13 Phthifici mutata anni quarta, vel semicirculo moriuntur, sæpissimè



ſæpiſſimè autem propè æſtatem, vel autumnî vigore, cum arborum folia deſluunt.

*De pleuritide curanda.*

ARTIC. VI.

**P**leuritis inflammatio eſt membranæ thoracem munientis <sup>Quid pleurit. per omnes cauſas.</sup> Parque intrinſecus latera coſtaſque ſubcingentis : quam neceſſariò ſequitur punctiuus dolor lateris vehemens ex phlegmone, ac tenſio ſurſum, deorſumque ad hypochondria, ſpirandi difficultas, quoniam peçtus difficile dilatatur in dolore; tuſſis ex conatu ſpiritus ad expellendum noxia : febris continua ex pugna eiufdem contra morbiſicam cauſam. Pulſus durus & ſerratus ex tenſione : ſpiratio parua & frequens, quoniam intercoſtales muſculi affecti, dilatari multum præ dolore nequeunt : vnde crebritas, & celeritas ſupplet reſectioni. Febris continua, acutaque adeſt eiſdem de cauſis, non quia vicinus morbus eſt cordi, vt autumant Medici : ſed quia cauſa morbi obeſt, & reſpirationi, & pulſationi, & reſectioni ſpirituum, & viuificationi ſanguinis, & partium irrigandarum. Idcirco neceſſariò expellenda naturæ iudicatur.

**1** Inflammatur autem membrana ſanguine nimio in ipſam <sup>Vnde inflam. matio.</sup> confluyente ob alterius ibi humoris irritantis præſentiam, vel ob motum muſculorum deſeruientium reſpirationi. Dolere tamen poteſt quibuſcunque humoribus eo deſluentibus coaceruatis, ſed non ita punctiuo dolore, nec præfatis ſymptomatis, ſed aſthmaticis. Item à flatu intercepto in membrana : ſed nulla ſequitur febris & tuſſis, &c. Item à dolore epatis, & lienis : ſed dolor non erit ita punctorius, neque pulſus tam durus : & ſedimenta aderunt inſtar loturæ maçtatæ carnis : nec tuſſiendo eiiciuntur quæ in pleuritide.

**2** Aliquando enim rubrum eſt ſputum; aliquando rubet, flauescitque; aliquando etiam liueſcit : interdum mucorem habet in ſuore : quæ ſatis indicant, an ſanguis purus, vel ſimul bilis flaua, vel atra, vel pituita ſint in cauſa. <sup>Signa cauſarum.</sup>

**3** Symptomata iam dicta ſi fuerint magna, magnum & pecculoſum morbum, cauſaſque eiufdem indicant : ſi parua, è contra. <sup>Regula de gradibus.</sup> Si ſputum à principio apparet, facileque excreatur, brevis morbus : in quarto enim, vel ſeptimo iudicatur. Si poſtea, producit



producit morbum pro temporis ratione, vt in prognosticis monebamus: quamuis diem 14. pleuritis pro termino habeat, quo transacto absque repurgatione suppuratur, & vltcrius producitur; intellige cum viribus validis.

6 Sanantur facillè qui bene spuunt, & leuiter ferunt, spirantque: è contra moriuntur qui non facile in his se habent.

*Notus.*

7 Cibus subministrandus qui facile alat, & pectus purget, & concoctionem iuuat, vt mica panis in brodio, ouum recens forbile, amygdalæ succus, ptisanæ cremor, &c. Apponuntur pectorales herbæ brodio gallinarum. Caueat à duriusculis cibis, & viscosis, &c. Potus sit mulsæ, aut brodium cum glycyrrhiza, hyssop. &c. Vinum non detur, nisi remisso morbo aliquantulum, aquosum valde.

*Cura exterior.*

8 Curabis primo per fomenta, si forte per transpirationem humor dissolui in pleura queat: non tamen multis, ne indurescat, aut alius accersatur, quo non succedente ex voto, adhibetur phlebotomia.

*Phlebotom.*

9 Secetur autem vena cubiti proximi dolenti lateri: vbi plethora non adsit: & donec exeuntis sanguinis colorem mutari videas: cum videlicet phlegmones proprius succedit exire permittite: & si opus est, iterabis. Si verò copia sanguinis plurima adsit, prius diuerter per sectionem venæ oppositi brachij, & pedis: ne, dum extrahis, ex propinquo ad dolentem locum copiam illam accersas.

*Clyster.*

10 Clysteres adhibebis leues ex malua, viola, mercuriali, spinacia, &c. medulla cassiæ, butyro, oleisque non valdè calidis. Quibus non sufficientibus, purgatio succedat, viribus morboque volentibus. Probatior cassia, manna, additis, quæ humorem respiciunt sanguini admistum, decoctionibus lenibus.

*Fomenta.*

11 Extrinsecus fomenta ministrabis calida, dolorem leuantia per attenuationem, & transpirationem causa: vt quæ sunt ex floribus chamom. aneth. verbasci, scœnogræc. milio. &c. decoctis, vel spongia illorum decoctione imbibita. Et si viscosior sit causa, vt eruo, hordeoque disruptis, concoctis aqua cum modico aceto ad penetrandum, & incidendum. Fiunt & emplastra ex eisdem & consimilibus rebus. Item vnguenta, ex pinguedinè gallinarum, butyro, oleo chamom. aneth.

*Emp'ast.  
Vnguenta.*

12 Semper autem quæ sputi eductionem facilem reddunt ministrat Medicus ori, vt diapenid. diatrag. sacchar. viol. pastillos pecto



pectorales ; & rupta phlegmone , quæ abstergunt , pridem dicta, &c.

*De purulentia.*

ARTIC. VII.

**1** St ergo empyema, seu purulentia, collectio puris intra thoracis tunicas , & pulmonem , ex phlegmone pleuritica vel anginosa, vel pulmonia, suppuratis erumpens : nam quæ ex collecta pituita, aliisque humoribus à capite manantibus intra thoracem putrefactis intra 20. dies fit, leuissima est, nothaque , nec propriè pus: acciditque citra febrem.

*Quid & ex quibus empyema.*

**2** Suppurari autem phlegmones iam dictas agnoscimus , cum nec febris cessat, sed quasi hectica eadem perseuerat ; nec dolor post adhibita pharmaca, nec rigor, nec grauamen in loco affecto; immò augetur, iuxta doctrinam habitam in 4. lib. Disrumpi vero suppuratas tunc intellige vltima conflictatione, vbi rigor, hor-

*Vnde agnoscitur futura suppuratio.*

*Indiciū disrumpionis.*

rôrque vehementior, febrisque fit: tunc enim vltimum potentia in expulsiōe concocti puris adhibet spiritus. Vnde & respiratio difficilior, & sermo quasi delirantis. Non enim in vigore summo praelij, vel sanus homo in verbis, & cæteris functionibus prudentiam seruare potest. Effusionem puris ex eruptione declarat mutatio febris, aliorumque symptomatum mitigatio, & fluuio in profundo thoracis, cum hinc, & illinc in latera reclinantur percepta. Sequitur & tussis cum expuitione, quæ prius erat sicca, & pulsus crebri, veloces, & duri prius, post eruptionem languent, & remittunt frequentiam, & velocitatem.

**3** Seruantur quidem qui ex hoc facile respirant, expuuntque pus valida tussi: pus, inquam, læue, album, concolor, concoctum, vt in 4. lib. etenim validæ vires thoracem stringunt, ac pus ad membranam pulmonis adigunt: qua laxata intrat pus, absorbeturque mirifica prouidentia à pulmone, ex quo per arteriam expuitur: proptereaque febris prior cessat, quæ erat pugna, vincens causam morbi, & sequitur conatus alter, qui est valida expressio. Fit etiam expulsio per inferiora, quando ruptio inferius spectat: & per intestina, & vesicam eadem prouidentia laxatis ad superam compressionem pus expellitur. Est quando ruptio puris exire properantis suffocat ægrotum.

*Signa sanantis in empyema.*

**4** At si quam cito non fiat expurgatio puris, in phthisim incidunt



*Mutatio em-  
pyematis.  
in phthisi.  
Mors quibus.*

dunt, vlcerato pulmone eius acrimonia denuo concoctæ, ac moriuntur iuxta tabidorum tempus. Morituros etiam scies eos omnes, quos febris, facta ruptione, non deserit, vel maior insurgit, vel reuertitur: nec benè spuunt, sitiunt, nec cibum appetunt: spumæque subuiridia, flaua, liuida, spumosa, pituitosa sunt, & alius humida, plura egerit, &c. Qui autem vtrorumque signorum participant, mediam habent iudicationem. Medicus respiciat omnia, & quæ in prognosticis adiecimus documenta.

*Qui seruantur,  
& qui moriuntur.*

5 In purulentia, & pulmonia, maiores natu plerumque mori, in cæteris minores, Hippocrates adnotauit: quoniam (inquit Galenus) minores doloribus harum facile affliguntur ad mortem. In pulmonia autem suppuratione validiores sunt minores ad spuerendum; ideo seruantur magis. Equidem putarem difficilius sanari vlcera pulmonis duri, qualis inest maioribus; quàm mollis, qualis in minoribus: ideòque hos seruari magis; in cæteris vero perimi: quoniam poros angustiores habent, & succulentiores sunt ita, ut plenior sit suppuratio, eiectioneque difficilior; unde etiam suffocantur. Tabidi tamen fiunt omnes, si intra 40. dies non repurgantur.

*Cura.*

6 Purulenti in quiete degant, & aëre non humido, temperatè calido. Affectibus compressiuis, qualis metus, tristitia, &c. careant: dilatatiuis exuberent, id est, lætitia, spe, &c. Ab exercitio & ira absint. Somno vtantur temperato. Adiuvetur natura expurgatione alui, & vesicæ per clysteres, & res cientes eiectionum, ut spiritus non impeditus, coctioni puris expulsionique sedulus sit: proptereaque facilioribus cibis nutriendi, suppurationi, ruptioni, & expulsionis proficientibus, quales gallorum testiculi, ptisanæ cremor, in brodio columbino, vel gallinaceo, in quo hyssopus, malua, oreoselinum, &c. coquantur eiusmodi. Carnibus modicis istiusmodi etiam vescantur, & pistaciis, & pineis, & passulis. Potus sit calidus, potiùsque brodium, vel mulsa, aut aqua hordei. Deinde modicum vinum subdulce hisce aquis bene dilutum.

7 Suppurationis tempus iunabis calida aqua, & oleo, hydrelæo, adipe suillo, vel gallinaceo, vel anserino. Item caraplasmata ex decoctis caricis, farina hordeacea, scænuigræc. sem. lini, althææ & fimo columborum, &c. alibi dictis. Adduntur cerota ex buryro, lauri baccis, rutæ, irid. &c.

8 Rruptionis tempus requirit mulsæ sorbitionem, ptisanæ cremorem



morem cum melle, vel decoctum hyssopi, aut thymi cum melle. Adde & ciceris cum melle, & similiū, quæ rodere & pungere abscessum ad rupturam valent.

9 Erumpentis puristempus ea requirit, quæ vias purgationis aperiunt, & virtutem expulsiuam iuuant. Quapropter si ad aluum respicit purgatio, ea, quæ molliunt aluum, adhibebis; si ad vesicam, ea, quæ vrinam mouent: si verò sursum, ea quæ tussim excitant, & abstergunt. Optimum autem est mel, & ea, quæ in phthi-  
sicorum cura, asthmaticorumque enumerauimus. Memento la-  
ctis cum melle: ad plurima enim valent, & ne in tabem desciscant.

*De palpitatione cordis.*

ARTIC. VIII.

1 **Q**uoniam cor vitalium, quorum morbos numerauimus, pri-  
mum est: quamuis ad potestatiū maximè spectet, eius  
passiones hoc in loco recensendæ sunt.

2 Quid differat inter palpitationem, rigorem, tremorem, & hor-  
rorem, dictum est in lib. 4. & in Art. de tremore in 6. Horum no-  
tione præsupposita, de palpitatione fit sermo, quam præcipue  
cordi Medici tribuunt.

3 Est autem palpitatio cuiuscūque membri dilatatione, & con-  
strictione se mouentis naturaliter, motus præter naturam. Qua-  
propter & in vesica, & vtero, & intestinis, & corde, & arteriis ac-  
cidit palpitatio; quando nimirum eleuantur, aut deprimuntur  
aliqua causa in ea illabente, non autem spiritus vi, aut arbi-  
trio. Et quoniam sanis, & ægrotis palpitatio accidere solet, sta-  
timque euanescere; arbitrandum non est, eius causam esse hu-  
morem, sed flatum irruentem: aut spiritus diminutionem, vel  
fugam.

*Quid palpi-  
tatio.*

*Causa palpi-  
tationis tri-  
plex.*

4 Propriè quidem spiritus diminutio efficit tremorem; quia  
organum est impar ponderi regendo. At si etiam irruat flatus, fiet  
palpitatio, & tremor simul. Cum autem diminutio non adest,  
solus flatus palpitationem producit. Cum vero in syncopem  
desinit, mortem indicare solet. Spiritus enim ad morbi lo-  
cum confluens, vel seipso suffocatur, vel diminutus à morbi-  
fica causa vincitur, adiuta tamen humorum impuritate. Ideoque  
mors per syncopem, & palpitationem, vix vnquam nisi corde



affecto succedet : quoniam spirituum est officina , arterialisque fons sanguinis.

*Tremor etiam  
in corde ali-  
quando fit.*

5 Quamvis Medici tremorem cordis non concedant, quia arbitrarium est motuum passio : nos tamen ab eodem spiritu , & cordis motu, effici probantes , cum spiritus in corde diminuitur, tremorem etiam fieri intelligimus : quod & alij Medici concedunt, sed rationem non capiunt. Præterea quia cordis motus non sola spiritus vi, sed consequutione vacui etiam fit, recedit magis ab arbitrario motu, quàm cætera membra: ergo & à tremoris ratione.

*Medicis cau-  
sa palpitatio.  
duplex.  
Correctio.*

6 Causam palpitationis duplicem assignant ; vel intemperiem calidam, vel frigidam. Vtrumque reprehensionem meretur multus enim calor in corde spiritus attenuat, educitque, sanguinem assat, & in fuliginem agit, ac proinde languidiorem motum, & inæqualiorem in diastole, & systole, & pulsu, & respiratione sequi oportet. Quapropter si pulsus velox atque magnus existat, nequaquam calor nimius pulsationem facit, ut Medicis videtur, sed potius fuligines , & excrementa sanguinis ; quæ dum repurgare spiritus aggreditur, tales edit pulsus. Palpitat verò dum flatulento excremento expellendo non sufficit: & si exhalauerit spiritus, languor in pulsu, & respiratione accidit.

*Vera palpitatio  
ex flatu im-  
puro sanium.*

7 Vera autem palpitatio , ac curatu difficilior est , quam flatulenta causa producit in ventriculis cordis; excrementitiæque. Purus enim flatus calore cordis attenuatur statim; ergo si periculosus esse debet, impurus esto; quem ut amoliat spiritus, cor mouet insolito quodam saltu.

*Palpitatio ex  
aqua pericardij.*

8 Præterea contingit in pericardio, cum cordis temperies est remissa, vaporem proprium valdè attenuare non potens, tantam ex vapore crasso aquam gigni, ut cordis motum etiam impediat, & flatum iterum creet: qui exitum non inueniens, saltum ingenerat ipsis patientibus molestum, nec Medicorum manus effugientem aliquando, nec visum. Solent etiam in pericardij membrana quædam pustulæ fieri , spiritumque afficere ad palpitandum.

9 Quibus in ætate matura palpitatio accidit , manifestè indicat exhalantis caloris reliquias non posse flatum extrudere; quapropter superueniente senectæ exordio , cedat morbo spiritus oportet. Ergo qui in iuuentute flatibus huiusmodi agitantur, imbecillitatem naturæ patefaciunt, & periculosiores palpitationes



tionem syncopem expectant: nisi succis remulentur, & ciborum crudorum ex accidenti id patiantur, ac bono regimine electo eorundem passiones fiant immunes.

10 Curationis principium, [ Vbi elegeris aërem siccum calidumque, odoriferum, vel arte paratum; somnum, & vigilias moderatas, exercitiumque, quo melius nihil ad flatum attenuandos, animique affectus constrictiuos, non autem dilatatiuos vitaueris, vt supra.

Præterea cibus ad siccum accedens, expers flatulentia, & viscositatis, facilisque concoctionis probæque nutritionis, exhibeatur; carnesque tales, serpillio, hyssopo, fœnic. pulegio, borragine, herbisque cæteris cordialibus, flatumque discutientibus alterentur, additis caryophyll. cynam. & croco. Potus verò vinum tenue fulvum, vetus, aqua borraginis, vel melissæ dilutum. ]

Tunc à venæ sectione auspicabimur, si vires adsunt: maximè autem si plethora; quibus deficientibus diuersiua tantum vitentur venæ sectione, ne excrementosus sanguis feratur in cor.

11 Medicamenta vero sint extenuantia, atque calefacientia, qualia diambra, diamoschus, cynamom. dianis. theriaca, mithridatium, & huiusmodi; nunquam tamen omittes crocum, & aromatica roborantia cor: ex quorum herbis parantur syropi. Item vititur Plinius panace, fœnugræco, aristolochia rotunda in puluerem actis, & in potum ieiuno datis. Eodem Medici, & rhapontico vtuntur. Epithemata ex stillacitiis aquis melissæ, maioranæ, buglossæ, aloës, diamoschi, &c. decoctis fieri solent. Fiunt etiam sacculi ex eisdem rebus, & roremarino, & citriorum cortice, croco, rosæ rubis, &c.

12 Si autem pituita in palpitantibus abundauerit, syropos contra pituitam idoneos parabis. Similiter & purgans pharmacum rationis eiusdem, vt in 5. lib.

Si atra bilis, sui ordinis syropos, & pharmacum adhibebis, & hæmorrhoides excitabis, siue menstrua.

13 Ex magica sympathia auxiliantur cordi citrium, anacardi fructus, radices centaureæ, & montanæ, nardus, persicum, vesicaria, triphyllon, melissophyllon, myrobal. Præterea animalium corda, quæ magnitudine excedunt, applicata in cibo, vel gestata.

14 Ex metallis verò aurum, & omnia animalia, herbæque solares, de quibus in 5. lib. Applicabuntur autem sole in sua exaltatione, vel trigono, vel domo existente, vel in aspectu benefica-



rum, & in angulis, cadente Saturno. Et his qui cordi aduersantur. De syncope suo in loco dictum est satis.

15 De ea autem cordis passione, qua Telesius incineratum fuisse visum cor defuncti Romani secantibus Medicis, nil suppetit dicere, nisi quod vehementia caloris Medicis non agnita, calidissque aucta pharmacis, negato potu, acciderit paulatimque succreuerit. Proptereaque prudens esto Medicus, cum talia affuerint incendia; de quibus in 4. lib. locuti sumus, ut ad infrigidantia conuertatur.

*De morbis organicis appetitiui.*

C A P V T XII.

*Triples malum appetitiui.*

*In defectu tria mala.*

*In excessu.*

*In qualitate.*

*Sex morbi organi appetitorij primi.*

*Alij alibi.*

**P**ostquam de cognoscitiui morbis organicis dictum est, ad appetitiui mala vocamur; quæ in triplici sunt genere. Aut enim appetitus tollitur, aut debilitatur, aut vitiatur. Sublatio appetitus funditus mors ipsa est, & de hac hoc in loco non est sermo. Cû verò impeditur, ut non esse appareat, vel potius fastidire cibos, dicitur inappetentia si ex toto abominatur: si ex parte, debilitas appetitus. Vitium autem in excessu, in quantitate est appetentia canina, & ingens esuritio, quam vocant bulinum; & immoderata sitis, illi analoga. In qualitate verò appetitus cum contraria naturæ, citra dicitur, & pica; cui consors est vinositas. Et hæc mala ex intemperie, & deprauatione organi contingunt. Præterea eiusdem appetitorij organi mala, dicuntur cordialia, singultus, subuersio, inflammatio, cruditas, inflatio ventriculi. Sunt etiam alij morbi, qui in intestinis accidunt, ubi fiunt separationes partium nutrimenti. Alij in ano, ubi fiunt expulsiões pertinentes ad odium, partem appetitorij. Sunt & alij morbi, qui respiciunt appetitum, & organa generationis. Alij ad absolutionem nutrimenti; quæ in iecore paratur, & in vasis attractiuis proficuarum partium, & excrementitiarum distribuitur: quarum morbi suis in capitibus enucleabuntur. Nunc autem ad eos, qui ventriculum respiciunt, sermo dirigendus.



## ARTIC. I.

1 **E**st quidem appetitus organum ventriculus; atque in eo fa- *Qui fiat fa-*  
mes, & sitis efficiuntur, ac proinde earundem defectus ac *mes. & eius*  
vitia: idcirco inappetentia eius læsionem consequitur, & quo- *opposita in-*  
niam primo corpus exinanitur perfecta nutritione attenuatis *appetentia.*  
substantiæ partibus, eductisque per transpirationem. Ad inanitionem verò sequitur suctio, & vacui, & cognoscentis animæ vi, usque ad ventriculum ubi suctionis sensus fit, ex quo sequitur appetitus repletionis, qui est fames. Ergo defectus famis, siue inappetentia accidit, vel quia nō fit in corpore exinanitio, quod accidit vel ex nimia repletionem, vel ex cutis obstructione, vel expulsiuæ defectu. Vel si fiat in ventriculo, non sentitur: ideoque non sequitur appetentia, quæ est proles sensitiui, & potestatiui organici.

2 Cur autem suctio non fiat, in causa est vel frigus nimium *Cur non fit*  
sensum stupefaciens, humoresque incrassans, qui ostiola suctio- *suctio.*  
nis occludunt: vel intemperies calida, quæ nimis relaxat ventriculum, & ostia venarum ita, vt constrictionis sensum non faciat, nec proinde affectum.

3 Cur verò non sentiatur, in causa sunt humores vel biliosi, *Cur non fit*  
quod mordicatio ventriculi, & nausea interdum indicant, & vo- *sensus su-*  
mitus, & sitis, vt in febribus accidere solet: vel humores crassi, *ctionis.*  
obstruentisque; quod si fastidium, aut nausea consequitur: haud tamen rosio, neque sitis.

4 Inappetentiam, cuius causa in ventriculo est, curat contrariū *Curatio si ex*  
pharmacum. Dabimus ergo cōtra biliosos humores ea, quæ ipsos *bile.*  
euacuant: contra pituitosos consimilia, de quibus sæpe dictū est.

5 Cum autem fit ex intemperie frigida, vel calida, contrariis *Si ex intem-*  
curabitur remediis, calidis frigidisue; obstructiones verò ea *perie.*  
quæ incidunt aperient. Adhibebimus vnguenta, & emplastra ex coroneis, & huiusmodi constrictiuis in laxitate ventriculi, calidis verò in obstupescatione, & frigescatione eiusdem.

6 Difficilior autem est curatio, cum non fit in partibus corporis exinanitio, magis autem cum multa fit citra appetentiam.

7 Vbi obstructio cutis impedit exinanitionem, periculum est ne hectica subsequatur. Idcirco dulcibus balneis, laxatiuisque oleis, & fomentis odoriferis, non adstrictiuis curatur.



*Ex plethora.* 8 Si plethora peccat, euacuationem humorum replentium celebrabimus secundum artem : præterea & frictiones, & inediam, lentumque exercitium.

9 Si autem multa fuerit exinanitio citra appetentiam, æger morti proximus est : facultas enim attractiua, spiritusque vegetantes, & implantati, & liberi exhalauerunt. Quapropter si qua salutis spes est, curandi sunt odoribus caponum aflatorum, sorbilibus ouis, & cæteris, quæ subito instaurant, totumque corpus vino, & odoriferis coctionibus irrigabis.

10 Cum causæ inappetentiæ fuerint debiliores, & non exquisitæ, sequitur appetitus debilitas, non autem abolitio ; quæ quidem curatur eisdem pharmacis, sed minus robustis.

### De excessu famis, atque sitis.

#### ARTIC. II.

*Quid sit canina fames.*

1 **A**ccidit aliquando appetentia, & insatiabilis, quam caninam vocant, eo quod plurimo hac passione affecti se iurgitant cibo : cuius deinde multitudine grauati, eundem non ferunt, sed ritu canis vomunt, iterumque appetunt, edunt, vomuntque perpetuo circuitu.

*Causa ex Medic.*

2 Huius causam multiplicem assignant, vel humores crudos, vel humores acidos, qui os ventriculi irritant, ex liene erumpentes, aut ventriculo impacti : quidam etiam assignant temperaturam frigidiorē, non quidem rectè. Frigus enim stupefacit, non irritat, nec id, quod fuit causa inappetentiæ, nunc sit appetentiæ. Acor autem propterea hoc facit, quod ventriculum cogit dum mordicat : constrictio autem dolorem affert. Vt ergo hunc dolo-

*Respons. ad rationē Medicorum.*

rem, & constrictionem amoliatur, impleri appetit. Inflatio autem, murmur, & incoctæ egestionēs, non frigus significant, sed virium imparitatem ad tot ciborum digestionēs. Vermes etiam mordicantes ventriculum, famemque cientes, id est repletionis desiderium ingens, indicant omnem causam mordicantem idem efficere.

*Calor nimius famis canina causa.*

3 Quapropter illa fames dira, quam bulimum appellant Medici, causam non habet ventriculi frigiditatem, indigentiam, & virium debilitatem, ut ipsi opinantur : sed caloris unionem interiora corporis consumentem. Ideoque præcipuè qui per loca frigida ambulant, hoc patiuntur : non quia frigescit ventriculus, sed quia



quia mox roborato calore, vnito per frigus exterius augetur: proptereaque mox non comedentes animo linquuntur: quoniam calor exoluit ventriculi vires, imbecillésque reddit, vt & in febribus accidit. Cæteras autem partes corporis frigus extrinsecum affligit.

Hoc autem ita euenire expertus sum absque frigore, cum mihi epulum labore ad ignem pararem, ac insuper calido potu secundum artem, cibóque calido vterer: nam fames multa statim in deliquium degenerabat.

4 Præterea canina appetentia causam solet habere nimiam corporis consumptionem; quod præcedens victus, & passio, & siccitas egestionum, indicabunt. Hanc autem & ipse expertus sum post ieiunium quadragesimale: in quo pane, falsisque rebus vinóque medicato, tabernariorum fraude, calce, & gypso, maxima in egestate, vtebar, quemadmodum in libro præcedenti descripsimus, & rationem medicandi similiter adiunximus: potum enim adhibuimus ex vino, & lacte, cibósque lacte coquebamus, & herbis humidis: super paleis cubantes, stramine lanceo detracto, cibis boni, multique succi vtentes: & iecur acido lacte exterius refrigerantes, interius verò summo mané lac similiter bibentes: vt calorem, quo totum corpus consumi, & quasi discontinuari, non secus atque folia dum comburuntur, sentiebamus, & cum vrina adipem multum emingebamus, moderaremur.

*Inedia & salforum in potu & cibo vsus causa famis canina.*

*Chrys.*

5 Bulimum verò, quoniam est resolutio ex fame consumptiua, ac proinde defectus etiam, absque frigore, velint, nolint Medici; curabimus rebus, quæ statim vires instaurant, vt diximus loquentes de syncope, quales sunt odores vini, & assatarum carniū, & forbilia oua, & panis odor vino intincti generoso. Conabimur etiam os aperire nolenti, & cibum liquidum & vinosum iniicere per vim, præexcitatis viribus aceto, pulegio, & acutis odoribus: quæ omnia ad rem non essent, si frigus in causa foret per se. Cibabimus ergo frequenter, modicè, & facilibus cibis, vt dictum est. Vires enim imbecillæ multis crassisque suffocantur. Cibabis etiam febricitantes bulimo affectos, quamuis in accessione: maior enim est virium necessitas, quam pugna. Eis verò qui præter febrem ex calore hoc emaciantur, tunicam & diploidem, statim ad pectus, & ventriculum aperiemus, & odores adhibebimus, & cibos minus cali-

*Curabulimi.*



dos secundum artem: potumque non calidum exhibebimus, &c. vt supra.

*Cura famis  
cum febricu-  
la sine vo-  
mitu.*

6 Qui fame dira ex nimia exinanitione afficiuntur, & febricula quasi hectica nondum hectica, cum cibum acceperint, non euomunt: curandi autem sunt continua cibatione boni succi, modica, frequentique: humida, lactea; profunt pisces, & suilla valdè, vt & iuuenes carnes.

*Cura famis  
eiusdem cum  
vomitu.*

7 Qui autem vomunt, non sola inanitione laborant, sed humorum copia acidorum, siue biliosorum: idcirco euacuandi sunt prius humores impacti, & fluctuantes hiera picra: reprimendi etiam contrariis non attractiuis, cum in via, non extra, sit morbifica causa. Roborabitur & ventriculus conuenientibus.

*Cura Medic.  
Correctio.*

8 Præcipiunt Medici pinguedines, & cerebra dari in cibum, quæ appetitum euertunt laxando, nec constringunt; quod bonum est, vbi nimia adstrictio sit in causa. At si humor educendus, forsan valent pingua, vt illorum acor, qui ventriculo insedit laxetur, extingaturque. Vinum, & mel valdè profunt ad dissipandam huiusmodi famem, & humores conterendos. Vinum cum lacte, & aniso, & cumino, & fœniculo conferunt, vt & humor dissipetur, & famis mitescat. Cauendum, ne dum moderationem procuras famis, totum appetitum pessundes, in contrarium transiens morbum. Quapropter lacte, & pinguedine pedetentim, & pro vtilitatis ratione, & victoria naturæ vteris, augendo, vel minuendo. Idem in his, quæ forinsecus adhibes.

*Cura sitis  
extraordina-  
ria.*

9 Sitim immensam ex nimio æstu prouenientem exteriori, vel febrili; aqua mulsa aceto modico mista tollit, vt messores Apuli continuo probant. Acetum enim vias aperit aquæ, cuius est sedare expansione calorem: præterea acumine adaperit poros, flammulæque exitum præbet, crassoque humori vel vaporu renuitatem, vt facilius vnà cum calore elabatur. Idem faciunt res acidæ cum aqua: hæc enim succedens probe temperiem totius refrigerat corporis. Prodest valdè panis aqua intinctus: sic enim in ventriculo retinet aquam diutius.

*Cura sitis ex  
ventriculi  
calida in-  
temperie.*

10 Si autem ventriculi intemperies calida est in causa, sedatur refrigerantibus succis, lactucæ, portulacæ, endiuicæ, &c. horumque commanducatio valet: similiter & cibus, carnesque anatum, anserum, & aquatiliu rerum, & lac.

*Ex sicco.*

11 Cum siccitas fuerit in causa, brodia pingua, lacteæque, & carnes aquaticorum proderunt. Carnes etiam lacte coquan-



tur: oua, pinæ, saccharum, herbæ aquaticæ enodes, corpulentæ, mollésque substantiæ: placent agnina, suilla, & humidiores quæcunque.

12 Accidit etiam falsos humores, & marinæ aquæ potum, aut ebrietatem, sitis ingentis esse causas. Quapropter hos pharmacis falsam pituitam educentibus curabimus; cibosque dabimus, potusque medicatos seminibus frigidis, vt in 5. lib. dictum est. Conducit sorbitio omphacij, & succi pyrorum, & cotoneorum cum aqua. Vomitiones etiam præfatorum humorum falsorum procurandæ, & incisio per acetum, vt facilius expellantur si crassescere cœperint; quæ autem ebrietatem sedent, dictum est alibi.

*De appetitus deprauatione.*

ARTIC. III.

1 Dicitur appetitus depruari, quando ea appetuntur, quæ nutritioni, aut sanitati contraria sunt. Accidit autem hoc vel ex partis organicæ prauitate, vel ex totius corporis & temperiei improbitate, siue naturali, siue accidentali; aut nondum habituada, aut prorsus in habitum mutata.

2 Quæcunque contrariantur nutritioni, cōtrariantur & sanitati, nisi superflua nutritio præcesserit: etenim qui nimis pinguefacti sunt, expedit eis appetere minus nutrientia, non autem cæteris. Sic qui pica laborant, carbones appetunt, calcem, cimoliam terram, testas, & huiusmodi, quibus nutriri non possunt: & sanitas dupliciter pessundatur, tum ex nutrimenti carentia, tum ex prauorum ingestione.

3 Qui autem feбри corripuntur, appetunt frigidam feбри contrariam, amicam vero partibus, calore consumptis, afflicti siue: sed tamen quatenus impedit calorem à pugna contra prauos humores, sanitati contrariatur. Sed quibus naturalis est calor, aut habituatus accidentalis, semper illi calida appetunt, & similia; sic pueri humida, dulciaque cupiunt, suo temperamento congrua; senes amara siccaque, biliosi biliosa: atrabiliosi similiter atrabiliosa.

4 Medicorum quidam scribunt naturam tam in naturali temperie, quam in præternaturali semper contraria appetere: calidi enim frigida, & frigidi calida in potu, & cibo, & exterioribus amant. Similiter & sicci humida, & humidi sicca.



ca. Quod si verum esset, eadem esset curatiua, & conseruatiua Medicina, & læti tristia, & tristes læta, & terrestria mare, & marina animalia tellurem sequerentur, & Empedoclis rediret positio, quam in Phys. reprobauimus: scilicet quod calida in mare, frigida in terram ab initio migrarunt, contraria quærendo: ergo & ignis deorsum, & tellus sursum abirent, & pueri amara quærerent, & senes dulcia, quod falsum est.

*Contra eos  
qui similia.*

5 Alij è contra non nisi similibus curari in naturali, & non naturali intemperie. Et hæc opinio statim se prodit falsam, cum incalescentes frigora, & frigefacti calida cupiant, & amaricati dulcedinem.

*Tertia opinio  
verior.*

6 Alij dicunt similia appeti, cum intemperies facta est: dum in fieri, contraria: ergo qui amarescunt dulcia amant, quo amaritudinem affligentem pellant; at cum amari facti fuerint, amara. Sic & qui cane rabido percussi sunt, aquam auersantur, cum liccitas rabiosa in eis confirmata fuerit: quam tamen à principio amabant. Sic putant de his, qui citra laborant dicendum.

*Argumenta  
contra hanc  
sententiam.*

7 Sed contra hanc sententiam, quam puto veriore, insurgunt alij opposites, quod hectici confirmati in calore, & siccitate; sicca, calidæque appetere; quod tamen est falsum. Præterea mulieres vterum gerentes à principio appetunt carbonem, & derestabilia, antequam intemperies fiat; postea verò hoc appetitu liberantur: cuius contrarium euenire oportebat ex hypothesis.

*Respon. ad  
primum.*

8 Istæ tamen rationes sunt parum firmæ: hectici enim à principio cum incalescunt, humida, frigidæque cupiunt: cum autem intemperies confirmatur, eorum soliditas tabesceat, & colliquatur calore suo, & reddit quod habet nutrita pars, & non accipit quod non habet: idcirco nec appetit accipere. Soluitur etiam siccitas, & calor introrsum: ideo, &c. At etiam sicca, & salsa appetunt cum cœperint confirmari.

*Respon. ad  
tertium.*

Prægnantes verò tunc citra laborant, cum menstrua supprimuntur; & fœtus nullo, vel exiguo alimento vititur. Generatur enim ex menstruo prauus in ventriculo, & in venis succus prauum appetitum faciens: cum vero fœtus adoleuerit, nutritur ex meliori sanguine: & spiritus muliebris elaborat sanguinem; separatque fuligines, & impuritates, quod à principio non faciebat, cum minori nutrimento, & elaboratione opus habebat:



habebat : nec iam necessitate didicerat purificationem : fortè & aliqua pars ad foetum fluit cum nutrimento : incipitque mulier exonerari, vnde pars vomitione educitur, aut in matricas sequestratur. Vidimus nos appetitum mulieris gerentis vterum, natis communicari. Quædam enim mulier non nisi acidum aurantiorum, & citriorum appetebat. Natus filius post annum hisce libenter vescitur.

9 Cum igitur sanguis vitiatur, aut humores alij in ventriculo *Ratio dicta.* adhærentes putrescunt, & prauas qualitates ventriculo conciliant, sicuti stercus, & vrina vasi ligneo, solent suas qualitates indere; tunc procul dubio à principio appetunt ea, quæ tali contrariantur prauitati, vt expellatur. Hæc autem sunt absterfua, & incisiua : propterea acidis, & acetosis, & acribus illi delectantur. Quibus ventriculus viscosis humoribus, putridisque afficitur, vt corrodamur; alij cæpas, alij calcem optant: alij dulcia, quibus incipiunt amarescere intestina. At cum non sola intemperies confirmata est, sed etiam simul humores temperiem deprauarunt, & præualuerunt prauis: tunc ea desiderant, quæ illi prauitati fouendæ conueniunt. Propterea melancholici, & mulieres prægnantes, & quibus menstrua, aut hæmorrhoides supprimuntur, in appetitum carbonum, & testarum, & abominabilium ciborum deueniunt. Sic dicebamus in lib. de sensu rerum, eos, quos tarantula, aut canis rabidus momordit, cum in naturam mordentium abierint, ea optare, quæ ipsis tarantulæ, & cani sunt similia, à principio vero contraria. Sic semiebrij aquam : vinosi confirmati vinum semper plus appetunt.

10 Quemadmodum igitur à natura singula animantia his naturaliter vescuntur, quibus innascuntur, & quibus cum habent symbolum, vt vermis in caseo natus mica casei, in ligno ligni ramento, in stercore stercoris substantia : sic in intemperiem acta prorsus alienam suæ, aliena cupiunt; nec de hac re amplius dubitandum. Sed aduertendum, hos appetitus vehementiores esse, si in toto corpore eadem prauitas, præsertim in venis fiat, & non sit qualitatibus sola mutatio, sed etiam substantiæ, videlicet humoris, & soliditatis. Si autem fiat in solo ventriculi ore huiusmodi affectio, non ita vehemens, nec sanatu difficilis erit.

11 Conandum ergo, vt antequam confirmetur morbus, causa morifica euacuetur per ea, quæ patiens appetit, addito consimilis substantiæ pharmaco potentiori. Non enim aciditas citri sola



sufficit impactis viscosis prauitatibus educendis, nisi & vomitorium raphani ex succo, vel capæ, & huiusmodi addas; quod quidem facile perficitur, cum humor est in via. Conuenit etiam maxime prægnantibus vomitio, quibus alia purgatio foetura nocet.

12 Si verò prægnantes non fuerint, menses ciendi, viris autem hæmorrhoides. Si per vomitum non sanantur, hiera picra sunt purgandi: non enim solus ventriculus est affectus, sed & sanguinis vasa. Diminues etiam causas oxymelle simplici, & scyllitico, oxysaccharo: deinde purganti pharmaco; quo peracto, ne dum ex picra, sed agar. sen. & aliis respiciētibus humores, quos peccare ex præcedenti victu, ætate, & oppilationibus, & colore perdiffices, & cæteris signis; subiungatur dictim succus punicorum cum menthæ puluere sicca, decoctum polygoni, anethi, &c. forinsecus verò rosa, myrtus, semen fœnicul. galla, absinth. mala cotonea, cum posca, croco, & aceto, & oleis, & vino, & similibus in formam emplastri, &c.

13 Si totum corpus laborat, vt in lycanthropia: tunc medicamina fortiora sint, & trahentia ab extremis vasis.

*Consideratio,  
et summa  
vitiar. appe-  
titus.*

14 Aduertendum verò, quod carbones, & atras appetunt res, quibus atrabilis temperamentum, aut ventriculum afficit: cimo-liam terram, quibus pituita crassescit instar casei in ventriculo: restas, quibus indurefcit; raro autem flaua bilis concomitatur: & tunc detestabiliora quæruntur, & infaniunt, vt dictum est, cum de deliriis. Medicus sit cautus, vt cui humori succurrat non ignoret: & si est in via, contrariis; si extra viam, etiam similibus vtatur pharmacis, iuxta regulas lib. 5.

15 Cibus esto amariuscus, & acidorum, & absterfuiorum: similiter & potus; & cum obstructions affuerint lienis, vel vteri in causa, ad illas respice.

*De ventriculi subuersione, nausea, vomitu, singultu,  
eorumque cura.*

#### ARTIC. IV.

*Nausea cau-  
sa aliquando  
sola imagi-  
nationis, na-  
sinorum est.* 1 **P**Assiones ventriculi, appetentiæ instrumenti, sunt varix ad suarum facultatum noxam spectantes. In primis occurrit nausea, quæ apprehensio est spiritus rerum quasi noxiarum ad stomachum pertinentium cum desiderio, atque



atque motione quadam ad expulsionem parante viam : neque enim res, quæ nauseam faciunt noxiæ sunt, sed apprehenduntur solum aliquando vt noxiæ. Citra hanc apprehensionem non fit nausea, sunt enim quiedunt praua, & pediculos, & mucres in ferculis sordidorum coquorum, nec propterea nauseam incurrunt: at si quis eis dieat sordes in cibo tales fuisse, incurrunt. Immo etiam aspicientibus alios sordibus vesci, in nobis nausea fit: & cum recordamur vomitus in mari tolerati, iterum nausea, aliquando etiam vomitus, in nobis excitatur. Quapropter indocti Medici nauseam, cæterasque passiones ventriculi stupidæ facultati tribuunt, animæque, & intemperiei, & humoribus, & ingestioni, cum etiam absque his accidant ex sola imaginatione.

2 Quando autem præcedente nulla fit imaginatione, causa est in ventriculo, vel supernatans oleaginosus mucosusve humor, qui dilatare plus quam est opus ventriculi possit fibras. Manifestum est enim, quod caro pinguißima, porcina vocata, hoc facit; & oleum, & multa alia dilatantia absque adstrictione: ita vt etiam capæ & raphani succus cum aqua calida, vel aceti gutta idem efficiant, propterea quod dilatant stomachum tepore, & acumine: aut fumos prauos emittunt, spiritum stimulant ad expulsionem earum, quæ in ventriculo sunt causerum. Vnde & humores mordicantes ventriculum, etiam biliosi, nauseam prouocant: quamuis nec dilatent fibras, quoniam irritant spiritum ad sui educationem: proprium tamen est dilatantium nimis nauseatio.

*Aliquando humores qui & quomodo Facultas sensitiva non est stupida, sed sensitiva et imaginatio.*

3 Fit etiam nausea ex grauitate ingestorum ciborum; cum enim eos coquere non possit ventriculus, onere grauatus, spiritum irritat ad eorum expulsionem: magis autem si quid oleaginosum in eis sit, pingueque.

*Aliquando ingestio nimis.*

4 Hi autem humores ventriculum irritantes ad nauseam, cum præualent etiam ad vomitum irritant. Est enim vomitus perfectus conatus expulsus prauitatis in ventriculo existentis: nausea vero imperfectus, ex passionis molestæ sensu, affectio- néque sequens.

*Quid vomitus, quid nausea.*

5 Dicitur etiam stomachi supinitas iste conatus, vbi sit iuxta intemperiem stomachi absque vitiatis humoribus, quoniam pars ima eleuatur ad expulsionem noxiorum, & imaginatorum.

*Quando fit ex supinitate.*

Dicitur



Dicitur subuersio eadem morione facta ex humiditate dilatante, vel pinguedine.

*Quid singultus.* 6 Cum autem conatus citra nauseam fit, vocatur singultus. Eius causa est nimia repletio, & flatus in ea, & grauedo stomachi; proptereaque maximè pueris, gulosisque accidit. Item ex acidis humoribus, & acris serosis, & à deuorato pharmaco ex tribus piperis generibus constante, quæ ventriculum pungunt, prori- tantque: fit ergo citra nauseam, vbi pinguedo, & dilatatiua abest causa.

*Singultus non fieri ex inanitione citra mortem. Sed ex compressione sequente.* 7 Arbitratur etiam Hippoc. ex inanitione fieri singultum, quasi conuulsionem: sed hoc impossibile est citra mortem: non enim tanta inanitio fieri queat in stomacho, nisi euacuatis humoribus bonis vnà cum prauis; neque inanitio est causa singultiendi, cum in ea nihil sit amoliendum, sed vasorum strictio & obstructio ad inanitionem sequens; & quædam confidentia vasorum: quorum mole & adstrictione spiritus residuus constipatur, premiturque: quam compressionem vt vitet, singultit, hoc est, conatur pressuram eleuare.

*Epilogus de causa vomitus.* 8 Causa ergo nausæ & vomitus, est humor aut genitus in ventriculo ex illius intemperie, aut ingestus vnà cum cibo: aut à corporis plethora in ventriculum irruens, aut ex aliqua corporis parte prauis humoribus affecta, quos eructet in ventrem, vti solet lien, & iccur: aut conspectus sordium, vel imaginatio, vel recordatio. Præterea causa est grauedo vel ingestorum ciborum & potus, vel aliunde delatorum in ventriculum multitudine peccantium fluorum.

*Vnde cognoscitur quæ causa ex his efficiunt vomitum.* 9 Cum in culpa est plenitudo, & copia; si ciborum fuerit, ex relatione ægri vel adstantium discitur; si ex plethora, ex corporis habitu, & grauitate. Cum vero prauitas est in culpa, similiter discites ex adstantibus, an à cibo ortum duxerit: si enim pingua nimis, aut acida, aut pharmacum piperis; aut flatuosa ederit, facileque corruptibilia, interrogabis: ipsaque vomitio vnà cum cibo sui indicium faciet.

An vero prauitas in ventriculo oriatur, itidem discimus, si cibi prohi fuerint, aut etiam sine cibo ieiunis nausea adsit, & diuturna, non extemporanea. Scies etiam an supernatet ventriculo, vel tunicis eius impactus adhærescit, quando cum vomitu, vel absque vomitu nausea excitatur. Scitur etiam an prauitas floris aliunde in ventriculum deriuetur. Si enim ex toto corpore, habi-



rus prauus, eiusque plethora indicabit, & pustulæ, & eruptiones prauæ in cutim. Si verò ex aliqua parte corporis, eius partis dolor, aut tumor, & ægritudo præcedens. Præterea intermissa nausea, & vomitus, aut singultus: cum enim ista in ventriculo habent causam, continua sunt; cum aliunde, prout & quando eruptio inde fiet.

10 Genus etiam, & qualitatem humorum ex symptomate ventriculi arguimus: oris enim amaritudo, & mordicatio in ore ventriculi, & sitis, & inappetentia, & ciborum in amaritudinem conuersio, biliosi humoris sunt signa. Defectus sitis, & ardoris, sensus verò frigoris, & dulcis sapor, pituitam indicant, præsertim si acescant etiam cibi, & ructus: hordeum enim, & triticum acescunt aqua putrescentia, vnde siceram faciunt. Sitis cum his falsam pituitam ostendit, etenim & vino multo pleni, niuis vi frigido, sitiunt valde citra amaritudinem. Vbi etiam adfuerit atra bilis, tristitia, metus, ructus, foetide excretiones, grauitas poplitum, & imaginatio praua, præsertim in somno comitabuntur. Horum omnium prognosticum in lib. 4. habes.

11 Cura nausæ, & vomitus ex sordium visu, & imaginatione sit per munditiam mensæ, & vasorum, & ciborum, & per bonos odores, & lætas imaginationes.

12 Si cibi pinguedo est in causa, curabitur vomitu & adstringentium potu, & esu capparum, cotoneorum, punicorum Panis etiam aceto perfusus valet, & vino menthæque applicatus deforis, & macrorum esus. Caue à dulcibus pinguibusque. Vinum austerum, sit potus.

13 Ciborum grauitatem exoneratio per vomitum procurata, aut clysteres, amoueunt. Verum nihil melius vomitu, quem sequatur inedia, hanc tenuis, mundus, astringensque victus, & potus austerus, &c.

14 Si autem à plethora, vel membro ortum habet grauedo, euacuans pharmacum, & ieiunium, & quæ illud membrum exonerant sanantque, valebunt.

15 Porro vbi prauus humor, si ex toto corpore, purgetur pharmacum humores peccantes educente iuxta genus suum, vt dictum est in lib. 5. iuxta indicia pituitæ vel bilis, vel &c. Si ex aliquo membro, respiciat medicamen illud membrum.

16 Cum autem in ventriculo generatur, faciliior erit curatio: non enim pharmacum, sed expulsiuū propinabis, incisuum quidem, &c.



absterſuum, qualia ſunt amara, acidaque, ſi pituita peccat, humorque tunicis ventriculi nimis adhaereſcat. Laudatur in primis aloë, & abſinthium. Cum autem natat, per vomitionem facilior erit eductio. Bilis etiam ſimiliter ſuſum ſi flaua eſt expellitur, deorſum ſi atra.

*Curatio cōmunis.*

17 In cunctis autem quæ ſtomachum confortant procurabis; & ſi quidem talia purgentur per vomitum, qualia oportet, & facile ferunt, naturam ad id iuuabis. Si autem exceſſerit vomitus indigentiam, ſupprimendus eſt adſtrictiuis intruſ, & extra. Decumbat elato collo æger in aëre ad frigidum vergente, ſed temperato; ligentur extremitates: adhibeantur odoramenta. Vngatur extrinſecus oleo myrtino, abſinth. roſ. Addantur cataplaſmata ex abſinth. coton. cumino, maſtice, farina lolij, reſina lentici, & mentha, &c. Vinum maluatic. & muſcatel. laudantur, &c.

Fit etiam ex mentha Romana decocta in oleo, additis caryophyllis, nuc. moſch. cynamom. maſtice, ſpicanardi, &c. corroboratiuum mirificum. Siſtit etiam vomitum, præſertim ciborum, menthæ ſucco granati infuſæ poruſ; & cucurbitula ſtomacho affixa, citria, & aromatica cuncta ſtypticitatis participia optima ſunt intruſ & extra.

18 In cibo ſorba, meſpila, cotonea, azarola poſtremo loco valent. Pyra etiam ſtyptica; ſingulis etiam morſellis carnis caponis adhibe modicum pyri, aut ſorbum, &c. quia &c. Proſunt & in brodio eadem. Adde hyſſop. puleg. ſerpillum, menth. & huiuſmodi.

*Cura ſingulæ.*

19 Singultus eandem curam habet. Reſpice an plenitudo noua, an vetuſ ſit in cauſa, an ſtatuſ, an corrodens humor. Vomitus enim facile ſoluit, & ſternutatio ſingultum, niſi fiat ex inanitione. Cauſa enim vetuſ nil ab ea, quæ nauſeam facit, diſtat.

*De dolore ſtomachi cardialgico, & cardiaco.*

#### ARTIC. V.

*Cauſa cardialg.*

1 PRæterea cum ſtomachum ac reſ humores mordicant, velli-  
cantque, vel vermes in eo geniti, ſit ob exquiſitum oriſ  
ventriculi ſenſum, dolor, vocatuſ cardialgia apud Medicos. At  
vero ſi humores mordicantes aliquid venenoſi habent, vnde &  
per antipathiam ſpiritum fibræ contentum lædant, ſit atrocior  
morbuſ, quem cardiacuſ vocant: eò quod ventriculuſ cor anti-  
quis vocabatur, aut quia cor cōſentit affectui. In cardialgia febris

*Cardiaca.*

non



non adest, sed dolor acutus, & anxietas. In cardiaca febris acuta, æstuosa, pulsus creber, obscurus: sudor pectoris, & capitis; extremitatum frigus, desperatio, angor animi, corporis iactatio, & sæpè syncope, qua etiam moriuntur, confluenta spiritu ad ventriculum, suffocato, victoque, ut suo in loco declarauimus. Eadem sunt *Comparatio* causæ vtriusque morbi, sed huius potiores, nam & vermes multum vellicantes in causa esse possunt, & acres humores, vel in ventriculo geniti, vel à corpore toto deriuati, vel ab inflammato quopiam membro.

2 Curatur morbus vterque eisdem rebus: sed in cardiaco fortioribus. Victus sit refrigerans, confortans, adstringens, & tenuis, ne oneret; sed repetatur crebro, si opus fuerit: ut lactuca, portulaca, cum aceto, mica panis in vino austero aquoso, vel in aqua gelida. Pulli, perdices, aues, capones non pingues: pisces saxatiles cum aceto, vel omphacio. Potus sit aqua hordei, & cynam. & rosmarin.

3 Medela per vomitum confert, si ad supera vergit humor; vel si ad inferna, per hierampicram, aut aloën. Considerabis enim cuius qualitatatis sit humor, & quid requirat. Et si lumbrici fuerint in causa, remedium contra eos adhibebis. Cum inflammatio membri, illud membrum curabis secundum artem intus, & extra; quæ stomachum roborant adhibendo, de quibus supra locuti sumus. Odoramenta addantur, &c.

### De inflatione ventriculi.

#### ARTIC. VI.

1 **A** B inflationibus ventriculus insuper doloribus cruciatur, videlicet cum genitus flatus in eo, adeò crassus est, mitusque, ut nec per ructus, nec per crepitus, uti assolet, emitti queat: vnde spiritum fibris implantatum comprimit, caput vertiginibus, & grauitatibus afficit, hypochondria tendit, eleuatque, & diaphragma premit: & pectus, & vertebrae interdum afficit, & spirandi parit difficultatem, fiuntque sonitus in ventre tanquam tympani, & dolores.

2 Causa flatus huiusmodi aliquando est solus cibus flatulentus, ut faba, cicer, carduus, & pleraque semina, & crassæ res, quæ succum crassum; vnde crassi flatus emergunt, gignunt. Ven-  
tum si calor innatus fortis fuerit, facile eos dissoluit in tenui-



rarem, forasque educit, ructibus, crepitibus, & transpiratione præsertim ubi labor & motus accefferit calorem accendens, flatusque agitatione, & calore simul attenuans.

*Secunda causa humor im-  
pactus & cal-  
loris debili-  
tas.*

3 Aliquando in causa sunt ventriculo impacti humores pituitosi, viscosique. Interdum etiam atrabiliosi commiscuntur: quod quidem noscitur, si ante prandium, & continuò vani ructus in ventriculo adsint, qui etiam caloris innati debilitatem indicant. Neque enim crassescat, nisi caloris defectu, & humoris copia. Adest in his, præter symptomata prædicta, animi angor, tristitia, desperatio, sæpèque vertigo, & delirium.

*Caloris im-  
becillitas  
maxima cau-  
sa flatus.*

4 Vera tamen causa flatus omni tempore est caloris imbecillitas, qui cibum in fluorem, & fluores in vaporem dissolvere nequit, nec vapores in tenuitatem: potest tamen solum eleuare; sicut calor veris ventosus, non autem æstiuus ob robur ad dissoluendum flatus: neque hyemalis, quia commouendo impar, proptereaque periculum imminet, ne multi flatus in aquam intercutem vertantur. Puto tamen quod plurimus calor, qui id quod in fluores vertere debebat, in vaporem agit: quod verò in vaporem, in tenuitatem; posset flatus gignere, de quibus ubi de hydropse fermo occurreret, agemus. Calor itaque imbecillus tam è cibis, quam è viscosis fluoribus, vapores crassos intranspirabiles creat.

*Calor ni-  
mius qui  
causa flatus.*

*Cura flatus  
ex cibo.*

5 Cum cibus flatulentus est solus in causa, inedia sanatur, & potu piperis in vino, & anisorum, & fœniculi seminum. Cibus auersabere huiusmodi, præsertim legumina, & castaneas, & omne crudum. Condies vero cunctos pipere, aniso, cumino, caryophyl. & aromatis flatum dissipare valentibus, stomachum roborantibus, & c. & cum necesse fuerit, eiusmodi vti cibis, vttere aromatis, & labore, & coctura forti, & allio, prout poteris, & c.

*Cura flatus  
ex impactu  
humore.*

6 Cum verò humores, potius autem lentores, ventriculo adhærentes peccant, purgabis eos per vomitum, aut per aluum secundum artem. Omnia cruda cauebis, & olera, & semina, & quæ iam diximus. Vino meraciori vteris, & absterfuo. Stomacho olea calida applicabis cum modico aceto, quæ calefaciant, & incidant, prout ratio peccantis postulabit causæ: de qua sæpe. Extenuantibus vttere, & rarefacientibus.

7 Cum imbecillitas caloris peccat, cibos concoctu faciles, bonique



ionique succi imperabis, flatuque contrarios, aromatis conditos, prædictisque iam rebus. Vinum meracius, non copiosum ne suffocet. Clysteres ex decocto origani, pulegij, calamenthae, cumini, mentastri, apij, foeniculi, radicis helenij, parentur, exque oleis absinth. rut. aneth. pinguedinis gallinae, addito sale. Item suppositoria ex melle, & seminibus dictarum rerum. Decoctio eorundem prodest mane ieiunis; oleaque ventri extrinsecus adhibita. Additur & castoreum, &c. Ex eisdem rebus valent cataplasmata, & farina hordei, & lolij. Cum perseverat afflictio, remedium optimum Galeno est affixa stomacho cucurbitula.

*Cura facies  
ex imbecilli-  
tate.*

8 Respice etiam an caloris imbecillitas adsit à frigore; illudque fuga: an à calore laxante seque ipsum cum tenuitatibus educente; & tunc vtere adstrictivis, & cohibitiuis modicè refrigerantibus: an à calore, & æstu externo; quies, somnus, & umbra sint remedio, cibisque subito nutriens, vel odores tantum, &c. de quibus pluries locuti sumus.

### De inflammatione Ventriculi.

#### ARTIC. VII.

1 Contingit etiam ventriculo inflammatio siue in ore, quod cinappetentia indicat; siue in cavitare, quod defectus coctionis demonstrat.

*Situs infla-  
mationis ven-  
triculi ut  
discernendus.*

2 Et quidem aut à sanguinis eo confluentis copia, ob humoris irritationem, præsertim autem biliosi: aut à bilis confluxu cum sanguine: id quod sitis ardentissima, febris acutissima cum minori gravitate, ac tumore humiliore prodit. Sanguinem autem purum, vel non attractum irritamento, nequaquam inflammationis, præsertim hoc in loco, arbitror esse causam.

3 Periculum lethale est, nisi vires robustæ sint ad resistendum. Præva est febris, quoniam soluit, cum in morbum irrumpit, vires; præva est cessio, quoniam desperat vincere, ut in prognosticis dictum est.

*Periculi ra-  
tio.*

4 Cura fiat in aëre subfrigido. Victus sit tenuis ex ptisanæ cremore, & in biliosiori phlegmone ex lactuca, endivia, borragine cocta &c. in aqua hordei, vel pullorum brodio, anserculorumve. Potus sit aqua hordei cum succo punicorum, aut aliorum acidorum fructuum. Carnes, vinum, & omnia percalida, & crassæ substantiæ, in quorum coctura laborat spiritus, vitentur. Som-

*Cura inter-  
rior, & exte-  
rior.*



nus brevis, ne ad interiora sanguis conuersus phlegmonem au-  
geat.

5 Mittatur sanguis de cubiti interna vena multus, & repeti-  
tus, si plethora adsit, & vires: si bilis peccat, non adeò largiter.  
Tentetur alius clysteribus lenibus, non acribus, & valde irri-  
tantibus. Potest & purgatio, si fæces abundant, & vires; per  
manna, aut cassiam fistulam, & thamarindos, aut ros. infus. vbi  
phlegmone declinauerit, administrari, dum autem feruet, mini-  
me; sed repellentibus, & diuersis cucurbitulis, strictiorisque  
minuenda inflammatio.

6 Utendum à principio adstrictiuis corroborantibus ventricu-  
lum tum fomentis, tum oleis, tum emplastris, & cerotis, miscen-  
do etiam quæ laxant phlegmonem, fermentantque, vt mature-  
tur, aperiatur, flammæque, facto exitu, abscedat, aut suppuratio  
fiat. Et quoniam videtur duplex scopus respiciendus, alter est  
confortatio ventriculi, quæ per adstrictiua perficitur; alter laxa-  
tio phlegmones, vt exhalet calor, & maturetur tumor: propterea  
vtrisque pharmacis erit opus. Nec ineptè Medici veteres adstrin-  
gentia adhibent, ne ventriculi tonus roburve dissoluatur, nec  
phlegmones cura eidem proficit.

Igitur ex absinthio, cotoneo, mastice, pyro, rosa purp. santalis,  
farina hordei, bolo armeno, nuce mosch. balauistiis, istorumque  
oleis, cera, resina terebinth. omphacio, hypocystide, & similibus,  
parentur emplastra, cerota, epithem. &c. Et remisso æstu, vel ex  
parte, additur farina fœnugræc. lini semina, althæa, flores cha-  
mom. aneth. melilot. ros. purp. cæteraque iam nominata adstrin-  
gentia, propter vtrumque vsum.

*De triplici cruditate ventriculi ingestorum.*

A R. T I C. VIII.

*Cruditas I  
causa.*

*Triplex vi-  
tium crudi-  
tatis.*

**C**um ventriculus, siue ventriculi spiritus quacunque cau-  
sa languet, aut distrahitur, cruditas assumptorum fit ci-  
borum, concoctione impedita, vel sublata, vel deprauata. Vnde  
triplex cruditatis genus habemus. Aut enim nihil coquun-  
tur cibi, & quemadmodum assumpti sunt ita eiciuntur, can-  
dem qualitatem retinentes. Aut alterantur quidem ad coctu-  
ram, sed non quantum opus est, vt in chylum vertantur. Aut  
alce



alterantur in alienam à chylo nutritivā qualitatem.

2. Causa totalis defectus coctionis esse solet, vel nimia ciborum ingurgitatio, quam nec aggredi audeat spiritus: vel spirituum absentia, & distractio totalis, quæ acutos morbos comitatur: vtrum in vteri passionem, aut capitis, aut aliorum sese confert: Vel spiritus resolutio defectusque, qui ab intemperie calida nimis, vel inflammatione, vel aliis subsequi solet; quæ omnes facile ex his, quæ præcesserunt, dignosci possunt. Frigus autem totalis cruditatis causam vnquam esse non arbitror, nisi etiam sit & mortis: non enim tantum colligi potest in viscere quin occidat.

*Causa totalis cruditatis triplex.*

3. Mediocris cruditatis causæ sunt vel imbecillitas caloris ob nimiam exhalationem spiritus à multo actam calore; vel frigiditas stomachi, quæ à cibis, & potibus frigidis, alterave causa excitatur: nam & defectus caloris pro frigiditate hic sumitur; vtrumque ex excrementis puris, crudis, absque humore aliquo agnoscitur; & ex stomachi æstu, & ructu tenui, vel acido, crassoque: Vel causa est pravi humor in ventriculo contentus, qui non finit coctionem absolui: & in excrementis dignoscitur, cæterisque olim datis signis. At si non excernuntur, nausea indicabit, & vani ructus eos ventriculitunicis impactos esse. Propterea vigilia nimia, studium litterarum, aliæque ecstases, attentiones, distractiones, imperfectas reddunt, vel tardant coctiones, prout spiritus magis, minusve in actu coctionis, distrahunt, vel minuunt. Ocium quoque, vel labor nimius, quibus ventriculus est raræ texturæ, est causa cruditatis. Quapropter oportet raram habentes ociari ex parte; densam labor non adeo impedit. Coitus multus, qui elicit sanguinem, omnem coctionem aufert: qui debilitat vires, impedit ex parte, tardatque: moderatus iuvat, nisi statim à cibo fiat; quemadmodum & aliarum distractiones, & ludus alearum, & talorum. Præterea si assumuntur cibi, nondum priorum digestionem perfectam. Aut nimis avidè impetuosèque, aut non bene macerati dentibus, aut crassæ viscosæque substantiæ, aut venenatæ, quam spiritus aueratur.

*Causa mediocris cruditatis sexplex, quarum quilibet multiplex.*

4. Vitiata coctura in causa sunt, vel assumpti cibi pravi qualitatis; vel humores pravi ventriculo impacti, qui misti cibo alterationem vitiānt. Indicant autem acidi ructus, & absque acidi, & fuliginosi bilem atram; & fumosi acidi pituitam acescen-

*Duplex causa vitiosa coctura ipsarumque indicia.*

tem,



tem, sitis & amaricatio flauam bilem, quæ omnia ex tam dictis patuerunt.

*Ca. alio.*

§ Cognitis causis faciliè medicaberis: si enim vigilia, aut studium, aut quæcunque distractio præcesserit, quies, & feriatio proderunt; si qua intemperies, per contraria curabitur pharmaca cum sit in via. Si humores innatantes; per vomitum si impacti, per abrasiuâ, abstersiuâque, & incisiuâ. Si morbus vicinus, illius curam suscipies non neglecta ventriculi confortatione. Si Venus, aut calor spiritus exhauserint, per ea quæ facile nutriunt, subitoque, vel solo odore fiet instauratio. Memento tamen odoriferis, acetoque aspersis rebus, & herbis ventriculum afficere semper, quibus & spiritus instauratur, & excitatur, & ostiola aperiantur. Si copia ingestorum peccauerit, procuretur vomitus, & per inedia, & roborantia stomachum intus, & extra curetur; & cibi boni, faciliisque concoctu succi deinde sequantur. Menthæ & capparis non obliuiscaris. Vino austero, aquosoque in potu vtere. Fames expectabitur, ordoque ingerendorum seruabitur. Abstine à fœtidis cibis, prauisque in qualitate, & substantia crassis, &c. & non bene dente contritis, aut crudis. Quæ tandem concoctionem iuuant intus, & de foris applicabis, ut sunt aromatica, & adstringentia, & defectum caloris emendantia.

*De immodica supernè, infernèque simul euacuatione; quam choleram vocant; & bisfluxus vocari potest.*

## ARTIC. IX.

*Quid cholera.*

1 **P**ORRò cum simul infernè deiectiones alui, supernè verò vomitus immodici accidunt (quam passionem choleram veteres Medici dixerunt, siue ab intestinis, siue ab eo quod eius causam cholicum humorem esse putarunt, cuius est amaritudine afficere intestina; qua ad expulsionem irritantur excrementorum:) nequaquam arbitrandum, ut Medici dicunt, expultricem facultatem deprauatam esse, sed auctam, præter quam ubi nimia euacuatio tabem accersit, consequentibus bonis humoribus ad malorum effluxionem: etenim virtutis opus est expellere noxia vndique simul.

*In cholera non est debilitas expultricis in causa, sed robur. Exceptio.*

*Quatuor cause cholerae sunt.*

2 Huius passionis causas enumerant, vel cibi potusque multitudinem onerantem; aut qualitatem prauam; vel copiam bilis irritantis

irritantis



irritantis supernè, infernèque ad excretionēs: vel frigida potum: quæ omnia ex præcedentibus dignosci poterunt.

3 Symptomata sunt emissiones vtrunque, sitis, sudor, incisus *Symptomata quinque.* pulsus; manuum, pedumque musculorum, maximè vero surarum, contractio, tensioque.

4 Equidem arbitror grauamen cibi tantas passiones excitare *Causa verior non grauior, nec frigus, nisi per accidens.* non posse, nisi prauis sint per totum corpus humores, qui cibo irritati grauante, sponte in ventriculum, & intestina feruntur. Immo nec nisi qualitas vitiosa sit in cibo, tanta subsequi attractio non valeat, puto. Manifestum est enim, quod antimonium, & ea quæ vtrunque purgant pharmaca, non nisi qualitate accersente prauitates, tam diras euacuationes facere possent. Multi copiosiori cibo grauati in hanc perturbationem non prorumpunt, sed vbi vomuerint cibum, & quæ in ventriculo erant, quiescunt. Copiam ergo bilis in causa magis commendo. Excitata enim bilioso cibo, vel potu erumpit, stimulatque intestina, quam stimulationem, & eruptionem alij humores consequuntur. Frigida quoque aluum vomitumque non mouet, nisi vbi confluens spiritus ad eius infestitatus amolitionem simul humores rapiat. Siquidem etiam in deliquio frigidam aspergimus in faciem, vt spiritus contra eam subito foras reuocetur; itidem ergo & intro. Frigus tamen externum per repercussionem humores in centrum deducit, quemadmodum de catarrho loquentes demonstrauimus. Nulla autem ratio est huiusmodi fluxus, nisi iam dicta. Frigus enim per se constipat, stringitque fœces, intestina, & aluum: tantum abest, vt fluxum ciere queat.

5 Quoniam ergo perciti humores confluunt, se mutuo conseruantes post irritationem, & spiritus accursum, ac simul bonos *Periculum pharmaciam vacans subit.* trahunt, consuetudinemque hanc in corpore faciunt, vnde tabes exoritur, qua nutritibile nutrimentum nutrit, & non nutritum nutritibile. Oritur etiam syncope dissipatis exinde spiritibus ob eiusmodi confluxum, sicut alibi dictum est: propterea statim remedia adhibere necessum est.

6 Igitur si talia purgentur, qualia oportet, irritandus est stomachus ad vomitum facili irritatione per tepidam, & pennæ immisionem, præsertim vbi nausea perseverat: vel si minus, per inferiora tentandum, cassia fist. manna, aloë, myrobal. *Cura vt enanchetur magis.*

7 Si autem sequitur fluxio eorum, quæ non oportet, aut cum euacuatio probè peracta fuerit, ne insuper probos educat suc- *vt minus.*



cos, quies procuranda est somno, & hypochondria oleo mastice, absinth. nard. &c. inungenda. Mox gallinarum iuscula cum omphacio propinanda, & cibi boni succi, atque odoris, assique conueniunt, & potus succi puniceorum, vel misti aqua, & rosarum aqua, vel in qua chalybs sit extinctus, & abstergentia foris sæpè dicta adhibenda, nec ultra ciendo ventri, sed roborando operanda. Præterea adde cibo pyra, cotonea, azarola, sorba, mespila, &c. Et prout humores fuerint biliosi, aut pituitosi, propinandi sunt cibi, & medicinæ, vt lactuca cum aceto, endiuia, &c. In pituitosis hyssopus, serpillum, &c. In biliosis addantur cataplasmata sæpè dicta.

8 Cum fluxiones non cessant, dabis vinum adstringens ad robur ventris, & refectionem spiritus, decoctum adstringentium. Somnum medicato vino fastigiis papauerum conciliabis. Per frictiones, ligaturas, & frigefactiones extremitatum spiritus reuocabis à fluxu in centrum ad peripheriam, vt humores eò ferri reuocari dediscant, & tabis origo remittatur. Propterea & calefaciendæ sunt frigidæ aliquando extremitates, ad spiritum alliciendum amore, vel frigefactione, vt reuocetur timore. Adduntur cerata vètri ex gummosis, & adstrictiuis, & tandem cucurbitula, vt sistat vomitum, coctionemque iuuent. Hæc & alia superius dicta sunt, sed Medici iudicio cæcutiente, nulla præceptio, regulæque valent, &c.

9 Musculis contractis cerata, oleaque calida subueniunt.

### De diarrhæa.

#### ARTIC. X.

Diarrhæa critica ex duplici causa, symptoma.

**E**X prædictorum malorum causis solet alui profluuium immodicum, spontaneumque, quod diarrhæam vocant, siue criticum, cum videlicet aliqua pars ægrotans prauos humores in ventriculum mittit, aut totum corpus plethoricum illorum sese exonerat; siue symptomaticum, cum videlicet aut ventriculus non coquit bene, aut non bene distribuitur cibus, idcircoque semicrudus in secessum abit; vel ob imbecillitatem caloris, aut ob humores prauos, qui cibo admixti, & effluentes secum eos rapiunt, de quibus dictum est cum de vomitu loquebainur; seu ex inepta purgatione totius, vel partium; vel colliquatione, vt in hecticis.

Ex præcedenti morbo.

2 Præcedentes morbi causam indicant, membrumque affectum, vel corporis plenitudinem: a iccore enim biliosa deiectiones, si aliud



aliud membrum, vel totum corpus non afficiatur, quæ in iecur e-  
mittant noxia, & per illud in intestina: quorum passio præcedens  
indicat non esse iecur primò affectum. A liene subnigræ: à ce-  
rebro, spumosa. Balbi etiam, & pueri, cum dentes nascuntur, alui  
profluui laborant: illi sæpè critico, vt dictum est in libro 4. hi  
symptomatico, quoniam non commanducant cibum, aut irritan-  
tur dolore, & pruritu ad excretiones. Cum autè morbi non præ-  
cesserint, iudica causam in ventriculo esse intemperiem, vel hu-  
mores, & propterea crudos emitti cibos, aut parum immutatos.  
Quales autem sint, in deiectionibus apparebit; & signis sæpè tra-  
ditis, biliosorum, pituitosorum, & atrabiliosorum, &c.

*Ex præce-  
denti quid.*

3 Quæ autem ex alimentorum copia, & grauedine accidunt,  
iam dicta sunt: similiter & quæ ex hectica intemperie non raro;  
nec non & vbi à pharmaco.

### De lienteria, & cœliaca.

#### ARTIC. XI.

4 EX his liquido constat lienteriam, quam intestinorum vo-  
cant læuitatem, in qua cibi egeruntur quales assumuntur,  
non dissimilis efferationis à diarrhœa, & fluxione nuper declara-  
ta. Non enim, vt Medici quidam putant, propterea ventriculus, &  
intestina cibos emittunt, quia carent asperitate, qua eos comple-  
duntur, læuitatem ex cicatricibus adipiscentes, cum multis aliis  
de causis, sicuti Galenus probè adnotauit, talis intempestiua e-  
missio fiat. Si quidem præcessit vlcus, reliquæ vlceris causa esse  
possunt; in quibus à cibo intestina aut venter latus, eos non com-  
plecti, sed auersari cogitur. Idcircoque etiam post dysenteriam  
solet huiusmodi lienteria fieri; & etiam imbecillitas retentiuæ fa-  
cultatis ab aliqua orta intemperie, vel morbo vicino, vel humore  
vitiato. Illa ex dolore, & motu agnoscitur: ista ex signis aliis dictis,  
cum de vomitu ageremus. Immodò vlcere sanato remanet maior  
asperitas, quam vbi non fuit vlcus.

*Causam lie-  
teriae non esse  
læuitatem, sed  
multas  
alias.*

5 Cum perfecta lienteria non est, cœliaca vocatur passio: in  
qua non omnino cocta, sed semicruda excernuntur crebrò aquo-  
sa, fœtidaque excrementa, ex eo quod vapor non eductus in  
fluorem reuertitur, & alij fluores excitantur aliunde, & pro-  
pterea gracilescent ægri hoc affectu: qui si perseueret, fit liente-  
ria, in qua prorsus incocti eiiciuntur. Et tandè solet etiam habitus

*De cœliaca  
causa, & cō-  
sequentiis.*



hecticus fieri, sequentibus humoribus ex toto corpore ad intestina superfluis; primò accidentalibus, deinde substantialibus.

*Notabilis  
peruersio suc-  
cedens calia-  
ca.*

6 Probe enim nouimus, memoriæque mandandum, quod dum ventriculus, & intestina laborant, aut cibi grauitate, aut sui imbecillitate: ita vt esculenta coquere, & in iecur distribui cocta non possint: necessariò ex peripheria ad centrum fit reuersio humorum accidentalium: quoniam calor natiuus etiam in partibus deficit, qui absoluat, & excrementa pellat in cutem, vt transpiret. Propterea humores ab intestinorum grauitate, & pruritu perciti, ad centrum reuertuntur: qua facta via sequitur tabes, & colliquatio per humorum abscessum, facta intemperie in toto corpore: proptereaque ex autumno in hyemem isti affectus transcurrentes, periculosiores sunt, quoniam frigus adueniens adiuvat, vt ad centrum conuertantur humores.

*Signum ad  
benum. Et ad  
malum.*

7 At si ructus acidus præcesserit, indicat coctionem vel modicam inchoari: bonumque post mala signum habetur in eiusmodi passionibus. Si autem spirandi difficultas, vel lateris punctura succedunt, tabes in proximo est, quod malum in cunctis euacuationibus immodicis, cum præfatis symptomatis, suboriri solet, etiam si à pharmaco ortum habuerit.

*Si qualia o-  
portes de-  
ciuntur quid  
faciendum.*

8 Non ergo horum cura morborum negligenda, & quidem si talia purgentur, qualia oportet, & facile ferunt, ac meliorantur: si probè facta est purgatio, naturæ iudicio relinquenda sunt omnia. Cibos tantum conuenientes subministrabimus, qui vim retentiuam, & concoctiuam augeant. Si autem integrè non sunt iudicata, naturam iuuabimus clystere, aut pharmaco, sicuti sæpè dictum est, donec vitiosi accidentales modò fluores efferuntur.

*Quid si ex  
imbecil aut  
humore.*

9 Cum verò fluores fiunt ex imbecillitate, & non ex redundantia, ex plethora, malitiaue totius, aut partis: tunc naturam roborabis: & si humores in ventriculo peccant, eos purgabis secundum artem, cognita ex suis signis ipsorum natura. Si autem intemperies peccat calida, vel frigida, contrariis curabitur.

10 Emendatis ergo causis, si alui fluxus subsequitur vsque ad substantialium eductionem, corpus totum frictionibus, oleisque confortantibus, & spiritum augmentibus, & humidum innatum reficientibus confortabis, dulci que prius balneo humores ad cutem reuocabis. Spiritum reficies sorbilibus valdè, subitoque nutrientibus; ventriculum adstrictiuis, & roboratiuis intus & extra.

*Aluum.*



Aluum adstringes moris sycomori, aut rubi, non maturis, terra lemnia, coroneis, myrto, rosis rubeis, corallo, balauistiis, & similibus; potionem, clystere, fomento, cataplasmate, vntione, &c. applicatis secundum artem.

11 Cibus sit facilis coctionis, boni succi, non fluxæ substantiæ. Potus modicus ex decocto rorismarini, vetustum vinum adstringens, &c.

12 Hæc eadem in lienteria seruanda intus, & extra: vbi etiam addunt, vt optimum vnguentum, oleorum absinthii, myrti, menthani, mastici, coronarii, santali, rubi, acaciæ, resinæ, &c.

13 Si vulnus, & cicatrix sunt in causa, ea quæ vulnera abstergunt sanantque, dicta in articulo de tonsillarum vlceribus, conuenient, præter roborantia ventriculi, & intestinorum.

*De morbis intestinorum mistis affectibus, operibusque appetitiui organicè subseruientium.*

CAPUT XIII.

**S**ubsequuntur ventriculi passiones intestinorum mala. Sunt enim intestina appetitiui principij organa mista, id est, subseruiencia amori, & odio; apperenti, & expellenti simul; sequestratio vtrumque designat. Vocantur ergo intestinorum morbi, dysenteria, tenesmus, voluulus, colica affectio, & lumbrici, &c. mista.

*Diffinitio morbi  
intestinorum.*

*De dysenteria, eiusque cura.*

ARTIC. I.

**D**ysenteria vlceratio intestinorum est, quam mordaces dolores præcedunt, & abrasionum ramenta, & sanguinis guttæ, mox puris, & crustulæ intestinorum, & membranosæ particulæ cum stercorum eiectionibus subsequuntur, & dolor, & auiditas cacandi, & tormina, & biliosæ, & spumosæ, & pituitosæ deiectiones.

*Quid dysenteria.*

**Q**uapropter dysenteria non est cum ex otio exercitiisque intermisso sanguis per aluum deicitur, aut saniosus sanguis similis loturæ carnis ex iccore, aut melancholicus, aterque abundans sanguis criticè, vel symptomaticè exprimitur, vti suis in locis dictum est; sed ipsamet vlceratio.

*Et quæ eius  
symptoma.  
Definitio dysenteria.*



*Triplex gra-  
tus dyfent.*

3 Triplex tamen gradus vlcerationis est : principio enim sola pinguedo abrafa excernitur: deinde intestinorum superficiei interioris ramenta. Tandem substantia crassior intestinorum vlcera corraditur, excerniturque.

*Locus intesti-  
ni aegrotantis  
vnde scitur.*

4 Fit aliquando vlceratio in superioribus, angustioribusque intestinis; quod dolor circa vmbilicum, & stercoribus adiuncta biliosa, porracea, variegata, animi semideliquia, sitis, febris, & crudum stercus, indicabunt. Crudius autem erit, & sanguis nigrior, si in ieiuno sit vlcus: & bilis abundantior è felle in ipsum confluent, mordicansque. Vnde & vomitu, qui ventriculo proximus, & bilis primum exceptorium est, subsequi solet, & nausea. Aliquando verò lata intestina patiuntur, & tunc excrementa minus cruda, sed pinguedine, & cruore mista, flatuosa spumosaque; ingensque edendi cupiditas.

*Causa dyfent.*

5 Horum causas puto non frigus humorum, & æstus, vt aliqui comminiscuntur; sed corrosiuos biliosos humores: qui à toto corpore, vel ab aliqua parte affecta, mittuntur: vel falsos, pituitososque, alibi, vel in intestinis genitos: vel bilem atram, acidam recoctam, vitiatamque. Verum difficilè abradent, nisi multi sint, & comprimantur, aut occasionem habeant à cibo findente, vel pungente, & dante locum penetraturo humori, dum membranæ, quæ quasi stanno munita interius est, infigitur. Propterea cibi crudi, & crassi, & ossei, & acres, & pharmacum corrodens, qualis scammonæa, & vlceratiua quædam, causam præbent, aut occasionem vlceribus sæpissimè.

*Cura trium  
graduum  
dyfent.*

6 Primus dysentericæ facillè sanatur gradus, secundus difficilè, tertius nunquam: & cum fit in superioribus intestinis longè minus, quam in crassis: & minus in mulieribus, pueris, & senibus, quam in iuuenibus. Et quæ à pituita sanabilior: quæ à bile flaua, sanatur difficilè: quæ ab atra, impossibiliter. Fit enim, sicuti cancer, vlceratio. Si autem critica fuerit, salubrius est. At pituita salsa nimis cum bile excocta pernicialis habetur.

*Tria facien-  
da in cura  
dyfent.*

7 Qui dysenteriam curant, tria respicere debent. Primò auersionem, & exsiccationem vlcerantis humoris. Secundò facum & irritantium vlcus purgationem, ac simul ipsorum vlcerum consolidationem, & Tertiò, quasi intestinorum instannationem. Viçtus ergo instituat in aëre sicco: imperetur quies ab exercitio, & perturbatione. Somnum mirum in modum iuuare comperit est.

Cibus



Cibus esto lac mistum mica panis, cæterisque ex rebus, quæ superficiem interiorem instaurant. Quapropter vitentur omnia acria, corrosiua. Principio absterfua conueniunt ad saniem tollendam; quæ tamen non vlcèrent, quale est mel simul cum lacte. *Curatio.* Valent succi, & medullæ coctæ pyrorum, cotoneorum, sorborum, mespilorum, aliæque huiusmodi. Quibus agrestum modicum, potius autem succus granatorum semiacidorum, vt particulæ consolidantes, ipsæque fibræ vlcærum adstringantur. Igitur istorum mistura cum lacte maximè proficua censetur.

9 Verum enim vero per tres dies patientem inedia macerabis, si vires adsint, & repletio: carnes, crassique cibi auferendi sunt: debilitata enim intestina res crassas conficere non valent; nec decet succos multos ingenerari. Postmodum adhibere conuenit pistam carnem, in qua flos farinæ semper admisceatur ad instannandum. Puto tamen pista animalium intestina in fluorem redacta, succoque punici, & cotonei, mista, optimum esse intestinis vlcæris cibum instaurandis.

10 Vinum non dabimus à principio, sed aquam hordei; in qua plantago, & lacteus tyrsus lactucæ decocta sint; Addunt & punici succum subacidum. Cum autem opus fuerit ad vires reparandas, vinum dabimus subdulce, adstrictiuum dilutum aqua, in qua chalybs ignitus extinctus fuerit. Iuuant carnes perdicum, columbarum, caprearum, & leporum: amyllum, oua, pultes ex alica, & milio, addito semper lacte, nisi febris obstiterit.

11 Ad auersionem solent quidam venæ sectione vti: quod tamen tunc solum est vtile, cum è corpore in intestina sanguis exuperans influit, vel prauī humores symptomaticè, non autem si criticè; si tamen vires adsint, & plenitudo.

12 Clysteres profunt si inferiora intestina laborant, ex rebus adstringentibus, & abstergentibus, quales ex decocto hordei, & melle rosaceo absque sale; similiter & butyro. Proderunt etiam cum dolor, & mordicatio vehementes adsunt, clysteres ex lacte caprino, vel vaccino, adipe hircino, butyro, vitellis oui, & huiusmodi.

13 Cum verò intestina superiora laborauerint, proderit vomitus, & deinde adstrictiua, & consolidatiua per os sumpta, vt syrupus de myrto, ex infusione rosarum, & succo plantaginis, portulacæ. Addunt corallia rubra in puluerem acta: rasuram cornu ceruini; terram lemmiam; mora ruborum exsiccata. Conuenit



in lacte stercoris canini ossibus triduo nutriti puluis ad consolidationem mirum in modum, ex Galeni testimonio.

14 Cum autem non cessauerint dolores, purganda est aluus per ea quæ peccantibus cõueniunt humoribus: vt si pituita falsa, quæ pituitam purgant: si bilis flaua, vel atra, ea, quæ bilem flauam, vel atram secundum artem. Cauebis tamen, ne medicina vlcerationes augeat. Quapropter datis syrupis ex infusione rosarum, cichoreæ aut endiuiz, aut plantaginis, aqua mistis, purgabis bilem flauam thamarindis, myrobalanis, manna, modico rhabarbaro, & similibus, vt dictum est in 5. lib.

15 Inferiorem ventrem adstrictiuis oleis myrti, rosarum, mastice, menthæ, & similibus: terebinthina, cerâque. Item ex foliis plantarum adstringentium facto cataplasmate fovebis, semper adhibito aceto ad penetrandum, & stringendum. Præterea hoc remedium validum est, si cæpa alba benè coquatur in pice nauali (quam vulgo *catalanam* vocant) & in frustula concisa, calidaque, quantum ferri potest, vmbilico apponatur.

### De tenesmo.

#### ARTIC. II.

*Quidditas  
tenesmi.*

1 **E**St tenesmus dysenteria recti intestini, in qua assidua implacabilisque cacandi cupiditas inest, sitque excretio mucosa modica, interdum cruenta, semperque flatuosa.

*Curatio.*

2 Facilis est curatu, quoniam in latiori sit intestino, & propè anum: proptereaque calidis clysteribus adstringentibus & purgantibus causas, aut biliosas, aut falsas, aut atrabiliosas, benèque mundantibus, sicut & dysenteria solet sanari. Valent etiam olea inter anum & penem adhibita; & pectini. Similitèrque fomenta, qualia supra descripsimus.

3 Sed mirum quidem, quoniam citra vlcerationem affectus eiusmodi accidere solet Medicis, vel ex stercorum retentione multorum in recto, vel intestini inflammatione, vel tandem ex frigore concepto multo, quod & ipse probaui. Cum enim federit quis super lapide frigido, aut frigidæ noctis irroratione affectus fuerit, præsertim in capite, & sede: tenesmo corripitur procul dubio, ita vt frigus potissima causa esse videatur. Contra quam Medici meracum propinant vinum, pecten, inguina, & sedem calidis inungunt oleis, liliaceo, rutaceo, &c. Addunt sacculos calida-



rum rerum. Laterem etiam non coctum vna cum pascis in frustula comminutum, acetóque feruenti perfundunt, sedíque applicant. Iubendum etiam, vt sedeant super calefactam tabulam pineam, aut cupressinam. Clysteres ex mentastro, pulegio, origano, abrotano, semine anisi, fœniculi, & huiusmodi, parant; & tamen hæc opposita sunt priorum causarum medelæ.

4 Equidem credo, quòd si vlceratio causa sit excretionis incessanter recurrentis, tenesmus est ipsamet dysenteria, loco tantum differens. At si frigore fiat, propriè est tenesmus. Cum autem à stercoreibus, vel inflammatione contingit, alterius est rationis.

Verum quidem est quod irritatio tanta ad excretionem fieri nequit, nisi pungantur intestina. Frigus enim solum, aut calor, aut humor, id non præstant. Declarat clyster, & suppositorium ex sale, & acribus constitutum rebus, ciendo egestionis implacabilem appetitum, donec intra anum retinentur: res non nisi pungentes esse causam assiduæ excretionis, etsi multæ, vel modicæ dum insunt. Ergo stercora retenta, quoniam putrescunt, acescunt, & pungunt, excitant hunc affectum; inflammatio verò, quoniam humores acuit, aut intestinum afficit. Frigus tandem, non quo frigus; sed quo repercutit humores à peripheria ad centrum, quemadmodum diximus de catarrho loquentes: qui intestina subeuntes, cum acres sunt, mordicant. Hoc etiam qui à cerebro descendunt falsi, spumosi que addunt. Flatus verò fiunt, quoniam frigus transpirationem impedit; ideoque exhalatio, in rorsum fit, & humoribus mista spumam, & punitionem confert. Quæ Medici non considerantes, statim, causis plurimis oppositis, & per accidens concurrentibus, tanquam causis per se, morbum quemlibet tribuunt, causandi rationem non inuestigantes, nec distinguere potentes.

5 Igitur si stercoreum copia est causa, quod retentio præcedens ostendit, & durities intestinorum: purgabis manna, cassia, leuibisque pharmacis, infernè ministratis: vbi primum clysteres ex malua, althæa, mercuriali, beta, violis, &c. tentaueris. Si vero inflammatio, ea quæ inflammationi conueniunt, vt succus psianæ, decoctio rosarum & plantag. oui albumen, &c. Si frigus, ea, quæ paulò ante scripsimus, & cum de catarrho ageremus.



## De coli passionibus, &amp; cura.

## ARTIC. III.

*Colica prima  
causa, & in-  
dicia.*

1 **F**lunt passiones in colo intestino diræ, & ingentes, aut ex inflammatione: quam indicat ægri feruor, & febris, & pulsus circa ventrem; sitis, ardor, nausea, bilis vomitiones, vrinæ stercoreumque retentio.

*Secunda in  
dicia.*

2 Aliquando verò ab acribus, mordacibusque humoribus pun- gitur affligiturque. Accedit febris minor, ardor; sitis, vigilia. Item vrina acris & biliosa. Similiter & deiectiones, quæ & cruciatum inducunt, præsertim ab assumptis cibis, potibusque calidis.

*Tertia indi-  
cia.*

3 Sæpè verò veræque colicæ passionis causa est crassus humor, seu fluor, & lentor pituitosus, putridus, globulis coli impactus, qui inferiorem ventrem ita excruciant, vt quasi palo intestinum per- forari ægri sentiant. Adsunt tormina, nausea, ructus, & interdum pituitæ vomitus. Alius verò ita stringitur, vt neque flatum trans- mittere queat: quodd si aliquando emittitur stercus, illud simile bouino erit, & fœculentum, ita vt etiam contra morem sterco- rum in aqua supernatet. Quamobrem puto tunc huiusmodi hu- mores dolorem efficere, cum incipiunt coqui & putrescere; nec tamen possunt in halitum absolutum verti, sed imperfectum, irre- titumque crassitie; & dolores grauantur ab esculentis frigidis.

*Quarta si-  
gna.*

4 Tandem plerumque ex flatu soluto, sed valdè crasso, succis adhærente, dolor accidit cum tensione, & rugitu intestinorum: quod quotidie experimur, cum cibos flatulentos, & semicrudos, & fructus horarios & frigidam ingerimus.

*Comparatio.  
Cura colica  
ex inflam.*

5 Omnium pessima est colica ex inflammatione, quæ in ileum solet transire. Curatur autem sicut cæteræ inflammationes ab emissionem sanguinis ex interna cubiti vena facto principio. Dein- de clysteres adhibendi, non quidem acres, sed lenitiui: quales ex malua, althæa, violis decoctis, & oleo violaceo, rosaceo, amygdalino dulci, saccharo rubro, adipe anserino, &c. Subministrant etiam lac cum cassia fistula, prædictisque oleis. Vteris etiam fo- mentis, infussionibus, balneis, sacculis, cataplasmatibus, cæterisque, inflammationem vel per se, vel per accidens, minuendis. Cibosque dabis inflammationi conuenientes.

6 Cum verò humores acres sunt in causa, ab omnibus abstine- bis cibis potibusque, & medicamentis acribus. Vtere ergo humi- diore,



diores, & frigidiores victu. Clysteres verò ex detergentibus non mordicantibus fiant rebus; ea autem sunt quæ iam diximus. Adde succum prisanæ, seminis lini, vitellos oui, & huiusmodi, &c. Cum verò pertinax perscuerat humor: medicamento purgante uti consueverunt ex manna, vel aloë, hiera, infusionibus rosarum, &c.

7 In colica ex crassis fluoribus aer tenuis, cibique tenues, mordicæque substantiæ, & à principio inedia, eligantur. Nulla res cruda, neque ad satietatem adsumatur. Carnes volucrum facileque digestibiles conueniunt: pisces nulli, nullaque legumina, neque terrestres carnes, nisi iuuenum, velociumque animalium conueniunt, neque assatæ, sed elixæ: in quorum iure allium, pulegium, serpillum, origanum, cæteraque calida tenuis substantiæ coquantur. Apponendum est etiam aliquid agrestæ, vel aceti ad incidendum, sed benè modicum. Prodest etiam & cæpa semicotta. Nimis calidos ita vitabis ut frigidos, nisi calor humori copuletur. Prodest ergo paulatim curari blando calore magis, quam multo repente, ne fluores excalescent assentur. Clysteres ex decocto rutæ, fœniculi, anethi, maluæ, mercurialis, chamomillæ, fœnugræci, & similibus, eorumque oleis, & adipe anserino, & butyro, &c. Fiunt etiam suppositoria ex hiera, agarico, melle, & prædictis rebus. Adduntur fomenta ex eisdem, & infusiones ex decocto fœnugræci, artemisii, lauri, anethi, cumini. Fiunt & cataplasmata ex iisdem, & consimilibus. Procuratur & vomitus, ne fluores ventriculi descendentes viscositatibus associantur.

Non cessantibus doloribus propinant theriacam diatrium pipereon, vinum, in quo absinthium permanferit, & castoreum, quod omnibus præfertur remediis.

Præterea additur purgatiuum ex hiera, cassia tracta, diacathol. & infus. ros. damasc. &c. quæ eiusmodi lentoribus in via positis emolliendis, educendisque simul valent. Adderem & abstersiua, & incisiva.

8 Cum autem crassus flatus colicam effecerit, eadem medicamenta valent, sed minus crassa, addendo tamen quæ contra flatum pugnant, ut cumin. anisum, fœnicul. origanum, pulegium, maioranam, anethum & similia. Sed Galenus probat valde cucurbitulæ in abdomine applicationem: statim enim sanat. Nec ratione vacat, quia calorem introducit dissoluentem flatum, quæ simul etiam attrahit, educitque, & cum minera flatus non affuerit,

*Cura colica  
ex crassis  
fluoribus.*

*Cura colica  
ex flatu succo-  
culento.*



non reuertetur dolor. Si affuerit, sequenti nocte iterum ex ea eleuabitur flatus. Quapropter eius purgationi vacandum, vt nulla fiat recursio, sicut ex precedenti sermone consultum fuit.

9 Ex magica philosophia Medici veteres adhibuerunt remedia cunctis passionibus colicis quædam eadem. Nec mirum; sympathia enim & primalitates communes operantur. Ergo stercus lupi album in puluerem actum datur in aqua, aut in vino tenui, albôque, & mirificè sanantur. Prodest etiam quasi amuletum gestatum in corio ouis à lupo occisæ illis alligatum, vel in ceruino. Puro etiam & intestina lupi prodesse valde, quoniam eius voracitas, & coli extorsio eidem solita in deuorando suam vim conciliant nostris: ita vt quasi nihil ab ingestis patiântur malis. Ad idem valet corydalis planta, & auisalauda, ei in galero confimilis, siue assata, siue elixata cum suo brodio; siue in cinerem acta, bibendum in aqua calida per tres dies, vel mulsa. Alij dant tres cochleas in olla noua clausas, & ibi intra furnum combustas, & in cinerem actas, & triduo in vino potatas. Item jecur caprinum confimiliter eorum. Dant etiam quasi amuletum, vmbilicum fœtus pridie editi, inclusum in argêto, gestatum. Sed menthæ viridis decoctio tribus vicibus sumpta, & marrubij in vino decoctio similiter exhibita, quæ ita sanant, vt malum non reuertatur: ex qualitatibus habet virtutem. Valdè prodest exercitium super omnia, potusque calidus secundum artem, vt ne in colicam quis incidat: quemadmodum ocium corporis, angor animi, & potus frigidus, crudique cibi nunquam non ventris dolores, & sæpissimè colicos afferunt. Magis autem profunt, si fiant fauente astrorum configuratione.

*De voluulo, eiusque cura.*

A R T I C. IV.

*Descriptio  
voluuli.*

**V**oluulus autem est obstructio ilei intestini, qua prohibentur excrementa inferiùs descendere; vnde tumor sequitur in ventre similis chordæ conuolutæ, si quis tangat, vehemènsque dolor, ac superfluitatum cibi retentio. Solent & comitari vomitus nausæque, & ructus inanes; pulsus inordinatus, respiratio difficilis, dum sursum excrementa, succos, & vapores noxios mittunt: & cum sequitur pertinacitas obstructionis, etiam stercus per os vomitur.



2 Obstructioni commoditatem præbet alui angustia; causam vero inflammatio, vel abscessus, vel sicci stercoris concretio, vel crudi, pituitosi, crassique fluoris coaceruatio, quales ex ciborum crassorum, crudorū, multorū, pinguiūque fieri solent: maximè autem ubi frigidus potus accesserit, & ab aëre, vel aquis frigiditas multa sit conciliata intestinis ita, ut spiritus debilis timeat per vlcerosum locum transmittere excrementa. Putant etiam si intestinum cum stercore in ferotum delapsum violenter extrusum fuerit, inflammationem, ac stercoris proinde indurationem parere, quorum omnium signa manifesta sunt.

*Commoditas  
& causa so-  
pæ voluuli.*

3 Pueris iste morbus ob cruditates solet accidere, sed facile soluitur humiditatis cessione. Senibus plerumque lethalis, sed cum stercus vomitur cunctis lethalis est. Similiter ubi conuulsio, vel singultus & desipientia aderint: nec medicamentis minuantur.

*Qui ladan-  
tur, & qui  
ianentur, &  
qui insana-  
biles.*

4 Voluulum ex inflammatione curat venæ sectio, & ea, quæ colicæ passioni ex eadem causa dicta sunt convenire.

*Cura voluuli  
ex inflam.*

5 Ex stercorum induratione, conveniunt humida, pingua, lenitiua brodia medicamentosa, & clysteres eiusmodi ex maluis, viol. mercur. dulcibus oleis & rebus blando calore præditis, videlicet emolliente, non exsiccante. Vnde & sal subtrahimus, nisi modicum adhibeas solum ad irritandum. Adde cataplasmata, & fomenta earundem rerum. Fuge omnem cibum non liquidum, aut crudum. Vtere potu calido etiam per artem: nihil enim utilius humido calore ad emolliendas concreciones.

*Cura voluuli  
ex stercorē  
duritie.*

6 Ex cruditate ciborum si fiat, vomitum primò procurabis, si cruditates in ventriculo adsint, ne causis associantur actu causantibus. Mox per inferiora curabis excernere viscosos humores, flatulentiamque per clysteres lenitiuos, incisivos, & absterfivos. Adde contra flatum etiam decoctum fœniculi, cumini, origani, quæ in colicis diximus, & cum opus fuerit etiam pharmacum purgans ex hiera, & confect. de dactyl. & diacath. Extrinsecus ventri applicabis fomenta, & cataplasmata, prout in colica ex eisdem causis, & cucurbitulas &c. ubi etiam ut ibidem.

*Cura voluuli  
ex crudi-  
tate ciborū.*

7 Si ex frigiditate, quæ tamen sola non potest obstruere, nisi & crassæ materiæ insint, tunc potibus calidis cum cynam. pipere, & huiusmodi vtere, & brodiis aliorum, & aromatum condimento affectis. Cartera, ut supra.

*Cura voluuli  
ex frigi-  
ditate.*

8 A venenatis pharmacis voluulus vomitione curatur per



aquas tepidas, & vomitorias res, procurata; & oleorum potus. Deinde dāt theriacā; & si opus fuerit, pharmacū purgās vt suprà.

9 Si ex descensu in scrotū, eleuatis clunibus retrocessus procurretur, & ex butyro fiat litus, si opus fuerit, contineanturque intestina, ne iterum elabantur, fascia, funda, cingulo ferreo, prout solent qui hernia laborant.

10 Plinius à Magis medicamenta voluulo affert ex sanguine vespertilionis illito ventri. Item spolijs serpentis in vase stanneo, cum rosaceo decocti, illitionem. Adde voracium animalium intestinum, vt luporum, leonum, &c.

### De lumbricis.

A R T. V.

*Generationis  
lumbricorum  
dignotio.*

1 **E**X omni re humida putrescēte vermes generari, & in terra, & in stercorebus in cantharo diu seruatis, & in vulneribus non bene curatis, manifestū est. Quapropter qui per anū, aut per os excernuntur animalis, eandē eos habere generationē oportet.

*Triplex ge-  
nus lumbricorum.*

2 Sunt autem in triplici genere, alij videlicet teretes in conum vtrunque desinentes, albidī, vnius palmi longitudinem plus, minusve habentes; qui in superioribus intestinis oriri putantur, quoniam ibi symptomata ipsorum eduntur. Alij lati & longissimi interdum vsque ad tricenos palmos, qui totum intestinum cōplent ferē vsque ad colon. Alij minuti exiguique, teretes tamen; quales ex putrefactis cerasis, & in stercorebus fiunt: & horum generatio in recto intestino demonstratur: qui interdum innumerabiles sunt, vt sola multitudine periculum indicēt magis, quā faciant.

*Quis calor  
quantusque  
gignit ver-  
mes.*

3 Calor magnus vermes non gignit: affat enim materiā, tenuitatemque, quā ingenerat, educit: calor modicus ingenerare spiritū, & sequestrare materiā, ingenerato spiritu animatā, ē reliqua mole, non est aptus: ergo calor mediocris, ac diu agens, inueteratūque in materia, vermiū genitor est: neque enim affata caro, neque frigida in hyeme vermescit, sed quæ proprio calore conficitur, liquatur, & vapor fit, vt dictum est sæpē. Igitur non rectē quidam in ventriculo non fieri vermes, qui ore emittuntur, propterea docent, quod calor nimius in ventriculo inest: nec stercora, lumbricorum materia, adsunt. Euenit enim aliquando, vt calor minuatur, & res multæ in stomacho putrescant, præsertim pituita cruda crassaque; quam etiam materiam faciunt Medici lumbricorum. In vulneribus etiam fiunt vermes absque stercore, &

*An vermes  
aliqui gene-  
rentur in ve-  
triculo.*



in fungis, & ficubus, & cerasis. Quapropter in fundo ventriculi aliquos oriri non abnegem. At in intestinis sæpe, quoniam ibi stercora, illis aptiora, retinentur. Quapropter nisi fiat stercoreum retentio, teretes vermes non creantur. Idcirco in cæco intestino ipsorum generationem facio magis, quod in dissectionibus porcorum probatur: in quibus lumbrici quasi semper intra cæcum reperiuntur: non sic autem in cæteris intestinis.

4 At verò ex recenti cibo fiunt lumbrici non raro, quando crudus, pituitosusque, & plurimus est, qui putrefactioni aptus sit: nam & iumenta ex prauo cibo eos gignere visuntur; & pueri qui nimis replentur, nec absoluerè concoctionem sibi proficuum possunt; sed immanens calor animat materiam irretitus.

5 Rotundos lumbricos indicat non solum ipsorum excretio, sed etiam erosio, & mordicatio intestinorum superiorum, ipsiusque ventriculi, quem pungunt; & quoniam sua motione, & rotatione excitant vapores prauos, & indigestos, humoresque mouent: accidit nausea, vomitusque; item vertigo quædam in capite, & angor, & decubitus mutatio, & ventris inflatio, cibi odium, & corruptorum egestio, crudorumque. Item singultus, sicca tussis, qui sunt conatus ad expellendum vani. Item suffusio sanguinis in oculis, eorumque clausio, taciturnitas, vociferatio, delirium, præsertim in somnis, quando & peregrina loquuntur, & cum clamore exurgunt. Pulsus obscuri, deficientes, recurrentes, sudor frigidus, & liuor in facie, fremitus dentium. Adfunt & febres ordinem accessionum non seruantes, & sæpè quater in die renouantur. Immo & tabes corporis quosdam consequitur. Vt hinc videas febrem non esse morbum, sed pugnam: neque tabem originem pulmonis vlcere, aut calore habituato, vel euacuatione, ut Medici autumant; sed quia corpus nutriri nequit, ideoque putrescit, ac nutrit, ac calore proprio conficitur, cum cibos conficere impotens est, vndeunque oriatur impotentia: ut sæpè dictum est.

*Indicia rotundorum vermium.*

*Notab.*

6 Latum lumbricum meliores Medici, non tamen Galenus, ex interioris membranæ putrefacta substantia ortum ducere arbitrantur. Nec temere quidem: videmus enim funiculos, & pilos equorum in aqua pluuiali stagnante animari, vermesque fieri, quanta est materiæ longitudo, crassitiesque. Quomodo autem ab intestino membrana hæc, non facile scitur: esse tamè intestini portionem figura, & longitudo lumbrici indicat. Quam multam

*Generatio latum vermium, causa que probatio.*



multam ergo intemperiem, & abrasionem per vlcerantes res fieri in intestino oportet : vt sic membrana sequestrari, & animari queat.

*Indicia.*

7 Signa autem eiusmodi lumbricorum pauca habemus, quoniam raro fiunt. Tradunt tamen excerni ramenta, quasi cucurbitarum semina, quoniam membranæ abrasionem, & corruptelam indicant. Hæc tamen ramenta animata esse multi contendunt, non ab re.

Præterea circa ventriculum mordicatio accidit, & ingens ciborum appetentia, vt morsum vitent, & vermis saturatus cibo non rodat. Attamen facilè crudi excernuntur cibi ob coquendi imbecillitatem; quam & corporis gracilitas, & flaccitudo continentur.

8 Ascarides vocati vermiculi in recto fiunt intestino, ex quotidiano etiam prauè concocto cibo. Indicium ipsorum est pruritus ani, & excernendi auiditas nimia, quæ cacando minuitur. Item graueolentia, quæ indigestionem consequitur, vt alibi dictum est.

*Comparatis.*

9 Minutiores vermes minus periculosi sunt, quoniam in recto fiunt intestino, ac facile expelluntur; ac minimi roboris sunt. Deteriores autem teretes propriique puerorum, præsertim maiores, & rubefcentes.

Quorum curam qui negligit, febrem prius attendendo, indotus est valdè: quoniam non causam morbi, sed bellum contra morbum cõterit; intereaque causa, idest vermes forant intestina.

Pessimi autem sunt lati, longique; plus enim afficiunt, emaciant corpus, nutritionem tollunt.

*Cura.*

10 In curatione lumbricorum nullo pacto respiciat febrem, cuius ipsi fuerint causa, sed tantummodo ipsorum mortem, ac deinde expulsionem. In aëre calido, & sicco; cibi boni succi, facilisque distributionis administrentur, sed frequenter, vt vermes pascantur: ne deficiente pastu intestina corrodant.

11 Quæ vermes occidunt sunt aloë in primo loco, item absint.abrothanum, calamentum, marrubium, ruta, dictamnus, lupini: mentha, pulegium, gentiana, aristolochia, allium, semen brassicæ, & sinapis: amygdala amara, coriandrum, flores persicæ: quæ si à pueris respuuntur, infundantur per fistulam. Fiant ex his emplastra, vnguenta, decoctione, clysteres, cerata, additis requisitis secundum artem.



12 Enecatos vero statim pellendos procurabis per clysteres, suppositoria, & pharmacum, præcipuè hieram picram, & pilulas Rufi, ne pestilentes vapores cadauercula submittant.

13 Si autem simul affuerint alui fluxus in lumbricis, medicamenta adstringentia admouebis vnà cum amaris.

14 Ascaridas solis clysteribus, quoniam fiunt recto in intestino, extrahes, ex lupinorum, pulegij, & aliorum acrium simplicium decoctione, & adstringentia applicabis, ne fluiditas commoditatem ipsorum generationi præstet. Præterea si innumeri fuerint, & periculosi, sedere facies patientem super cantharum calce virgine plenum, & aqua calida, cuius vapore necentur. Utuntur ad extractionem carne salita oblonga, filo ligata, intra saque podici: quam cum vermes inuasent, extrahendo extrahuntur. Alliciuntur etiam foras melle, & lacte, in clysteribus etiam teretes lumbrici.

15 Præterea contra vermes puerorum probatissimum est oleum benedictinum, quod conficitur ex libra vna nucleorum persicorum, amygdalarum amararum, alliorum, cæparum, ascaloniarum, lumbricorum rubeorum. Item ex sex manipulis herbarum, videlicet radicibus gentianæ, & fraxinellæ, & graminis, & carlinæ, & pœoniæ, & maioranæ, & dictamni albi: & ex dragmis 4. croci, calamii aromatici, caryophyll. aloës epaticæ, galbani, zinziberis, nucis moschat. cynam. piperis longi, thuris, carpobalsami, corall. rub. simul ponderatorum. Item theriacæ, & myrrhæ dragmis sex. Item manipulum vnum absinthij, abrot. centaurij min. frond. persic. lauri, saluiæ, rorismar. centaur. maior. betonicæ, cort. aurantiorum, & puniceorum, pulegij, plantaginis tritæ, marrubij, apij. Item ex portulac. raphan. plantag. cumin. coton. fœnic. petroselin. frond. eupat. lupin. phaseolorum rubeorum simul. Adde baccarum lauri, & ceruini cornu, & fellis taurini libram dimidiam, aceti albi fortissimi, & vini cotoneorum lib. tres. Item oleorum mastic. spicæ, petroselin. lauri libram dimidiam. Quæ omnia contunduntur in mortario, & simul ebulliuntur in 24. libris veteris olei, donec ingredientium specierum humiditas consumatur lento, suauisque igne, cooperto semper vase; deinde vero seruatur ad opus. Inunctio enim huius liquoris in vmbilico, temporibus, orificio ventriculi, & naribus, lumbricos omnes occidit.



## De morbis ani.

## CAPUT XIV.

**T**Erminus intestinorum est anus, organum odio appetitui principij deseruiens: per ipsum enim noxia cuncta fere expelluntur, præsertim excrementitia. Eius morbi sunt procidentia, rimæ & hæmorrhoides, & horum species.

## De ani procidentia, eiusque cura.

## ARTIC. I.

*Descriptio  
procidentia.*

*Causa.*

**C**Um postrema pars recti intestini nimia mollitie, & fluoribus diuturnis laxata fuerit, musculique etiam obliqui debilitati fuerint, extra rotundum musculum cum cacandi vim facit, procedit, nec per se ipsum redire valet, peracto officio. Hunc igitur morbum, ani vocant procidentiam, eique plurimas assignant causas, cum vix duæ sint, potius autem vna, hoc est laxitas intestini, & musculorum proinde debilitas à nimia ortæ fluiditate. Pueris inest morbus hic familiaris hanc ob causam; & cum adoleuerint, per se sanatur fluiditate paulatim desiccata. Scio etiam amicum pane, & aqua, & solis oleribus ex religione vntem, in hunc morbum incidisse in virili ætate: post ubi hanc viuendi rationem sibi constituit: herbæ enim, & aqua humiditates ingenerant plurimas, & fluxiones; quod non semel & ipse expertus sum, ita ut sponte ex aluo erumperent.

*Inflammatio  
non causa.*

*Cu. atic.*

**2** Qui ergo inflammationem pro causa assignant Medici, falluntur. Inflammatio enim exsiccatur, stringit, retinetque intestinum, non educit. Contingit forsan tamen aliquando inflammatio solitum educi ex ipso prolapsu, & intemperie, quam ab euerfione extrorsum fortitur, vel à nouis comitantibus causis.

**3** Quapropter cum expurgans se anus prociderit: si inflammatus fuerit, intumueritque, ita ut intrudi in locum suum iterum nequeat: tunc si plethora adest, secetur vena, vel saltem aperiat, ut calor eò vertatur, & procuretur vomitus ob idem, utque humores non confluant deorsum, præsertim biliosi, acrisque. Inungitur mox poscalotus prius anus oleo anethino, & chamomill. ut dissoluto tumore recondi possit. Adhibe etiam fomenta ex decocto althææ, chamomill. semin. lini, scœnugræ. & spongia, eodem decocto imbuta, foueatur, & acribus, & absterfuiis vntendum;



dum; sed his, quæ tumorem, & inflammationem tollunt. Tunc retrudendus est anus in locum suum; & quæ in eiusmodi passione sunt propria adhibebimus.

4 Propria quidem sunt ea, quæ exsiccant, calefaciuntque, ut exsiccent, & adstringant, & simul corroborent. Ergo generoso vino veteri, austeroque anum lauabis, in quo galla, aut ros. thus, bolus armen. myrrha, hypocyttis, &c. incocta fuerint. Et remisso in loco abluetur podex ex decocto balaustiorum, nucum cupressi, gallæ, cupularum glandis, corticis cotoneorum, & huiusmodi cum roremarino, rubo, immaturisque moris, & huiusmodi similibus.

5 Sedebit patiens perpetuò, vel per vices super tabula picea, vel cupressina prius calefacta. Caueat autem ne vnquam in frigido loco, præsertim super lapidem sedeat.

6 Caueat à cibis odore aromatico, & styptico sapore carentibus simul: quales sunt intybum, beta, borrago, cucurbita, & similia. Iurulentis quoque non utetur, nisi modice, & medicatis cynamom. nuce moscha. caryophyl. Utetur potu vini veteris, austeri. myrrhatique; & in quo myrti baccæ immoratae sint. Horum pulueribus in potu, & cibo, & in ablutionibus podicis vtiliter quoque utetur, & in sessionibus.

*A quibus  
cauendum.*

*De rimis ani.*

## ARTIC. II.

1 **F**iunt in exteriori ani circulo rimulae quædam, quales in labris fræuiente aquilone. Fiunt autem ab acribus humoribus illabentibus extra intestinum, vel intus vnà cum excrementis. Solent etiam tubercula rugas circuli interstantia intumescere, & per sui tensionem rimas efficere.

*Rimarum  
descriptio &  
causa.*

2 Ablues ergo rimas decocto rosarum, & gallarum, vel mororum prius; quibus & lenientia addes, si inflammatio adest. Deinde vnguentum ex oleo rasaceo, myrtin. thur. & mastic. gall. myrt. terra lemnia, alumin. & huiusmodi rebus adstringentibus, & non vlcerantibus confectum applicabis. Prius tamen, si res postulauerit, purgabis humores acres secundum artem. At vero hoc nunquam omittes, videlicet emollictionem alui, ne stercora dura rimas amplificent, & ipsarum conglutinationem impedian, prædictis comparatam rebus. In



grandioribus vrgentioribusque ardoribus camphorato albo v-  
runtur quidam.

*De hæmorrhoidibus, earumque cura.*

ARTIC. III.

*Quid hæ-  
morrhoides.*

1 S Vnt hæmorrhoides venarum in podice terminatarum tu-  
mores, aut eruptiones sanguinis crassi, fæculentique con-  
fluxu factæ.

*Utilitas hæ-  
mor. primo  
speciei.*

2 Et quidem aliæ periodicæ, quæ certis temporum interuallis  
sanguinem emittunt prauum, non secus atque mulierum vterus  
menstruum; & hæ utilissimæ. Qui enim sic purgantur, laterum  
doloribus, pulmonis inflammatione, depascente vlcere, lepra, vi-  
tiliginibus, furunculis, cæterisque morbis, qui ex vitiato sangui-  
ne ortum ducunt, viuunt liberi. Propterea que curandum non  
est, vt supprimantur. Solent enim si vna relictæ non fuerit ma-  
risca, morbi accidere præfati, & alij crudeliores. Qui autem iis  
curari vult, bona victus ratione vtetur, vt sanguinem purum gi-  
gnat, omniæque tetra, & crassa esculenta vitet. Deinde purgetur  
pharmaco atram bilem educente: & sic apertas obserare hæ-  
morrhoidas absque periculo valebit.

*Quando no-  
xia.*

*Cura.*

3 Cum autem cœperit & bonus subsequi sanguis dilatatis fo-  
raminibus, & multus, tunc supprimendæ sunt, ne aquæ inter cu-  
tem, & debilitationes, & tabes succedant. Vtatur ergo cibus mo-  
dicum sanguinem, sed purum procreantibus, vt alica, oriza, ci-  
chorio, intubo, portulaca cocta in pedum vituli brodio, vel arie-  
tis, addito omphacio, vel adstrictiuus, non autem irritatiuis.  
Potest è carnibus, & incoctis cotoneis exprimi succus, cum agri  
debilitantur. Præterea auersionem procurabis, per frictiones,  
ligamenta, apertionem venæ modicam in brachiis, cucurbitulas  
in hypochondriis, aut in humeris etiam scarificatas. Vtere intus,  
& extra rosis, & myrtillis, cotoneis, corallis, bolo armeno, terra lê-  
nia, & his, quæ loquentes de sanguine sistendo scripsimus: &  
per fomenta, & syrupos, & ablutionem, &c. Galenus vtitur  
aloë, & thure cum oui candido, pilisque leporis contulis si-  
mul, inque formam vnguenti redactis, applicatisque ano. Alij  
squama ferri, exusto plumbo. Vidi vnguentum plumbeum  
mirificè statim suppressisse hæmorrhoides. Vina etiam ad-  
stringentia intus, & extra valent, & vinaciorum combustorum  
fumi.



fumi. Item decoctum nucum cupressi, balaustiorum, cupularum glandium, rorismarini, & modico vitrioli.

4 Quædam hæmorrhoides sunt criticæ, cum post diuturnum erumpunt morbum; vel breuem, præsertim cum alleuiant, & facile ferunt; & tunc naturæ iudicio relinquuntur: nisi cum cæperint mala præfata ex nimio subsequi fluxu: quæ præfatis comprimuntur medicinis.

*Hæmor. secunda speciei salubres.*

5 Aliæ sunt hæmorrhoides symptomaticæ dolorem multum facientes, & quemcunque educentes sanguinem, ex præuiis causis enatæ: solent enim ex confricatione ani prorsus fieri, & sanguinis concursus, & simul aperiri: aliquando ex durorum stercoreum crassorumque summo nisu eductorum, principium habent: aliquando ex sanguinis pravi abundantia, quæ ad modicam irritationem vbicunque fiat, erumpunt: aliquando ex lue venerea ortum ducunt.

*Hæmor. quarta speciei, quadruplici causa.*

6 Sunt aliæ cæcæ hæmorrhoides, id est non apertæ, tumidæ: ideoque modicum sanguinem mittunt, sed doloribus cruciantur; ad quos sedandos vtuntur Medici mica panis in lacte cum vitello oui. Item fomento ex decocto maluæ, violæ, melilot. fœnugræc. femin. leni, & eiusmodi lenientibus rebus: quibus non sedatis aperiendæ sunt hirudinibus, aut lanceolæ modico tactu, si foras prominent. Alioqui felle bubulo intra anum lana excepto immissa; aut succo cyclamini, vel cæpæ aperiuntur, & eiusmodi rebus. Suppositoria etiam oblonga ex radice cyclamini valent; præsertim columbino illita stercore, acribusque rebus & corrosiuis.

*Hæmor. quinta speciei.*

*Cura.*

Præterea vtetur cibus boni nutrimenti, non sanguineis: & auersionibus iam dictis. Et si corpus plethoricum fuerit, in brachio, vel malleolo aperienda vena, &c.

7 Aliæ hæmorrhoides sunt apertæ: quas dicta prius ratione curabis in cibo, & adstringentibus intus & foris pharmacis. Cum vero eminent mariscæ, si instar mororum habent tumorem, excipiendæ sunt arctissimo serici filo, donec sponte decidant: quod facilius eueniet, si equitabit æger, vt contundantur, sicut experti sumus. Si verò vt galli cristæ oblongæ fuerint, vt filo ligari nequeant, argenteis filis concludendæ sunt, & stupefacientibus tractandæ: deinde nouacula abradendæ: tunc terra lemnia, myrrha, mastice, & huiusmodi adhibenda, ne sanguis defluat. Solent & ignito metallo inuri, quibus multus defluit humor. De-

*Hæmor. quinta speciei.*

*Cura mariscarum.*



inde decocto gallarum, balaustiorum, cupressinarum nucum, & vitrioli modici aut aluminis fomentum: & tandem ablutio fiat.

9 Cauendum autem ne fistula relinquatur: propterea pharmaco purgante prius vtendum: deinde sectione mariscarum: deinde exsiccationibus, & per infessum, & abluionem, & potum, & cibum procuratis.

10 Tandem probatum est, quod lotio propriæ urinæ sanat vlcera ani, & hæmorrhoides, vt in Scioppio factum est.

### De venarum mesaraicarum morbis.

#### CAPVT XV.

*Continuatio  
dicendorum.*

*4. Species  
morborum in  
mesent.*

1 **P**ostquam de morbis organorum deferuentium amoris, & odio appetitiui principij in prima attractione, coctione, sequestratione nutrimenti dictum est: consequens est, vt de organorum secundæ operationis in alimentum, disseramus. Vena mesenterij in intestinis radicata exugunt meliorem chyli partem, & in iecur deferunt, vbi in sanguinem vertatur. Cum ergo hoc munus haud rectè exequuntur, vel minimè exequuntur, affectibus aliquibus præter naturam tenentur: qui quidem esse solent obstructio venarum; inflammatio; & scirrhus mesenterij; & vlcus.

### De mesaraicarum obstructione.

#### ARTIC. I.

*Quamuis ex  
totali, & qua  
ex partiali  
obstructione  
mesaraic.*

1 **O**bstructionem mesaraicarum totalem vix vnquam inuenies: sic enim iecur, & venæ, & corpus totum sublata porta nutrimenti statim macie conficerentur, & morte. Cum autem sit ex parte: tunc partes modicæ, tenuesque in iecur feruntur, quas statim in flatum & aquam vertit, cum suæ actioni impares sint: vnde sequitur hydrops, & totius corporis tabes: cum enim non nutritur nutrit, vt sæpè docuimus.

*Diagnosio ob-  
structionis &  
non obstruct.*

2 Cognoscitur autem obstructio, cum chylus per anum excernitur: non enim potuit in iecur ferri. At si sanguis mistus sit, vel sanguinea aqua: non erit mesaraicarum obstructio, sed jecoris alimentum refutantis refusio, amplius digerere non potentis, vt in sequenti capite docebimus.

3 Quoniam obstructio non fit, nisi crassi alimenti reliquiis viscosis,



viscosis, orificiis venarum impactis : Pharmaca inferne, supernęque abstergentia, incidentia, attenuantia, & penetrantia prodeunt; de quibus sæpe.

*De inflammatione, & scirrho mesenterij.*

ARTIC. II.

1 Inflammatio fit in mesenterio, & mesaraicarum radicibus, cum ex iccore, liene & renibus, refunduntur excrementitię reliquię, ibique putrescunt, & inflammantur, & tumorem faciunt. *Causa inflammationis & scirrhi.*

2 Quod tactu discernitur, & puris cum fæcibus excretio, lenta febris, & grauitas in mesenterio, patefaciunt. Dolor enim obscurus est in mesenterio, nisi neruosum genus afficiatur. *Discretio.*

3 Scirrhus & ibidem oriri solet, qui à crassorum humorum illuie contrahitur.

4 Curatur autem inflammatio tenui victu, & refrigerante, & sectione venę basilicę: clysteribus lenientibus, & trahentibus. *Cura.* Adde topica remedia, cataplasmata, fomenta, olea, &c. quę repellant influentem materiam: & si opus est, deinde quę emolliant, & maturent ad suppurationem, donec fiat eruptio: & tunc primò irritatiuis, deinde absterſiuis, deinde purgatiuis vttere, sicuti dictum est in pleuritide. Purgatio autem cum sit rerum in via, fiat lenis ex cassia, vel manna, vel hiera, prout, &c. Tandem consolidantia, cicatricemque generantia adhibebis, vt decoct. cydon. gallę, terram lemniam, &c.

5 De scirrho eadem, & quę sequuntur in capite sequenti.

*De morbis organi secundę operationi interiori principij appetitiui, idest iccoris sanguificationi, deseruiens.*

CAPUT XVI.

Post hæc chylus in iecur adducitur, ibi vertendus in sanguinem, perque corpus distribuendus. Iecur autem multis afficitur malis, videlicet obstructione, inflammatione, scirrho, vlcere, steritia, atrophia, cachexia, cacochymia, imbecillitate, & hydrope: horum enim malorum est vel subiectum, vel causa. *Decem morborum species in iecore.*



## De iecoris inflammatione.

## ARTIC. I.

*Causa inflam-  
mationis non sola  
copiam sangui-  
nis.*

**P** Rincipium inflammationis reputatur ubique calidi sanguinis copia, sed ex hoc ebullitio quædam fit, non autem morbofa inflammatio, nisi adsit simul tenuitas biliosa, vel acrimonia, & concursus eiusmodi sanguinis, vel missi ab alia parte exuberante, lacerataque, vel ab inflammato membri calore, imbecillitate, aut dolore: propter punctiorem aliquam, vel laborem attrahentis, sicuti epati contingit, cum omnes partes in ipsum se exonerant: vel cum in ipso tenuitas, & acrimonia fit, bilefcente sanguine, vel non satis expurgato.

*Indicia inflam-  
mationis iecoris  
& hypochondrij.*

**2** In omni iecoris inflammatione dolor, & grauitas in dextro hypochondrio sentitur, & tumor, & febris assidua, linguæ ardor, primò rubescentis, deinde liuescentis. Tumor autem est rotundus, qui minor apparet corpore in dextrum reclinato, maior in sinistrum, & cuticula exterior eodem modo se habet. Cum vero inflammatio est hypochondrij, fit tumor oblongus, & cutistensio, ut nec digitis eam contrahere possis. Quæ notæ adductæ sunt, ne quis alteram pro altera inflammationem accipiat.

*Signa inflam-  
mationis gibbosæ  
parui.*

**3** Et cum gibbosa iecoris pars inflammatur, præter dictas notas accidit dolor internus, quia costarum spuriarum gibbitas nervosæ membranæ adhæret. Item tussis sicca, difficultas anhelitus, sitis, cibi fastidium, & dolores usque ad iugulum extenduntur. Hæc sunt affectu simæ partis, sed minora. Ad sunt tamen adstrictio alui, fastidium, nausea, vomitus vitellinus, & æruginosus, ingens sitis, ut in affectu gibbæ; sed ibi longè maiores: est etiam spiratio parua, & crebra: sed minus atque ibi: & pulsus durus, inæqualis, serratus, non tantus, quantus inflammatis membranis, sed maior, & celerior.

*Signa curuæ*

*Indicia pessima inflam-  
mationis.*

**4** Quando inflammatio est maxima, & pessima, febris validior est; & singultus fit communicante ventriculo in affectu, vel bile erumpente ipsum pungente: & pro febris, & virium robore, iudicabis de euentu.

*Curatio.*

**5** In curatione aer serenus, ad frigidum modicè inclinans requiritur; cibis tenuis valde, & refrigerans, & emolliens, qualis cremor ptisanæ, intubus in brodio gallinaceo, vel phasianorum, vel aliorum huius conditionis. Victum calidum, & qui sanguinem



nem multum generet, præsertim tenuem, omnino vitabis : ergo & vinum.

6 Venæ sectio dextri brachij jecorariæ vocatæ, præcedat etiam pluries, vbi vires adfunt: magis autem si & plethora. Et diuersiui vterè ligamentis, & cucurbitulis, vt sæpè dictum est: clysteres absterfui, & lenitiui, non nimium acres adhibendi: & hoc vbi caua jecoris pars laborat magis: nam cum phlegmone est in gibba, prodest magis per vrinam euacuare, & hanc cientesia pharmaca adhibere.

*Phlebot. & diuersiua.*

7 Cauendum autem ex peritorum Medicorum animaduersione, ne frigida actu applicentur, quoniam phlegmone per antipetistissimè augetur, & calor digerens morbosam causam impeditur. Secundò, vt cum medicamentis semper aliquid adstringens addatur, tum ad reprimendum influxum sanguinis, tum ad jecoris robur & complexionem seruandam. Equidem nec valde calida applicarem, ne accersant aliundè humores, & calorem iecoris ita augeant, vt asset & induret. Neque frigida propter iam dictas paulo ante rationes. Placent ergo lenitiua blando calore prædita, tenuique substantia: qui aperiat iecoris poros, vnde exhalet calor nimius, non tamen excalefaciat: idcirco semper aliquid incistuum, modicè tamen adhibebis. Ergo lac acetosum valdè prodest extrinsecus, vbi febris intro non admittit. Item neque adstrictiua adeò sint, vt flammam occludant, sed jecoris substantiam seruent.

*Animaduersiones.*

8 Erunt ergo fomenta, & olea, & cataplasmata, & emplastra ex lini seminibus, fœnugræc. hordei farina: cotoneis, meliloto, absinth. iunco odorato, ros. purp. plantagine, anetho, chamæm. endiuiæ, glycyrrhiz. mulla; & similibus.

*Fomenta, rationes, emplastra.*

9 Cum suppurationis signa apparent, acuti dolores, pulsus, anxietates, febres, deliria, fastidium cibi. Adhibe quæ suppurationem maturant, vt dictum est de pleuritide, intrus, & extra. Deinde remittente dolore prius, succedit postea ruptionis noua afflictio: tunc adhibe acria, & quæ rupturam faciunt. Qua perfecta subsequuntur absterfuiua, incarnariua, & consolidatiua.

*Signa suppurationis, sex, & cura.*

*Signum ruptionis, & cura.*

10 Valent ad jecur solidandum jecora animalium, præsertim lacte nutritorum altilium: probatur & hircinum. Item jecoraria, & punica, & cotonea cocta, &c. Extrinsecus emplastrum ex mastice, myrrha, rosæ, vino veteri, &c.

*Consolidatio, nis cura.*



## ARTIC. II.

*Obstructio  
iecoris qua,  
eiusque effe-  
ctus.*

1 **Q**uoniam & substantia iecoris possit obstrui, ut tota sanguine, spirituve implantato non priuetur: tamen propriè obstructio eius dicitur, cum portæ venæ occluduntur, ut in ipsius simam partem chylus non, aut modice penetret; vel partis gibbæ orificia, ne per corpus sanguis distribuatur rectè, aut quantum opus est.

*Causa.*

2 Causam horum malorum assignant duplicem, vel flatum crassum difficile attenuari valentem; vel crassos, viscososque fluores: vel vtrumque simul. Prior causa signatur per dolorem dextri hypochondrii acutum, & simul tensionem, & grauitatem: posterior per dolores obtusos, & grauitatem absque tensione. Adest febris cum multiplex, aut diuturna obstructio. Ibi enim pugnat spiritus per se, contra obstruentes causas: hic etiam putrefactione laceffit. Omnis enim obstructio diuturna putrefactionem, & inflammationem adducere solet. Vrina erit tenuis, crudaque: facies pallida: pulsus paruus: corpus calidius.

*Signa.*

*Cautele.*

3 Cauebimus futuras obstructions cibi frugalitate, & substantia concoctu facili, non viscosa crassaque; & exercitio moderato, ut dictum est in Ethicis. Curabimus ergo cibo tenui, incisiuo, aperitiuo, vappaque generosa, non flatuosa, calidaque per artem: vel vino veteri præpotenti calidissima aqua diluto, multa-que. Vitabimus frigidum potum, cibumque omnino. Vigilia ex parte confert, moderatumque exercitium; aer tenuis calidus.

*Cura.*

4 Profunt asparagi, cappares, anisum, fœniculum, origanum, apium, raphanus, flos iunci odorati, spica nardi, marrub. & similia in flatulenta obstructione. In corpulenta adde absinthium, hyssopum, quinque radices, oxymel, cupatorium, santala, semina melonis, pistacia, & alia eiusmodi applicanda intus, & extra secundum artem. Fiunt enim ex iis & syrupi, & fomenta, & emplastra, & cerata, &c.

5 Laudatur autem præ cæteris iecur lupi aridum in puluerem tritum, vinoque potum: valetque etiam in cibum, ut & iecora laboriosorum animalium. Præterea succus fumariz in pastillos actus: aut decoctum tribus datum vicibus, soluit obstructionem, & dolorem omnem, ut alij probauerunt. Eandem virtutem

dant



dant anagallidis succo, & radicis decocto, & semini petroselin.

6 Hæc si minus profecerint purgatione utere, crassis humoribus & flatibus educendis apta, & prout humores peccantes discreueris: laudant aloë in decocto sarzæ parillæ, hieram, agar. rhabar. manna, ad primas tantum vias expurgandas. Utere vel clysteribus prædictarum specierum. Sectio venæ, si vires adsint, etiam confert. Maximè autem si plethora, præsertim solius sanguinis infarcti faciat impediementum.

*Purgatio.*

7 Cichorij, & endiuæ decoctio frequentata, & serum caprinum præcauent morbum, & factum tollunt, & sanguinem purificant.

*De iecoris scirrho, & cura.*

ARTIC. III.

1 Scirrhum esse tumorem hepatis durum, aliquando toto sensu carentem, aliquando ex parte tantum, manifestat dextri hypochondrij tactus durus absque dolore, vel cum modico; cuiusque differentiam à tumore hypochondrij, figura, & tensio, & sensus supra declarauit. Adsunt præterea in scirrho, color corporis flauescens, fuscus; partes corporis tepescunt, superne gracilescent, & infernè intumescunt: deiectiones tenues sunt, multæque, & vrinæ à principio multæ. Et cum perfectus est scirrhus, in hydropem labitur ita, ut vix vnus euadat. Pereunt autem longum post tempus.

*Quid scirrhus.*

*Quid tumor.*

2 Opinantur Medici causam scirrhi esse frigidam: tum quia in aquam inter cutem degenerat: tum quia caret sensu: & cum omnia dura fiant ex repletionem nimia, aut concretione, aut exsiccatione, vel horum coniugatione: concludunt scirrhos fieri ex frigidi humoris impletionem, simul congelati ac concreti vehementi frigore: quo etiam insensiles fiunt. Deinde volunt vel exsiccata pituita, vel atra bile intumescere, vel ex utrisque. Ex prima nascitur in corpore color albius: ex secunda, nigrior, ex mistis.

*Causa ex Medicorum dogmate.*

3 Sed profecto non satis rectè loquuntur: constat enim plerumque scirrhus ex præcedenti erysipelate, & inflammatione ortu ducere: quæ causam habent calorem, tenuesque humores, & sanguinem impurum, ut & Medici docent. Calor autem assat humores hosce

*Correctio. I. arg.*



2. arg. crassioresque facit: propterea que arbitrandum non frigus, sed calorem esse causam actiuam: materiam verò calidam & dissimilarem, quæ tenuium abscessu concreſcat. Nec frigus congelans rectè Medicis affertur: nullus enim humor tam frigidus in calido iecore, qui est ventriculi fornax, & ignis; congregari queat, qui ipsum, humoresque infarctos indurare possit, nedum congelare: nisi & jecoris statim vitam perimat, & omnem in ventriculo coctionem tollat. Præterea aquam inter cutem opus esse caloris suo in loco probauimus, dictumque est non semel. Ergo calore in scirrhum congregato ad victoriam animæ vi, funditur chylus, non in sanguinem, sed in aquam, & aërem.

3. arg. Insensibilitas autem non à frigore fit in scirrho confirmato, sed à spiritus abscessu. Cum enim jecoris caro induratur abeunt et tenuitate, in qua viget sensus, stupiditas in illo remanet, sicuti in osse, cæterisque duris rebus, spiritu modico, vel nullo plenis. Præterea lapidescunt jecinora animalium senio: ipsique scirrhi lapillos ingenerant: hoc autem non fit, nisi caloris assantis vi; ut de calculo loquentes demonstrauiamus.

6. arg. Præterea si vehemens frigus congelaret scirrhos, tunc vehemēti calore soluerentur. Nunc autem contra se habet: calore enim indurescunt magis, quam frigore: sed blando, mollique mitescunt, quod proprium est induratarum à copioso calore rerum; quemadmodum in Physiologia probauimus.

7. arg. Præterea, & pituitæ, & atræ bili, quas materias faciunt scirrhorum, assamentum ipsi addunt, ut indurescant; ergo frigus vaniloquo syllogismo adducitur.

8. arg. 4 Immo neque defectum caloris pro frigore afferant: hydrops enim, in quem abeunt scirrhi, indicat calorem augeri, non deficere propter assationem. Et quamuis in rebus cæteris induratis ita accadat, haud tamen jecori: in quod totus confluit continuo spiritus morbi expellendi gratia ab ipso, quod nutritionis est officina, in quam vel ob indigentiam accurrunt.

9. arg. 5 Illud etiam vanum, quod pituita exsiccata sit scirrhi materies. Si enim pituita sanguis crudus est, accedente calore in sanguinem perfectum abit: & deinde in atram fæcem, quod ipsius subsidet. Si vero pituita sit alterius speciei, ut vitrea, & mucor, & albumen concretum, in iecore non congregabitur. Hæc enim in ventriculo, & cerebro fit. Igitur putandum albidius fieri corpus, cum calor minor est: nigrus, cum maior.



maior. Nos autem semper squallidos, flauè nigrescentes vidimus, scirrhosos homines; flatuque, & aqua inter cutem aliquando subalbidos fieri, non autem ex materia scirrhi per corpus cum alimento sparsa: si enim spargeretur, sanabilis esset scirrhus. Neque in pituitæ, qua afficitur, naturam conuertat iecur nutrimentum, sed in suam rubram assatam. Ergo flatus in cutem aliquando alborem, velut intumescere in mari, ostentabit.

6 Omnino igitur insanabiles scirrhi sunt imperitis, quoniam <sup>Cur Medici</sup> calidissimis curantur pharmacis, dum à frigore concrefcere au- <sup>scirr. non cu-</sup> rant. <sup>rant.</sup> tumant: propterea viam medicamentorum veram ab ipsis etiam, contra suum dogma, Medicis decantatam tentabimus.

7 Medicamenta ergo, & esculenta scirrhis conueniunt hu- <sup>Curz pro-</sup> mida, & penetrantia, blandoque prædita calore, vt calor possit <sup>pria.</sup> emollire iecur, non autem quam ingenerat, educere tenuitatem. Acuitas etiam ad penetrandum requiritur, vt crassities iccoris incisa rarefcat, ac conceptus proinde exhalet calor; humiditas ad emolliendum; mista enim duritiei, quam acumine, & calore penetrat, disponit trahitque ipsum ad mollitiem: calorque igneus, arénsque apertis poris elabatur, & iecur suam ad temperiem blandam redit, vt cum de reiuuenescencia loquebamur, manifestauimus.

8 Vinum primò non bibat scirrhus, præsertim rubrum, sed <sup>Potus-</sup> lac modico albo vino permistum; & decoctum cichorij, vel endiuia.

Cibus autem sit caro iuuenulorum agnorum, hædorum, <sup>Cibus.</sup> porcellorum, anserum, cum iusculis, vbi cichorea, aut endiuia coquantur; addaturque modicum aceti ad penetrandum. Omnia etiam, quæ edit, etiam panis, condiantur butyro, quod facilè permeat, & mollificat suo calore blando. Dabimus & lac; melius autem si incipit acescere. Vitabimus atrabiliosos cibos & crassos: similiter acutos, humiditatis expertes. Non enim laudo fœniculum, pulegium, origanum, hyssopum, & quæ Medici approbant, nisi valde modica sint, & in brodio macerata multo vel in lacte, vt penetrent, non autem calefaciant exsiccatiuo calore. Placent cappares, intuba, asparagi. Super omnia autem pineæ, pistacia, dulces amygdalæ, ouorum recentium vitelli, & iecora altitium lacte nutritorum, vt gallorum indorum, & porcellorum, & gallinarum. Absint piper, & sal, & allia cruda, & cæpæ, & cinna: nisi coctissima.



9 Extrinsecus verò fomenta, emplastra, cataplasmata admouebimus, non ex calidis exsiccantibus, sed penetrantibus, emollientibus, vt medullis cerui, vituli, adipe anseris, gallinæ. Potes absinthij portiunculas addere: & salicis, & aceti.

10 Vtuntur moderni sarzæ parillæ, vel chinæ decocto in syrups, & modico exercitio, & non ineptè. Pharmacum esto manna, & cassia. Sed vbi morbus inualuerit, antimonium præparatum: potens enim est emollire iecur.

11 Si verò calculosum factum sit, quæ calculos frangunt, educuntque adhibebis; de quibus cum de renum morbis. rit sermo. Veruntamen etsi calculus non innotescat, valent quæ ipsum frangunt: propemodum enim lapidescit scirrhus omnis. Memento tamen, vt his saxifragis rebus, addas lac, butyrum & emollientia alia, vt supra. Prodest etiam stillicidium exterius, de quo alias verba facimus, & acetosum lac.

### De intemperie hepatica, & cachexia.

#### ARTIC. IV.

*Quid hepaticum.*

1 **E**X præfatis iecoris morbis subsequi solet hydrops & hectica, aucto per obstructionem, & inflammationem calore, humitum radicale, ac solidum mox liquante. At etiam absque præfatis passionibus ex sola intemperie idem accidit; cui morbo Medici non indidere nomen: sed hepatici vocantur, quicumque intemperie iecoris, ac proinde imbecillitate laborant citra tumorem hypochondrij, sed cum dolore.

*Vnde noscitur.*

2 Cognoscitur autem læsio iecoris huiusmodi ex colore pallido & macie, item excrementorum specie sanguinea quasi aqua, in qua lota fuerit mactata caro. Quando enim sanguis sincerus excernitur: non iecoris temperies peccat, sed obstructio impediens spargi à iecore per corpus sanguinem, vel aliqua pars per iecur sese in intestina expurgans, vt dictum est nuper.

3 Ergo in hepaticis virtus sanguifica paritur, quæ tamen non est ablata, nec vitiata, sed diminuta, imbecillaque reddita, vt Medici aiunt. Imbecillitatis autem causam dicunt vel calorem esse, vel frigus.

*Quæ accidit dunt hepatico calido ex Medic.*

4 Cum calida adest intemperies, indeque imbecillitas hepatis, colliquatio primò humorum fit: deinde carnis ipsius hepatis: & per ventrem euacuatur bilis crassa, foetida, multum colorata: assan



assantur exinde humores: adest inappetentia, sitis vehemens, febrisque, vomitus prauorum, interdumque æruginosorum; fluxus vrinæ, oris amaritudo, calor vrens in plantis pedum, & volis manuum, pulsus celer. Sequitur hinc tabes totius. Indicabit ætas, & anni tempus, & temperies ægri, & mores, an calida sit affectio.

In frigida verò vrina albescit: excrementa sunt pituitosa, neque assidua, neque multa, neque graueolentia, vti in calida; absque siti, sed non sine cibi appetentia æger reperitur, & sanguis excretus est quasi limus, non grumus, neque bilis, neque afflatio nigra. Solet subsequi aqua inter cutem, durante intemperie frigida. Dicunt vtrique accidere siccitatem interdum; quod paucitas, & siccitas excrementorum indicat. Interdum humiditatem, quod liquiditas eorundem, & sitis defectus prodit.

5 Hoc in morbo non satis rectè Medici philosophati videntur. *Correctio.* Intemperies enim frigida non in limbum atrum sanguinem vertit, sed non coquit, & semicrudum relinquit. Item neque aquam generat inter cutem, quam non nisi calor multus probabitur efficere. Hanc quoque intemperiem sequitur cachexia, quæ ex liquefaciente calore nascitur, ergo ex plurimo. Calida quoque intemperies non facit colliquationem introrsum, sed per transpirationem extrorsum, neque foetores, cum eius sit attenuare. Attenuata autem non grauant spiritum, nec proinde graueolent; quod proprium est indigestorum excrementorum, & colliquationum viscerum. Igitur ex præfatis signis probantur. Præterea neque intemperiei causas reddunt, vti oportebat. Siquidem ex se ipsis fieri calor, & frigus propter naturam non possunt: ergo ex vitiato sanguine, quia fel, aut lien, aut renes, non trahunt ad se excrementa, aut viæ obstructæ sunt, aut ex cibis percalidis, & ebrietatibus accumulato sanguine impuro, aut non transeunte chylo per obstructam portam iecoris, temperies proprio calore consumitur.

6 Igitur dicendum videtur, quod quoniam iecur propria temperie sanguinea chylum vertit in sanguinem: ac simul in excrementa eas partes, quæ in sanguinem probum vertibiles non sunt: *Vera ratio accidentium nimius calor in calido.* hoc autem facit tenuitatem educendo, & partes puras increasando in lubricositatem rubram, calidiores, ac densiores assando: tenuiores in spumas vertendo; aliasque crassiusculas in cinerem, aliasque molliusculas in serum, cum talis temperies imminu



immutata fuerit caloris vi retenti aliqua de causa, nec potentis exhalare cum tenuitate: tunc fiet aptus ad conuertendum chylum totum pænè in serum sanguineum, eo quod sanguinem ipsum colliquat, nedum incrassat: partes enim tenues non elabentes aliqua ex obstructione, disponunt reliquas ad aquositatem, & liquefactionem: propterea que instar loturæ carnis excrementa eliciuntur: & cum calor increuerit, assantur sanguineæ particulae. Ergo non rectè putant Medici imbecillitatem iecoris efficere loturam cruentam, sed robur caloris, quod manifestat deinde colliquatio humorum, & substantiæ iecoris, quæ potius nutrit, quam nutriatur, vt sæpè docuimus. Propterea que hanc intemperiem sequitur hæctica, & sitis, & febris, & inappetentia. Et profecto si absque vitio, & absque obstructione fieret, quemadmodum Medici opinantur, sola frigidorum applicatio curaret hunc morbum. Indicat etiam graueolentia hanc intemperiem esse hæcticam, nec transpirationem posse calorem moliri.

*In vocato  
frigido idem  
calor est cau-  
sa perquam  
nimius.*

7 Illa verò intemperies, quam frigidam dicunt Medici, non nisi calorem eundem, at fortiorem indicat: propterea enim non fœtent excrementa, quia attenuantur, & transpirant. Adest à principio appetitus ex voracitate, quoniam iecur non nutrit, sed nutritur plusquam oportet vi caloris. Deest sitis, quoniam repleri cupit corpus nimio calore inanescens magis, quam molliri. Præterea albescunt excrementa ex retento calore in intestinis, & sanguis est fæculentus, & limosus qui egreditur, quoniam nimio calore assatur, & assatus mox liquefcit: partibus tenuibus regredientibus in ipsum, sequitur aqua intercus, quoniam in aquam, non in sanguinem calor validus concentratus conuertit alimentum. Igitur hæcticus calor iecoris est illa intemperies, quam Medici dicunt calidam, & eius finis est hæctica totius corporis. Hydropicus calor iecoris, est illa intemperies eiusdem, quam Medici vocant frigidam, idcircoque ad ipsam totius corporis sequitur hydrops, & primo quidem cachexia.

*Nota.*

*Quid cache-  
xia.*

8 Est autem cachexia malus habitus corporis hydropisque principium, nempe aquosus, laxusque ex sanguificationis defectu proueniens: propterea que albicanti pallore, & virore afficiens cutim: vnde affectiones iecoris subsequi solet: hoc est, scirrhum, obstructiones, intemperies. Item profusiones sanguinis immodicas, hæmorrhoidum, menstruorumve: & mésentéricas, & cæliacas. Itémque retentiones earundem excretionum, vt Me-

dici



dici testantur. Vnde palam fit, calorem exhalationis defectu in subiectum sanguinem plus iusto grassari, cum excrementa impediunt, aut abeuntibus humoribus, in solido accendi, & sic sanguificationem serosam efficere.

9 Signa huiusmodi sunt color liuidus, vel subuiridis, albicans, *signa*, crura languida, respiratio debilis, & rara, inflatio faciei, & partium externarum.

10 Imbecillitatem igitur hepatis ex intemperie calida hectica *curatio hepaticorum*, ortam curabimus, sicut hecticum habitum, cum etiam toti corpori communicatur: atque etiam balneis dulcibus, tepidis, aperientibus exhalanti calori poros, & simul humiditatem conciliantibus sui ipsorum ingressu usque ad hepar. Propterea etiam laudamus cataplasmata, & emplastra ex rebus emollientibus, conciliantibus mollitiem, & extrahentibus ad se caliditatem, non secus ac imposita aqua atheno bullienti super ignem: cuius fundum etsi a calore ambustum, tamen frigidum sentitur: quoniam calor a sicco ære libenter in aquam sibi similiorem adsumitur. Si ergo althæa, malua, fœnugræc. farina, & hordei decocta, acetosque lacte mista adhibeantur hypochondrio dextro, facile emendabunt eius duritiem, & calorem immodicum ad se allicient. Valent & anserulorum, & pullorum gallinaceorum iuscula, in quib. cichorium, endiuia, borrago, & res huiusmodi aperitiuæ, & refrigerantes, incoctæ sint: limones & omphacium, cæteræque acida modicè, imponantur ad penetrandum, & incidendum, non autem immodicè, ne etiam exsiccet. Res mellitæ nocent, omniæque adstrictiua, nisi cum aceto ad abstergendum misceantur. Profunt pisces saxatiles, melones, præcipuè aquatici, punica. Conficiuntur etiam medicamina intus, & extra ex diarrhod. Ab. diatrionfant. uvis passis, semine endiuia, ros. purp. iunc. odorat. absinth. palmul. coton. lactuc. & similibus. Cibi etiam validi offerendi, quoniam flaccidi in sanguinem aqueum vertuntur caloris vi, ut carnes præfatis cum rebus coctæ.

11 Respicias autem semper ad caloris eductionem, ad partis mollificationem, & simul adstrictionem, seu consolidationem, ne in fluores lique scat hecticos. Quibus respectibus arrident repida, mollia, aperitiua, & simul consolidatiua, ut præcipuè est vua passa, & succus cichorii in mulla.

12 Si autem fluor quispiam obstruens, aut vitians iecur, in causa accensionis fuerit: illud simul purgabis secundum artem frigi-



da autem, & calida, valdè cauebis.

13 Vinum non dabis, nisi, stomacho exigente, dilutum aqua multa: potius autem menthæ decoctum, aut succum punicorum: aut aquam hordei, vel cichorij, vel endiuix. Puto tamen vinum lacte mistum prodesse.

*Cura Medici-  
corii in hepa-  
tico frigido.*

14 In iccoris frigida Medicis vocata intemperie, nobis verò hydropica; vtuntur illi calidis medicamentis, vt brassica, serpillio, hyssopo, fatureia, fœniculo, sampsuco, oreoselino, & carnibus gallinarum, phasianorum, perdicum, & condimentis caryophyl. cynamom. & vino odorifero intus, & extra. Addunt olea calida absinth. nard. cynamom. eupat. &c. Vitant in vtraque intemperie pistacia, pineas, amygdalas, eo quod sint oleosa, accendibilia. Castaneas dant, & ventriculos anserum nullos assatos, non autem pisces, & res frigidas.

*Correçtio.*

15 Nobis autem videntur non satis rationabiliter ista tribui, tanquam calida addentia calorem, sed tanquam aperientia poros, educentiaque calorem. Ea enim intemperies nimij caloris est index, qui si prorsus exhalauerit, assationem relinquit, aut frigus, hoc est sui carentiam, quæ mortem accersit.

*Cura pro-  
pria.*

Dabis ergo tenuia vt penetrent; sed simul crassa, ne nimio calore in fluores aqueos conuertantur: vtque in chylo amplificatus calor, à iccoris substantia, vel ex parte abscedat. Præterea si pistacia, & pineæ adeo nocent in calida intemperie, iuuabunt in frigida: quid est ergo quod in vtraque ab aliis Medicis prohibentur, ab aliis vero in frigida conceduntur? Item castaneæ, & crassæ res à peritioribus adduntur: quæ frigida temperiei prorsus obessent.

16 Totus ergo scopus esto, calorem calore minuire, & extrahere, & imbecillitatem corroboratiuis simul erigere, ex parte humectantibus, ex parte adstringentibus, ex parte spiritus multos procreantibus, & ex parte temperiem restituentibus. Hæc autem cum de hydropes erit seruo, melius declarabuntur.

*Cura cachexia.*

17 Cachexia etiam, quæ ad hydropem via est; si eius humiditatem, qua perfunditur corpus, spectes, vt Medici faciunt, exsiccativa remedia quærit. Sed quoniam iecur est in causa, calore nimio fundens cibum in aquas, caloris correctioni vacandum. Et si quidem illius augmentatio ex retentione prauorum humorum: vel hæmorrhoidum, vel menstruorum, in quibus incenduntur opus habet, acciderit: tunc quæ ista profligent adhibebimus.



Si vero obstructio, aut scirrhus, aut inflammatio sunt in causis per sua remedia, suis dicta locis, occurrabimus. Si verò per nimias euacuationes fiet, cuius causam Medici non intelligunt: cur enim, & nimia euacuatio mariscarum, & nimia suppressio, eandem causent ægritudinem, nunquam dixere. In nostro autem dogmate clarum est. Cum enim abierit humor, in quo calor operabatur, & expandebatur: tunc in iecore absterfo retinetur, ibique augetur, non secus, atque in olla feruenti, ex qua aqua, in quam calor agebat, & amplificabatur, egressa fuerit. Vnde sequitur ollæ combustio, & exsiccatio radicalis viscositatis, & ruptio, fractioque. Quod si calor ille in angustis inclusus esset concauitatibus, etiam liquefaceret ollam, ut in vitraria fornace. Sic calor in iecore augetur, & ipsum colliquat in fluores potius, quam in sanguinem vertat.

18 Propterea intentio Medicorum ad huius diminutionem in robore, & augmentationem in copia, tendere debet. Ipsi autem contrarium omnino procurant. Quapropter ad hydropem descendamus, licet, ut ex illo, etiam huius cura clarescat.

19 Quomodo autem iecur lupi manducatum, aut in pulvere epotum, & cochleæ tres in puluerem actæ, epotæque per magicam vim emendent iecoris intemperies omnes, dictum est prius. Adde iecora altitium, & herbas iecorarias, & quæ iouialia sunt secundum artem.

*De hydropē, eiusque cura.*

ARTIC. V.

1 Vm triplex sit hydrops Medicorum consensu: videlicet *Triplex hydrops. Signa tympanites.* tympanites eorum, quibus intumescens venter, verberatus instar tympani sonitum edit. Alter ascites; quibus instar vtris *Signa ascitis.* aqua pleni tactu percipitur, & reclinatione in latera facta, veluti fluctus aquæ intra peritonæum, & intestina fieri sentitur. Terminus *Signa propria anasarcae.* anasarca dictus, in quo totum corpus mollescit, laxatur, & aquositas plenum agnoscitur. Quæritur causa harum passionum proxima quænam sit; efficiens nimirum & formalis, & locus existentia, ex effectibus, & signis.

2 Commune est in quolibet hydropē, tumor corporis, præcipue *Communia signa hydropicorum omnium.* ventris inferioris; grauitas, vitiatus color, ex virore albicans, cibi fastidium, porus appetentia nimia, febris, & crurum intumescen-

ta. Quæ autem propria sunt cuique, dictum est.



*Sanguifica-  
tionem eius-  
que organum  
ladi in quo  
libet hydrop.*

3 Conuenit nobis cum Medicis in omni hydropē læsam esse sanguificationem, ergo & iecur, siue per se, siue per consensum: ex hoc enim fit, ut cibus, qui in sanguinem redigendus erat, in aquam, ac vaporem crassum conuertatur.

*Vnde scitur  
organum  
per se læsum  
esse.*

*Vnde per  
participatio-  
nem.*

4 Tunc per se affici iecur agnoscimus, cum signa scirrhi, vel obstructionis, vel inflammationis eius, in præcedentibus notata articulis, apparuerint. Item si tussiant ægri absque excretionē, & deiectiones paucae sint, aridaeque. Per participationem, & redundantiam, si alij morbi præcesserint: etenim solet hydrops lienis morbos subsequi, & immodicas euacuationes siue per aluum, siue per menstrua, siue per hæmorrhoides. Item retentiones menst ruorum, & hæmorrhoidum. Item longas febres, & inflammationes. Item dysenteriam, & coeliacas passiones. Item affectus pulmonis, & diaphragmatis, & icteritiam. Item podagram, & ischiadem. Ex his enim contingit sanguificationem vitari, & impediri.

*Medicorum  
sententia  
frigoris esse  
causam vi-  
tiate sangui-  
ficationis, in  
communi, &  
speciali.*

5 At in ratione deprauatæ sanguificationis est nobis cum Medicis controuersia. Ipsi enim asserunt cum Aëtio, & Galeno, lib. 5. & 6 de locis affectis, iecoris in frigidationem, quæ cum maxima est, fit anasarca: communicatur enim venis, & toti corpori frigiditas, & ideo nutrimentum in aquam vertitur, aquosumque fit, non sanguineus fluor, nutritioni aptus. Cum minor; fit ascites in iecore solo, non potente chylum in sanguinem perficere, sed aquosum dimittere: cuius aqua in ventrem inferiorem secernitur. Cum autem nimia est frigiditas, fit tympanias. Siquidem aqua in flatum aliquo calore vertitur. Alij addunt, quod tympanias sequitur imperfectam ventriculi coctionem, ascites iecoris, anasarca venarum. Disputant etiam quisnam periculosior. Celso enim anasarca, Aëtio tympanites, Auicennæ ascites, vbi sitis maior, hepârque affectum magis, pulsus imbecillior, & syncopes periculum, &c. Purgari volunt in anasarca pituitam: in ascite aquam; in tympanite flatum.

*Obiecit.*

Nobis vero obicientibus hydropem ex acutis febribus ortum; respondent, frigiditatem priuatim saltem in iecinore fieri.

*Respons. Me-  
dicorum.*

*Prognostici  
Medicorum.*

6 Circa euentum, curationem promittunt à principio saltem: non autem vbi morbus inueterascit. Anasarcam alui fluxionibus spontaneis solui ex Hippoc. dicunt. Itidem si aqua è venis in ventrem fluxerit. Item hydropem ex acuto morbo mortiferum, nec febrem soluere, nec dolorem.



7 Omnes hydropes ergo calefactiuis curari volunt in aëre calido, & sicco, & lecto duriusculo, substratis origano, vitice, pulegio, calamento, & similibus; nam & tecti arena calida, & frumento sæpè sanantur. Deambulationes & exercitia addunt, & sudatoria medicata, & sitim, & vigiliam ex parte; cibum coctu distributuque facilem, & duriusculum panem, & carnes volatiliū, & quadrupedum non pinguium, & ferarum magis, cum condimentis aromaticis, & herbis extenuantibus, vt sceniculo, aniso, origano, eruca, brassica, pulegio, rapa, pastinaca, porro: dant pisces, cancrōs, locustas. Vitant legumina, & bellaria, dant tamen passulas, punica, pyra cocta. Aquam negant, vinum concedunt magis ex absinthio, spica nardi, apio: ita tamen, vt nunquam potu saturentur, nec ex parte. Respiciunt in cunctis calefacientia, & exsiccantia.

*Medicorum  
curatio om-  
nis hydrop.  
per calefa-  
cientia.*

8 Speciatim vero anasarcam venæ sectione à principio curant, vt multus sanguis frigidus imbecillitatem jecoris, & caloris nativi non extinguat. Deinde pharmacum purgans ex rheo, agar. & hiera, ministrant; facta præparatione per syrups extenuantes, incidentes, ac meatus aperientes: singulis septimanis aluum mouent, præcipue cort. med. radicis sambuci, vino decocta: & sem. ebuli. Corroborant jecur diarrhod. diacure. dialac. theriaca, rosaceo aromate. Addunt cataplasmata ex desiccantibus, & emplastris, & vnguenta. Palam sunt farina hordei, scenicæ. lauri baccæ, origani, absinth. rad. ebul. stercus bubulum resiccatū cum oxym. & sulph. caseus recens, sterc. columb. lil. euph. alum. thus, sal &c. Et tandem crura supra malleolos scarificant, vt exeat aquositas; & occludunt, prout & quando oportet.

*Cura anasarca speciatim.*

9 In ascite verò venæ sectionem cauent, præparant humores syrupo de cortic. citri, melle ros. aut oxym. Purgant agar. trochisc. rhabarb. vigorato, hiera simplici in pilulas actis. Vtuntur potione ex cortic. citri, myrob. sambuc. aliisque extenuantibus. Commendant foldanellam, in cibo, & potu: quam alij improbant; sed ex foliis chamelææ in aceto albo 24. horas maceratis, vbi cidonia prius decocta fuerint; deinde exsiccatis, & contusis, & cum hiera picra, succo radicis iridis, in pastillos actis, exque agar. trochisc. rhabarb. & myrob. cheb. trochisc. conficiunt vtilissima catapotia, probatissimaque contra ascitem. Vtuntur etiam cientibus vriam, & clysteribus acubus, & topicis remediis extrinsecus exsiccantibus iam dictis, & tandem contumacem humorem, cure

*sed periculis est  
de gangrena*

*Cura ascitis  
ex Medis.*



punctionibus perforata, educunt, non tamen confertim totum, quia periculum ex Galeno, & Hippoc.

*Cura tympanit. ex Medic.*

10 In tympanite præparant, & purgant iisdem rebus humores, quos mistos flatui exploratum habent. Addunt attenuantia vaporem, videlicet fœnicul. cumin. anis. pulegium, calament. & huiusmodi in cibo: & clysteribus, & suppositoriis, quæ ex melle, agaric. hiera. Præterea cucurbitulas ad flatum educendum, & cataplasmata ex attenuantibus & exsiccantibus.

*Correctio: quod nullus hydropis sit à frigore, sed omnis à nimio calore. Ex ratione productionis hydrop. Et probatur. 1.*

11 Nos autem habemus persuasum omnino, nullum hydropem frigefactione fieri, sed caloris reuerberati vehementia. Cum enim calor transpirare non valet, quas educit tenuitates, miscentur crassitie, in quam agit chylosa sanguineaque: ipsamque in fluorem disponunt: non secus ac in terræ visceribus detentus calor, & exhalans tenuitas, ambustam terram in fluorem salsum parant, conuertuntque: id quod in aperto loco non facerent, sed tantummodo assarent. Si autem calor imbecillus, neque intus coopertus, neque foris apertus posset in fluores aqueos crassum chylum conuertere, sed in crudum sanguinem, quem phlegma vocant, vel in lubricam crassamque substantiam; si exhalare nequit, non autem in liquorem, & vaporem, quales in ascite, &

*2. Ex falsedine.*

tympanite. Præterea idem docet falsedo aquæ intercutis, & vlcera, quæ intestinis, & peritonæo ab ea fiunt in dissectionibus comperta, quæ non nisi ab erodente falsedine, & acredine, fieri possunt: hæ autem passionēs sunt à vehementi inditæ calore. Siquidem debilis calor fluores dulces, & quasi petrificos crassosque producit, ut in Phys. probatum est. Præterea sitis vehemens, & inexplēbilis nullam frigoris opem, sed robusti caloris in venis, & jecore, declarat. Præterea ipsi Medici sæpius experti ab inflammatione, & febribus magnis ortum hydropem, manifeste cæcunt, dum frigiditati eum attribuunt. Hoc argumento victi, respondent priuationem caloris pro frigore accipi tunc; eam autem flammæ abscessu fieri contendunt.

*3. Ex siti.*  
*4. Ex his quæ præcedunt.*

*Responsio Medic. ad 4.*

*Consultatio.*

Non ineptè quidem, si solummodo sensum frigoris inquiremus. Cum autem quærimus actionem, qua chylus in aquam, & vaporem vertitur: hanc autem frigoris non esse, cuius nimirum ingenium est congelare, & incrassare chylus; non autem in fluorem tenuiorem chylo, & in vaporem conuertere, præsertim salsum; palam est in Philosophia, & experimentis; neque caloris debilitati, eius enim est subiecta materiam in similem crassiciem, albamque,



albamque, dulcémque agere, cum non possit eam attenuare, suáque tenuitate, & albore spoliare, sicuti docuimus agentes de marmorum, & petrificorum succorum, & salium generatione.

Nunc autem videmus crassum chylum in falsum humorem & fumum verti: quod non nisi caloris, & bene magni opus esse, cum de maris, & aquarum origine differuimus, inferebamus. Cum autem docent in quibusdam corporis humidis tumefactionibus; permanente appetitu, sitim deesse; morbum illum hydropem non esse putandum erat, sed vesicæ, & renum imbecillitatem: qui serosum è venis humorem non trahunt, aut obstructionem viæ ad renes. Idcircoque ex venis exudare, & carnes madefacere; unde spuria etiam cachexia nascitur, falsa-  
que anasarea: quæ perfecta est cachexia. Accidit etiam obstructis meatibus mesenterij ad jecur, non nisi aqueam partem chyli transmitti, sicque spurium incipere hydropem, & aucto calore verum, vel potius hecticum, vel inflammationem. Præterea manifestè à morbo conualescentibus calido crura intumescunt, assatiuo calore partem cibi in fluorem vertente, donec humidior fiat jecoris temperies. Nisi quis dicat exsiccata obstructionemque pellem vapores transpirantes non emittere, sed in fluorem cogere falsumque hydropem. Præterea manifesta est hinc differentia caloris hecticici, & hydropici: ille enim in solido habetur ad solidi liquefactionem, ut in putrefactionibus accidit, laxante calore molis suæ texturam. Hic verò in iecore tantum est vehemens, agensque magis, quam oportet, ac robustius; ac proinde vertens in id, quod sanguinis excedit temperiem. Tandem palam est, quod aqua inter cutem & exinanitione, & retentione euacuandorum fit, quorum utrumque calorem debilitare, vel frigus conciliare contrariis actibus non potest. Sed si retentio menstruorum frigefacit, eiectio calefacit: In nostro autem dogmate statim liquet; quomodo calor humoribus prauis non eductis in ipsos augetur occlusionem, & irritationem, bonisque etiam cum prauis eductis in visceribus exsiccatis clausus, nec diffundi cum vapore valens, totus excandescit, & in chylum aliter agit atque prius, robustius videlicet; etsi non copiosius. Et ipse hydrops ex euacuatione promptior est ad hecticam; quam qui ex repletionem, ob dictam causam. Depascitur enim exsiccatum solidum jecoris, & consequenter in corpus diffunditur totum.

*Occurrit ob-  
iectioni.*

*Confirmatio  
dogmati.*

*Differentia  
caloris hec-  
ti & hydro-  
pici.*

*6. Ratio ex  
generationis  
termino.*

*7. Ex eueni-  
bus.*

Quapropter



*Cause hydrop.*

*Euacuatio immodica hœticam, ob fructio hydropic. generat.*

*Non est curandum calidius, sed frigidius, potius autem humidius.*

*Correctio.*

*Ratio cura Medicorum.*

*An prosint medicam. purgantia.*

*An, & ubi uena sectio.*

12 Quapropter arbitramur omnia mala ingentem calorem contra se excitantia, qualia sunt morbi lienis, iecoris, intestinorum, pulmonis, & inflammationes, & febres, & quartanas, posse hydropem procreare; maximè autem jecinoris: cætera. n. prout jecori accensionem communicant. Verum quæ euacuationes faciunt grandes, & multas; potius hœticam; quæ vero retentiones, obstructions, & repletiones; potius hydropicam passionem, ut modo referebamus.

13 Sanandus ergo hydrops aliis ortus causis & membris, perillarum causarum, & membrorum curationem, suis in locis singillatim declaratam. Quæ vero ex jecoris primaria intemperie, propriæque, per jecoris correctionem.

14 Iecur autem calefactius non emendatur, nisi per accidens, educendo foras caloris vehementiam: ad quod cichorium, fœniculum, & alia iam dicta, & cataplasmata & acetosa humida, parumque calida ad se flammæ euocantia, non secus atque aqua bullientis aheni ignem ex aheni fundo ad se inuitat.

15 Frigida actu omnino vitabimus, ne calorem concentremus.

16 Medicorum cura, qua flatum dissoluere, & aquam educere satagunt, respicit effectum, non causam; ergo iners & insufficiens. Calor ergo, temperiæque iecoris corrigenda, nec deferenda cura flatus, & aquæ, sed illa prius. Quod si quando arena calida, & insolationes sanauerunt hydropicos, absque medicamento alio iecur corrigente, ut aiunt; hydrops ille spurius fuit, & ut paulo ante diximus, non legitimus.

17 Medicamenta purgantia nullatenus profunt aquæ intercuti, ut volunt; nisi etiam velint non frigefactione, sed humore calorem accendente hydropem fieri. Vnde miror, quomodo hiera, agarico, & rheo utantur in frigefactione sola iecoris: nisi & nobiscum obstructions, & irritationes alias concedant in hydrope.

18 Præterea neque venæ sectio prodest, nisi prauis humores calorem accenderint; friuola enim ratio est, quod sanguis frigidus extinguat calorem, nisi educatur. Non enim sanguis à calore modico genitus suum genitorem vincit, ut nec flammula à modico calore suum generantem calorem. At si à fortiori calore genitus fuerit, calorem imbecillum iuuabit, non extinguet. Nec à frigore sanguis



sanguis gigni potest. Valet ergo venæ sectio, vbi hydrops ex retentione menstruorum, & hæmorrhoidum, & ex inflammationibus ortum ducit; in euacuationibus immodicis nequaquam.

19 Profunt autem hydropicis cibi duriusculi, ne vehementia caloris in aquam vertantur, sicuti fluidi, herbacei, ventosique. Prodest sitis, quoniam porus facile alit aquam inter cutem. Proptereaque in potu darem non vinum, nisi saltem stillas quasdam ad emendationem aquæ; sed aquas arte crassas, in quibus decoctæ sunt farinaceæ lactæque res. Prodest decoctum hordei in aceto, quoniam penetrat ad caloris eductionem, & iecur solidat. Sed serum caprinum cum modico vino, & decoctum eichorii, & brodia consummata cum lacte, potus hydropicorum sunt vtiliores. Cibus autem carnes siluestres pingues, non aridæ, in lacte decoctæ, vel sero. Hoc tandem experti sumus, cum Medicorum pudore, & ægrotorum commodo; Vinum lacte mistum, & carnes coctas sero, & pepones, & pulposas res frigidiusculas restituisse salutem: quam ipsi pipere & calidis potibus cibisque pessunderant.

*Cur cibi crasse substantia profunt hydropicis, non tenuis, nocent.*

*Potus qui.*

### De icteritia flaua, eiusque cura.

#### ARTIC. VI.

1 CVM de prognosticis sermocinabamur, diximus icteritiam criticam fieri, cum aliqua vasa bilis malitia laborantia ipsam in cutem emittunt: in qua nimirum, neque vrinæ crocæ valde, neque iecoris morbus aderat, eamque iudicio naturæ commisimus. Quam tamen frictionibus, dulcibusque balneis, modicisque sudoribus ad expulsionem Medicus iuuare poterat.

*De ictero critico.*

2 Nunc de icteritia morbofa dicendum venit: in qua vrinæ croceo colore pannum valde tingunt, & albescit virore corpus, & oculi albumen flauescit: pruritus in corpore, & pigritia ad motum, & repletio venarum sub lingua.

*Symptomata icteri morbofi.*

3 Hanc autem oriri contingit vel ex venenatorum morfu, quod seipsum indicat, & febris vacuitas; vel ex calida iecoris intemperie sanguinem in bilem vertente, quod feruor in hypochondrio dextro citra gravitatem significat. Vel ex imperfecta iecoris inflammatione, sanguinem in bilem mutante, & hoc

*Ex sex causis oritur icterus, & illarum signa.*



ex febre, & deiectionibus biliosis, & hypochondrij gravitate cognosces. Vel ex obstructione meatus fellis bilem suscipientis, & emittentis; & hoc gravitas hypochondrij citra febrem, albæque excrementa ostendunt. Vel ex infirmitate facultatis attrahentis bilem ex iccore, & expellentis eam ad intestina: & tunc alba erunt excrementa citra gravitatem hypochondrij; urina vero biliosissima. Signa autem icteritiæ nigre suo in loco ponemus. Contingit etiam vesicam felleam angustioresse, & præ nimia bile disrumpi, vel alio ex accidente; & tunc biliosi vomitus incessanter adsunt, & tandem mors, præter cætera signa.

*Prognosis.*

4 Prognosticum de icteritia critica suo in loco dedimus: de symptomatica aiunt, quod sicut post febrem prodest: ita ante febrem nocet, ob causas ibi dictas.

Præterea quodcumque venerit, si dextrum hypochondrium obduruerit, malum: pessimum autem si bilis vomitus non cessat: indicatenim cystis fellis ruptionem, aut inuictam obstructionem.

*Cura.*

5 Igitur si à veneno ortum ducat, ea, quæ venenum educunt pharmaca adhibenda. Si vero à iccoris inflammatione, vel intemperie, vel obstructione, vel scirrhus, ea iuuabunt quæ contra has passiones nuper scripsimus.

6 Cum verò ab obstructione ves. fellis, tunc purgatione, & venæ sectione utendum: prius tamen iis quæ in via sunt expurgatis, ne sanguinis missio in iecur ea accersat. Non enim sola bilis per tenuis videtur obstructioni suffecisse. Quæ bilem purgant, nota sunt.

*Vitus.*

7 Cibus esto humidus, facilisque coctionis, laxæ substantiæ, & extenuatius, calidus parum actu, sed natura frigidus ex parte: ut auiculæ montanæ, pisces saxatiles, olera jecoris amica, & asparagus, &c.

8 Applicabis & hypochondrio humida aperitiua, &c. Adde clysteres bilem purgantes, & acres.

*Remedia ex  
magia natu-  
rali.*

9 Omnes plantæ, quarum flores, aut cortex bilem repræsentat, bilem educunt, aut extinguunt magicè, ut aloë, rheumque, raphan. centaur. melopepo, colocynth. citria, aurantia, absinth. tithymal. ricinus, thapsia, &c. Item decoctum pedis gallinæ crocei, vel aliarum talium auium croceo pennatarum. Galgulus aui sola intuitu icterici, ad se icterum trahit, sanat intuentem, ipsaque moritur. Idem efficit charadrius aui, & parus. Præterea lacerta viridis



viridis in facculo clausa ligataque super ictericum, donec ipsa moriatur, contrahatque morbum sympathia. Præterea pallide res bilem pallidam, rubræ rubram purgant: præsertim ubi alia ad sunt indicia, ut in lib. 5. Applicentur etiam in cataplas. & emplast. exterius, quæ confortant fel, & tollunt obstructionem, elementaliter, vel magicè.

Crocus, triticum, ebur in vino propinatur quotidie mane contra icterum feliciter.

*De morbis viscerum deferuentium appetitui principij  
mistis actionibus, & primo de lienis  
affectibus.*

## CAPUT XVII.

**I**N iecore secundo nutritionis organo, concoquitur conuertiturque chylus in sanguinem; cuius coctionis fæces in lienem, spuma in fel, cinis in renes, serum in vesicam urinariam, secerantur ad excretionem & alios usus, in Physiologia descriptos. Quæ sequestrationes quando non fiunt, aut plusquam decet, aut minus rectè fiunt, multorum morborum sunt causæ; quorum alios in lienis, & fellis examine iam scripsimus, alios nunc scribere oportet: & primò quidem lienis, in quem fæces nigræ secerantur, & sanguis eius sequestratione purificatus, fit floridus plerumque. Propterea spiritus lucidos creat, hilaresque; dilatationi, diffusionique sui aptissimos: proptereaque lien risus causa putatur, quasi remouens nigrores, qui risum impediunt. Non ergo assentiendum vulgo sedem risus in ipsa ponenti, quemadmodum ex penultimo Physiologiæ capitulo compertum est. Lienis autem morbi sunt icterus niger, inflammatio, obstructio, scirrhus, debilitas, cæteraque mala, quæ consimiliter iecori euenire docuimus, quorum nunc singillatim sermonem attexere oportet.

*De ratione  
coctionis chy-  
li, & usu, &  
vicio.*

*Usus lienis.*

*Cur risus se-  
des putatur.*

*Morbi lienis  
qui.*

*De icteritia nigra.*

## ARTIC. I.

**P**ost communes notas omnis icteritiæ in præcedenti articulo enarratas, hæc adduntur icteritiæ nigræ, quibus à flaua secernitur: videlicet ater color totius corporis, tristitia spontanea,

*Signa nigri  
icteri esse.*



tanea, difficultas spirandi, auersatio ciborum, vrinx nigrae, mordicatio ventris, resiccatio alui, & stercora calcanthi colore insignita.

*Causa signorum.*

2 Causa horum est fæx sanguinis non sequestrata, quæ simul per corpus cum sanguine transfusa, exundansque suo nigrore cutem inficit, & vrinas: quo peracto officio, segregatur in vesicam: spiritum ideoque fuliginosum ex sanguine oriri tunc est opus, timidum, tristemque, illa nigredine territum, affectumque. Difficultas spirandi non ex lienis vi fit, qui parum vitalia, etiam si excrescat, tangit; sed ex fuliginum volatu, quæ ad sui expulsionem spiritum distrahunt, mouendique pulmonis munus intermittere faciunt, vnde suspiria, & spirandi difficultas videntur accidere. Mordacitas intestinorum non adeo est ex bile flaua, sicuti ex atra: fuligo enim, & assata bilis pungentior, & amarior, ut & oculi à fumo experiuntur. Similiter color vrinarum, & stercorum ex horum mixtura. Item alui exsiccatio ex maiori affatione, & assatorum mistione innotescunt.

*Quadruplex causa effusionis bilis causa icteri.*

3 Causa autem diffusionis huiusmodi bilis est, vel abundantia ipsius, quam vel cibi præcedentes atrabiliosi cumularunt, ex ipsisque indicium fumes; vel iecoris calida intemperies, & inflammatio, quæ sanguinem affat, totumque atrum fuliginosumque facit. Idque dignoscere ex eo, quod lien bene se habet. Morborum autem iecoris nuper enarrata signa adsunt. Vel causa est lienis scirrhus, aut inflammatio, de quibus postea rationem notatque afferemus. Aut eiusdem intemperies calida, superaffans bilem, attrahensque plus nutrimenti quam decet, quod in bilem versum vomit, afficitque corpus. Signum eius est sinistri hypochondrii feruor, & frigidorum applicatione melioratio: vel frigida intemperies, quam calida iuuabunt.

*Non potest atra bilis generatio, nec effusio, nisi per accidens.*

4 At quidem Medici in hoc probe falluntur; dum eandem effusionem atræ bilis, vel generationem calori, & frigori adscribunt, quæ quidem propria est affantis caloris: frigus enim potius in pituitam, & alborem verti faceret. Verum id existimandum, quod imbecillitas ex frigore seu caloris defectu in liene propterea est icteritiæ nigrae causa, quod non potest nutriri atrabili, ac promde eam non attrahit, potius autem e vomit, causaque est ut totum corpus ipsa coloretur. Est tandem obstructio causa, ne bilis atra in lienem trãseat, proptereaque cum sanguine



per corpus effundatur, quod dissentio lienis, grauitas, & dolor indicabunt, cæteraque signa suo dicenda loco.

5 Cum exuberantia atræ bilis est in causa, si à cibis ortum ducit: contrariis cibis, poribusque curabis, qui nimirum floridum, hilarem, dulcem sanguinem gignunt. Præparatósque humores per syrupos atram respicientes bilem, purgabis pharmacis eiusdem ordinis, de quibus in lib. 5. & in sermone de furore, & epilepsia sæpè locuti sumus.

*Cura icteri  
ex abundan-  
tia atrabilis.*

6 Cum verò iecoris caliditas nimia est in causa, refrigerabis iecur, & bilem extrahes pharmacis eisdem, & clysteribus, & cibis, &c. In vtrisque venæ sectio copiosè celebranda, nisi quid impediat.

*Ex inflam-  
matione.*

7 Si scirrhus, aut inflammatio lienis causa mali fuerit, eorum curatio in sequenti articulo suggeretur.

*Ex scirrho.*

8 Si obstructio lienis, eodem modo curabitur, quo & iecoris obstructio: pharmacis tamen validioribus ad incidendum, attenuandum, & aperiendum. Memento semper aceti, & corticis radicum cappari, & scolopendrij: quale enim absinthium iecori, & eupatorium: talis capparis lienis, & scolopendria, ex Galeno.

*Ex obstruct.*

9 Calida intemperies cum in causa fuerit, curabis vt inflammationem, vt suo in loco, & vt in iecoris inflamm. insinuat, vt suo in loco, & vt in iecoris inflamm. insinuat.

*Cura icteri  
ex calida in-  
temperie.*

10 Cum peccat intemperies frigida, seu imbecillitas: tunc purgabis melancholiam ex arte præparatam aquis melissæ, lupul. fumar. de pom. scolopendr. per diacathol. diasen. confect. hamech, cassiam, myrobal. ind. & alia &c. sicut nosti. Lienem vero confortabis cataplasmatibus, emplastris eiusdem generis. Victus erit ex pane albißimo, vinóque generoso, brassica, satireia, hyssopo, serpillio coctis in brodio anseris, phasian, columbæ domesticæ, sturni, perdicis, & lætorum animalium. Impone caryophyl. cynam. & similia. Præterea fœnic. absinth. maioran. menth. aneth. amygdal. amar. vuam passam, myrrham, coton. & huiusmodi applicabis extrinsecus cum vino generoso.

*Ex frigidit.*

11 Habemus etiam ex Magia, quæ icteritiæ nigræ occurrunt, lienemque iuuant: remedia ex leone, hyæna, simia, ceruo, merula, turdo, coruo, lepore, stibio, sapphyro, hyacintho, lap. lazul. myrobal. nigris, & beton. cæterisque saturninis, & autumnalibus rebus, fauente Saturno in bono Iouis, Venerisque aspectu.



## De lienis inflammatione, &amp; cura.

## ARTIC. II.

- Signa 6. in inflammationis lienis.* 1 **L**ienis inflammationem deprehendemus ex dolore sinistri hypochondrij, feruore, tumore, distentione, duritie, vt & in epate; & grauitate.
- Causa.* 2 Causa est lienosus sanguis mistus bili: neque enim optimus in eum influit; nec si influit, inflammat morbosa inflammatione, nisi etiam bilis tenuis adsit vitiata.
- Periculum Cura.* 3 Si segniter curabitur, multa afferet mala, præsertim scirrhum, & hydropem, vbi & iecori communicatur. Victus ergo sit qualis in iecoris inflammatione, tenuis, frigidus non actu, sed substantia. Potus aqua hordei, vel aquosum vinum austerum.
- 4 Ministrato clystere leni, fiat sinistra venæ lienaris sectio larga, si cætera non multum dissentiant: est enim præsentaneum cunctis inflammationibus remedium: nisi tamen è nare sinistra hæmorrhagia exuberans sponte splenem liberauerit. Deinde præparatos humores ex decoctionibus fumarie, borraginis, mellissæ, lupul. oxymelite, &c. purgabis cassia, manna, senna, epith. secundum artem.
- 5 Mox cataplasmata, emplastra, vnguenta extenuantia, atque humectantia, ne per siccantia induretur in scirrhum, adhibebis: nec frigida actu, ne per antiperistasis idem fiat. Consonent omnia dictis in iecoris inflammatione, & cum attenuantibus, & refrigerantibus, & calorem per modicam relaxationem educentibus. Addantur adstringentia, videlicet vinum, acetum, cappares, mora, &c. Farinæ etiam fœnugræc. hordei, & huiusmodi, lacti acetoso tepidiusculo immisceantur.
- 6 Si autem suppurationis etiam signa apparuerint, iuuabis suppurationem, & ruptionem, & tandem abstersionem, iuxta pridem dicta in iecoris, & pleuræ inflammat.

## De lienis scirrho, &amp; cura.

## ARTIC. III.

- Signa.* 1 **S**cirrhum lienis indicant durus tumor in hypochondrio sinistro, oris fœtor, gingiuarum erosio, vlcera in cruribus insanabilia, non sanato scirrho; squallor cutis.
- Causa.* 2 Causam scirrhi efficientem esse calorem assantem, prout in iccoris



iecoris scirrho contra Medicos, adducentes frigus, demonstraui-  
mus, unde ex inflammatione, & erysipelate solet oriri. Mate-  
riam verò faciem sanguinis assatam, & viscosas simul sequestra-  
tiones. Quod magis eueniet, si venæ, per quas in ventriculum, aut  
infernè splen expurgatur, obstructæ fuerint: & quidquid con-  
fluit à iecore in ipsum, intumescat, indurescâtque.

3 Accidit quandoque sic obstructo tumor, & spurius scirrhus  
ex crassis flatibus coaceruatis; qui tactui non pertinaciter resistit,  
sed cedit. Adest punctio, tensioque lienis absque pondere; duri-  
tie, quasi vtris.

4 Primi generis scirrhum curabimus eisdem, victu, potu, & cura.  
pharmaco, quibus epatis scirrhum, videlicet, emollitiuis subte-  
pidis, incisuiis, & attenuantibus paulatim. Dulcia & glutinosa  
vitabimus: acida, & tenuia amplectemur: capparis, myricæ, &  
scolopendriæ, & passularum non obliuiscemur. Butyro, & adi-  
pe blandisque penetratiuis vtemur intus, & extra: carnes non  
vitabimus, ne nimius calor res laxæ substantiæ in aquam inter-  
cutem vertat. Purgantia medicamenta, semper bilem atram, &  
caloris superfluitatem respiciant.

5 Scirrhum ex flatu, rebus contra flatulentiam expellemus; vt  
fœnic. origano, maiorana, pulegio, & huiusmodi: de quibus sæ-  
pè. Addemus olea calida, aceto mista; attenuantia, non autem  
exsiccantia.

### Ex Magia.

R Hombus viuus lieni impositus, deinde maris submersus lie-  
nosos sanat. Item aqua tamaricis. Item aqua in qua carbo-  
nes myricæ fuerint extincti. Item puluis gallæ cum aceto potus;  
aut flos chamædrios, cum aceto. Item teucrij, siue asplenij flos  
mirificè sanat. Item betonica, tragoriganum, vrtica, hyssopus, pu-  
legium, lupinus, &c. Item lapis lazuli, & animalia saturnina, de  
quibus supra.

### De renum affectionibus.

#### CAPVT XVIII.

P Ost lienem expurgationi proximè deseruiunt renes, qui ci-  
neres ad se trahunt, serúmque eos deferens, vbi, peracta di-  
stributione nutrimenti, sequestrandum venit.

Peccant



*Renum mor-  
bi sex.*

Peccant ergo renes, vel cum non trahunt serum, vel cineres, unde fit cachexia spuria, & vulnera serpentia: vel cum nimis trahunt, & fit diabetes: vel patiuntur inflammationem; de quibus singillatim dicere nunc est opus.

*De diabete, eiusque cura.*

ARTIC. I.

*Descriptio.*

*Gal. 6. de  
loc. affect.  
cap. 3.  
Proportiona-  
tur lienteria.*

**R**eputant diabete renum passionem esse, vel consequi, quatenus per eos totum serum, omnisque potus subito transit: nam & diabetes transitus interpretatur: Hoc autem est potissimum signum, quod potus sicuti bibitur, ita mingitur subito, nihil immutatus, in quo proportionatur lienteria. Præterea sitis ingens, & inextinguibilis: quoniam & venæ, & iecur humore statim priuata, statim, semperque sitiunt: in quo caninæ appetentiæ est analogia.

*Proportiona-  
tur canina  
appetentia.*

2. Item ardor, & exustio viscerum, animi anxietas, & dubietas, & tandem mors. Si vero vrina retinetur intumescunt lumbi, testes, & coxæ: venter superior corrugatur, & venæ in eo eleuantur, sequitur habitus gracilis, & macies, & tandem totius corporis tabes.

*Prima causa  
ex Gal. cit.  
loc. & lib. de  
crib. ca. 12.*

3. Causas Medici inconstanter pronunciant. In hoc tamen plurimi conueniunt, quod attractrix renum facultas ob calorem sit validissima ad attrahendum vndique humores ad se: retentrix, & alteratrix imbecillæ. Ideoque statim in vesicam attractos exonerant humores. Verum hæc responsio petitio principij est: idem enim quæritur, cur trahunt, & non retinent. Medicus vero respondet, quia attrahere, & non retinere valeant.

*Secunda cau-  
sa ex Paul.  
Aegin. l. 3.  
cap. 14. &  
Alex. lib. 9.  
cap. 8.*

4. Alij assignant causam immodicam renum caliditatem, cuius ratione ex venis omnem ad se trahunt humorem, quem postea retinere immodicum non valent: non enim vesica attrahit, sed à renibus recipit, sicut intestina à ventriculo. Neque est in culpa ventriculus, & intestina: excernerent enim per aluum, si hanc humorum ipsi facerent abundantiam: neque iecur, quod per mesaraicas probe attrahit chylum ex potu, ciboque confectum, non autem ex imbecillitate canalium, per quos fit attractio, &eductio; ergo renes sunt in causa nimio vsti calore; proptereaque humorum sitientes: unde in toto corpore exsiccatio, sitis, que sequitur.

Verum



Verum enim vero hæc ratio inualida est: siquidem si renum calor in causa tantæ attractionis, subitaque, ac incessantis, esset, profectò cum inflammantur, idem magisque facerent, quod tamen non euenit: propterea ratio est insufficiens. Esto enim quod valeat pro vesica, ventriculo, & intestinis: pro iecore tamen valet nihil; non enim renum caliditas, ac iecur potum licet ebiberit, auferre iecori potum valebit, quin ipso ad sui vsum, & sanguinis confectionem, & distributionem utatur: sicuti neque iecoris fitis statim quicquid in ventriculo est absorbet: quod tamen meliori iure ob vicinitatem, & robur maius, & ius conficiendi ex eo sanguinem toti vtilem corpori, verius facere posset. Quapropter facilius causa iecoris transmissioni, quàm renum attractioni tribuenda venit; siquidem ex hoc aqua intercus, non ex illis.

4 Propterea alij acres, falsosque humores in renibus præsupponunt, ut illorum stimulo renes ad tantopere attrahendum stimulentur, uti Aëtio videtur; qui sane rectius quid dixit. Neque enim intestinorum calor, visque, est nobis sufficiens ad cibos crudos emittendos incessanter, nisi vlcus, & stimulus prauorum humorum ad subitam excretionem concitaret: neque ventriculus valde sitiret, & esuriret, nisi aridorum, & falsorum morfu, ut ipsum amoliretur, repleti aliis alimentis cogeretur optare. Ipsa quoque medicamenta contra huiusmodi prauitates in vfu Medicorum idem confirmant. Sed mirum quo pacto acres humores in renibus id faciant, quod calculus, & arenula, & alia ulcerantes, & peius irritantes res minimè efficiunt. Quod si eos ponunt etiam in venis, tunc mirum quod venæ humiditatem contra acredinem, illis vtilem, in renes tam subito mittant.

5 Alij adducunt in causa frigus totius corporis, & renum veniens, quod aquositate tantam parit: & tamen iidem calorem, & biliosos humores præfecerunt. Deinde facti inconstantes adducunt duplicem causam, videlicet calorem colliquantem renes, & corpus; ac frigus conuellens osculum vesicæ claudentem musculum. Quod etiam vertebrarum luxationi, & resolutioni, & tumorum copiae tribuunt, non secus ac frigori. Verum iste modus diuinandi, est scientia nulla, neque recta opinio. Siquidem morbus vesicæ quicumque alius est ab eo, qui totum corpus in ipsam humoribus euacuat. Nec quia ipsa non potest retinere, aut quia attrahit, propterea corpus exhaurietur, ut cum de morbis vesicæ redibit sermo, docebimus.

*Causa alia  
ex Aëtio  
lib. II. cap. I.*

*Alia causa  
secum pug-  
nans.*

*Confutatio.*



Præterea friuolum est tribuere frigori renum attractionem, cum eius potius sit constipare, viasque occludere, ne transeat fluor ullus: frigiditas etiam corporis frigus non faciet, neque ferum, nec potum celeriter in renes producet: potius autem retinebit ne transeat. Attestantur etiam morbi frigidi, in quibus potius excrementa ipsa retinentur, quam nutrimentalia excernantur.

*Inquisitio.*

6 Quoniam hic morbus grauissimus rarissimus est, nec experimentum feci, nec Medici illius causas prorsus conclusisse videntur: coniectura tantum asserimus non solam renum caliditatem, aut acrimoniam ab humoribus sufficere: frigiditatem vero prorsus abolendam putamus ob dictas causas. Propterea opinantes & iecur, & venas, nedum renes calore & acrimonia vexari, ac proinde humidum appetere alimentum, cum quo etiam antipathiam sortiti sunt: vnde nec probè sanguini assato miscetur humor, nec desideratus in probatione detinetur: hinc fit, vt quale assumitur etiam transmittatur. Consideraui etiam quod aqua non longè à porta Populi Romæ dissita, *acetosa* vulgo vocata, epota multum; statim mingitur, & euacuatur, & hæc acris est, & nitrosa: propterea putandum quod aciditate irritat vasa ad sui excretionem. Ergo palam est acrimoniam vasorum omnium, & appetere lympham, & bibitam transmittere, quando nitro corporis assato afficitur. Adde fibrarum debilitatem. Propterea intentio medicamentorum esto vasorum refrigeratio, acrium, & acutorum obtusio, & alimenti humidi cum solido conglutinatio.

*Intentio Medici circa diabetem.*

7 Igitur à principio vena videtur aperienda saltem, vt calor exhalet, & expurgantibus vtendum, vt qui in via sunt humores acres emittantur, nisi morbus inueteratus sit: tunc enim prosternerentur vires, ac iterum renes stimulantur ad attrahendum.

8 Pharmaca sunt potius cibi, quam medicinæ: indigent enim agglutinantibus, refrigerantibusque, & nutrientibus, qualia sunt vinum nigrum, subdulce, multa aqua, aut lacte dilutum: succus punicorum, mulsæ cum lacte, vel lac cum vino largiter exhibita. Similiter decoctum myrtillorum, pyrorum, cotoneorum, sorbitiunculæ ex succo ptisanæ, similaginis, alicæ, & huiusmodi.

9 In cibum valent carnes porcinae cum modico sale: oua forbilia, far, caseus recens, lactuca, endiuia, portulaca, pyra, cotonea, pisces saxatiles, pedes & rostra pecorum, leporum, capreolorum, hœdorum, castratorum, lac absque sero, castaneæ. Vitabis omnia attenuantia, & calefacientia.



10 Profunt balnea dulcia, vnguenta circa renes refrigerantia & adstringentia ex oleo rosaceo, myrtino, cotoneorum, papaveris, nymphaeae cum modico aceto, &c. Addantur & cataplasmata, & vnguenta ex eisdem, & plantagine, & cichorea, lactuca, portulaca, pampinis vitis, umbilico veneris, farina hordei & balauitii, hyoscyamo, solano, fantalis, & huiusmodi, applicanda renibus, iecori, & pectini.

Purgatio non est adhibenda, nisi omnino manifestum sit humores acres redundare, quos præparabis syrup. ros. myrt. nymphaeae, viol. borragine, &c. Purgabis autem manna, cassia, thamar. myrobal. infusione ros. diacath. &c.

Laudant quidam sudatorium corporis, excepto capite, ex prædictis rebus paratum, vel naturale dulce, quod Balneolum apud Puteolos appellatur. Hoc autem fit, ut discat humor à renum via aliò diuertere.

*De renum inflammatione.*

- A R T I C. II.

1 **C**ommunis est renum affectionibus dolor ipforum gratis, <sup>Symptoma commune omnibus renū morbis.</sup> qui circa primam vertebra supra spurias costas sentitur, & si crudelior fuerit causa, usque ad epar, & pecten extenditur, & vesicam, & pudendum, & lumbos, & vtrinque, si vterque ren patitur, vel parte ex altera. Immo & crus alterum, vel vtrumque obtupescere solet. Hoc autem ex prauorum humorum in renes confluxu accidit, ex quibus obstructiones, vlcerationes, lapilli, inflammationes, oriri solent.

2 Propriè autem inflammationem indicant ardor, febricula, <sup>Symptoma 1. propria renū inflam.</sup> mentis alienatio, dolor grauis: qui crescente phlegmone fit pulsatilis: vomitio bilis, mingendi difficultas, & standi, & ambulandi appetentia; frigiditas extremitatū, vrina à principio tenuis, transpicua absque sedimento, quoniam non purgantur renes; deinde rufa, crassa, mucosa, crescente feruore. Accedit nausea, morsus <sup>Signa super. absc. & rupt.</sup> stomachi, angor animi, ructus, & inflatio ventris. Solent etiam supurationis signa postmodum apparere, & abscessus, & rupturæ: quam pus in vrina manifestat, carnosum, & non male olens ita, ut pus viscosum ex vesicæ passione nasci solet.

3 Causæ inflammationis solent præter sanguinem biliosum, acrimine præcedere plagæ, attritiones, equitationes vehementes <sup>Causa se- ptim.</sup>



& labores: quæ flectunt corpus, aut renes quatiunt, ut in sella equestri. Faciunt idem pharmaca corrosiva, & vinum generosum purum, quod & in cineres renes vertere vidimus in disseccto viro vinoso post mortem hoc ex affectu consecutam. Cibi etiam cinerem multum facientes, & ad vitream substantiam declinantes in causa esse solent, & balnea calida aluminosa.

*Distinctio & notio inflam.*

4 Verum enim vero duplex solet fieri inflammatio renum, altera rarissima, cuius symptomata crudelissima nunc recitauimus: altera mitior, quæ omnem repletionem subsequi solet, præsertim in iis, qui aliquando renes doluerunt, & qui 35. annum transegerunt: statim enim lumbi grauantur, quacunque forditie in renes confluente: sicut & fœminis menstruationis tempore: magis autem in nocte, quam ambulantes: dissoluit enim humores ambulatio, & deorsum pellit: nam & cum probe minxerint, aut aluum purgauerint, statim exonerantur dolore graui, lumborumque obrusione.

5 Horum medicina est parum vesperti edere, minusque bibere: à frigidis omnino abstinere crudisque cibis, & potibus. Vtendum vino albo tenui, temperatoque; cibis facili coctionis, & tenuis substantiæ, præsertim in cœna, in prandio enim plura licent. Bibere autem ex arte calidum, prodest maximè. Expurgantia renes iuscula prosunt valdè, & lacticia absque sale, vel modico. Fuge cæpas, allia, piper, carduos crudos: cocti enim valdè prosunt; ut & amygdalæ, pistacia, asparagi, cichorium, pepones, & huiusmodi. Acerû, sal, piper, acidæque vlcérant; sed si modicum & insensibile quid eorum accipiat in brodiis aliarum rerum, confert ad penetrandum renes, expurgandumque. Fuge pisces, præsertim falsos, quicunque renibus doles, & cætera iam dicta. Prosunt absterfina citra erosionem. Erodentia nocent, at repletia magis.

6 Vera autem inflammationis renum medela sit victus tenuis substantiæ, & subfrigidus natura: actu verò tepidus, qualem in cæteris descripsimus inflammationibus. Quies percipiatur in mollissimo lecto, non autem plumaceo: & in aëre temperato ad frigidum declinante. Diuerter sanguinem secando brachij venam parçè: purgabis verò aperiendo venam malleoli largiuscule. Pharmacia vrinam cientibus aluumque purgantibus, non vteris, ne inflamatio irritata crescat, & dolor. Proderunt clysteres lenitiui, & attractiui frequētes, ne fæces grauet, aut concalefaciāt renes,



renes, super quos rger nec cubet, sed lateraliter. Adhibeantur emplastra, cataplasmata, & vnguenta mollientia, & allicientia calorem foras, & parum refrigerantia: ne calor coquens causas inflammationis extinguatur, aut abeat. Conueniunt ergo ex rosaceis, cotoneis, chamomil. faba, lini, & fœnugræc. seminibus; lacte hordeaceo, &c. violis, &c.

7 Si suppurationis signa aderunt, ipsam adiuuabis, & deinde ruptionem, cum prædicta signa in istius signa transeant. Tandem purgatiuis vrinæ & alui, ad abstergendum pus: & tandem consolidatiuis vtendum.

8 Quod si excitati humores itidem purgatione indigebunt, cassia, & manna, & lenitiuis id præstabis, & cæteris secundum artem; de quibus sæpe. Cætera facies, prout causæ præcedentes morbum requirunt.

*De cruenta vrina, & morbis ipsam afficientibus.*

A R T I C. III.

**P**Lures sunt morbosæ causæ vrinam cruentantes: aliquando *Causæ & no-  
tiones.*  
renum imbecillitas, quod cognoscitur vbi serum sanguineum quasi lotura carnis excernitur: renes enim attrahunt serum, vnaque sanguinem cineritium, ex quo nutriantur: si ergo nutriri non possunt, transire sinunt vnà cum sero. Aliquando vero adeò aperiuntur orificia venæ, & arteriæ magnarum, per quas percolatur serum in renes, vt simul sanguis effluat; & tunc crassior est sanguinea pars in vrina, & dolor nullus in renibus. Aliquando verò per circuitum solet expurgatio sanguinis fieri per renes, non secus atque solet per hæmorrhoidas, quod indicat mixta excretio sanguinea, & regressio, & leuamen, consequi solens: & intermissio exercitiorum. Aliquando verò fit ruptura venarum in renibus, & sic sanguis multus excernitur, atque purus, non periodicus, & simul. Aliquando tamen propter erosionem salforum & acrium humorum, & cinerum crassiusculorum, accidit idem morbus; & tunc dolor acer, & corrosiuus, & sanguinis excretio paulatim fit, donec crescat.

2 Præterea vlcerati renes siue erosionem præfata, siue ex suppuratione, inflammatione, siue importuna & vehemētiore lapilli affricatione, sanguinem emittunt aut purulentum, & saniosum, aut carunculis conspersam vrinam: aut lapillosam. In omnibus ta-



men vlceribus præcedit grauitas in lumbis dolorifica, & vrina excernitur absque impedimento illo, quod solet vlcera vesicæ concomitari.

*Cura.*

3 In omnibus prædictis morbis abstinebis ab his, quæ mouent vrinam, & à coitu: cibus autem erit qualis qui in sputo sanguinis descriptus est. Potus similiter. Adde decoctum symphyti, & sanguinaria, ex tragacanthæ infusione. Solent dari syrapi myrt. ros. exusti cornu ceruini puluere, & bolo armeno indicis, vel cum oxyfaccharo datis. Vtuntur & succino, & terra lemnia ad stringendum ruptiones, renésque confortandos.

4 Quibus extrinsecus adiciuntur cataplasinata, vnguenta, emplastra, &c. adstringentia, qualia ex rubo, myrto, quercu, granato, &c. & farinis, vt alibi dictum est.

5 Quemadmodum periculum hæcticæ imminet his, qui plurimum sanguinis emittunt hac via decursu temporis: ita etiam quibus supprimitur hæmorrhagia nephritica, periculum imminet hydropsis. Quapropter curabimus, vt potius per sedem diuertatur excretio sanguinis, per ea quæ suis locis dicta sunt de his, quibus menstrua, & hæmorrhoides supprimuntur: si verò nimia fuerit profusio, cui hæctica timetur, tunc & auersio procurabitur aliorum, & adstrictio adhibebitur renibus per ea, quæ dicta sunt de sanguinem expuentibus.

6 Si autem renes exulcerati fuerint à calculo, curabuntur sicuti morbus calculi: cum verò à cæteris causis, consimiliter. Primò vetabitur equitatio, concitatio vehemens, vigilia, sitis, inedia, ira, sollicitudo, balneum calidum: piper, sal, acida, & omnia ea, quæ vim corrodingi, & stimulandi vlcera habent. Similiter & quæ adstringunt valdè, præsertim frigida: non enim permittunt vlcærum purgationem: foris tamen adhibita conferunt. Cibus erit ex carnibus hædinis, anserinis, ptisana, amylo, semper tamen, vel magis cum lacte, aut brodio gallinacco. Item malua, endiuia, portulaca, lactuca: omnia tamen cocta. Præterea pinæ nuces, amygdalæ, quarum lac etiam in potu prodest, sicut & caprinum, & vinum modicum lacte mistum.

7 Circa renes vtendum emplastris, vnguentis; vt supra.

8 Purgantibus non vtendum, nisi plethora, aut aliud, intinauerint. Acutos humores obtundes sero caprino, liquiritia, seminibus melonum, cucumeris, cucurbitæ, & cæteris iam dictis.

9 Mundatis vlceribus, quod pus in vrina subalbum, læue, & æquale,



æquale, non fæculentum indicabit, neque ea, quæ solebant, minguntur: tunc vt ere terra lemnia, armenica, gummis & cæteris consolidatiuis; vt supra.

*De renum calculo, eiusque cura.*

A R T I C. I V.

- 1 **S**Erum, cineres, & sanguinis particulas in renes mittit natura, vt ex illis nutriantur; & quod superfluit in vesicam ex-  
cernatur. Cum ergo superfluus erit cinis, & aridior, in sal concrescit: sanguis cineri mistus, in tophum, si fæculentior fuerit. At propriè crassa, viscosaque illis mista materies lapidescit, aut intra meatus, aut in ipsa renum substantia, quemadmodum & in jecore senili lapidescente experimur. Causa autem actiua seu efficiens calor est igneus, vel naturalis, vel qui fit in balneis calidis aluminosis: vel qui accenditur ad expulsionem obstruentis crassitie, & dum hoc tentat, assat. In omnem enim obstructionis locum calor inuehitur irritaturque, & febrem topicam facit. *Descriptio generationis calculi.*
- 2 Qui ergo vult calculis non vexari, cibus vtatur tenuis, facilisque concoctu substantiæ, crassitiem nullam gignentibus, neque viscositatem. Caueat à cruditatibus: neque ante famem sumat cibum. Caueat à vinis fæculentis, mustis & nigris, & meracis, potentioribusque. Item à vinis calce, sale, sorbis, alumine, cæterisque sordibus, quibus caupones vina falsificant adulterantve medicatis. Item à maxima renum calefactione, & laneis, & bombyceis culcitris circa renes. A ceto aliquando, & cæpis incidentibus viscositatem vtatur. Item asparagis, bruscis, lacte, sero, amygdalis, seminibus peponum, & cucurbitarum, & huiusmodi, aperientibus vrinarios meatus, & calorem mitigantibus, assuescat. *Cura præfernatia.*
- 3 Agnoscitur calculus à renum dolore graui, præsertim à cibus assumptione multa: quæ tophum dum creatur etiam facit; lapillus potius, dum mouetur, & transit deorsum; & hic acutorem facit dolorem, præsertim qui angulosus, & oblongæ figuræ, & vitreæ, salsæque substantiæ. Spina a grè flectitur tum doloris communicatione, tum quia renes à flexione patiuntur magis: crura torpent, præsertim quod responder patienti reni ob venarum communicationem. Aluus solet supprimi, dolore vicino vim expulsiuam frangente. Vrina à principio tenuis, quia colatur ob angustio rem transitum; deinde crassior,



crassior, ob vlceris saniem, aut excretionem nouarum fœditatum, & tandem arenulosa subsequitur. Solet etiam vomitus pituitosus fieri, quasi conante natura causam mali reddere, aut ventriculo renum affectus per peritonæum sentiente. Sequuntur tamen malo crescente, æruginosi vomitus, & febris, corrupto præ vigiliis, & vexationibus sanguine. Alba arenula ex pituita, & cinere fit: rufa ex sanguinis mistura, & renum vlcere: crocea ex vtriusque admistione.

4 Nisi succurratur à principio nimia caliditate aucta, & viscositatibus additis, adeo crescunt lapides, vt moueri à renibus nequeant, vel in vesicam delati obstruant meatus vrinarios, sæpeque violentam afferant mortem. Aliquando vigilix, & dolores continui vires deiciunt, nutritionem impediunt, febres aduocant, & mortem. Facile quidem sanantur, qui ex accidenti caliditate renum, & ciborum sordibus calculosi fiunt renes: sola enim lumborum nudatione, & ciborum correctione suam redeunt in naturam. Similiter & quibus renum meatus angusti sunt; hæcque sola de causa sordes feri retinentur, & lapidescunt. Acutis enim rebus, & penetrantibus intus; & lenientibus, & laxantibus intus, & extra, facile sanantur. Quibus pueris superuenit renum calculus, cum adoleuerint validius, & lethaliter afficiuntur: non enim iis inest robustus calor, qui calculum gignit, sed copiosus; in vesica tamen pati calculum ex sui conditione habent: eo quod cruditates residentes in fundo matulæ, indurescentes concreescere solent; senes autem crudelius vexantur præ expulsiuæ imbecillitate, & caloris in robore augmento; vnde & ipforum jecora lapidescunt.

*Ex atate*

*Cura.*

5 Curantes calculosum præcipiant exercitium mediocre, vt lapilli moueantur deorsum; caueant à nimio, & calorem robustiorem faciente, & exsiccante: non autem copiosum, & emolliente. Cruditates, satietates, cibos crassæ substantiæ, vinaque generosa, vetent: omniaque, vt supra, concedant. Acria salsaque vitent, & acida; quibus tamen interdum vtendum ad calouli ruptionem vnà cum lenientibus, qualis est cæpa cum lacte amygdalino, & aceti gutta cum brodio asparagorū. Vappā generosam tenuē, vel vinum album aquosum dabis, vetus, purum à fæcibus & medicaminibus cauponum, nec adstrictiuum.

6 Secabis venam brachij, ad diuertendum sanguinem, ne per dolorem in renes accersatur: & in malleolo, vbi adsit plethora,

aut



aut cacochymia, vomitu vtere, vt sursum pituita calculi materia excernatur, nec per aluum fæces deductæ renes premant. Quod si quid ista prohibuerit, non cessabis à clysteribus non validis, quales ex althæa, malua, parietaria, mercuriali, seminibus petroselini, fœnic. lini, cassia, melle ros. &c. hiera, oleis aneth. chamædm. &c. nec diutius retinendi, ne renes vexent. Purgant etiam Medici peccantes humores, secundum artem, medicamine laxatiuo, non ineptè, vbi res postulat.

7 At quidem maximè iuuant cataplasmata, fomenta, emplastra, & vnguenta, non quidem calida sicca, & assantia; sed laxæ substantiæ, quæ emolliant aperiântque meatus renum, mitigentque dolores; cuiusmodi fiunt ex lacte, althæa, malua, gramine, fœnugræc. butyro, adipe gallinaceo, anserino, medullis ossium, oleo amygdalarum, scorpionum & cham. Item origano, lupino, passulis, ficubus, fursuribus, aliisque id genus circa renes, pecten, vesicam, cum corporis motione, & agitatiunculis, donec lapis è renibus deturbetur; adde cucurbitulas ex lumbis ad inguina.

8 Deinde quæ vrinam cient profunt, non antè. Huiusmodi sunt asparagus, bruscus, petroselinum, apium, cortex radicis capparis, semen dauci, fœnic. asarum, radix bryoniæ. Item ad renes deducunt hæc, & peucedanum, & radícula, vt in lib. 5.

9 Rumpunt autem lapidem saxifragia, adianthum, bdellium, betonica, ruscus, acetum scylliticum, cæpa cocta, crudaque, nisi vlceraret: radices graminis, plantago, cyperi ramices, vermes terreni cocti, lapilli spongiarum, & capitis piscis in puluerem acti, ob sympathiam; potius autem ob perforationem. Item lapis iudaicus, sicca cicada, lithospermon, glycyrrhiza; semen melonum: lapis nephriticus, nuclei ceraforum, persicorum, juniperorum: eryngium, gentiana, laurus, pimpinella, caprificus, parietaria, muscus lapideus, hyssopus, genista, scolopēdriū, petra balba, calcifraga, fungus lapideus exsiccatus in puluerem in destillata vrina potus: cortex interior ventris struthionis in puluerem actus; simus columbæ, & turturis: lapilli in ventre columbi, & gallinacei, & cornicis, acti in puluerem, e potique. Item passer troglodytidis mirè probatur comestus quacunque ratione, ad tollendos perpetuo calculos: pëllis leporis cocta in olla, & furno, incinerata, potaque in cochleari, &c.

*Rumpentia  
calculus.*



*Cura lapidis  
in vesicam  
lappi.*

*Historia.*

10 At cum lapis in vesicā descenderit, agitatione, & mollificatione exitui ipsum aptabis : qui si magnus extiterit, obturetque exitum vrinæ, stylo chirurgico ipsum intro ages, vt mingat æger, deinde saxifragis prædictis minue. Si in virgam delapsus exire nequirit, nec reuerti, & olea non proderunt & laxantia vnguenta, calidæque decoctiones : secabitur supernè pueris, ne moriatur æger, educaturque calculus ; postmodum medicamina, & victus præseruantes adhibeantur.

11 Equidem cum ex prauis cibis, & calore ab interula lanca, & vinis cauponatis arenulas ipse passus essem in renibus per tres annos, quibus educendis cæpacocta, apio, raphano, & huiusmodi utebar: tandem victus tenuitate, & vini tenuis adaquatione, & renum mundatione, integrè liberatus sum, vt nunquam calculum, posteaque per octo annos in me senserim.

12 Aqua stillata cæparum, & florum fabarum prodesse valde probatur, frequenter vncia accepta ad educendum arenulas: sed nihil prodest foedus, nisi bellum prædicta viuendi ratione prorsus sedaueris.

### *De vesicæ morbis.*

## C A P V T XIX.

*Quid prodest  
vrina vesicæ.*

1 **E**Xcolatam renibus vrinam vesica excernendam excipit, neq̃ puto absque sui emolumento, si attrahit ; symbolum enim habet cum vrina, sicuti fel cum bile, ob quam in sui figura, & temperie seruetur ; & aliquid forte in sui nutritionem, vel instaurationem, & robur acquiritur. Neruosa enim res. calidis, salisq̃ roborantur, cuiusmodi est vrina.

*Quo morbo  
vesicæ.*

2 Propterea patitur functionis gratia, calculum, aut ardorem, aut intempestiuam excretionem, aut difficultatem, aut suppressionem vrinæ: vel in sui substantia vlcerationem, aut ruptionem, aut inflammationem; de quibus singulatim.

### *De calculo vesicæ, eiusque cura.*

## A R T I C. I.

*Generatio  
calculi in  
vesicæ ex  
quibus.*

1 **C**alculus in vesicæ fundo generatur ex sedimento nimis crassæ crudæque vrinæ, sicuti in matulæ solet fundo indu-  
taturque liquore egrediente, & calore remanente ; propterea

pueris



pueris proprius, qui cruditatibus ex ciborum ingurgitatione in-  
tempestiua afficiuntur, calore blando non sequestratis valde:  
transeunt per renes ob ipsorum mollitiem, sed in vesica subsi-  
dent, concreſcuntque.

2 Agnoscitur calculus vesicæ ex cruditatibus præcedentibus, *Signum.*  
& colore calculi albo, non rubro, qualis in renibus. Item ex eo  
quod ad mingendum crebrò vrgentur, stillicidióque vrinæ affi-  
ciuntur: pudendum contrectant.

3 Curatio eadem sit cum calculo renum. Cauebunt ergo ab im- *Cura.*  
puris aquis, lacte, & vino. Vtentur cibis extenuantibus & inciden-  
tibus ex parte. Applicabuntur ea, quæ rumpendo calculo apta su-  
periori sermone enarrata sunt.

*De ardore vrinæ.*

ARTIC. II.

**Q**Vi ardore vrinæ infestantur citra calculum, biliosis & falsis *Causa ardo-  
ris vrinæ.*  
humoribus abundant, aut saniosi seminis profluuió, puden-  
dique erectione inuoluntaria afficiuntur.

Purgabis ergo præfatos humores secundum artem. Caue ab *Cura.*  
acribus, tenuibus, & biliosis, & sale. Cibos adhibe frigidos, cras-  
siusculos, potúmque aquæ vel lactis. Valet portulaca, lactuca, en-  
diuia, & ranæ; pepones, quinque radices, & semina frigida, de  
quibus in lib 5.

Si autem gonorrhœa eiusmodi vexationem induxerit, aut pu-  
trefactio alia, aut calculus: horum medicamini animum adhibe-  
bis, iuxta præcepta suis explicata locis.

*De vrinæ stillicidio, & stranguria, & mictione  
inuoluntaria.*

ARTIC. III.

**E**Adem humorum fædó, & acrimonia, siue pus & sanies ex *Causa Billi-  
cidii.*  
renibus, aut vasis spermaticis effluens, efficit stranguriam, *Signa 6.*  
idest vrinæ stillicidium, continuámque ad mingendum irritatio-  
nem. Indicabit autem biliosa vrina, siue saniosa, siue mordacitas  
vesicæ, & renum affectus, propriam causam: & habitus, & præce-  
dens victus ratio: morbus renum, &c.

2 Sanatur auté pharmacis acres humores educētibz, vel saniei  
causam



*Cura.*

causam tollentibus, iuxta præcepta propriæ cuique curæ. Præterea ad mingendum æger moueatur semper, ne retenta acrimonia vas erodat, foretque; & quæ ipsam obtundunt adhibenda semina, & herbæ crassiusculæ, ac frigidæ, vt supra. Vtitur Galenus in aqua rosacea lora terebinthina duarum nucum quantitate accepta, &c. Item clysteribus lenitiuis, & pharmaco consimili ex cassia, manna, lacte, oleo dulcium amygdalarum.

*Alia causa.*

3 Contingit etiam ex imbecillitate, & intemperie vesicæ stillicidium eiusmodi, eo quod ipsa non satis retinere queat vrinam, prout oportet. Oritur autem intemperies aut ab internis causis, vlceribus, tumoribus, quæ proprios habent indices; vel ab externa præsertim frigidityte, raro enim calor nervosus lædit substantias: cognosciturque ex vrinæ albore, & præcedenti infrigiditytione, piscatione, denudatione, anni tempore, victu, ætate. Imbecillitatem verò ex morbis contractam morbi indicant præcedentes.

*Curatio.*

4 Si frigida peccat intemperies, fovebis oleis calidis pecten, collum vesicæ, circa sedem; & fomentis. Profunt cibi calidi vrinam cientes; & vesicæ proficui, vt apium, petroselinum, raphanus, daucus, fœnic. & vesica, & intestina vituli bene cocta cum aromatibus. In potu vinum album generosum. Curabisque contrariis quasunque intemperies; morbos verò præcedentes propriis curis.

*Causa inuoluntaria.*

5 Cum verò vrinam quis continere non potest, musculus, vesicæ collum adstringentem, huic læsum esse oportet: quod inuoluntaria mictio indicat, & interdum alui inuoluntaria excretio, & præcedentes ab externis causis affectiones. Verum si nervus in musculum insertus affectus est tantum, vt sensum plenitudinis vesicæ non faciat, fit suppressio vrinæ. At si afficitur, vt solvatur nervus, & musculus; tunc læditur actio ita, vt vrina sponte sua elaboratur tam vigilantibus, quam dormientibus.

Causas resolutionis nervi, aut musculi, diximus de resolutione & spasmo loquentes.

6 Cum præterea læditur musculus præfatus vlcere, vertebræ luxatione, aliave de causa, præsertim frigore, casu, & similibus: fit eadem inuoluntaria vrinæ emissio. Contigit etiam ob risum nimium quibusdam lotij excretio inuoluntaria, quoniam spiritus animalis nervulū inambulans, ob risum dilatat omnes musculos extrorsum



extrorsum respicientes, vt alibi ostensum est. In quibusdam vero hunc magis.

7 Curabimus eos qui resolutionis gratia talem patiuntur affectum, quemadmodum resolutos sanabamus pridem. Qui vero ex intemperie frigida, vt paulo ante scripsimus. Item per arenas calidas, vinacea, aquas aluminosas. Sin alius morbus est in causa, per illius curationem. *Cura.*

8 Præterea gallinæ guttur combustum datum ieiuno in aqua tepida, vim habet magicam. Item testiculus leporis tostus, in vino exhibitus odorato. Præterea potio myrrhæ, & calaminthæ ante cœnam: flores leucanthemi.

Præterea qui in somno permingunt, pulmo hædi assatus tri-duo in cibum absque pane datus. Item cerebrum leporis siccum vino potatum. Similiter testiculus leporis, vt supra; vesica porcina, aut caprina, aut ouina vsta, in puluerem acta, ex vino data in potum. Item aqua vesicarum vlmis innascentium, cum cimolia terra pudendis applicata.

### *De vrinæ difficultate, & suppressione.*

#### ARTIC. IV.

1 **E** Contra vrinâ difficulter excernitur, aut prorsus supprimi-  
tur, pluribus de causis. *Causa & signa difficultatis, & suppressionis vrinæ, & cura.*

2 Primò, ob frigidam intemperiem vesicæ, quam superior sermo declarauit, ex vrina alba, & præuiis passionibus; curaturque vt suprâ.

3 Secundò, ex pituitoso humore, crassoque, vesicæ collum obstruente. Quod vrinæ albæ crassities mista, & sedimentum declarat: hancque curabis oxymelite, hyssopo, pulegio, & cæteris fomentis, cataplasmatibus, sacculis, & pituitæ purgatione.

4 Tertiò, accidit ex inflammatione, quod mictio cum dolore, & signis inflammationis, declarat: & curatur curando inflammationem.

5 Quartò, ex vlcere vesicæ, quod mictio cum dolore, & sanie patefacit; & tunc curabitur vlcus.

6 Quintò, cum absque grauitate cum distensione vesicæ sit dolor in mictu difficili. Eius difficultatis causam spiritum fæculentum iudicabis; & quæ spiritum attenuant discutiuntque applicabis.



9 Sextò, fit lapide vesicæ aut renum obstruente vesicæ collum: unde suppressio. Signa vtriusque calculi superius iam dicta sunt: cura etiam paruit.

8 Septimò, ex grumo sanguineo obturante eundem meatum; quod immissa fistula sanguine concreto lita ostendet. Præterea pulsus parvus, obscurus, frequens: anxietas, animi defectio, & pallor solet grumos vesicæ, & eos qui fiunt in thorace, & iecore, & in intestinis comitari. Ergo periculosa suppressio hæc, dum putrescunt grumi, læduntque substantiam vasis, & spiritum. Hos curabis per ea, quæ calculum frangunt: prodest & betæ, & rubi, & artemisæ succus, & leporis coagulum: prius autem fistulam intrò ages, vt urinam educas; quod si non prodest, dissectione opus est, vt in lapid.

9 Octauò, caruncula, aut callus, aut alius tumor crescens in vesicæ collo, vel exterius retinebit urinam. Quo in negotio vtere laxatiuis, emollicitiuis, & fistula argentea. Item corrosiuis tumorum, carunculæ, & calli.

10 Nonò, exsiccatio vesicæ, & colli post diuturnas febres, & inflammationes, solet meatum angustiare, quod præcedentes labores notum facient: & tunc pecten, inguina, coxendices, sedem, fomentis, & vnguentis, & cataplasmatibus lenibus, laxantibus, & humectantibus, & pinguefacientibus curabis.

11 Decimò, ex imbecillitate facultatis contrahentis fibras rectas, & expellentis, accidit suppressio. Quod probe agnosces in decliui vesicæ positu comprimendo tumorem: tunc enim facile educes urinam; nec ex occlusionis meatus retentionem nasci intelliges; sed spiritu qui eius in fibris, minuto vel stupefacto, & siquidem intemperies contracta fuerit in causa præsertim frigida, ex præcedentibus scitur haud operose. Solet etiam, & stupefacto spiritu idem fieri, vt patet in his, qui in senatu, aut alcarum ludo, aut alia in re occupati, non minxerint: tunc enim distenditur vesica, spiritumque alibi occupatum ex parte, in vesica verò diminutum ex feriatiōe functionis, & grauitate urinæ inualidum facit ad expulsionem. Idem accidit si neruus vesicæ insertus afficiatur, vt spiritum non traducat; aut modicum afflictumque, quod in luxatione vertebræ, unde ipse neruus oritur, accidit; & in casu, & cum fluore replentur, aut contunduntur prædicti nerui. His in causis irritabis, & excitabis agitatione, & prurientibus rebus spiritum. Præterea calidis fomentis, & in sessionibus, & oleis fouebis



fouebis sedem, pecten, inguina, & nerui originem excitabis nitrosis rebus vrinam, & sensum, non autem potibus: ne aucta plus distendat vesicam, sensumque stupefaciat. Expelles autem manibus comprimendo in decliui positione, vt exoneratus sensus reficiatur. Manus calidas pubi apprimes secundum rationem educationis.

12 Præterfomenta & olea calida liliacea, & ex scorpionibus, & huiusmodi, confert theriaca, & castoreum in potu, sinapismus in pectine: viscera erinacei exsiccati ad solem, & suffita ægro vndique confecto. Item contritæ, potuque assumptæ eius carnes. Similiter terreni vermes. Item infusio per colum olei ex scorpionibus, rutacei, aut nardini, & pauci castorei, &c. Vtere herbis thymo, anetho, centaurea, ruta, myrrha, artemisia, perdicio, &c.

13 Vesica animalium, & intestina valent ex Magia ad roborandum, & sensificandum vesicam patientem, vt supra.

*De rupturis, & ulceribus vesicæ, & carunculis,  
& scabie.*

#### A R T I C. V.

1 **S**anguinea vrina fit ex vesicæ morbis multipliciter, aut quia *Causa 1.*  
Svena eius aliqua rumpitur: quod cognoscas cum rones in *Signum.*  
causa non esse ex pridem dictis signis intellexeris, &c. Curabis *Cura.*  
autem iis, quæ sistunt sanguinem, solidantque ruptiones: de quibus sæpè.

2 At si in grumum coierit sanguis intra vesicam, dirus est morbus: deliquia animi, exigui pulsus, obscuros, & crebros, & mœrores, & refrigerationem extremorum adducens, & suppressionem vrinæ. Cura fit per ea, quæ diuertunt sanguinem, & sistunt, in dysenteria, & spuito sanguineo enarrata. Grumos curabis non secus ac lapidem vesicæ. Nam & dissoluentia eadem, & repellentia, & præparantia, & sectiones.

3 Sanius sanguis, aut pus, aut laminæ squamulæque, & foetidus odor, & crassities fursuracea, indicant in vrinis vlcerationem *Causa secunda.*  
vesicæ vel penis. Verum si penis laborat, non satis mista sunt *Indicia*  
prædicta signa vrinæ, sed præcedunt exitum eius: ac dolor in pe- *ulceris in*  
ne, non in pube sentitur: nec tam squamulosa est mictio, vt in ve- *vesica, vel*  
sicæ affectu. *penis.*

4 Vesicæ vlcus comitatur acutus dolor continuò, maximè  
autem



*Propria vl-  
ceris.*

autem mictionis tempore, & excretionis puris, & furfuris: & tunc dolor maior, cum collum vesicæ vlcera-  
tum est, panditur. Cum vero fundus vesicæ, & amplitudo, dolor est dirus in pube continuò, non autem in excretionem consimiliter: & quidem fæculenta vlcera sordidaque, vrinam fæculentam, mucosam crassæ substantiæ instar farinæ faciunt. Vlcera verò serpentia, vrinam cruentam, & saniosam magis faciunt, & circa collum vesicæ potius grassantur: & difficultas mingendi cum pudendi arrectione, & petulantia concurrunt, vt in gonorrhœa. Furfuracea autem sanies vesicæ scabiem potius indicat; quam comitantur pruritus, frequens mictio, & graueolens.

*Sex causa  
vlcerationis.*

5 Causa autem vlceris est aut inflammatio præcedens, & corrosiui, acutique facti humores; aut abscessus putridus in vesicam, aut ibi putrescens grumus; & falsescens sedimentum, aut calculus, aut gonorrhœa venerea non bene sanata.

*Cur pericu-  
losa.*

6 Periculosa sunt vesicæ vlcera: quoniam nervosæ, non instaurabilis, est substantiæ: & ab vrinis continuò exacerbantur. Propterea non desinentibus doloribus, ac febribus, colliquatione, & vigiliis moriuntur vlcerati omnes huiusmodi: aliquândo tamē curam admittunt, quibus collum vesicæ, quia carnosius, laborat.

*Curatio.*

7 Viçtus ratio sit qualis in renū vlcere, decubitus mollis. Deinde causis morbi obuiam ibis per pharmaca eis conuenientia, videlicet contra inflammationem, aut calculum, aut grumum, &c. Vlcera autem curabis lacte caprillo & asinino, quibus sanè abstergantur, & solidantur, leniturque dolor. Id quod etiam faciunt halicacabi semina, quanquam frigida; & amyllum, amygdalæ, pineæ, cucumer, malua: saccharum violaceum, liquiritia, &c. Adde cataplasmata, & fomenta ad leniendum, & adstringendum.

8 Item lac cum melle sordida abstergent: consolidant verò granatum, galla, rubus, acacia, &c. Præterea purgabis humores acres, nedum obrundes, si tempus, & res permiserint. Vtuntur & cynæ radice, & sarza parilla, vbi ex gonorrhœa accessit malum. Infunditur & lac per penem cum saccharo violaceo liquefacto, tepidòque.

9 Fiunt sinapismi, & vlcera in pube, adeo vt scateant sanie, quatenus è vesica in pubem diuertatur morbus.

10 Præterea solet caruncula in vesicæ collo, aut penis origine intus succrescere ex vlcere, quæ vrinæ impedimento est magno.



In qua farzæ parillæ & cynæ vtuntur decocto; purgatione leni ex cassia & manna. Intrusione saponis, & hydromelitis ad carunculam erodendam, minuendamque per immissam candelam: mox glutinant bolo armeno, terra lemnia, puluere tutiæ præparatæ.

12 Vesicarum & intestinorum cum lacte præparatorum esus plurimum prodest excoxiatæ vlceratæque vesicæ instaurationi secundum Magiam, vt supra. Item herbæ vesicariæ, halicacabus, colutea, sene, staphilo-dendros: vrina lyncis, &c.

*De vesicæ inflammatione.*

ARTIC. VI.

1 INflammatum vesica sanguinis biliosi confluxu, atque irrita-  
tione: aliquando etiam ictu, cæterisque sæpè dictis inflamma-  
tionis causis. *Causa.*

2 Cognoscitur autem ex ardore, & dolore graui circa pubem atque inguina. Sequitur vomitio bilis sinceræ, febris, delirium, mingendi impotentia, vnâque appetitus. Adstringitur aluus, re-  
ctum intestinum inflammatione arefaciente, & stercora exsic-  
cante. Propterea pernicialis est eiusmodi morbus; eoque certius,  
quo prædicta symptomata sunt vehementiora. *Symptomata.*

3 Victus in curatione præcipiatur, qualis in renum inflamma-  
tione: venæ sectio in brachio, si ferre potest: mox in poplite, &  
malleolo, vel à principio in his fiat. Vesicæ sitis deinde in se-  
ssu le-  
niatur in decocto seminis lini, fœnugræc. anisi, dauci, vbi etiam  
desidens mingat si potest, vel opem ferat quis, manu pecten pla-  
cidè comprimendo. Mox oleo anethino, chamomillino, lineo,  
inunges. Item adipe gallinæ, anseris, althææ decocto, cæterisque  
circa calefactionem rebus tepidis flammulæ egressum aperienti-  
bus. A frigidis enim actu abstinendum. Addunt, si dolor intole-  
rabilis est, in oleo papauer, opium, crocum, myrrham. Item  
cataplasmata ex farina hordei, hyoscyamo, & succo mandragoræ. *Curatio.*

4 Clysteribus lenitiuis vtendum compressa aluo; deinde oleis  
circa pecten, & sedem. Abstinendum à cientibus vrinam, cum  
inflammationem augeant: similiter à cathetere, præsertim in ma-  
ribus, nisi vehemens mingendi necessitas periculum facessat; &  
cum morbus inueteratus cessantibus accessionibus postulat,  
etiam vlcérantibus vtendum; quæ ad cutim causas inflammatio-  
nis accersant, vt sæpè declarauimus.



5 Si suppurationis sæpè enarrata signa apparuerint; eam iuuabimus etiam enarratis medicamentis. Similiter ruptionem, & abstersionem, & consolidationem, vt supra.

*De morbis organorum appetitiuorum, generationi seruientium, & prius de morbis pudendi.*

## CAPVT XX.

*Sex morbi  
in pudendo  
masculino.*

1 **P**ostquam de appetitiui organis, nutritioni seruientibus, dictum est, eorumque morbis: nunc de morbis organorum appetitoriorum generationi destinatorum nos manet sermo; id est veretri, testiculorum, & vuluæ: prius autem de morbis veretri masculini, videlicet pudendi: quos in substantia inuenimus inflammationē, vlcerationem, priapismū, ramicem. In officio feminis profluuiū, impotētiam ad seminādū: de quibus singillatim.

*De pudendi vlceratione, & inflammatione.*

## ARTIC. I.

*Vlceratio in-  
trinseca ex  
triplici cau-  
sa.  
Extrinseca  
etiam ex tri-  
plici causa.  
Signa.*

1 **V**lceratio pudendi duplex: alia intrinseca canalem lædens: cuius causa vel lapillus, vel semen corruptum, vel alius quiuis erodens humor. Alia intrinseca, quæ vel ab ictu, aut strictura veneris infamis; aut à contagio luis venereæ. Quas quidem causas quilibet ab ægroti responsis statim percipiet: signa autem patentia sunt ad sensum, & ex iam dictis. Vlcus enim in fistula sentitur, & præmittit mictioni saniē, non miscet, vti vesicæ vlcus.

*Cura inte-  
rioris.*

2 Interioris vlceris causas curabis, ne continetur malitias infundes aquas rosaceas, & lac, & mulfam ad abstergendum, & refrigerandum; sed modicè tepentia: si quid enim frigidum applicabis, extraneo frigore purgationem impedies, & inflammationem concentrabis. Profunt deforis lac, & oleum rosaceum, populeum, & medulla ossis porcini, vt laxata caro admit- tat medicamen, & expurgationes; deinde resiccantibus conso- lidabis vlcus.

*Cura exte-  
rioris.*

3 Exteriora vlcera si ab ictu, aut stricto transitu excoriatis va- sis facta fuerint: curatur ocio pudendi ab officio, & cibo resic- cante, ac potu modico, lauacro decoctarum rosarum, & anethi, & thuris, & veteris linei panni contritis filis.

At si creuerint vlcuscula sordidaque fuerint, lauabis mulfæ, la- cteque caprino, addito modico vino, dein le pulueribus insperge aloës aridæ, vel aristolochiæ, vel gallæ, vel boli armeni, & deco- cto eo, quod hæmorrhoidibus applicauimus. Valet & charta combusta



combusta, & linea concepta fila aliquando vel sola.

5 Cum autem à contagio malum accesserit, purgandum erit corpus infusione colocynthidis, & exsiccantibus præparationibus, ut humorum confluxus exsicceetur, & pestilens qualitas vacuetur: deinde aluminis puluere, & oleo sulphuris vlcusculam insperges, & filis applicatis cõtege mundo tenui lineo panno. Omniaque decocta exsiccantia, & pulueres, quæ in hæmorrhoidum cura meminimus, valent etiam in pudendi vlceribus.

6 Si verò etiam inflammatio ex vlceribus accesserit, tunc linteola perfusa aquis rosæ, portulacæ, solatri, & oui albumine, mitiganda erit: & per ea, quæ de inflammationibus sæpe notauimus.

7 Solent etiam inflammari scrotum, & testiculi simul, aut scrotum propter ictus, aut sanguinis biliosi, aut excrementitiorum humorum confluxum; & cum scrotum solum inflammatur, fit in eotensio, & rubor, & ardor. At si etiam testiculi, tunc præterea accidit febris, & dolor in eis vsque ad lumbos, cum grauitate.

8 Curantur autem sicut exteræ inflammationes, de quibus pluries; tenui scilicet victu, phlebotomia diuertente, & euacuante: & si opus fuerit etiam purgatione acrium humorum: præterea oleis, & fomentis phlegmonem sedantibus. Et si ad suppurationem vergat, etiam iuuanda erit: similiter & ruptio, & abstersio, & solidatio, ut supra.

### De hernia.

#### ARTIC. II.

1 **H**ernia siue ramex multiplex. In alia enim rupto peritonæo *Descensus in scrotum quæ causa.* deuoluitur intestinum in scrotum. Cuius causæ esse solent conatus immodicus, siue ad leuandum pondus, siue ad trahendum: siue ad saltandum; siue ad canendum, & vociferandum. Est etiam aliquando ictus: cognosciturque ex rumore molli, qui in se conturget, reuersioneque intestini in suam sedem cum murmure vbi *Signa.* comprimitur, & subita iterum reuolutione deorsum, si sibi relinquatur. Verum à principio cum modica est ruptura, non fit ad scrotum delapsus, sed quasi vesicula in lateribus pudendi, si duplex est ruptio, vel in latere. Adest & dolor, præsertim flante *Hernia imperforata.* Austro, aut vbi ventosos cibos assumpserint. Vocatur hæc hernia intestinalis. Est etiam vbi fit solius omenti illapsu, quod regreditur intrusum absque murmure.

2 Eadem hernia omenti, vel intestini, solet in inguinibus fieri, &



circa umbilicum, & vbiq̃ue in ventre inferiore: cum videlicet peritonæum rumpitur, aut hiat, aut laxatur, & quidem mulieribus proprior. Habet easdem causas, sed potius ictus. Egressus intestini non adeo fit, vt in scrotum, sed quasi vesiculæ flatulento plenæ succo, & ex his signis agnoscitur. Nomen habet à loco, & re, quæ in ipsa tumet.

3 Alia est in scroto flutuosa modo hernia, cum videlicet ingento repletur flatu, & humore attenuato, qualis in tympanite hydrope, eaque tactu cognoscitur.

4 Alia est aquosa, cum humores ex contusione, vel ictu, aut vasis fractis abdominis in scrotum confluunt, veluti in ascite contingit. Indicat hanc herniam tumor scroti stabilis, dolore vacans, & pellucidus, si aqueus est humor: rubicundus, aut liuidus, si fæculentus sanguis. Solet erythroides emergere in tumore laxatus aqua plenus, ouatus, testiculum abscondens, vndique circumdans. Solet & per se quasi tertius testiculus apparere. Item extra erythroidem humor effundi solet, nec testiculum prorsus abscondere.

5 Tandem alia hernia est carnosæ, cū induratur testiculus post fluxionē ex ictu, aliaue ex causa factam; quod durities, & cōcolor aspectus pandit, & dolor; qui tamen cessat, vbi in scirrhu abierit.

*Cura.*

6 Ramicem intestini, siue in scroto, siue in inguine, curabis primo reducendo intestinum in locū suum, resupinato ægro, eleuatis natibus, manūque blanda dextre cōprimente tumore sursum.

7 Quod si minus fieri potest, quoniam inflammatio, dolor, flatus, tormina superuenerunt, ita vt retrudi intestinum repugnet: tunc linimenta, & fomenta, & balnea, quæ flatum soluant, dolorem, & inflammationem leuent, adhibebis, sæpius dicta; videlicet ex malua, foenugræco, aniso, cumino, anetho, &c. per infusas spongas, & cataplasma. &c.

8 Post regressum intestini ligaturam aptabis, ne relabatur; ac simul cerata, & emplastra adstringentia, & conglutinantia peritonæi vulnus, quæ fiunt ex mastice, visco quercino, sarcocolla, bolo armeno, aloë: piee nauali, galla, balaustiis, terebinthina, cera. Item ex glutino, quod vocant picem græcam. Præterea ex bene coctis neruis animalium consumptis, deinde contrusis neruis, & in viscositatem redactis. Item ex pelle arietina similiter macerata, & ex gummis in vino consumptis: quæ cum adhibita, & colligata fuerint, æger in lecto eleuatis femoribus commorabitur.

*Cibis.*



- 9 Cibis vescetur glutinosis nullum habentibus flatum: comedet pedes arietinos, virulinos, & intestina, ventriculum, pellem benè cocta, præsertim in lacte. Cauebit ab omnibus leguminibus.
- 10 Vretur in potu decocto lentisci, solidaginis saracenicæ, polygoni, eupatorii, prunellæ, plantaginis, cynoglossæ, symphyti, balaustiorum, & huiusmodi: quibus addes saccharum, vt suauior fiat potio.
- 11 Non permittes stercora indurari, neque labore excerni: quapropter vtere clysteribus lenientibus; neque ligatura cum cacare, aut aliter moueri oportet, soluatur.
- 12 Herniam aquosam calefactiuis, & exsiccatiuis rebus curabis, quales baccæ lauri, semina lini, dauci, althææ, nigellæ, farina fabacea, thus, rosæ exsiccata: & his rebus, quibus curatur ascites. Exsiccabis etiam corpus pharmaco, vel dicta, vel humidorum ciborum abstinentia, ne continuetur defluxus.
- 13 Flatulenta verò per ea, quæ flatum dissoluunt, sæpius dicta.
- 14 Carnosum ramicem curabis pituitosos, sæculentosque humores purgando, & seroses exsiccando. Vtuntur, & sarza parilla, & aliis attenuantibus.
- 15 Verùm vbi venæ testiculorum multi sanguinis sæculenti confluxu turgent, tumorem fecerint: sanguinis diminutione, & rebus melancholiam purgantibus, vtendum.
- 16 In aquosa hernia contumaci, chirurgia adhibetur perforando testiculum filo, vt humor paulatim efferatur. In carnosæ, & aquosæ, vbi putrefactionis imminet periculum, testiculus extrahendus est, & locus igne exsiccandus. Vtuntur etiam in intestinali, sectione latiori, qua & testiculum extrahunt, & vulnus peritonæi, acu, quatenus possibile est, consuunt; curanturque.
- Post hæc curauim me ipsum quinquagenarium iuxta Arnaldi consilium, vsusque sum limatura, & æruginè ferri, quantam trimmus Romanus capit, epota in ouo sorbili quotidie mane quatuor horas ante prandium per triginta dies, vt ferrugineus fieret sanguis: Apposui ligaturam exactam cum emplastro ordinario, vt supra; cui addidi magnetem actum in puluerem; quo alimentum ferrugineum attraheret: nec vnquam vigilans, aut dormiens cingulum ferreum deposui per tres menses, nisi cum mutarem emplastrum, & adderem puluerem magneticum post



quoslibet octo dies ferè, donec peritonæum consolidatum mirificè fuit, ita ut sine periculo incederem villo. Vñsus sum cibo, & potu ut supra narratis; videlicet pasta, & glutinosis rebus, & lentilci decocto in vino rubro, non acido; neque acetosis vñsus sum vnquam. Sed post annum negligere me folliculus ad ipsum inguen recidit; agnoui tandem nil salubrius ligatura stricta, continuæque: Ipsa enim Natura sanat, cum per flatum, & negligentiam aliam eius non interrumpitur labor. In adolescentibus id sæpè expertus sum, solo ligamine benè curatis.

*De priapismo, eiusque cura.*

A R T I C. III.

*Quidditas  
rei & nomi-  
nis.*

**I** St priapismus pudendi auctio in longum & latum stabilis præter voluntatem, aut libidinis voluptatem, à Priapo gentiliū deo dicta; quem immodico pudendo depingebant. Et cum accesserit palpitatio etiam, satyriasis vocatur, siue à satyris monstribus, ita pudendo salaciter affectis; vel à græco veteri vocabulo.

*Causa.*

**2** Huius morbi causam dicunt flatum vel in nervo cauo pudendi genitum exuberanter, vel ex arteriarum orificiis manantem valde patulis. At cum quasi præter voluntatem experimur in somno pudendum inflari, distendique vsque ad seminis emissionem, cum præsertim supini super spermaticas jacemus venas: profecto distentionis eiusmodi causam seminis abundantiam, auctumque calorem acquisititium, opinari non rarò licet: nam & qui consueverunt abstinere venere, hunc incidunt in morbum. Verum cum in hac passione emittatur semen, & transcat erectio aucti pudendi, propterea enim in definitione diximus, Auctio stabilis, nedum præter voluntatem: cogitare quis non temerè possit, caloris defectum in priapismo esse. Cum enim nequeat semen excernere, flatumque dissolvere, necessariò in suo semel acquisito augmento permaneat oportet: ideòque Auicenna putrefacto semini, & spermaticorum vasorum laxationi, & infirmationi post coitum nimium factæ itidem priapismi tribuit causationem.

*Confirmatio.* **3** Vt cumque tamen fiat, procul dubio succis crassis flatum crassum gignentibus, & qui excuti à calore solito nequeant, siue cum semine fiat inualido, siue intra cavitatem nervi humiditatem attrahentis, bibentisque, tribuendum videtur. Cum enim eis non subuenitur, pereunt, pudendo etiam post mortem erecto per-

*manente:*



manente:ergo non à spiritu animali, sed à crasso flatu, vel humore vnde & ventre inflantur, & frigidum exudant: & iuuenes, & mulieres à coitu abstinentes huic morbo succumbunt: vt facile sit bene causas assignasse.

4 Curamergo aggredientes à coitu arcebimus ægrotum, ne <sup>Curatio.</sup> humores subsequantur ad pudendi auctionem maiorem. Si autem constiterit seminis retentionem in causa fuisse, licebit coitum præcipere, vt seminis copia corrupta, flatumque emittens, educatur. Quo peracto à coitu & spectaculis, & locutionibus libidinis recordationem excitantibus abstinere æger. Item à pharmacis, præsertim acribus: & cibis & potibus semen generantibus, aut urinam cientibus.

5 Præterea si plethora adsit, & sanguis multus, & semen: nedum inedia à principio, & extenuantibus, & sterilibus rebus in cibo, & potu vti conuenit: sed etiam venæ sectione internæ, & dextro cubito. Purgabimus verò per vomitum, vt humores sursum reuellantur. Quod si fieri nequit, lenitiuis per aluum utemur, vt cassia, & manna, & clysteribus pariter blandis ex maluæ, & betæ decocto.

6 Mox cerata, & emplastra, & cataplasmata adhibere coli, & lumbis ad spermaticas venas, & intercapedini, quæ est inter anum, & colē: ex oleo rosaceo, chamomil. succo solatri, semperuiui, portulacæ, argenti spumæ, cerussa, cera, aceto. Item semen nymphææ, viticis, & rutæ: hanc tamen non à principio, sed vt exsiccet reliquias humorum confluentes. Præbeantur etiam ea quæ semen minuunt, & sterilitatem conciliant, in sequentibus narranda articulis.

7 Tandem in satyriasi, quæ medicamentis non tollitur, addi solent hirudines, & cucurbitulæ cum scarificatione: & vbi lethale periculum imminet, nec medicina iuuat, secundum est pudendum, veluti eunuchis Turcarum infelicibus fit per crudelitatem, ægrotis per pietatem: sic enim fit, vt totus morbus auferatur, nec aliæ corporis partes contaminentur ad interitum.

8 Si autem solus flatus in causa est, ea quæ contra flatum ventriculi, & intestinorum sæpè scripsimus, medicamenta valebunt, & cibi & potus.



## De gonorrhœa, seu seminis profluvio.

## A R T. IV.

*Quid gonorrhœam ex Medicis.*  
*Causa.*

**G**onorrhœam omnes Medici seminis profluvium spontaneum, inuoluntarium, continuum esse aiunt citra voluptatem: quod à duabus causis oriri putant, aut ab imbecillitate retentivæ facultatis, & tunc absque pudendi erectione fit; & hoc signum eius: Aut ab intemperie conuulsiva, & tunc pudendi erectio comitatur. In vtrisque autem gracilescit corpus, præsertim circa lumbos, qui debilitantur tam in viris quàm in fœminis: in quibus minus est curabilis; & in tabem incidunt.

*Correctio.*

**2** Nos autem arbitramur imbecillitatem solum non esse profluvij causam morborum: est enim ubi sponte effluit semen simul cum vrina, propterea quod multum est, nec capacia sunt vasa, quanquam fortia, ut experimur omnes qui castitatem profite-mur. In somnis, etiam sola imaginatione & vasorum repletionem, & calefactione egreditur; nec tamen inter morbos id annumeratur. Præterea quantavis adsit imbecillitas, nisi semen exuberet, non fit profluvium: immò neque si exuberet, nisi adsit corruptela seminis, aut intemperies aliqua; unde vulgo existimantur qui calefacti refrigerantur statim, transeuntes de extremo ad extremum, seminis profluvium pati solere. Indicat etiam illa conuulsio intemperiem flatuosam, & humidam, causam esse erectionis. Et quando fit absque erectione, peccatum est in solo semine: quando cum erectione, in utroque: ita ut principium quoddam priapismi cum profluvio componant hunc morbum.

*Historia*  
*et inquisitione*  
*Quæritur*  
*causa gonorrhœæ.*

**3** Bis hanc passionem in iuventa experti sumus; semel post febres tertianas cum conualesceremus: propterea quod retentum semen febrili calore ex parte assatum, & ex parte solutum est, ac deinde colliquatum simul vaporibus non amplius exhalantibus ob debilitatas vires, sed se miscentibus cum massa seminis ad eius liquationem. Manifestum est autem, quando semen fluidum est, guttatim exiens, & subviride, seu subflavum: quod sola imbecillitas non facit, sed immutata seminis temperies & substantia, ita ut vesiculas complexas, quibus semen retinetur, mordacitate rumpat, atque proinde effluat. Secundò verò post equitationem, & cursum per niuosam regionem in hyeme, ubi agitatio semen concussit, frigus calorem à sui symmetria deiecit, semenque labefactavit. Est etiam ubi quis ex coitu impudico cum



cum muliere venereo affecta morbo in gonorrhœam incidit, quando vapor foetidus per fistulam attractus in seminaria vasa semen contaminat, ita ut vesiculas rumpat, & corruptum profluat. Plato etiam in *Timæo*, & Galenus in 2. lib. de *semine*, contestantur quod diu retentum corrumpitur etiam in mulieribus, usque ad diras passiones earum, & dæmonoplexias: quod Hippoc. in lib. de *morbis virginum* prædixerat. Dæmon autem malis utitur humoribus ad hominum vexationem, quemadmodum sæpè declarauimus.

4 Igitur cum seminis copia coarctata peccat, eò quod alienam acquirit temperiem, non ab re procurare eius primò effluxum per coitum cum calida nigra muliere: quæ tamen ne & ipsa lædatur, statim semen egerat, vterumque intus vino lauet; deinde coitu, eiusque cogitatu, & spectaculis, & narrationibus, & lectio-  
nibus libidinem mouentibus, prorsus abstineat æger; vraturque cibis, & potibus semen minuentibus, idest aqua pura, vel in qua ferrù ignitum extinctù sit pluries. Item profunt folia agni casti, & flores, & semen coctum frixumque; portulacæ, lactucæ semen, & nymphææ: calamintha, rosa, & ruta, & viola alba, omnesque plantæ steriles natura: quas etiam lumbis alligabis, & decoctis pro infessu vteris; & in emplastris. Solet & lamina plumbea renibus applicari: sed minus periculosa sunt iam dicta simplicia. Victus sit frugalis, extenuans, non flatuosus, nec prolificus.

5 Sin verò corruptio acciderit ex intemperie aliqua in semine, *Ex intemperie.* & conuulsio in virga, vtendum est his, quæ priapismo conueniunt, ac simul aliis, quæ corruptelæ obuiant, semen minuunt, refrigerantque, & incrassant: propterea balneis frigidis, potu frigidæ, ac cibis tenuis, frigidæque substantiæ, vtendum; quales cucurbitæ, citrulli, portulaca, caro modica anserina, in hoc valent: vteris etiam in medicamento, & in cibo præfatis rebus, & acro-  
fella, & sanguinaria, plantagine, vmbilico veneris, borragine, viola, rosis, granatis, semine cannabis: calamintha, coralliis rubeis, fantalis. Et in fine vbi expurgato semine indigebis resiccatione; valent mentha, ruta, bolus armenus, myrtus. Sunt etiam qui manna, aut cassia purgant corpus: at quidem asparagis, & petroselino vtentes. Nos semen foetidum extulimus, deinde frigidis, & adstringentibus vtentes sanitatem conciliauimus.

8 Conuenit aer ficeus, frigidus, lectus duriusculus substratis præfatis rebus; balneum medicatum: frigus actu semel confert,



vbi subtepidis rebus expurgaueris semen excrementitium: cæterum adstringendonimis obest, præsertim si inflammatio adsit. Iuuant olea rosaceum, populneum, omphacinum, myrtinum, & huiusmodi, ad lumbos, & radices pudendi.

*De impotentia ad Venerem.*

A R T I C. V.

*Triplicem causam impotentiam veneream.*

*Signa.*

*Cura carentium seminis.*

*Cura impotentia ex frigidiitate.*

**1** Vnt mariti, qui debitum vxori reddere non possunt, aut quia semine carent, aut quia frigida genitalium intemperie laborant, aut quia superstitione ligantur.

**2** Quorum indicia ex ipsorum habebis confessione: primi enim non emittunt semē quasi spadones. Secundi nō erigunt pudendū, licet semine abundant. Tertij quidē erigere, & emittere cōsueverunt; ex quo autem suspicione ligaturæ laborant, ignaui fiunt.

**3** Primos curabis applicatione animi ad Venerem per spectacula, sermones, lectiones, tactiones; sic enim spiritus ad seminis confectionem vocatur. Item per cibos, potusque, qui semen generant, augētque; quales sunt vinum generosum, & lac fœcundarum ferarum, qualis est omnis multipara, & pluries in anno. Itē multæ substantiæ carnes, facilēque coctibiles, & libidinosorum animalium fœcundorum, quales columbæ, hirundines, perdices, passerres, gallinacei, porcelli, pisces vino cocti. Conchylia autē magis, & polypi, & quidem oua omnium valent, sed maxime passerū, & perdicum, & gallinaceorum testiculi. Præterea flatuosi cibi, qui spiritum, & semen generant, vt fabæ, & amygdalæ, pineæ, pistacia, rapa, cicer, pastinaca, porrum, anisum, fœniculum, & res lacteæ, albeque, & testes animalium fœcundorum, vt capri, struthio, camelis; cuminum, ocymum, lapathum, satureia. Semper tamen herbas carnibus prædictis copulabis, aromatibusque.

**4** Secundos vero eisdem applicationibus; insuper & pudenda contrectanda erunt, oleisque calidis, humectantibus tamen vngenda, si modici seminis sunt. Si multi, & inepti, adde exsiccantia simul, vt liliaceum oleum, & è castoreo: in quibus piper, moschus, nigella, caryophyl. sint macerata, & huiusmodi. Præsertim verò scobes ceruini veretri, quo nil magis ad libidinem excitat. Fiunt etiam morselli ex eisdem rebus, idest nuce pinea, amygdalis dulcibus, testiculis vulpis, & equi, felle aprino, ramento ceruini pudendi, satyrio, scinco, eruca, semine lini, fœniculi, bulbo orchis, seu testicularis herbæ, nasturtio, sinapi, pastinaca, caryophyl. am-

bra,



bra, moscho, pipere, & similibus, confectis in aqua rosacea, & lacte. Eadem res valent in cibo, & potu, & electuariis, & confectio-  
nibus partim ex Physica, partim ex Magia.

5 Præterea leporis coagulum, leonis adeps, succus tragacanthæ cum tribus piperum generibus, conficiunt linimentum pudendis apprimè libidinosum, adhibendum in testiculis, lumbis, veretro, & radicibus eius inter anum, & testes. Item stellio crematus, in puluerem redactus, illinitus dextri pedis pollicis in actu venero, vt exercere queas; & cum volueris cessare digitum abluito, valet in ouo pinearum potum oleum. Vinum generosum desit nunquam; haud tamen in tanta copia, vt genitalem spiritum obruas. Com-  
mendantur cardui cum pipere, & oreoselinum, & omnia semina alba, acutæque, & quintæ essentiæ ipsorum.

6 Sic ex bulbosis plantis, & quæ testiculorum, & genitaliū ha-  
bent effigiem tam in mari, quam in terra; valida sunt pharmaca, vt bulbosæ plantæ, testiculares, asphodelus, cyclaminus, Veneris vmbilicus, leontopeltator, catanances, paltinaca, mandragora, & limones Neocastrenses, in quibus & vuluam, & veretrum natura effingit: & marina quædam animalia pudendi vtriusque instar efformata.

7 Tertios quidam non dæmonis arte ligari per superstitionem putant, sed naturalibus medicamentis: etenim veretrum canis, & lupi, phocæ, testudinis, & cæterorum animalium, quæ ligantur in coitu, suntque tardæ solutionis, & seminationis, ad ligandum va-  
lent; ergo & quæ concitati sunt coitus, facillimique, valent ad soluendum, si comedantur: quales sunt passeres, picus martius, pica vulgaris, id quod experti approbant.

8 Nos experti quosdam solis verbis superstitionis ligari, & ver-  
bis solui à maleficiis, nequaquam credimus natura hæc fieri sem-  
per, nisi applicatione naturalium prædictorum à diabolo ita fieri dicamus. Neque enim frigefacere ipse potest, nisi frigus adhiben-  
do: & quoniam maleficium maleficio tollere sancta religione ve-  
tamur, recurrendum est ad sanctos exorcistas in huiusmodi affe-  
ctibus. Licet tamen vti naturalibus antidotis contra venerea na-  
turalia à diabolo adhibita: ergo, & pica, & passere, & cæteris iam  
dictis, vt in theologicis docebamur, vbi & quomodo diabolus ista  
possit declarabamus.

Errant Rhasis, Plinius, & alij Theologiæ expertes. Hac in  
re valet plurimum persuasio, & imaginatio, quod quis est  
ligatus,

*Cura impo-  
sita ex su-  
perstitione.*



ligatus, aut solutus. Sic enim operatur, aut non operatur, ut afficitur: videmus enim timore deiici, & gaudio erigi pudendum; ergo, &c.

9 Magia docet pilos ani masculi hyenæ, combustos, tritosque, si pathici ano inunguntur, à suo vitio istum liberare.

*De fæminei pudendi morbis.*

C A P V T X X I .

*Morbi muliebris pudendi 14.*

**Q**Voniam uterus muliebris est inuersum virile pudendum, ut in phys. probatur, & vtrumque generationi instrumentum inseruit: necesse est cum dixerimus de pudendi virilis morbis, de muliebris quoque pudendi malis differamus. Sunt quidem huius passionēs coeundi impotentia, sterilitas, menstruorum suppressio, & nimius effluxus, & fluor continuus, & suffocatio vteri, & procidentia vteri, & inflammatio, & vlceratio, & inflatio, & mola: & partus difficultas: & scirrhus, & cancer; de quibus singularim dicere tempus est.

*De muliebri ad coitum impotentia.*

A R T I C. I.

*Natiua impotentia si-  
gnum, & me-  
dela.*

1 **I**Mpotentia muliebris ad coitum in utero priuatio est, aut natiua aut accidentalis. Natiua, quando vteri os per se ita obstru-ctum est, ut veretrum ad interiora non admittat; quod ex tactu, impeditoque actu palam fit. Eius medela est fomentum: & bal-neum ex fumis, & decoctionibus herbarum mollientium, & rela-xantium, ut maluæ, althææ, nigellæ, fœnugræc. lino, bdellio & hu-iusmodi. Item ex vñctionibus adipis porcini, anserini, gallinacei, & resinarum, & butyri & oleorum violæ & oliuæ.

2. His repetitis crebro, & per spongiam applicatis, & in pessis, tunc intra os vteri partem spongiæ iniiciens aridæ, filo ligatæ, ut ibi emollita amplifietur, & os vuluæ simul amplifiet: quod si acciderit, aliam maiusculam, & deinde aliam, donec amplitudo optata succedat. Deinde alumen, aliudve corrosiuum vnà cum melle intromittere licet ad dilatandum magis, si contumax est adhuc ostiolum.

3 Aliquando etiam sectio adhibetur per chirurgiam gladiolo aureo, cum aliter dilatatio non succedat: & tunc quæ vul-nus



nus sanant alliganda sunt, & deinde lenitiua.

4 Accidentalē autem obturatio accidit, cum ex vulnere cicatrix, & callus oboriuntur ostiolo, & tunc eisdem omnino vtere *Cura accidentalis.* remediis, quibus in natua.

5 Aliquando verò coitum pati nequit mulier ob vteri vlcerationem, aut inflammationem, aut procidentiam, de quibus morbis singillatim erit sermo in hoc cap.

6 Si autem inflammatio ex præfatis medicamentis suboritur: tunc oleis rosaceis, violæ, terebinth. & aliis, quæ flammam sedant, & exitum ei parant adhibebis. Itaque & lac miscebis asininum.

7 Victus autem mollis erit, & aperitiuus; similiter & potus. Caueat à falsis, & adstringentibus.

8 Notandum, quod si vterus interior est amplus, ostium verò strictum; attrahit semen, & concipit mulier; sed in partu moritur, nequeunte fœtu egredi. Siquidem & virgines imprægnantur, sed non pariunt virgines, nec sunt post partum, absque miraculo.

### De sterilitate.

#### ARTIC. II.

1 Sterilitas propriè impotentia est non ad coitum, sed ad conceptionem, suscipiunt enim semen, sed non fecundantur *Quid sterilitas.* ad proles fructificationem.

2 Sterilitatem ergo facit aut intemperies vteri, vel seminis; aut *Causa sterilitatis.* fordities, aut deformitas, aut coitus intemptius.

3 Intemperies frigida in mulieribus, aut masculis, si est naturalis; cognoscitur ex frigido habitu, carentia pilorum, præsertim circa pudenda, & secreta corporis, & nulla vel modica coitus appetentia, stupiditate sensus in pudendis, lumbis, & cruribus, & ipsorum contractione absque prominentia, & ex tactu vel mordaci nil calefaciente, sed molli, inuoluptuosoque. Item ex menstruorum suppressione, vel difficili effluxu. Si autem frigiditas accidentalē sit, ex præcedenti victu, & accidentibus palam est; ut ex frigido aëre, balneo frigido, passionēque frigida diuturna, & grandi, illata nuditatibus. Aderunt etiam præfata signa, quæ in naturali frigiditate circa sensum partium, & veneris appetitum.

4 Curabis hanc intemperiem cibis calidis in substantia, & odo- *Cura frigida.* ratis,



ratis, & carnibus perdicum, phasianorum, passerum, columbarum, hinnulorum, gallinaceorum, vulpium, sinapi, nasturtio, eruca, origano, apio, fœniculo, asparago, smyrnio, allio, & similibus. Condiuntur aromatibus, pipere, cynamomo, caryophyl. & huiusmodi. Utantur balneis calidis medicatis, & aluminosis, nitrosis. Ungantur toto corpore post frictiones, præcipue in pudendis, oleo cyperino, liliaceo, amaracino. Fiant etiam suffitus ex odoratis, thure, storace, galbano, amomo. Item cataplasmata, & pessi ex myrrha, galbano, castoreo, cypero, mastice cum salacium animalium axungia, melle, satyrio. Potus esto vinum album generosum odoratum, & in non crassis sit nigrum cum aqua aurantiorum, & in eo pars moschi, aut caryophyl. & myrrha. Hæc enim omnia cum vnctionibus, & balneis rite administratis, & sæpè temperamentum immutant. At verò si non modò intemperies frigida, sed etiam crassi, frigidi que humores adfuerint, medicamento purgante eos, præsertim pituitosos, secundum artem.

*Cognitio ex  
libro*

5 Calida intemperies in utroque sexu ex pilorum præcipue copia, præsertim in partibus pudendis, dignoscitur, & ex pronitate ad libidinem multa. Item ex menstrui exigua excretionem, & cum dolore, nigra, assataque: & concomitantia siccitatis, quod in multis sterilibus experiri licet.

*Cura.*

6 Curabimus hanc humido, frigidoque victu, & aëre, & somno multo, & quiete, vino tenui, albo, & aquoso, dulcibus balneis, & circa lumbos, & pubem refrigerantibus rebus adhibitis, ut solano, Veneris umbilico, lactuca, portulaca, rosaceo, & huiusmodi, quæ etiam pectini, & sedibus adhiberi poterunt, addita cerussa, endiuia, mercuriali, & oleo rosaceo, & violaceo.

*Agnitio ster.  
ex siccit.*

7 Intemperies sicca denegat alimentum genituræ: cognoscitur corporis gracilitate, menstrui crassitie, uteri ariditate, idest humorum priuatione, pilorum duritie.

*Cura.*

8 Emendatur humectantibus cibis, potibus, somno, ocio, cataplasmatibus, & oleis subfrigidis, magis autem succis: olea enim & quintæ essentiæ exsiccant semper ex parte: profunt magis non salitæ pinguedines, ossiumque medullæ.

9 Humiditas uteri nimia obruit semen suffocatque, ut palustris terra frumentum. Agnoscitur ex habitu pituitoso corporis, naturali, vel accidentali, & copia excrementorum fluidorum per foramina naturæ. Item excretionem liquidæ, multæ in coitu, & menstrui copia.



10 Curatur victu sicciori, & inedia, affatis carnibus, meraciori vino, parcius tamen sumpto. Est etiam vomendum & super-  
narum partium frictionibus vacandum ob diuersionem. Suffi-  
tus in uterum proficiunt ex aloë, myrrha, thure, vinaceis com-  
bustis. Profunt etiam vtero rosæ siccæ, galla, myrtus, polygo-  
num, balauſtia, & cætera exsiccantia; cum corpus rite prius  
purgatum fuerit.

11 Cum autem sordities in causa fuerit, ea expurganda primo erit. Cum ergo fluunt menstrua, coëundum non est: sordities  
enim vitiat sanguinis genituram occidit: desinentibus autem  
menstruis vterus est mundus, & orificia venarum aperta, vt se-  
men in eis radicem agere, & sanguinem fugere ad sui nutritio-  
nem, & corporis formationem, queat. Cæteris temporibus non  
ita est aptus vterus: etenim aut occlusæ viæ negant nutrimen-  
tum, nisi sit tantus amor, & voluptas, vt spiritus eò con-  
fluens irrumpat. Incipientibus vero non iudico tempestiuum:  
subsequens enim vitiat sanguis genituram necat; aut si reti-  
netur, matri mala infert multa, quæ suo in loco enumeravi-  
mus. Si sordes erunt ex abscessu critico, siue symptomati-  
co, aliorum morborum, vt quia cacochymia naturæ vi eo exo-  
neratur; tunc sordes lauacris absterſiuis educende, & cacochy-  
mia pharmaco purgante, tollenda. Item suppressi menses  
diu negant conceptionem. Idcirco, quæ menses cient, iis  
dabimus.

12 Præterea crassi flatus in vtero conceptionem impediunt, Ex flatu fi-  
vel fabricam euertunt. Hæc tumor pectinis cum pungente dolo-  
re, & strepitus vuluæ, vel exiens flatus, indicant. Curabimus in-  
edia, mox victu sicciori, & calidiori non flatuoso, & exercitiis, Cura.  
& rebus flatum discutientibus, tam in cibo, quam vuluæ applicatis,  
vt cumino, origano, pulegio, pipere, fœniculo.

13 Præterea si pharmacum causa fuerit sterilitatis, eius vires Ex pharm-  
explorabimus; & contrariis secundum artem medebimur. cia.

14 Deformitas vteri, si paruus nimis, & tunc amplificatur vt Ex de formi-  
supra docuimus; vel angustia oris, & hoc impedit concubitum, tate.  
nedum conceptionem; de quo supra: vel amplitudo oris vteri,  
cuius gratia, nec retineri genitura, nec ab externis iniuriis defen-  
di potest: medebimur cibis siccis, fomētis adstrictiuis, ex lentisco,  
vinaceis, galla, rubo, myrto, eorumque pulueribus, & decoctio-  
ne in austero vino.



15 Vel vteri meatus obliquus, quod digitus explorabit, & emendabit: post ubi mollientibus fomentis adstrictiuis ex lentisco, & balneis, & pessis, & pinguedinibus, vsus fueris. Coitus etiam à tergo dirigit semen introrsus aptiori ratione, vt mos est animalium.

*Ex modico semine.* 16 Si autem seminis modicitas in causa fuerit, per ea quæ multum semen faciunt, fœcunda animalia, & plantas occuremus: de quibus sàpè.

17 Sivero seminis frigiditas, per calida: si ardor, per frigida: si siccitas, per fluida: si humiditas, per incrassantes res, & calorificas medicandum.

*Ex occulto vitio.* 18 Cum tamen vitium est in semine occultum, per cibos boni succi, & facilis cocturæ, & semen augèntes, certabimus, & peccantes humores vacuabimus, & cacochymiam corrigemus.

19 Semen fœcundant plantæ, & lapides, & animalia Veneri dicata, vt in lib. 5. & quæ pridem considerabamus ex fœcunditate, & copia seminis, & partus; præcipuè testiculi apri, leporum, cuniculorum, gallinæcorum, vulpium, & coagulum, & matrix ipsa leporum, & gallinarum, & columbarum.

20 Item conceptionem impedit coitus intempestiuus, idest qui fit, cum sordescit vterus: nec desinentibus menstruis, vt paulò ante dicebamus. Item qui fit infirmitatis tempore. Item absque amore vtriusque. Item qui ante duodecimum annum in fœminis, & in maribus in nostro climate; & qui fit post quinquaginta annos in muliere cum desuerint menses, & decrepito in homine. At sub tropicis etiam in sexto anno concipiunt; quod etiam apud nos contigit, teste Thoma Caietano 2. 2. Accidit etiam centenariæ concipere in oppido Camerota, sed de his.

21 Solertissime Hippocratici, an conceptura sit fœmina deinde prognosticantur: dant enim butyrum, & mulieris, masculum alentis, lac bibendum, & si eructauerit, concipiet: sin minus, non concipiet. Anisum tenuissimè tritum in aquam bibendum dant, & dormire iubent: & si pruritus circa vmbilicum ipsam inuascerit, concipiet: sin minus, nequaquam. Item alij caput dera sum integrum apponunt vtero: & si postridie per os oleat ipsa mulier alium, concipiet: sin minus, minimè.

22 Præterea an prægnans sit ea via indagant. Si enim mel, & anisum subtiliter tritum, & simul aqua dilutum, vtrumque bibens, dormiensque, circa vmbilicum tormina passa fuerit: tunc conce-



piſſe volunt. Sin minus, nequaquam. Idem fit ſi dormitura aquam muſſam ebibet : tormina enim ſequentia indicabunt : non ſequentia verò, quod non concepit. Horum rationes conſideranti obuiæ ſunt.

*De menſium ſuppreſſione.*

ARTIC. III.

**M**enſtruus ſanguis, quemadmodum in Phyſ. dictum eſt, *Quid ſanguis menſtruus.* eſt ſæx impura fuliginofa, tetra excrementumque, quod natura ſingulis menſibus, tanquam nutritioni ineptum noxiumque, per vterum excernit, eo quod in ſubſtantiam aliti, neque in pilos ab imbecilli ſcæmineo calore conuerſi poſſit, ſicut in maribus ſolet.

**2** Incipit autem fluere poſt duodecimum annum plerumque, *Quomodo.* quando alimentum redundans incipit à roborato calore nativo ſequeſtrari. Prius enim totum alimentum æqualiter funditur in fluorem. Similiter & in maribus fit ſequeſtratio in pilos, & excrementa alia nouiter aduenientia. Non ergo menſtruus ſanguis eſt ſemen, in quo cauſæ latent, & progreſſus, ſineſque nati: ſed vitioſa res pilis analoga, atræque bili.

**3** Iuuat autem conceptionem, eo quod purgatus ſanguis fit *Uſus.* aptior ſeminiſ viriliſ nutritioni, & oriſicia aperta radicem fœtus ſuſcipiunt: vnde non fit conceptio proba, niſi deſinentibus menſtruis, vt docebamus.

**4** Quapropter triplex eſt menſtruorum carentia : altera naturalis: altera artificialis: tertia morbiſica. Naturalis eſt à principio vitæ uſque ad duodecimum annum in noſtro climate, quando nec ſequeſtratio, nec indigentia adſunt. Item cum deſuerint concipere à quinquageſimo anno plerumque uſque ad finem, eo quod debilitatus calor parum cibi abſumit, excrementaque excernere parum valet : vnde anus morbis afficiuntur, quibus prægnantes, rheumate, marifcis, oculorum peſtilentia, citta, melancholia, triſtitia.

**5** Artificialis ſuppreſſio eſt mulierum laborioſè viuentium, *De artiſ.* ruſticis exercitiis deditarum, ſaltationibus, venationibus: præſertim autem ſi calidæ ſint, gracilèſque natura : calor enim nimius per exercitium omnia excrementa ad cutim trahit per tranſpirationem, & in pilos conuerſit: ita quod modicum ſanguinis



guinis excrementum, vel nullum in vterum confluit. Has autem dignoscēs ex temperamento, & exercitio.

Præterea fœminæ nihil se exercentes natura frigida, tristes, ignavæ, desides, carent menstruis; eo quod non ventilatur calor, & modicus est, ita, ut non possit sequestrare, educeréque menstrua. Has autem cognoscēs ex intemperie frigida, ex otio, & pallore faciei, cum non fucantur, & obscuritate oculorum, & infectione, cæterisque morbis vetularum.

*De morbis.*

6 Morbifica retentio menstruorum pluribus accidit de causis. Aut enim densitas, durities, & pinguedo vteri, ora venarum angusta, ne sanguis effluere possit, efficiunt, quod pinguedo, falsa corpulentia, aliique morbi iam dicti, indicabunt.

Præterea cum fuerint longo morbo inflammationis detentæ, & graciles redditæ, exsiccatur sanguis, ut nullum excrementum reddere queat, quod præcedens passio demonstrat.

Præterea si sanguis aliam viam inuenerit se expurgandi; nam in aliquibus per hæmorrhoidas id accidit; aliis vero ex naribus singulis mensibus effluit, quod irritatio aliqua effecisse potest, & consuetudo. Contingit enim ob nimiam effusionem vena secta in brachio sanguinem ad superiora trahere, magis autem ruptis naribus.

Præterea sudores, vomitus, alui deiectiones multæ, pustulæ crumpentes, & omne excrementorum genus magnum, & assiduū diuertit ab vtero sanguinem in præfatarum excretionum loca.

Præterea sanguis ipse peccare solet, cum fuerit crassus, & glutinosus: ut per meatus excerni non valeat: præsertim si natura fuerint imperforatæ, aut cicatricibus vlcera excæcata, aut aliis de causis, quæ & coitum impediunt. Ergo alimēta multa, & crassa aliquando peccant, sanguinem incrassando, & meatus obstruendo: sæpè etiam modicus cibus, ex quo modicus sanguis, minuit, ubi non tollit, menstruationem, non secus ac plethoram.

*Symptomata  
suppressionis  
morbi, &c.*

7 Quibus supprimuntur menstrua morbificè, accidunt gravitas corporis, nausea, fastidium cibi, excursions in corpore horridæ, dolores in lūbis, collo, femoribus, capite, oculorū radicibus, quæ namadmodum & prægnantibus euenit, quando menstruus detinetur sanguis, ne fœtum occidat: purus verò in huius alimentum cedit. Præterea non prægnantibus febres continuæ accidunt, & vrina rubra, & nigricans simul, & difficultas eiusdem.



8 Medicamenta contra naturalem suppressionem nulla sunt: quod enim naturale est, morbificum non est, nisi in ventris; quatenus & senium quidem morbus est. Ergo conuenit in his victus albus, dulcis, purus, modicus, calidus, generans sanguinem probum, modici excrementi: præsertim autem non atrabiliosum. Item exercitia, balneaque calida: hilaritas animi, & Musica.

9 Prægnantes medio modo se habent inter hanc passionem naturalem, & morbificam; noluit enim natura menstruum excerni, vt supra dictum est; sed elaborat illud in alimentum, & quidem scemina absque exercitio, & bonis non vtens cibis, præsertim si vino improbo vtatur: nihil morborum non admittit; de quibus sæpè. Prægnantis victum, & exercitia in *Oeconomicis*, & in *Ciuitate Solis*, declarata sumito.

10 Artificialis carentiæ cura, si ab ipso exercitio, & calore acciderit, nulla exigitur. Sic enim viuientes sunt seniores: verum conceptioni ineptiores: non enim semen radices agere non apertis orificiis venarum vteri per fluxum menstruum, queunt. Possunt ergo, vt scemina concipiat, reuocari menses per exercitij vacuitatem, cibos humidos, pingues, sanguineos, lacteos, vinum rubrum subdulce, & balnea dulcia, suffumigia ex decocto maluæ, althææ, sabinæ, & rerum simul humectantium, & aperientium orificia.

11 Vbi autem desidia, & frigiditas causa fuerint, & somnolentia; tunc simul morbifica implicatur causa: & ea quæ otiosæ, ac frigida obuiant temperiei administranda sunt, hoc est cibi calidi, & tenuis substantiæ: quos frigida temperiei superior sermo intimauit. Item exercitia paulatim aucta valde. Item vinum album odoratum, vetus, purum, balnea calida, & inunctiones rotius corporis, præsertim pectinis, & sedis, & lumborum ex calidis oleis. Item fomenta ex decocto pulegij, origani, sabinæ, thymi, dictamni, abrotani, calamenti, iridis, cassiæ, acori, asari, rutæ, & huiusmodi possunt in iusculo etiam columbarum prædictæ herbæ coqui in cibum. Adde aromata, & omnia calida, quibustamen iecur, aut aliud viscus, & morbus non contradixerint.

12 Morbificam suppressionem tollunt in suo ordine contraria quæq;: Nā quæ ex obstructione fiunt, ea medicameta postulât, quæ in articulo de sterilitate, & impotentia coeundi dicta sūt, præterquam



quam in pinguibus; quibus propinabis ea, quæ maciem conciliant, & gracilitatem, suis dicta locis.

13 Cum inflammatio, & exsiccatio in causa fuerint, tunc per inflammationem tollentia procedemus; eaque sublata cibos bene instaurantes, humectantes, & impinguantes adhibebimus, o-cia, dulcia balnea extremi teporis, ita tamen ne in frigidum ver-gant. Si quis autem alius morbus maciei fuerit in causa; illum primò curabimus. Igitur & sudores nimios, & vomitus, & alui deiectiones per ea, quæ suis in locis declarata sunt, curabi-mus, & subueniemus, vt mox mulieres succi plenæ ac carnosæ fiant.

14 Cum sanguis aliorsum diuertit periodicè; tunc reuocan-dus est ad vterum, quorsum secundum naturam debetur. Ita enim rectius: ergo ea quæ menses cient per suffitus intra vterum: hirudines, & cucurbitulas adhibere congruum erit, quæ autem menses cient posterius enarrabimus.

15 Vbi plethora peccat, vena poplitis secanda est, cæteris con-sentientibus, propè tempus menstruationis: & sanguis attenuan-dus, & cucurbitulæ affigendæ: peccantèsque humores euacuan-di, & ea quæ menses cient subministranda.

16 Si crassus, glutinosusque sanguis morbum hunc efficit, tunc victus extenuans adhibendus est ex ptisana, aceto præparata, & herbis tenuis substantiæ, & odoribus: & syrupi, & pharmaca, quæ pituitam purgant, qualia ex hyssopo, petroselino, asparago, iride, apio, fœniculo, rusco, aniso, dauco, vrtica, origano, artemi-sia. Deinde porio ex hîera, diaphœnicon, agar. & cæteris in lib. 5. dictis pharmacis. Adde exercitia, balnea ex chamæmelo, artemisia, mentastro. Similiter vnctiones, ex oleo irridis, rutæ, ori-gani, calam.

*Promocantia  
mensium.*

17 Menses prouocant puluis corticis aurantiorum: calamin-tha, pulegium, sabina, costus, cynamomum, amomum, ari-stolochia, iris, nepeta, & magis dictamnium, & thymus, as-phodelus, mercurialis, carpesia, spicanardi, flos, & odorati iunci. Item opoponax, sagapenum, daucus, saluia, absinthium, myrrha, castoreum, fœnicul. cuminum, oreoselinum, artemisa, apium, se-men melonis, cucumeris, adianthum, crocus, ruta, maiorana: sty-rax, galbanum, bdellium, nigella, rubia, cicer rusum, ruscus, hederæ corymbi rubri: cyclaminus, phyllirea, radix pastinaeæ, pœonia grana rubra, hypericum. Iuniperi baccæ, semen ari coc-cineum:



cineum; lauri baccæ: fel taurinum; medulla ceruina; serpillum, & omnia calida odorata tenuis substantiæ. His vtere ad suffitum, & balneationem, & cibum, & pessum, & vñctiones, prout artis ratione docebit, addendo olea, & medullas, & pulueres, &c. Valent & balnea mineralia, præsertim saluiantæ Putecolorum.

18 Obstructiones vteri, alibi curabimus in Capitulo hoc.

*De mensium redundantia.*

A R T. IV.

**M**enses è contra redundant, cum plus iusto fluunt, aut quantitate, aut & tempore. Siquidem non vltra duas heminas sanæ mulieres, nec vltra tres dies: quæ mediocrem habent temperaturam menstruis scatent. At verò sunt quæ largiori cibo vtentes, & sanguineæ temperaturæ sunt, ociosæque, purgationem menstruam ferunt vsque ad 7. & 10. & 12. dies; præsertim vbi orificia fuerint angustiora.

2 Redundant etiam post fœtus ortum, si pergunt plusquam mulieri commodum est. Item & post abortum: aliquando etiam post onus subleuaturn, & laborem ingentem.

3 Causa ergo exuperantiæ est, aut vasorum in vulua perreptantium apertio, vel ruptio magnorum; & hoc indicat sanguinis copia, etiam probi, promanans. Aliquando minorum vasorum, & tunc non tanta effluit copia, nec confertim. Aliquando corrosio vasorum ab acribus, falsis, biliosisque fluoribus, causa est redundantia: quam indicat paulatim egrediens, & cum mordaci dolore, sanguis, & plerumque tenuis.

4 Signa autem consequentia sunt color fœdus, pallidus, subniger, virium demolitio, pedum levis tumor: parua cibi coctio, & inappetentia, quemadmodum in cæteris sanguinis effluxionibus immodicis; solet etiam sequi hydrops, nisi curetur, quemadmodum & in suppressione mensium; vt referunt Medici; nobis autem videtur potius hydrops esse suppressorum: hæctica vero redundantium: quamuis neque illud aliquando negem. Cum enim vires debilitantur, neque genitos vapores, & fluores calor educere potest, consequens est, vt à corio repressi in aquam vertantur inter cutem. At syncopæ, & animi deliquia immodicæ menstruationis effectus esse solent in nostro dogmate potiores, & tandem



mors: vt meæ contigit matri Catharinæ Basiliæ.

*Cura.*

5 Curantur ergo his laborantes affectibus, si ex vasorum acci-  
dant apertione, vel ruptura: adstringentibus rebus, vel glutinanti-  
bus in cibo, & potu, in fessu, & pessis: vt oryza, lacte vaccino, fari-  
na frumentacea, similagine, amylo, penteneruia: pedibus hædo-  
rum, vitulorum, & intestinis, vino austero lacte misto, vel pasta;  
carnibus assatis, & montanis. Præterea balauſtia, symphytum,  
acacia, sesamum lotum, corallium, terra lemnia, myrtus, polygo-  
num, vinacia vsta, glandium calices, plantago, rubus, lentiscus,  
galla, hypocystis, &c. quæ sanguinis sputo, & dysenterix, profunt;  
applicabimus hic & per fomenta, & balnea, & in cibo, & in potu,  
vt sagax solersque Medicus statim intelliget. Adde oleo ros. myrt.  
cotoneor. &c. Galenus plantaginis succo in vterum per canalem  
infuso suppressit menses. Idem facit polygoni, aut solani, aut aca-  
ciæ succus: præsertim gallæ puluere mistus. Fiunt ex eisdem pessi-  
cum thure, &c.

6 Si autem sola sanguinis abundantia in causa fuerit, sola eius-  
dem minutio per venæ sectionem in brachio, curabit, & cibus  
sanguinis non generatiuus. At quidem diuersio fiet à principio in  
hac, & in superiori passione eiusdem generis: non solum per ve-  
næ sectionem, sed per ligamen extremitatum & cucurbitulâ sub  
mammis applicatam, ex Hippocratis doctrinæ; & hæc à principio.

7 Vbi autem cacochymia dat causam, humorem peccantem  
secundum artem purgabis ex iam dictis.

8 Si verò erosio peccat: tunc erodentes humores falsos, bilio-  
sos, pharmacis sæpè iam dictis purgabis: & statim glutinantia, &  
adstringentia applicabis.

Cum exulceratio causam præbet, per ea quæ exulcerationi  
medentur, occurremus, vt in sequentibus articulis.

### *De fluore muliebri.*

#### ARTIC. V.

**I**D Estillatio vteri continua, & quæ paucis vicibus supprimi-  
tur, alius est morbus à mensium exuperantia: videtur enim  
Medicis totius corporis esse euacuatio, quasi totius vitio facta;  
vnde solent patientes in hydropem incidere. Prius autem muta-  
tur color faciei, difficulter spirant, oculos habent tumidos. Acci-  
dit & cū dolore, aut vlceratione, aut inflammatione: vel sine his.

*Signum.*

Præterea apparet sanguis diuersorum colorum, aliquando ru-  
ber



ber & tenuis quasi sanguinis sanies : aliquando albus & pituitosus; aliquando pallidus, & biliosus : sæpè subobscurus ; & iterum nimis aquosus. Quæ differentiæ indicant Medicis totius corporis fluxum ; quæ vt agnoscantur in illo fluore, intingit Aërius lintum, deinde arefactum lauat, vt remanens macula peccantis humoris naturam indicet.

2 Verum vidimus nos puellam valde pulcrā, cui continuo *Dubitatio.* vterus destillabat, nec tamen discolor erat, nec dolorē sentiebat, nec aliquo morbo laborabat, nisi postmodum in ipsum inciderit.

3 Assignant causam Medici, vel retentionis imbecillitatem, vel *Causa.* expultricis concitationem ; vel amborum læsionem, vel quia totus sanguis redditus est tenuis, serosusque, ex sanguificæ facultatis frustratione, aut serosæ partis sequestratione læsa.

4 Nobis autem, cum dolorificus est fluxus, non videtur secer- *Propria sententia.* ni, & ab eo qui fit ex corrosione vasorum, de qua in superiori articulo: vel eorundem ulceratione, de qua inferius. Necessum est etiam vbi & ista affuerint, venarum aperta esse, vel rupta, vel laxata orificia ; sanguinem verò serosum : & tunc causa inuestiganda est, vnde ista fiunt. Nam facultatibus tribuere, est idem per idem declarare: hoc enim quærimus cur retentrix non retinet, & cur expultrix nimis concitat: & cur sanguifica prauè coquit. Item cur vteri os relaxatur ita, vt sæpè procidat, & quasi pudendum masculinum fiat. Propterea arbitramur causam fluxus aut esse in vasorum laxitudine nimia, aut in sanguinis tenuitate, aut in impuritate turgente, quæ à spiritu eò extenditur, quorsum viam inuenit. Primam præcedens articulus curauit : secundam ille, qui fluxum epaticum prodidit: non enim fieri potest serosus sanguis, nisi jecoris intemperie percalida, vt ibi dictum est. Proptereaque horū fluor similis est aquæ, in qua mactata caro lota fuerit, ideoque & hydropi apta, cuius curam suo loco docuimus.

5 Cum verò humorum vitio, & copia vterinus accidit fluxus, si *Cura.* sanguineus fuerit, apprimè rubeus : primo venam secabis in brachio paræ: deinde per constrictiones extremitatum, & diuersionem procurabis, & per frictiones. Inguinibus verò, & lumbis, & sedi mollia lintea succis frigidarum herbarum, vt solani, portulacæ, plantaginis, & huiusmodi, imbuta applicabis. Adde farinam hordei, decoctum rubi, lentisci, gallæ, aluminis, acaciæ, myrti, rosarum, & cætera adstringentia, & frigida spongiis excepta. Iuuat valde leporis coagulum



coagulum cum aceto potum : similiter & agrestæ succus , & ea quæ in dysenteria, & sanguinis sputo adhibuimus. Laudant Magi pilorum equinorum cineres in aqua sumptos , quod efficacius reor si in aqua lentisci, vel myrti, vel rubi, &c.

7 Cum serosus sanguis factus continuo stillat , ex præcedentibus facile nosces jecoris intemperiem calidam ; & tunc vtere crassis cibis, bonæ tamen substantiæ in lacte coctis, & assatis, quibus jecur temperetur , & sanguinem crassiusculum procreet: quemadmodum cum de fluxu epatico, & hydropes loquebamur, præcepta dedimus. Qui ergo serum purgant, non rectè faciunt, nisi prius eius causam sustulerint.

8 Cum ergo Galenus curat Boëti uxorem ab hoc morbo per dies quindecim : primò purgando per aluum , secundò per vrinam, tertio per sudorem, & transpirationem, ea adhibendo , quæ præfatis conueniunt purgationibus : nequaquam jecoris intemperies calida ad hydropem prona ibi agnoscenda erat, sed vitium in obstructa cute, & in via , quæ serum in vrinarum ducit vias. Itemque in via ad vteri apertionem , & vsum plus æquo factum. Nec serosa modò substantia, sed altera peccans inerat. Quapropter per aluum quidquid per cutem non exiens in vterum labebatur, purgauit prius, deinde per ea, quæ vrinam cient, vt disceret humor , qui in vterum ibat, in vesicam declinare : Aperuit poros , vt transpirare assuesceret, nec in vterum reuerti in aquam actus.

9 Quas ob res nos etiam pituitosum sanguinem hiera, agarico, & myrobalanis purgabimus prius: biliosos verò infus. ros. rub. & citrinis myrobal. deinde quæ cient vrinam consulemus calida, tenuisque substantiæ, & renes respicientia , vt serum sequestretur facilius à sanguine, & frictiones , & cucurbitulas addemus. Præterea quæ diximus suppressere menstruum in articulo præcedenti applicauimus; qua in re alij vtuntur farza parilla, & quibus sudor cietur , & corpus exsiccat , & demum sanguis inraffatur.

10 Cum sanguis stillans cessauerit, fuge balnea, exercitia grandia, vrinam cientia, acrida, salsa, & vterum respicientia, quieti , & inraffatiuis rebus prius assuescat patiens, ne iterum regeneratus, aut irritatus fluor in vterum confluat.

11 Præterea memento , dum manat fluor , tepida aqua, absterfisuis rebus conspersa, vterum sæpè lauare : deinde etiam adstrictiuis,



frictiuis, ne vlcera fanies generet. Adde lac vbi vlcus, aut erosio, vt infra.

*De vteri strangulatione.*

ARTIC. VI.

1 **V**Terum strangulari aiunt cum sursum, aut in latus retrahitur; dira que causat symptomata.

2 Cum enim accessio mali futura est, pallor faciei, tristitia, pigritia, torpor mentis, crurum imbecillitas apparent. In ipsa verò accessione somnolentia, stupiditas, aphonia, priuatio sensuum, crurum contorsio sequuntur; pulsus paruus, debilis, rarus, deficient. Respiratio deficit in ore, pulsatio sola manet: nec tamen sensibilis semper: si quidem, vt actio, non vt actus remanere solet: humiditas in vulua erit. Intestina immurmurant in fine, & laxatur vterus, & paulatim sensus redit, & motus. Solet in quibusdam epilepsia fieri, in aliis conuulsio, & palpitatio, & vertigo, & delirium, quamuis spuma ex ore non egrediatur, vt in epilepticis.

3 At quidem non sola vteri intorsio horum symptomatum potest esse causa, propterea Medici addunt refrigerationem corporis totius, quæ ad vteri frigiditatem fit: cumque neque ista idonea sit, alioquin à niue magis fieret: & intemperie frigida reddita; re-  
*Causa.*  
 & addiderunt quidam flatus vitiosos & putridos ex aliqua putrida materia in vtero genita: & per arterias cordi, & per venas, & nervos capiti, & principibus membris communicata. Nos autem & spiritus ad vterum pro leuando, tollendoque dolore confluxum, vt in cæteris partibus sensus, motus, & respiratio, aliæque cessent functiones. Plato addit errantem vterum ad superiora, & latera, quasi animal res voluptuosas, quibus caret, ad generationem quæritans. Nec satis rectè à Medicis reprehenditur; si quidem non solum errorem, sed putridam materiam adducat flatum emittentem. Etenim planum est, quod vbi fœminæ odores narium admouent, suffocationem patiuntur, vtero sursum vsque ad ventriculum ad odorem recurrente. Sique inferius odores posueris, statim deorsum excurrere videbis: & vbi fœtores posueris, inde aufugit, siue supernè, siue infernè.

4 Quapropter arbitror cum fœtidi in vtero humores, vitiatæque affuerint quacunque de causa, siue ex corrupto semine diu



detento ; quemadmodum viduis, & monialibus accidit ; siue ex copia vitiatu menstrui egredi impotente, siue ex reliquiis menstrui, quæ in abortibus, & partibus fieri solent ; siue ex vlceribus ipsius vteri ; tunc vterum diuisis modis recurrere, & contorqueri, ac simul flatus diros emittere, spiritumque ad sui auxilium, & prauum humoris, & vaporis expulsionem aduocare : vnde fit aliarum functionum, & sensus, & motus abolitio, siue intermissio : dolores etiam capitis, & palpitationes cordis ob foetidam exhalationem. Similiter etiam epilepsiam, vertigines in spiritu modico relicto, si meminerimus quæ de his morbis suis in locis scribebamus. Sic enim omnia clarescent. Conuulsiones etiam comitantur, quoniam spiritus in vterum confluit è neruoso genere ; nervi autem humoribus eius loco replentur, & succis ; nec qui remanet eos prohibere potis est. Et quoniam maior est necessitas amolendi malum, quam functiones edendi : ideo istæ omittuntur, vt in quarto libro docuimus pluries, vbi de pulsu, & respiratione hysteriarum sermo habitus est. Hic nota, quod frigefactio nequaquam à frigefaciente vtero per corpus expanditur in hysteriis, sed spiritu locum passionis petente, calore nativo partes priuatæ, sicuti in repentinis pauoribus fit ; frigescent, pallescunt, torpescunt.

*Periculosior  
strangulatio  
ex semine,  
quam ex  
menstruo.*

§ Periculosiorem faciunt hunc morbum, cum à semine putrefacto multo ortum duxerit, quam cum à menstruo retento. Siquidem ibi, & pulsus, & respiratio abolentur, conuulsiones, & animi deliquia fiunt, vt patet in viduis, & monialibus, priuatisque solito concubitu : & hoc fit, etiam si menstrua in eis fluxerint. Vnde scimus semen esse in causa : item quoniam & vtero contrectato semen multum effundunt patientes.

Nec semper vteri contractio, & torsio fit, sicuti vbi peccat menstruum, quo vasa vteri munientia intumescunt, ac humore exudante conuulsio accidit, & paralytis vteri, quorum humor vrget magis. Fiunt & symptomata iam dicta, non autem respirationis, & pulsus abolitio. Plus enim natura patitur priuata bono, & affecta malo, quam malo solummodo affecta : proptereaque plures ex semine pereunt, & hyeme, & autumnio infestantur magis, quando semen crassius, & meatus obstructiores ; & virgines, & viduæ, præsertim salaciores. Vtitur & diabolus vteri va-

poribus



poribus noxiis in dæmonoplexia, vt pluries docuimus experti, & ex doctrina Sanctorum.

6 Vt ergo ista mala non contingant, procurandum est vt virgines viris iungantur, similiter & viduæ iuuenulæ, vt etiam Apost. admonet; aut si Deo viuere volunt, cibis vtantur sterili-  
*Virginitas quibus sine morbo seruetur.*  
 lium plantarum, & animalium, & qui semen potius extinguunt, quam gignunt; de quibus in superiori capitulo diximus. Abstineant à carnibus præsertim multis, & à vino, nisi cogente stomacho aquatum modicum bibere. Olera sunt eis aptiora, quàm semina. Potus cibique parcitas plurimum valent, & disciplina Patrum ad edomandam carnem. Tolle vsum, & sermones, & cibos potusque venereos; & victor eris. Ne autem ex mensium suppressione idem malum oriatur, quæ menses cient  
*Cura cum ex mense.*  
 adhibenda erunt in cibo, & potu, & vulua; præsertim quo tempore accedere scimus. Exercitium, & res sanguinem purgantes valent. At cum accedit morbus, iubet Hippocrates naribus foetores vrinae, stercoreis, assatae soleæ, sagapeni, galbani, assæ foetidae, lucernæ extinctæ sulphurisque, adhibere. Vtero è contra odores storacis, aloës, caryophylli, thuris, zibethi, ambræ, & huiusmodi, apponere. Verum ad quid ista fiant, Medici non satis intelligunt, cum ad frigationem tollendam tam contraria adducant, aut ad conuulsionem.

Nostro autem in dogmate extemplò affulget ratio: ex quo enim spiritus corporeus, qui odoribus nutritur, & foetoribus perditur, corpus regens, ex capite, & corde, & arteriis cogitur in vterum ad tollendas causas doloris confluere, necessariò cætera membra sensu, motu, & calore priuantur; ipsæque spiritus ibi vnitus suffocatur, & minuitur: munia verò suæ refectioni necessaria, quæ sunt respiratio, & pulsatio, omittit. Itaque eodem tempore minuitur labore vteri, & non reficitur sua in sanguinem actione; vnde necessariò sequitur mors. Propterea experientia docuit veteres, fouere spiritum, & alligere. Dum enim spiritus à tetrionibus odoribus se in capite, & corde infestari sentit, reuertitur ad respirationem, & pulsationem, & corpus sensificandum: odores verò in vtero admonent spiritum, ibi non esse opus tanta eius attentione, sed vt reuertatur in caput, vbi maior indigentia: siquidem odores tollunt ab vtero foetore, & flatum dirum, suppleantque vicem



spiritus, adiuuantque simul implantatum, qui remanet spiritum, ad prauitatis expulsionem.

8 Quas ob res vbi vocibus, & aceto, & pipere in naribus non reuocatur spiritus, tunc foetores applicandi: caput etiam aceto, & rosacea perfundendum est, vt tetri vapores vteri dissoluantur, & spiritus rediens auxilium habeat contra eos. Vtero verò non solum præfatos odores, sed etiam olea calida iniicies, nardinum, irinum, rutaceum, & in quo cuminum, moschus, anisum, & huiusmodi. Sic enim deorsum sponte recurrit ad horum fruitionem: ac propterea aperitur, & laxatur ad prauos humores expuendum. Propterea obstetricis manus eiusmodi oleis intincta contrectabit leniter, & titillabit vterum, vt exorta voluptate semen prauum emittat; quod Galenus in vidua faciens statim liberauit ipsam. Adduntur etiam pessi in his, quæ suppressione mensium laborant, quales suo loco docebamus. Nec zibethi, & moschi vnquam obliuiscaris, quibus supra modum vulua delectatur. Præterea alius clysteribus acutis, aut suppositoriis subducenda: vesica cientibus mictum: nec vterus stercoribus, & vrina medius prematur magis.

Item præcordia fasciis premantur; abdomini, sedi, & inguinibus sacculi ex rebus, quas mensibus suppressis applicabamus, ad-moucantur, & hæreant. In sessiones non fiant; quoniam mulier aptariis nequit dum patitur: at spongiæ imbutæ decocto cientium menses, non sunt respuendæ. Cucurbitulæ etiam, & sanguisugæ non sunt aspernandæ.

9 Vbi verò quieuerit accessio, purgandæ sunt agarico, hiera, sagapeno, foetidis pilulis, prout ratio postulat. Syrupi autem erunt de his rebus, quæ semen minuunt, aut menstruum mouent: de quibus sæpe: nec cessent pessi ex moscho, zibetho, diamb. ruta, git, cumino, &c. Similiter & olea, vt supra.

10. Laudant Magi testudinis epar tritum in pefso.

### *De procidentia vteri.*

#### ARTIC. VII.

*Quid, & quomplex.* 1 **E** Contrario vterus foras elabitur, aut totaliter euersus, aut ex parte. Quod tripliciter fit, aut per transformationem, aut per passionem morbificam, intrinsecam, siue extrinsecam.



2 Transformatur quidem cum concavum extrorsum emissum fit conuexum, masculinique pudendi speciem assumit, quemadmodum apud Plinium, & Galenum, & Telesium, & in historia Neapolitana, legimus de fœminis in viros conuersis.

3 In causa est pronitas ad luxuriam, titillatio, agitatio, & ligaminum exilitas. Compertum est enim, quod primo die, quo ad nuptias feruntur, ex auiditate mascullescunt: & quædam virgo in Amatrice, oppido Picenorum, virili confricatione alteram amplectens in masculum versa est. Neapoli vero absque his actibus puella nata post octauum diem versa est in matrem sola pronitate, & laxitudine. In his nulla adhibenda est medicina, sed natura perficiendum. Vidi postea monialē Hispanam de Ouedo versam in marem, & factum militem. Facies tamen aliquid fœminæ gerebat. Sed veretrum masculi vidimus multi Neapoli in castro nouo.

4 Morbificæ vero causæ duplices sunt, alia interna; vt cum plurimi humores in vterum confluentes foras impellunt. Item si muscoli sustinentes vterum, ac membrana, resoluuntur ex ætatis inclinatione, aut partuum frequentia; quæ omnia faciliè innotescunt.

5 Aliæ sunt externæ; videlicet casus ab alto, magnus conatus, plaga vteri, oneris eleuatio, magnus animi affectus, quibus valdè commouentur: ita vt ligamenti relaxatis vterum secundum os extra feratur quasi oui magni persimile, cum sanguinis eruptione, dolore lumborum, præcordiorum, ac pudendorum.

6 Vtriusque cura à repositione vteri in suum locum incipiet, *Cura.* eleuatis cruribus, depressis lumbis, prout ratio postulat. Vtque melius fiat, stercora, & vrinam per clysteres, & ea, quæ mouent mictum, euacuentur: deinde oleo tepido, vel butyro, vel in aluæ, althææ, plantaginis, betæ, sem. lini, & huiusmodi decoctione partem promissam vteri fouebimus. Mox lanam complicatam intra tenue linteum figura, & crassitie vtero respondentem, acaciæ, vel hypocystidis succo, vel vino madidam applicabimus, vel impellemus paulatim, donec tota moles vteri suum in locum reponatur.

7 Ne autem vterus relabatur, odores naribus, & cucurbitulæ umbilico applicabuntur: lumbis verò adstringentia, & frigida: vteri orificio lana, vel spongia aceto perfusa, vel vino nigro, vel decocto myrti, rubi, mali granati, & similium subdetur. Fient



etiam cataplasmata, & cerata ex adstrictiuis, & odoratis rebus, & fale, & aceto, vt Medicis videtur.

8 Verum consultius erit assæ fœtidæ, & solearum vstarum fœtores subiicere vtero; naribus verò odoramenta, vt non euer- ti, sed inuerti sursum discat, hoc enim promptissimum reme- dium experti sumus.

9 Præterea mulier ab exercitiis arceatur, & à venereis quies- cat; & dormiat eleuatis poplitibus, depressisque carina, & ventre; nunquam tamen prona, sed supina, cibis exsiccantibus, & agglu- tinantibus, bonique odoris vtatur, & qui modicam faciant vri- nam; nec ad mingendum & cacandum fiat vis: potius autem cly- steribus iuuanda natura.

10 At verò si prolapsus vterus temporis diuturnitate, & iniu- ria computruerit, pars putrida emissa refecanda erit: nam etiam si totum refecabitur, periculum nullum aderit, vt Medici ve- teres probauerunt, nostræque tempestate Turcæ & veretrum, & testiculos amputant immaniter, rarò sequente morte: sanguinem enim, & confluxum humorum igne supprimunt, & adstrictiuis, & consolidatiuis rebus secundum artem.

### De vteri inflatione.

#### A R T I C. VIII.

*Indicia in-  
flationis.*

1 INflatio vteri agnoscitur ex crepitu aliquando ipsius vteri, ne- dum ex murmure, & rugitu, qui in abdomen etiam indidem communicatur, cum in sinu eius interiori flatus innascitur. Cum autem in eius spongiosa raritate etiam, nedum in fistula sit, do- lores adsunt crudeliores; communicantur autem pectini, lumbis, lateribus, & vmbilico.

*Causa ex  
Medic.*

2 Causa inflationis est, aut frige factio oris vteri, vt aiunt Medi- ci; sed reuerà frigus per se non inflat, potius autem constipat, & indurat: sed repercutit exhalantes vapores, & humores, incrasat- que ita, vt flatus crassus ex eis ingeneretur: etenim & masculi dum super frigidum sedent lapidem, crepitibus ex ano grossis exuberant.

3 Aut est ab humoribus multis in flatum versis; nam & cum post partum, & abortum sese flatus insinuare extrinsecus putantur: non est credibile, quòd tantos dolores, & inflationes faciant, nisi vt alij flatus ingenerentur sint in causa per repercussionem, vt di- ctum



atum est prius: non enim per inspirationem vt in corde id faciât, cum nullis follibus, & repercussionibus agant repetitis, & intrusis.

4 Curabimus flatum hunc vtrumque cibis, & potibus attenuantibus, & calefacientibus. Item oleis calidis vtero immis- *Cura.*  
& fomentis acutis, flatum dissoluentibus, ex cynamomo, aniso, origano, &c. de quibus in colica passione, & ventriculi flatu meminimus: sacculi etiam admouendi aromatici: & clysteres calidi, tenuésque. Quod si etiam perseverant flatus, minera expurganda est per hieram, & quæ flatum solunt, & crassitiem. Aliquando etiam per vomitum.

5 At si grumus, aut alia causa ostium vteri obserauerit, vnde retentus humor in flatum abeat; quæcunque referant, & grumum tollunt prius dicta, hic adhibeantur.

*De vteri ulceratione.*

ARTIC. IX.

1 **V**Lceratur vterus stillicidio acri, & sanioso: item abscessibus criticis, vel symptomaticis. Solet & partus, & coitus *Causa.*  
ardens, vitiatumque semen etiam vlcus adicere. Idem parit inflammationem.

2 Indicia sunt sanies scatens, dolor punctorius vteri, capitis, & *Indicia.*  
oculorum afflictio, exinde eleuatis vaporibus. Sed cum ex inflammatione dolor pulsât, & sanies, paucior, & acrior. In sordido vlcere copiosior, & minoris cruciatus. In depascente foetidus, & niger cum vehementibus doloribus. Peius autem si & cancer aderit serpens.

3 Horum cura est qualis contra phlegmonem, & vlcus. Nam *Cura.*  
mitigantia, frigefacientia, & aperientia requiruntur, de quibus in vlcere virgæ, & renum inflammatorum simul. In aliis, quæ de vlceribus dicta sunt. Si autem cancer affuerit, in vltimo capitulo fermo de eo nos manet.

*De vteri inflammatione.*

ARTIC. X.

1 **C**oncursus acris sanguinis, & humorum multus, irritatione *Causa.*  
accedente, inflammationem in vtero parit. Item ictus, confricatio in equitatione, & retentio transpirationis.

2 Horum signa ex præcedentibus cape: symptomata sunt com- *Indicia.*  
munia



munia capitis, & lumborum, & pectinis, & vteri dolor, & tensio. Item digitorum, & colli conuulsio, vomitus, & nausea.

*Gura.*

3 Curatur, vt alia inflammationes. Primò venam aperiendo ad diuertendum, si partus, aut sanguinis euacuatio, & virium debilitas non præcesserunt. Frictiones, & ligamenta extremitatum fiunt. Victus tenuis, vt in cæteris præcipitur phlegmonis. Refrigerantia adduntur cataplasmata, & emplastra, non actu frigida; & quæ in aliis apposuius. Præterea purgatio, si humores abundant peccantes, & cum suppurationis signa sæpè narrata, affuerint, iuuabimus; cum ruptionis, auxiliabimur per propria, & post abscessum, per sua abstergentia, & solidantia; de quibus sæpè, & c. Pessi valent insuper ex lacte, butyro, & lenitiuis, & repersuuiis ante suppurationem: deinde ea, quæ huic conferunt.

### De mola.

#### ARTIC. XI.

*Quid mola,  
que causa.*

1 **M**olam esse informem carnem in vtero mulieris genitam ex vitiatis seminibus masculi, & foemina: atque ex menstruo sanguine per calorem concretionis, arbitrantur omnes. Nemo tamen defectus huiusmodi rationem pandit, sicut neque monstrorum. Videretur tamen sapientiæ formatricis participatio in spiritu stupefieri ob vitiatum sanguinem: itaque & fabricam architectari non valere, qualis foetui concepto requiritur. Potestatum quoque læditur, eo quod pauci feminis vis à multo menstrui profluuium obruitur.

*Indicia.*

2 Cognoscitur mola ex hoc, quod omnia prægnantis indicia habet, scilicet vteri tumorem, & mammarum, sine tamen lacte; appetitus ruinam, mensium suppressionem, stomachi subuersionem, lumborum grauamen, colorem pallidum. Adest tamen & dolor punctorius, & motus carentia, quæ in prægnante non sunt, sed reclinatio quædã per manus prementes facta; & gracilescit corpus, & intumescit venter, quasi hydropicorum; non tamen cedit tactui, nec sonat, vt in hydropicis.

*Gestationis  
tempus.*

3 Fertur in vtero per annum, aut duos, aut tres, & paritur vt foetus; aliquando plus perseuerat, & consenescit, aliis vsque ad mortem, sæpè in hydropem degenerat: aliquando sanguinem cum dolore emittit. Horum ratio facilis, & in promptu, ex forma vteri, & molæ, eiusque qualitate, ac quantitate.



4 In curatione præcipitur victus, qui nec semen, nec sanguinem multum, neque excrementa generet, sed qui aperiat, & frangat, vt in lapide renum, & vesicæ dictum est. Vterus amplificetur adipe, oleis, medullis, vt dictum est, cum de eius obstructione loquebamur. Deinde ea quæ cient menses, & vrinam, adhibeantur tam in cibo, quàm in pëssis, cataplasmatibus, & emplastris. Laudant anethum, & rutam in vino pota. Cætera in capite de vesica, & renibus, & hic in articulo de suppressione mensium: caue ab his quæ retinent; de quibus in alio articulo.

Bonum esset, si quis intrudere intra arundinem aliquid corrosiuum posset, quod tamen per immissum stylum non effertur ex arundine, donec molam tangat, ne uterus afficiatur: si tamen mortua mola spes est vt minura, & putrefacta absque periculo excernatur. Ea etiam, quæ secundas extrahunt, hic valent, de quibus in artic. sequenti.

*De partus difficultate.*

ARTIC. XII.

1 **Q**uoniam difficultas partus accidit aut vicio parturientis, aut foetus, aut secundinarum. *Distinctio.*

2 Vitium parientis primum est, si obesa sit strictoque ore vteri: quod ex habitu corporis, & ex tactu agnoscitur. Huic succurritur, si uterus manu obstetricis adipe, & medullis obrectatus mollior redditur, laxaturque. *Causa, indicia, & medicina singillatim ex parte parturientis.*

3 Si vero densitas, & strictio à frigore est, tunc calidis oleis, & potionibus uterus, & venter sunt præparandi.

4 At si timiditas mulieri obest, tunc confortabitur rationibus bonis, & vino expellente timorem, & leonis pinguedine.

5 Si primipara, & inexperta, docenda est, vt timorem spernat, flatum contineat, & musculis abdominis premat foetum, sicut solemus stercus; & in sella ponenda genibus sublatis, & abdomine erecto, vt os vteri deorsum propendeat in hiarum.

6 Si autem debilis ob relaxationem fuerit, & spirituum resolutionem, quod ex corporis imbecillitate, voce exili, aliisque notis, scitur: tunc agram brodiis, & odoribus benè rescientibus confortabis: & infusionibus, & asperfusionibus ex vino, myrti decocto, & vltis soleis, & rubis, cæterisque laxationem adstrin-



gentibus, os autem vteri non claudentibus, vtendum.

7 Si stercora, aut vesicæ pondus, aut calculus obfuerit: his per medicamenta suis dicta locis, prius prospiciendum.

*De partus  
seculo.*

8 Si partus fuerit ante tempus, hoc est ante septimum mensem, lumbis affigemus, & abdomini, & pectini quæ partum retinent. In septimo enim aliquando, octauo, nono, decimo, & vndecimo nascuntur, & viuunt, nisi fœminæ fallantur, cum deficientibus menstruis concipiunt vno mense. Tunc tamen verè secundum naturam erit, cum alimentum in fœmina amplius sufficiens non habet, & robur suum acquisierit: ita, vt præ indigentia calcitret, rumpatque, quibus inuoluitur, membranas. Vnde lassus in octauo, si mouit se in septimo, nascens non suffert æris iniurias, moriturque: aut quia octauus mensis est saturninus, aut ob cæteras causas in Astrolog. & Physiolog. olim scriptas.

*Ex parte fœ-  
tus.*

9 Difficultas ex parte, fœtus est, si nimis magnus corpore, vel capite, cui proinde videatur angustum vteri os: idque ex mole tumoris, & tactu, & parentum magnitudine venabimur. Auxiliabimur autem os vteri dulcium amygdalarum oleo, butyro, & gallinæ, & facile parturientium animalium pinguedine, illinendo, laxando, & manu simul amplificando.

10 Si autem fœtus imbecillis sit, exiguusque, vt egredi non valeat: mulier abdominis pressione sese adiuet.

*De numero  
partuum.*

11 Cum vero fuerint duo vel tres, vel quatuor, vel quinque in vtero, vt sæpè accidit, & quidem Margarita Flandriæ Comitissa 365. edidit, & baptizauit, quod portentosum fuit: tunc alterum post alterum obstetrix extrahat: & si simul in vteri os collabuntur, reducendi sunt manu, & narium erectione, & deinde dextrè finguli extrahendi.

*Configuratio  
nascitis qua.*

12 Et cum naturalem configurationem exeuntis non seruat fœtus, periculosus est partus valde sibi, & matri. Naturale quidem est, si in caput exeat admotis ad femora manibus: vel si pedes prius iuncti exeant, manusque adhærentes lateribus sequantur. Si autem nates, aut venter, aut alia media membra in os vteri primo inferantur, vel vna manus exeat foras, vel pes vnus: tunc non est trahendus foras, ne luxetur rumpaturque ipse, aut mater: sed dextrè intrudendus manu calida adipe lita, iunctis intromissa digitis; conandumque vt naturali configuratione adepta prius, mox extrudatur.

*Cura.*

13 At si mortuus fuerit partus, ex motus priuatione agnitus, diciffi



difficilior erit; tunc trahendus obstetricis manu pellendusque matris abdomine : & cum desperatur configurationem adipisci posse cōmodam, & mors eius, matri, ob putrefactionem, minatur mortem : tunc per chirurgiam particulatim sectus extrahendus, quod etiam viuis misere faciendum : ne ipse, ac mater simul pereant : & si tangi potest, ita prius baptizandus, multo autem magis cum partus monstrosus fuerit, biceps, triceps, quadrimanus.

14 Contingit etiam matrem mori foetu viuente : & tunc latus cædendum, vt foetus extrahatur, ex quo dicti sunt Cæsares.

15 Ex parte secundæ membranæ partum, ambientis, difficilis est partus, si dura fuerit, ita vt à foetu rumpi nequeat, tunc nos ipsam arte dissecabimus. Si verò tenuis, vt facile prius rumpatur, quam foetus exitum adoriatur : tunc sanè fluens humor, qui laxare vteri os habet, collectus inter membranas in causa est, vt remaneat ariditas, & foetus ad exitum non vnctus. Consultemus his, loca vteri oui albumine, decocto maluæ, aut fœnugrææ, perfundendo, & madefaciendo.

Ex parte secundæ membranæ.

### De secunda derelicta.

#### ARTIC. XIII.

1 **P**Rodeunte foetu secunda membrana, quæ radices in venis duabus, duabusque vteri arteriis agit, vnde per vmbilicum alitur, spiritumque sumit foetus, aliquando non ruptis hæret radicibus : quæ si relinquatur putrescit, suæque exhalatione pestilenti caput, stomachumque, & cor afficit ad necem.

2 Extrahitur ergo prius, sternutationem per sternutatoria procurando : deinde verò manus calida adipe inuncta, vtero immissa paulatim extrahet, si complicata in aliqua vteri parte resideret : si verò radicibus hæret, pedetentim euellatur, non per vim recta extrahendo, ne vterus simul procidat, sed ad dextram, & ad læuam, donec extirpetur, ac simul tandem efferatur absque mulieris incommodo.

3 Si autem vteri os conuinet, pinguibus, & fomentosis aperiatur, vt supra; & fomentis ex origano, aniso, pulegio, & rebus, quæ menses cient interea, & odoratis inspergatur, ne foetus odor secundæ corpori noceat, exituique apta reddatur. Valet & in



mulsa epota, bdellium, fabina, thus, styrax, lapis gagates, artemisia, &c. Item pessi ex myrrha, & cyclamino, adipe anserino, & oleo irino. Etenim si extrahi non potest per vim, putrescens paulatim exibat in frusta discerpta per obstetricis manum; & prædictis rebus adiuta, ne molester puerperam.

4 Ex Magia valet ad secundas educendas, & mortuos foetus, aristolochia, cyclaminus, iuglans, nux indica, pinus, arum, dracunculus, allium, cornu cerui, equæ axungia, fel cati, canis secunda, hippoglossum.

5 Partum facile reddunt lapis aquilinus, corallium, styrax, radix polygoni, cruri parturientis alligata. Item stercus falconis, crocus, saccharum candidum; cynamomum, cassia, myrrha, castoreum, cicerum rubeorum decoctum, & foenugræc. in vino, aut aqua capill. ven. Item pini cortex, & resina, & cuminum in suffitu. Item fel cati, & canis; torpedo, pastinaca marina, squatina, galeus, vipera, lien equæ, & vngula, anseris ouum, caro lupi secundum artem applicata.

*De instrumento nutritionis speciei: eiusque morbis,  
hoc est, de mammillis.*

## C A P V T    X X I I.

*Morbi quatuor mammillarum.*

I **A**ppetitiui multiplicationi deferuiebat vterus: eiusdem nutritioni deferuiunt mammae: quapropter de istarum morbis, & medela dicendum venit: non enim solum habent analogiam, sed etiam vasorum communitatem. Siquidem lactantes etiam menstruo carent, quemadmodum prægnantes, ut lactis generationi natura sufficiat. Sunt ergo mammillarum morbi defectus lactis, & redundantia, & grumescencia, & inflammatio, de quibus singillatim.

*De lactis defectu.*

### A R T I C.    I.

*Distinctio causarum defectus lactis.*

I **D**uplici ex causa deficit lac, primò ex intemperie calida, siccaque, siue naturali, siue accidentali. Illam agnoscemus ex temperamento sicco, & macilentis mammis, durisque pultribus: hanc ex modico exercitio, & laboriosa vita: quam in rusticanis, & saltatricibus deprendimus: quas propterea etiam menstruis carere



carere docuimus. Harum curatio fit per ocium, & balnea dulcia, *Cura.* & cibos humidos, facile in substantiam foeminae conuertibiles, praecipue sanguineam, & lacteam; quales sunt haedorum carnes, caponum, porcorum, &c. Vinum, lac, amygdala, pistacia, pinea, &c. in sequenti num.

2 Ex defectu boni sanguinis siue naturaliter, siue accidentaliter; quod ex colore pallido, malo corporis habitu agnosces. Item ex immodicis euacuationibus per medicinam, aut menstruationem, aut haemorrhagiam mariscarum, &c. Curabitur ergo per ci- *Cura.* bos probum facientes sanguinem, humidos, blandique calidos, idest, pullos gallinaceos, capones, vitulinam, anserinam, haedinam, oua forbilia, amygdalas, pineas, cythisum, ptisanam, anethum, sesamum, marathrum, puluerem lapidis galetidis, vuam, lactucam, cucurbitas, cerasa, pisces saxatiles. Coques autem in lacte carnes valde vtiliter. Vinum etiam lacte mistum propinabis, & mustam. Curabis etiam ne menstrua defluant per supprimentia, nisi pessimus sit sanguis.

3 Cum ergo sanguis vitiosus est, purgatio addenda siue bilis, siue melancholica, & caeterorum excrementorum, secundum artem: & cibus vtendum humori contrariis, lacti vero amicis. Item mammae perfricandae, vt lac ad ipsas concurrat, & exugenda. Saepe enim defectus suctionis ex debilitate infantis causa est, vt aliorum sanguis viam teneat.

### De lactis redundantia.

#### ARTIC. II.

1 **A** Deo in quibusdam redundat lac, vt grauentur, & doleant, *Descriptio.* & nisi succurreris inflammetur, aut grumescat. *Causa.* Causa est boni sanguinis copia turgens, & menstruorum retentio. Cum quibus semper etiam boni sanguinis affluit pars.

2 Curantur venae sectione in poplite, & menstruorum procu- *Cura.* ratione: ictu tenui & pauci sanguinis ex aceto vtendum; aqua, vel cynamomi decocto. Profunt exsiccantia citra calefactionem nimiam, emplastra & cerata mammis apponuntur adstringentia & infrigidantia, ex myrto, mentha, ruta, plantagine, farina fabarum, lectum, rapistro, portulaca, coriandulis, ex pyrite lapide, & aceto rosato, posca, croco, cumino, foenugraeco, psyllio.

3 Restinguunt alia lac penitus psyllium cum aceto, & alumine, **ZZz 3** & corian-



& coriandri succo, ac rosaceo. Item fœniculum, apium, oreoselinum, malva, althæa, radices, folia lauri, & chamomilla decocta & panno excepta mammillæ applicata. Addunt resinam terebinthinam sapius vino & rosacea ablutam, cum duobus ouis, & croco in papillis bis in die in modum cerati. Item ea, quæ lac dissolunt, ut in sequenti articulo.

*De lactis induratione.*

ARTIC. III.

**I** Ac indurari in mammillis contingit aut propria crassitie, L copiamque, aut calore ibidem prævalente, quemadmodum cum feruet in cacabo, condensatur.

*Causa,  
Correctio*

2 Purant alij conuerti in caseum à calore; in grumum à frigore: sed reuera frigus nullum, nisi valdè potens, lac indurescere facit; quod quidem in mammis inueniri nequit, cum non nisi à calore gigni possit. Verum est, quod coagulo acetoso condensatur, non quidem tãquam frigido, sed calido acutè partes tenues educente; reliquas verò tum propter sui similitudinem cum illis, tum tenuium abscessu cogente: quod tamen manifestius facit potens calor, à quo solo in grumum verti putamus; nisi forte quis pro frigore acetositatem quandam accersat.

*Cura.*

3 Si copia lactis parum, vel nil exusti, sit in causa, tunc ea, quæ lac diminuunt, ut superiori articulo declarata, conueniunt: si tamen prius sensim lac in mammillis concretum quis exfuxerit.

4 Si verò nimio calore condensatur; quod habitus corporis, & ardor declarat, tunc cibos substantia frigidos adhibebis: mammæ verò portulacæ succo, solano, & rosacea perfundes. Item alsine, & cimolia terra, & aceto, & althææ decocto, fœnugræc. & huiusmodi.

5 Si crassities sanguinis lac de se crassum viscosumque producit, tunc ea, quæ sanguinem attenuant adhibebis, & cibos tenuis, calidæque substantiæ. Præterea coagulum leporis ex aqua tritum, & epotum, & mammis appositum, lac fluidum reddit.

6 Idem facit calaminthæ folium, laser, acetum, menthæ folia, hinnuli coagulum, flos brassicæ, papauer, & quidquid solet coagulare, coagulatum lac dissoluit.



*De mammillarum inflammatione.*

## ARTIC. I V.

**C**ontingit puerperæ inflammationi mammillarum ex lactis redundantia, & coagulatione: præsertim ubi biliosus sanguis lactescit. Cæteris vero fæminis sanguinis abundantia biliosi irritati inflammantur: præsertim si ictus, aut morsus, aut nimia exsuctio interuenit: quibus non curatis & scirrhus, & cancer, & suppuratio & vlcus accidere solent.

**2** Curabuntur venæ sectione, diuersione per extremitatum ligaturas, sed præcipue per mensium prouocationem, & cucurbitulas circa vterum, qui mammis correspondet.

**3** Contra grumum ea, quæ lac liquefaciunt adhibebis: contra inflammationem ea, quæ refrigerant: præcipue autem citrullum, & lac asininum; acetum exceptum panno in aqua gelida. Conuenit & decoctum chamæmeli, & oleum rosaceum cum aceti mistura mammis adhibitum. Item farina hordei, fœnugræc. sem. lini, sesami, aut medulla panis cum butyro, vel lacte per modum emplastri. Valet althææ decoctum, & malue, & cætera aliis in inflammationibus celebrata.

**4** Si signa suppurationis affuerint, per ea, quæ illi conferunt, adiuuabis: & cum ruptionis tempus affuerit, per ea quæ rumpunt: quo peracto per ea, quæ abstergunt, & solidant, vt sæpe dictum est.

*De morbis exterioribus, cutem fœdantibus.*

## CAPUT XXIII.

**P**ostquam de morbis corpus spiritumque intus afficientibus, dictum est singillatim nunc de morbis qui extrinsecus in cute munitiuæ organo potestatis, sedem habent, aut manifestantur, dicere conuenit: quorum alij per vim extrinsecus illatam inueniuntur, quorum negotium Chirurgis demandandum est. Alij verò extrinseca ex causa vel innata, vel contagio fœdata, *Distinctio.* ortum habent: & de his primò ratiocinabimur. Horum alij cutem primo maculant, alij tumefaciunt; alij vlcerant; alij vtrumque: Rari enim sunt, qui postquam tumefecerint, non vlcerent etiam; similiter & qui maculant. Sed distinctio accipitur ab




ab eo, quod primò & principaliter accidit. Vlceratio enim non semper, ac principaliter, sed ex consequenti fit: vt patet in carbunculis, & apostematibus, qui tumores sunt, ad quos sequitur vlcus, cum suppurantur. Incipiendum ergo à maculis, tanquam à simplicioribus.

*De causis & occasionibus morborum externorum.*

A R T I C. I.

*Distinctio  
notabilis.*

I.  Mnes quidem morbi cutanei fiunt, aut ex nimia humorum ad partes exteriores effusione: quos sanè natura neque prorsus attenuare, & in vaporem actos foras educere potest; neque quales sunt crassios statim, rupta cute, propellere, qui proinde immanentes diuersos tumores, & ylcerationes, & maculas efficiunt, nouosque colores, vt patet in apostemate. Vel fiunt ex prauitate atque impuritate humorum, quæ extrorsum segregata in cute sedem locat, eamque foëdat, vel etiam forat, vt de næuis in Physiolog. dicebamus, & lentigine, & impetigine. Aut à partis alendæ deprauatione: siquidem cum nutrimentum probum ad ipsum accesserit, non accipit ex eo quod sibi proficuum, sed quod deterius, ipsa deteriorata aliquo ex accidente: simile enim simili nutritur: & in hoc locum habet vitiligo. Si accipit & proficuum, & dissimile, siquidem nutrimentum nullum soli particulæ attrahenti simile est, sed inest illi & pars ad alias partes transmittenda, & fax in cutim extrorsum propellenda: quam sequestrationem cum non fecerit pars alenda, in morbum incidit de natura propellendi humoris. Est etiam vbi debilitas conuertendi in suam substantiam nutrimentum, efficit, vt ipsa potius in nutrimenti naturam abeat, sicuti qui inebriantur, vinosi fiunt carne, & spiritus; & qui mordentur à cane rabido, canini, dum venenum vincit temperiem nostram, & non temperies venenum in se vincendo commutat. Quapropter multum interest, an prima coëctio peccet in ventriculo facta, vbi morbi viscerum fiunt primorum: an secunda in jecore, vnde intemperies, & innutribilitas membrorum accidit, & aqua intercus, &c. an tertia, quæ in membris fit dispersito alimento, siue totis, siue vni, vnde morbus communis in tota cure, aut in vno fit membro exteriori.

*Vitium in  
triplici co-  
ëctione quid  
possit ad cau-  
sam.*



## De morbis maculosis in cute.

**A**D maculosos cutaneos morbos spectant impetigo, cuius <sup>11. Morbi maculosi.</sup> pruritus est, scabies, lepra, porrigo, achores, seu tineæ, alopecia, ophiasis, mentagra, vitiligo, cuius est leuæ, alphas, & albus, & niger; elephantiasis, suggillatio, vibex, & multa huiusmodi; de quibus singillatim loqui oportet.

## De impetigine, pruritu, scabie.

## ARTIC. II.

**1** Impetigo cutis asperitas esse videtur non totius, sed quarundam <sup>Descriptio impetiginis.</sup> partium gracilis, acuta, serpens ut plurimum in facie deturpansque superficiem; scabra est tangenti, & pruritus addit: solet tamen pruritus citra scabrositatem ullam fieri ita, ut scalpenti assidua cupido adsit, & ulcera non sequantur: huic solet succedere scabies, quæ etiam tubercula addit, & furfures, & pus. Suscipit scabiem lepra sæuior, qua etiam corpus liquefcit, & tabescit.

**2** Impetiginem facit spiritus sordidus ex pituita falsa, putri acrisque, in extimas delata partes, pungensque cutim: ex qua cum exire non valeat, cuniculos facit subcutaneos, serpitque quorsum facilius via. Potest & à bile acris, & seroso humore amplius cocto, externasque delato in partes fieri: ubi refusus introrsum serpit. Non enim ita facile in cæteris partibus fit ac in facie, ictibus aëris opposita, densataque: sicut tubera è contra & ulcera in cute graciliori solent grassari. Cum autem præter paucos siccifque humores alij ad cutim confluerint, tunc fit psora, seu scabies per totum maiori fluorum copia; & quidem iidem humores acres eius sunt in causa, sed copia addita ampullas producit ex mistura feri & alterius pituitæ. Si autem bilis atra torrida affuerit, lepram faciet. De qua sequens articulus contextetur.

**3** Pruritus si à cōtagio ortum ducit, cutis succum indicat læsum, <sup>Cura.</sup> & spiritum ibidem implantatum: & tunc facile sanatur solo dulci balneo educente vaporem prauum, quem contactus scabiosi hominis induxit: sit autem balneum tepens, & confricentur benè omnes partes ita, ut exhalet vapor malus. Deinde addantur lauacra ex vino optimo, & aceto, quæ vaporem illum occidant,



& meliorem inducant. Hoc autem faciliè pro voto succedit, si subito medela applicatur, antequam ad interiora labefactanda vapor ingeratur : præsertim in jecur & viscera, sanguinis officinas.

4 Si autem sanguis præue affici cœperit, & phlebotomia erit à principio adhibenda, ne subministret cuti prauitatem : & purgandus, & bonis reficiendus cibus.

5 Et cum prauitas non desierit, ponatur in balneo contusum apium, farina fabarum & lupinorum, fœnugræci, malua: adduntur fomenta ex saluiæ, origani, pulegij, lauri, & radicum cucumeris siluestris decocto.

Item affricatio sulphuris in puluerem acti axungia mistum, & apij succo, & nucum cortici, sola salutem præstitit non semel.

6 Si autem non ex contagio, sed ex prauitate intemperiei diu contracta, pruritus affuerit: purgandi sunt humores ex arte prius; deinde balnea, & affricationes sulphuris sequantur.

7 Cum pruritui scabies adiungitur; si inueterata fuerit, aut ex se enata, sectione venæ opus est, & pharmaco solam purgante pituitam, & bilem, præsertim atram; deinde balnea sequantur, & inunctiones ex sulphure & succo scabiosæ, & oleo, &c.

Item calx, & oleum sæpè profuit; oleum ut pateat introitus, calx ad occidendum vaporem & humorem serpentem. Deprauatus enim spiritus crassus facere solet fœditatem scabie, vnaque humor, quem calx, & sulphur non deleret, si pituita falsa esset in causa mali, ut videtur Medicis: immo aueretur simili. Neque enim attractione educit calx, sed abstersione humoris & extenuatione succulenti vaporis extinctioneque.

8 Impetiginem simplicem iisdem curabis. Adde affricationes ex parietariæ succo acetóque cum puluere ammoniaci, vel folia vitis in aceto trita. Item alumen, sal fossile, staphis agria, lithargyrium, & multa huiusmodi, aceto, butyróque affricata. Sputo etiam ieiuni impetigines sanari vidimus. Et excoriatoriis rebus nitro, ære vsto, vitriolo, elleboro, &c. ubi inualuerint, vtuntur Medici: mox vlcera repurgant, & glutinant tandem ex arte.

Præfatorum morborum victus sit ex carne iuuenili, pullis, virulina, lacte, cichoriis, lupulis, buglossa, ptisana, malua, beta: Aues ficedulæ, turdi, perdices, &c. Caue ab alliis, cæpis, pipere, sale, cæterisque salsam pituitam, aut acres quoscunque humores, gignētib. Item à carne vaccina, ceruina, & auium coruini generis, & cicere



cicere, faba, lente, brassica & quidquid melancholicum & falsum auget humorem. Item à forbitionibus pinguibus & humorem augentibus Siccus enim esse debet cibus, & potus ex vino albo absterfuo, vel ex sero: aut si humidus est, brodium sit cichorij, endiuæ, aut cæterarum rerum, quæ sanguinem mundant, & jecur temperant: de quibus alibi.

*De vitiligine, lepra Iudaica, Arabica,  
Græca, Gallica.*

ARTIC. III.

**L**epra, in quam degenerare scabies Medicis videtur, ex atra *Descriptio.*  
bilis accursu, ac mistura cum pituita falsa, squamulas, & furfures, & bullas sæuiores habens, à cæteris lepris, de quibus Græci, & Arabes, & Iudæi experti scribunt, multipliciter differt: propterea singillatim dicere de cunctis conuenit.

2 Lepra Iudæorum quasi vitiligo esse putatur: est enim vitiligo *Quid vitili-*  
coloris cutis in albedinem mutatio citra cutis vlcerationem. Ex 8<sup>o</sup>.  
eò prouenit, quod extrema pars alimentum mutare nequit, aut quia alimentum ipsum pituitosum glutinosumque est, nutriendoque carnem, sui coloris eam reddit instar carnis polyporum, locustarum marinarum; quæ ex simili succo generantur, nutriunturque. Degeneratio ergo alimenti, alitæque proinde partis, aut partis, priusque alimenti: & duplex esse dicitur. Prima leuce vocata, quæ ex pituita eiusmodi habet generationem, & colorem etiam in pilis, & formam. Secunda alphas dicta, squamulis insuper constans, profunditatem carnis non lædens, sed superficiem solum ita maculans; quam & morphæam vocant Arabes, & adhuc duplicem, nigrum ex atra bile, album ex pituita constituunt. Nos autem arbitramur ex omnino oppositis causis non gigni. Alphas ergo si pituita eos creat, atra bilis creare eisdem nequit; sed potius facultatis nutritiæ vitium, aut alimenti esse credendum, sicuti prius dictum est; spiritu tamen ita affecto, ut ita nutrire, & temperare cutem pergat, sicuti affectus ipse est alimento, ex quo gignitur.

3 Lepra autem Iudæorum, ut testatur Moyses *Leuitici* 13. & 14. *Descriptio*  
multiplex erat. Alia mundissima, quam propterea mundam intel- *lepra Iudæi-*  
ligo in sacro textu, quod contagione non multiplicabatur: ac ni- *ca.*  
hil aliud erat, quam partis, aut totius in albedinem insolitam mutatio. Hoc autem ex pituitosi alimenti copia, vel potius ex



*De mundiffi-  
ma speciei  
prima.*

*Secunda spe-  
cies.*

alteratricis ratione fiebat, quæ sanguinem in cutim emissum, in semen quasi elaborabat. Inde cutis dealbata feminali sanguine munda erat, nec contagiosa. Ad cruditatem enim sanguinis referri id non videretur, sed ad nimiam cocturam, si consideres Ægypti calorem, & Iudæorum tunc laboriosissima exercitia. Cutis enim nervosi generis est, feminalique sanguine alitur, qui in eis multus fiebat retenti caloris vi mutato robore: omnis enim particula sibi assimilatur alimentum.

4. Secunda species erat, cum cutis candidior apparebat ingrato candore: atque humilior carne reliqua, erat candoris macula sublucens; & pili in album mutabantur; quæ & augeri solebat. Quam ex alicuius partis imbecillitate, aut pravitare oriri existimandum, quæ non potest nutriri, nec proinde par carni reliquæ exterius fieri: sicuti cum ulceratur equus & pili albi sanato in vulnere enascuntur cæteris humiliores: & caro similiter.

3. 5. Tertia erat, cum macula apparebat humilior carne reliqua, & capillus in flauum mutabatur, & tenuior erat solito. Quam puto ex flava bile ortum duxisse, impediende nutritionem in particula, ubi macula reperiabatur: quæ etiam ob vaporem malum serpebat aliquando.

4. 6. Quartam elicimus indidem, cum viua sublucens caro maculosa apparebat, & color albus, & capillorum aspectum mutans: quam vetustissimam & inolitam dicit Moyses. Profectò enim quæ tantam faciebat mutationem, & in carne lucebat ex humorum flatulentorum concursu, diutina esse debebat.

3. 7. Præterea ait, quod si in carne & cute vlcus natum fuerit, & in loco vlceris, aut caluitij, cicatrix alba, siue subrufa; si locus cicatricis humilior fuerit carne reliqua, & pili in candorem verti, tunc plagam lepræ in vlcere iudicandum.

6. 8. Præterea etiam si non alba, sed subobscura fuerit cicatrix, & carne vicina humilior, sed æqualis; tunc plaga lepræ reputabatur si crescebat serpendo: si stabat, nequaquam. Idem in vitionibus dicendum, quamuis subobscurus color mundus in cæteris censebatur. Idem dicendum in omni plaga crescente, etiam si capillus immutatus non fuerit.

*Coroll.*

Quapropter palam fit ex hac historia, etiam ab atra bile, seu ab incendiioso spiritu lepram oriri Iudaicam subobscuri coloris, & aliam esse vlcerosam, aliam sine vlcere; nec scabiæ hæc esse, siquidē ipse Moyses in cap. 13. ait, quod si obscurior fuerit lepra, & nō creuerit,

creuerit,



creuerit, scabies est. Item si fuerit albedo in cute, & deprendatur subobscurum lucere in carne alborem, non erit lepra; sed macula coloris candidi, & homo mundus.

8 Præterea easdem lepræ plagas consueuisse in vestimentis laneis, & lineis, & in pellibus, & in parietibus domorum apparere: *De lepra uenitum, & domorum.* vel candidas, vel rufas humiliores partibus cæteris, & obseruari oportere docebat Moyses, an post lotionem perseuerauerit: sic enim lepra perseuerans iudicabitur: si autem etiam creuerit, volatilis erat, & vaga; præsertim ubi secto loco lepræ, aurabrafo, in aliis partibus deinde conspiciebatur. Quapropter vestimentum comburi, & domum dirui, & lapides, & cæmentum extra ciuitatem proijci oportere præceptum erat. Qua in re mirandum, & dicendum, non humores modo fuisse lepræ causam deprauatos, sed ipsas primalitates quasi delirantes, siue exorbitantes, in lapide, & lana, & subiectam materiam iuxta primalitatum affectionem affici & lepra: ergo propterea maculari; sicuti & ferrum magnete afficitur, ut principio dicebamus, & in 2. lib. declaratum est de primalitatibus corporis, & corpulentia deprauatis ad effectum, aut vehementiam, aut qualitercunque.

9 Ex dictis patet, qua ratione lepra Iudæorum etiam conuenit cum lepra communi, & difficilior est.

10 Lepra autem Arabum, de qua Rhasis, & Auicen. scripserunt, est crurum intumescencia cum varicibus, & atro quodam colore in toto corpore commutato: putantque à melancholico humore, exque pituita oriri falsa. At quidem hydropem esse ex parte constat, ac simul lepram in nostro dogmate. Cum enim iecur in aquam præ nimia caliditate fundit alimentum, ac simul eius crassitiem repugnantem fusioni, in atram bilem, & cinerem agit: consequens est, ut ex humore intumescant crura: ex atra fece, & cinere, vena: exque horum affusione & erosione cutis nigrescat, & fœdetur, & prope vlceretur tandem, ut in cancro.

11 Græcorum autem lepra, quam elephantiam vocant, eo quod corio elephantis similis sit ægri cutis, atris coloribus, seu cineritiis, maculosa, aspera, crassa, liuens, squamis fœda. Vocatur & satyriasis, eo quod æger ad libidinem valde accenditur more satyrorum. Viderur ex eisdem causis originem habere, & secundæ, & tertie coctionis vitio, quod præfata signa demonstrant.

12 Præterea cum incipit, accidit ægrotaturo segnities, tarda *Descriptio & sympt.* spiratio, difficilisque, alui constrictio, vrina subiugalis, fœtidus



spiritus ex ore, & ructus. Cū vero in cute sese prodit causa huius mali, crassescunt malæ, & rubescunt liuore, mentum dilatatur, capilli rarescunt, superciliorum pili decidunt, extenuantur aures, nasus fit simus, labra crassa, vox rauca, venæ varicosæ, & nigrescentes, præsertim sub lingua: sensus torpidus, corpus graue, & quasi intolerabile, pusillanimitas ad omnia, quandoque quasi & strangulari sibi videntur, sanguis extractus cinerulentus, & quasi ligamentis, & filis conspersus.

*Diffinitio.*

13 Elephantia etiam tres species inuenerunt Medici; vnam albam, quam ex pituita acri, falsaque generant. Secundam rubicundam, minus malignam, ex sanguine. Tertiam fœdis vlceribus scatentem, ex bile atra adusta, nigricantem: quæ quasi cancer totius corporis habetur.

14 Item addunt aliam à natiuitate contrahi: aliam à nutrimento: aliam à contagio.

*Ratio symptomatum  
omnium singulatim.*

15 Nos autem harum causas facile in nostro habemus dogmate. Cum enim iecur valde incaluerit, & fæces in cinerem aflauerit; succos vero in aquam balsam; necessariò fuligines & timor erunt in spiritu, & tenuitas à caliginibus grauata, ita vt sensus torpor, & pusillanimitas sequantur. Fœtere autem oportet quod eructatur, ex fæcibus in ventriculo subsequenter, tum à liene, tum à calore deprauato humores alios pro naturalibus generante. Anum autem stringi calore nimio, & salis cibis iis, qui exercentur, & salis vescuntur; in comperto est. Vrinam crassescere oportet, ex eo quod potius in fluorem, quàm in lubricositatem sanguineam soliditas cibi à nimio calore, retentòque vapore abit, vt in Phys. docebamus; & vbi de hydropè. Dum autem crassities cineritia in cutim elabatur, cum minime attenuari, & transpirare queat, necessariò cutem crassam facere, & scabram, & squamosam oportet, & liuidè subrubentem ex talis sanguinis colore, & cinere misto fæcibus. Sequitur nasi curuitas, quoniam ex tali sanguine minime nutritur cartilago; nec enim in eiuſtemperiem agi potest. Similiter & aures cartilaginosa propter idem siccescunt, & contrahuntur. Capillorum radices falsedine corroduntur ita, vt decidant; maxime autem ex superciliis, è quibus sudor egredi solet facilius. Pronitas ad libidinem ex cinere in vasis spermaticis pruritum faciente, & mordicante, fit. Cæterorum signorum ratio ex dictis patet.

16 Quapropter haud rectè quidam Medici elephantia Græcorum



corum tres faciunt species: alba enim pertinet ad Iudaicam: sub-  
rubra ad imperfectam elephantiasim: nigricans ad perfectam.

17 Ex eisdem causis est elephantiasis innascens à principio, vel  
quia mater ea laborat, aut pater, & per corruptelam seminis, &  
spiritus imaginantis propagatur, quam puto insanabilem; aut  
quia menstruata mulier concepit, & atris facibus natum infecit:  
tunc, si ramen potuit ita concipere, aut mox cum derivari men-  
struum in locum foetus perrexerit à matris natura imprudenti  
non detentum. Quæ autem ab alimento fit, credo eam calidos  
iecore inuadere, ubi allis, porris, leguminibus salis, flatuosis, a-  
trabiliosis multum assueverint, & laborauerint, sicuti filiis Israël  
in Ægypto accidit, sub torrido celo sic affectis, assuevisque. At  
quæ contagio contrahitur, à spiritu ortum ducit infecto: qui pro-  
inde incipit succos cibi in eam temperiem ducere, qua ipse affe-  
ctus est: quod in rabidi canis morsu affectis accidit, spiritu om-  
nem temperiem in caninam paulatim deducente. Quam le-  
pram sanabiliorem esse puto, ubi præsertim sobrietas, & bonus  
habitus præcesserit infectionem.

18 Postrema lepra est (quam Gallicam vocant) ex impura ve-  
nere contracta, non quidem à Gallia, sed ab India potius origi-  
nem habens: quæ humoris, & soliditatis temperiem corrumpit  
venenata qualitate, sui que amplificatiua, elephantiasis valde con-  
simili, ex contactu præsertim venereo communicabilis. Est qui-  
dem multiplex. In alia enim maculæ efflorescunt per totum cor-  
pus, quam dicunt à tenui, & virulento sanguine oriri. In alia pu-  
stulæ eminentes in pudendis, & fronte, & per vniuersum corpus  
erumpunt, carnosasque partes erodunt. In alia perniciosissima  
partes etiam solidæ putrescunt, & ossa carie miserè afficiuntur.

*De lepra pos-  
trema Gal-  
lica.*

19 Et quidem huiusmodi lepra sensim per temporis interual-  
lum occupat artus, gignens ibi ex sanie tophos, ac proinde dolo-  
res seuos, & principio cum pustulis, & circa pudenda, & frontem:  
& in palato, & faucibus accidit grauitas, dolorque capitis, colli,  
humerorum, crurum, articularum, & lassitudo, & vlcera deinde  
in palato, & faucibus, & vola manus, & tandem dolores sæuiunt,  
& vigilia, & inappetentia.

20 Morauica recens lepra etiam celebratur, quæ in cute vlce-  
ra ferebat, cancos exulceratos æmulantia; & contagio ampli-  
ficabatur.



## Curatio vitiliginis.

*Qua cura-  
bitis, quæ in-  
curabilia.*

**I** Leporum præfatarum curam instituentes, à vitilagine alba lexordiemur, quam Medici acu pungentes, si sanguinem exire viderint, sanabilem putant: si lacteum quasi humorem, infanabilem. Idem experiuntur à confricatione, si rubescat, vel non rubescat. Mox curabilior censenda, quæ pauca loca corporis, quàm quæ multa obsidet.

**2** Curant autem cibus, & potionibus, quæ glutinosum attenuare valent sanguinem, humorésque viscosos liquefacere: qualia sunt origanum, pulegium, hyssopus, anethum, fœnicul. oxymel, serpillum, mentha, & huiusmodi. Deinde pharmaco purgante eosdem humores viscosos vrütur, videlicet pilulis cocciis, alephanginis, ex hiera, & agarico, turbith, myrobal. &c. si tamen prius, per syropos ex attenuatiuis, præparauerint. Deinde ad topica remedia venit. Siquidem foliis ficus in aceto maceratis affricant loca maculata, & calce viua, & cortice nucum viridi, & lithargyrio, & cum plus inest contumaciæ, additur sulphur viuum, vitriolum, alumen scissile, sal ammoniacum; nitrum, helleborus albus, farina lupinorum; quæ in puluerem acta cum vnguento citrino mista affricantur. In alphis verò vruntur cibus, qui nec pituitam, nec atram bilem foueant. Vacuant corpus pharmaco contra pituitam, aut contra bilem atram valido. Addunt affricationes in locis ex calce viua, aut dracunculo, aut ari radice, aut capparis, aut lilij, semper cum aceto, & decoctione lupinorum amarorum, & cætera iam dicta pro macularum robore.

**3** Nos autem putamus præfata remedia localia communia cunctis lepris, ferè nunquam prodesse contrariis ex principiis ortis, ut Medici putant, in quantum ex eis: contraria enim remedia essent adhibenda; sed ad extinguendum spiritum, vaporémque prauum, qui prauæ cutem enutrit, afficitque sua imagine, uti & in scabie experimur. Cibos verò eos probamus, qui sanguinem, non qui lac, aut semen creant, quales sunt mora rubra, lycomororum, & ruborum, cerasa, sanguis pullorum, porcellorum, & columbarum calefactus, non assatus: iecora pullorum gallinaceorum, & altitium, misto semper fœniculo, herba sanguinaria, & purpurea rosa, & carnes rubearum gallinarum, & auium. Cauendum à neruosa substantia, & lacticiis, & ouorum albuminibus.



nibus; lutea autem profunt. Interula vtentur purpurea, lancæque, qui alba laborant vitilagine. Semina fugiant plantarum, præsertim alba; melonibus rufis vti licet. Sambuci flore rubefcente, salmone pisce, vino rubro generoso, myrrhato. Idem faciendum in alphis albis: in nigris verò albidis vtendum cibus & potibus, & purioribus: etenim purior est lepra alba, quam nigra, vt mox docebimus. Præterea vnctiones ex adipe anserino, præfatis pulueribus misto, prodesse existimandum est, vt cutis mollescat, & spiritus prauus extingatur. Idcirco & balnea ex decoctionibus prædictarum herbarum frequentabimus; & purgantia pharmaca magis in nigris alphis quàm in albis, vtetur.

*Curatio lepræ Iudæorum.*

1 IN curanda Iudæorum lepra haud dissimiliter procedemus. *Curatio alba prima speciei.* Alba enim, quæ mundissima vocatur Moyse, sicut leuce curabitur; siquidem è spiritu sanguinem in semen elaborante enasci diximus, eoque totam pellem nutriente: hoc autem accidit ex vasorum densitate, in quibus conclusus spiritus sanguinem, sicuti in testiculis, albificat, & sicut in spermaticis venis, propterea quæ leprosi libidinosi.

2 Igitur scopus Medici erit vasa aperire emollientibus extrinsecus: & rarefacientibus balneis, & vnctionibus, vt spiritus transpirationem faciat, dum sanguinem membris assimilare vult. Intrinsecus verò ea, quæ semen producant, vitabit. Sanguinea adhibebit, iam dicta in cura leuces, & attenuantia in cibo, & potu. Nec vinum sit generosum, sed tenue, lucidum, & rubescens cerasorum instar. Si nitrosa localia affricaueris, non errabis, dum spiritus seminalis extinctionem sic curabis, & simul pellem medullis ossium emollieris. Quæ semen minuunt etiam necessaria sunt. Declarata autem sunt in cap. 21. & 22. Considera etiam ex ætate, & anni tempore, & exercitio, & victu, an leuce eundem habeat exortum: iisdemque in ea vttere medicinis. *Cum Curatio immunda.* Cum autem lepra fuerit immunda, ex impuro spiritu deprauato genita: valliculosa, eò quod nutrimentum vsque ad extimam partem non confert; quia pars imbecilla est reddita, aut male affecta, vt non possit nutriri: vnde alba remanebat, quasi priuata sanguine; non quidem ex pituita, vt quidam putant; neque ex semine, qualiter in lepra munda, sed ex defectu conuersionis nutrimenti



in substantiam aliti; ad quod sequitur spiritus imminutio, & carnis depressio, & candor ex sanguis; deinde verò putrefactio quæ serpebat cuniculis factis, cum foras non posset erumpere: tunc medicamento locali affricato opus erat, quod excitaret vigorem loci maculati, spiritum malum extingueret, nec serpere sineret, ac nutrimento viuidiori penetrante vsque ad extrema, facileque in substantiam loci conuertibili. Medulla leonis, nitrum, & magnes albus trahens carnem, videntur ad rem extrinsecus. Intrinsecus verò sanguineæ calidæque res addendæ, confricationes, exudationes, cucurbitulæ extrahentes cutim, & alia huiusmodi.

*Cura macu-  
leosa.*

3 Tertia lepra Iudaica ex maculis flauis, carne reliqua depressioribus, easdem habet curationes, si addideris quæ flauam purgant bilem intrinsecus: extrinsecus enim affricationes, & cucurbitulæ, & exudationes, & nitrosæ res adhibendæ sunt ad spiritus prauæ extinctionem, & vigoris excitationem, & particulæ ad nutrimentum dispositionem. Et quoniam puto hanc crudeliorem fuisse lepram, eo quod flauescebat putrefacta particula, ac inde serpebat, fortiora pharmaca adhibenda erunt intus, & extra.

*Cura vetu-  
stissima.*

4 Quarta species vetustissima vocata, quæ pilos in alborem mutarat, & partes maculatas; nullam fere recipit medicinam, nisi quæ totum immutet temperamentum, de qua in cura lepræ venereæ, & elephant.

*Curatio vl-  
cerosa.*

5 Quinta, & sexta species vlcerosa, siue alba, siue rufa, siue subobscura: ad misturam pertinent pituitæ, & sanguinis putrefacti, & atrabiliosi: eiusque remedia ab vlcerum remediis petenda sunt proserpentium.

6 Leporam perseverantem Iudaicam elephantia sentimus cognatam, & validis egere remediis.

7 Lepora volatilis pessima erat & primalitatum infania, & in proserpente vapore, nec abradi, aut rescari poterat; quoniam antequam cum sequestrata parte tolleretur, iam per exhalationem acutam perducebatur in alias partes. Curanda ergo est per extinctionem vaporis, vehementibus mineralibus cuti adhibitis: & per sudores, & scarificationes, & noui spiritus, temperamenti-que noui generationem: quemadmodum venerea lues; de qua mox erit sermo.

*Curatio*



*Curatio lepræ Arabica.*

**L**Epram Arabicam curabimus iecoris emendatione, vnctio-  
nibus extrinsecè eius substantiam emollientibus, & refri-  
gerantibus, & emplastris, quo pacto fiunt ex rosaceo, & populeo  
oleo, & farina hordei, & lacte acido. Intus verò nutriemus ex  
carnibus sero caprino coctis, & cichorio, & iecoribus lacte nutri-  
torum animalium. Purgabimus etiam pharmaco, assatam edu-  
cente bilem, & iecur emolliente, vt sena, cassia, & oleo amygda-  
lino, manna, & eiusmodi. Humores exsiccabis, quemadmodum  
in hydropè. Totum corpus vngemus, & in sudorem resoluemus  
quæ ipsum fœdaauerant, & nouum sanguinem meliorem gignere  
procurabimus. Valet in hac sarza parilla, multaque in luis vene-  
reæ cura dicenda. Vitabimus omnia sicca, atrabiliosa, torrida. Va-  
rices secabimus, sanguinem cineritium educentes, largis sectio-  
nibus: tenuitatem generabimus.

*Curatio lepræ Græcorum.*

**E**Lephantiam innatam incurabilem puto. Caro enim men-  
struo alita, aut infecta ab initio, suæ temperiei tenorem ser-  
uat. Intemperiem autem in alteram transferri ea ratione quis  
putabit, qua frumentum in lolium desciscit. Ergo hilaris, mun-  
dæ sanæque robustæ mulieris lacte infans nutriendus, & balneis  
odoratis assuefaciendus, si forte venenata qualitas in aquas exeat  
sensim odoribusque temperies emendetur.

**2** Quæ autem à victu exordium traxit, ab initio forsan curabi-  
tur victus ratione temperata, probum sanguinem procreante, &  
venæ sectione largiore, præsertim autumnò, & vere. Item phar-  
maco purgante bilem atram, & cineritiam, videlicet sena, rha-  
barbaro, agarico, epithymo, confectio hamech, facta præpara-  
tione per syrupos ex borrag. buglos. sanicula, portulaca, veronica,  
&c. Deinde repete pharmacum validius ex lapide lazuli, hiera,  
colocynth. helleboro. Galenus enim sanguinis missione, & repe-  
rita pharmacia quotannis elephantiam inchoatam sanasse narrat.

**3** Præterea oportebit intus iecur mundare, & torridam bilem  
dissoluere, emollireque cibis contrariis, videlicet ex lacte asini-  
no, ptisana, beta, borragine, lapathio, alica, sorbilibus ouis, piscibus  
saxatilibus, lactucis, vua passa, & recenti, cerasis, carnibus hædo-



rum, anserculorum. Dantur & per vices theriaca, mithridatium, corallus rubeus, smaragdus, margaritæ in puluerem actæ, cornu vnicornis & cerui, conserua borraginis: syrupus de pomis; plantago, sanicula, lactuca, & similia. Vitanda sunt omnia quæ bilem atram, & cinerem multum faciunt. Potus esto vinum album temperatum, vel succus granatorum.

4 Fiant in tota cute confricationes, & vnctiones ex adipe agnorum, & gallinarum, & scarificationes, & extractiones aliæ per sudorem, & balneorum aromaticorum applicationes; vt quemadmodum coctionem in iecore iuuamus per pharmaca, & rationem victus iam dictam. Ita coctionem tertiam per balnea extractis quidem prauis inueteratisque humoribus cutaneis, vt valeamus. Confert balneum ex butyro. Item ex decocto borraginis, plantaginis, betæ. Item ex sero, & lacte. Valent vomitiones, sudationes, & deiectiones per clysteres magistrales, vt nulla sordes assuescat intus morari, & fomentum lepræ fieri.

5 Theriaca nedum intus sumpta, sed illita etiam exterius valet. Item nitrum, nigella, sepia, calx, sulphur contra plagas lepræ, vt supra.

6 Tandem remedium inuentum est ex viperæ carnibus, si illis vescatur æger: quas præparant detracto capite, cauda & visceribus in olla instar anguillarum, cum porro, & anetho. Siquidem immutandi temperamentum habent vim, vt in ceruis solet, sicuti in lib. 2. de reiuuenescencia loquentes, dicebamus; & Galeni historię id confirmant.

### *Curatio lepræ Gallicæ.*

*Intentio medici.*

**Q**uoniam hec lues in humoribus soliditati incorporatis, deprauandis grassatur, post vbi spiritum suo delirio contaminauerit, mox solidas inficit partes. Quando iam confirmata difficile eradicatur, totamque immutat intemperiem, & sanguinis officinam. Propterea scopus Medici erit humores exsiccare, & per sudorem educere, ac meliores gignere, qui corruptelam non facile admittant, ac temperiem prorsus immutare.

*Victus.*

2 Idcirco victus erit frugalis, & siccus, & purus, ex biscocto, pane albissimo, aromatibus condito, & passis vuis, & prunis, & carnibus assatis non valde pinguibus, præsertim siluestribus, & montanis auibus, & pauonibus, & rebus minus putrescētibus. Fuge carnes bubalas, & porcinas, & olera, nisi fortè sinapi admiseris: potus



fit vinum purum, austerum, temperatum aqua cynamomi, vel decoctum farzæ parillæ, & cynæ.

3 Mox medicamentum purgans instituendum, præparatis prius *Pharmaca purgant.* humoribus per syrupos è fumaria, epithymo, lupulis, adiantho, oxymelite, melle rosaceo, decocto farzæ parillæ, radicum cynæ; vel, si vetus fuerit morbus, decocto guaiaci. Purgatiuum erit ex cassia, sena, catholico, ex pilulis aggregat. & imperialibus pro minoratiuo: & si non cessarit, & inueterato, porriges confectum ex foliis fenæ, agar. rhabarb. infusis in aqua scabiosæ destillata, & pimpinellæ, & betonicæ, calendulæ, vel decocto addunt confectiorem hamech, & cathol.

4 Adde sudatoria, & vrinam prouocantia per portionem decocti farzæ parillæ, aut cynæ, aut guaiaci: qua sumpta ante prandium vel cœnam exsudent in lecto ægrotantes recti, & calefacti, aut in thermis, aut stufis. *Extrinseca medicamina.*

5 Munies autem viscera, & caput, & cor, theriaca & conserua è *Nutrimt.* floribus genistæ, saluiæ, betonicæ, buglossæ. Valent margaritæ, os ex corde ceruino, aloë: præcipue verò si hydrargyro inungere coactus fueris, vbi morbus solidas partes inuaserit, vt sua penetratione pharmacum intromittat, & temperiem malam emendet.

6 Solet etiam, vbi caput laborauerit, per sternutatoria, & masticatoria expurgari semel in die. Oporret etiam sudatoria, & pharmaciam repetere, donec prorsus temperies emendetur. Conferunt ad hoc labores, itinera, & quidquid exsudare facit venenum.

7 Vidimus etiam probè curari post syrupos, & pharmaca ex colocynthide in infusione. Addunt, ne reliquiæ in seminalibus stabulentur; coitu vtendum cum percalida Æthiopissa, vbi peccatum non obest; morbus enim vexatus ex hoc faciliè migrat in hanc, cuius vulua laetetur optimo vino mox, & vrina, ne inficiatur.

8 Balnea medicata valdè profunt, & sulphuris odor in Puteolano agro exhalans, vt pestilens vapor obliteretur, & humor putrescens exsicceetur. Quicumque hac carent commoditate, imitentur sulphurariam Putcolanam in conclau proprio: vrrinque vasâ prunis & sulphure plena, inter quæ deambulent, circumponendo.

9 Si hydrargyrus ossa penetrarit, nec expelli possit, cucurbitulis |



*Ad extra  
bend. hy-  
drag.*

*Cauter. cōtra  
reliquias  
morbi vene-  
ri.*

ex auro confectis facile educitur tractione vacui, & sympathia si-  
mul naturarum.

10 Inuenere tandem potionem optimam, quæ reliquias morbi  
auferat passim per dejectionē alui, quæ fit accipiendo librā scobis  
seu ramentorū ligni sancti, idest guaiaci; dimidiā sarzē parillē pau-  
lum contusæ: vncias quinque folliculorum senæ: agrimonix, car-  
dii caballini manipulum vnum, cynamom. drag. vnam. caryo-  
phyll. dragm. vnam; nucem moschatam viam. Omnia contun-  
dantur simul, & in cado reponantur vini Græci pleno, vel optimi  
cuiuscunque albi generosi, capiēti viginti garaffas Neapolitanas,  
(quæ æquare possunt triginta circiter heminas Parisienses) ibi-  
que per viginti quatuor horas demorentur. Exinde in prandio &  
cœna eodem potu vtire: sic enim passim quotidie morbus eua-  
cuabitur. Cuius rei experimentum non semel vidimus.

11 Bubones, & vlcera quæ hunc morbum comitantur, puluere  
aluminis scissilis & hydrargyro præcipitato, auferimus. Item oleo  
sulphuris, aut nitri, & reliquis rebus, quæ in vlcerum curā memo-  
rabuntur.

*Contra vl-  
cera morbi  
venerei.*

12 Frustra autem curantur vlcera, nisi intrinsecus fontes ipso-  
rum exsiccentur. Deterior tamen lues absque vlcerebus: non enim  
potuit natura expellere, vel ex parte malum. Cum autem inue-  
terata lue computruerint ossa, remedia non inuenies. Vidimus  
enim homines ditissimos nec Paracelsistarum medicinis tenuis-  
simis sanari potuisse.

*Admonitio.*

13 Puto etiam in hoc morbo helleborum habere virtutem, &  
antimonium & quintas essentias, ad extimas partes penetrantia,  
indèque extrahentia. Similiter autem & ex eisdem inunctiones,  
præcipue garyophylorum, & cynamomi & guaiaci, vt penetrando  
occidant spiritum pestilentem, temperiem emendent, pestilen-  
tiam extinguant. Applicentur autem post exsudationes.

*Remedium sæpè probatum à Magistro Augustino Russo.*

& hydrargyrii communis partem quantamvis: cui adde hy-  
drargyrii ex argento extracti tantundem: ponanturque mixta in  
aqua forti, donec macerentur, & in minutias redigantur. Deinde  
parabis pluribus vicibus, donec exacte mûdetur, deponatque ro-  
bur aquæ fortis: ex hoc propinabis agrotis acinos quasi decem &  
octo in conferua rosarum, vel in vino & saccharo in manè: eua-  
cuabit



cuabit enim omnem malitiam morbi per secessum & transpirationem, multaue pars vertetur in scabiem; quam remediis ordinariis curabis, maximè autem oleo guaiaci mixto. Et lauabitur in aqua Tyberis, vel alia medicata. Quòd si prima vice, omnis morbositas egressa non fuerit, repetitur pharmacum post octo dies, semel vel bis: sed dosis minoris, id est, acinorum 12. Bene manducet, & de vino optimo bibat absque aqua.

Vt autem ex argento extrahatur hydrargyrium, oportet argentum calcinare: deinde ponere sub fimo, aut in aquis calidis. Sic enim guttæ hydrargyri emergunt, quas collige.

*Aliud remedium, quo usus est Comes de Castro-villano, quod multi sumentes sanati sunt.*

R. Sarzæ parillæ vncias quatuor. Seca in frustula longitudinis trium ferè digitorum, contunde parum in mortario. Pone in cucuma capace decem mēsurarum Romanarum, quas vocant follietas, (quæ æquialere possunt duodecim heminis Parisiensib.) cum decem mensuris aquæ de cisterna: maneatque sic per viginti quatuor horas: mox pone in eodem, vel in altero vase ad cocturam ignis, donec remaneant quinque tantum mensuræ. Caue ne feruore nimio emergat extra vas; propterea pones pileum, distillatorio solitum. In ore cucumæ, cum recipiēte vasculo: ex quo quod effluit, possit in feruente cucuma reponi. Perfecta coctione extrahitur ab igne cucuma, imponaturque anisorum pugillus bene mundorum. Et cum inceperit refrigerescere decoctio, colabitur per mundum pannum in lagenam, aut aliud vas ad sequentem usum. Idque dum pharmacie tempus durat, singulis repetes diebus quinque infusiones & coctiones. Quotidie enim sumēda est huiusmodi decoctio per triginta dies hoc ordine. Primo die purgabitur æger secundum artem. Sequenti die antequam de lecto surgat, bibat poculum quinque vnciarum prædictæ decoctionis calidæ, quantum sufferre potest: moretur in lecto dormiendo, aut vigilando per vnam aut duas horas; caueatque ne exsudet villo pacto. Mox surgens vestitus bibat eiusdem decoctionis non calidæ ieiunè poculum vnum; postea deambulet quocumque placuerit, donec incalescat: & tunc reuersus domum manducet parum biscocti, accipiatque alterum poculum eiusdem decoctionis, & post duas horas prandeat biscoctum, yuam passam, amygdalas.



dalas & res saccharo confectas, bibatque ex ea decoctione tantum, quod non remaneat mensurarum quinque nisi vna circiter. Cuius partem bibet duabus horis ante cœnam, & partem in cœna, quæ solo biscocto contenta erit. Et hoc obseruabit per quinque aut sex dies.

Post hos dies eodem tenore prosequatur bibere sequentes decoctiones, eisdem horis & modis: atramen plenius manducabit in prandio carnes affatas, pullorum, caponum, vitulinam, & etiam absque larido. Cauebit etiam à carne salita, oleo, acetariis, à caseo, lacte & aceto. Vesperi autem cœna, erit biscocti, vix passæ, & amygdalarum. Et cum transierint 15. dies, assumat vncias tres rosarum alexandrinarum cum cynæ puluere. In quo die carnibus vescetur, siue assatis, siue elixatis; vinumque bibet temperatum aqua ordinaria absque decoctione prædicta.

Transacto quintodecimo die continuabit prandium & cœnam carnibus assatis & potu decoctionis: quam accipiet eodem tenore, sicut primis diebus, ita vt quotidie bibat quinque mensuras Romanas, vt supra.

Post trigesimum diem purgabitur leui mitique pharmaco, & deinde per 40. dies temperabit vinum aqua, in qua decocta fuerit sarza omnis, quæ remansit ex decoctionibus 30. dierum prædictis: seruabitur enim propter hoc ipsum ad reliquias omnes extinguendas: sicut fit per cadum superioribus remediis annumeratum.

Sarzam parillam nasci in Calabria vltiori iam compertum est doctissimorum opera Medicorum, præcipuè Michaelis Politi conterranei: & quidem eiusdem & efficacioris virtutis, quam ex Indis aduectæ.

Guaiacum etiam lignum de proprio semine, aut furculo factum bene assurgit.

*De capillorum defluuio, & alopecia & ophiasti, & porrigine, & pediculatione, & achoribus.*

#### ARTIC. IV.

*Defluuium capillorum eiusque causæ.* **M**aculatur etiam cutis pilorum defluxu: qui multiplicem habet causam: aliquando enim caluescunt fuliginoso humore deficiente, aliamque tenente viam, vt accidit libidinosis iuuenibus



iuuenibus: aut ad cutem egredi non potente, vt senescentibus. Et hoc quasi naturale est, medicinisque haud cedens.

2 Aliquando post diuam infirmitatem, ex qua sequitur raritas cutis, & inopia nutrimenti pilorum, cadunt, vt arboris in autumno folia post æstum relaxantem poros, & humores exsiccantem; nam qui in hyeme cadunt, humore à spiritu sese abdente, nedum introrsum actò, non amplius nutriti cadunt.

3 Huius morbi curatio sæpe nulla requiritur, sed instauratio vi- *Cura.*  
rium post infirmitatem per cibos boni succi non falsos, neque biliosos, qui radices pilorum instaurent, non erodant, solet esse & pilorum refectio. Poterit, vt certius oriantur pili, ladanum, oleo lentisci dilutum, cuti applicari: huius enim est cutim densare, & pilorum nutrimentum accersere. Addere etiam licet oleum myrtinum, vbi densatione maiori indigemus. Item in frigidis temporibus & temperaturis nardinum simul ladano miscebis oleum liquefacto. Vtuntur etiam verbenaca in oleo omphacino. Item absinthio. vnà cum ladano. Item nigellæ cinere, & capillorum Veneris, & capillatarum plantarum & animalium; vt cinis barbæ caprinæ, erinacij, echini, pilorum vrsi, cruris leporini, abrotani.

4 Cadunt etiam pili aut pituita falsa radices depascente quibusdam in partibus; aut atra bili. Quod pellis discernet glabra facta, vel candidior, vel subobscurior. Dicitur Medicis huiusmodi *Causa iterum*  
macula alopecia, eo quod vulpes ipsa affici solent; & ophiasis, eo *alopecia;*  
quod serpentis ritu glabrum, apparet pinartibus pilosum caput, *ophiasis.*  
aut mentum.

5 Curantur purgatione humoris præcedente, siue falsi pituitosi, siue biliosi in pallida; siue atrabiliosi in subnigra passione per *Cura.*  
medicinas appropriatas: de quibus sæpè. Maxime autem per pilulas caput expurgantes.

6 Vtendum similiter masticatoriis & sternutatoriis ex sinapi, hyssopo, pipere, origano, carpesiis, pyrethro.

7 Affricanda sunt loca glabra prædictis rebus in defluuio capillorum. Adde thapsiam, nasturtium, laurinum oleum, anseris adipem, & vrsi, erucæ semen; sterco murium, & capræ, corticem raphani, thus, sulphur viuum: marrubium, parietariam, corticem caprarum; & hæc omnia vbi prius ruborem in cute per frictionem excitaueris, vt penetrans medela sanguineas fuligines exitui aptet & radicationi.



Præterea cinis erinaceorum, spinarum, & apum crematarum; muscarum, auellanarum, nucum, castanearum prodesse dicitur; & aqua destillati mellis, & cinis capitis vulpini cum adipe vulpino.

*De porrigine.* 8 Porrigio est furfur inter pilos insigniter succrescens, ab acri humore originem habens; ita adurentem cutim, ut quasi squamæ in ipsa emineant & diuellantur. Alij biliosum, & acrem humorem in causa faciunt: sed victus, & ætas, & temperies veritatem declarabunt. Curatur euacuatione præfatorum humorum, & corroboracione cutis, & abstersione decorticatæ amygdalæ amaræ in aceto, item althæa in aqua marina decocta, nitro, calchanto, cimolia terra, assata scylla, decocto lupinorum, vino, sulphure.

### *Curatio pediculationis.*

*Quid.*

1 **P**ediculatio, quo morbo reges plures antiquitus, & hoc tempore mortui sunt; est pediculorum in capite incessabilis generatio in cuticulæ profunditate, ex calido viscido humore exudante, spiritumque ex proprio attenuante calore concipiente.

2 Propterea exsiccatoriis, & attenuantibus humorem & occidentibus spiritum, indigent ægri; qualia sunt decoctum lupinorum, baccarum staphidis siluestris in aceto, & oleo, alumen, sandaracha, nitrû, oxylapathi radix, helleborus, succus hederæ, tabaci, parietariæ, raphani, & lauri oleum, & similia secundum artem ministrata.

### *Curatio achorum.*

*Descriptio.*

1 **F**œdant cutim cum ulceratione minutissima achores à capite instar tineæ pannum tenui erosionem, & foraminibus minimis afficientis, propterea quæ etiam tineæ dicitur, & maculis aliquo pacto annumeratur. Ex seroso humore salso erumpente, ad pruritum & scalpendum incitati ulcerantur. Mox glutinosa erumpit minutissimis guttis sanies, ita ut pituita corrupta videri possit, & nitrosa; quia omne excrementum album pituitam vocant Medici, cum tamen potius pus dici queat, quod exinde excernitur, & ex putridis, vitiatisque humoribus genitum.

Cum



Cum hoc malum leue fuerit, localibus remediis tollitur reprimentibus cōfluxum humoris, & discutientibus quod effluxerit, abstergentibusque. Valent ergo à principio bacca myrti, folia rubi, & salicis, plantago, polygonum ad reprimendum; quæ illinantur abrasis prius capillis. Discutiunt verò lilij radix, rosmarinus in vino, & decoctum lupinorum amarorum, & radicis siluestris, cucumeris, folia rutæ, malicorium cum oleo laurino, thus in aceto, farina fœnugræci, cum nitro. Vtrumque operatur acetum, & cum sæuit morbus carthaceum valet medicamen aceto dilutum; & vngueta ex spuma argenti, amiantho, cadmæ, spodio, terra lemnia. Durioribus & viscosioribus, sal, fæx vini vsta, sandaracha, calx viua, fel caprinum, & foliorum fraxini, & iuniperi cinis,

*De tumoribus eorūque speciebus.*

CAPVT XXIII. PARS II.

**S**ecundum locum tumores tenent in cutaneis morbis: quorum alij dolorifici, vt struma: alij doloris expertes & molles, vt œdema. Eorum vero qui dolorem habent, alij propriè tumores generatim vocantur præ cæteris grandiores ex congestione, aut affluxu humorum, in partem aliquam eminentiam facientes; quæ aut dolore, aut calore, aut opportunitate attraxit; aut impotētia digerendi obstructa intumuit. Alij vocantur tubercula, minora tumoribus, ex humore crasso, & fæculento sanguine genita plerumque. Alii vocantur pustulæ tuberculis minores, ex quibus ruptis pus emanare solet, ex tenui, & vaporosa enascens materia. Tumoribus autem multiplex associatur abscessus pro quantitate, & qualitate affluentis putrefactionis. De cunctis singillatim nos nunc sermo expectat.

*De œdemate, & scirrho.*

ARTIC. I.

**O**Edema aliud ex flatu, & seroso fit humore, morbos ceteros subsequens, vt inflatus tumor crurum hydropicorum; quorum cura ad sui morbi curam refertur.



De tumore  
borio voca-  
tur.

Aliud nascitur ex flatu, & pituita absque morbo præcedente, inter arteriam, collique cutem eminens; cui causas assignat aquas crassas, gelidasque, & aërem crassum similiter frigidiorē, ac cibos etiam consimilis temperaturæ. Quod cum non certum semper sit, non modò enim certis in locis, ubi tales aquæ & aëres, & cibi insunt, iis tumoribus insiguntur: sed etiam in nostra regione sicca, calidæque: propterea potius membranularum intranearum rupturæ videtur adscribendum: sed cum apud nos solis fœminis, & vix vnquam maribus hoc mali accidat, faciliè quis mollitiæ temperaturæ, & cibis, & aquis causam dabit. Medela nulla inuenta est apud nostrates; neque enim secantur absque periculo, neque stringuntur absque strangulatione. Vnctiones verò prosunt nihil, neque adstrictiua ex temperamento, nisi & per vim adstringantur.

De tubere  
in brachiali.

2 Aliud nascitur in brachiali, & in certis iuncturis, ubi pituita crassa, & mollis congregatur, & tendonis nutrimentum superfluum. Cuius medicamen est spongiarecens aceto perfusa, arctius alligata fasciis, quæ reprimat influxum, & humores exsiccat: propterea & nitro, & lixiuio solet ablui spongia apponenda, acetoque subinde perfundi, & alligari. Fiunt ad idem emplastra, ex radice althææ, liliorum, acantho, oxylapatho, & similibus exsiccatis. Item diachylon plurimum valet. Solet & plumbea lamina apponi comprimique desuper.

Cancerum  
scirrhi di-  
gnatio.

3 Scirrhus vero durus est tumor ex repletionē, & concretionē congesti humoris, induratiq; factus. Cuius autem humoris, color indicabit. Cum inflammatio resoluētib; nimis curatur, ita ut spiritus exhalet, & crassa pars induretur, fit etiam scirrhus: proptereaque parum à principio dolent, dum spiritus non omnino abscessit; deinde verò indurati non dolent, & tunc sunt incurabiles.

Cura.

4 Curantur autem à principio non oleis, sed medullis animalium, & butyro, & his herbis quæ molliendi vim habent, & farinis cum lacte blando calore præditis, ita ut non educat attenuatam partem, sed misceat attenuandis, prout cum de iecoris, & lienis scirrho loquebamur, docuimus. Laudantur resinæ ad emollitionem, & herbæ olim dictæ eum modico aceti ut penetrent; acetum enim solū potius indurat, tenuitates resoluendo, sed tamē & crassitiem aperit laxatq; etiā adipem intromittit. Solent in aceto ignitum lapidem iniicere, ut fumus ex eo in scirrhi locum exhalet.



ac subito mollitium imponere medicamentum ex malua, fœnugræco, lacte, terebinthina, anserina medulla, &c. magna, ac subita cum sanitatis efficacia: præsertim vbi in ligamentis, & tendonibus scirrhus apparuerit. Vtrum pharmacum purgans præcedere debeat, prudens Medicus ex causis scirrhi agnoscat, prout in suis locis meminimus.

5 Hic valent quintæ essentia vocatæ ad penetrandum etiam indolentes scirrhos. Sed an curentur, experiendum.

*De tumoribus dolorificis.*

A R T I C. II.

*De phlegmone.*

1 I Nter dolorificos tumores phlegmone præcedit, quæ rubore, *Descriptio & causa.*  
 dolore, & duritie eminenti insignitur. Fit autem sanguinis, & crassi humoris affluxu in particulam oblæsam, vulnere, aut fractura, aut contusione, aut alia causa humores accersente.

2 Curatur venæ sectione, si vires, & res permittant, ex aduersa *Cura.*  
 parte, vt sanguis diuertatur. Mox applicabimus, quæ humores & reprimunt, & partem roborant, quale est cataplasma ex semperuiuo, & cortice punicorum in vino decoctis, & polenta. Sedat dolorem solanum, lens, panis in rosaceo; vbi prius madefeceris partem spongia vino frigido conspersa.

3 Si autem suppurationis signa apparuerint, iuuanda est farina triticea, lini semine, butyro, fœnugræco, radice althææ, porcino adipe. Rupturaque proueniens stercore columbæ, & acutis corrosiuis, vel sectione leui: qua facta sanies eruenda, & pars abstergenda vino, melicrato, decocto rubi, & rerum, quæ in consillis dictæ sunt. Deinde agglutinanda malicorio, are vsto, cerussa, & visco, &c. vt supra. Sin verò inflammatio perdurauerit, terebinthina, & luteo oui, & rosaceo, &c. mitigabitur.

*De erysipellate.*

1 E Rysipelas est tumor ex sanguine, & bile flaua eminens, ar- *Quid.*  
 dens, & rubescens, flauus, calidissimus, dolore pulsatili præditus, tactui cedens, ita vt tenuis sanguis subterfugiat, aliquando carnem in profundo afficit, quum inflammatio miscetur.

2 Remedium à venæ sectione diuersua incipit etiam repetita, *Cura.*  
 si opus fuerit; & cum nequit, purgatio bilis adhibenda: & quia



minus expectat, per clysteres fiat ex mercuriali, violis, portulaca, nymphæa, hordeo, cassia, hiera, intubo, &c. cæterisque inflammationem sedantibus: similiter & oleis.

3 Applicentur localia refrigerantia deinde ex solano, hyoscyamæ, lactuca, psyllio, &c.

4 At si phlegmone simul adest, cutis ex remedio liuescet; tunc aperta cuti, ubi refrigerantia præcesserint, perfundes locum calida, & quidem marina, ut feruor exhalet, & caro solidetur, & à putredine seruetur: valet & oxymel, vel acerrimum solum.

5 Si autem œdema, aut scirrhus simul affuerint, misce remedia conuenientia scirrhus, & œdemati.

### *De herpete.*

*Quid sit  
causa.*

1 **E**X tenuioribus nascitur papula, herpes vocata Græcis, eo quod serpat: & alius simplex est solo tumore conspicuus: alius exedens etiam carnem; & cum tenuior est, multiplexque, papula miliaris vocatur, eo quod milio similes bullas habet.

*Cura.*

2 Curam aggredimur ex victu refrigerante, sicut in erysipellate, & per bilis euacuationem, siue pharmaco, siue phlebotomia. Localia sint refrigerantia, & humectantia in miliari. In exedente refrigerantia & exsiccantia, ut vapor, & humor cuniculos faciens sub cute, extinguitur. Igitur sicuti in illo valet polygonum, portulaca, lactuca, &c. Sic in isto folia vitis, rubi, plantaginis, & lacryma stillans è vite incisa. Ulcera vero thus, gallam, calchanum, & cætera huius ordinis, requirunt.

### *De carbunculis.*

*Quid sit  
causa.*

1 **C**arbunculus tumor est ex faculento sanguine congesto in aliqua particula, tumor rubens,ensus, feruens, & pruriens, dolensque vna erumpens pustula, aut multis. Si humor tenuis exedens mistusque punxerit pluribus viis; febremque localem habet ad suppurationem, & ruptionem tendens; huic carbunculo facile occurritur per ea quæ suppurationi, & ruptioni medentur; de quibus supra.

*De anthrace.*

2 Est alius carbunculus deterior, altiores radices agens, & sæpè plures, cum in pus crassum, turgidum materia vertitur: acrimoniam, dolorem pulsatilem, & febrem etiam vniuersalem aliquando faciens; qui dicitur Anthrax.

3 Huic



3 Huic venæ sectio prodest: victus tenuis, & localia remedia, *Cura.*  
modicè reprimentia: & pus discutientia; vt cataplasma ex plan-  
tagine, & lente excocta, & mica panis; & vlcere factò, pastillus  
Andronis, vel Polyidæ apud Galenum. Fit etiam ex alumine,  
galla, thure, myrrha, aloë, radice aristolochiæ, calamintha, cal-  
chanto, cum vino dulci.

Partes adnatas defende succida lana, aqua rosacea, aceto, bo-  
lo armeno. Ad radices euellendas vtuntur punico acido in aceto  
cocto, minutatim prius inciso; cætera subsequetur, vt in vlcerib<sup>9</sup>.

4 Fit etiam in pestifera constitutione alius carbunculus lethali- *Glands pestis.*  
lis, contagiosus ex torrefacto sanguine, febris incendio, forasque  
protruso. Paruus quidè tumor à principio, qui ruptus incrustatur,  
subniger, cū dolore grauissimo, vehementi calore, diraque feбри.

5 Curatur reprimentibus quidem nullis (ne venenum intro re- *Cura.*  
cedat) sed refrigerantibus, & discutientibus, & attrahētibus; qua-  
les sunt cucurbitula, hirudines, galli anus. Crustas butyro dissi-  
pabis: deinde abstersiua succedant, & glutinantia, vt in vlceri-  
bus, &c.

*De bubone.*

1 **B**ubo propriè est glandularum, & laxarum partium tumor, *Quid.*  
Quæ influxiones faciliè recipiunt aliorum morborum: nam  
sub auribus, & axillis, & inguinibus, & collo fiunt, vicinarum par-  
tium trahendo morbosas causas: & in pestilentia, & semper, bo-  
num est eos exire: malum est intus latere ex toto, vel maiorem  
materiæ morbificæ partem.

2 Curatur bubo mollientibus, & attrahentibus, sicuti carbun- *Cura.*  
culus pestilens, ne venenum intrò feratur. Vtuntur capra cocta,  
lacte, theriaca, ad molliendum, & trahendum: sed hirudo, &  
lanceola, & cucurbitula valdè profunt. Post rupturam, & extra-  
ctionem, vt supra more vlcerum medebimur.

3 Cum fiant tumores in laxioribus dictis partibus non ex mor-  
bo, neque ex pestilentia, facile sanantur inedia, & calidorum  
oleorum applicatione.

*De apostemate.*

1 **A**postema tumor est collectæ materiæ suppurationem con-  
tinens. Colligitur autem transmittente natura, quod obest  
in partes externas, in beneficium exoneratæ partis, aut totius.

Hæc



*Distinctio.*

Hæc autem materia cum tenuis est biliosis vnita partibus, calida dicitur: facileque sanatur, aliquando solis calidis oleis conuersa in spiritum materia (vtri & nos experti sumus) antequam suppuretur: si autem coeperit suppurari, indiget aliis auxiliis coquētibz molliētibzque, glutinantibz, &c. Cum autem crassior fuerit materia, difficilisque coctura, ad cruditatem impuram pertinens, vocatur frigidum apostema, & quidem triplex ex materiali causa: etenim pus, aut pulti est simile, aut melli, aut adipi.

2 Dum suppurantur molliori cibo indigent, vt concurrant ad concoctionem humores; & localia erunt, quæ pus citò generant. Cum rumpuntur adiuta acribz, victus erit ordinarius: ruptis verò absterfisque siccantibz est opus cibis, & localibz, ne fanici ibidem fiat minera.

*De fistula.**Descriptio.*

1 **E** Tenim vbi non extraxeris per attractiua pus omne, atque per exsiccantia consolidabis partes, ne marcorem præcedentem æmulentur: pus remanens iterum acre fit vnione, & noua coctura, serpendoque rodit, & cuniculos facit, assuefacitque alias partes putrefactioni, & quidquid in corpore putrescit, eodem accersit: sicque cuniculus callosus euadit, vocaturque vulgo, fistula. Quæ quidem utilis est tanquam cauterium quibusdam, vt corpus ea via seipsum omnibz morbificis causis exoneret. Verum, & caro putredinem excipiens ad putrefactionem disponitur, atque instar spongiæ fit nervosis particulis se defendentibus, carnosus verò defluentibus, & ad perniciem disponit corpus: aliquando ob nimium effluxum etiam ad hæticam.

*Cura.*

2 Quapropter à principio prudens Medicus incidet carnem vsque ad finem puris; deinde exsiccantibus consolidabit locum cum pus omne expresserit, & roborantibus vtetur, & incarnatiuis. Postea verò non aggredietur fistulæ curam, nisi pharmaco omnes humores euacuauerit; ne dum supprimit eos, in viscera principalia reuertantur, & peiora symptomata fiant. Si autem secandi locus non datur, & pus exprimendi totum commoditas; cura nulla instituenda, nisi victus bonus ad siccum vergens, & exercitium, quo solent exsiccari humores, & balnea nitrosa, sulphurea, aluminosa, quæ & profunt, etiam quibus sectio adhiberi valet. Et caries lignorum, præsertim guaiaci, & vermes in carie nati, abolent fistulas.



3 Cum pus coeperit paucum fieri, & bene coctum, album, laxue, & dolor cessare, & pruritus quispiam in fistula fieri, & apostemate, tunc signum certæ salutis; iuuandaque natura, ut tandem perficiat. Vbi sanies multa sequitur subrubra, & dolor non cessat, vel omnino cessat absque causa, lethum pedetentim trahet.

*De tumoribus malignis.*

ARTIC. III.

*De cancro.*

1 **C**um coctio non terminatur in id, quod nutritioni est aptum, sed in aliud, generatur ex eo multiplex lepra, ut dictum est prius per totum. Nunc autem quid in partibus mali fiat, dicendum restat ex abscessu facto præter naturæ subsidium: videtur autem cancer, struma, gâgræna, & sphacelus in his contineri.

*Ratio generat. canceri.*

2 Cancer quidem non ulceratus est tumor teter, durus, subcineritius, figuram canceri fluuiatilis, vnde nominatur, imitans; & venis, arteriisque vitiato sanguine plenis, sic configuratus, ut quasi eius pedes utrinque videantur varicosè duriusculèque, & dolorem habet pungentem, & latè diffusum. At ulceratus cancer alter malignior est, teter, durus, dolorificus iugiter, erodens in profundum, sanie scatens copiosa, fœdissima, quouis veneno nocentissima: à principio curabilis, sed ubi radices egit, melius est (ait Hippocrates) si minimè curetur, curatus enim scæuior fit, mortemque citius affert: etenim pharmacia ad humores purgandos nil prodest, cum affecta pars propria peste continuo augeatur amplificatione sui, ex primalitatū delirio, & cōragione vehemēti.

*Quid.*

3 Eius causam Medici faciunt bilem atram, sed & cinerem simul ponere debuissent, & fuliginem, & pestiferum primalitatum affectum: qui seipsum auget, ut rabidi canis venenum in aliena temperie. De putrida bile atra, nihil est quod dubites: aspectus enim hoc declarat, & difficultas ad cedendum pharmacis, ob suam crassitiem incorporatam situi morbofo. Fuligo autem viscositatis particeps, & duritiei se prodit, quæ magis adnatas sibi consimilat partes, quàm ut ipsa eis assimiletur. Etenim ater pannus nullos suscipit colores, & modicum atramentum, præsertim ex fumo factum, plurimam aquam nigrefacit, inficitque. Adde sensum, & affectum partis ipsa causa morbi delectatum, & vim serpendi obtinentem. Rosio autem est ex cineris, & fuliginis angulositate, & acri qualitate, vehementia affecta.

*Causa ex Medic. Correctio.*



CURA.

4 Medicinam cancri putarem abscissionem ferro omnium partium, & radicum : post purgationem tamen fuliginosæ bilis, ne accersiri solita eodem confluat, vt prius, & odoris cancri reliquias suscitet. His adde vstionem, & ea, quæ reprimunt fluxum, vbi probè emunxeris crassi, & putrescentis sanguinis reliquias. At quoniam venæ, & arteriæ plures in cancrum coeunt, vbi non est spes eas refarciri post sectionem, neque possunt per longum aperiri exprimique, sed per latum, oportet abscindi, præsertim si cancer inualuit, iam nulla ferè restant remedia, nisi, vt mitescat.

5 Ergo cibis boni succi, & nullam bilem atram facientibus vtendum, & pharmacis eam purgantibus assuefaciendum : vena tentanda larga sectione. Item si hæmorrhoides inerant, aperiendæ sunt iterum : Mulieribus verò suppressi menses ciendi. Etenim nullibi magis innascitur cancer, quam illarum vuluis, & mammillis ex menstrui retentione : habet enim mamilla cum vtero analogiam, & correspondentiam, vt dictum est alibi. Vtendum etiam theriaca, & mithridatio, cæterisque venenatâ pellen- tibus qualitatem. Localia remedia erunt ex succo solani, cerussa lota, plumbo vsto, thure, hydrargyrio, bolo armeno, terra lemnia, cancri fluuialis cinere, rosa, meliloto, & huiusmodi.

6 Vlceratis cancris hæc eadem valent, & vnguenta fiunt addito rosacco, porcino adipe, vitellis oui assis, myrrha, iride, aristolochia. Item camphora dissoluta in aqua forti, & mox supernatante, & hoc ad opus seruata plurimum prodest inuncta.

*De scrofulis.*

Descript.

1 **S** Trumæ, vocatæ scrofulæ, fiunt in colli glandulis ex nõ valde dissimili materia atque cancer ; & scirrhusam obtinent duritiem, & glandularum quantitatem variam : ita tamen quod aliquando pendulæ sunt, abscessu eas extrinsecus in pelle gignente, & ex parte separante : aliquando infixæ in hærent collo superficialiter : aliæ intrinsecus magis, & circa guttur, & in posterioribus colli partibus, & in obliquis.

Distinctio.

2 Aliæ sunt mites absque inflammatione & dolore, cum mediocri duritie : aliæ malignæ cum inflammatione, & pulsanti dolore, tumore inæquali.

Causa.

3 Causam mitibus assignant Medici pituitam lentam, frigidumque humorem : malignis addunt bilem atram, quas instar cancri incurabiles autumant.



4 Medicina erit conueniens glandularum abscissio per ferrum, *Cura.* sicuti in cancris, & par subsequens medendi ratio: si tamen non ex sint glandes, quæ magnum præstant vsum: si quidem, & in testibus, & inguine, & alis, & mammillis, sunt glandulæ, gignendo semini, vel lacti, aliisque vsibus destinatæ; in quibus etiam strumæ fieri possunt: & quæ in collo puluinaris vsum habent in venarum ramificatione, ne forte rumpantur, & facile ipsarum iactura toleratur.

5 Pharmacia erit, quæ tales euacuet humores, victus qui non generet, sed minuat. Emolliuntur autem iis, quæ scirrhus molliendo aptantur localiter. Discutientia erunt calx viuæ sæpius lota, sterus bouinum ex aceto, cancrorum cinis, sulphur viuum, semen pasturtij, myrrha, galbanum, ammoniacum, nitrum, fel porcinum.

6 Laudant Magi talpæ caput cum terra per talpam eruta contusum: raia aculeata marinæ spinam: brodium testudinis, brodium in quo rubeta fuerit decocta vsque ad tertie partis consumptionem: ostrearum cinerem, & cancrorum, & ficus, & scrofulariam, cyclaminum, dracunculum, mandragoram, eryngium.

*De gangræna, & sphacelismo.*

1 **G**angræna tumor est partis nondum extincti sensus, sed *Quid.* mortificati; niger, putridus, graueolens. Eius causa est defectus nutrimenti, & transpirationis, quæ accidunt ex eo quod pars contusa valde fuerit, aut ligata strictè, vel inflammatione *Causa.* nimia correpta, vel à frigore nimio: ita vt temperies immutetur, nec nutrimentum trahat, nec excernat fæces, nec fuligines. Hoc rectè Medici norunt. Sed profectò accidens huiusmodi non tantum fieret, nisi & humores prauis, & impuri confluerent, aut præinescent; qui ad cancri quasi generationem sint apti: solent enim etiam ex solis malignis humoribus fieri: at ex sola ligatura nisi ipsi adsint, nequaquam; vt patet in his qui fune, & equuleis torquentur strictissime absque hoc subsequente morbo.

2 Sphacelus, qui Latinis sideratio, est totius membri extinctio, *Sphacelus quid.* ita vt sentiar nihil, ex eisdem causis sæuioribus ortum ducens; quod & plantis euenire solet, quando non modo spiritus liber dans sensum, sed etiam implantatus extinguitur, & vis nutritiua corrui.

3 Cura gangrænæ validæ ferrum est; quo pars putrida ressecatur: *Cura gangr.* deinde adstringentibus localibus medicamentis, prius tamen ferro



ignito venas, arteriasque tanges leuiter, ne sanguis multus subsequatur, & vulnus exsiccecur.

*Cura sphac.* 4 At si remedia non spernit, valent ad gangrænam post purgationem peccantis causæ, lixiuium ex cinere crematorum cauliculorum ficus, vicia passæ sine nucleis trita cum ruta, salvia etiam contusa, & acetum.

5 Ad sphalecismum curandum valent ea, quæ illius causis aduersantur, contra frigus enim calida: contra contusionem, & ligaturas ea, quæ his medentur, vt infra. Si humores peccauerint, purgatio ipsorum præcedat: mox cicerum farinæ emplastrum, aut ex eius foliis similiter & salvia, & lixiuium ficus iam dictum. Item frictiones ex oleo, balsamo, & adipe humano, & medullis ossium, & quintis essentiis aromatum, & sidentatæ oliuæ viuificatæ d inde oleum, quod acciderè Virgilius narrauit; & hæc ad omnem sidentationem. Acetum & calx ne serpat, & malignitas tollatur prodest, & sectio ad viuum tollit contaminationem, & hoc à principio. Nam difficile euadunt, & vix vnus.

*Phaged.*

6 Phagedæna ad cancrorū rationem, & medelam refertur, sic & cacoëthes alij tumores, quos ex supra dictis curare didicimus. Ad omnia autem carcinomata vlcerata valet camphora ex aqua forti emergens, & calx lota, vt supra.

### *De tuberculis generatim, & speciatim.*

#### CAPVT XXIII. PARS III.

*Distinctio.*

1 **P**ost tumores eorumque comites tubercula sequuntur, quorum alia absque dolore videntur nasci, & crescere, postea tamen magnitudine obtusum efficiunt dolorem, vt callus, & clauus: alij sunt cum dolore, vt furunculus, & panaritium: alij medio se habent modo, vt formica, & verruca, thymus, & varix venæ, & arteriæ.

*Causa ex  
Medic.*

2 Horum causas Medici faciunt frigidos, crassos pituitosos, & melancholicos humores; sed ad proprias, & peculiare causas, modosque generationis non perueniunt; sed causas quæ innumeris morbis assignantur vniuersaliter adducunt; nos autem quorum experientiam nondum habemus, parum audebimus: cognita non reticebimus.



## De callo &amp; de clauo.

## ARTIC. I.

1 **C**allus quidem cum in manibus & pedibus fiat, vbi cutis *Ratio genera-  
rat. callorū.* crassa, & confricata sæpè venit; manifestè ex his humoribus, qui cutem neruosam alunt, originem trahit: cum enim comprimitur, & tunditur pes, & vola manus: eò plus nutrimenti neruosi accedit, & suam ob crassitiem sensum non retinet: quia nec spiritum, qui vniuersitati spirituum communionem faciat; ergo necesse est illum crescere quasi mediæ naturæ inter vngulam, & neruum, & substantia plantis pedum, & manuum, distincta nutriendis. Sicuti enim sanguis ad carneas partes contusas confluit, & tumorem facit: sic ad neruosas glutinosa materia eius nutrimentum adcurrit, sicque assuescens callum generat: manifestè enim laborantes pressio ligone, qui non solebant, callum in manu contrahunt: vnde aliorum callorum elucescit generatio.

2 Clauus verò ex eadem materia sub pedibus nascitur alio pacto defluente, ita vt à cæteris partibus sequestretur, & compressa à suo fine retunditur, ita vt clauī caput fortiatur.

3 Horum cura est, vt mollescentur herba indica, & tepenti *Cura.* aqua, & butyro; deinde refecentur vsque ad radices: deinde corrosiuis rebus, quæ radicem nasci prohibeant, aut repressiuis tantæ influentis lubricitatis affricentur. Valent ad hoc succus tithymali, thus cum aceto, fel hircinum: nitrum cum vrina pueri, sterqus ouinum, & hircinum cum aceto, & sulphure; calx, & huiusmodi. Vidi multos profitentes eradicare hæc tubercula, vt nunquam vltra reuertantur, & tamen reuersa sunt.

## De verruca.

1 **V**erruca tuberculum est tenui filo cuti adhærens sine sensu, vel filo crassiori, quæ & porrum vocatur: fitque exerescencia spiritu ducente exterius crassitiem dum transpirat, nec elabi potente: quapropter incisa plus sanguinis emittit, quam sua radix permittere videtur.

2 Curatur ligata filo donec cadat, aut plumæ neruulo secto: affricatisque iam dictis rebus, ne renascatur. *Cura.*



## De formica.

Quid.  
Causa.

**F**ormica callus est quidam lata basi eminens in tuberculum; quod dum scalpitur, & atteritur, mordentis formicæ sensum habet; quoniam spiritus cum callosa materia inest, salusque modicus humor, vel spiritus ex tali humore ductus.

Cura.

2 Hanc scalpro præcidere oportet, & prædictis affricationibus abolere. Addunt alij facem vini vstam, viuam calcem, æruginem cum vrina pueri, etiam antequam excidatur: alij verò succum tithymali ærugini, & auripigmento, & sandaracæ, & ammoniaco actis in pulcrem addunt in cupulis glandium applicatum, vt sponte decadat: deinde curant, vt cætera vulnera.

3 Magi autem quidquid in plantis, & animalibus tubercula hæc imitantur: præsertim gallas, & quercuum frondes, vtile putant.

## De furunculo, termintho, panaricio.

**F**urunculum vocant tuberculum cum inflammatione, & dolore. Eius ergo sanguis crassus, adustusque censetur Medicis, sed excreescens pabulum: & impurum sanguineæ, seu carneæ partis dicendum erat.

2 Terminthus verò ex assato calido sanguine eandem habet generationem, ideòque nigrescit.

3 Panaricium sub vngue ex eodem sanguine nascitur maximo cum dolore.

4 Horum cura eadem est, vt pus maturetur, extrahatur, abstergatur: solidentur partes; & si opus fuerit cucurbitula scarificata, aut sectio venæ, aut purgatio, cum multæ fuerint associantur.

5 Prodest locale remedium ex his, quæ similia patiuntur.

## De pustulis.

## CAPVT XXIII. PARS III.

## De exanthematibus.

## ARTIC. I.

Quid ex-  
anthem.

**E**xiles pustulæ, propriæque puerorum sunt, exanthemata Medicis vocata, id est, morbilli, & variolæ. Morbilli habent secum inflammationem, & dolorem, pruricum, somnum profundum:



dum: oculos tumidos, oscitationes, sensum punctionis in corpore *Signa.* toto, capitis, & lumborum dolorem; difficultatem spirandi, tumorem altum, & acuminatum: ruborem faciei, & tandem ulcerationem.

2 Variolæ eadē ferē habent symptomata: sed cum minori pruritu, & minori difficultate spirandi; & sunt tumores lati, & non ita rubefcentes, & difficiliter emergunt, & diutius durant quā morbilli, suntque periculosiores; nec tamen spontē ulcerantur. Post eruptionem dolor in gingivis, & faucibus, & vocis rauceo subsequi solent. Moriuntur plurimi ex variolis prave curatis, quoniā difficiliter emergunt: sæpeque causa mali regressa vitalibus officit: pauci ex morbillis, quoniam facilior ipsorum egressio.

3 Ex dictis signis, & quoniam pueris modo accidunt, raro iuvenibus, nisi albidis quibusdam puerilem temperiem redolentibus; rarissimē senibus: coniectari licet causam morbillorum esse sanguinis excrementitij ebullitionem, & spumosi. Cum enim efferverit multiplicatus, & quasi crudus, nimiusque ob puerorum temperiem multum sanguinis procreantem, eod quod blandus calor æquē fundit cibum totum in sanguinem, pauca impuritatum facta sequestratione; quippe quas etiam pari fluiditate donat, iuxta regulas nostræ physiologiæ de calore blando, & robusto. Consequens est, ut exonerare se natura sanguinis copia impura, nec valde digesta, cupiat. Idcirco quavis ex cæli constitutione adiuta extrorsum propellit abundantiam: & dum per carnes ex venis exudat copiosus, & caro impuritatem patitur & auersatur, & exprimit, necessario symptomata iam dicta apparent: & quoniam feruet calidus sanguis, tenuitatemque multam habet, facile foras educitur, & citò; nec proinde interimit: & quia per totum corpus erumpit, ubique dolor & calor, & pruritus: maximē autem in cartilaginosis auribus, & naribus. Rubor & acumen ex tenuitate in sanguine conspicitur.

4 In variolis verò altera est causa, id est, crassior sanguinis pars, *Ratio symptom. in variol.* & pituita, crudi assue multa, qua sese deinde exonerat natura. Itaque morbilli sunt sicut flores ex vaporoso succo: variolæ subsequuntur ut glandes ex crassiori succo: & propterea difficiliter egrediuntur, & sæpe introrsum regressi humores perimunt, præsertim in quibus cutis durior: spiratio tamen facilior, quoniam ex vitalibus crassities non oritur, uti tenuitas morbillorum: nec proinde vitalia pariter afficiuntur. Crescunt in latus, non



in acumen, ex humoris crassitie; nec rubescunt, quoniam ex crudo fiunt sanguine. In gutture & faucibus idem exitus malefacit: iuuenes non tanguntur his malis: quoniam coctura in eis absoluitur, & cum semel natura has duas purgationes fecerit, adeas non opus habet reuerti, sed per transpirationem subsequitur has expulSIONES ita inceptas; & per alias pustulas, tumoresque non vniuersales, sed topicos.

5 Curabimus vtrumque morbum iuuando naturam, vt propellere possit quod incepit. Itaque ab aëre frigido, & aquis cauebimus, in calidis retinebimus tegumentis, non tamen nimis, ne suffocentur, aut syncope afficiantur. Tenui alantur cibo, qualis inflammationibus principio conuenit. Et si probe propulsat natura morbillos, & variolas, tu nihil mouebis, sed ne non propellat curabis, pannisque rubeis, & qui materiam ipsorum colore referunt, teges: humor enim cognatione tali facilius exit; & si cutis densa fuerit, quæ obstructionem tollunt, bibenda dabis, vt decoctum apij, origani, pulegij, fœniculi, petroselini, asparagi, rusci, calaminthæ &c. mane, & vesperi. Valent & suffitus ex malua, violis, chamæmelo, anetho, fursure, & similibus: decoctum etiam istarum rerum valet si ex eo lauentur; Hippocrate testante de calida: possunt & acu aurea pungi, vt pus efferatur post eruptionem.

6 Quæ in faucibus affligunt; more aphtharum, & tonsillarum curentur.

7 Si oculi clausi afficiantur viscoso humore, super corneam erumpente consperso, quod vidi aliquos cæcatos: non enim abradi ex cornea potuere indurati humores: ipsaque cornea intus perfusa, & contracta, & diminuta visa est: propterea cautus esto, vt lauentur oculi rosacea, aceto, & felle, cæterisque rebus albumen tollentibus: maximè autem illa, quæ fit vino græco, aqua stillata rosarum albarum: aqua chelidonix, fœniculi, & rutæ, & eufragiæ, caryophyl. & saccharo.

### *De aliis pustulis.*

#### ARTIC. II.


1 **E** Phelides pustulæ sunt ex ardore solis sub cute ex sanguinis sero genitæ: quæ quiete, & vmbra, & lacte applicato tolluntur.



- 2 Epinyctides sunt nigræ pustulæ, fabæ magnitudine pares.
- 3 Albiorez verò, quæ in ambitu rubescunt, vocantur cæthymata.
- 4 Horum cura levis ex dictis patet: Adde sectionem venæ ubi multiplicantur. Nec trahas pharmaco ad centrum.

*De ulceribus.*

CAPVT XXIII. PARS IV.

- 1  Mnes tumores fere; & plerumque maculæ vlcera post se <sup>Quid.</sup> <sup>Distinctio.</sup> relinquunt: quod etiam vulnera efficere solent: est enim vlcus sordida continui separatio ex humore, & spiritu prauis facta: & prout prauitas, eiusque causa subiecta variantur, ita & vlcera: aliud enim cancrum, aliud apostematicum, aliud erysipelaticum, & cætera ex iam dictis nota.
- 2 Præterea materialiter sic distinguuntur: aliud verminosum, <sup>Item di-</sup> <sup>distinctio.</sup> aliud putridum, aliud saniosum, aliud virulentum, aliud purulentum: aliud sordidum, aliud siccum.
- 3 Ex figura non magnitudine aliud rotundum, aliud oblongum, <sup>Item</sup> <sup>distinctio.</sup> aliud rectum, aliud obliquum Item magnum, paruum, profundum, & superficialium, & stans, & vagum, id est, serpens, & depascens.
- 4 Causa vlcerum sunt aut prauitas humorum, aut plenitudo <sup>Causa.</sup> nimia, aut impuritas, & plenitudo: alia totius corporis, alia vnius visceris, alia membra alterius exterioris.  
Causa causarum sunt vel cibi prauitas, & impuritas, & superfluitas, vel defectus coctionis primæ, aut secundæ, aut tertiæ: vel illæ, & istæ omnes, vel quædam.
- 5 Insanabilia reputantur ex causis iam dictis: nam exedentia, vetera, rotunda, cacoethia, chironia, & glabra, præsertim in hydrope, elephantiasi, cancro, & cacoehymia videntur nullis cedere remediis, cætera curantur plerumque.
- 6 Curatio generatim est per ea, quæ auertunt, & reprimunt humorem alterantem, id est, per vacuationes, phlebotomias, ligaturas. Item refrigerantibus, & adstringentibus reprimenda, suppuratio iuuanda sæpè dictis rebus: pus abstergendum, & sanies absterfui: cicatrix obducenda glutinantibus.
- 7 Speciatim verò quidquid de propriis fontibus vlcerum sanandis loquuti sumus, hîc repetenda sunt.



*De illatis potestatiuo munitiuo, læsionibus.*

## CAPVT XXIV.

**I**llata mala per vim in munitiuo organo potestatiuo sunt vulnus, contusio, luxatio, fractura, ruptio.

*De vulnere.*

## ARTIC. I.

*Quid & cau.* **V**ulnus est recens continui separatio cruenta, non sordescens, vti vlcus; quæ fit aut à rebus perforantibus, & cædentibus, violenter intrantibus cutim; aut animalium dente.

*Distinctio.* 2 Est quidem à principio cruenta, deinde saniosa, sed in fine purulenta, cum sanitas est propinqua.

3 Differunt figura, & magnitudine, & situ, quemadmodum vlcera quibus analogantur. Alia enim rotunda, alia oblonga, alia angulata, alia recta, alia obliqua, alia superficialia, alia profunda: similiter alia in carne, alia in nervoso genere, alia in visceribus fiunt, vt in epate, corde, intestinis, vesica, liene, renibus, pulmone, cerebro.

*Diuisio curabilem, & incurabilem.*

4 **V**ulnera quædam insanabilia nuncupantur, quibus nullum prodest remedium, vt mutilatio, & nerui sectio. Quædam insanabilia, & simul lethalia, vt principalium viscerum vulnus, diaphragmatis, cerebri, epatis, asperæ arteriæ, ventriculi, œsophagi, & omnium intestinorum, fellis, spinalis medullæ, vesicæ, vteri, renum, lienis.

5 Quædam sanabilia sunt, nulla remanente læsione functionum: quædam remanente læsione. Cum enim caro sola vlceratur, aut pars commoditatem functioni, non essentiam, præstans, qualis est nasi extremitas, & auricularum, & digitus pedis: tunc remanet functio pristina, licet non ad eò commoda. Cum verò pestotus, aut nervus, aut labrum præciditur, progressio, & motus, & pronuntiatio læduntur; & pro læsionis qualitate tolluntur, vel viantur.



*An quæ Medicis ponuntur incurabilia, sint.*

6 **M**utilationem omnem, esse omnino insanabilem, non est <sup>Quædam vi-</sup>  
omnino verum. Nasus enim amputatus in locū suum re- <sup>sa Medicis</sup>  
stitutus, benèque curatus reficitur: sicuti citrullorum fracta pars <sup>incurabilia</sup>  
restituitur suæ comparti, & consolidatur: non secus ac fissum ca- <sup>quæ curètur.</sup>  
put lacerti, & vulnus lucij piscis, & dissectus lumbricus coalescit  
copulatus.

7 Præterea per magiam Calabram de nouo reficitur nasus, cum  
inueniri non potest amputata partiçula, ex carne brachij vulne-  
rata, in quam nasus sine crusta vulneris cruentus immergatur, ibi-  
que ligatus perseueret, donec in vnum coalescat quasi membrū  
cū brachij musculo interiori per 40. dies. Sed Cillo Deltuso post  
14. coalui, & dissectus est à brachio cum tanta carne ex sanguine  
nouo creata; quanta ad quantitatem nasi opus erat, & per noua-  
culam formata ad formam nasi, & exsiccantibus solidata, reddita  
est persimilis præcedenti. Vidimus etiam ex mancipii brachio  
quendam sibi partem amputatam adsciuisse; sed mortuo deinde  
mancipio, adiuncta particula cœpit putrescere, sicuti & cadauer  
mācipii: cuius rationē in libro de sensu rerū, & magia docuimus.

8 Nerui sectionem non esse consolidabilem propterea statuit <sup>Cur nervus</sup>  
Galenus, quod ex semine nutritur: quod semen tamen inueniri <sup>Galenus non</sup>  
non potest in exudante ex venis sanguine, quantum eius resectio- <sup>reficitur.</sup>  
ni necessarium est.

9 Hæc tamen ratio sufficiens non est, nisi addas, quod nervi ex <sup>Correctio.</sup>  
fibris spiritu plenis constant, pluribusque filis; quibus dissectis,  
etiam si coalescant, foramina filorum non conuenient iterum ita,  
ut spiritus hinc illuc possit veluti prius transire: proptereaque  
functio læditur, quæ per inambulantes fiebat spiritum, quam in-  
ambulationem Galenus non nisi in spinali medulla agnouit. Præ-  
terea cum nervi ad motum tendantur, cum secti fuerint, non pos-  
sunt glutinari: à quacunque enim motione disjungiuntur. Præterea  
carent sanguine; qui vtrinque immersus copulet, sicuti in carnem  
facit; quam consolidat prorsus, repletque, & regenerat.

10 Istas autē rationes, non valere experiētia testatur; namq; aspe-  
ra arteria ex nervoso constat principio: & tamē nostro sæculo vul-  
nerata adhibitis dextre remediis sanitati restituta est, ut recētio-  
res Medici peritissimi testantur: siquidē in arteria meatus nō potest  
occludi, cum sit amplius, non angustus, ut in neruorum filamentis.



Idem quoque venæ confirmant, quæ vulneratæ lanceolis, curantur. Mihi autem & venas, & arterias dirupit, nedum carnes laceravit cruciatus equulei in posterioribus partibus, & tamen diligentia chirurgi Scamardelli, optimi viri, sanitatē adeptus sum.

*Nec quæ lethalia Medicis penuntiant, sic esse.*

11 Quæ etiam lethalia ponuntur veteribus Medicis vulnera, non omnia lethalia sunt, siquidem Galenus ipse testatur vulneratum cerebrum sæpè sanatum esse; cor tamen, & diaphragma nunquam. Et ratio est in promptu, quia cor motui continuo destinatur, & spiritibus plenum est ita, ut nec coalescere per quietem, neque spiritus in fibris vias angustas recuperare valeat. De ventriculo dubitat. De epate faretur fibram scissam sanatam esse ex aliorum dictis. Sed nostrate pestare vir nobilis abscissa, extractaque epatis particula, sanatus viuit.

12 De ventriculo quidem dubito & ego. At de intestinis tenuibus ulceratis, & per futuram sanatis: extat Medicorum recens historia. Ergo si nimium non est vulnus, nec circulare, etiam in ventriculo futura non est spernenda.

13 De vulnere vteri iam historiæ plures narrantur in Gallia, & apud Heluetios, qualiter vtero secto prægnantium fœtus viuus educitur, & per futuram vterus sanatur, materque superuiuit, quod antiquis ignotum fuit beneficium. Nos etiam diximus, quod etiam toto vtero reciso mulieres superuiuere possunt, sicuti masculi, genitalibus.

14 Vulnera vesicæ vrinariæ, & felleæ, & lienis lethalia propterea sunt, quod excrementa retinere habent: & cum hoc non possunt, necesse est per illa corpus foedari ad mortem.

*De curatione vulnorum ex metallo, & ligno, &c.*

#### ARTIC. II.

*Primo extra.  
hinc se. r. m.*

1 **I**N cura vulneris ex ligno, aut ferro, aut huiusmodi duris rebus. Primo statim si ferrum, aut lignum in vulnere relictum fuerit, est extrahendum: quod si nequit ob figuram reuersioni repugnantem, secanda sunt vulneris labra, quousque possis per forcipem, aut alia instrumenta extirpare.

*Secundo emul.  
gitur sanguis.*

2 Deinde sanguis est abstergendus, & emungendus, si cõtusio simul adest: ne remanens qui concurrit saniosus fiat: efficies hoc vino albo generosoque: aut aqua marina, aut vrina; & qui effluit exsiccandus sale, myrrha, nitro, aliisque pulueribus, aut ignito ferro.

3 Deinde coniunges vulneris labra, prout cõmodius cohærere possunt; si non est mutilatio: coniunges autem fascia, futura, aut quocunque



quocunque vinculo, præsertim ex vlmi cortice, intra fasciam & <sup>Tertio con-</sup>  
carnem posito, aut aliis rebus, glutinandi vim habentibus. <sup>iunctio.</sup>

4 Etenim post cohærentiam glutinatio est procuranda: post  
glutinationem cicatrix per exsiccantia magis.

5 At vbi plaga profunda est, & deficit caro, aut decisa est, oportet prius cavitatem replere, quàm vnire. Repletur autem per <sup>Quarto re-</sup>  
carnis generationem, generatur caro ex probo sanguine, vulne- <sup>pletio.</sup>  
rata parti accommodo: commodus autem est, qui fit ex cibo  
eiusdem substantiæ. Ergo si coxa est vulnerata, coxis nutries  
ægrum, & rebus similibus: si iecur, iecoribus: si pectus, pectoribus:  
si os, medullis, & castaneis, & rebus ossicis. Ad glutinandum au-  
tem valent viscosa, vt pelles, pedesque vitulorum & huiusmodi.  
Sunt tamen exsiccantes cibi non valde, ne caro nouiter genita  
exsicceatur: neque humidi, ne sanies non consumatur. Foris vn-  
guenta incarnatiua adhibentur, & quod vocant aureum.

6 Simul autem cauendum est, ne inflammatio in vulnere fiat <sup>Monitio.</sup>  
per reprimentia, & refrigerantia. similiter ne dolores validi vires  
prosternant, per stupefacientia, & lenientia; & ne spasmus siccus  
accidat, humectantibus vtendum: ne humidus, euacuantibus: ne  
caro nimis excrescat, mediocriter sanguinem gignentibus. Et  
intus, & foris ista fiant.

7 Vena & arteria eisdem curantur modis: & albumine oui ag- <sup>Cura vulne-</sup>  
glutinantur, & resina, & pice, & coriario glutine, vel ex neruis <sup>ri vena, &c.</sup>  
facto.

8 Similiter etiam nervus, & tendo, & membrana, siccato prius <sup>Nervi.</sup>  
vulnere per oleum fabinum, & huiusmodi. Mitigatur dolor oleo  
ex vitellis ouorum.

9 Ad vulnera claudenda, glutinanda, solidanda, & replenda <sup>Vitellina ad</sup>  
carnibus valent gentianella, hypericon, ascyron, vlmus, lupinum, <sup>clausuram</sup>  
sideritis, heraclara, centaurium minus, chamædrys, scordium, <sup>& glutinum</sup>  
betonica, symphytum, plantago, ficus, pinus, & omnis arbor re- <sup>& solidat, &</sup>  
sinifica, vt abies, lentiscus, terebinthus, mali, & pyri folia, balsa- <sup>replet.</sup>  
mum, myrrha, sanguis lacerti, tinca pellis, hybiscus, aquifolium,  
glycyrrhiza, sarcocolla, olea siluestris, & gummi omnigena, & re-  
sinæ omnes.

10 Ad fistulosa vulnera, & saniosa, valet gentiana, helleborus <sup>Ad fistulas.</sup>  
niger, caries lignorum, præsertim guaiaci, & vlmi, & vermes in  
carie nati.

11 Ad spicula extrahenda in vulneribus relicta, valet dictam-



*Ad extra-  
hendum spi-  
cula.*

nus, gladiolus, rubus, tribulus, aquifolium, dipsacus, aloë: pecten  
veneris, pygno comon: sparganium, iris, xiris.

*De contusione.*

ARTIC. III.

*Quid.*

1 **C**ontusio est absque perforatione vulnus, quo symmetria  
soluitur membri; & sanguis, & humores accersuntur ad  
locum eius. Curatur cum superficialis est exsiccantibus, & cera  
calida, & rosaceo oleo.

*Cura.*

2 Cum autem profunda fuerit immanisque, oportet contusum  
in saniem verti: & à reliqua carne separari, & deinde nouam car-  
nem gignere: propterea vsus est Scamardellus terebinthina, &  
ouorum vitellis, quibus & inflammationem vitauit, & in saniem  
contusas vertit carnes; deinde cultro separauit à viua carne par-  
tem contusam, & demortuam; quod mirè simul natura operaba-  
tur. Postmodum vsus est exsiccantibus lixiuiis, & vnguentis. De-  
inde incarnatiuis. Et sic præter Medicorū spem sanitati me resti-  
tuit, detractis duabus libris carnis, refectisque mirificè, vir bonus.

*De vulnere ab animalibus, præsertim venenatis.*

ARTIC. IV.

1 **V**ulnera ab animalibus curantur statim accipiendo anti-  
dota, cum plerumque sint venenata, scilicet theriacam,  
mithridatium, & quidquid aduersatur mordenti animali, vt fra-  
xinus serpenti, sanguis cati, & vulpis canino morsui.

2 Vulneri attractiua statim adhibe, vt cucurbitulas, & ligatu-  
ras, & sinapismum, ne serpat; aut amputationem membri, aut v-  
stionem. Ignis enim venena omnia dissoluit; sed nil præstantius,  
quam mordentis animalis corium, aut caput: venenum enim ad  
suam sedem amicam ab inimica statim recedit.

*Contra ve-  
nenum.*

3 Valent contra venenum, oleum ex seminibus citrij, aurantij,  
& limonis extractum; radix angelicæ, balsamum orientale, terra  
Melitensis. Item pulueres ex terra lemnia, bolo armeno, carlina,  
tormentilla, lauri baccis, aristolochia, coriandris, anisis, bistorta,  
gentiana, rhapontico, mastice, dictamno albo, singulorum dra-  
gma vna, croci verò dimidia; contusis, & cribro serico transactis.  
Valent plurimum sumpti, quantum capit area coronati aurei in  
vino generoso.



## De rabidi canis morfu.

- 1 **A**duertendum quod in cūctis venenis venenatisque mor- *Car aquam*  
 sibus præfata remedia valent: sed morsus canis rabidi pe- *auerantur.*  
 culiarem quarit medelam. In eam enim deueniunt affectionem,  
 vt aquam magnopere auersentur, vel quia quid caninum in ea  
 illis repræsentatur: vel quia summa adustio à canis lue inflicta  
 contradicit per antipathiam. Proptereaque cum in hunc trans-  
 ferint affectum, incurabiles fiunt, eo quod iam canini facti sunt,  
 veneno paulatim vincente temperamentum, & in suam agente  
 qualitatem, non secus ac tritici semen terram in sui substantiam;  
 quemadmodum in lib. de sensu rerum ostendebamus.
- 2 In Calabria remedium habent nostrates miraculosum con- *Miraculi re-*  
 tra hunc morbum; videlicet aquam, quæ per tibiam brachij S. *medium.*  
 Viti transcolatur à clericis, & panem benedictum: & quidem  
 Medici recentiores affirmant, quod si vulnus aqua aliqua tactum  
 fuerit, incurabile prorsus euadet. Vnde miraculum S. Viti ce-  
 lebrius venit.
- 3 Curatio Medica incipiat, antequam demorsus seipsum in *Quando cu-*  
 speculo videns non agnoscere sese valeat; alioquin non curatur *randi.*  
 amplius, si Auic. credimus.
- 4 Ore antidota præfata capiat ex theriaca, fluuiarium cancro- *Antidota.*  
 rum cinere, pimpinella, rubo canino, beton. hyperico, centauro  
 minore, artemis. polypodio, mentha, angelica, absinth. gentiana,  
 in syrupis aut electuariis, aut in cibo; qui ex borrag. buglos. plan-  
 tag. portul. oxalide, & præfatis rebus; & carnibus cani contra-  
 riis.
- 5 Possunt etiam post suctionem demorsis locis per cucurbitu-  
 las, & alia extractiua, applicari præfatæ res. Dioscorid. alysside-  
 coctum, quod vi attractiua faciet: etenim si in alio vulnere ponat-  
 ur, euadet vulnus illud caninum, eodem teste, & Gal. Ergo est  
 caninæ naturæ: ergo pilus rabidi canis etiam, & magis proderit ad  
 veneni extractionem; magis autem dens, & epar, & cor vltum, &  
 vermis in carne genitus, & cinis eius, capitis, & sanguis.
- 6 Similiter dices de veneno extrudendo, & morfu lupi, aut cati,  
 aut galli, aut aliorum rabidorum animalium. Item si scorpius, aut  
 vipera, aut draco, aut apis, aut salamandra, aut cantharides: omnes  
 n. antidotū habēt in suo cinere, aut corio, aut corde, aut spina, aut  
 oculo:



oculo : siquidem venenum in cauda cerui seruatum si quis edat, oculo ceruino sanatur. Hoc tamen considera, ne quod attractione faciunt, tu associatione adhibeas: augebunt enim venenum, vt in 5. lib. dicebamus.

7 Contra metum aquæ, quem incurrunt à cane rabido morfi, conferre dicitur eius pellis ex talo sub cyatho posita. Sic enim aquam non formidabit. Item si pellis lupi gestetur à demorso, non incidet aquæ metum. Item herba hippocampus, quæ inducit hydrophiliam.

*De morfu tarantularum.*

*Descriptio.*

*Cura.*

1 **M**orsus tarantularum in Apulia venenosus : spiritus acuit, afficitque affectu tarantulæ : quapropter amant demorfi colorem & sonum tarantulæ cognatum, & illo excitati mouentur ad saltus choreasque ; & tandiu donec exudent : ac vnà cum sudore venenum emittunt, & hoc pharmacum illorum. Dicunt autem tandiu hunc affectum in eis suscitari, cum alios saltantes eiusmodi viderint, quandiu tarantula viuit, quæ momordit.

2 Vtrum autem hoc, & qua ratione possibile sit, in 4. libro de sensu rerum disputauimus, & amputato naso particula adscita ex alterius carne hominis, quæ putrescit illo putrente, confirmat hanc magicam rationem.

*De cura vulnerum portentosa.*

1 **S**ed an medicatio ensis, quo quis percussus est, sit medela, & salus percusso, difficilius est inquisitionis. Libet tamen remedium ponere, si forte per consensum, aëre, & mundi anima, vel sensu communicatum patientis salus in eo fiat. Nam etiam defuncti vitalia in aspectu interfectoris concutuntur ad iram sopitam, sanguinemque à vulnere mittunt; & serpens occisus ab umbra fraxini recedit, vt ibidem dictum est.

2 Fit ergo ex duabus vnciis musci, qui super caluariam mortui hominis sub dio positam, nascitur : ex duabus vnciis adipis humani, & ex media sanguinis humani : & olci lini, terebinthinæ, & boli armeni vncia vna, omnibus in mortario pistis ; quæ mox in vase prælongo imponitur: in quod ensis, pugio, aut quoduis lignum sanguine vulnerati maculatum, inferatur, vt sic maneat ; tunc vulneratus dolore leuabitur, & sanabitur sua sponte,

*nihil*

*inguenti armeni  
descriptio.*



nihil agendo, nisi se vrina calida lauando; viderint experti: mihi autem experiri non licuit.

3 Alij sola portione vespertina, & matutina vini, in quo fuerint herbæ pyrolæ, & consolidæ, & aristolochiæ, & parthenij, singulorum singuli manipuli impositi, subque fimo caballino digesti, vulneratos sanant. Alij ex pyrolæ, & cyclamini, & saniculæ, & alchimillæ vino, pariter idem profitentur.

*Appendix.*

**P**Ræter iam dicta contra scorpionum ictus plurimæ valent res: præsertim plantæ, quæ in floribus, aut radicibus scorpionem imitantur, à quo & nomen habent apud Theophrastum, & Plinium: sic contra tarantulam, quod tarantulam imitatur spinachium: sic serpentariæ contra serpentes ex figura. Sic vermiculantes plantæ ad extractionem vermium: non vermiculantes ad occisionem intus valent. Signaturas lapidum & plantarum ergo obseruare oportet in figura, colore, &c. sic enim mirificæ fiunt curationes, item & symbola, & opposita, &c.

*De fractura.*

ARTIC. V.

**F**Ractura est vulnus ossis, idest separatio violenta, vel per longum, vel per transversum, vt in tibiis: vel per intrusio-  
nem, vt in caluaria. quod visus, & tactus indicant, & in oc-  
cluso tumor, & asperitas, & inæqualitas, palpanti saltem obuia.

*Quid fractura & quousque.*

2 Sequuntur autem symptomata de natura affectarum partium, vt in vulneribus.

3 Caries quoque solet ossa perforare: quod specillo Medici indagent.

4 In cura fracturæ primò ossis partes in situm suum naturalem redigendæ, & hoc quantum fieri potest. Secundò, satagendum vt in situ suo naturali immotæ maneant per ligaturas, fascias, tabellas, stuppas. Tertiò, viscositas est gignenda, quæ colligatas partes coalescere faciet; quod per cibos viscosos, crassos, & osscos curandum: & per ea extrinsecus, quæ glutinant, vt gummi, resinæ mistæ in medullis ossium, contusus cortex vlmis, & lentisci, & myrti: verbascum, abrotanum, & ea quæ vulnera sanant, ossa quoque ferruminant. Postremo exsiccantia requiruntur, vt glutinatio roboretur.

*Curatio.*



5 Quisquilias, & acumina ossis fracti secare oportet, ne carnes superstant: & superexcreſcentes callos adstringentibus impedire,

Sios putredine foratur, aperiendum cerebra, & educendum pus: vel inuratur. Ast ubi oportet caluariam extrahere, eiusque loco siccam cucurbitulam adaptare, & carnes supergignere, Balsamum ad capitis vulnera valet plurimum.

### De luxatione.

#### ARTIC. VI.

Quid &  
unde luxa-  
tio.

1 **L**uxatio est articuli dissociatio totalis, aut ex parte; cum os alterum è propria egreditur sede in partem posteriorem, aut priorem, aut internam, aut externam; quod per vim accidit: aut mucosis humoribus ligaturas emollientibus ita, ut quovis motu fiat egressus.

Unde nosci-  
tur.

2 Cognoscitur autem dolore, & enormitate, quæ carni pertumorem comunicata, apparet eo in situ, in quem fit peruersio: & difficultate motus, & figuræ varietate.

Quomodo  
curatur.

3 Curatur reponendo elapsum os in sedem pristinam, & alligando, ut permaneat: deinde quæ symptomata tollunt addendo; & quæ ligaturas confortant tendonum, nervorumque, & dolorem tollunt, ut vinum, rosamarinus, laurus, rosæ, &c.

4 Nerui fortificantur vino & adstrictiuis myrto, rubo, salvia, &c. Contusi vero, & tormentis contracti brodiis nervosarum rerum, & aqua laganorum incoctorum, & adipe humano emollescunt, & spiritum recuperant, & omne nervosum nervis prodest: & osseum ossibus, &c. ut in lib. 5. declaratum est: sine quo mutila videntur quæ in hoc 6. tractamus.

Finis libri Sexti.

MEDI



# MEDICINALIVM

## LIBER SEPTIMVS.

### IN QVO DE FEBRIBVS.

#### *De Febris.*

#### CAPVT I.



**P**OSTQVAM de morbis omnium partium hominis, hoc est spirituum, soliditatis, & humorum, sufficienter dictum est, nunc ad febriu consideratione Medicorum nos reuocat sententia: putant enim esse morbum per se à prædictis separatum: ideoque peculiari egere tractatione. Quod an ita sit, ex febrium definitione, & causis, & diuisionibus, iam palam fiet.

#### *De quidditate febris, & diuisione, ex Medicorum sententia.*

**I**Dixerunt veteres, febrem esse calorem natium conuersum in igneum. Non videntur autem satis explicasse, an calor natiuus sese ipsum multiplicando & augendo fiat igneus, Gal. ex Hipp. bonam dat definitionem. sed insufficiens. ita quod non differat in substantia, sed in quantitate, febris à natiuo calore. Causam quoque quare igniatur, adducunt materialem, hoc est humorum exuberantiam, aut vitium & impuritatem partium. Verum quis accendat in humoribus, vt in impuritatibus calorem, minime docent.

**2** Alij aiunt, febrem esse calorem extraneum in corde accensum, & ab eo initium sumere, concurrente sanguine & spiritu per venas & arterias per totum corpus, & excandescere inflammatione, quæ functionibus naturalibus incommodat. Vel, vt alij Galen. ex se. Auic.



inquiunt, est calor contra naturam è corde in omne corpus effusus, actiones lædens. Et hi causam materialem similiter accensionis assignant, neque satis explicant, an in causa materiali fiat accensio à calore nativo in materia inimica putrescente; an vero ab ipsius rei putrescentis calore; & quæ ratione possit fieri accensio in rebus minus accendibilibus, qualis est pituita, & à quo.

*Iouber.*

*Paracels.*

*Rouera sem*

*per spiritum*

*accenditur,*

*sed à sui vi*

*multiplicati-*

*ua, nō à cau-*

*sis, assignari*

*à Med. nisi*

*occasionaliter.*

3 Quidam hoc quærentes putauerunt febrem nullam accendi posse, nisi in bilioso humore calidissimo tenuissimoque, propterea in omnem febrem adducunt bilem, quamvis substantiam febris faciant melancholiam & pituitam in multis. Paracelsistæ tandem dixerunt, febrem sulphuris esse accensionem, quoniam spiritus ex sulphure, humorem ex mercurio, soliditatem ex sale, originem ducere putauerunt. Nescio tamen an causam reddere potuerint, cur & frigus, & calor, & humor, & pituita sulphur accendunt, cum multæ causæ febrium potius extinctionem sulphuris adducere debeant.

*Distinctio fe-*

*bris trium*

*ex Medicina*

*communi*

*quarum qua*

*simplex,*

*qua putri-*

*da, una &*

*duplex.*

*Quid conti-*

*nua, & que-*

*triplex.*

4 Distinguunt Medici febres in simplices, putridas, & pestilentes. Simplex alia videtur eis accendi in spiritibus, vocata diaria: aut in sanguine citra putredinem, vocata synochus: aut in solido, vocata hectica: cuius faciunt tres species.

5 Putrida febris videtur eis ex putrescente tantum humore fieri, esseque duplex, continua & intermittens. Continua fit in magnis vasis, accenso humore continuo in cor obrepente. Et est triplex, alia eiusdem semper tenoris, synochus vocata putris, in qua sanguis vitiatu feruet: vnamque habet accessionem. Alia vero in qua fit remissio, sed non infebrecitatio, vt tertiana continua ex bile: quotidiana continua ex pituita: quartana continua ex melancholia. Additur his causus, cum flaua bilis putrescit in venis. Huic addunt aliam febrem, quam vocant hypyriam, in humoribus crassis & putridis impredientibus calorem nativum, ne in corpus dispergatur; idcirco æstuant in interioribus, frigent in exterioribus. Præterea febrem ex cruditate nouam tempore nostro ex humoribus meatu obstruentibus, vasa implentibus, calorem nativum opprimentibus, & inopinata morte occidentibus.

6 Tertium genus febris continuæ vocant symptomaticam, differentem ab essentiali, quæ per se accenditur intra venas; symptomaticam vero ex humore prauo, qui in aliqua parte genitus cor lædit, vt in phrenitide bilis in capite causa est febris; similiter & iecoris, & ventriculi, & vesicæ, & aliarum partium læsio

cordi



cordi communicata, symptomaticam Medicis producit febrem.

7 Intermittens verò dicitur, quæ ad infabricitationem definit & reuertitur, vt quotidiana, tertiana, & quartana exquisitæ. Item epiala, ex pituita acida. Quæ omnes fiunt Medicis extra vasa, propterea que intermittentes sunt: quæ enim iatra vasa, non intermittunt.

8 Harum febrium fit mistura & confusio. Ita vt quædam compositæ vocentur, quædam confusæ. Composita fit aut ex febribus diuersi generis, vt cum hectica & putrida continua seu intermittens diuersis horis inuadunt: aut ex febribus eiusdem generis, vt duplex quotidiana, quia bis in die inuadit; duplex tertiana, quando quotidie fit inuasio, sed tertius dies respondet primo, & quartus secundo. Item triplex quartana, & quadruplex. Item quæ respondent sibi in inuicem in diuersis temporibus accessionum quarto quoque die. Præterea fit compositio ex tertiana intermittente, & continua quotidiana, quæ vocatur hemitritæos: aut ex quartana essentiali & symptomatica: aut ex tertiana continua & quotidiana intermittente: aut ex tertiana continua & tertiana intermittente.

Confusa vero dicitur, cum humores diuersi, quales pituita atque bilis, in eodem loco putrescunt, non in diuersis; & simul incipiunt & desinunt, vt tertiana illegitima intermittens ex bile & pituita; quotidiana illegitima ex pituita & aliis humoribus: quartana illegitima ex atra bile, cum altero humore; vel continua cum altera continua.

9 Tertium genus Medicis vocatur febris pestilens: quæ non solum accendit calorem contra naturam in corde, sed etiam venenosa qualitate afficit, & vires prosternt; quarum alia ab aëre & aquis malignior contrahitur; alia vero ab interna putredine exorbitante minus maligna.

10 Præterea dant Medici febres anomas & erraticas, quæ fiunt à destillatione vel exsiccatione partium: vel humoribus im-  
pactis: aut vermibus: aut à varia humorum vel ciborum corruptione. Similiter à causis exterioribus. Manifestum est etiam quomodo in capite alix febres fiunt ex bile; alix ex pituita; alix ex catarrho: similiter in pulmone, in musculis, in collo, & in cæteris membris corporis, vbicumque aliquod malum est, cum mouetur febre excitat.



*Examen definitionis febris à Medicis data: & quæ sit vera eius quidditas.*

ARTIC. II.

*Febrim non esse morbum, sed medellam generalem naturæ, & bellum contra morbos* **I**Nobis autem neque definitio febris, neque diuisio, Medicis positæ, probari queunt. Arbitramur enim febrem non esse morbum, sed bellum contra morbum, potestatiua vi spiritus initum. Nec melius remedium natura datum esse auiuantibus, ut ad sanitatem perueniant: sicuti neque ciuitatibus cum impugnantur, ut ad suam tranquillam redeant conseruationem, quid melius bello inueniunt est, ubi persuationes precēsque non valent.

*Probatio 1. ab effectu.* **2.** Manifestum est enim, quod omnes morbi superueniente febris curantur, quæ autem non febricitant ubi est opus, morbo vincuntur, & pereunt. Passim etiam Medici accessiones febrium fieri docent, ut humores prauis extra vasa ferantur, & per poros transpirent. Itemque tunc decerni inter naturam & morbum, cum in augmentum summum morbus deuenit: & quidem cum febrilis paroxysmus accidit post alios maximus.

*4. Ex renouatione. Occurrit obstructio, cur morbo appareat esse febris renouatur.* **3.** Cum autem post morbum febris etiam accidit, nequaquam propterea accedere Medici opinari debent, quod nouus morbus ad extinctionem naturæ suscitatur: aut quod ipse morbus causam mortis addidit febrem: sed quia natura pugnando morbum non totum eduxit, hoc est materiam spiritibus, & humoribus, & nutritionibus, & motionibus infestam, sed insuper aliam excreuit: unde maiori feruore indiget, belloque nouo. Ciuitas autem nondum expleto priori nouum aggredi coacta bellum, prope est ut peteat: nunquam tamen desperandum, donec febris pulsus vehementia febrem ciet, sed febris pars magna perdurat, quemadmodum in superioribus de pulsu dictum est sermonibus.

*Ratio ex pulsatione, & calore aucto, ut vires augeantur, & noxia attenuata expellantur.* **4.** Præterea cum febricitat corpus aut corporis pars, primo incaluit, deinde agitur, & pulsant arteriæ motionibus maioribus, celerioribus, crebrioribus, vehementioribus ac validioribus, quam prius solebant. Pulsatio autem fit ad spiritus generationem, & sanguinis communicationem arterialis cum venali, ut probe fiat nutritio, & sequestrentur impuriæ & transpirent: sicuti in lib. 4. probatum est. Ergo augmentum pulsationum eiusmodi, necessitatem creuisse indicat: ut spiritus videlicet multi reficiantur,



ficiantur, qui bello succedant iis, qui extabant; & quæ in vasis continentur res noxiæ, educantur in tenuitatem actæ deuiſteque: licet princeps cauſa finalis in febre ſit vincere, & expellere. Ma-  
Confirmatio rationis.  
 niſteſtum eſt enim quoniam in quacunque parte incipit morbus, ibi ſtatim augetur calor & motus ad eius maturationem & expulſionem; vt in apoſtematibus, & vulneribus, & luxationibus, & deſtillationibus, angina, capitis laſione, & aliis. Qui autem procu-  
Occurrit obiectum.  
 rant vt ibi febris ceſſet: mortem procurant totius, vel læſi mem- bri. Arcent tamen Medici à vulneribus feruorem & inflamma- tionem ſpiritus, ne ſimul, inflammata caro, & læſæ partes cru- delius lædantur. Hac eadem ratione cum cibi multi in ventriculo  
Ab exemplo.  
 ingeruntur, calor multus ad eos coquendos accurrit: cum pauci, paucus: non fecus ac peritus coquus ignem pro meſura coquen- dorum, & tempore, applicat. Hoc idem euenit in febre. Ipſe quo-  
Ex Galeni ſecreto.  
 que Galenus febrem ab ipſa natura anticipari docet, cupiente pugnare & criſim facere: vt manifeſtè non malum, ſed remedium contra mala ſit febris, applicandum quando & vbi oportet.

5 Igitur errant putantes febrem eſſe malam, licet eius cauſa ſit  
Concluſio & confirmatio.  
 mala: ſicuti & illi hæretici, qui bellare Chriſtianis illicitum & culpabile eſſe putant, & Stoici qui omnem iram damnant.

6 Præterea enim omnem febrem poteſt eſſe iracundiam, id eſt, accenſionem ſpiritus ad vindictam, id eſt, ad occiſionem & ex- pulſionem hoſtilis cauſæ: & ſponte accendi, licet non ſemper vo- luntariè, in ſpiritu principaliter, & ſtatim communicari ſanguini, ſi vitiatuſ eſt, vt purgetur, & humoribus lædentibus, vt calefacti, agitati attenuatique extra ferantur: nec incipere morbiſico in hu- moro calorem eiſmodi, vt ipſi putant, tanquæq; à cauſa mala in cauſa mala & propter malum. Etenim quantumcunque incaleſ- cat corpus & humor, atque agiterur, niſi ſpiritus ferueat ad ali- cuius expulſionem rei odioſæ, nunquam illa accenſio erit febrilis, vt patet in inſolatione, & calefactione à labore, à furno, ab of- ficina ferratia. Quod ſi quis dicat, propterea hæc accenſiones non eſſe febres, quoniam non in putrido humore ſunt, neque in corde, vnde febris incipit: ſi neque Medicorum dogma, callere videbitur: cum Medici febres multas non putridas ponant: & in- ſolationis, & fornacis calor cordi ſemper, aut plerumque com- municetur. Eſſentia ergo febris non in accenſione ſolius caloris extranei conſiſtit: ſed in accenſione & agitatione facta propter ex- pulſionem alicuius notabilis mali.



*Conclusio: fe-* 7 Igitur melius Hippocrates febrem esse calorem nativum, cō-  
*breu non esse* uersum in igneum, docuit, quàm Auicen. & alij, qui esse calorem  
*calorem ex-* extraneum, & præter naturam dixerunt. Nullus enim extraneus ca-  
*traneum, sed* lor est febris, ut patet in calefactis à sole & fornace. Neque præter  
*nativum ira* naturam est febricitare, si non est præter naturam bellare, quan-  
*peritum.* do oportet, inimicum lædentem adoriri; & vim vi repellere.

*Quod non sit* 8 Multò magis errant, cum docent non posse febrem fieri, nisi  
*per febrem,* affecto corde prius ab extraneo calore. Nam & cum ab extraneo  
*nec necessario* cor calefit, non febricitamus, ut dictum est: & cum membrum ali-  
*incipit in* quod corporis laborat, nil læso corde, statim febris eo in membro  
*corde, duplex* excitatur tōpica, ut patet in quocunque apostemate, & carbun-  
*ratio.* culo, & panaricio, & similibus.

*Occurrit ob-* 9 Haud tamen affirmem quodcumque membrum læditur,  
*iect, contra 2.* aut spiritus, aut sanguis, exoriri febrem & bellum: neque enim  
*rationem;* ciuitas illud semper aggreditur: sed cum spiritus laceffitur, & irri-  
*cur non fe-* tatur, tempusque & vim congregandi habet. Vidimus enim in  
*bruiunt, cum* superioribus sermonibus, aliquando imparatum occidi hominem  
*febrile opus.* pestilenti vapore citra febrem: cum videlicet antequam sentiat si-  
 bi esse pugnandum, spiritus opprimitur: vel locus, & tempus, aut  
 vires ad pugnandum defunt, & tunc imperitis, quoniam non fe-  
 bricitat, videtur æger rectè valere. Sed profecto veluti, si non  
 dolet ubi dolendum est, aut non appetit ubi appetendum est, te-  
 ste Hippocrate, mentem abesse & prostratam esse indicat & na-  
 turam: sic multo minus si non febricitat, id est, si non feruet ad pu-  
 gnam, ubi febricitare oportet, abesse vires aut mentem, dicere  
 licet.

*Ratio 8 ex* 10 Prætere præteriti sumus, quod morbos omnes à causa frigida  
*eo quod febris* & crassa ortos soluit febris, etiam Hippocrat. & Medicorum alio-  
*soluit morbos* rù testimonio, ut patet in pituitosis, & spasmodicis, & resolutionibus,  
*multis, ex 1.* & destillationibus & obstructionibus. Qui autem oriuntur à cau-  
*simonio Me-* sa calida, ut à bile, facilius per febrem solvuntur, educentem sua  
*dicorum.* agitatione & calore biles attenuatas: ergo & tenues. Ut manife-  
 stum sit, febrem esse remedium contra omnes causas: etenim &  
 à flatu oriuntur morbi, & à destillatione, & ab obstructione. Calor  
 autem hos dissolvit, & obstructas vias aperit Febris autem hoc ef-  
 ficat, quamvis per accidens aliquando obstructionem augeat,  
 dum obstruentem causam magis indurat. Inflammationem quo-  
 que tollit inflāmans febris, dum poros aperit flammisque elaben-  
 di meatus aperit: non secus ac vltulati, tepida, non frigida, sanantur

*Febris lædit*  
*per accidens*  
*non per se.*

Medicis



Medicis tamen ex ratione euenit aliquando in inflammationibus frigida adhibere, non quidem vt extinguant pugnantem spiritus feruorem, sed minuant si quis maior quam oportet suscitatur. Etenim & calor in vltulatis auget inflammationem, quam tepor educit. Adhibere etiam humida oportet, in quæ febrilis calor inflammationis inueniens pabulum à subiecta parte, quam cruciat, demigret. Sic & ex fundo aheni in immissam migrat aquam: sicuti non semel declaratum est. Ergo ad tollenda damna febris, & non febrem & bellum, vt infra docebimus.

II Præterea falsa est vltima definitionis particula; quod videlicet febris functionibus incommodat. Hoc enim non per se facit, sed per accidens; dum enim pugnat spiritus contra morbum, ceteras functiones ægrè obire potest. Sic dum ciuitas pugnat contra hostes; opificia, & cultus telluris, & gymnasia, & festiuitates impediuntur: haud tamen vt impediantur est febris, sed vt inimicus tollatur, & sic tutus spiritus ad functiones pacificè reuertatur. Causa autem morbi incommodat iis functionibus, in quibus ipsa reperitur: vnde humor in priapismo functionem veneream, cardialgia functionem ventriculi, lethargus functiones cerebri, impediunt. Febris autem talibus in locis accensa operatur, vt expédiantur.

Febris ergo sit spontanea extraordinaria spiritus agitatio inflammationisque ad pugnam contra irritantem morbosicam causam: quam sic calefacit, agit, digeritque, redditque expulsiōi aptam, vel extinctiōi, vel meliorationi, vt ex dictis palam est.

*Febrem diuidi in topicam, & vniuersalem: neque vniuersalem fieri corde affecto, sed spiritu communi.*

### ARTIC. III.

I **Q**uapropter diuidimus febrem in topicam, & vniuersalē, sicut & pugnam in rixam, quæ fit inter particulares ciues & hostes: & bellum, quod inter ciuitatis exercitum, & hostilem. Videmus enim in solo apostematis loco calorem & agitationem fieri, vel in carbunculo, vel in corio scabioso, vel in articulis in podagra, aliquando vero in toto corpore suscitari.

2 Medici autem febrem non agnoscunt, nisi vniuersalē, quæ fit in toto corpore: neque accendi putant nisi prius affecto corde,

G G G

pul

*Conclusio  
contra defini-  
tionis par-  
ticulam vlti-  
mam.*

*Vera febris  
definitio.*

*Medici non  
ant febrem  
topicam, sed*



*fieri omnes  
in corde cau-  
sa communi,  
& diffundi  
in corpus to-  
tum.*

*Arguit pri-  
mo ab expe-  
rimentis.*

*Secundo ex  
analogia co-  
ctionis, febris  
ad coctionem  
nutritiuam.*

*Et eo quod  
fit non laeso  
corde.*

*Causa febris  
vniuersa-  
lis qua,  
si non est cor  
vniuersale  
membrum.  
Probat  
quod non cor  
ex Medico-  
rum dogma-  
te.*

*Secundo ex  
affectu ani-  
mali solo,  
non in corde.*

pulsantium principio facultatum. Etenim & cum inguina dolent, aut cum caput, non suscitatur febris, nisi prauus humor, aut vapor ex illis in cor serpat prius.

3 Sed manifestè decipiuntur: etenim in laesa particula quacunq; statim calor nouus, & agitatio in ea sèritur. Sicut enim nutrimentū vniuersaliter in toto corpore celebratur; sic parziale in particula omni. In nutritione autem fit segregatio impuri à puro, & transmissio non necessarij extrorsum, vel ad alias partes, pulsationibus ordinariis, & calore id facientibus. Sic prorsus experimur in febribus, quod aliquando accenduntur in particula ad excernendum vel maturandum excretioni quod noxiū est illi: aliquando in toto corpore. Est enim febris quædam inconsuetæ nutritionis forma ex parte, in qua & coctio, & maturatio, & excretio; vti in illa concurrunt, proptereaque medicari concocta, & non mouere cruda, Hipp. monet. Coqui autem febre & sensus, & Medici ipsi passim docent. Hoc etiam in apostemate, & carbunculis, & in omni tumore infesto etiam fieri, nemo neget.

4 Quod autem febris nil oblæso corde in toto corpore accendatur, ex iis, quæ de pulsibus diximus manifestum fuit: siquidem ex sola cogitatione, & amore variatur pulsus: & ex sola vigilia, & inedia, & obstructione cutis, fit pulsus magnus, & celerior, & calidior, & feruidior, ergo non læso corde: in quo nec cogitatio, nec obstructionis materia inest. Sola autem spiritus læsio febrem facere in cunctis videtur.

5 At vnde sit febris vniuersalis, dicet quis, cum nunquā toto in corpore sit causa noxia, sed vel in venis, vel extra venas, aut in particulis quibusdam; nisi aliqua princeps causa, quæ est cor, prius affecta, in omnibus arteriis, & locis excitet febrem? Respondedo, nequaquam in toto spiritu febrem accendi ex corde læso eos dicere debuisse, cum sæpè fateantur Medici corde prauè affecto, & frigefacto, arteriis vero etiam apprime calèntibus febrem non fieri, nec pulsū immutari. Aliquando vero ex sola cogitatione, quæ nulla Galeno est in corde; aut alterius membri affectione, febrem fieri, pulsūque mutari statim. Ergo non à corde febris, sed à spiritu feruente, vt propellat malum; & tunc quidē vniuersalis fit, cum totus spiritus ad malū pulsandum videtur necessarius, aut cum in spiritu inhabitantem vapor malus peccat. Fit quoque ex topica vniuersalis febris, quādo vapor ma-

lus.



lus, nedum implantatum in particula spiritum lædit, sed etiam inambulans per arterias, & in capite. Item cum humores agitantur ex nouo accidenti, spiritusque lædunt, & cum transpiratio impeditur obstructione pororum, ad quos aperiendos spiritus pulsant, nil affecto corde pulsatione febrili. Cum autem in una particula minus principali sit obstructio, aut tumor: feruor universalis non fit, nisi spiritus inambulans læsionem percipiat, totumque se occurrere oportere percipit.

*Duplici ex causa fit universalis a principio.*

*Duplici ratione ex topica fit universalis.*

*Febrem non esse morbum, sed remedium; & fieri breuem, longam, continuam, remittentem, & intermittentem, ex periculi quantitate, natura & viribus feruentis spiritus: & qualiter ex parte lædentis humoris, & læsæ rei, & læsionis loco, fiunt febres omnes, & ab omnibus humoribus omnes, & regulæ de eis vniuersales.*

## CAPVT II. ARTIC. I.

EX his deducitur, nullam febrem esse morbum, sed remedium contra morbos: ergo nullam esse febrem essentialem, ut Medici volunt; sed omnem symptomaticam, excepta forsitan quæ ex sola ira accenditur: nec differre febres, nisi periculi ratione; quale enim, quantum, & ubi, & quando est periculum: talis, tantus, & ibi, & tunc est feruor spiritus pugnantis, id est, febris. Ergo nulla per se febris est simplex, aut putrida, aut pestilens: sed causa, vel morbus spiritum infestans est simplex, aut putrens, aut pestilens. Similiter neque febris per se est in humore, aut in solido: sed in spiritu omnis incipit, accedente & agitante humorem, aut solidi affectionem malam perimente. Et si causa lædens est magna, feruor magnus in eam vincendam excitatur: si parua, paruus. Et si causa continuò lædit, continuus etiam feruor, id est, febris contra eam fit: si bis in die lædit, bis in die feruet spiritus: si semel quoto quoque die, quotidianus est feruor. Si tertio quoque die, tertianus: si quarto quoque die, quartanus: si quinto quoque die, quintanus: si sexto, sextanus. Datur etiam septanus, & octanus, & nonanus Medicorum testimonio. Plinius etiam centenarius addidit, & annuum. Antipater enim Poëta singulis annis eodem die, & hora feбри corripiebatur. Sic

*Omnis febris est symptomatica, ut bellum.*

*Typus, & qualitates, & quantitates, & locos febrium variari ex qualitate, quantitate, & loco periculi.*



qui tarantula fuerint commorſi, paſſione annua exſuſcitata laborant, & qui ſe verberare in ſancta ſeptimana conſueuerunt, quotannis eo vertente tempore pruritus ſentiunt in tergore: nec ceſſant faſtidiri, donec iterum verberati ſatis ſibi faciant: idẽ enim tempus eandem ſuſcitat paſſionem in re, nedum in memoria, ſicuti ver quodlibet flores, vt in Metaphyſ. oſtendimus.

*Triplex ratio  
typorum.*

2 Ratio autem, qua læſio alia continua, alia quotidiana, alia alio tempore ſuſcitur, triplex eſt, vel ex natura lædentiſ cauſæ, vel læſæ partiſ, vel loci, in quo fit læſio.

*Quod cauſa  
continua fe-  
bris poteſt eſ-  
ſe omniſ hu-  
mor, aut va-  
por viciuſus,  
probatuſ ex  
remiſſione  
omniſ febris  
ex quocũque  
humore: quo-  
niã ex quin-  
que rationi-  
bus cõtinua-  
ri poteſt.*

3 Lædens cauſa continua poteſt eſſe omniſ vitiatus humor, & vapor, ſi copioſuſ eſt, & totam ſanguiniſ maſſam afficit prauẽ; vel functioneſ impedit principaleſ. Maniſteſtuſ eſt enim, quod quemadmodum dantur febreſ quotidianæ ex pituita, tertianæ ex bile, & quartanæ, quintanæ ex melancholia, intermittenteſ vigorem, non autem uſque ad infebricitationem: ſic ex eiſdem humoribuſ cum aut exuberant, & vitiant totum ſanguinem, & ſpiritum vexant, aut tranſpirationem impediunt, aut nutritio- nem; quæ continuatione tamen indiget; oportet febreſ continua- ri citra quoque remiſſionem.

*Probatuſ  
primo in pi-  
tuita.*

*Cur ex pitui-  
ta plerũque  
fit quotidiana  
febris, &  
quando po-  
teſt fieri con-  
tinua.*

*Secundo ex  
bile ſtaua.*

*Cur tertiana  
ex bili ſta-  
ua, & non  
poteſt fieri  
continua.*

4 Propterea enim ſinguliſ diebuſ pituita vocat ad pugnam, quoniam paſſ eiſ omniſ in prima pugna feruentiſ ſpirituſ non educitur, ſed remanent reliquiæ plureſ ob ſui viſcoſitatẽ aut craſſitiẽ, quæ deinde ſuccreſcunt per conuerſionem partiuſ alimentuſ in ſui naturam. Ideoꝛque quotidie infeſtant ſpiritum, eiſque vaſa, & alimentum, ipſum videlicet ſanguinem: prouocatque ergo quotidie ad bellum. At ſi plurima ſit pituita, ita vt minui accenſione febrili non poſſit, tunc planẽ continuari febreſ oportet. Quod ſatiſ ſuperque comprobat febris illa moderna, quam Medici vocant crudam, non intermittẽſ; & plethoricorum accenſioneſ.

5 Præterea aiunt Medici, tertianam fieri ex bile ſtaua, quæ tenuiſ eſt, facileque ex vaſiſ pellitur ab acceſſione febrili, ita vt nullæ pænẽ remaneant reliquiæ: vnde fit, vt non niſi tertio quoque die poſſit paulatim aucta eo deuenire, vt ſpiritum infeſtet, irritetque ad pugnam. At quidem ſi copioſa eſt, & per totum ſparſa ſanguinem, & temperamentum vitians, proculdubio continuam accerſit febreſ. Non enim educi poteſt è vaſiſ & organiſ, ita vt eſſe deſinat. Id autem cauſuſ confirmat, & lipyria, & phrenitica febris, ex acribuſ bilioſiſq; factæ humoribuſ cõtinuæ.



6 Similiter atrabiliosus humor, & fæx sanguinis, licet quartanā & sextanam faciat, quoniam difficile reficitur, cum fuerit eductus, & non nisi quarto quoque die: tamen & continua datur quartana, & continua pura ex eodem humore, si in vasis magnis magnus fuerit multusque, ut sanguinem inficiat, utque propelli non possit: vel poros cutis sua fuligine obstruat, ut occludatur transpiratio: quod satis demonstrat diaria plurium dierum, quam synochum non putridam vocant Medici. Item & lienosorum quorundam continua febris, & cum principalia membra atræ bilis copia infarciuntur.

*Tertio in atra: etenim ex atrabili plerumque cur quartana, & ex eadem sapè etiā continua.*

Cum autem totus sanguis affatur sitque atrabiliosus, tunc spiritus nutrimento deficiente & mordicatus fuligine, insanit furitque: neque actionem contra molitur: sed furit, baccharurque, ferriæ inualidus pugnat. Omnis præterea cacochymia, siue biliosa, siue pituitosa, continuas causat febres. Ut manifestum sit non ex natura humoris, sed impediementi: humoris verò qua ratione, & quanta impedit vexaturque.

*Quarto in omni humore.*

7 Nec ab re videtur asserendum, ab eodem humore posse & continuam fieri febrem, & quotidianam, & tertianam, & quartanam, & quintanam, & sextanam, &c. pro quantitate materiæ, & loci commoditate. Manifestatum enim est, quod cuiuscunque humoris cacochymia facit continuam: ergo si prima accessione minuitur vis humoris, potest reuerti quotidie amplificatus ad pugnam; & cum fequor spiritus validior ita expellet, minuaturque, ut non nisi tertio post die inualescat humor: & cum magis minuetur, reuertetur quarto: & cum adhuc magis, sexto. Vnde Alexand.

Aphrod. in probl. affirmat, periodos certas febrium fieri certo ordine: quoniam tantum materiæ putret, quantum à calore decoqui potest: cumque materia coquenda certa sit, idè potentia & tempus certa sunt.

*Ex omni humore febris omnis. Idem ex dogmate Alex. sequitur.*

8 Ipsi quoque Medici quartanas & tertianas duplices ponunt, ne cogantur earundem humores causam continuarum facere; & tandem fatentur quartanam ab omni fieri humore, ut mox videbimus.

*Soluitur, non quia duplicat tertianā; & declaratur, cur cum sit quotidiana, vocatur illi duplex tertiana.*

9 Ratio quoque, quod non eadem hora sit accessio tertianæ apud eos dictæ duplicatæ: & quod potest pharmaco vna tolli, altera remanente: nulla est, siquidem potest in secundo die alia invadere in hora, quoniam minor est materiæ febrilis congregatio, vel maior, in tertio autem æquatur primæ. Item potest pharmaco



cum minuere focum & materiam, in quam spiritus pugnat, ita ut non necesse sit continuo, aut quotidie innouare bellum; sicut in 3. lib. docebamus. Hoc autem dico, quando non duo humores eiusdem speciei in diuersis vasis sunt expugnandi. At quidem et si compositarum febrium apud Medicos aliqualis causa reddatur, qua ab eodem humore febrem omnem fieri contendunt; in confusis febribus propriis ipsi verbis conuincuntur. Aiunt enim differentes humores in eodem loco putrescentes febrem mistam facere: simul incipientem, simul desinentem utramque.

*Iterum probat,  
quid omnis  
causa laedens  
omnes febres  
ciet.*

10 Præterea causa lædens non modò humor est, sed vapor, & potus, & cibus, alięque causę exteriores, quę si lædunt spiritum, continuam efficiunt febrem, ut patet in ephemera triduana Gale-  
no, & octiduana Rhasi; & in pestilenti constitutione. Et cum causa est magna & continua, & partes meliores lædit, continuatur febris. Cum parua & non continua, nec in partibus nobilioribus, intermittens est, quotidiana intermissione, aut triduana, aut, &c.

*Item omnis  
pars læsa po-  
test ante fe-  
brem nascisci  
pro rata peri-  
culi.*

11 Pars autem læsa dat febri continuationem & inducias. Si enim cerebrum, aut ventriculus, aut iecur, aut vesica, aut cor læduntur, & quęcunque princeps pars, sine qua vita non consistit: necessario febris oritur continua, donec læsa pars conualescat, ut patet in lethargo, phrenitide, pleuritide, inflammatione pulmonis, & aliorum: de quibus in præcedenti lib. loquuti sumus.

*Cur aliqui  
morbi sunt  
intrinseci,  
aut videntur  
esse sine febre.*

Quibus in partibus cum dolor & morbus permanens, febris quoque permanet, continua. Si per vices insurgit, similiter insurgit & febris. Videmus enim eos, qui apoplexię & epilepsię obnoxij sunt, nulla febre ex causa earum corripi, nisi cum causa inuadit. Et quidem nec cum inuadit, febricitare videntur, si interiora corporis lædit morbifica causa: ad quam expugnandam spiritus intrò se conferens, nullum febricitandi sensum foris ostendit; non quia tunc pugnandum non est, sed vel quia pugna in interioribus est, nec foris manifestari potest, ut in apoplexia & vteri strangulatione experimur: Vel quia nullus pugnandi vsus tunc est in arteriis, cum in ipsis non sit morbus, sed in neruorum poris; Vel quia spiritus impeditur à morbifica causa, ita ut vias ad bellum parandum, non habeat expeditas: obstructis enim neruorum principiis, spiritus intus anxiatur, nec quo pergat habet; & hi morbi pessimi, qui etiam commoditatem pugnandi auferunt: minus

*Defectus fe-  
bris duplex  
signum malę  
ubi opus est  
pugna contra  
morbum du-  
pliciter.*

autem



autem mali, qui ad pugnam laceſſunt, & pugnandi commoditatem non auferunt.

12 Regula vniuerſalis eſt, cū læditur ſpiritus ab humoribus, aut vaporibus, ſi commoditas pugnandi non aufertur, continua eſt febris; eo quod læſio eſt principaliffimæ partis. Eſt etiam breuis tempore, nam rarò transcendit 24. horas; aliquando ad tertium diem porrigitur; aliquando ad octauum: non quia ſolus ſpiritus eſt læſus, qui facilè diſcutit à ſe morbum, ob calorem & tenuitatem agitabiliſſimam, & fragiles in retenuiſſima morbi radices: ſed etiam ſanguis, ex quo ſpiritus nutritur, aut via tranſpirandi eſt impedita: quam vt expediat, laborat. Non ergo in ſubſtantia ſpiritus ſola eſt febris continua ſpiritualis plures transcendens dies.

*Regula 1. febris cōtinua. Cur parum durat continua ſpiritualis.*

13 Cum verò læditur ſanguis, ſi totus læditur ſordibus & cruditatibus, neceſſariò febris in eo continuatur, ex eo enim ſpiritus & ſoliditas nutriuntur. Ergo eius vitium eſt læſio magna totius continua, ergo pugna continua, & longioris temporis. Difficilius enim purgatur, quam ſpiritus, quia craſſior. At ſi non totus ſanguis vitiatur, ſed quibuſdam in partibus intra venas, febris non erit continua: quoniam vnica acceſſione propulſatur, aut minuitur vicians humor. Ergo vel febris ceſſat, vel reuertitur, cum humor cœperit augeri & infeſtare, ſicut prius pro rata ſuæ quantitatis. Nam vel ſingulis diebus reficitur, vel tertio, vel quarto quoque die &c.

*Regula 2. in ſanguine læſo continua febris. Quando non continuatur.*

14 Cum autem partes ſolidæ læduntur, febris non ceſſat, quoniam morbus radices agit vigentes in ſoliditate: nec ſoliditas agitari poteſt & incaleſcere, ita vt cauſa morbifica ex ea pellatur, velut in ſanguine & ſpiritu fit, ſed adhæreſcit. Et propterea vel febris eſt topica & continua, ſi vnica in parte minus principali morbus ineſt: ſicuti patet in apoſtemate, carbūculo: vel vniuerſalis continua, ſi tota vexatur ſoliditas. At quoniā nō poteſt vexari tota, niſi & ſanguis & ſpiritus afficiantur: ſpiritus autem affectus pugnam obire ægrè poteſt: propterea fiunt febres plerunque diminutæ manifeſtationis & occultæ: quales in hecticis & lue venerea affectis.

*Regula 3. continua in ſolido febris læſet.*

15 Similiter ſi princeps ſoliditatis pars totius ſeruiens vitæ & nutritioni læditur, vt iecur, ventriculus, ſplen, pulmo, diaphragma: tunc etiā ob totius indigentiam feruor eſt cōtinuus: Sin verò nō princeps pars, febris nō eſt continua: imo nec vniuerſalis, niſi

*In parte non principali febris eſt topica, & non continua, niſi occasionaliter.*



si in corpore toto, vel in sanguine excitetur humoris malitia, vn de febris partis toti quoque communicetur. Vidimus enim ex sola digiti, aut pedis læsione exteriori ortam fuisse febrem vniuersalem: quoniam occasio illa morbificas excitauit causas: læsuras mutans in lædentes.

*Regula vni-  
uersalis.*

16 Semper quidem quantitas morbi & humoris lædentis perpenditur à natura, & cum magna est, vel in toto, fit febris continua: cum parua, vel in parte, intermittens.

*Item locus  
læsionis cur  
continua  
patitur, &  
cur aliquan-  
do non conti-  
nuam, ex Me-  
dicorum dog-  
mate vario.*

17 Tertiò locus læsionis consideratur ad febrium discretio- nem. Et quidem præcipuus Medicis videtur. Si enim in vasis magnis putrescunt humores, ex quibus in cor continuò obrepit vapor, continua illis videtur accendi febris: ordine quodam. Primò enim accendibilius est serum bilis: Secundò bilis: Tertiò serum pituitæ: Quartò pituita, iis in locis. Melancholicus autem humor rarissimè. Si verò in vasis paruis, dicunt quidam, vel extra vasa, dicunt alii, putrescat humor: tunc intermittentes excitat febres, pro humoris qualitate. Nam pituita quotidianam: bilis, tertianam: melancholia, quartanam faciunt. Alij dicunt, in exterioribus corporis partibus fieri intermittentes, & longè à corde: quod certis vicibus & non semper propterea afficiunt. Sunt etiam qui quartanas, affecto splene; tertianas, affecto epate; quotidianas, affecto ventriculo, ex dictis Galeni *lib. 1. ad Glauc* contendunt. Et cum dicat aliquando Galenus intermittentium focum obsidere externum corporis habitum. Respondent, hunc focum fieri ex deriuatis à ventriculo, epate, & splene. Idque ex Alex. & Aui. etiam putant haberi: qui in paruis vasis intermittentes generant. Item ex eo quod hypochondria dolent cum hæ febres accenduntur. Et vrinæ in principio accessionis crudæ sunt & tenues; in declinatione, crassiores & rubescentes magis; eisdemque temporibus fiunt vomitus. Item fomenta pharmacumque iecori, lieni, & venis mesaraicis, adhibita, has sedant febres: vti & vomitus. Sunt etiam hæ partes imbecilles, ad quas cæteræ suas sæces transmittunt, cum repurgantur. Confirmant has esse sedes, propterea quod pituita & atra bilis difficillime extra vasa in corporis habitum propelluntur: ergo in his est sedes vera intermittentium.

*Item ex pro-  
prio dogmate.*

18 Nos autem putamus vasorum magnitudinem & paruitatem diurnitati & breuitati febrium primo conducere. In vasis enim amplis humor tenuis facillè coquitur emittiturque, breuique temporis spatio: propter eam breuior febris: accessio verò longa:



longa: non enim quiescit, donec extrudat malum. In angustis vero diuturnior & difficilior. Non enim locus pugnandi, agitandi, & attenuandi, & deducendi humoris commodus est, proptereaque haud ineptè ibi ardentem febrem, hic tertianam accendit Aphrodisiensis.

19 Humor autem pituitosus crassus in amplis conceptaculis brevis æui quotidianam facere putatur: in angustis venis arteriisque cuti vicinis, febrè imbecillem longamque quotidianam. Sed in his etiam vires spiritus considerabis, & impedimenta functionum, & læsionis magnitudinem, & humoris copiam & crassitatem. Arbitror enim non ineptè Aristotelem ex vitrea pituita accendere etiam quartanam, cum copiosa est, nec facile mouetur: nec irritat tam citò quam bilis: nec enim ita lædit. Similiter spiritus imbecillitas producit febres: robur breuiat: impedimentum & molestia, augeat & anticipat.

20 Intermissio & continuïtas tandem non videtur ex conceptaculorum magnitudine & paruitate habere rationem; sed ex augmento & diminutione illati mali. In illo enim continuatur: in isto intermittit: facit tamen locus commoditatem & incommoditatem ad vincendum. Neque Alex. & Auic. & Gal. aliud inuenire potuerunt, si quis rectè ipsorum expendat obseruationes. In omni tandem loco fieri continuas & intermittentes palam est ex dictis. Nam & in magnis conceptaculis facile humor minuitur, ita vt febris cesset, nec recurrat: donec humor malus ex suis reliquiis iterum nutritis reficiatur. In paruis verò continuas, vbi magna est læsio, indicat cuiusque membri nimia vexatio: & febres eorum erraticæ & periodicæ. At quis ignorat in ventriculi læsione aliquando continuam, aliquando intermittentem fieri pro læsionis natura? Aliquando vero nec febrem gigni eo læso, indicat citra, & morbi non pauci. Similiter etiam ex splenis & mesaraicarum afflictione magna vel parua occurrunt quotidiana experientia febrium continuarum intermittentium.

*Ratio inter-*  
*missionis, &*  
*continuatio-*  
*nis.*

*De febrilium periodorum & errorum causis, & typis,*  
*& rationibus.*

#### ARTIC. II.

EX dictis probè deducitur, omnes febres ex quocunque humore & occasione fieri, & periodicas, & erraticas. Cum enim

HHH h causa



causa non ordinaria accersit ad pugnam, fit accensio in spiritu: eaque profligata aut quiescente, statim cessat pugnare feruor, id est, febris. Vidimus enim fistula laborantes quotiescunque humores acres ad locum patientem confluebant, febre inordinata

*Corollarium.* corripitur: ipsi quoque dolores, & vigiliae, & tristitia, aliaque extraordinariae passionibus, quae non habent circulum ordinatum, febrem excitant: & nos continuo in nobis ipsis idem experimur: ut nulli dubium sit febrem esse iracundiam spiritus contra mole-

*Quaestio de* stantem quamcunque causam. At quaerunt physici, cur febres  
*typus.* certas observant periodos, ita ut aliae quotidie, aliae tertio, aliae quarto quoque die insurgant? Plato in *Timaeo*, ad radicales causas ipsarum deducit rationem: putat enim quod cum corpus excessu ignis languet, continua febre laborat: quando vero aeris, quotidiana discreta: aquae, tertiana; propterea quod aqua segnior est quam ignis & aer. Terrae demum excessu, quartana. Terra siquidem omnium tardissima quarto gradu cum sit, temporis circuitu quarto feruet, deferuetque: hinc quartanas inuehit febres, quae vix seroque sanantur.

*Reprobatio.* 4 Sed profecto videtur quatuor elementorum opinione captus, respondentium quatuor corporis humoribus, uti sibi Medici persuaserunt: qui non opinionem naturae rerum, sed rerum naturam opinioni propriae adaptarunt. Manifestum est enim quod non modo quartanae reperiuntur, sed & quintanae, sextanae, octavae, nonanae & annuae: ergo non quatuor elementis respondent humores & febres. Praeterea manifestum est ex Medicorum observationibus, ut plurimum continuam fieri sanguinis vitii passione: sanguis autem respondet aeri, cum calidus sit & humidus, non autem igni. Quotidianas vero ex pituita ortum ducere Medici probant, quae non aeri, sed aquae correspondet: & quidem longior est tempore, quam tertiana, saepeque lethalis, cum aliis succedit morbis, sicuti & quintana, quae omnium pessima reputatur. Tertiana vero ex accensione flavae bilis fit, quae igni correspondet. Deberet autem ex dogmate Platonis continua modo ex hac fieri. Tandem quartana licet videatur cum tertiana cognationem habere in sua causa, quae humor est atrabiliosus: nihilominus cum tertiana motu careat, ab ipsa morum quartanum auspicari radicaliter non valemus. Probavit etiam Arist. aliquando quartanam ex pituitoso crassoque fieri humore, qui ob crassitiem & frigus tardius efferuescit. Praeterea dantur & tertianae, & quartanae, & quotidianae



tidianæ duplices, vt non motibus elementorum, sed incommodi-  
tibus spirituum assignandæ veniant. 3 Corollariū

5 Alexander Aphrodis. in probl. motus Medicorum obseruationibus, alias causas assignat periodorum, scilicet materiæ quantitatem. Putat enim statuisse naturam, vt plurimum esset sanguinis: minus pituitæ: minimum bilis flauæ: quam minimum atræ, quoniam in talibus gradibus consistit temperies corporis. Quapropter cum in sanguine febris accenditur, nullam habere intermissionem ob materiæ copiam; quotidianam verò, quia in pituita accenditur, quæ minus habet materiæ, quàm sanguis, & plus quam bilis, non continuo, sed singulis diebus accendi. Flauam verò bilem, quæ pabulum est tertianæ febris, non nisi tertio quoque die insurgere; quia minoris est quantitatis quam pituita: ergo & atram bilem quam minimam non nisi quarto quoque die accessionem habere; quia minima eius quantitas non prius accendi queat.

6 Sed profecto ratio Aphrod. non congruit principiis propriis Reprobatio.  
Peripateticis, quæ sunt elementa quatuor: sicut Platonis ratio, neque iterum obseruationibus, nec veritati. Etenim vel quantitatem molis, vel actiuitatis affert febrium periodis declarandis. Non quidem molis. Manifestè enim in corpore plus atræ bilis quàm flauæ inest, quod & vasa declarant ad ipsas excipiendas, ab authore naturæ fabricata: ita vt maius vas maiori humori, destinatum esse æquum sit. Constat autem lienem maiorem esse vesica fellea in cunctis animantibus, imò in multis deesse fel: quoniam minimum flauæ bilis habent, vt nec vas illis necessarium fuerit. Præterea alij sunt temperamento cholericī, alij atrabiliosi, alij pituitosi homines, alij sanguinei, in Aphrodisi ac Medicorum dogmate: propterea quod in aliis cholera, in aliis atra bilis, in aliis pituita prædominatur. Tamen in cunctis tertiana à cholera, quartana ab atra bile, quotidiana à pituita, Medicis videtur fieri. Quod è contrario enescire oporteret: vt videlicet si prædominatur in aliquo flaua bilis, in eo continua sit à bile, vel saltem quotidiana: in quibus atra bilis, in iis continua, vel quotidiana ab atra bile fiat; quartana verò à sanguine vel pituita, quæ minima est in his. Sin verò virium quantitatem adducat Alexand. tunc planè cum vires maiores sint in igneo humore, qualis est flaua bilis, quàm in cæteris: oporteret quotidianam saltem, etsi non continuam, à bile prouenire flaua: à pituita vero quartanam, eo quod minor robore est cunctis humoribus, præsertim verò in



Aristotelis sui dogmate: qui faciliorem ignitionem in terra facit quam in aqua. Ait enim, quod sola frigiditate terræ deuicta, remanente siccitate, sit ignis facilius, quam ex aqua, in qua oportet & frigiditatem, & humiditatem deturbari. Hæc ratio est ad hominem Peripateticum, & ad Medicos, quatuor elementorum assertores, & humorum quatuor, respondentium elementis quatuor. Secundum enim veritatem nulla est. Argumentum etiam à prædominio eos vrget: oporteret enim continuam fieri ab eo elemento quod plus in corpore prædominatur, vt in cholericis à bile flaua; in melancholicis ab atra: quod tamen Medici nec admittunt. Nos etiam ostendimus à quocunque humore & morbo, pro quantitate læsionis, fieri febrem quamcunque. Præterea quid dicit Alex. de quintana, & sextana, & octana, &c. quas etiam agnoscit? A quonam humore istæ fiunt? num à modica atra bile? & qua ratione? Quid dicit etiam de duplici tertiana, & triplici quartana, & de erraticis? Item de febribus, quæ nullo ab humore, sed à frigore, aut somno, aut inedia, aut tristitia, aut ingluuie fiunt? Vbi manifestum est, non pro humoris quantitate fieri febres, sed pro læsionis grauitate & leuitate.

*Secundo de  
generat. &  
corrupt.*

### *Medicorum opinio, & reprobatio.*

*Opinio Med.* 7 **M**edici verò plurima experti, periodos circuitusque febrim assignant naturæ humorum qualitate & quantitate. Aiunt enim quòd flaua bilis ob caliditatem, & tenuitatem facile accenditur, & minuitur, & depellitur ex vasis: vnde eius minima quantitas relinquitur, quæ non nisi tertio exinde die potest putrescere accendique: idcircoque tertianum circuitum efficere. Pituita verò, quoniam frigida, crassaque est, cum accenditur, non omnino minuitur, educiturque foras: sed eius reliquæ multæ remanent: ita vt, singulis diebus iterum accendantur, & circuitum facere quotidianum. Atram bilem accendi quidem tardè, & expelli foras, ob sui frigiditatem & siccitatem putredini minus obnoxiam esse, paucasque reliquias habere: idcirco non nisi quarto die recurrere. Quintanas deinde à minoris quantitatis, & qualitatis atra bile fieri censent. Sic sextanas, septanas, &c. proptereaque tardius putrescere, inflammarique.

*Reprobatio.*

8 Sed reuera, & isti nequaquam satisfaciunt inquisitioni: propterea quod non læsionis magnitudini, & bellandi necessitati,

iterata



iteratæ reuerſionis rationem adſcribunt; ſed humorum vſtioni, & magnitudini, & conſiſtentix. Si enim quia minores ſunt humoris reliquix, tardiores ſunt reuerſiones: tunc bilis flaua quartanos efficeret circuitus, quæ nimirum ita conſumitur in præcedenti acceſſione ob ſui tenuitatem, accendibilitatem, & ad emiſſionem habilitatem, vt non niſi poſt quartum, aut quintum diem poſtmodum reficere ſeipſam queat. Præterea ad putreſcendum aptior eſt terra, quâ ignis, in doctrina Medicorum & Ariſtotelis, cui nec putreſcere ignis videtur: ergo tardius ſaltem putreſcet bilis flaua, quàm atra: ergo ab hac tertiana magis; ab illa verò quartana producenda eſſet. Si vero & accendibilitati, & quantitati ſimul periodus adſcribitur: proſectò cum bilis facilius accendatur quam pituita, etſi pituitæ maior remaneat portio in præſenti feruore: tamen compenſanda eſt cum maiori cholera accendibilitate. Ergo non minus à cholera quam à pituita, quotidiana ortum habeat Medicis oportet. Præterea cum maiores ſint reliquix pituitæ poſt febrilem accenſionem, quam atræ bilis, & difficilius accendatur, quoniam repugnat vtraque qualitate, id eſt, frigore & humiditate, accenſioni; atra vero bilis ſola frigiditate, in dogmate Ariſtorelicorum, & Medicorum: tunc oportebit quartanas, & quintanas potius à pituita fieri, quam à bile atra, & quotidianam magis ab atra, & quidem Ariſtoteles ita adſtruxit: quartanam etenim à pituita celebrat. Præterea omnes continuorum humores eſſe cauſas etiam Medicis inuitis poſitum eſt, cum in morbis nobilium partium eas accendant, & in cacoehymia: eſſe etiam intermittentium cum putreſcunt etiam extra vaſa, & in ignobilioribus locis. Ergo non humoris natura, ſed læſionis natura eſt cauſa periodi. Humor autem talem præſtat periodum, qualem & bellandi neceſſitatem. Præterea quartanæ febres diuturnæ ſunt, & ſextanæ, & quintanæ pluſquam tertianæ, aut quotidianæ. Quotidiana etiam longior ſæpè eſt tertianis. Ergo non quantitas humoris, neque conſiſtentia eſt febrilium periodorum cauſa ſufficiens; ſed duratio læſionis eſt diuturnitatis februm, & certus lædendi recurſus eſt etiã pugna. Arabes præterea Medici quartanas à ſanguine & bile atra, & flaua toſta, & à pituita fieri, obſeruant paſſim: & quidem in pueris, & fæminis, quibus nullus ferè humor atrabilioſus ineſt, ex ſola humorum craſſitie, & cruditate quartana ſæpè gignitur. Præterea fatentur epialam febrim aliquando eſſe quotidianam, aliquando quartanam Medi-



ci ; quam ex pituita vitrea acida partim accensa , partim non accensa efficiunt. Hanc eandem faciunt aliquando erraticam. Præterea quotidianam faciunt à pituita dulci, vel salsa, vel acida : & tamen etiam à pituita salsa faciunt lipyriam febrem continuâ , & causum continuum : quem etiam à sanguine efferuescente generat Auer. Item Galenus tertianam ab autumno vsque ad ver longam obseruauit; quam ex bile flaua factam , & non potius ex atra contra suum dogma , nec audent dicere Medici : nos etiam duplicem tertianam mensibus tredecim durasse nouimus. Ergo. Item ex crudis humoribus lipyriam , & ex eisdem febrem crudam continuam, & quotidianam aliquando faciunt : vt vel ipsorum solo testimonio conuicti Medici sese ignorare causas morborum, & periodorum confiteantur oportet.

*Propria opinio de typis febrium, &c.*

*Opinio Auctoris.*

1 **I** Gitur arbitrandum , omnem febrem ab omni humore fieri  
**P**ro quantitate & consistentia & læsionis rata : accidere tamen plerumque quotidianas à pituita , tertianas à bile flaua , & quartanas ab atra, non quia minima est copia & robore, alioquin non tam diu duraret ; sed quia ad bellum non prouocat ob suam crassitiem , nisi quarto post die. Non ergo pro natura humoris, sed læsionis, oritur febris & circuitus.

*Contra insurgit triplex questio.*

2 Sed quærat quis : cur , si quiuis humor tempore quouis moueri potest, certis diebus & interuallis & horis ad pugnam laceffit , & cur quartanæ febres diuturnæ sunt : ac metu maioriq; passione adueniente soluuntur ? Et cum crises iis temporibus fiant , quibus accessiones, atque à lunari pendeant motu : vtrum fatendum sit etiam à cælo circuitus febriles causam vel occasionem habere ?

*Respondeo ad tertium.*

3 Respondeo syderum motum motibus inferiorum rerum semper communicare ; humoresque omnes Lunæ subiacere, vt alibi probatum est. Sed atram bilem Lunæ, & Saturno: flauam Lunæ, & Marti: pituitam Lunæ & Veneri : sanguinem Lunæ ac Ioui : spiritus Lunæ ac Soli, Mercurioque: semen Lunæ, Veneri, Martique & Ioui, eo quod in eo multiplex later principium. Nam & herbas sic videmus à variis syderibus quasdam , quasdam ab vno affici. Dico ergo semper humores excitari à Luna , attamen eius motiones recipi in eis pro recipientis modo.

*Cur continui Lunæ motus in a-*

Ideoq;



Ideoque continuas fieri quasdam, quoniam humor peccans validus est, nec subito minuitur: vel spiritum aut alias partes principales lædit; unde obligat spiritum ad pugnam continuam: sicuti & sonus ad saltandum in choreis alios continuò mouet, alios certis vicibus, quamuis continuus sit, si eorum vires minuuntur, aut minus à socio consaltante prouocantur. In quibus vero minuitur vis hostilis modicè, nec reficitur nisi secundo quoque die, in his quotidiana pugna celebratur. Non quia Luna non continuo mouet, ut citharædus aut tympanista: sed quia socius aut hostilis vis non inuitat ad bellum. Ergo motione propria ordinaria, in qua cum stellis communicat animalis spiritus, & quidem iuxta mensiones Lunæ & diarij motus lunaris quantitatem fit noua excitatio. In quibus vero fit tertio quoque die, non deficit ordinarius motus in spiritu, sed extraordinarius, qui ab hostili cictur vis; quæ deuicta non reficitur ad pugnam, nisi instauretur: proptereaque periculo vacant intermittentes pugnae, quoniam in hoste vim non æquam naturali indicant. Sequitur autem iste insultus de tertio in tertium: quoniam Lunæ de signo in signum, seu de copula in copulam sectatur mutationem, prout de crisi perperacutorum loquentes monebamus. Humores vero crassi, quoniam non reficiuntur ad malefaciendum nisi quarto quoque die, dimidij quadrati lunaris rationem sequuntur, & pugnam spiritus ad quartum differt. Manifestum est enim, quoniam dantur & quotidianæ continuæ, & tertianæ continuæ, & quartanæ continuæ, eo quod peccans causa minuitur, non prosternitur, ut in intermittentibus. In omnibus tamen rationem lunarem sequi videntur, sicut & crises. At quoniam etiam erraticæ ex iisdem humoribus fiunt, palam fit quoniam non nisi ubi lædunt, pugnatur febrili bello. Quintanæ sextiles aspectus sequuntur: quoniam quinto die ad 60. gradum à sui exordio Luna recedit. Sextana paruam habet conuenientiam cum lunaribus aspectibus, nisi ubi æquualet septanæ; quæ longissima esse solet, eo quod quadraturas lunares pro regula habet, validos nempe aspectus. Credo etiam octanam ei æquualet, si sub tardiori Luna incepit. Nonana tandem consequitur ad trigoni normam. Hæ tamen raræ sunt, quoniam antequam peccans causa reficiatur, natura vires ita auget, ut non sinat morbo regrediendi vim. Annua tandem febris Antipatri non tam ex humoris natura, quam ex spiritus memoria, & loco reuerfionis Solis.



Solis ad idem punctum, vnde incepit, rationem habet. Siquidem & qui mordentur à tarantula, habent hanc reuersionem annuam: & qui solent sese in septimana sacra verberare, pruritum, vertente eodem tempore annuo, sentiunt, nec quiescunt ab eo, nisi iterum verberati. Vnde putamus in quartana consuetudinem pugnandi quarto quoque die in memoria excitari, & modicam esse humoris læsionem; magnam vero opinionem in spiritu. Idcirco alia ingentiori passione affecti quartanarij, à quartana statim liberantur, sicuti non raro experti sumus: præcipuè in amico, qui fune tortus à iudice, quartana, qua tenebatur per tres ante menses, liberatus est penitus. Sequitur quartanæ motum maris sex-horarium à Sole, aliæ alium, vel alio modo.

4 Quæ igitur laceſſunt absque ordine syderali, sed ab extraordinariis syderum transitibus, aut à causis non ordinario lædentibus, erraticas febres faciunt: vt intelligamus motum Lunæ recipi in quibusdam seriatim, in quibusdam temere: & modificari pro recipientis conditione; nam nec omnia maria à Sole & Luna easdem passionem habent. Astrologi etiam id considerant, & nos quacunque occasione prauè affecti accendimur ad iram exterius, & ad febrem, quæ ira est interius, & statim sedamur, sedandiratione inita.

*Quibus argumentis, qui humores in quauis febre peccent, omisso typo incerto, cognoscere Medicus valeat; & vnde febrium differentia.*

### ARTIC. III.

*Duplex quaestio.*

**S**ed dicet quis, si ab humorum conditione ratio periodorum non dependet, quomodo pernoscemus quis in qua febre peccet humor? Et si humor omnis, omnem febrem facit, vnde erit febrium distinctio sumenda, & medicaminum?

*Respondeo ad 1. ex Hipp.*

Respondeo Hippocratem 6. *Epid.* præ cæteris Medicis melius distinxisse febres, & humores peccantes in eis significasse: cum „ ait. Febrium hæc quidem manu sunt mordaces: illæ vero mi- „ tes; quædam non mordaces sunt, tamen incrementales; aliæ acu- „ tæ, & manu ipsa deuictæ; nonnullæ statim ardentes: quædam „ semper debiles & siccæ; aliæ falsæ, aliæ inflatæ aspectu horren- „ dæ: aliæque ad manum humidæ; aliæ admodum rubicundæ; „ aliæ perpallidæ; aliæ liuidæ, & aliæ eiusmodi.

Confi



Considerandum sane est, quod in nostro dogmate febris om-  
nis eadem est ex parte spiritus sese ad pugnam inflammatis, nec  
differt nisi secundum magis & minus caloris & motionis pulsatis.  
Vbi enim periculum minoris est momenti, minor calor accen-  
ditur: pulsationesq; ex æquatis, tempestiuus, numerosis & forti-  
bus fiunt magnæ, celeres, crebræ & vehementes: & calor è tepi-  
do, feruens. Vbi vero periculum maioris est momenti, calor fer-  
uentius accenditur, pulsusque maiores fiunt, celeriores, crebrio-  
res & vehementiores. Vbi maximi momenti, accessiones erunt  
flammanes, pulsus maximi, velocissimi, creberrimi & vehemen-  
tissimi.

*Calor & mo-  
tus spiritus  
ordinarius  
quibus gra-  
dibus extra-  
ordinariis,  
qui propter  
hoc dicuntur  
febriles, au-  
gentur, &  
cur.*

Et hoc quidem intelligendum est respectu eiusdem hominis *Notand. 1.*  
sanæ: in aliis enim temperamentis alia feruescentia excitatur.

5 Præterea intelligendum est ex parte spiritus, causæ nimirum *Cur variatio  
in efficiente.*  
efficientis vbi valet bello. Accidit enim vt imminuto spiritu &  
male affecto, licet sint periculosissimi morbi, haud tamen febris  
fiat in calore & motu, valida quantum oportet in gradum. Nam  
nec excrementa maligna æquo periculis labore educit spiritus  
imminutus. Idem autem iudicium in educationibus febrilium  
causarum. Cognosces quidem ex vrinis & deiectionibus pau-  
cis & crudissimis; & ab ætate, anni tempore, & victu, & morbi na-  
tura, an tantum febriant spiritus, quantum oportet ad vincen-  
dum educendumque causas mali.

6 Differentia vero febris ex parte causæ materialis non est se- *Ex parte ma-  
lorum: in a-  
liis enim ma-  
xima alius  
fit calor.*  
cundum magis & minus caloris, & pulsationis, nisi in quantitate  
causæ & periculi illati forma; sed ex caloris qualitate, & accen-  
sionis modo, & coloris varietate in aspectu, & ex efflorescentia,  
& ex vrinis, & ex deiectionibus, & pulsibus addiscenda.

7 Propterea enim aliæ mordaces sunt, aliæ mites ad tactum: *Ratio differe-  
ntiarum  
febrilium posi-  
tarum ab Hippo-  
crate mor-  
dax febris,  
& unde mi-  
tis.*  
quod spiritus inflammans suo calore motuque humorem pec-  
cantem, educit eum per transpirationem particulatim ad fu-  
num redactum. Tangenti autem Medico fumus iste occurrit,  
vel mordax, vel mitis. Si mordax, indicat bilis esse euaporatio-  
nem, & tunc Medicus iudicat in bilem irasci spiritum. Si vero  
non mordax aded, nec ita insuavis tactui apparet euaporatio,  
sanguinis aut pituitæ dulcis esse accensionem intelligit. Ex qui-  
bus edueta non mordet molestatque manum exhalatio. Sed hoc  
etiam in febre ephemera experimur.

8 Quæ autem à principio non mordent, sed paulo post incref-  
centes,



*Cur à principio non mordent, & max mordent.*

centes, videntur quidem, quidquid dicant Medici, à pituita afflata oriri: cuius emissio à principio non mordet, sed ubi increuerit, id quod crassum adustumque est, subsequitur post florem vaporis, & mordicationem facit; non quidem æqualem, sed inæqualem in variis partibus tangentis manus plerumque: quoniam non tota vndique simul exit, propter sui consistentiam crassam variâq;. Sed primo vapida, deinde falsugo per eas solû partes in

*Ratio statim pungentium, sed non conseq.*

quibus inualuerit. Quæ vero statim acutæ sunt tactui, quasi pungentes, posteaque remittuntur punctiones, tactusque quasi victor remanet; horum accensionem fieri in fuligine obstruente poros cutis, aut spiritum afficiente putandum: quæ statim eductæ pungunt, relinquuntque post se absque punctura calorem, quamvis è contra videatur Galeno interdum. Proprium quidem est

*Regula.*

*Dubitatio contra regulam.*

est materiarum tenuissimarum à principio mordere & molestare ob effluxus copiam, deinde vero cessante materiæ quantitate minui molestiam & actionem: cuius contrarium est in crassioribus, quæ à principio tenuitatem, deinde crassitiem emittunt. Sed forsan id verius est in diuersis tactionibus, prioribus scilicet & posterioribus secundum tempora. At in eadem tactione perseverante dubitabit quis, an à principio tactionis eiusdem mites, in fine vero mordaces sint febres in crassis accensæ humoribus; in tenuibus verò è contra. Videtur enim ubi materia est pituitosa, cutem emollire ita, quod etsi primo effluxu exhalatio combusta tangatur & vrens, tamen premendo ad solidum molle tactus ingeritur. E contra vero cum tenues, acres falsique humores abundant, prima tactus impressio vapidum effluxum sentit: subsequens vero corium arens sua pressione pertingit. Et est differentia in his, sicuti cum tangimus carnem elixatam & assatam; in illa enim prius acutus calor obuiat, deinde mollities: in hac prius vapor mollis, deinde ariditas. Dico autem mollis, respectu subsequents ariditatis: sicut in elixata acutus, respectu subsequents mollitiei: non enim acutior fumus elixatæ quam, assatæ in eadem specie.

*Occurrit ob sectioni.*

*Solutio.*

9 Sed ex altera differentia Hippocratica hoc enodatur. Si quidem alias ponit aridas, alias inflatas, alias ad manum humiditas. Aridas esse ex acutissimis humoribus palam est, qualis bilis serique vlti vapor. Inflatas vero, quæ halituosum tactum roridumque faciunt, ad febrem in spiritu & sanguine accensas referri consentaneum est: vel aridas esse hecticas quis dicet, ha-

lituosas



lituosas verò sanguineas . madi das tandem, quæ in pituitosis accenduntur rebus, quarum solutio pellem rna defacit. Et horum iudicium in prognosticis posuimus, & quomodo etiam hydro-  
pem ostentant.

10 Cum vero alias perpetuo vt à principio ardentes, alias debiles Hip. ponit febres, statim ad spiritus copiam & actionis valorem respicit, non ad humoris copiam & inopiam, vt ex Medicorum dogmate inferitur. Etenim & ardentes salubriores debilioribus nouimus plerumque, quoniam spiritus ad comburendas materias, ibi robustus probatur, hic debilis.

*De ardentis à principio ac debilis differentia.*

11 Cæterum ex coloribus quoque Hipp. morbifici humoris naturam in febribus docet: nam liuescunt atrabiliosæ: pallescunt & siccescunt flauabiliosæ: subpallidæ & citrinæ, sunt pituosæ: rubescunt sanguinæ. Horribiles aspicientibus sunt pestilentes, & papulosæ, & quæ ægrum valde cruciant, & faciem eius immutant, qualiter diximus in 4. lib.

*Differentia ex coloribus ratio.*

12 Præterea quæ rigorem afferunt & tremorem horribiles sunt: quæ non ita exagitant, minus horribiles dicuntur. Rigorem fieri ab humoribus acerbis mordacibus vasa rodentibus, & spiritum mordentibus, vnde aufugere conatur simul, & pugnare ac vincatur: hincque rigor & tremor simul subsequantur, in eodem lib. declaratum est. Horrorem vero ab eisdem extra vasa delatis, & præsertim ab atra bile similiter patuit, sensumque frigoris præbere caloris abscessum ad interiora, non autem pituitæ agitationem frigidæ, vti Medici opinantur, etiâ ibidem declarauimus. Sed quidem vbi rigores mordaces non adsunt, & faui frigoris sensus subsequitur in feruore, non negem pituitam expandi, vnde spiritus aufugit, vel extra vasa ad neruosas partes deferri, & ad corium inter musculos, vnde frigoris expansi sensus & spiritus ab eo fuga, & eleuatio membrorum, & depressio, qui tremor est magnus; agitatioque aspectu horrida, qualis in quartanis obseruatur.

*Differentia ex passione.*

*Hip. lib. de spiritu.*

13 Præter hæc dantur signa in locis, vbi huiusmodi humores stabulantur. Lienosi enim & melancholici facile atrabilioso humore infestantur in omni febre; pituitosi & ventriculo debiles, pituita solent vexari; qui epate exorbitant & felle, cholericique, bile flaua.

*Ex temperia adiniculâ nascendi febres.*

14 Præterea anni tempora & ætates idem contestabuntur. Senes etenim, & autumnus, atrabilis: hyeme & pueros, & scæminas

*Ex anni temporibus & ætatibus.*



pituita & cruditas: vere & adollescentes, sanguinis abundantia & vitium; ætate & iuvenes virosque bilis flaua in febribus infestabunt & præualebunt.

*Ex exercitamento.* 15 Quæ autem ex vrinis, & dejectionibus, & sudoribus, & sputis, & vomitibus signa habemus peccantium humorum, facile in 4. lib. cognouimus.

16 Similiter in quo morbo qui peccent humores, & quæ accendantur febres, in sexto lib. enucleauimus sigillatim, & ex membri affectione.

*Ab externis* 17 Præterea regiones, & constellationes, & victus præcedentes & mores, indicant qui in qualibet febris humores dominantur, potius quam febrium circuitus.

*Accommodatio.* 18 Licet in tertianis flauam bilem plerumque, in quartanis atram, in quotidianis pituitam, in continuis sanguinem ut plurimum accusemus: haud tamen semper, quemadmodum Medicis consuetum est.

*Agnitio differentiarum ex intersecutionibus appa-rensibus.* 19 Præterea dictum est etiam, quomodo sitis multa & linguæ ariditas, & amaritudo, & flauedo, expiratio ardens, denudatio corporis, bilem flauam in febribus annunciant, & ardorem in interioribus. Sitis vacuitas, & viscositas in lingua paniculosa præter amaritudinem, & lippitudinem, pituitam; præsertim si nec nudari optant, nec ardens expirant. Atræ bilis incendium, timiditas, fuligo, linguæ nigredo, expiratio fumosa & fuliginosa, & ferina deliria, pandunt. In biliosis enim deliria minus sordida & phrenitica apparent, & audaciæ plena. In pituitosis somnolentia, & stupiditas & torpor. Et quoniam de his singillatim in 4. lib. loquuti sumus, reliquum est, ut de accessionibus, & temporibus febrium sermonem attexamus.

*Tempora accessionum febrilium proportionari febrium diuturnitati & breuitati in suis durationibus: & quibus de causis utraque tempora producantur breuianturque.*

#### ARTIC. IV.

*Tribus de causis accessio, & duratio acceleratur.* **A**ccessio & tempus morborum sese consequuntur: tribus enim ex causis accessio breuiatur, videlicet ob humoris tenuitatem, qui facile vincitur transpiratque: ob meatuum latitudinem,



rudinem, per quos facile transit; & ob virtutis expulsiuæ vires validas ad victoriam. Tribus quoque de causis producit, videlicet ob materiæ crassitiem & resistantiam contra coquentem & feruentem spiritum. Item ob vasorum, in quibus accenditur, angustiam; ubi sanè spiritus eam agitare non valet, attenuare debellareque: ac simul ob pororum angustiam, per quos transpirare quod vincitur materiei morbificæ difficile potest. Item ob spiritus imbecillitatem, qui feruorem & agitationem intendere non valet. Quæ omnia ex pulsibus, vrinis, & respiratione aliisque signis, in 4. lib. positis, prudens Medicus venabitur.

tur, & car-  
dantur, bre-  
uiantur &  
dilatantur.

2 Tempus quoque durationis febrium ex eisdem causis intelligemus: materiæ enim tenues, & virium robur, & rara textura morbos abbreviant: crassities, & imbecillitas, & angustia, producunt.

3 At si hæc ita se habent, sequitur quod quorum morborum accessiones sunt sex-horariæ, eorum duratio est breuissima: quorum octo-horariæ, longior; quorum duoden-horariæ quam longior: quorum quindenis, & vicens, aut pluribus horis, longissima. Ergo quorum continuæ sunt accessiones, id est, vna à principio ad finem, eorum duratio erit æterna, dicet quis; hæc autem haud ita se habent. Continuæ enim febres ephemeræ breuissimæ sunt: similiter & ardentes, & tertianæ continuæ; quartanæ verò intermittentes, longiores.

Dubitatio.

4 Respondeo quod continuæ febres sunt perennes vsque ad mortem. Ipsæ enim præ cæteris lethiferæ sunt magis: quæ enim intermittunt, periculo vacant, magis minusque pro remissionis spatio: vnde tutissimæ reputantur quartanæ, quoniam diebus paucis duobus, naturæque sese reficiendi spatium dant. Multum ergo & quintanæ, & sextanæ & annuæ longè præ iam dictis salubriores: & inter has, quarum periodi breuiores. Quæ enim quatuor horis durant, meliores quàm quæ octo: & hæ præ his quæ decem, & sic de cæteris. Etenim materia, quæ naturam impugnat copia & robore minor est in accensionibus breuibus, quàm quæ in longis: faciliusque vincitur. Similiter vel vires naturæ validiores, vel pori etiam apertiores. Et quando ista omnia concurrunt, febris saluberrima est, nullius momenti periculum faciens.

Solutio.

5 At quidem non omnes continuæ febres pessimæ, vel non continuæ peiores, nisi sint eiusdem generis, & ab eisdem humoribus efficiantur. Palam est enim quod quæ in solis spiritibus fiunt, & in

Cur spiritus  
les humores  
bus minus  
periculosa.



*Et humores  
les solidis.*

tenuibus vaporibus, licet continuæ sint, periculo tamen vacant quoniam spiritus facile sese malis exonerat ob sui caliditatem & tenuitatem; aut subito suffocatur, & perit antequam pugnare queat; ut patet in his qui veneno aut foetore opprimuntur antequam febricitent, vel in primo feruoris insultu. Quæ autem in humoribus periculosa: indicant enim necessitatem continuam pugnandi absque spiritus quiete: quæ verò in solidis partibus accenduntur, peiores sunt, siue in capite, aut alio nobili viscere: siue in toto corpore, uti in hecticis experimur, ex Medicorum dogmate. Et quidem eò deteriores & longiores in suo genere sunt omnes, quò accessiones diuturniores in suo genere. Accidit tamen ob tenuitatem materiæ & vasorum spatiositatem fieri continuam febrem & salubriter: donec vnica accessione peccans materia consumatur.

*An anticipatio  
prologatio  
accessionis bona  
vel mala.  
Anticipatio  
accessionis ex  
signis erectio-  
nis visio.  
viam naturæ,  
absque vero  
victoriam  
morbi.*

6 Quorum accessiones subsequentes prolongantur magis, aut anticipant horam præteritarum; in his intellige victoriam morbi- ficæ causæ; quæ abundat robore copiaque: idcirco pugnam dilatat, & prouocationem anticipat. Quæ verò breuiantur & postponunt, è contra ob contrarias rationes. Si tamen signa coctionis defuerint. Quæ enim anticipant pugnam, naturæ vires & confidentiam indicant, & crisim, etiam Galeno; quod non fieret si febris esset morbus, & non remedium. Fatetur etiam Galenus, non anticipatam accessionem morbi indicare diuturnitatem: anticipatam verò crisim, & victoriam. Ergo bellum est febris à spiritu forti anticipata, à flaccido postposita declinataque. Et hoc verum est, vbi vis spiritus, non causa mali anticipat paroxysmos.

*Regula.*

*Nota, si febris  
augurium  
bonum, ergo  
febris non  
morbus per  
se.*

7 Continuæ febres si augentur calore & motu continuo, periculosiores; si minuuntur paulatim, salubriores: si perseuerant eodem modo, contumacem hostem periculumque ambiguum designant. In prima autem & in tertia crisim expectabimus, si critica apparuerint signa: & tunc augeri febrem bonum est. signant enim vires colligi naturales ad victoriam. Id quod Medicis malum apparere debet, quibus febris non remedium, sed morbus existat.

8 Galenus autem febres diuturnas eas putat in 2. de cris. quæ à pituita crassisque sunt humoribus: & in parte minus transpirabili: breues verò quæ à bile flaua, & in loco transpirabili. Nihilominus alibi fatetur se tertianam quam ex bile creat, ab autumno in



in ver productam obseruasse.

9 Accessiones intermittentium febrium habent rationem dierum, quæ in continuis. Etenim quemadmodum in his criticus est septimus, quartus verò indicatorius: ita in illis septima accessio est critica, quarta verò indicatoria. Sic dices de cæteris accessionibus proportionaliter ad dies.

*De febribus speciatim secundum causas, quas habent in spiritu, aut humido, aut solido.*

C A P V T III.

Q Voniã febres acceduntur omnes in spiritu, hoste verò habent, vel in spiritu, vel in solido, vel in humido; d. febribus sigillatim dicturi, primò eas enucleabimus, quæ in spiritu causam habent.

*De Febribus spiritualibus speciatim.*

A R T I C. I.

S Piritales febres apud Medicos vocantur ephemeræ, eo quod per diem vnum vt plurimum sunt durabiles: paucissimæque ad duos vel tres extenduntur: quam rarissimè etiam ad septem, vt Rhasis expertus est.

*Omnis febris est in spiritu bellare hostis vero, id est causa morbi vel in spiritu vel in solido, vel in humido.*

*De ratione febrium spiritualium à primalitatibus.*

C AUSA ephemeræ febris in spiritu vel à primalitatibus ortum ducit; vel à corporeitate. Si à primalitatibus, primum locum tenet ira, quæ per se sola & essentialiter febris est, sedem habet in potestatiuo: nascitur ab appetitu propulsandi malum, quod cognoscituum percepit, iudicauitque esse propulsandum, vel extinguendum: ex quo statim sequitur potestatiui commotio in calore & tenuitate, ex quibus etiam constat spiritus: quo calore & tenuitatis motione per potestatiui feruorem & impulsus agit in rem molestant. Vnde manifestum est, quod omnis iracundia est febris essentialiter ex sola occasione absque causa. Cognoscituum enim & appetituum non mouentur ab obiectis bonis malisque, sed suscipiunt occasionem, vt in Metaph. dictum est. Mouentur

*Duplex origo ephemeræ.*

*Ira est per se febris, eius ortus, causa, & forma, & finis.*



uentur tamen per accidens, dum corpus tenue spiritus ab eis agitur, in quo ipsæ insunt.

*Causa februm ephemerarum ex primariis satibus per se, vel per aliud.*

2 Ab ira ergo non causatur febris, sed & ira est ipsa febris, ira quidem intranea & occulta, sicuti & timor occultus in fuliginoso spiritu, eo quod ab externa causa inferri non apparet. Aliæ vero passiones causant febrim, quas Medici enumerant; videlicet, tristitia, aer calidior, labor, dolor, vigilia, somnus, fames, ebrietas, cruditas, catarrhus, lætitia, timor, & inguinum tumores & bubones. Et hoc quidem faciunt vel quatenus sunt spiritus passiones, vel inferunt illi passiones: ad quas vincendas irascitur feructque. Obstructiones quoque cutis, quæ calorem & fuliginem impediunt, passiones eas in spiritu causant, ad quas amoliendas, accenditur febriliter in causas: quod est irasci.

*Signa pro cognitione febris spiritalis.*

3 Cognoscitur autem febris spiritalis ab humoralis & solidali seorsum Medicis, propterea quod in spiritali calor est mitis, blandus, urinae naturalibus similes, vel mutatae parum: pulsus nullam ferè habent inæqualitatem, vel modicissimam: & cum cessat accessio, statim fit pulsus similis omnino sanis, quod in aliis febribus haud inuenies. Item multa ægrotantis toletantia absque fastidio. Item vacuitas symptomatum malignorum; neque enim rigor, horror, aut frigus inuadit febrientem, aut dolor capitis, ventriculi, renum, cæterorumve principalium membrorum. Neque fastidium cibi, aut corporis grauitas, aut somnolentia, aut linguæ ariditas, & amaritudo, cæteraque signa, quæ humorales febres & solidales concomitantur. Causæ quoque spiritalis febris sunt manifestæ. Oriuntur enim in spiritu ex malo statim illato: spiritus enim passibilis est valde, ob tenuitatem sensumque exquisitum, facileque accenditur. Humores vero non statim lædunt spiritum, nisi ubi exorbitauerint, quod paulatim & insensibiliter fit.

*Cur spiritalis febris causa patet, cæterarum vero latent.*

4 Latuit autem Medicos, cur à manifestis causis fit spiritalis febris, humoralis verò plerumque ab occultis; nunc autem palam est: quoniam spiritus solus est, qui irascitur contra morbum, & febrit. Cum ergo in spiritum infertur iniuria à quacunque causa, statim mouetur ad repugnandum; & hoc febrile ipsum est. Cum autem iniuria est in sanguine, aut in aliis partibus, non subito spiritus accenditur ad pugnam, nisi ubi ipsum cœperint molestare. Hoc autem non faciunt subito, nisi ubi malum adoleuerit: principia autem eius latent. Idcirco & causa febris fu-

tura



tura est, non præsens. Et quidem accidens istud valdè comprobabat febrem esse iram, id est, remedium contra malum. Nam quando malum tangit spiritum, statim remedium adhibet, quando cæteras partes, minimè, nisi ad ipsum tandem spiritum infestandum procedat post' suæ essentia principia. Non enim eadem principia sunt essentia mali, & maleficientia in spiritum, in cæteris partibus orti, sicuti sunt eadem principia mali & maleficientia in spiritum, orti in spiritu.

5 Signa autem tam salubria sunt in spiritali febre, quoniam cum urina humores referant, & malum sit in spiritibus, non oportet eas immutatas esse. Pulsus vero ordinati sunt: quoniam ab humorum exhalationibus & exorbitantiis non vexatur; neque enim partium doloribus, quarum ratione in varias partes discurrens & aufugiens inordinatos edit motus, & ab humoribus interturbatos: ergo solitis motionibus pulsatur, alteratis tantum, ita quod ex æquatis, tempestivis, numerosis & fortibus, fiunt magnæ, celeres, crebræ & vehementes, quantum discutiendæ causæ passionis sufficiunt.

*Cur urina  
& pulsus bo-  
nus in febre  
spiritali.*

6 Sed ex eiusmodi motionibus & fervoribus in corpore sicco calidoque solet hæctica suboriri, si perseverauerint: accenditur enim in soliditate calor aridus. In plethorico vero succulentorum solet humoralis febris enasci: propterea quod humores conturbantur motione spiritus, ad exorbitantiam, qui prius non exorbitabant. Propterea oportet Medicum multa circumspicere, dum spiritalis grassatur febris: nutriendo siccos ægros humidis frigidisque cibis: succulentos vero tenuibus, siccis & odoratis, quo minus putrescant, ut mox docebimus.

*Cur hæctica  
oritur ex fe-  
bre spiritali  
perseverante  
in sicciori-  
bus: in suc-  
culentis vero  
humoralis.*

*De spiritali febre ex tristitia & timore.*

7 **P**ost iracundiam febrem essentialem sequitur febris ex tristitia & timore, in quibus apparet statim macies, & oculorum cavitas, color pallidus, pulsus parvus & languidus, & calor acer potius quam abundans. E contra autem se habet in spiritali febre ab iracundia, etiam Galeni testimonio. In qua sanè calor abundantior, non acrior: pulsus magni, celeres, vehementes, pleni, calidique non acriter, & ex parte inæquales: color rubeus, oculi magni, prominentes, turbatique. Hæc autem ita necesse est evenire: quoniam ira est motus ad exteriora sese effun-

*Accenditur  
febris ex tri-  
stitia.*

*Causa præ-  
dictorum ac-  
cidentium.*



effundentis spiritus contra morificam causam: unde spiritus implet oculos & turbat humores, intendit nervos, & corium, sequela sanguinis, rubedine & tumore insignit, pulsaturque venas magna distentione, & calore, & celeritate ad vincendum, quod infertur, malum. E contra in mœrore & timore spiritus intro fugiunt ab eo quod timent, vel videri in sua infœlicitate nolentes. Et dum à consuetis functionibus ob hoc feriantur, fuligines à sanguine non sequestrant, nec distributionem, & coctionem alimenti absoluunt. Tunc spiritus incipit infestari ab excrementis & vaporibus, & feruere incipit, & agitare humores, & alimenta ad absolutionem, & excrementa ad expulsionem coquere aptareque. Et hoc est febrile post tristitiam & mœrorem. Et in hac febre oculorum cavitates & macies corporis ex eo remanet, quod spiritus intro collatus minuitur, & nutritio in oculis, & externis partibus intercipitur, & humores intro feruntur, ita ut exteriores partes exsiccatae appareant. Color autem pallidus est sanguinis absentia. Pulsus parui & debiles, ob spirituum diminutionem & fugam. Calor acer & modicus, quoniam absentibus humoribus intro delatis & spiritu, cutis arescit stipaturque: & cum febris incipit, fuligines detentæ prius, nunc emitti incipiunt, & tangentem mordere manum, non autem adeo calefacere, ut in aliis passionibus, calorem augmentibus.

*Dubitatio.*

8 Sed dubitabit quis non inaniter, qui fieri potest, ut in febre ex tristitia pulsus sit parvus & exiguus, cum omnis febris sit ira? in ira autem pulsus magnus & vehemens est. Similiter de cæteris symptomatis huius febris dubitare licet; quoniam non referunt ea, quæ in febre ex iracundia: ergo non omnis febris est ira spiritus in rem molestam.

*Solutio.*

9 Respondeo, quod ira per se febris est: timor autem & mœror res contraria febre prorsus, & ideo cum causa irascendi adest, tunc febris magnificatur & perficitur. Nam & nos cum irascimur citra febrem, incalescimus, erubescimus, intumescimus vultu, & agitamus corpore, atque pulsu, & impedimur lingua. Hæc autem omnia sunt febris accidentia & proprietates. Sed quoniâ facile sedatur ira ex occasione exteriori excitata, idcirco & febris sedatur, & furor: omnis enim ira brevis est furor, brevisque febris. Febris autem prolixior, ira furorque est prolixus, in causam intrinsecam agens, non in extrinsecam: sicuti brevis ira. Et quia permanet causa hostilis in spiritu, permanet febris, donec



donec febriens vincat spiritus. Et licet mites videantur febri-  
ciantes ad exteriora, tamen iracundi sunt ad interiora per ira-  
cundiam abditam & quasi innatam, non per editam & illatam  
& additam, ut patuit in Metaph. Sic etiam licet qui natura sunt  
timidi non timeant exteriora obiecta aliqua, timent tamen sem-  
per innata obiecta, idest fuligines attras, quibus infestantur. Et  
cum additur eis occasio timendi ab exterioribus obiectis, multo  
magis expauescunt, quam qui innato timore præditi non sunt.  
Redeunt ergo ad rem dicimus, quod febris ab iracundia se ha-  
bet magis ad febris rationem & iræ, quam quacunque ex causa,  
& quæ ad ipsam proximius accedit, itidem pro gradu suo parti-  
cipat rationem febris. Metus vero & mœror sunt motus omnino  
contrarij motibus iræ: cogunt enim introrsum ad fugam, quos  
ira extrorsum expandit spiritus ad vindictam victoriamque. Pro-  
ptereaque minuunt spiritus, obruuntque. Non autem causæ fe-  
briendi in eis sunt oppositæ genericè, sed sunt ædem, quoniam  
utræque molestant: ergo & ad pugnam cient. Cum ergo febris  
subsequitur, id est ira contra causam timoris & fugæ, seruat ali-  
quid simile præcedenti passioni. Etsi enim obiectum timoris  
abierit, tamen cruditas in alimento, & sordities excremento-  
rum ob intermissas functiones in interioribus partibus remanse-  
re, & contra has cruditates & sordes pugnat iratus spiritus, haud  
tamen expers passionis illatæ ab obiecto, nec prorsus immemor.  
Propterea ergo pulsus languidos & paruos adhuc facit, sicuti in  
timoribus solet. Cautas autem & macies iam præerant, neque  
per febrilem iram tolluntur, nisi deuicta sorditie & reaptato ali-  
mento ad probam nutritionem. Sed si quis vult bene curare  
febrem à timore & mœrore illato, is obiecta timoris & mœroris  
penitus auferat, annihilataque esse videri faciat timenti & mœ-  
renti: & sic statim pulsus fiet magnus, & vehemens, quantum  
potis est. Etenim & cum intro fugit, minuitur spiritus, sitque  
exilis, partim constrictione suffocationeque, partim ex intermis-  
sa refectione. Vnde etsi febriliter pulset arterias, haud tamen  
ita, ut magnum & vehementem edat, cum nec implere possit  
sua copia arteriam, nec suo robore euertere tactum, quemad-  
modum cum de pulsibus loqueremur, declarabamus.

Admonitio.

10 Qui etiam anxietatibus, curis, contemplationibus nimis, *A contem-*  
& cogitationibus præcedentibus febri spiritali accenduntur, ea- *platione fe-*  
dem habent ferè signa atque mœroris, & tristitiæ, & timoris: *bris cur simi-*  
*lis à tristi-*  
causa *tia.*



causa febrientes, vt etiam Galen. in 2. de crisib. testatur. Cuius ratio in nostro dogmate clara. Etenim in his cunctis actibus iam dictis, spiritus vnitur ad interiora, sicuti in physiologia declarauimus: idcirco etiam minuitur, & functiones deferuntur; vnde debilitas ac paruitas in pulsu: sordes & innutritio in corpore, præsertim in oculis, & decoloratio in vultu, sicuti dictum est. Subsequitur ergo feruor contra exurgentes causas intrinsecus; seruâtque suæ affectionis tenorem. Propterea que verum remedium est contraria prorsus affectio, & actus à Medico adhibita imperataque.

Miles Gal-  
lus.

II Ponunt & quidē Medici à lætitia febrem spiritalem, in qua facies & externæ partes ob spiritus & sanguinis expansionem sunt rubicundiores: addendum erat, & nitidiores. Memini ego ex nimio risu, lætitiæque feruores huiusmodi accendi cum signis affectionis suæ seruatis, factò tamen pulsu maiore, celeriore, & vehementiore, & calidiore, blando satis calore. Sed statim euanescit, nisi commoueantur ita humores, vt ipsorum grauis vaporatio spiritum infestet ad pugnam, quam tamen edit passione ex parte seruata, sicuti miles hilariter veniens in certamen. Solet etiam nimia lætitia suffocari ex parte, ex partēque disperdi spiritus absque febre nulla. Et hoc vā illi: quoniam nec potest secum, nec cum alio pugnare febriliter.

Omnis tandem affectio, & notio, & passio vehemens, quarum in primo lib. meminimus, febrem diariam, vel horariam excitare potest in spiritu, si quid insuper mouet ad eius vel humorum, vel corporis infestationem, quæ spiritum obliget ad pugnandum. Quarum passionum signa, & proprietates, & accidentia in Phys. & Medic. lib. I. declarata sunt.

*De ratione febris spiritalis à principiis actiuis corporeitatis spiritus.*

De febre ab  
actu & gelu.

12 **F**ebres, quæ nō à primalitatib<sup>9</sup> affectis per se, sed à passionibus corporeitatis spirit<sup>9</sup> originē trahūt, sunt alię à principiis actiuis, hoc est, ab actu & a frigore. Et quidē ab insolatione æstiuā, & clibani videmus plerumq; febricitare homines, & in corpore fieri rubicundiores, sicciore calidiores, & caput quasi deūri, & cutem exasperari, vbi sudor elapsus iā est & vapor, nec nisi tenuitas inuisibilis amplius transpiratur & vrens. Expiratio in his longior & apertior & feruentior. Sed profectò simplex calor febrem non facit,



facit, alioquin omnes in Sole exercitantes se, & itinera cōficiētes febrerent. Similiter neque fit tunc modo febris à Sole, cum calor extraneus solaris igneusve cor attigerit, veluti Galenus & sequaces opinantur; etenim sunt qui tota die æstuant & laborant ad Solem, nec tamen feбриunt, sicuti qui semel & modico tempore æstiuos accipiunt calores: in quibus non est putandum ad cor tam citò calorem penetrasse; in illis verò nec tam longo tempore, sed in cunctis calor aëris in cor defertur: haud tamen in cunctis accenditur febris, nisi in quibus excitantur ex humoribus vapores pravi spiritum lædentes; aut principalium membrorum temperies immutatur, præcipuè autem in capite: cuius membranæ exsiccantur, cerebrumque assatur; & vapores è visceribus ascendentes afflictum caput & spiritum amplius vexant. Raros enim videmus febrere ab æstu absque capitis dolore, & vrinarum rubore.

13 A frigore etiā feбриunt, propterea quod cutis constipatur frigoris vi condensatiua, & transpiratio impeditur excrementosi vaporis: à quo proinde spiritus infestatur, & ad pugnam laceratur. Scabrositas cutis, & frigiditas seu caloris minutio, & acris tactus, à fuligine mordaci hanc febrem indicant.

*De ratione febris spiritualis à vexata spiritus motione & corporeitate per corporeas causas.*

14 ○ Mnis etiam cutis obstructio à quacumq; fiat causa, spiritales adducit febres: retenti enim vapores sordidi maximè infestant spiritum. Vnde exoritur pugna diuturnior quam ex aliis causis: donec enim aperiantur pori, & excrementa explodantur; febricit: propterea vsque ad tres dies ex talibus obstructionibus durat, & si spiritus robustus non fuerit ad pellendum, & sordes affuerint multæ, ad plures extenditur. Propterea nō rectè Rhasis à quibusdam Medicis mendacj insimulatur. Solet etiam hæc febris in humoralem transire. Retenta enim sordities sanguinem fœdat, & calorem, & temperiem à symmetria auerit: vnde nascitur pugna spiritus ad rectificandum quod exorbitauerat. Et quidem aliquando increscens est, & hoc malum parturit in sanguine: interdum in solido hecticam intemperiem in corporibus natura siccis, vt dictum est prius. Aliquando æqualis est à principio ad finem, quoniam impuritas perseverans est. Aliquando decrescens, quoniam plus educitur continuo sorditiei,

*Febris ab  
obstructione  
cutis.*

*Eiusdem  
transitus.*



cipio ad finem, quam remaneat. Et hæc febris salubrior est.

*Non potest febris spiritalis esse in sanguine, nisi occasionaliter.* 15 Vocant Medici synochū non putrem febrē hanc spiritalem: in sanguine tamen accēdunt. At hoc fieri non potest, vt sanguis sit sedes spiritalis febris, sed occasio. Et cum est in sanguine occasio à principio, & non in spiritu, utique humoralis dicenda est.

*Qua febris ab aere ingrediente cutim laxam.* 16 Cutis etiam laxitudo è contra spiritalem solet accendere febre, maximè autem id euenit calefactis corporibus ab æstu aut labore, cum in ventum crassum sese exposuerint, aut in frigidum aërem. Tunc enim vapor aëris subintrans, occupat non modò cutis meatus, vnde sudor exhalauit reliquitque apertos, sed etiam cor & cerebrum, & spiritum obnubilat grauātque. Idcirco statim febris accenditur in spiritu contra ingressi vaporis molestiam, si datur tempus & commoditas. Cū enim vapores sunt pestilentes multique, solent subito perimere spiritum, non secus ac carbones modicè accensi; & fumus quicumque inclusus in aulis; & vapor ex antro Agnæ, vt diximus in 6. lib. de pestilentia ratiocinantes.

*Ex catarrho.* 17 Frigus autem solet etiam catarrhum generare, repercutiēdo humores exeuntes per vapores ingredientes ad interiora, sicuti diximus de catarrho loquentes. In catarrho autem febris est continua spiritalis, quando in capite & sub cute vapor infestans spiritum, est expellendus, & intemperies reformanda.

*Febris à somno.* 18 Fiunt etiam spiritalis à nimio somno, propterea quod distributio plenè non absoluitur in somno sicut in vigilia, sed tantum concoctio. Neque excrementa satis educuntur; propterea necesse habent spiritus ad horum expulsionem accendi: vnde rumor in palpebris & in cute inest somnolentis, & calor amplè vapidus roridusque, & pulsus magni, obtusi, rati.

*Febris à vigilia.* 19 Fiunt etiam à vigiliis nimis, propterea quod spiritus multus exhalat vigilantibus, minuiturque obiectorum ictibus, & agitationibus propriis; & humores exsiccantur, & pauci spiritus reficiuntur, cum coctionibus minus vacetur, vnde grauitas in corpore sequitur à modico spiritu gubernato; & pulsus paruus, & vacuus, & rarus. Non enim potest implere arteriam nisi copiosus, neque valde agitari. Oculi sunt graues & facies pallida, & palpebræ humidæ non siccæ, sicut in tristibus.

*Febris à labore.* 20 Labor febre excitat, non quā labor, cuius est attenuare & dissoluere spiritum, sed qua humores concitat & vapores qui spiritum lædant. Est autem pulsus laborantium paruus, ob diminutionem



nutionem & creber. Et quidem exercitium est conseruatio spiritus per ventilationem, & excitationem spirituum, quemadmodum in parte 2. realis Philosophiæ demonstrauius. Labor autem, qui afflictio potius est, ex immodica exercitatione spiritus est diminutio: proptereaque alius est pulsus exercentis se, alius laborantis, uti in quarto lib. Med. docuimus.

21 E contra ocium febrem non modò spiritalem facit, cum spiritus non euentilatur, neque purgantur humores, & sordes infestantes eleuantur; sed etiam febres facit humorales. Cum enim non purgentur, marcescit humor, & calor augetur conclusa euaporatione: vnde enumerauimus in Philosophia morbos omnes animi corporisque ab ocio suborientes innumeros; præsertim autem qui ex putrefactione. Hic autem manifestum est, quod ocium cruditates facit, & sordes, quorum vtrumque sufficit ad ciendum spiritum ad pugnam.

*Febris ab ocio.*

22 Propterea inedia quoque febres generat, ieiunium tollit. Cum enim diu à cibo abstinent, calor qui in humoribus continebatur, eosque in spiritum vertebat, & in soliditatem, exsiccatis humoribus radicitur in solido, & ad hecticam disponit. Comitatur hos cauitas oculorum, macies corporis, & squalor, & pulsus tenuis, vacuus, duriusculus, paruus. At quidem nō videtur febris in spiritu accendi ob inediam, cum nulla res spiritum infestet; sed spiritus alimento indigens ira fertur in quidquid obuium est, proptereaque accenditur, ut possit vel soliditatem ipsam in sui nutrimentum inuertere. Sic obsessa ciuitas cothurnos & coria calceorum, & clypeorum, & cortices arborum sæpe comedit. Quidquid enim foris agimus, intus à spiritu prius factum est.

*Febris ex inedia.*

*Adnotatio.*

23 Cruditas autem ebrietasque & ingluuies ciborum spirituales febres gignere, propterea quòd vapores è crudis cibis eleuati spiritum afficiunt; adeoque interdum grauant, ut occidant, sicuti de ebriis pridem scribebamus. Sed hæc febres faciliè in putridas transeunt, cum fœdantur humores: & accensionem postulant ut corrigantur.

*Febris ex cruditate & ebrietate.*

24 Accidit & Hippocrati febris ex inguinum inflammatione similiter spiritalis: quæ pulsus habet maximos, veloces, calidos, vapidos, æquales: faciem rubicundam, tumidam; calorem in corpore multum vsque ad statum febris; post statum verò mitiorem humidumque; vrinam subalbidam, à naturali parum discrepantem. Ex qua descriptione Medicis probata, manifestè agnosci-

*Febris spiritus ab inguine.*



*Febres diarias etiam topicas fieri, cur.*

mus nil læso corde febres fieri. Etenim fateatur Gal. *de diff. feb. lib. 1.* in hac ephemera ex inguine nil lædi cor: attamen ne videatur propriæ positionis oblitus, addit, quod calor inguinis vsque ad cor defertur, non autem vapor putridus, qui ex putrescentibus in inguine humoribus exhalat; quemadmodum fit vbi putrescit in aliis vasis, membrisque, febres humorales generat. Sed hæc ratio fuga est, gratisque adducta. Manifestum est enim sola cogitatione, quæ cordi cōmunis nullo pacto videtur Galeno, fieri febrem patiente spiritu, & passionem mox amoliente. Præterea ex bubonibus & exanthematis & tumoribus quibuscumque videmus febrem spiritalem fieri, eo quod spiritus infestatur ab humorum vapore, vel coit ad pugnandum totus contra morbum partis.

25 Ex his similiter ediscimus, febres diarias fieri non modo vniuersales, sed etiam topicas. Si quis in parte corporis dolente vel propter abscessum aliquem & tumorem, vel propter luxationem aut contusionem, aut vulnus, tetigerit, manifestè in illa febrem agnoscet, id est caloris augmentum & pulsationem in iuxta positis venis arteriisque: & tunc sanè potius ad solidum spectat febris, quam ad spiritum, excepto eo, qui dolente in parte implantatus est.

### *Curatio febrium spiritalium.*

#### A R T I C. II.

*Cur febris spiritalis iuuanda, non extinguenda.*

1 **S**piritalem febrem curare minimè oportet, cum ipsa sit curatio potius medicinaque morbi. Curationis autem & medicinæ non est curatio medicinaque, sed adiuuatio, sicut in bello, cuius finis est victoria, non pax: non enim inter morbum & naturam pax vlla valet, prodestve, nec iram sedat vtiliter, nisi victoria.

2 Oportet ergo in omni febre primo spiritum feruentem, & pignantem iuuare, vt vincat, non autem à pugna reuocare, neque pugnam extinguere: qui enim pugnam auferunt, succumbendi causam & occasionem præbent pugnantibus, & necem, seu morbi seu belli prolongationem. Vnde in æstate calidisque in locis febres & morbi breuiiores sunt, spiritu per calorem externum adiuto: quare qui refrigerant aëre vel aqua frigidis febrientem, non Medici, sed carnifices sunt, vel proditores. Similiter qui cibum offerunt in febris principio, vel augmento, efficiunt,



ciunt enim, vt abiecto gladio clypeoque miles ad epulum cur-  
rat, relicta hosti victoria. Qui etiam sanguinem minuunt venæ  
sectione, febrem quidem cessare faciunt, spiritus enim ex parte  
exhalat, ex parteque ob nouum timorem omittit pugnam: si-  
cut qui retro insidias intelligens, procedere ultra in hostem de-  
reclat. Qua in causa narrauit mihi peritissimus obseruator  
Medicus Tiberius Carneleuarius conterraneus doctissimus, sese  
expertum esse quendam sanguinis missione statim febre libera-  
tum, in sui tamē subsequentem perniciem. Vnde indoctissimi  
sunt, qui febrem tollere satagunt, non autem causam hostilem,  
in quam pugnans febrit spiritus.

3 Secundo ergo curabit Medicus, vt hostis, propter quem &  
in quem geritur bellum febrile, tollatur victoriaque remaneat  
in spiritu pugnante; atque sic cesset pugna, & non aliter.

4 Tertio sataget, vt quoniam læsiones multæ fiunt in spiritu, &  
in aliis corporis partibus expugna, tollantur. Qui enim in pro-  
pria domo & ciuitate bellum gerunt, accipiunt vulnera, & mi-  
nuuntur viribus: item ipsorum domus & ciuitas multis affligi-  
tur damnis, tum à bello illatis, & commissis: tum ab omis-  
sionibus ad gubernatum pertinentibus. Nec enim agricultura  
exercetur, nec forum, nec gymnasia tempore belli, nec cætera  
artes, vtiles ad vitam.

*Febris per se  
remedium, &  
per accidens  
nocet.*

5 Igitur in spiritali febre primo spiritum iuuabimus calore  
pugnantem alio calore, vel saltem ne proprium amittat curabi-  
mus; ergo tegemus, non nudabimus febricitantem, nec in frigido  
aëre, aut aqua detinebimus.

6 Secundo adhibebimus ea, quæ morbo contrariantur, id est  
hostili causæ prouocanti ad pugnam, non autem quæ aut spiri-  
tui, aut feruori. Igitur in passionibus animi causantibus febrem  
contrarias passionibus inducemus: & si febris fuerit ex tristitia &  
timore, per læticias lætasque res, & confidentiam, & securita-  
tem inducentes, prosterneamus tristitiam timorēque. Si ex co-  
gitationibus & anxietatibus, per quietem & ea quæ à cogitatio-  
nibus distrahunt animum, vt per Musicam, vinum & fabulosas  
narrationes, & pulchras res. Si ex desperatione, spem induce-  
mus: si ex nimia lætitia, per res serias & contemplationi spiri-  
tum colligentes. Idem dicito de cæteris primalitatum affe-  
ctibus.

*Cur febris  
spiritalis ex  
passionibus  
animi.*

7 Cum vero ex passionibus corporeis incipit morbifica causa,  
LLL I eas



*Cura febris  
ex corpora-  
libus.*

eas profligabimus : nam vigilas somniferis , somnum vigiliis : crapulam inedia ; famem cibo facilè in cibati substantiam trans-  
eunte , etiam curabimus. Neque enim sic distrahimus spiri-  
tum à pugna hic, sicuti in aliis occasionibus : sed hostem in quem  
pugnat, vel qui pugnatore alios suscitauit, extinguimus. Simi-  
liter in febris ab obstructione ea , quæ cutim laxant aperiuntque  
accommodabimus. In luxationibus curabimus prius , vt quæ in-  
gressæ sunt causæ mali, regrediantur foras, aut extinguantur : &  
cutis plusculum constipetur ; id quod oleum myrtinum præstat.  
Cum feбриunt ex bubone, & inguinum tumore, aliarumve par-  
tium, harum salutem curabimus prius per suppurationes, & pu-  
ris expressiones , aut per resolutionem oleis calidis factam ; & si  
inflammatio vrget, sectione etiam venæ utemur secundum ar-  
tem. Est etiam vbi & purgatione est opus.

8 Quæ autem mala inuehuntur ex pugna, tentabimus abole-  
re. Primum quidem malum est spiritus diminutio. Augebimus  
ergo illum in declinatione febris cibo facile conuertibili in luci-  
dos , multos & fortes spiritus ; quales fiunt à vino, & odoribus  
carnium optimarum : & coctu facili cibo optimum succum  
præbente. Et quoniam secundo pars solida affligitur ex ca-  
loris accensione , balneis vtendum dulcibus , vt calor in aquam  
ex soliditate transeat, ne hæcticæ initium ibi det ; ac simul sor-  
des emungantur, & pori aperiantur ad egressum. Proptereaque  
his qui ex obstructione feбриunt, sunt magis necessaria. Ex las-  
situdine vero & fame, balneum vini prodest magis, eiusque po-  
tio , vt in tristibus dicebamus. At in iracundis Medici vinum  
non concedunt : & quidem rectè si intemperiem respiciunt sub-  
sequentem in solido & humido ; & feruorem spiritus plus iusto  
accensi : non autem si febrem sic tollere velint. Victus etiam  
humidus febricitantibus conuenit , vt quoniam siccescunt tem-  
perentur : & quia facile conuertitur in substantiam nutriti abs-  
que spiritus labore & impedimento. Frigidum tamen non ad-  
mitto, quidquid dicant Medici, nisi vt reliquias caloris post fe-  
brem emendet. Quapropter non rectè sentiunt, qui frigidum  
& humidum contra febrem dant : sic enim vtilior esset nix : sed  
qui contra damna, ex febre per accidens illata, bene se habent.

9 Præterea ne in putridam degeneret febris spiritalis, est cu-  
randum, purgando sanguinem, reficiendoque meliorem, vtun-  
tur Medici venæ sectione , clysteribus & pharmaco sanguinis  
mundi



mundificatio. Cibi etiam id ipsum respiciant. Dentur autem substantia minus calidi aduersus inflammationem ex obstructione ortam; non autem si ex spiritus accensione accendatur ad purificationem sanguinis.

10 Si autem sanguis putruerit curabitur, vt putrida febris causa. Cognoscitur autem hoc, vbi post spiritalem febrem succedit rigor & horror, & ea symptomata, quæ in ephemera non sunt; comitantur autem humoris vitia, sicut dictum est prius. Non enim rigent, horrentque, nisi mordax humor vasa, & soliditatem per quam transit, rodat, pungat, mordicetque; vel pluri-  
mi fumi fuliginosi, sicut lignorum viridium fumus oculos sti-  
mular, spiritum infestent.

*De continua febre in soliditatem inuecta; & de hectica, & ta-  
bida, earumque differentiis, & diuisionibus, & causis,  
& rationibus, secundum Medicorum dogma,  
& nostrum.*

## CAPVT IV.

## ARTIC. I.

1 **A**vgmentum caloris & siccitatis in soliditate animalis, febris hectica non est, quemadmodum quibusdam vide-  
tur: multi enim ad Solem incalescunt & exsiccantur, nec fe-  
briunt. *Exsiccatio  
& calefactio  
sola non sunt  
hectica.*

2 At si calor & siccitas extra symmetriam naturalem abeunt, persistuntque hac in dissimilitudine, visceribus & spiritibus non congrua, fortasse est hectica febris: quoniam videtur Medicis esse calor præter naturam in solida parte habituatus, præsertim in corde, quod cætera imitantur; vnde hecticas non per se oriri scribunt, sed reliquias esse inflammationis, aut diariæ febris, aut ex ingentibus passionibus ortum ducere in iis modo, qui calido sunt siccoque temperamento, cholericique: & in ætate, & iuuentute; vigiliis, & inediis, & curis magnis, & sicciori victu degentes, in regione calida. Hos enim ex ira, aut tristitia, aut vigilia, cæterisque causis diariarum facile contingit hecticos fieri. Eadem enim fere causæ modicæ faciunt diariam; immodicæ, hecticam: aut potius in corpore humido diariam, in sicco hecticam; quæ tamen diariam consequatur est opus: prius enim spiritus accenduntur, quam soliditas. *Hecticam  
videri reli-  
quias præce-  
dentium in-  
flammatio-  
num.*



*Galenī signa  
hectica.*

3 Hinc Gal. in lib. 1. de diff. febr. c. 9. agnitionem hecticæ docens, ait: Quod si quis correptus fuerit febre, quam perspicuæ externæ causæ præcessere; si enim in sequenti die eodem tenore febricitat, absque augmento & decremento caloris & pulsus, aucta tamen siccitate in corpore: tunc suspicandum est ipsum hectica teneri. Si autem tertio die dubitans de tertiana accessione usque ad tempus accessionis ieiunus permanserit, nec noua accessio aderit, nec diminutio insignis, sed tantummodo reliquæ primæ febris permaneant cum caliditate, & ariditate corporis, quæ primo tactu mitis sentiatur, processu vero acris, mordax & sicca; huiusmodi febrem hecticam esse existimandum. Et cum post assumptum cibum deinde incalescere corpus, & pulsus fieri magnos & veloces inuenies, tunc proculdubio hectica pronunciabitur. Non enim noua est accessio, sed caloris, & spiritus auctio ab assumpto cibo; quod omnibus etiam sanis accidit, hecticis tamen notabilius, quoniam tenui, paruo, debili, & duro sunt pulsus: & occultato calore in sicco: qui tamen sicut calx aqua conspersa, statim accenditur manifestius, distributo autem cibo ad proprium febris recurrit tenorem, neque febrile ægri sese sentiunt.

*Conclusio.  
De tabida &  
eius signa.*

4 Ergo principium hecticæ est, cum desinere habet diaria. Confirmatio hecticæ est in tertio die, cum tenor seruetur anterior, siccitasque augetur. Ex febre autem hectica suboritur tabida; qua corpus solidum colliquatur: cuius signum est pulsus debilis & durus: qui in hectica paruus tantummodo erat, & frequens. Item vrina oleaginosa & excrementa fœtentia morticinum: oculi concaui, collapsa tempora, flos coloris extinctus.

*Nostri sententia de hectica.*

5 Nobis autem visum est à principio febrem hecticam non esse ullam, nisi ubi soliditas sorditie, aliæve intemperiem causante re, vexatur. Tunc enim accenditur spiritus contra causam vexantem & fœdantem temperamentum solidum, ac proinde in solido accendit calorem nouum: & quia non potest agitatione simul pugnare, quoniam non est intra vasa, neque in medio homogenearum partium vexatio, sed intra solidas partes, ad quas non pertingit motio spiritus: propterea febris hectica non soluitur, nec intermittit, sed calor ille durat, temperiemque demolitur, dum pro ipsa pugnat intra ipsam. Manifestum est autem hoc in topica febre hectica cuiuscumque membri, quæ eadem per-

*Intemperies  
hectica non  
est febris ut  
putant, sed  
pugna debi-*

durat



durat vsque ad suppurationem, aut doloris sedationem, vel luxationis reformationem. Solus ergo calor additus non facit febrem in solido, sed intemperiem modò. In hoc ergo Medicis consentire non possum, quod opinantur intemperiem illam esse febrem, quæ in solo caloris & siccitatis excessu est; & non in spiritu sponte efferuescente contra noxias res.

6 Puto ergo dari intemperiem in excessu humidi, quam vocant cachecticam: & in excessu frigidi, quæ est propè interitus, aut frigidus marasmus Medicorum: & in caliditate, quæ est inflammatio, absque alia causa præter excessum caloris: & in siccitatis excessu, quæ senium est. Cum autem siccitas calida excedit, hæcticus est habitus; non autem febris, nisi spiritus in ipsam inuehatur; quod tamen non facit, nisi ubi siccitas meatus obstruit transpirationibus, & vasa reddit inepta inobedientiæque functionibus spiritus: quas incommoditates vt amoliat spiritus accenditur, & tunc modò est non intemperies sola, sed febris hæctica; quoniam accensionem sui in soliditatem spiritus, primò intorquet, non in se retinet, nec in humores intendit. Differt ergo hæcticus habitus ab hæctica febre, quemadmodum dictum est.

7 Manifestum est etiam, quoniam non modo febres diariæ & inflammationes simplices & putridæ causant hæcticum post se habitum: vnde scimus non esse febrem; sed etiam vlcera pulmonis, & ventriculi, & iecoris, & aliarum partium principum, & ingentes euacuationes idem præstant: sed alio modo. Euacuationes enim immodicæ hæcticum faciunt habitum calore in solidas partes grassante, postquam humores exierunt. Vlcers verò viscerum impediunt functiones spiritus, ac proinde nutritionis munia. Ergo nec perficitur alimentum, nec excrementa sequantur, nec transpirationes absoluuntur. Ergo remanent spiritui incommoditates: & sic accingitur pugna, quam in soliditatem impurificatam exercet. Pulmonis autem vitium idem præcunctis magis præstat, non quia accendit cor vicinum, vt Medici opinantur: sed quia non ventilat, nec auget calorem cordis, neque irrigat aëre corpus, ex quo spiritus simulque ex sanguine regeneratur: nec purificat arterialem sanguinem, nec educit vt prius ad nutritionem absoluendam, viuificando sui mixture venalem sanguinem. Ergo sordibus replentur pori & vasa, & deficit in corde caloris abundantia, qui spiritus creat, & arterias viuificat.

*lis spiritus  
contra illam  
intemperiem.*

*Causa hæctici habitus præter febrem multa & quæ ratione.*

*Vnde tabes communis.*



ficat, & per eas venalem sanguinem; & transpirationes celebrat; propterea sequitur pulsus debilis, & parvus. Durities autem accidit defectu caloris, & siccitatis augmento. Mox calor occlusus, sordibus augetur, & in compositionem grassatur, cum quod prius facere solebat usque ad transpirationem, non potest; proptereaque colliquat partes solidas, non secus atque calor marcescentis corticis arantij in umbra, in corticem grassatur, ipsum laxando, liquefaciendoque; & qui in cadauere relinquitur intra fossam, similiter facit.

Duplex marcor.

8 Diximus etiam in superioribus libris errare eos, qui putant marcorem vnius generis esse, idest, per exsiccationem, quod facit calor magnus in senibus, & in rebus ad Solem exsiccatis: Cum sit alius marcor, qui fit per colliquationem à calore blando aucto, in proprium agente subiectum, cum non possit exhalare; laxantéque propriam molem: quod experimur in carne, dum fracescit in umbra; sicuti priorem in carne, dum assatur in igne. Sal autem impedit marcorem caloris blandi, educendo foras sui acumine aculeos caloris laxantis suum subiectum; & vi constrixtiva partes carnis solidas indurando, ne laxentur, liquecantque. Vide Phys. & lib. 3. 6.

De tabe tistica.

9 Cum autem in aliis membris fiunt vlcera & damna, tabes non exoritur, quoniam nutritio non peruertitur omnium partium, sed illorum modo; unde videmus marcescere crus, & manum absque hectica, vel tabe communi. Interdum verò qui fistula in partibus quibusdam infestantur, solent in tabem virtua-lem ex topica transire, cæteris partibus vicinis paulatim per sympathiam ad consortium mali conuersis: & per illas aliis, usquequo principes partes affectæ sunt in causa, vt totum corpus fœderetur sordibus, & emaciatur. Non ergo necessarium est, vt cor prius tabescat, sicuti putat Galenus; sed vndecumque tabes incipit, si deueniat ad membrum nutritioni necessarium, id efficiet. Sed si cor tabescat, eò deterius: ipsum enim officina est spirituum, & arterialis sanguinis, quo nutritio absoluitur. Miror etiam quomodo tabem à pulmonis affectu Galenus concedat, non autem hecticam. Propterea quod humidus est, sicut ait in lib. de marasmo: cum manifestum sit spiratione ommissa calorem non ventilari, & hecticam fieri in soliditate: tabes etiam hecticam sequatur.

10 Præterea ipsemet Galenus in eodem lib. de maras. admonet tabem



tabem nō esse febrem tabificam, sed senium ex morbo, propterea quod cor non incalescit, sed refrigescit in tabidis: quod etiam pulsus rarus & parvus, & spiratio rara simul & parua, & qui expiratur aer non calidus, sed potius frigidus confirmant. Sed hæc ratio probat etiam nullam esse hecticam febrem: etenim in cunctis tales sunt pulsus, qui languori conueniunt, non qui pugnanti spiritui. Similiter etiam spirationes, & expiratus aer. Vnde confirmatur sententia nostra, quod non datur hectica febris, sed hecticus habitus, in quem inuectus spiritus facit febrem non motione, sed sola accensione, nisi in arteriis, vbi vtrumque præstat; ægre tamen, quoniam imminutus est valde: haud tamen cessat, dum viuit sentitque malum, non repugnare malo, quibus potest etiam tantillis viribus, & cum augetur auctis, vti post cibum: & propterea aliquo modo febris admiscetur, sed reuera non dicenda febris ea ratione, qua Medicis videtur.

11 Triplicem hecticam statuit Galenus. Primam cum efferuescit humor inter partium similarium spatia inexistens, tendens ad siccitatem. Secundam cum caliditas & siccitas in corde inuenerit, humidumque magna ex parte consumptum est à calore accenso, sicuti flamma in ellychnio lucernæ. Tertiam cum consumptum est humidum soliditatis, & quasi ellychnium exustum: & hanc vocat tabidam & marasmodem; nec posse sanari putat, sicuti nec senium. Nam quamuis exusto ellychnio superinfundas oleum; quia enim perdidit soliditatem, & prope cinis factum est, non potest in eo durabilis flamma vitalis persistere. Marasmodem duplicem esse putat, alterum siccum frigidumque; proprium senum, & eorum qui morbum similem senio patiuntur; alterum siccum calidumque tabescentium hecticorum proprium, qui inflammationes consequitur, & syncope aliquando, & quando absumitur humidum, quo partes nutriuntur & molliores carnes exsiccantur, curatur: quando etiam solidarum fit exsiccatio, quæ primæ & similes sunt, nequam curatur, vti ait in lib. de marasmo.

12 Nos etiam in physol. p. 2. diximus, primam hecticam esse, cum humidum nutrimentale consumitur, sicuti in lucerna totum oleum. Secundam, cum humidum imbibitum partibus nutriendis, sicuti in lucerna quod imbibitum est oleum ellychnio, consumitur. Tertiam cum etiam humidum, proprium partium & gluten continuitatis earum perit, & fit post exsiccationem

Gal. tabes  
nō est febris.  
ergo nec he-  
cticus habi-  
tus.

In primo de  
diff. feb. 9.  
Galeni sen-  
tentia de tri-  
plici hectica  
& duplici  
marasmo.

Nostra sen-  
tentia in  
moralibus  
cap. de ex-  
ercitio.



tionem exustio: & sanè incurabilem pronunciauimus, sicuti cum ellychnij substantia vritur ad incinerationem, postquam quod traxerat oleum, exsiccatum est.

*Correctio* 13 Verum enim verò non omnia hæc rectè se habent ad philosophiam. Non enim colliquatio, quam in tabidis experimur, fit ab exsiccante vrenteque calore: qui humiditatem consumit, & in aërem per transpirationem educit attenuatam, vnde reliquæ partes arescunt humidis priuatæ, quod in senio accidit, prout *in lib. 2. & in phys.* declarauimus: sed colliquatio fit à calore subiectæ carnis & soliditatis concluso, ac per se aucto, dum exhalare nequit. Si enim fieret ex tabidis exhalatio, non esset ipsorum cutis densa, constipata, arida. Manifestum est hoc in cadaueribus & carnibus in vmbra positis, quæ tabescunt colliquatione facta à calore natiuo in proprium subiectum sese augente: non tamen ita, vt possit vapores educere tenues, sed solum laxare ac liquare. Neque enim tabidorum excrementa olerent morticinum, si arefaciens calor in hecticis esset tabidis, & non colliquans. Colliquare autem non potest calor validus robustusque: is enim assat dissimilaria, & attenuat, forasque ad peripheriam educit: blandus vero colliquat, & trahit ad centrum: vnde tabidi patiuntur prope mortem defluuium capillorum, & alui foetidos fluxus. Propterea quod non educit foras ad pilorum nutritionem amplius calor humorem fuliginosum, sed colliquat, trahitque introrsum, vnde sequitur alui fluxio foetida.

*Quis calor blandus, & quando fouet corpus, & quis, & quando colliquat, & arefacit.* Medici autem in hoc falluntur, quod putant calorem blandum fouere animatum corpus, non liquare; quod verum est de calore viuido potente excrementa educere, & transpirare; non autem de cadaueroso munia eiusmodi facere non potente, propterea quod vel cutis est valde constipata, vel pulmo non insufflat quantum opus est ad eius generationem & viuificationem; vel cor & iecur non conficiunt nutritioni aptum sanguinem. Proptereaque ergo calor à suis muniis impeditus agit in subiectum proprium, ipsum paulatim non exsiccando, vt fit in senio; sed liquando, vti fit in cadauere. Igitur sicuti calor ellychnij, non quia deficit oleum, sed quia via perducendi & trahendi oleum ad flammulas est impedita, colliquaret ellychnium, non autem incinerem verteret, si tamen esset inclusus vnde elabi non posset; sic operatur calor intemperatus, & natiuus in hectica marasmode.



14 Galenus quidem negat similitudinem caloris lucernæ & *An Galenus recte exem-  
plum lucer-  
na neget.* natiui contra antiquos Medicos & Philosophos, docens in hoc esse dissimilitudinem, quoniam calor lucernæ propriam materiam pascitur, non auget, nec fouet: calor autem animalis auget, fouet, nutrit, seruâtque; proptereaque senium non à natiuo calore fieri putat, sed ab extraneo; & sequi ad naturales operationes. Natura enim sapiens à principio vitur humido aquæ, & calido, siccoque ignis, ut possit quomodo libet formare organa vitæ ad quamlibet partem flectendo. Deinde verò quia oportet quædam organa tandem esse sicca, ut edant suam functionem, vitur siccitate terræ: & ideo continuo siccescere organa, & hoc tandem esse marasimum senij: nec posse vitari, quia non potest natura non uti sicco, etiam plusquam oportet. Sic etiam cum fit torridus marasmus à calore febrili. Putat ergo nil esse marasimum, nisi siccitatem.

15 Sed fallitur in multis, nisi ego fallor; Primo quoniam marasmus non fit sola exsiccatione, quæ remanet post euaporationem humidi, ut in senio, & in carne assata: sed etiam colliquatione, ut in phthisicis & in cadauere, licet ad colliquationem tandem ubi mors fit, post mortem sequatur exsiccatio aucto calore amplius. Secundo quoniam putat calorem natiuum, quæ calor est, subiectum nutrire, cum tamen hoc faciat quæ moderatus est inclususque in mole, quæ contemperatur & fit vnum. Sicut enim calor lucernæ inflammatæ ellychnio nutrit suum subiectum, id est flammulam, quæ cum sursum attollitur, funiculum vero lucernæ vrit & oleum consumit: sic etiam calor natiuus carnis, & iecoris, & aliorum viscerum, nutrit carnem, iecur & quilibet suum viscus; consumit vero nutrimentum, quod comparatur oleo. Et hoc Galenus non considerauit. Præterea calor lucernæ est in aperto & patens, ideoque exhalat cum suis tenuitatibus: & idem facit calor animalis spirituum, ne dum solidarum partium; continuo enim pro sua rata exhalat & remanet. Vterque etiam dum educit tenuitates sursum aliquo pacto, etiam solidum subiectum indurat. Sed in lucerna cito, quoniam commoditas exhalandi adest, & robur comburendi; in carne vero animata paulatim, quoniam minor est exhalandi commoditas, & robur vrendi minus. At si nutritionem flammæ non posset perficere calor lucernæ, quoniam via trahendi oleum deest, aut qui oleum infundat non adest, funiculum quidem vrit,  
M M M m



quoniam illi possibilis est vltio in aperto, & propter suum robur: in animali vero non vrit, sed colliquat solidum, quod nutrire nequit, quoniam inclusus est, & minus roboris habet. Sic etiam ostendimus in *Physic.* calorem in visceribus terræ non vrere, nec exsiccare, sed liquefacere exsiccata, etiam miscendo quam creat tenuitatem attenuandis adhuc partibus, & per eam omnes simul ad liquefactionem disponendo, & deducendo: & hanc dissimilitudinem Galenus debebat attendere, & non priorem, quam & minus rectè examinavit. Calor enim natiuus, licet acquisito in formatione corporis appetitu conseruet subiectum, innato tamen incessatè ad cognata euolare cœlestia cupit corpora; sicuti in *Metaphys.* ostendimus: & in *Phys. quest.* contra Latinum Medicorum. Hoc autem fuit ignotum ante doctrinam de Primalitatibus; propterea Galenus minus culpabilis videtur. Marasmus ergo senij à calore aucto exsiccantèque fit, tabidorum verò à reliquiis caloris aucti in proprio subiecto, laxantis temperiem ac liquantis, vti sæpius dictum est.

*Lat. Tancrum in lib. de fame & siti.*

*Correctio pro 16*

*Vera ratio tabu & hectica.*

*Hectica prohibita transpiratione, tabes prohibita nutritione.*

Quapropter haud propterea tabes fit, quòd exsiccatur primo alimentum, deinde ros, deinde innata partium humiditas, sicuti prius dicebamus, ex parte Medicis adhærentes: & sic triplicem febrem hecticam facientes; quamuis tabem nunquam similiter illis celebrauimus, sed per putrefactionem liquantem, non per exsiccantem: verum tabes fit, quia nutritionis ratio celebrari nō potest, & exinde fit cibus ex carne colliquata, & non ex cibo caro. Hectica autem fit ob calorem inclusum in solido, ita vt non possit transpirare, nec ventilari: & cum ex hoc sequitur nutritionis impeditio aliqua ex causa; sequitur tabes. Vnde omnia corpora sic emaciata tabescunt: non autem quia exsiccantur, aut calefiunt, aut non comedunt. Heremitæ enim parcissimi in exsiccationem & extenuationem multam deueniunt, non autem in hecticam & tabem. Similiter pauperes exercitati laboribus, & inedia, & remigio; in hecticam & phthisim non incidunt. Ergo non exsiccatio, neque calor facit tabidos: nec etiam hecticam (nunc addo) nisi prohibita transpiratione: sicut tabem prohibita nutritione. Manifestum est enim, quod quocumque viscere nutritioni destinato patiente sequitur hectica & tabes, non autem ex inflammatione, & inedia, & exercitio, nisi præfatas passiones simul adducant. Syncope verò hecticam adducit, quoniam fit spiritu ad interiora fugiente minutòque, vnde impeditur



tur ad exteriora e fluxus transpirationum, & distributio nutritionis.

17 Senium autem calore exhalante fit multo paulatim, relicto modico, qui nutritionem celebrare non potest, quamvis humidos illi suggeras cibos, propter eius paruitatem & soliditatis duritiæ, præsertim iecoris & viscerum: Ergo non est senium tabes colliquans, sed exsiccatio potius, quàm tabes, & copię caloris imminutio potius quàm roboris, nisi in fine, in quo & robur labascit. Et propterea Galeno visus est marasmus frigidus. Quem autem vocauit torridum, non satis rectè vocauit; torrefactio non facit marasimum, sed relictus ex torrefactione calor in sicco, quod laxat auctus, liquatque non vrit, vti putat Galenus. Quæ autem de terra qua vtitur natura in adultis, non autem in infantibus, dixit, indigent examine stricto. Neque enim inerat terra prius, & natura non vtebatur ipsa, nec si postea aduenit natiua est, prius autem insuissè non videtur tanta, quanta in sene. Si aucta est à cibo, non est natiua. Et cur natura, quæ Galeno non est aliud, nisi calor innatus, vt ibidem & alibi docet; si prudens fuit ab initio, vt non vteretur terra, sed aqua & igne, postea cum terram in vsum accersit, vtitur plus quam decet? & vnde hæc sapientia in stupidis elementis & elementalibus? Si ab anima mundi, vt Gal. in lib. 17. de usu part. & de format. fatus, admonet, tamen mirum quoniam eadem anima abutitur sicco terreo ad senium & interitum. Sed quia conditorem rerum, & executores Angelos non agnouit, & rationes primalitatum, loquitur frustra in multis, sed non æquè frustra atque in Peripato fit.

Confusatio  
Galen. de senio.

*De curatione hectici habitus, & hectice febris, & tabide.*

#### ARTIC. II.

1 **Q**ui in simplicem habitum hecticum inciderint post arden-  
tes febres atque inflammationes, & ephemeræ, veluti so-  
let, quoniam humiditas in his absumpta ex parte est, etiam in so-  
litate roscida, & cutis exsiccatione pori contracti obstructique  
sunt, & calor in solido accensus est; tribus indigent remediis  
contra tres iam dictas malas affectiones.

Quis aer cu-  
ra habitus  
hectici con-  
ueniat.

2 Aer in quo curantur, sit frigidus & humidus, temperatè quidem, ne frigus obstruat adhuc poros; sed solum ne ambientis calor iuuet eum, qui in solido est accensus. Fugiat æger siccum



& frigidum, magis autem siccum, id est tenuissimum & calidum aërem ciuitatis, & occlusum suffocatumque, & vaporibus insuauibus conspersum, & foetidis & crassis, omninò fugiat. Viuere ruri intra herbas humidas benè olentes, & virides plantas, & in pratis sub dio potiùs quàm sub tecto, suauis exercitio, saluberrimum esse agnoui. Ita vt quidam Fratres hecatici è monasterio rus semoti, facile sanati sint: nil enim magis iuuat, quam spiratus aër, & per arterias & poros tractus, si salubris est: quemadmodum insalubris nocentissimus.

*Quis victus.* 3 Victus etiam sit frigidus & humidus, non quidem artificiata frigiditate ex niue. Solet enim natium extinguere calorem, & poros obstruere, & viscositates ingenerare. Profunt ergo cucurbitæ, melones, cerasa, non nimis acida, lactuca, malua, intuba, alica, prisanæ cremor. Oportet enim victum esse tenuis substantiæ, qui citò transmutetur, & in soliditates ingeratur; & temperet calorem simul & siccitatem, & elabentes partes instauret. Propterea carnes erunt porcellorum iuuenum, caponum, ficedularum, vitulorum, pullorum, & anserculorum, ad alicuius fluuij ripas nutritorum. Præterea caseus recens absque sale, recotium, lac, præsertim muliebre; quoniam natium humidum facile instauret, quod febris consumpserat, cum sit semini humano, & primo principio persimile, ac primum nutrimentum. Post lac muliebre valet asininum, quoniam minus viscosum est, ac facilè distribuitur, & humiditate plenum; lac etiam capræ aliquibus non negatur; Verum nutrienda est mulier, & asina, & capra herbis iisdem, hoc est lactuca, intubo, & aliis frigidis & recentibus. Mulier autem carne hœdina, anserina, vitulina, aliisque iam dictis. Abstinentum est à carnibus senescentium animalium, & crassis, quales boum, leporum, aquilarum, passerum, aprorum, aliisque siccis & calidis. Vnde & columbas ob calorem vitare oportet. Carnes lactentium pullorum probæ sunt, præsertim hœdorum & vitulorum. Item oua recentia sorbilia calore gallinarum & non igneo, calida.

*Pharmaca.* 4 Medicamenta purgantia non dabis ægroto, ne exsiccet & calefaciant. Aluum tamen clysteribus lenitiuis fluidam facies, quando oportet; ex butyro, lacte, malua, violis, cassia, manna, & huiusmodi.

*Syrupi.* 5 Dantur etiam syrupi ex nymphæa, violis, intubis, aliisque; humectantes & minuents calorem. Dantur & iuscula ex capone



ne consumpto secundum artem, cui sarza parilla sit admista ad impinguandum. Qui enim pinguescunt, ab hectica salui sunt.

6 Potus autem erit non vinum, sed lac modico vino admistum, Potus. ut tueatur stomachum, & colliquationes prohibeat: vinum autem sit album, minusque robustum, sed odoratum, spirituosumque, vel contentus esto frigida aqua. Dant quidem Medici frigidam, propterea quod Galenus aliquando docet hecticam succedere cæteris febribus, quando non est data frigida sicuti debebat, ut dicitur in 10. meth. Verum in lib. de marasmo, nocere frigidam dixit hectico, quoniam vires concidunt; & membrum, unde febris incept, potest refrigerari, quod noxiale est. Nos autem frigidam pro medicamento adhibebimus, ubi nullum est affectum membrum, & putrida febris non admiscetur, nec vires sunt languidæ. In cæteris abstinemus. Lac enim ritè propinatum ex vberibus, vel simul ac ex vberibus exit, optimum est ad refrigerandum. Ego etiam cum semel in hecticam dispositionem transirem, edendo ficus recètes plurimas ex ficulnea, quam ipsemet scandebar, & frigidam simul singulis diebus mane potando, liberatus sum. Addebam & à prædio ducentas ferè amygdalas, ex eodem viridario meis collectas manibus, recentissimas; Historia 1. & aquam, & optimè mihi cessit. Non laudo tamen ficus siccas, neque absque aqua, ob caloris earum tenuitatem, sed ob humiditatem pinguem. Amygdalæ etiam veteres, & pineæ, & pistacia nocent, ob oleaginosam facilèque accendibilem substantiam: sed recentes ex arbore excerptæ, adhuc quasi aquosæ, utilissimæ sunt.

7 Alias cum in intemperiem diram incidissem soliditatis totius, quæ mihi videbatur, quasi lignum accensum in me ardere, & vrina liquationibus plena erat; & mihi videbar accensus omnino, & propterea etiam fame quadam dira premebar: dempto lanco stramine, quo quasi vri magis mihi videbar, utebar stramine palearum, & lac in cibo assumebam, & in potu cum vino, & piscibus reficiebar, & humidis carnibus; & iecur lacte acido perfundebam quotidie bis, & stillante desuper aqua; sumebam etiam lac diluculo subacidum. Et sic post mensem sedari famem, & macies, & calor cœpit, & sanitatem validam acquisui, sæpe etiam frigida totum lauabam corpus, caloris nimij impatiens, & spe salutis.



*De balnei  
hæsticorum  
& similium  
hæsticis.*

*Suauiter.*

*Qua vitan-  
da hæstico.*

*Cura tabis  
ex Galeno.*

*Reprobatio.*

*Repetitur ex  
Galeno.*

8 Propterea etiam hæsticis, quod Galenus consuluit de balneis, experientia & ratione ductus, plurimum laudo. Balnea autem sint ex aqua dulci tepida, ut aperiat poros calori hæstico, & ad se alliciat, sicuti aqua caldarij calorem ex fundo caldarij: & in calcem iniecta, calorem calcis ad se accersit, libentius in humido, quam in sicco habitantem, sicut in *Phys.* dictum est. Possunt etiam in balneis poni salicum sarmenta, rosæ, nymphæa, violæ, malua, & omnia frigida, humidaque bene olentia. Balneum ex lacte & butyro plurimum prodest, ut penetret introrsum, & calorem temperet & siccitatem, & foras itidem alliciat. Valent quidem balnea semper in omni sicca intemperie: sed tribus aut duabus horis ante cibum manè & vesperi. Laudat Galenus post balneationem, si æger frigida lauetur, alioquin, ait, nil prodest balneum. Causam non reddunt Medici. Sed hoc iuuat, ut per apertos poros frigus intret ad interemptionem caloris, & humor. Item ut constipetur ex parte pellis detracto calore, ne iniuriis pateat, & conceptum teneat frigus. Post hæc æger detergendus lineis non calefactis linteis: & oleis frigidis inungendus ex violis, cucurbitis, butyro, nymphæa, papauere, medullis animalium. Deinde in lecto reponatur: sed iecur, & cor, & omne mēbrum, unde hæctica ortum duxisse potest, inflammatum aut afflictum, epithematis ex lactuca, nymphæa, violis, lacte, intubis, sātalis, &c. fouebis. Odorabitur & quæ odore refrigerant, ut flores violarum, nymphææ, rosarum & huiusmodi.

9 Cauendum est à pipere, sale, & cunctis calefactiuis & exsiccantiuis. Item ab anxietatibus, & curis, & passionibus, spiritum tristantibus & cogentibus, non autem ab exhilarantibus, & dilatantibus, de quibus in *Phys.* & in *lib. 1. Medic.*

10 Cum verò in hæcticam tabidam quis deuenerit, utuntur Medici cibus boni succi, & frequentibus, si forè sit spes. Dant etiam lac asininum, & balnea, quamuis nullam sperantes salutem, nisi in carnem solam, & non etiam in neruosum genus transierit, uti Galenus, in 10. *Methodi* docet.

11 Nos autem arbitramur hanc rationem medendi vanam. Non enim indiget refrigeratione tabidus, & humectatione, cum iam colliquari incipiat; sed potius consolidatione & constipatione. Qui enim carnitabescenti lac apponat, & humiditas res frigidasque, is eas citius tabescere faciet. Si verò acetum, & sal, & vinum apposuerit, carnis putrefactionem impediet. Galenus qui-

dem



dem balneo calido, deinde oleo super sindone inungit: deinde cum eadem sindone in frigidam ægrum demergit semel. Deinde calida sindone abstergit & spongiis, multaque huiusmodi ceremoniose facit, & lacte pascit, & dictis cibis. At quidem frigidam cò iuuare arbitror, quo colliquantem calorem remoretur. Sic enim & nox frigida carnes ne putrescant, & aer, impediunt hyemales. Intus tamen lac non mihi placet, nisi acefcat. Acerum enim sistendi liquefactionem habet vim: non autem solum est propinandum, ne simul pungat, vlcerétque: at si lacte miscetur & cibis, non oberit: vbi tamen vlcus in pulmone, vel iecore, vel alio in loco marasmi huius non fuerit causa. Tunc enim solis stypticis contenti erimus. Inter quæ baccas myrti primum cenfeo tenere locum. Suo enim odore vires reparant, & sua stypticitate non calida, colliquationem carnis & neruorum impediunt. Sorba etiam matura, & mespila, & cotonea saccharo confecta, etiam dabimus: & rosarum rubrarum continuabimus sumptiones à prandio & cœna. Et vinum crassum lacte mistum dabimus in potu, & aquam cinam. Sal & piper, quanquam putredinem & liquefactionem impediunt, non exhibebimus, ne acrimonia stimulent, exulcerentque liquefcentes partes. Lac per se non est bonum tabidis, nisi ad glutinandum carnem, non ad humectandum; proptereaque crassum esse debet & acetosum, & myrti baccis, vel earum succo, mistum. Cichorium in cibo, & ruborum & lentiscoreum, & fraxini, cymæ, & passa vua, & quidquid stypticum est, citra acrimoniam, confert tabidis.

12 Obstructiones remouere conabimur; ne calor inclusus colliquet; sed exclusus consolider.

13 Verum cum aliquod membrum originem tabi dederit, siue cor, non ventilando, nec viuificando calorem, & sanguinem in spiritum non vertendo: siue pulmo sit cordi deficiens; siue ventriculus gignens chylum minimè fibrosus, idèoque ineptum agglutinationi eius in partibus nutriendis, & cocturæ secundæ à iecore faciendæ: siue iecur sanguinem non absoluens: siue intestina & mesenterium pariter nutritioni officiendo: siue renes non expurgando sanguinem, & sordide relictæ, accensæque nutritis partibus affectis, intemperiem faciendo: siue vterus iisdem sordibus nocendo: siue septum transversum spirationibus non rectè commodando, nam & ex septi affectu Galenus hæcticā vidit; tunc necesse est Medico ad membri affecti curam animum intendere

*Correctio.*

*Quot membra quomodo & qua possunt tabis occasio esse.*



intendere. Si enim sanabitur illud, antequam tota moles corporis, præfertim nervosa, tabescat, promptè etiam impiedietur progressus mortiferæ tabis. Sin minus, contra. Propterea enim pulmonis vitium lethiferum est, quod sanari ipsum non potest: & dum languet, tabes necessario ubique grassatur: nec valent contra ipsam styptica, neque refrigeratio, neque lac, nisi ad remouendam mortem, non autem ad euitandam. Cura autem præfactorum membrorum *in lib. 6.* suis quoque in locis tractata nobis est.

14 Si autem & putrida febris hæctica complicata fuerit, sanabitur educendo causam putridam pharmaco secundum artem propinato in syrupo hæctica conferenti: vt intubi, aut buglossi, aut &c. Habitum hæcticum conserua continuata ex rosis rubeis Medicus haud imperitus sola sanauit.

*De febribus humoralibus, earumque differentiis generatim.*

CAPVT V. ARTIC. I.

1 **F**ebres in humoribus à spiritu accensæ, aliæ continuæ sunt, aliæ intermittentes, aliæ mediæ, quas remittentes vocabimus.

2 Et hæ omnes, vel in sanguine, vel in bile flaua, vel atra, vel pituita accenduntur, vel in aliis humorum speciebus.

3 Continuum in sanguine toto, Medici vocant synochum putrem: in bile flaua, caustum: in cruditatibus moderni febrem crudam inuenere: lipyriam addunt ab interioris membri inflammatione. Intra vasa etiam ab omni humore febrem faciunt continuam, sed nominibus carentem.

4 Intermittentes sunt quotidiana, tertiana, & quartana exquisitæ, quarum ad infebricitationem desinunt accensiones.

5 Mediæ sunt quotidiana, tertiana, & quartana continuæ, quæ remissionem accessionum habent, sed non vsque ad infebricitationem. Respondent autem intermittentibus exquisitis circa materiam peccantem, vti viderur Medicis.

6 Vnde palam est ex omni humore, omnem oriri posse febrem, pro materiæ, & loci quantitate, & qualitate. Nam & symptomaticæ vocatæ Medicis, continuæ sunt quasi omnes in passionibus nobiliorum membrorum à quocumque humore. Intermittunt autem, si expelli ex parte possunt, nec principibus reliquiæ obstant



stant membris: sicuti dictum est prius.

*Continuarum humoralium febrium signa singillatim, & causarum ratio, & primo de syncho.*

## ARTIC. II.

**S**igna synochi humoralis, præter quam quod pulsus est in hac maximus, vehemens, celer, creber, & inæqualis, sicuti in syncho spiritali; inest etiam & calor mordacior, & inordinatio pulsus, & vrina rubra & crassa. Propterea Medici plerimi huius febris causam ponunt in sanguinis vbertate & plethora, & in obstructione perspirationis insigni: Ideoque nec in gracilibus, sed in carnosissimis; neque in frigidis temperaturis & ætatibus, & temporibus, sed in calidis & densæ texturæ corporibus, non autem raræ, in qua transpirant sordes: in densa autem retentæ cum sanguine putrescunt. Putant etiam in magnis vasis hanc febrem accendi, ut continuetur simpliciter, vel cum remissione modica, vel cum augmento.

*Ex Medicorum decretis.*

Arabes in solo sanguine febrem hanc accedunt; Græci & Latini in pituitoso sanguine, vel atrabilioso, vel flauo-bilioso, ex mixtura putrescente. Et observant in ea æqualitatem accensionis, & diminutionem, & augmentum continuè, pro humorum viribus.

*De causis signis, & ratione.*

**S**igna causi sunt arida lingua, crassa, aspera, nigra, ventriculi serosio, sitis intolerabilis, alui deiectiones liquidæ & pallidæ; vigiliæ, & plerumque delirium; hypochondriorum æstus, iactatio corporis, spirandi difficultas pænè suffocans.

*Ex Medicis.*

Causam causi putant esse bilem flauam in venis putrescentem, sicuti in tertiana: hoc tamen differentem, quod causus in vasis, tertiana per totum corpus bilem eiusmodi habet. De mente Hippocratis fieri causum dicunt, cum venulæ tempore æstivo exsiccatae, acres, tenues, biliosas & serosas humiditates ad se proliciunt. Præterea cum in multis causum remissiorem viderent, eò quod in aliis lingua aspera & sicca, sed non nigra, neque adeò importuna sitis, nec vigiliæ tam molestæ, sicut in priori causo descripsimus, apparent: propterea leuiorem hunc causum fieri putant ex salsa pituitæ putrescentis incendio, ac propterea dupli-



cem esse causum. Auerroës autem hunc secundum fieri ex effervescente, minimèque putrescente sanguine arbitratur, vnde alij synochum à causo non distinguunt.

*De lipyria signis, & ratione.*

*Ex eisdem,  
& nostris.*

**S**ymptomata lipyriæ febris sunt partium internarum incendium, cardialgia, cardiogmos, spirandi difficultas, iactatio corporis maxima, appetentia prostrata, vigiliæ, sitis inextinguibilis, lassitudo ingens, præcipua autem frigus externarum partium, & internarum incendium: quam insidiosam & mortiferam ex Hip. pronunciant.

Causam huius febris ingentem alicuius interioris partis inflammationem esse volunt, proptereaque calorem nativum intro revocari, Avicennas pronunciauit. Alij verò vitiosos humores crassos & putridos assignant, qui calorem nativum opprimunt, præpediuntque ne in corpus dispergi queat. Quod etiam accidit plethoricis & humorum sarcina grauatis, quibus pulsus languidus, & inæqualis existit.

*De signis crudæ febris, & ratione.*

**S**igna crudæ febris continuæ sunt vrina, humorum crudorum scopiam, putredinem & confusionem repræsentans, nulla hypostasi aliqua in parte facta in matulæ parte vlla.

Causam nouerunt Galli atque Germani esse comestationes & ebrietates, variorumque ciborum ingurgitationem longam; quæ à calore nativo vinci aut mitigari nequeunt. Vnde vasa implent, meatus obstruunt, calorem nativum opprimunt, & repentinam mortem afferre solent. Et cum cruditas in primis venarum partibus putrescit, ventris tormina, inflatio, nausea, murmur hypochondriorum, & dolor validus accidunt: cum per corpus iam diffusa est, tumidum ipsum reddunt, color faciei succedit plumbeus. Sensus omnes hebetes & turbulenti. Somnus granis & molestus, lassitudo spontanea, tensiva, grauitas totius corporis, succedunt, cum pulsu paruo, languido & inæquali.



*Illatio, quod ex omnibus humoribus fiunt febres continuæ humores omnes, & de curatione earum singillatim, quarum symptomata nunc præmisimus.*

ARTIC. III.

**1** Vanquam Medici diuersis humoribus continuas febres diuersas aptare contendant; nihilominus ut ex dictis patet signis, omnes continuas ab omnibus humoribus fieri possibile, manifestum est, quando humores exuberant, & locus in quo exuberant princeps est, aut ex quo non potest morbifica causa facile expelli, propter angustias, aliasve spiritus incommoditates, vel imbecillitates: vidimus enim febrem crudam ex omnibus fieri, similiter & synochum, vel Medicorum testimonio, causum vero ex bile & ex pituita.

**2** Quod autem dicunt humorem, nisi putrescat, febrem excitare non posse, falsum est: nam & spiritus ipsi non putrescentes feбриunt; similiter & sanguis sola sorditie & copia incallescens: ipsæ quoque obstructions idem probant.

*Non posse febres fieri nisi ex humoris putrefactione, Medici putant.*

**3** Putredinem vero non extranea fieri caliditate, sed propriæ augmento, suo in loco dictum est: neque enim Solis & fornacis ardor febrem accendunt & putrefactionem, quod maximè facere deberent iuxta ipsorum dogma; sed calor in impuritate accensus, & in quocunque humore à propria symmetria exorbitante.

**4** Et quoniam signa cuiuscunque humoris à principio posuimus, id in primis curandum est Medico, ut humor belle coquatur, atque expellatur. Coquitur autem si spiritum roboraueris, & humorem non nutrieris. Expellitur vero si transpirationes probe fieri sategeris, in his quæ sola transpiratione sunt curabiles: aut humorem crassiorem in aliis medicamento purgante, vel venæ sectione, secundum artem sustuleris.

*Summa omnis curationis.*

*Curatio synochi.*

**5** Synochum Galenus venæ sectione & potu aquæ frigidæ tollit: non enim nisi in carnosis & calidis generari putant. Sectionem venæ non adhibent, nisi vires sint validæ, abundet sanguis & calor, tempus & ætas ferant. Putant autem quousque

*Phlebotomia quando confert.*



ferre possit, ad animi deliquium esse euacuandum sanguinem: statim enim refrigeratur animal. Et hoc quidem verum est, si morbus solummodo in venis, & in sanguine grassatur exuberante: tunc enim vna cum sanguine lædens causa educitur. At si alibi morbus est in aliquo viscere, vel membro, & sanguini communicatur, nisi sit inflammatio, qualis in angina, nocebit phlebotomia: spiritum enim à pugna reuocabit.

6 Frigidæ quoque potus, vbi calor inualuerit inflammato sanguine, prodest quidem, ne nimio calore mordicatus spiritus ad febrem irritatus moueatur. Verum vbi adest obstructio, humores crassi, phlegmone, erysipelas, scirrhus, & alia attenuationem & relaxationem desiderantia; frigida constipando obest multum. Solet etiam iuuare, vbi morbus est in ventriculo, & frigida potus multus ad vomitionem datur, vt simul causa mali per vomitum educatur, & per frigus calor auctus præter naturam, mitigetur.

*Quando potus frigidus.*

7 Verum aliquando Galenus satius esse existimauit febrem diuturniorem facere, quam periculum hæcticæ, negando frigidam, incurrere, quæ ex ea subsequi solet, & hoc dispositis in corporibus.

8 Tenui victu, leuibus frictionibus, sudatoriis, & balneis, his in causis securius vtemur: in cæteris vbi concoctio apparuerit, frigidam non negabimus, præsertim assueris.

### *Curatio causæ.*

*Ex Medic. cura.*

9 In causo vtuntur loco frigido, ad suauem exposito auram, molli lecto magnoque, vt membra calefacta transferri possint. Cibo etiam refrigerante, & humectante, vt lactuca, vel cucurbita, prifana, &c. Potus erit iuleb violaceum, aut aqua cynamomi. Stomachum refrigerationibus ex succo rosarum & capreolorum vitis tenerorum, & huiusmodi reformant.

10 Præterea sanguinis missione, donec extinguatur febris, & corporis habitus refrigeretur: ad quod subsequi solet sudor, & alui deiectio, si vsque ad defectum animi protrahatur phlebotomia.

Adduntur epithemata refrigerantia, non tamen in principiis, & incrementis accessionum: quod quidem faciendum erat si febris esset morbus, & non remedium.

11 Cum vero euacuati fuerint humores si ita oportuerit, & sola



sola febris ardens grassatur, nec inflammationes & tumores ad-  
sunt, præsertim vbi signa coctionis apparuerint; frigidum præ-  
bent potum, atque balneum.

12 Nos autem ista præbemus non quidem ad extinguendam *Correltio.*  
febrem, sed causam, & id quod ex febre relinquitur mali, hoc est  
calidum siccumque habitum exinde subsequi consuetum. Fe-  
bris enim qua febris, curari non vult, sed iuuari ad victoriam, si-  
cuti dictum est prius: ergo omnis infrigidatio mala, præterquam  
ad tollendum quod ex pugna subsequitur damnum: & ideo  
nunquam addendum, nisi post signa coctionis & accessionibus  
desinentibus. Similiter nec balnea, nec aer frigidus, & cætera  
iam dicta.

13 Sanguinis missio licet febrem extinguat, nisi & causam fe-  
bris tollat, perniciofa est. Nec fidendum quia cit aluum & su-  
dore: hoc enim fit timente spiritu & ad interiora fugiente, ac  
vasa ita stringente, vt sit in cunctis pauoribus sudor ex hoc, quod  
calore ad interiora delato, partes, quæ transpirabant, crassescunt  
in rorem, propterea modicus est iste sudor: vel quia duplicem mo-  
tum edit, primo foras & sudorem effert; secundo intro & in-  
testina mouet, & humores nonnullos secum in centrum redu-  
cit, sicuti dictum est in repercussionibus euacuantibus. At quia  
non semper accidit huiusmodi deiectio, non prodest phleboto-  
mia, nisi vbi in venis inest causa morbi, & calor ingens, vt edu-  
cantur, aut minuantur.

14 Cibus etiam propterea frigidus & tenuis exhibendus, quod  
dum in aliti substantiam, excalfactam & siccitam febris vi, con-  
uertitur, eius calorem & siccitatem emendet.

15 Sed nobis tenuitas commendatur magis, ne spiritus fati- *Nota.*  
getur in coquendo cibo, ac simul bellicum opus dimittat, tum  
ne humores prauos nutriat. Propterea enim cibus omnino con-  
trarius morbifico humori est dandus; pharmacum verò omni-  
no simile, vt trahat ipsum in ventrem educatque, quemadmo-  
dum in lib. 2. docebamus.

16 Consulemus etiam in hoc ægroti vires, & morbi tempora.  
Cum enim non intermittant huiusmodi febres, non est tempus  
remissionis paroxysmi expectandum: sed à principio tenuem  
dabimus cibum, in incremento tenuiorem, in vigore tenuissi-  
mum, ne pugnam impediamus.

17 Item in acutis tenuem, in peracutis tenuiorem, in perpera-



cutis tenuissimum. Solet & post crísim satietas multa suffocare spiritum; ideoque tenuibus facileque conuertibilibus, cibabimur. Et cum vires imbecilles sunt, odoribus, & sorbitionibus refocillabimus; non crassis frigidisve vllis rebus: sicuti faciendum foret, si febris extinctionem, non iuuamen procurare oporteret.

18 Semper autem principalia viscera epithematis confortabimus, & cataplasmatís, sibi conuenientibus; & morbi damno aduersis.

19 Euacuatio humoris postulabit pharmacum illi humori conueniens. Quantitas affectionum morbi, quantitatem pharmaci: locus quo vergit, modum purgationis; sicut suis in locis dictum est.

20 Symptomata mitigabis oppositis rebus, vt vigilias somniferis, vbi vigilandi ratio cessat; ante crísim enim necessariæ: dolores stupefacientibus, sitim syrupis frigidis, & crystalli retentione in ore, & conseruis ex lactuca & saccharo, & huiusmodi. Dolores renum habent in suis locis pharmaca, icterus suboriens, & dysenteria, ex abscessibus, vt in 6. lib. Somnum necessarium succo fœniculi in aceto euerres, aliisque ex arte. Memento autem vt cor, iecur, & ventriculum semper ab iniuriis vendices, sicuti in suis locis dicebamus, per conuenientia ipsis, & contraria morbosís damnis.

*Curatio febris cruda.*

*Cruditates crudæ inedia, attenuantibus, incidentibus, & purgantibus.*

21 **F**ebrem à cruditatibus, victu tenuis substantiæ, acuto, penetrante humores crassos, attenuatæque, prout possibile fuerit: qualis paratur ex iusculis caponis, in quibus hyssopus, origanum, pulegium, asparagus, buglossum, thymus, cicer incocta fuerint; potuque ex aqua serpilli, succogranati, aqua cui acetositas citri fuerit iniecta, aut omphacium: plurimum enim valet acumen acetosarum rerum modicè sumptarum ad viscositates & cruditates attenuandas, incidendasque.

22 Præparabis expellendos humores syrupis ex mentha, corticibus citri, oxymelle, quinque radicibus aperientibus, & hyssopo, asparago, gramine, capparibus, passulis, fœniculo: & purgabis diaphœnico, catapotíis ex hiera, polypodio quercino, folliculis senæ, diacathol.

23 Clysteres semper administrabuntur ex eisdem rebus. Ante purgationem



purgationem, vtendum est minoratiuis, & cauendum ne rurgentia humorum non coctorum virtus naturalis obruatur.

24 Et cum etiam in venas humores transierint, phlebotomia negligenda non est, vt natura ex parte exoneretur, nisi virium imbecillitas & syncopalis affectio non obstiterint; præstat enim subito venæ sectio, quod concoctio tempore multo, & periculo plerumque.

25 Quæ vrinas cient & sudores, addemus; & poros aperiemus, vbi purgans pharmacum crassiores humores eduxerit, non prius: ne per functiones, & auocationes ad exteriora, in corpus inspergantur, nec à pharmaco in centrum reuocari queant.

26 Ventriculi & intestinorum regionem oleis nucis mosch. & mentha, & attenuatiuis, & confortatiuis, addito aceti pauxillo, roborabis: lienem, oleo ex genista, & capparibus: iecur aquis stillatitiis rosarum, succo cichorij, oxalidis, santalis & spodio. Corex aquis stillatitiis buglossi, rosarum, pimpinellæ, nymphææ: adde crocum, pulueres corallorum, margaritarum, santali citrini, & huiusmodi: symptomata autem vt supra curabis.

*De febribus continuis ex læsione partis, & ipsarum cura.*

ARTIC. IV.

1 **F**ebres continuæ à læsione partis principis abortiæ, aliæ sunt ab inflammatione, vel cerebri, vel pulmonis, vel diaphragmatis, vel iecoris, vel ventriculi, vel vesicæ, vel renum, vel intestinorum.

2 Et in omnibus his iam dictum est suis in locis, qualiter oportet cibo tenui humidoque vtī, minuire excrementa alui per clysteres, ne subministrent inflammato loco sordes. Item venam viciniorem incidere, vt sanguis biliosus phlegmonem faciens educatur, pro viribus, ætate, & tempore, & morbi magnitudine. Item venæ sectione opposita & diuersiua vtī, vt humores ex læso membro discant aliorum ferri. Item diuertentibus cucurbitulis & ligaturis. Præterea adstringentibus, ne humor confluat in læsam partem, cataplasmatibus, & syrupis. Item confortantibus læsam partem, vt possit morbosicæ resistere causæ. Lenientibus quoque ac resoluentibus, vt humor transpiret; & cum humores abundauerint, minoratiuis vtēmur, & syrupis præpa-



*Quadruplex  
insensio in  
cura phleg-  
mones.*

præparantibus. Deinde pharmaco purgante humores modo peccantes. Et si suppurationis signa apparuerint, iuuanda est vt fiat: deinde vt rumpatur; deinde vt abstergetur, & tandem vt solidetur: sicuti suis dictum est in locis.

*Cura ratio-  
ne humorum.*

3 Si autem febris continua oriatur non ex inflammatione, sed putridorum humorum prouentu circa principem partem: humores illos minues, & præparabis, & vacuabis. Si ex plethora, venam secabis à viciniore affectæ partis regione: & purgamentum institues vniuersale. Si vlcera sunt causa continuæ febris, ea primum curabimus.

4 Hoc tamen prædicto, quod principe parte insigniter laborante, salus non est speranda. Siderato enim cerebro intra tres dies moriuntur, teste Hippocrate: & purulentum iecur mortem præstolatur, si pus cœnasum quasi amurca fuerit: si autem album, salui fiunt. Ecce quantum valet Medici iudicium & iuuamen, vt pars læsa, ad quod melius est, per medicamen feratur.

*Confirmatio  
dogmatis.*

5 Et quoniam à quocunque humore huiusmodi febres fiunt læsis capitalibus membris, propterea palam est febres non esse accensiones humorum, sed spontaneas spiritus pugnas accendentis seipsum, & sua accensione & agitatione humores accendentis & mouentis ad expulsionem.

6 Sunt etiam omnes hæc febres continuæ, quoniam periculum est continuum, neque infarctus humor in solido potest ita minui abigique, vt remissio fiat intermissioque, quemadmodum in his qui intra venas vocant ad pugnam. Sic etiam qui copiosi sunt robustique, vt minui, educique nequeant, etiam intra vasa continuam pariunt febrem; quoniam pericula & infestationes continuas habent.

*De remittentium & intermittentium febrium humoralium  
causis, & ratione generatim.*

## CAPVT VI.

## ARTIC. I.

1 **F**ebres itaque remittentes, & intermittentes ab iisdem fiunt causis, quæ minorationem & instaurationem habent, & periculi minus, & interpolati.

2 Testificantur & hoc Medici, cum ardentem continuam efficiunt à flaua bile: & tertianam remittentem pariter, & tertianam



nam intermittentem ab eadem flaua bile. Similiter crudam continuam à pituita, remittentem quotidianam pariter à pituita, & tandem intermittentem à pituita. Ab atra bile & lypyriam continuam, & quartanam remittentem & intermittentem faciunt; & ab omnibus seorsum humoribus symptomaticas febres continuas, vt dictum est. A sanguine ferè omnes continuas; sicuti ab atra bile, quasi omnes quartanas. Dictum est etiam prius, quomodo etiam omnes ex omnibus faciunt humoribus.

*Epilogus ex testimonio Medicorum, quod omnis febris ex omni humore.*

3 Cur autem ab eodem humore alix sunt intermittentes, alix remittentes modo; Medici reddentes rationem, aiunt; cum humores accensi fuerint in vasis magnis, fieri solummodo remittentes, eo quod focus non potest putrescentis humoris extinguì, & continuo in cor repit ex eo vapor. Quomodo autem ex remissione ad intensionem reuertitur, non docent. Intermittentes autem fieri in vasis paruis: vbi resoluti in prima accessione putri humore, remanet focus & sentina quasi & reliquix putredinis, quæ iterum accenduntur per vices, & reuertitur febris.

*Ratio thess.*

Alij vero putant continuas. i. remittentes fieri intra vasa, vbi sanguis afficitur, teste etiam Gal. in 2. de diff. feb. c. 1. intermittentes vero extra per singulas corporis partes.

*Discrimen remittentis ab intermittente ex Galeno, de continuis, & intermit-*

4 Discernitur autem remittens ab intermittente ex hoc, quod illa ad infebrecitationem deuenit nunquam, ista vero sic. 5 Galenus autem in 2. de diff. feb. c. 10. melius philosophatur. Quæcunque enim (ait) per circuitus aliquos fiunt ægitudinum

*testibus, illas ex vasis, istas ex membris celebrante.*

accessiones, ex membrorum dispositionibus ortum habent: quæ vel mittuntur, vel recipiunt, vel generant, vel trahunt superfluitates. At quæ circuitum non habent, in his nulla est corporis pars, quæ præcipuè sit offensa. Qui autem in venis & arteriis omnibus continentur humores, præcipuè qui in maximis plurimo calore abundantibus delitescunt: aut ob aliam quamuis causam, quemadmodum in ephemeris, aut ob putrefactionem feruentes, febrem accendunt synochum, quæ à principio vsque ad finem nullam habet intermissionem: ac tamdiu perseverat hominem, quæ deurit, donec humores ipsam gignentes consumantur penitus, aut coquantur, aut vtrumque patiantur.

6 Optimè sane Galenus synochum generat in vasis omnibus, si tamen ab omnibus humoribus ipsam faceret. Etenim vbi omnes venæ vitiantibus sanguinem incalescunt humoribus, necessè est incessabilem febrem fieri; quoniam periculum & infestatio

*Ratio durationis.*



*Continuitas  
febris est à  
periculo con-  
tinuo, in-  
termittens à  
non continuo  
vacillante,  
et non à va-  
sis modò et  
membris, ut  
Gul. placet.*

tio incessabilis est in eis erga spiritum, & sanguinem, ex quo spiritus gignuntur, & solidum alitur. Ergo periculi magnitudo & continuitas continuam facit febrem.

7 Cum vero intermittentes ad aliquam partem relegat, in qua fiant per circuitum accessiones, prout fiunt & coaccruationes humoris peccantis, rectè videtur ex parte sentire. Etenim in quoque membro acruatur alimentum plusquam oportet, & sordes aliquæ, si robustum fuerit, superfluitatem in aliud membrum vicinius, aut imbecillius amandat, quod accensum ab implantato spiritu, ut copiam onerantem, si sibi conueniens est; aut sordem infestantem, si minus conuenit, vincat aut propellat: prolicit ad se sanguinem, cuius est ad concalesctas recurrere partes, & dolentes; qui mistus prauitatibus putrescit incalescendo, aut onerat magis partem, & febris accenditur contra onus, & infestationem. Facta autem exoneratione aut victoria, remittitur aut intermittitur feruor, donec iterum membrum superfluitates mittat in imbecillius: & hoc non cessante recursum fit, donec provideatur, ne mittat membrum illud superfluitates in hoc. Potest etiam in membro non valido congeri onus & sordes; & tunc in eodemmet fit febris principium. Remissio & intermissio deinde pugnae succedunt, donec ex nouo alimento iterum nouum onus aut sordes reficiantur.

*Correctio; ex  
recessu etiam  
februm ex  
membrorum  
affectu non  
orientium  
Respon. Me-  
dicis.  
Refutatio ex  
Hippocrat.  
quod etiam  
ex mēbris co-  
tinua.*

8 Rectè quidem Galenus hæc. Verum cum constet etiam intra vasa accendi febres, & non in parte aliqua corporis, sicuti symptomatica localis: sed in toto, sicuti vniuersalis symptomatica; utrique docendi eramus ab eo, quomodo fit recursus illæsis membris omnibus. Proptereaque sequaces eius in paruis vasis intermittunt, in magnis remittunt febrem. Sed cum & ex Hipp. testimonio, in tenuibus venis ardens bilis & serofus humor caustum generat continuum, ratio Medicorum inualida est. Igitur ad copiam humorum, & inopiam; & ad periculi, & ad infestationis continuitatem & intermissionem nobiscum confugiant, oportet. Indicant etiam symptomaticæ vocatæ Medicis continuæ membrorum particularium affectionem ex superfluitate & sordibus non efficere intermittentes, ea quæ Galeno placet, ratione.

9 Porro cum docet recursum non fieri, sicubi particula nulla præcipue sit offensa; si distinguit partem contra totum, fallitur. Etenim in sanguine accenditur vitiatò, quæcunque febris re-

mittens.



mittens & intermittens: vt ex dictis patuit, non vitiatis membris singularibus; nedum continua, vt Medici testantur. Item nec semper est non intermittens, quæ non læsa particula nascitur. Item offensa particula oriri continuam vniuersalem, indicant symptomatica Medicis vocata: topicam verò externarum partium carbunculus & apostema.

10 Et hæc omnia condemnant pariter Medicos, qui continuas in magnis, non continuas in paruis accendunt vasis: cum & in his causus fiat, & aliæ continuæ pro rata infestationis. Similiter eos, qui continuas & remittentes in vasis, intermittentes extra vasa generant: cum palam faciant symptomaticæ vocatæ, etiam extra vasa continuitatem fieri fevorum. Si autem plerumque id sentiunt, non autem semper, distinguere debuissent, nec regulas tradere vniuersales: & quibus dignoscantur modis, nos docere.

*Signa, & cura remittentium generatim.*

ARTIC. II.

1 **S**igna continuarum & remittentium febrium præcedentia Medici ponunt, spontaneam lassitudinem, & ignauiam corporis, hebetudinem sensus, somnum molestum, immodicam vigiliam, deiectionem appetitus, nutritionem imbecillam, hypochondriorum distentionem, venarum repletionem, & omnium excrementorum exuperans effluuium, vt sudoris, sputi, mucus, stercoreis, vrinae, &c.

*Medicis de-  
com signa ge-  
neralia con-  
tinua, & re-  
mittenti qua  
precedunt.*

2 Signa comitantia sunt perpetua & continuata, donec febris desuerit, accessio, vel cum remissione aliqua, vel sine; lingua sicca, aspera, sitis ingens: lassitudo tensiva ex crassis repletionibus, vel vlcerosa ex tenuibus acribusque: vigilia: os amarum, calor acer, pulsus celer, creber, inæqualis: vrina tenuis, rubra ex obstructione; vel rubra, crassaque, & turbida. Præterea tertio quoque die febris excandescit, vrinaque est rubra valdè; quotidiana quotidie: nec vrina est adeò rubra. Quartana quarto quoque die, vrinaeque transcolatas habet per crassum humorem, albas, tenues, aquosas. Galentis ait, varias, sed crudas omnes.

*Quæ comi-  
tantur &  
docem.*

3 Sed profecto ista regulariter vera non sunt. Compertum est enim ab omnibus humoribus omnes febres gigni, atque mox, cum de intermittentibus erit sermo, noua variaque signa in eo-

*Corruptio.*



*Signa continuarum ex Galeno.*

dem typo febris inueniemus. Propterea Gal. *l. ad Glau.* c. 8. signa continuarum ponit incessabilitatem intra 24. horas. Dat inæquale incrementum pro signo diuturnitatis, & inordinationem, inæqualitatem, & inconcinnitatem pulsus pro signo continuitatis & longitudinis; & cum tertio die idem status perseverat, & urinx cruditas & excrementorum, tunc ad septimum diem extendi, est Galeno signum. Si autem & in quarto vret febris sicut in tertio, nec facies & reliquum corpus collabitur, ad longius tempus producit morbum.

*Cura remittentis ex Galeno.*

4 Nos autem mox in cura intermittentium ista examinabimus. Nunc autem curam remittentium à Galeno accipimus *lib. 1. ad Glau.* cap. 13. victum tenuem, in quibus vires validæ & ætas, nec ante septimum diem status febris expectatur: plenior vero, in quibus vires languent, & status ultra septimum expectatur. In statu vero tenuissimum victum: deinde paulatim vberior. Deinde sanguinem mittere iubet, ubi robur & venarum tensio, & vires adsunt. In præter modum calidis dat frigidam, ne colliquantur carnes, & feruor cesset.

*Alia ex eodem cura.*

5 Alibi melius, quoniam febris à putredine: putredo à transpiratione impedita: impeditio ab obstructione: obstructio ab humorum copia. Idcirco euacuatio humorum primo instituenta, quod sanguinis missione consequimur, si cætera iam dicta consentiunt; mox obstructio aperienda per ea, quæ absque calefactione nimia relaxant poros, ut tepidum, dulce balneum, & dulce oleum tepidum, & frictio moderata: & oxymeli. Mox præterea putredinem pharmaco minuente ac purgante educemus per aluum, & urinam, & sudores, medicamenta iis apta, apponenda. Quo facto febrem refrigerare licet, ne calor hæcticus fiat. Prius autem non licet, ut pugnet contra morbum, eo spiritus agens, motuque. Hoc ergo tempore frigidam propinabis, cibosque substantia frigidos: & aqua dilutum vinum, ad vires reficiendas, & excretiones & obstructiones tollendas. Vinum enim ad hoc valet plurimum. Quapropter non rectè Medici illud verant omnino febrientibus, ut etiam Gal. *in Meth.* agnouit.

*Conclusio: quod continua, & intermittens sunt ab iisdem humoribus & locis, differuntque ratione peragendi quoniam aisdem curis tolluntur.*

6 Verum si quis rectè consideret, hæc eadem cura est cum continuarum cura: & eadem erit intermittentium, & causæ eadem: loco, copia, robore, & infestationis ratione, differentes.



De signis & causis febrium intermittentium, & remittentium  
speciatim : & primo de quotidiana.

ARTIC. III.

**1** Speciatim quidem quotidianæ febris signa sunt quotidiana <sup>Signa quodi-</sup>  
Saccessio ac remissio sequens, longa, ac raro ad omnimodam <sup>diana.</sup>  
veniens infebricitationem.

**2** Et primo quidem calor vaporosus humidusque, qualis ex <sup>Gal. 1. ad</sup>  
viridi ligno ignis perspirat : deinde acer fit ex parte ac mordax ; <sup>Glauc. 7.</sup>  
nec æqualis in tota tangentis pulpa : facies subtumida, minor  
fitis, minúsque incendium, quam in tertiana & quartana : cor-  
pus humidum, nec denudari appetens : sed accessio longior. Nec  
cum rigore primo die incipit, sed postea subsequitur aliqua re-  
frigeratio in accessionibus. Item pulsus in principio accessionis  
paruus, tardus, languidus, inordinatus, & inæqualis : in augmen-  
to vehementior, maior, velocior, sed obscuro modo, non sicuti  
in tertiana & quartana. Facies pallida atque subalba ; vrinæ al-  
bæ, tenues, aquosæ, vel crassæ, & turbulentæ, vel rubicundæ :  
excrementa pituitosa, alba, crassa, humida, frigida, cruda. Si-  
militer vomitus pituitosi. Præterea in corporibus humidis, pi-  
tuitosis, & corpulentis fieri solet, præsertim pueris & in hyeme : &  
his qui crapula & multo cibo nutriuntur, & in ocio, & in balneo  
& in locis vdis.

**2** Hæc omnia manifestè arguunt pituitam, & cruditatem esse <sup>Ratio signi-</sup>  
causam quotidianæ febris. Ipsa enim est, quæ vaporem humi- <sup>rum.</sup>  
dum emittit, & deinde acrem sequente vitione in partes cras-  
siusculas. Et sitim & rigores non facit. Rigor enim à mordican-  
te partes venosas fit, non à frigore, vti placet Medicis : alioquin  
in quotidiana maior esset, quam in cæteris febribus. Subsequi-  
tur tamen postea frigus & rigor, cum humor assatus febre inci-  
pit acui, & pungere : & spiritus fugam, humor frigoris postponit  
sensum. Pulsus sunt inæquales, & inordinati, & parui, grauant  
crassitie spiritum, & resistēte motioni, & vaporem crassum emit-  
tentē : qui spiritum non morder, nec exacuit, vti biliosus  
vapor, sed obnubilat obrunditque. Præterea neque spiritus agi-  
tationibus vtitur validis : quoniam minor est infestatio à pituita,  
quam ex acutis humoribus. Augentur ergo pulsus in suo gradu  
acutorum. Excrementa tandem faciliè certificant pituitam esse



causam quotidianæ : sed vrina alba & tenuis , nequaquam , nisi quatenus est cruditatis indicium. Quæ enim non coquuntur, per crassitiem non agitatam ad coctionem, traijciunt urinam decolatam, ergo tenuem ; albam verò quoniam non coctam. Cum verò crassa & turbida est, principium coctionis designat, & alterationis ; verum ætas, tempus victus, aliæque signa à principio statim producit , qualiter debeat esse febris quotidiana Galeno.

*Correctio.*

*Pituita  
quadruplex.*

3 Nos autem arbitramur hoc dubium adhuc. Etenim & quartanam à pituita fieri scimus in pueris. Ipse etiam Galenus epialam ab eadem generat, quæ aliquando quotidianum, aliquando typum habet quartanum , aliquando erratica est. Utque Galenus ait, 2. de diff. feb. c. 6. epiala laborantes sentiunt in toto corpore simul calorem & frigus. Hanc oriri putat ex pituita vitrea frigida tenaci, fuso vitro persimili. Datur enim & alia pituita dulcis, quæ excreatu expuimus , minus frigida. Datur & acida , quæ frigidior quam dulcis, minus verò quam vitrea. Quarta pituita salsa additur ob putredinem, aut mitionem serosæ humiditatis, ut inquit Galenus ; vel etiam ob bilis mitionem, ut putat Auic. Nos autem ob excafactionem eiusdem in cerebro, vel in ventriculo, vel in iecore falsescere etiam opinamur.

4 Tunc Galenus ab acida & vitrea rigores fieri citra febrem, cum per sensitiuas feruntur partes , nos docet. Si autem simul parum putrescant, epialam adducunt febrem. Si multum putrescant, præcedit rigor , & subsequitur febris à multitudine caloris frigida deuicta materia. At si dulcis putrescat, rigor minime antecedit. Quomodo à salsa etiam tertianæ fiant, postmodum patebit.

*Probatur,  
quod omnis  
febris potest  
fieri ex pi-  
tuita.*

5 Ex quibus Galeni verbis probamus & nos omnes febres à pituita fieri, licet plerumq; quotidianas. Et quod rigor, qui in epiala sentitur, non à frigore ortum habet necessariū: etenim nec tertianarij rigerent ob bilem, neque epiala ex dulci pituita laborantes non rigerent ob frigus. Nec pituita vitrea acidaque , quia partim accensa , partim non accensa, calorem & frigus simul in corpore faciunt , ut quidem Medici adiiciunt. Etenim sufficit spiritus fuga & lucta , sensum frigoris & caloris simul facere.

*Et quod ri-  
gor non est à  
frigore.*

*Agnitio pi-  
tuita ex ty-  
po quodidia-  
no fallax.*

Ecstatici etiam & timentes idem patiuntur, dum intro refugit calor. At etiam ex pituita fieri continuam febrem in cararrho experimur. Ergo non ex typo , sed ex accensionis ratione, & tactu, & excrementis , & antecedentibus causis, in victu, & loco,

& tem



& tempore, & ætate, agnoscenda est pituita. Sed mirum, quomodo Galenus etiam rubicundam urinam dat, i. *ad Glauco. c. 7.* in quotidianis contra proprium dogma: & non agnouit ex hoc quotidianas etiam fieri absque pituita.

6 Arbitror enim & multam bilem efficere quotidianam pro tertiana; & sanguinis sordes etiam quotidianam. Hoc autem Medici obseruent, nec semper priscorum dictis, sed naturæ obseruationibus inuigilent, rogo. Et quidem habet sanguis vaporem, primo suauem, deinde acrem cum in febris accenditur, ut vix à pituita aliquando discernatur: & aliquando acer est quotidianus typus.

*De signis & causis tertianæ, speciatim.*

1 **S**igna tertianæ sunt inuasio tertio quoque die cum ingenti rigore, pungente & vellicante, potiusque frigefaciente: & quæ non ultra 12. horas porrigitur, & ad infebricitationem exquiritam deuenit. Item calor multus & mordax tactui: sitis in exhausta: æstus ingens, qualis in causo; difficultas spirandi: capitis dolor acutus; vigilæ: vomitus, aut sudor biliosus: & deiectiones alui crocæ, biliosæque, urinx flauæ, crocæ, subrufæ, cum nubecula alba, laudabilique suspensione plerumque frequens exsufflatio calida, flammanisque: vestium denudatio; frigida cupiditas: corporis iactatio. Præterea anni tempus percalidum, æstiuum, & locus calidus: & exercitia grandia: & victus ficcus, temperies biliosa, iracundiæ, anxietates, cogitationes intente: ætas virilis, aut iuuenilis. Pulsus paruus à principio, in augmento celer: in vigore maior, vehemens, velox, frequens, ordinatus ferè, æqualisque: noctes præcedentes accessionem molestissimæ.

Signa 18.  
præcedentia  
tertianæ ex  
Medicis.

2 Hæc ex Galenistis indicia tertianæ habemus: quibus Galenus ait, si addas, quod eodem tempore tertianarij sunt multi: indubitatum etiam à primo die habes signum, quod accessio tertianaria sit, à bili flaua ortum ducens.

Signum 19.

3 Mihi autem non videtur sic exactè pronuntiandum: etenim à bile flaua, etiam continuam fieri febrem causus declarat. Qui propterea absque rigore incipit, quod plurimis vel ubique locorum inest bilis, nec quem fugiat prius habet spiritus. Propterea rigor fit mordicante bilioso humore arterias venasque, spiritumque implantatum. Cum autem febris est intra vasa, non est punctio.

Correctio.



ctio illa mordacitasque, donec bilis extrudatur ex vasis: Propter-  
eaque Hippocrates nouit febrem ardentem rigore superue-  
niente dirimi, cessareque. Cum enim spiritus pugnans attenua-  
uerit bilem, educit per fibras venarum, & cum transit bilis mor-  
det, rigentque ægri, & sanantur. Hoc tamen signum non subito  
nos certos facit, quod tertiana erit febris, si rigor adest.

*Quotidiana  
etiam ex bile  
flaua.*

4 Fit etiam ex bile quotidiana cum bilis abundat, nec satis po-  
test expurgari, quin secundo die ex reliquiis non reficiatur, &  
quidem cum iisdem signis, in vrina, & rigoribus, & pulsibus, si-  
cuti in tertiana. Medici autem id experti ut dogma tueantur,  
duplicem tertianam esse dicunt: propterea quod aliis horis fit  
inuasio hodie & cras, & minoris altera est afflictionis. Nos au-  
tē ostendimus ex eo, quod febris nō est topica, sed vniuersalis, in  
huiusmodi quotidianis necesse est ut idē humor singulis diebus  
accendatur, etiā si in aliū alius partis humorē accendatur febris.

*Item quar-  
tana.*

5 Quartanas etiam fieri ex assata bile concedunt Arabes, ac  
Medici multi.

6 Quapropter tertianas à bile plerumque fieri puto: sed etiam  
ex aliis causis: etenim exquisitam & notham faciunt Medici ter-  
tiam: illam ex bile flaua putrente circa hypochondria & fel,  
hanc ex pituita & bile putrentibus circa primam corporis re-  
gionem: quæ cum rigore aut horrore minus vehementi fit, &  
symptomata eadem habet, sed mitiora: & vrinam crudam mā-  
gis, rufamque minus, & accessiones longiores, & plures. Illa enim  
septem circuitibus terminatur: ista pluribus, estque periculo-  
fior: vnde & per totam hyemem ab autumno in ver protractam  
Galenus vidit. Sed profectò ex pituita & atrabile potius hanc  
fieri crederem: nec tanquam ex contrariis elementis combina-  
tis, ut Medici faciunt: sed sufficit humoris crassities cuiuscun-  
que. Mistura enim illa non conuenit, & pituita mitione bilis ma-  
gis accenditur dissipaturque. Ergo si quotidiana est breuior, ex  
bile erit; aut fatendum pituitam esse tertianæ etiam causam,  
præsertim si salsescat, ut mordicet: & crassescat, ut duret. Ga-  
lenus etiam ex tertiana & quotidiana continuis & confusam ac-  
cessionem habentibus componit speciem hemitritæ, ne cogatur  
dogma deferere, cui experientia contradicit.

7 Signa ergo validissima sunt excretiones, & tempus, & ætas, &  
victus, & locus, & temperies ad discernendum humores, potius  
quam febriles typi.



Plurima quidem Galeni signa sunt, bilem accusantia in tertiana: sed excrementa & iam dictæ res, certiora: & hinc quibus utendum pharmacis, rationem inibimus.

*De quartanæ signis, & causis speciatim.*

**1** **Q**uartanæ febris exquisitæ Gal. ponit; si inuadat quarto quoque die, accessionesque longas tantasque, quantæ in tertianis, aliquando vero longiores, cum à frigidiori siccâque bile atra producitur, augmentum rigoris aut à febre accedit, sentumque facit non pungentis, sed vehementem algorem inducentis, & tanquam frangentis ossa; ideoque in principio quasi retractionem arteriæ: & pulsus nec ita parvus ut in tertiana: nec ita magnus, ut in quotidiana: est ergo tardus, & rarus in principio accessionis: deinde in augmento velox & frequens, inæqualis in vna pulsatione, velocior in principio & fine, quam in medio: succensio est quasi corporis frigidi & sicci, quæ humidum non emittit, neque incombustum aliquid relinquit, ideoque remissio & intermissio exquisita sit: vrinæ sunt tenues, albæ & aquosæ, quasi per materiam crassam excolatæ. Fit potissimum in autumno, & in melancholica temperatura, & in spleneticis, & ubi quartanæ fieri consueuerunt, & si pulsus in infebrecitatione sunt rariores & tardiores naturalibus. Præterea ait Gal. si humor melancholicus non putrescat, neque per partes sensiles deferatur, non efficiet quartanam, sed affectus splenis, herpes, cancer, phagedæna, elephantiasis, aliique morbi citra febrem exorientur.

**2** Rectè quidem Gal. ex crasso humore atrabilioso generat quartanam, sed non recta ratione plerumque, neque ex typo bene peccantem atram bilem agnoscit. Etenim si crassior est atra bilis quam flaua, accessiones habeat diuturniores oporteat, eiusque reliquias esse plures: ergo non quarto quoque die inuadet, sed longè prius; unde etiam ipse fatetur, dari quartanam duplicem & triplicem, cum trium dierum præcedentium inuasiones respondent inuasionibus quartis subsequenitum. Præterea putauerunt Arabes quartanam ab omni humore fieri, nedum ab atra bile: aliquando enim à sanguine crasso sordidoque; quod vrina rubra, sanguinis exuberantia, temperies, & periodus quartanaria, manifestant. Similiter ex adusta bile quartanam generant, quod intemperies & pulsus velocior frequentiorque, quam

*Signa quartanæ præcedentia, ex Galeno.*

*Correctio.*

*Bilis atra omnis febris causa esse potest.*

*Quartana quoque ex omni humore oritur.*



in cæteris quartanis, & calor maior, & sitis, & æstus, & continuïtas febris, coniuncta indicant. Præterea ex pituita sæpenu-  
mero quartanam oriri atas puerorum indicat, nulla vstione atra  
pollentium, sed cruditatibus & ciborum ingurgitatione, quod  
etiam Aristoteles agnouit. Tandem solius splenis vitio fieri quar-  
tanam indicat sinistri hypochondrij dolor, & tumor, & corporis  
habitus; in quo Galeni dogma melius seruatur: verum & ab he-  
patis vitio fieri, tumor hypochondrij dextri, & corporis habitus  
sanguine turgens indicant. Solent quartanæ ex aliis febribus, &  
erraticis suboriri, autumno superueniente; quod satis indicat  
crassitiem humoris esse causam. Ipsa quoque quartanarum  
duratio, quæ etiam & ad duos tresue & plures visa est exten-  
di annos.

4 Quapropter non ex typo agnoscemus atram bilem peccare,  
vt faciunt Medici: sed ex excrementis, anni temporibus, præce-  
denti victu, & passione naturali, accidentalique.

Potest fieri  
quartana &  
omnis febris  
humoralis,  
etiam si non  
putrescat hu-  
mor.

5 Illud tamen quod Gal. ait, quartanam non fieri, nisi humor  
putrescat atrabiliosus, quâdoquidem multi citra febrem atra-bi-  
le infestantur; non est omnino verum. Etenim & febres multæ,  
citra putredinem fiunt, & omnis putredinis obstructionem esse  
causam Gal. docet *Methodi* 11. Constat autem & ephemeræ ab  
obstructione oriri, & hæcticas, & putridas. Præterea non vi-  
detur febris, cum humor atrabiliosus in aliquam secesserit  
partem anteriorem, febrem gignere, nisi topicam. At si intra  
vasa, & in principalibus sordescit locis, proculdubio febrem fa-  
cit, quoniam infestat spiritum, non quia putrescit. Putredo ta-  
men est accensio sordida, vitians sanguinem, non à calore ex-  
terno facta, vt Medici cum Arist. arbitrantur; sed ab interno in  
materia, non naturali facta. Vt enim dicebamus in 3. lib. putres-  
cunt omnia proprio calore materiam laxante colliquantēque, &  
crassum mittente vaporem, non autem ab exsiccante, & tenui-  
tatem emittente. Ergo cum in humoribus hoc fieri non possit,  
ipsa commistio prauis succi cum bonis alterat bonos, ad cuius pu-  
rificationē spiritus & morionem, & calorem auget: quod est fe-  
brile. Omnis enim sequestratio fit præcedente coctione, & con-  
comitante morione. Coctio vero calore aucto; augetur autem  
ex sua operatione, quæ est motus, nedum amplificatiua vi sui po-  
testatiui.



De curatione cuiuscunque febris humoralis intermittens,  
& remittentis generatim.

## CAPVT VII.

## ARTIC. I.

- I**N curatione remittentium, & intermittentium febrium, pri- Iuuand  
calor febr  
& motus  
curatione.  
mò febrilem calorem fouebimus, vt possit humorem pec-  
cantem attenuare & vincere: similiter agitationem, vt possit va-  
lidius impellere. Ergo spiritus ipse calidus mobilisque natura iu-  
uandus, vt calefaciat, moueátque: & simul instaurandus ne de-  
ficiat, dum plurima sui pars exhalat. Secundò humorem pec-  
cantem minuemus, euacuabimus, & vias euacuationi aptas fa-  
ciemus, quominus infestet spiritum, irriteretque ad pugnam. Ter-  
tio damna spiritui, & sanguini, & soliditatib; ex tali subsequencia  
bello, refarciamus, & prouidebimus vt, non sequantur, vel mi-  
nora sequantur.
- 2 Ergo sicuti in aliis dicebamus febribus, frigida non applica- Quomodo in  
natur calor  
quomodo mo-  
tus.  
bimus, nec sub frigido aëre, & frigido stramine patiemur agrum  
iacere, nec frigida totum lauari, & quacumque via poterimus  
feruorem fouebimus, motum verò iuuabimus, si non cibabimus  
agrum in principio, vel in augmento febris, ne, relicta bellica agi-  
tatione febrili, ad comestionem retrocedat, vel cibi vapore gra-  
uetur; quo minus agitare queat. Neque sanguinem detrahemus,  
cum febricitat, ne metu à pugna recedat: neque syropos, aut  
pharmacum, tunc temporis propinabimus. Neque curas familia-  
res, & doctrinales, & mœsticias & dolores suscitabimus agrotan-  
ti, ne spiritus à pugna in has recedat passiones. Neque motus ar-  
bitrarios ei suadebimus, sed in naturalibus relinquemus.
- 3 E contra confidentiam vincendi morbum bonis verbis im- Tempus ci-  
bandi.  
mittemus, & à cœlo, & Medicina & Rhetorica salutem augura-  
bimur, læticias excitabimus. A somno arceamus, ne minus vacet  
pugnæ, dum refectioni vacat: nec malus humor fomentetur.
- 4 Cibum non ministrabis, nisi post febris statum, cum videli-  
cet dilatationes contractionibus sunt maiores in pulsu, & victor  
spiritus foras diffunditur. Dum tamen pugnat, licebit odores  
non acutos, sed mediocres adhibere, & nutritiuos, quales ex ro-  
sis, & pomis, & assatis carnibus, & vinò super calefactum perfuso  
panem. Ex his enim subito recreatur, absque labore, nec rece-



dir ipforum vincendorum gratia de prælio. Hoc autem iis præcipuè, qui deficere videntur, & quorum accessiones longæ sunt, molestæque, & potius ante inuasionem & in statu, quam in principio & augmento.

*Qualitas ciborum.*

*Potus qui.*

*Cautio.*

*Cautio eius-que ratio.*

*Quando propinandum est pharmacum & syrupi.*

5 Victum tenuem & frigidum laudant, magistri Medicorum in febribus: adduntque humidum. Nos autem tenuitatem laudamus, cum humores abundant; frigiditatem minimè, nisi respectiuam, & non propter febrem, sed propter damna illata membris, ne habitum concipiant hecticum: sicuti paulò antè dicebamus. Humiditatem, & fluorem laudo, ob facilitatem nutriendi spiritum & irrigandi solidum. Et quidquid aptum est magis in spiritum, quam in humores, præsertim peccantes, conuertri. Vinum aquosum non negarem febricitantibus. Aptius enim est spirituum refectiōi, & aperire viam transpirationibus, & proficere concoctionibus; & apponere & concorporare soliditati nutrimentum; officit autem habitui, vt fiat hecticus, propterea non omnibus prodest, vt mox palam fiet. Prodest autem succus granatorum, & iuleb, & violaceus syrupus, & aqua hordei, cum talia timentur.

6 Et cum vires labi videntur, audacius nutriemus spiritum, quàm bello succumbere diminutum paulatim sinamus: propter vitam enim eius, pugnam febrilem volumus, non propter pugnam ipsam; quam ergo satius erit omittere, quam vitam.

7 Humores peccantes præparamus syrupis, reddimus euacuationi aptos minoratiuis; euacuamus pharmaco, attractiuo, expulsiuoque, sicuti in lib. 5. dictum est. Hoc autem facile fiet, cum Medicus quis humor in quauis febre peccet rescuerit. Cauendum autem ne à typis illum modo venetur, vt dictum est prius; cum quiuis humor, quamuis febrem, in loco etiam quouis, excitare queat.

8 Regula est, ne syrupi & pharmaca minorantia, & soluentia, propinentur, cum febris est in principio, vel in augmento, vel in statu, sed potius in tempore intermissionis, vel saltem remissionis: nō enim potest spiritus conflictatione cum morbo laborans, expulsionī pharmaci operam dare. In continuis autem ubi materiæ turgent, si res postulat, quocunque tempore propinabimus, non enim quietem speramus, & foedus.

9 Sed dicet quis, cur febris, cum sit pugna spiritus contra morbum, non ministramus spiritui auxilium cum pugnat febriendo?

Quid



Quid enim prodest post bellum auxilium? Propterea enim medicamentum trahit ad se humorem, quo cum spiritus pugnat: & quem expellere satagit. Ergo tunc cum satagit, est iuuandus. Melius enim est medelam adhibere, cum adhibet natura, quam alio tempore. Neque enim Medicus aliud facit, quam quod natura intendit facere: ergo & quo tempore.

ro Respondeo quod febris à spiritu accenditur ad coquendum causam morbi primò, hoc est, ad reddendum aptam expulsionem: deinde sequitur expulsio. Et si totalis est, non reuertitur ad pugnam; si partialis, vel humor rescitur, tunc reuertitur, & eò validius, & fortius, & prius, quò confidentior est spiritus, & fortior ad pugnandum, vt meminit Galenus. Nos etiam diximus, quò prius, atque magis irritatur. Cum ergo præparat spiritus expulsio- ni humores, non sunt trahendi pharmaco, ne simul id, quo com- misti sunt, ante concoctionem, trahat: nisi turgentes per se erum- pant, vt in superioribus libris declarauimus. Vtemur ergo iis, quæ spiritum augent, iuuantque calorem & agitationem, non autem attractione humoris medicinali. Præterea, neque cum coqui apparent humores, quod non vna accessione fit, sed pluribus inintermittentibus, si feruor pugnae adest propinatur pharmacum. Huius enim est ex omnibus partibus humores accersere ad centrum, quos spiritus per feruorem tenuescere & ad peripheriam transpirantes ducere intendit. Ne ergo fiat simul contrarius morus, pharmacum febrienti non propinamus, nisi in continuis, & vbi necessitas vrget. Licebit tamen per sudores tunc vacuare; etenim plurimi vino saturati, in accessionibus incalescunt, & culcitris superpositis exsudant morbum totum. Aliis vomitus concitatur & alui deiectio, turgentibus introrsum humoribus. Vidi etiam prunis non maturis febricitantem exsaturatum, vomuisse morbum totum, cruditate & aciditate prunorum trahente tanquam pharmaco humores in ventriculum, instigantēque spiritum ad pellendum. Si ergo certi fuerimus, quod natura in centrum sese exonerat: licebit etiam in conspectu febrili attrahentia largiri medicamina. Et quò mouendum natura innuit, eò si moueris semper iuuabis: si præfata suspensiones abfuerint.

ii Hoc in loco peccantium humorum focum, in quo febris accenditur à spiritu, considerabis: & quod membrum eius morbi officina esse solet. Nam pituita in ventriculo, atrabilis in splene, flaua in felle, hydropica febris in iecore suum habet principium,



aut fomentum. Propterea pharmaca respiciant & humorem, & membrum eius originem: & extrinsecus adhibebis ea, quæ illi fauent membro ad proprias functiones præagendas, suamque temperiem seruandam, ne causam mali vltius gignat.

12 Qua ratione damna prohibenda sunt, aut abolenda, patet in his, quæ hæcticam & continuas alias, curantes diximus. Hoc tandem admonebimus, quod vbi sufficit natura ad morbi expulsi-  
onem, quod in intermittentibus facile fit, vbi vires validæ, absti-  
nendum est à purganti pharmaco, & iuuanda est natura extrin-  
secus per emplastra, odores, vnctiones, & cibos, & potus medica-  
minosos. Morbus enim, vti Plato in Timæo admonet, sua prin-  
cipia, media, & fines habet naturales: sicuti & cætera entia, &  
propterea expectandus est finis: potius quam pharmaco irritan-  
dus morbus, ne deterior fiat, quod & Galenus docuit in his, qui  
ex simplici quartana fecerunt duplicem, & triplicem, quia ante  
tempus medicamen acceperunt. Oculatissimi autem Medici est  
videre, an natura valeat per se morbum vincere, & sanguinem  
vitiatum rectificare.

*De cura quotidiana, speciatim.*

ARTIC. II.

*Cura quoti-  
diana ex Ga-  
leno.*

1 **C**Vram quotidianæ speciatim instituens Galenus, oxymelite  
vtratur post primos (inquit) dies: & illis quæ probè possunt  
vrinam ciere, vniuersumque totius victus caput sit ad inciden-  
dum efficacius. Circa statum verò de ventriculo est habenda  
solicitude: & de ipsius præsertim ore. Deinceps iubendum  
est, vt post radículas & cibos assumptos vomant. His etiam quæ  
pituitam subducunt &, tendum.

*Curationis  
prædictæ ra-  
tio.*

2 Sapienter quidē & si omnis quotidiana ex pituita fit, Galenus  
non statim medetur: sperat enim fortasse pituitam in sanguinem  
verti, ac febrem cessare. At si non cessat, post tres dies dat oxy-  
mel, quo pituita inciditur per acetum, & abstergitur per mel. Ea  
quæ vrinam mouent, vt cæpa, asparagus, origanum, apium, &  
omnia attenuantia, calidaque acuto calore & exili, non robusto.  
Per hæc enim pituita inciditur, attenuatur, digeritur, expur-  
gaturque. Cum enim crassa sit, incisuius, & subtiliatiuis vincitur  
& calefactiuis, non calore torrente, ne falsescat, aut viscida cras-  
siorque fiat, sed attenuetur modò pars minus repugnans, aliæque  
fluida



fluida fiat, vel sanguescat. Propterea ergo vitium incidentem & attenuantem instituit, potius, quam calefacientem; quod non faceret, si peccatum pituitæ esset in frigore.

3 Circa statum morbi curat ventriculū; est enim principium morbi, quando apparent signa occulta digestionis, ut ait, 1. *de cris.* 17. & 18. augmentum, quando manifestæ: status, quando completa: declinatio, quando expulsio. Accidentium verò principium est inuasio: augmentum est feruor; status à vigore: cum deficere incipit, fit declinatio. Hic autem de statu morbi est sermo, qui in quotidiana solet Medicis post diem septimum celebrari. Stomachum autem confortant mentha, myrtilli, anisum, massiche, & alia in lib. 5. & 6. iam dicta: ubi & quæ euacuât stomachum, id est ventriculū, habes. Hoc autem dicit, quoniam pituita in stomacho præcipue fit. Sed sic, oportebit adhibere non adstrictiua, ne crassescat pituita; sed incisiva & absterfiva, ac simul ventriculū per sympathiam conseruantia.

4 Vomitu etiam rectè in sperat: pituita enim etsi crassa, tamen supernatat stomacho, & difficilè per aluum educitur; & ori est vicinior, nisi quæ in abdomine & mesaraicis esse dignoscitur; per sudores autem non euacuatur, sed sua crassitie replet meatus, per quos transit. Nulla ergo curatio pituitæ melior, quàm per vomitum. Et hoc verum est, si pituita non est sanguis crudus, veluti ponitur Medicis, sed superfluitas viscosa & fluida, & mucosa; uti in 1. lib. docebamus. Quæ autem subducunt pituitam sunt agaricus, hiera, turbit, & alia dicta suis in locis. Similiter syrupos propinabimus digerentes phlegma, & minoratiua secundum artem.

5 At cum non omnis quotidiana ex pituita fiat, eiusdem præsertim generis, non videtur Galenus sufficiens, neque scopum attingens. Hoc quidem, quoniam febris curam suscipit, cum potius in pituitosis morbis sit iuuanda, quam prosteruenda: illo vero, quoniam non omnis quotidianæ curam docet.

*De exactiori quotidiana cura.*

6 Vin enim quotidiana ex pituita oritur falsa, cibis humidior conuenit, & aër, & aqua sacchari, & remedia parum incisiva. Syrupi quoque erunt ex minus calidis, minus coquentibus, ac minus incidentibus; ut ex borragine & fœniculo. Cognoscitur

*Cura quotidiana ex falsa pituita*



*Signa.*

gnoskitur autem falsa pituita peccatum ex molestiori siti, horrore vehementiori, & rufa vrina, & pulsu velociori, quam in cæteris quotidianis. Ex hac etiam pituita solet tertia, & quotidiana continua fieri.

*Cura quotidiana ex pituita dulci.*

7 Quando verò expituita dulci fit quotidiana, quod minor sitis & crassiora excrementa probant, & somnolentia; tunc victus tenuior, aer mediocris, ad siccum vergens calidumque, potus aqua cin. vel vinum vetus album, subtilis substantia cum aqua cin. syrupi quoque medij inter eos, qui dantur falsa pituita læsis, & qui vitrea, acidaque: pharmaca quoque sint mediocria.

*Cura quotidiana ex vitrea.*

8 Etenim vbi vitrea febrem irritat, quam frigus & fames aliquando ob ventriculi punctiōem ab eius acore, indicant, & nulla sitis, vt dictum est de epiala: tunc cibus magis attenuans & incidens prodest, & syrupi ex mentha, absinth. corticibus citri, ex quinque radicibus, decoctum eupat. hyssopi, fœniculi, pulegij: oxymel, mel rosac. pharmaca ex turbith, agar. fena. His dabimus vinum cum aqua pulegij, vel hyssopi, &c.

9 Item cum humores crassi copiosique ventriculum adeo grauant læduntque, vt syncope oriatur, si phlegmone & apostema intus adsint: non est curabilis ista febris, veluti & mortifera est putanda, cum nullo pacto humores coqui valent, & compacti putrescunt. Quod si tanta contumacia & phlegmone desunt: tunc syncopen vitabimus, aut fugabimus vino veteri tenuis calidaque substantia, optimique odoris. Magis autem aqua vitæ, vel quinta essentia aqua vitæ nuncupata: quæ maximam ob tenuitatem & caliditatem substantialem subito & spiritus reficit, & crassos humores dissoluit. Vnde Galenus etiam syncopen, quæ non crassis, sed biliosis tenuibusque fit humoribus, & vt Auic. ait, potius ventosis, potu vini profligauit, dissoluendo flatum, & spiritum augendo, quidquid dicat Medicorum vulgus.

10 Curabimus quotidianam diurnam fortioribus pharmacis, quam nocturnam. Cum enim pituita in nocte plus vrgeat, & in hyeme: si in die mouet bellum, validior est quam quæ in nocte. Tollit etiam somnum, & pluribus ægrum infestat modis, & diuturnior.

11 Potentior arbitror esse, quæ bis in die inuadit. Et si pituita signa apparuerint, tenui victu, incisuius, calefactuius vtendum. Si alij humores, pariter pro illorum natura, & victu, & medica



medicamine, vt ex fequentibus notum erit fermonibus.  
 12 Fit etiam quotidiana ex humore biliofo multoque, quam  
 notham tertianam, aut triplicem vocant Medici. Curam eius  
 ficuti in biliofis febribus continuis, vel quotidianis fufcipiemus:  
 fic etiam cum ab atra bile proficifcitur, licet rara fit, erit curanda,  
 ficut folemus atrabiliofos.

*De cura tertianarum.*

ARTIC. III.

- 1 **T**ERTIANAM exquisitam curat Galenus 1. *ad Glauc.* 9. remediis  
 cibis que humectantibus & frigefacientibus. Vtitur ergo *Cura tertiana ex Galieno. Cibis.*  
 aëre huiusmodi, & in cibum attriplice, blito, lapatho, malua, lactuca, cucurbita, succo ptisanæ, alica, piscibus saxatilibus: auibus  
 quæ mollibus constant carnibus: cæterorum alis, testiculis gallorum,  
 pedibus cerebrisque porcorum. Sed porcellorum etiam affatis  
 carnibus, ouis sorbilibus, præcipuè vitellis; fructibus & iis,  
 qui coctu difficiles non sunt.
- 2 Purgat bile corpus per inferiora, cum illorsum repit: per vomitum,  
 cum ad ventriculum, ficuti & spontè naturæ fieri solet. *Pharmacio.*  
 Ventrem clysteribus mollibus inanit: vrinam anetho, apio, &  
 huiusmodi prouocat; addit absinthium, vbi coctionis signa apparuerint:  
 quod præcipuum contra bilem est remedium.
- 3 Vtitur deinde post calidi olei inunctionem, balneis calidis, *Applicanda.*  
 dulcibusque, tum ad refrigerandum humectandumque corpus,  
 tum ad alterandam bilem contrariis qualitatibus, tum ad cutim  
 laxandam, extrahendamque perinde bilem.
- 4 Vinum negat, nisi coctionis signa adsint. Salsa & acria deuittat  
 semper; & mel, & sinapi, cæpam, & huiusmodi.
- 5 Addit Auicen. phlebotomiam, vbi humores multi, & rubra  
 vrina apparent.
- 6 Hæc Galeni decreta, vbi bilis tenuis flauaque tertianam *Examen.*  
 gnit, reprobari nequeunt, si & ratione ipsorum quis probè teneat.
- 7 Haud enim vtendum est frigidus aëre, victu, potuque, vt febris  
 retundatur. Frigidis enim vtetur, vt affectus hecticus in soliditate  
 non fiat, nec bilis nutriatur, nec euaporet id, quo spiritus  
 offendatur. At sic non est tollere febrem, sed longiorem facere.  
 oportet enim attenuari, atque expelli bilem, quod frigidus aëre  
 & victu impeditur.



*Victus à prin-  
cipio.*

8 Esto ergo à principio victus tenuis, & calidus, & tepens aër, præsertim vbi bilis in hyeme febrem hanc gignit. Non tamen calidus in substantia cibus, sicuti piper, & allium, & sinapis; ne facile vertatur in bilem, nutriatque morbum. Sed calidus sit humidusque ac tenuis, ea tamen caliditate blanda, quæ bilefcere nescit, qualis in buglossa, acetosella, intubo, & similibus.

9 Attamen paulò pleniorẽ desidero victum in tertiana, quam in quotidiana, seu pituitosa febris: retundit enim acrimoniam bilis, & exsiccationi occurrit, & spiritui elabenti succësorem facit copiosum. In biliosis enim exhalat copiosior, quam in pituitosis febribus.

*Occurrit ob-  
iectiõni.*

10 Et licet Galenus tenuẽ victũ præscribat aliquando, modicũque febribus breuioris tẽporis: nullaque sit breuior tertiana, quæ cum longissima est, septem circuitibus, hoc est, vigesimo die soluitur: aliquando enim quinto, aliquando quarto, aliquando tertio cessat omninò, vbi materia morbi tenuior, concoctũque facilis; nam cum signa cõctionis apparent in principio, non progreditur ultra tertium circuitum. In ea autem quæ longior futura est, pleniori cibo Galenus cibatur. Nihilominus hoc verum est, vbi expectatur conflictus & crisis subitò, & à principio. At paulò post ob resolutionem spirituum & calorem auctum cibatio plenior debetur. Non resoluuntur autem spiritus in aliis febribus tam copiosè, quam in biliosis. In quibus etiam valdè attenuantur & exacuuntur ad delirium. Idcirco plusquam in pituitosis alendi sunt tertianarij biliosi: eoque magis, quod bilis cibo pleno non augetur, sed tenui. Et quidem à Galeno cibi nominantur optime congruentes tertianæ, exceptis forte pedibus suum, qui ob crassitiem difficile conuertuntur in substantiam cibati, haud tamen in bilem: & profecto caro suilla directè bili aduersatur.

*Victus post  
principium.*

11 Post principium verò, & cum signa cõctionis apparent, tunc frigida propinari possunt, ne reliquæ hecticæ fiant: & ad hoc valet frigida potus, vt diximus in causo: nò ad febris extinctionem, quo nihil lethalius, vbi natura febriendum est, sicut nuper dicebamus. Balnea quoque dulcia ad idem valent, vtque simul renues biles efferantur: cui intentioni contraria sunt balnea salsa, & nitrosa.

12 Planum est enim in nostro dogmate, quod febris accendi non potest, nisi spiritus infestetur ab humoribus. Humores autem non infestant, nisi ob copiam, aut sordes: quæ abundant vel sordido



fordido alimento, vel ex prohibita transpiratione cutis, vel adstrictione venarum, vel alui, vel aliarum viarum, per quas educi solent excrementa. In hoc ergo valent Galeni decreta: ut per vrinam, & transpirationem, & alui deiectionem, & vomitum peccans bilis, omnisque alius sordescens aut oneratis humor, expellatur. Et hæc tota summa curationis.

13 Symptomata etiam oportet tollere: & iccur, in quo fit bilis, servare per ea, quæ dicta sunt prius.

14 Præterea quando tertiana non à sola bile efficitur, sed ab *Gallio.* omni humore: In hoc satagendum est, ut agnoscatur humor & causa; ac educatur, si in bonum verti non potest. Quod quidem dicere de bile atra, flauaque nequimus. Ex pituita enim est via ad sanguinem, non autem ex bile; cum potius ex sanguine sint adustissimo: & de privatione ad habitum non sit regressus, sicuti est de imperfecto ad perfectum accessus.

15 Ea quæ bilem euacuant *in 5. lib. diximus, & mox dicemus.* Interim nota, quo modo absinthium natura amarum, biliosum- *Nota de absinth. contra bilem.* que bilem extrahat per attractionem & sympathiam, supra remedia omnia. Nam & absinthio vefcentes pecudes, bile carent, & fellica vesica: quæ usu dempto minuitur, deinde tabescit extrahiturque sympathia absinthij.

*De tertianis, illegitimis vocatis.*

16 **Q**uomodo curetur febris continua à bile, & remittens, *Signa tertiana nota.* dictum est prius. Nunc de tertiana, quam vocant propterea notham, quod ex pituita & bile componi arbitrantur, eò quòd extenditur ultra septem circuitus, & signa coctionis in ea apparent tardius; paroxysmus excedit 12. horas: & rigorem habet longiorem, quam pura tertiana, nec ita magnum. Aliquando etiam absque rigore incipit. Caliditatem non multam habet: augmentum verò inæquale, & accidentia minus sæua; eadem tamen.

17 Propterea Galenus, *1. ad Glau. 10.* dat plus cibi agrotantibus, quam in pura tertiana, ut possint ad morbi diuturnitatem sufficere: & ubi vires validiores, minus; ubi debiliores, plus; eiusdem tamen generis atque in pura: sed tamen paulò calidiorem. Alij rectè in die quietis bis cibant benè; semel in die accessionis ante accessionem: & aliquid modicum in remissione. Incisium ex parte offert Galenus, & calefactium, ut crassities pituitæ pel-

*Cum ex Galeno.*



latur:ponit & piper in cibo. Præterea in mulsâ coquit origanum vel hyssopum, vel spicam nardi ad potum: & prouocandum vrinam; & cætera huius generis.

18 Vritur & phlebotomia, quoniam plenitudo est humoris, & euacuationibus iam dictis, præcipue per absinthium: vomitum prouocat post cibum; & clysteria ante non admodum mollia, qualia ex malua, mercuriali, foliis violæ nigræ, origani, hyssopi. Alij Medici addunt alia, quæ propius respiciunt pituitam.

*Tertianum fieri ex pituita.*

19 Quibus ex decretis facile colligimus, tertianam etiam à pituita fieri, nec bilem addi, nisi quemadmodum in cæteris causis morbificis: quæ omnes Iouberto bilem secum habent. Quod & vomitus utilitas contestatur: & sine rigore paroxysmus, & medicamenta conferentia pituitosis. Et quoniam Galenus per sex menses durasse vidit hanc tertianam, nos verò per tredecim tertianam hanc etiam duplicem: quod mirabilius esset, si à bile tenuissima continuo agitata eductaque facile, fieret, & non potius ex pituita. Tertianam ab atrabile contestantur, & continuas quartanarum & multiplicitas, vt superius dictum est. Ideoque curanda iis, quæ bilem purgant atram.

*Item ex atrabile.*

### *De quartanarum intermittentium cura speciatim.*

#### ARTIC. IV.

*Tempus & effectus quartanae. Cura ex Galieno. Vitiis.*

**Q**uartana intermittens habetur pro tutissima febrium: quamuis longissima; nam quæ incipit in autumno, desinit in vere plerumque. Est etiam vbi ad duos, tres, imò plures annos porrigitur, & ad 12. si credimus Auicennæ. Contingit tamen plerumque ob tot febriles circuitus habitus hecticus à calore & siccitate. Et cum lien scirrhum ob hanc febrem incurrit, aut cancrsam dispositionem, lethalis est, & sæpe hydropem affert. In æstate exorta breui sanatur; in hyeme vel autumno, tardissime. Et pessima est, quæ non per se incipit, sed ex præcedenti morbo, qui assauit sanguinem.

2 Quartanam Galenus, 1. ad Glauc. 11. ab initio leniter tractat absque medicamine, & euacuatione, nisi fortè sanguis abundet: & tunc incisa vena interiori, vel media sinistri cubiti; obturanda tamen, si non crassum, nigrumque, sed tenuem aut flauum emittat. Deinde victum instituit sine flatibus ac optimum. Prohibet suillas carnes, omniaque tenacia edulia, & tardum habentia exitum: & refrige



& refrigerantia & exsiccantia. Probat volatilia boni succi, in paludibus non degentia. Probat & pisces coctu faciles, molles carnibus; nihil tenax habentes. Item salsamenta & sinapi. Vinum imperat album, tenue, ac mediocriter calidum. Certis diebus diatrion pipercon medicamen in potu dat, vel diospoliticum. Commendat etiam si quotidie piper cum aqua bibat æger. Friciones laudat magis quam balnea: laudat & deambulationes, & exercitia ordinaria: si quartana sit levis, nec admodum violenta. Præterea mollibus cibis & sorbitionibus (credo) solitis aluum mollire iubet. Quibus non proficientibus, clysteribus utendum, à principio quidem mollibus, postmodum vero acribus. Hæc omnia ab initio ad statum.

3 At in statu subtiliorem victum dat, quam ante vel post. *Quic* *Cura sustin-*  
*tu.* tem imperat, viscera cataplasmatibus quæ mollire & laxare valent & vnguentis afficit. Deinde quæ urinam cient propinat; & ubi coctionis signa apparuerint, pharmacis atros humores tollentibus purgat, non semel sed sæpius, si visum fuerit, vomitum à cibo procurat etiam elleboro albo radiculis permisto: vel per se, ubi permistum non iuuerit. Purgandi autem per inferiora sunt, qui ad vomitum sunt difficiles. Deinde theriacam dat, *Periculum*  
*non seruantis*  
*hanc pharm-*  
*aciam.* succumve cyrenaicum. Et hunc non seruanti ordinem protestatur ex simplici quartana, difficiliorem vel duplicem efficere, & ex duplici triplicem. Quemadmodum Eudemo Philosopho accidisse idem Galenus in lib. de præcognitione narrauit. Si quidem humor medicamento perturbatus plus vrget, & partibus in pluribus, non autem educitur crudus adhuc.

4 Haud rectè quidem Gal. videtur victum in quartana instituisse, quandoquidè non nisi ex atra bile vel humore melancholico, quem siccum calidumque esse docuerat, constituit. *Ratio peysi-*  
*calis.* Etenim etsi bene improbet refrigerantia & exsiccantia, haud tamen benè salsamenta & sinapim videtur iubere: ex quibus sequitur sanguinis assatio, & atræ bilis generatio. *Correctio.* Quod si hoc fecit experimento ductus quod iuuerit, existimare debuerat, non ex atra bile omnem fieri quartanam, sed etiam ex pituita crassa; quam attenuare minuereque oportebat. Neque enim trium piperum medicamen alia ratione valet, cum eius vis sit assare sanguinem, & assatum exsiccare atque indurare, ex quo sequitur atræ atque flauæ bilis generatio, iuxta Galeni dogmata. Nisi agnoscamus in quartana pituitam, & cruditatem, in pueris præ-



*victus quartana ex a-  
trabile secū-  
dum pro-  
priū dogma.* certum atque mulieribus. Leo etiā quartana dicitur laborare, ob  
ingentem, pipereuniquē calorem, quo sanguis affatus plurimum  
melancholiā gignit. Igitur in quartana ab atra bile, victum ca-  
lidum humidumque instituemus.

5 Est etiā alia quartana à pituita crassa crudaque, in qua ca-  
lidus, & incisuius, & tenuis substantiæ est parandus.

*In quartana  
ex pituita.* 6 In quartana verò ex salsa pituita crassaque ortum habente,  
humectans victus, & non adeo incisuius, vt in pituitosis crud-  
ditatibus; neque adeo calidus, instituendus est: quemadmo-  
dum & in tertianis dicebamus. Auicenna vero hanc agnoscens  
quartanam, refrigerantem & humectantem præscribit.

*In quartana  
ex salsa pi-  
tuita.* 7 Cum vero ab adusto sanguine, non adeo torrefacto ortum  
ducere agnouerimus, cibus erit qui humectet, & leniter cale-  
faciat, & sanguinem gignat tenuem.

*Ex sanguine  
adusto.* 8 Quod vero in principio medicamenta non propinat Gale-  
nus fortia, ne crassus humor perturbetur, bene est, sed præpa-  
randus videtur ad coctionem.

*In Galenum.* 9 Nescio qua ratione Galenus expectet quartanæ statum ad  
huius morbi curationem, in quo & victum tenuiorem, & quie-  
tem, & cataplasmata, & vnctiones viscerum præcipit; cum pa-  
lam sit ad plures annos quartanam produci; & principium, au-  
gmentum, status, & declinatio, sibi correspondeant. Oportebit  
*In quartana  
longissima  
quid.* ergo per plures menses expectare statum & per annos: nam  
Auicennas vsque ad duodecimum protrahi quartanam vidit.  
Ergo signa coctionis, ex quibus cognoscitur status tertio post  
anno apparuerint, oportet.

10 Quis ergo Medicus tantas facere obseruationes quiverit?  
Profecto docendi eramus à Gal. qua ratione in his procedendum  
esset in quartana longissima. Idcirco arbitror febres quartanas  
plurimas, ex eo quod continuo bilis generatur atra, ad rot an-  
nos produci, vel quia spiritus consuetudinem accipit ita pu-  
gnandi quacunque ex passione etiam non infestante: sicuti qui  
aliquid facere aliqua in hora solent, vel expergisci ad rem diui-  
nam, semper in illa hora instigantur ad actionem, vel exper-  
giscuntur. Ergo remedium erit ab hac consuetudine spiritum  
retrahere, quod non nisi magna passione motuque contingere  
solet, priorem obruente passionem, & in se ipsam transferen-  
te. Vidimus enim quartanarios diuturnos in flumen cadentes,  
alios vero tortura iudicis attritos; sanatos penitus à quartana,  
quod



quod considerare Medicis maxime opus erat, neque iudicare de omnibus secundum similitudinem breuium morborum. Item *Quando v-  
redum phar-  
maco.* diximus superius de his, qui tarantula mordentur & de his qui se ipsos verberare solent, redeunte pruritu, tempore eodem redeunte.

11 Utendum arbitror pharmacis atram bilem minorantibus, & preparantibus, quando ex atra bili originem quartana trahit, quod post septimum diem facere Celsus iubet; Galenus rationalius abstinere, donec inchoata quardam coctionis signa apparuerint.

12 Minuunt quidem cassia, sena, epithymum, catholicon, & *Qua atram  
bilem mi-  
nuunt dispo-  
nuntque.* pilulae ex fumaria & hiera. Preparant sarza parilla, tamarix, borrago, viola, fumaria, scolopendrium, lupuli, cassuta, capparis, oxymel & huiusmodi, sicut in 5. lib.

13 Euacuant venae sectio, praesertim ubi haemorrhoides aut *Qua euacuant.* menses suppressi sunt, aut melancholicus exuberat sanguis, administrata ea ratione, qua Galenus praescripsit.

14 Purgant pilulae indae, e lapide cyaneo, ex lapide lazuli & *Purgantia.* fumaria, cum puluere hierae, diacolocynthid. asarum, confectio hamech, agaricus trochiscatus cum aqua vitae, &c. saturnina medicamenta.

15 Paulo ante disputabamus quod in die accessionis non erat praebendum purgans medicamentum: nunc autem Hippocratis autoritate suffulti, hoc non negamus in quartana, quando spiritus diebus duobus a conflictu quiescens roboratus est: humor enim agitated belligerante spiritu aufugit ad attractiuum medicamentum, dummodo id facere queas absque spiritus resolutione.

16 Sudores & vrinas non mouebimus ante coctionem, seu sequestrationem, ne conturbatus humor crassus longe magis affligat spiritum. *Cientia vrin-  
as & sudores.* Caetera prout Galenus praescripsit, recte se habent, vt de theriaca. Alij addunt mithridarium, asplenium, piper, myrrham, pentaphyllum, hypericum, buglossum, trifolium, succum rutae, heliotropij semen, & alia huiusmodi, quae non nisi in atrabiliariis probantur.

17 Cum enim ex aliis causis non raro oriatur quartana, alia *Cum ex aliis  
causis oritur,  
cura.* medicamenta illas respicientia causas, praebenda sunt. Puto enim contra faeculentum sanguinem, & contra pituitam non salisam proficere aquam vitae, & quintas essentias aromatum.

18 Lienem.



18 Lienem, iecur & ventriculum corroborare memento, tollere obstructionem, scirrhus, & ea quæ ex quartana accidere solent, & præuenire ne fiant, iuxta regulas suis traditas in locis.

*De quintana, septana & nonana, & cæteris.*

C A P V T V I I I.

*Contrauersia  
de quartana  
& quintana.*

1 **Q**uintanam, septanam & nonanam Hipp. plurimorum experientiorum peritissimus, fieri testatur 1. *Epid.* Galen. eas negat, excepta quintana: tamen ne Hipp. contradicat, posse fieri faretur. Quærit tamen quo ex humore fiat, & cur non datur etiam sextana, octana & decana?

Auicennas ex causis quartanæ ipfas producit, in cæteris tacet.

*Responsio, cur  
quintana, se-  
ptana, & no-  
nana sint fre-  
quenter, non  
autem octa-  
na.*

2 Nos autem facile respondemus, omnes has contingere, sed rarissimis temporibus, propterea occultas esse. Credo tamen ex eo quod cum Luna ad suum sextilem pergit, & ad quadratum, & ad trigonum, tunc mouentur humores magis. Ideoque quintanam, & septanam, & nonanam facere frequentius, sicut in 4. lib. loquentes de crisi bus admonebamus. In cæteris vero, quia non dantur aspectus, filere humores. Ergo sextanas, octanas, & decanas non reperiri. Humores autem esse tales, qui per se haud moueri queant, nisi cælo iuuante.

*Quintana  
periculosa.*

3 Quintanam periculosam facit Hipp. quod inde euenire putandum, quod ad suum sextilem perueniens Luna amicum, id est, aspectum, auget malum, quod in principio constitutum erat, & sic quoties ad quintas, sibi inuicem fauentes accedit, periculum facere.

*De septana.*

4 Septanam vero minus periculosam dicimus, quia Luna ad quadratum vadens, inimicum morbo aspectum, potius naturam iuuat sex ante diebus, præsertim instaurata.

*De nonana.*

5 Nonana, mitius periculosa est ex natura humoris; quod non potest nisi ad tempus perfectæ amicitiae, per trinum denotata, resumere vigorem. Interea vero natura roborata est; idcirco periculis vacat, non ex parte aspectus, sed humoris.

*De annua.*

6 Annuam febrem, qualem in Antipatro proponit Plinius, putamus ex temporis sympathia & spiritus reminiscens à temporis similitudine consuetudinem refici, quemadmodum dictum est de verberatis, & à tarantula commorsis.



7 Medicinam applicat Auicennas, qualem quarranariis prædictis febribus. Nobis autem humoris natura illam præscribet. *Quod phar-  
macum illi  
febribus.* Quam cognoscemus ex anni tempore, ætate, victu præcedente, temperatura corporis, passionibus præeuntibus, calore & habitu, quemadmodum dictum est: & sic applicabimus medicamenta proprium humorem respicientia, vel quæ communia sunt omnibus.

*De compositis, & confusis febribus.*

C A P V T I X.

**F**ebres compositas variis modis Medici enumerant, atque confusas.

*De confusis.*

A R T I C. I.

**H**As enim docent fieri ex duobus humoribus eodem tempore incipientibus & desinentibus, earumque numerum faciunt quaternarium. Etenim datur synochus spuria, quæ non in solo sanguine accenditur, sed cum mistura alterius humoris: & quotidiana spuria, ex pituita & bile: & tertiana spuria, etiam ex bile, & pituita: & quartana spuria, ex atra bile, & altero humore. Et hoc se agnoscere profitentur, quoniam accessionum principia mista sunt ex rigore, & frigore in quotidiana, & calore acri, & minus acri, exque cæteris signis commistis. Item ex diuturnitate. Simplex enim tertiana septem circuitibus terminatur: spuria vero confusa pluribus. Idem in aliis febrium generibus agnoscunt: nam & œdema non semper à pituita simplici, atque inflammatio à sanguine solo semper; neque erysipelas à sola bile: neque cancer ab atra sola, sed ex commistis aliquando fiunt.

*De compositarum typis.*

2 **C**ompositas illas faciunt, aut ex phlegmone, læsionéque partis & febre, ut in pleuritide, cardialgia; aut ex generibus communibus febrium diuersis: sicuti hectica, cum humoralibus & humoralis cum spiritalibus aut ex generibus propinquis, ut cum synochus cum quotidiana, & quotidiana cum tertiana, & tertiana cum quotidiana, & quotidiana cum tertiana, & tertiana cum quotidiana.



generibus fe-  
brium com-  
munibus, &  
propinquis 3.  
ex speciebus  
eorundem ge-  
nerum.

na, & quartana cum tertiana, & sic de singulis; quarum typi sunt quatuordecim: licet Medici hos minimè numerent. Aut ex speciebus eiusdem generis, & hic ponunt quotidianam duplicem, cum bis in die inuadit; synochum enim cum sit continua, non duplicant. Ponunt & tertianam duplicem, cum singulis diebus in diuersis horis, adest inuasio, qualis in tertianis. Dant & triplicem tertianam, cum primo die bis inuadit paroxysmus tertianus, agnitus ex signis pathognomonicis, & secundo die semel, tertio bis. Quadruplicem qui ponat non vidimus. Dant & duplicem quartanam, cum scilicet primo & secundo die febris mouetur atra, biliosa ferens signa, tertius vacat: in quarto & quinto mouetur secundum eosdem typos, primi & secundi diei. Triplex quoque quartana est, cum primo, & secundo, & tertio die inuadunt paroxysmi quartanariorum: & iterum respōdet quartæ diei tempus & modus inuasionis primæ & quintæ: secundæ, & sextæ, tertiæ. Quæ sanè ne sit quotidiana, accessionum sola forma facit, ait Galenus 2. de Crisib. Eorundem typorum differentiis commiscet quintanam præfatis: quam tamen duplicant nunquam sicuti cæteras, neque septanam, neque nonanam.

Ratio com-  
positionis in-  
termittentiū  
4. modis.

3 Componunt etiam similiter intermittentes & continuas ad inuicem: haud tamen duas continuas, sicuti duas intermittentes: continua enim in toto fit sanguine, vel in vasis magnis: suntque vniformes; sed diffformes copulant, vt tertianam continuam cum quotidiana continua.

4 Et vt dicitur 2. de Crisib 9. per ideam omnium complicatio- num quatuor modis copulatur tertiana cum quotidiana. Nam vel ambæ sunt continuæ: vel ambæ intermittentes: vel tertiana in- termittens cum quotidiana continua: vel quotidiana intermit- tens cum tertiana continua.

5 Hemiritæum. i. semitertianam vocant, quæ ex tertiana in- termittente & quotidiana fit continua; ex pituita putrescente bi- li putrefactæ (aiunt) admista. Quæ vbi sunt æquales, medium fit symptoma, ex tertiana non oritur rigor: in quotidiana refrige- ratio extremorum. Ergo in hemiritæo exquisito fit horror ri- gore minor, refrigeratione maior: sic in cæteris signis est mistu- ra & difficilis cognitio. Verum vbi præualet tertianus humor, ri- gori propinquat magis paroxysmus: & calor maior, & acrior, & bi- lis vomitus, vel deiectiones succedunt; vbi quotidianus, maior refrigeratio, minor sitis, pauciores horrores, pulsus submissiores, & calor minor.



6 Quapropter cū æqualiter mista vident symptomata, æquatis medicamentis mistis succurrunt hemitritæo: vbi verò plus inualefcere tertianam, ibi plus eorum, quæ cōtra tertianam adhibentur. Similiter si quotidiana potior, huic magis occurrunt; miscendo plus medicaminis pituitam respicientis. Et hanc methodum in aliis complicatis seruandam iubent.

7 Certiorem habent discretionem cum diuersis inuadunt horis, & typis.

*Examen prædictorum typorum complicatorum, quorum causæ ex Medicorum sententia, natura & Medicis contradicunt.*

8 **V**Erum huiusmodi decreta inscrutabilia eueniunt Medicis, <sup>Vnde præcipue fons errorum Medicorum.</sup> propter humorum & elementorum distinctam quaternitatem: vnde coguntur sibi ipsis contraria dicere & sentire. Profectò enim si ignis & aqua contraria sunt in omnibus qualitatibus, vt ipsi aiunt, ac pariter pituita & flaua bilis; nullo pacto misceri poterunt, vt spurias tertianas, vel quotidianas efficiant, eodem tēpore incipientes ac desinentes: nec hemitritæum ex prædictis æqualibus. Quantum enim exorbitat alter humor in qualitate, tantum retunditur ab altero, & sic non accendetur febris: præsertim si febris, vt ipsi aiunt, est accessio in humoris foco. Quomodo enim accendetur aqua & ignis in eodem foco à calore extraneo, cum tantum alter obediat accensioni, quantum repugnat alter? Nec quidem æquata possunt exorbitare. At si dicas exorbitantiam esse in quantitate sola, non in qualitatibus, cum febris sit ardor & motus, qualitas & actus, nequaquam ob quantitatem generabitur. Neque enim vrentur ligna, quantumuis plurima, nisi calorem aliunde suscipiant multum. Non suscipiunt ex se ipsis, cum sint modici caloris, & à frigore misto retusi, ligatique: Ergo oportebit à spiritu accendi calorem feruentem in humoribus, sicuti nos dicebamus, & non humores ipsos accendi, cum sint æquales in qualitatibus in eodem foco. At si in diuersis focis Medici tertianam notham, atque hemitritæum accendant: profectò non poterunt simul accessiones in vnam conuenire: quemadmodum ipsi volunt in confusis vocatis. Erunt etiam alia symptomata frigida in ventriculo, alia calida in iecore. Medici autem ea confundunt in horrore; si non sint humores quatuor tantum non contrarij, posset reddi causa prædictorum confusorum &



compositorum, quam Medici fallacem dant quatuor & contrariis.

*Vel dantur  
alij humores  
medij, vel  
omnis febris  
ab omni hu-  
more.*

9 Quapropter verius erat dicere, humores non esse solum quatuor, neque inter se contrarios, sed differentes, & medios reperiri inter pituitam & bilem: qui accensi faciant medias febres. Vel quasunque febres à quocunque fieri humore pro sui copia & loco, & affecto membro.

10 Præterea si non complicant synochum cum quartana, quod faciendum erat, si oppositorum est unio: quomodo tertianam cum quotidiana miscebunt? Non enim maior oppositio est inter aërem & terram, id est sanguinem & atram bilem, quam inter aquam & ignem in schola Medicorum. Neque enim continuïtas synochi obstat, cum & continua quotidiana tertianæ intermittenti misceatur. Ecquis etiam discernet, an synochus cum quotidiana coeat; cum pituita Medicis sit ipse sanguis crudus, & eiusdem sæpe foci? Profecto ut plurimum esset ita coniunctio. Nec tamen Medici hoc agnouerunt, aut docuerunt. Nos autem ita esse putamus: cum quotidiana remittens adest, plerumque.

11 Præterea cur tertianus quartano haud frequentius iungitur, docendi eramus, sicuti typus tertianus quotidiano; quandoquidem tellus & aqua facilius ob symbolum coeunt, quam ignis & aqua?

*Ratio.*

12 Mirum etiam quod non declarant, qui humores quibusque in spuris confunduntur. Et cur si omnis humor, typi spuriarum non multiplicantur. Profecto inertiae inculcandi veniunt, & feruilitatis. Non enim aliud ab his, quæ Galen. & Hipp. tradiderunt experiri & docere, aut supplere sategerunt; unde neque exemplum perfectum dare, nisi de hemitritæ norunt: & omnes subscribunt priorum dictis, quasi pecudes aliarum post alias insequentes. Profecto si omnis humor sanguini miscetur febricitanti, nascuntur quatuor febres, & si non omnes continuæ, quia non æquantur humores, erunt saltem aliarum continuæ, aliarum remittentes, aliarum intermittentes, vel ex eorum typis compositæ, sic cum alijs humores pituitæ complicantur, sic cum bili atræ, & cum flauæ.

*Ratio.*

13 Sed illud mirabilius, quod bilem subito totam fugari in exquisita tertiana volunt, in hemitritæ autem permanere diutius. Si enim feruor continuus est in pituita, non sinet ullas post primam accessionem reliquias bilis, vel non permittet, ut tertio die ardorem moueat. Continuo enim agitur, & vincitur, & pelli-



tur calore febrientis. Si autem dicas retineri à pituita commista in eodem foco: tunc oportebit à pituita quoque retundi & vinci, vt non moueat proprium feruorem. Si autem in diuersis focis, tunc omnes reliquæ tenuioris humoris per continuam alterius incensionem expellentur ante accessionem sequentem. At cur est longa & periculosa, quæ breuior & securior esse debebat, tanquam sui interemptrix? alter enim humor alterum minuit, & accessio alterius, alterius tollit accessionem.

14 Præterea qua ratione quotidiana duplicatur, & tertiana tri- *Ratio 7.*  
plicatur, & quartana, explicare non potuerunt. Aut enim in eodem foco est pituita, primam accessionem faciens, cum pituita secundæ accessionis eiusdem diei; aut in aliis. Si in eodem, ergo idem humor bis in die augetur, & bellum ciuitatis, & nihil profuit prior accensio, vt pellatur foras & minuatur. Et agnoscendum est pituitam non solam quotidianam facere, sed mistam, & omnes pro periculi & infestationis ratione: si verò in diuersis focis, tunc prior accessio secundam abolebit, aut minuet valdè. Febris enim vniuerso in corpore grassatur. Ergo si non minuebatur à priori, poterat continuam facere: vel si magis minuebatur, tertianam; non enim eodem die moueri minuta valet, sed sequenti. Ergo humor pituitosus etiam tertianam faciet.

15 Eadem argumentatio est de tertiana duplici, & fortior de *Ratio 8.*  
triplici: Siquidem accessio prima secundam aufert, aut valdè minuit, humorem secundo suscitandum attenuando, & expellendo: multò autem magis tertio suscitandum, quam tamen constat aliquando maioris esse afflictionis.

16 Præterea cur ex quartana simplici fit duplex, dicendum *Ratio 9.*  
erat; theriacâ ante coctionis epotâ tempus. Et si enim turbatur ab inimico pharmaco, non tamen augetur. Constat etiam absque pharmaco duplicari, & triplicari. Quod si exagitata fæx à feruore priori parum sedatur, & sequenti die inuadet irritata; tunc fatendum non esse duplicem quartanam, sed eundem humorem posse & quotidie, & tertio quoque, & quarto quoque suscitari die, & spiritum turbatum ab eo in pugnam sic accendi. Si verò idem humor in plures partes dispersus est: ideòque in alia parte hodie accenditur, & in alia cras: tunc oportebit accensionem hodiernam maiorem esse crastina, si copiosior pars atræ bilis prius mouet, vel in membro nobiliori, prius accenditur: minor verò portio, vel in ignobiliore membro, posterius:



& tamen non sic semper se habet.

*Diversa species humorum eorumdem*

*Conclusio. quod omni febris ab omni humore, & quod sunt multiplices species humorum, & nō 4 Confirmatio*

17 Quapropter tutior sententia, quæ ab eodem humore plures accendit febres, & quæ non quatuor, sed plurimos adducit, spretis elementis quatuor; cum præsertim pituita salsa, ac dulcis differant plusquam dulcis & sanguis, & acida vitreæque, & serosa ab his, plusquam à bile atra flauæque. Similiter bilis flaua, & pallida, & porracea, & æruginosa inter se plus differant, quàm porracea à pituita, & æruginosa ab atra bili. Item excrementa nigra non habent acidum acerbumque saporem, nec fermentant terram, uti atra bilis: quæ aceto acerrimo perfimilis in sapor, differt tamen crassitie. A sanguine nigro eiusque sæce etiam differt, quoniam sanguis è vena eductus in vas. concrescit, densaturque statim caloris abscessu, efficitque serum supernatante sequestratum. Atra autem bilis non concrescit. Differt etiam ab assata flaua bile, quoniam hæc perniciosior: efficacior ad corroendum, & inficiendum, & venenandum. Addunt & melancholiam, & melancholicum succum Medici: nec tamen ex his adhuc didicere euentuum febrilium reddere exactas rationes, post tot experimenta sæculorum; sed dicta dicunt.

*Quæ februm complicationes probari debent secundum experimentum, & Philosophiam.*

## ARTIC. II.

*Prima complicatio est februm topica & uniuersalis.*

*Secunda, spiritalis humoralis, & solidalis.*

1 Arbitramur ergo cōplicationes fieri febris localis & communis, quando pars malè affecta, causa est, ut totum ad suas functiones & nutritionem malè se habeat, uti patet in pleuritide, & cardialgia, & vesicæ inflammatione. Item quando pars læsa minus principalis vocat spiritum, & humores ad sui auxilium, qui conturbati febrem partis ad totius febrem vocant.

2 Item febrem spiritalem, & humoralem, & solidalem aliquando misceri putamus, cum ex eodem humore per vaporem malum infestatur spiritus, & sordescit sanguis, & soliditas prauè sordide nutritur. Solet & obstructio hoc malum facere triplex, quoniam sordes remanentes, non transpirando incalescunt, suffocant implantatum solidi spiritum, & temperiem fœdant, enertuntque, sanguinem sordidant vruntque, spiritumque suo infestant volatu, & vapore.



3 Complicari quas vocant nothas febres vix concedam, sed alios esse biliosos humores in tertiana exquisita, alios in duplici vel copiosiores; alios in triplici: & similiter in continua, & in causa, & in hemitritæo. Nam & locus, & læsa pars, & lædens causo pro copia & robore febres variat, quemadmodum ex dictis palam est.

4 Et quia plura sunt genera atrorum humorum, qui ad bilem atram reducuntur Medicis per vim; propterea plures fieri ab eis febres, & continuas, & quotidianas, & quartanas, & quintanas, & septanas, vt ex dictis colligere licet. Quæ autem ex quo fiant tempus, ætas, victus & temperies, & excrementa, & abscessus, declarabunt. Imo ab eodem genere bilis atræ, opinamur omnem fieri febrem pro copia & robore suo, & lædendi commoditate, & refectionis suæ facilitate & difficultate, & læsæ partis nobilitate, sicuti ex dictis palam fuit.

Idem dicendum est de pituitarum generibus multis ad febres multas, & easdem, & de bilibus, & sanguinibus.

*Responsio ad argumenta Medicorum, in 1. artic. posita.*

5 **A**rgumentationes autem Medicorum ex mistura symptomatum, nulla est; nam humores misti non faciunt symptoma mistum, præsertim contrarij; sed humor medius natura facit mistum symptoma. Non enim causat rubedinem album & nigrum, nisi fiant vnum; multo autem minus effectum rubedinis.

6 Cum autem aiunt, quod quotidiana quotidianæ responderet, & tertiana tertianæ in effectibus complicatarum: fortasse concedendum est in variis locis augeri varios humores, & suo pro tempore quemque cogere ad pugnam spiritum. Et cum quæritur, quomodo secunda accessio non est minoris afflictionis, respondendum est, quod sit: neque enim ratio aliud suadere potest. Sed quomodo tertia accessio non est minor ob dictas contra Medicos rationes, cum sui feruor & sequentis primum humorem comminuerit? Respondendum quod copia humoris in suo foco & minera, valuit plus gignere, cum secunda afflictio fuerit minoris pugnæ. Verum si spiritus victor fuit, oportet tertiam accessionem pro sui rata, minui, licet non plusquam secunda



secunda, sed plusquam prima. Si vero spiritus incipit succumbere, & lassio sequitur maior, & pugna tertia augebitur, & tandem in continuam commutabitur. Et tandem victo quasi spiritu cessabit pugna, & videbitur æger benè se habere; & morietur; quia præter rationem cessauit febris, vt docebamus in lib. 4.

*Alia responsio  
ad secundum.*

7 Contingit etiam pharmaco alterum focus humoris peccantis extinguui, alterum minui, vel à spiritu ipso vincente absque pharmaco; & propterea alteram accessionem non redire; alteram redire; vel fortè cum ab eodem foco valido bis fiat infestatio, cum minucus fuerit fit semel, quia periculum minus. Est etiam vbi ex spiritus diffidentia cessat bellum; & vbi ex confidentia duplicatur ad crism, sicuti superius docebamus; quæ omnia pulsus, respiratio, & cætera: *n* 4. lib. considerata declarabunt ingenioso Medico. Rudes autem casu quodam sanabunt, & medicabuntur, & occident plerumque. Plures enim occidit Medicus, quam gula: vt plures gula, quam gladius.

*Responsio ad  
tertium.*

8 Quæ autem ex œdemate, & cancro, & erysipelate & inflammatione mistis adducunt Medici ad miscendos humores, longè à ratione ipsorum sunt: elementa enim Galeno, & Aristoteli, & Platoni in inuicem sunt transmutabilia, & non permanent intransmutata, sicuti Empedocli, propterea non possunt misceri insalubriter Galeno. Sed si pituita miscetur bili, minus vtrumque nocebit: cuius contrarium experimur ipsorum testimonio. Quapropter plures esse species bilis, & pituitæ, & aliorum humorum, omnesque succos ab vno fieri calore ex materia varia, varièque transmutata, dicendum erat, Et propterea non omnes cancos, neque omnia œdemata eiusdem esse speciei. Absurdum est enim putare omnes humores fieri à calore igneo, & tamen alios esse terreos, alios aqueos, alios aëreos igni contrarios. Sequitur enim ex hoc opinio Empedoclis, & Paracelsi de mixture. Et quod ignis non sit elementum, sed elementorum generator, aut congregator & disgregator, liberator, &c. Et quod elementa seruantur in misto, nec possunt in inuicem mutari. Primum concedit Alex. secundum Empedocles; vtrumque negant Latini Peripatetici, de quo in quæst. physiol. videre licet. Exemplum etiam Medicorum verum est in nothis febribus, non autem in complicatis.



*Febrem pestilentem confirmare quidquid de febribus, & typis earum contra Medicos locuti sumus.*

## CAPUT X.

**I**D E peste quidem in principio lib. 6. locuti sumus. Nunc de febre pestilenti dicere præsentī conducit disputationi: siquidem, quemadmodum Medici dicunt, hæc febris à peste continua est, quod nobis fauet, periculum continuum ponentibus, à causa continua, id est ab aëris & communium rerum infectione: & quia primo in spiritum grassatur. Corrigendi ergo sunt Medici, qui in humore & soliditate hanc accendunt. Aër enim primo spiritum afficit, etiam Galeni testimonio.

*Correctio Medicorum*

2 Secundo fatentur Medici in nullo febris genere hanc ponendam esse: & id in febris malignæ definitione ponunt. Nam & continua, & tertiana, & quotidiana, & quartana remittens tamen; fit, & variat typum. Non enim puto intermittentem fieri posse, ob periculi magnitudinem, & ex parte causæ; nisi fiat ex spiritus ignavia, vel impotentia. Præterea cum in continuis rigor non fiat nisi fortè à principio, in hac sæpè sæpius excitantur, prout humores corrumpuntur, & spiritus eorum novis vaporibus mordicatur, vel refugit aërem infectum veneno: vel humores acres varias corporis partes mordent, aut venas & arterias. Propterea etiam cum venit ad remissionem, statim incautos decipiens Medicos, excandescit, quoniam modicus in quantitate, multus in virtute, vigor veneni, statim ex improviso movet incommoda, obligatque spiritum bello.

*Omnis febris potest esse pestilens.*

*Non data pestilens intermittens.*

3 Indicant & erraticæ febres ita evenire, cum aliquando excitentur lumbricorum motu; aliquando in fistulis acrimonia puris & saniei; aliquando improvisa obstructione necessariorum viarum & portarum viscerum & nutritionis; aliquando solis spiritus affectionibus; & studio, & speculationibus, & admirationibus, & ecstasibus, tam ad superiora quam ad inferiora. Item cum in aliquo membro putredo suscitatur, aut recipitur, aut ab aëre fit repercussio transpirationum, ut patet in catarrhis. & cum contra ventum importunum ambulamus. Et cum aër pestilens est, sæniore excitat pugnas: nisi prius opprimat spiritum, quam possit capessere pugnam. Omnis etiam intemperies nova totius vel partium, ab ambiente vel à nutrimento generat febrem to-

*Quod omnis infestatio movet febrem ergo omnis est humor.*



picam, vel vniuersalem, mitem vel pestilentem. Nam & exanthemata pestifera quædam sunt, vt suis dictum est in locis.

*Epilogus con-  
firmans dicta  
de causis &  
typis contra  
Medicos.*

4. Hæc qui considerat, ab omni humore, & vapore, & infestatione siue per obstructionem facta, siue per sordes aliunde, siue per animi passiones, & corporis; vigilias, ebrietates, dolores, &c. intelliget omnem oriri febrem. Typum autem seruare cum causa stabilis intrinsecus regnat, & iuxta vniuersales cœlestium rationes communes agitur. Quas noui insultus, & materiæ & mixturæ rerum inferiorum, & causarum materialium & actiuarum, & concausarum, ab ordine & typo remouent, alterantque: motus enim necessarij & ordinati in causis fluctuantibus & contingentibus recepti, ab ordine & necessitate recedunt, vt in *Metaphys.* dictum est.

F I N I S.

*Errata*



*Errata sequentia præ cæteris corrigito.*

**P**agina 24. lin. 14. lege, & ileon, & cæcum, & colon. pag. 62. dele  
in marg. lancea. ibid. n. 3. leg. expellē das. pag. 115. lin. 8. pro in 14. leg. 4. lin. 23.  
lege in die sexto bonā cristim. 121. n. 4. leg. sputa. 252. lin. 6. leg. vneduris. 288. vbi  
Cap. VII. repone VIII. 292. pro Cap. VIII. repone IX. 300. num. 4.  
lege. Illa in dolore nouo : hæc in veteri. 324. n. 1. reuice hæc verba in margi-  
nem. Et domibus, & vasis. 337. in titulo pro & subi. lege ex subiectis. 407. n.  
6. lege rapæ radix. ibid. lin. antepenult. lege hydrargyro 486. sub finem. lege in-  
crassare chylum. 488. n. 13. leg. Qui verò. 501. in tit. leg. efficiētibz. 567. lin. vlt.  
leg. in latin. 569. n. 4. leg. in partibz. 608. li. vi. leg. propterea. 656. n. 4. leg. cœnosū.